

[www.molitvoslov.com](http://www.molitvoslov.com)



Большая часть сих молитв опубликована из печатных изданий:  
Молитвослов по благословению Святейшего Патриарха Алексия II;  
Полный Православный МОЛИТВОСЛОВ на всякую потребу  
по благословению издательского отдела  
Санкт-Петербургской епархии.  
Духовный цензор – игумен Николай (Парамонов).  
На создание сайта благословил схиигумен  
Оптиной Пустыни Илл.



## Краткое оглавление

<b>Молитвы</b>	<b>21</b>
<b>Божественная литургия</b>	<b>81</b>
<b>ЧАСЫ ТРЕТИЙ И ШЕСТОЙ</b>	<b>104</b>
<b>ПЕСНОПЕНИЯ ИЗ СЛУЖБ ТРИОДИ ЦВЕТНОЙ</b>	<b>113</b>
<b>ВЕЛИКИЙ КАНОН (ТВОРЕНIE СВЯТОГО АНДРЕЯ КРИТСКОГО)</b>	<b>122</b>
<b>РАЗЛИЧНЫЕ МОЛИТВЫ</b>	<b>173</b>
<b>Молитвы некоторым святым о путешествующих</b>	<b>211</b>
<b>МОЛИТВЫ СВЯТЫМ</b>	<b>216</b>
<b>Молитвы на разные случаи семейной жизни</b>	<b>266</b>
<b>МОЛИТВЫ В СКОРБЯХ И ИСКУШЕНИЯХ ТВОРИМЫЕ</b>	<b>329</b>
<b>МОЛИТВЕННОЕ ПРАВИЛО ПРЕПОДОБНОГО АМВРОСИЯ ОПТИНСКОГО</b>	<b>362</b>
<b>МОЛИТВЫ ЗА БОЛЯЩИХ</b>	<b>368</b>
<b>МОЛИТВЫ ОБ ИСЦЕЛЕНИИ ТЕЛЕСНЫХ НЕДУГОВ</b>	<b>384</b>
<b>МОЛИТВЫ ОБ ИСЦЕЛЕНИИ ДУШЕВНЫХ И ДУХОВНЫХ НЕДУГОВ</b>	<b>432</b>
<b>МОЛИТВЫ ПРИ НАПАДЕНИИ НЕЧИСТОЙ СИЛЫ ТВОРИМЫЕ</b>	<b>469</b>
<b>Молитвы ангелам на каждый день недели</b>	<b>492</b>
<b>МОЛИТВЫ ПЕРЕД ИКОНАМИ ПРЕСВЯТОЙ БОГОРОДИЦЫ</b>	<b>500</b>
<b>МОЛИТВЫ ЗА ОТЕЧЕСТВО</b>	<b>545</b>
<b>МОЛИТВЫ ЗА ВОИНОВ</b>	<b>552</b>
<b>МОЛИТВЫ О ЗАКЛЮЧЕННЫХ</b>	<b>561</b>
<b>НАПУТСТВИЕ ХРИСТИАНИНА ПЕРЕД СМЕРТЬЮ И ЗАУПОКОЙНЫЕ МОЛИТВЫ</b>	<b>570</b>
<b>КАНОН ПРЕПОДОБНОМУ ПАИСИЮ ВЕЛИКОМУ ОБ ИЗБАВЛЕНИИ ОТ МУК УМЕРШИХ БЕЗ ПОКАЯНИЯ</b>	<b>641</b>
<b>В ПОМОЩЬ КАЮЩЕМУСЯ</b>	<b>650</b>
<b>ЕДИНОВЕРЧЕСКИЕ МОЛИТВЫ</b>	<b>665</b>





# Оглавление

<b>Молитвы</b>	<b>21</b>
Молитва Господня. Отче наш . . . . .	22
Иисусова молитва . . . . .	23
Благодарение за всякое благодеяние Божие . . . . .	24
Молитвы утренние . . . . .	25
Молитвы на сон грядущим . . . . .	33
Канон покаянный ко Господу нашему Иисусу Христу . . . . .	40
Канон молебный ко Пресвятой Богородице . . . . .	44
Канон Ангелу Хранителю . . . . .	50
Последование ко Святому Причащению . . . . .	54
Акафист Иисусу Сладчайшему . . . . .	66
Акафист Пресвятой Богородице . . . . .	72
Благодарственные молитвы по Святом Причащении . . . . .	78
<b>Божественная литургия</b>	<b>81</b>
Проскомидия . . . . .	83
Литургия оглашенных . . . . .	84
Литургия верных . . . . .	95
<b>ЧАСЫ ТРЕТИЙ И ШЕСТОЙ</b>	<b>104</b>
Час Шестой . . . . .	105
Час Третий . . . . .	109

<b>ПЕСНОПЕНИЯ ИЗ СЛУЖБ ТРИОДИ ЦВЕТНОЙ</b>	113
Пасхальный канон, глас 1-й . . . . .	114
Во Святую и Великую неделю Пасхи . . . . .	119
Часы святой Пасхи . . . . .	120
 <b>ВЕЛИКИЙ КАНОН (ТВОРЕНIE СВЯТОГО АНДРЕЯ КРИТСКОГО)</b>	 122
В понедельник первой седмицы Великого поста . . . . .	128
Во вторник первой седмицы Великого Поста . . . . .	134
В среду первой седмицы Великого Поста . . . . .	140
В четверг первой седмицы Великого Поста . . . . .	146
В четверг пятой седмицы Великого Поста . . . . .	152
 <b>РАЗЛИЧНЫЕ МОЛИТВЫ</b>	 173
Призывание помощи Духа Святаго на всякое дело доброе . . . . .	174
Молитвы ко Господу Иисусу Христу . . . . .	175
Молитва водителя . . . . .	176
О путешествующих . . . . .	177
Молитвы ко Господу Св. Иоанна Кронштадского . . . . .	179
Молитва св. праведного Иоанна Кронштадского об укреплении в Православной вере и единстве . . . . .	180
Песнь хвалебная святого Амвросия, епископа Медиоланского . . . . .	181
Молитва по соглашению . . . . .	182
Молитва иерея (Прав. Иоанна Кронштадского) . . . . .	183
Молитвы иерея (св. Иннокентия, митрополита Московского) . . . . .	184
Молитва неграмотного после причащения Святых Таин (прот. И. Европейцева) . . . . .	185
Молитва в день рождения . . . . .	186
Молитва в день Нового года . . . . .	187
Молитва перед чтением духовных книг . . . . .	188
Молитва на освящение всякой вещи (священником) . . . . .	189
Молитва любимому святому . . . . .	190

<b>Молитва перед выходом из дома . . . . .</b>	191
<b>Молитва на вхождение в новый дом . . . . .</b>	192
<b>Две утренние малоизвестные молитвы . . . . .</b>	193
<b>Молитвы ко Пресвятой Богородице от человека, собирающегося в путь</b>	194
<b>Молитва на сон . . . . .</b>	195
<b>Молитва против антихриста . . . . .</b>	196
<b>Молитва на благословение пищи и пития мирянам . . . . .</b>	197
<b>Перед вкушением пищи . . . . .</b>	198
<b>После вкушения пищи . . . . .</b>	199
<b>Перед началом всякого дела . . . . .</b>	200
<b>По окончании дела . . . . .</b>	201
<b>Молитва последних Оптинских старцев на начало дня . . . . .</b>	202
<b>На принятие просфоры и святой воды . . . . .</b>	203
<b>О даровании молитвы . . . . .</b>	204
<b>Молитва идущего в церковь . . . . .</b>	205
<b>О даровании кротости и смирения в служении ближним. Молитва св. Иоанна Кронштадтского. . . . .</b>	206
<b>В печали по Богу. Молитвенный плач прп. Силуана Афонского. . . . .</b>	207
<b>Молитвы ко Пресвятой Богородице . . . . .</b>	208
<b>Молитва прп. Нектария Оптинского . . . . .</b>	210
 <b>Молитвы некоторым святым о путешествующих</b>	211
<b>Святителю Николаю . . . . .</b>	212
<b>Преподобным Кириллу и Марии, родителям преподобного Сергия Радонежского . . . . .</b>	213
<b>Святому великомученику Прокопию . . . . .</b>	214
<b>Святым сорока мученикам Севастийским . . . . .</b>	215
 <b>МОЛИТВЫ СВЯТЫМ</b>	216
<b>Собору двенадцати Апостолов . . . . .</b>	217
<b>Преподобному Пафнутию, игумену Боровскому . . . . .</b>	218

Преподобному Александру Свирскому . . . . .	219
Преподобному Серафиму, Саровскому Чудотворцу . . . . .	221
Молитва Святому Царю Страстотерпцу Николаю . . . . .	223
Тропарь Святому Благоверному Царю-Мученику Николаю о спасении России (из Службы Святым Царственным Мученикам) . . . . .	224
Святому равноапостольному Великому Князю Владимиру . . . . .	225
Святому блаженному Василию, Христа ради юродивому Московскому	227
Молитва новомученикам и исповедникам Российским . . . . .	228
Святому преподобному Иосифу Волоцкому . . . . .	229
Святому великомученику и Победоносцу Георгию . . . . .	230
Преподобному Серафиму, Саровскому чудотворцу . . . . .	232
Святителю Алексию, митрополиту Московскому, чудотворцу . . . . .	234
Святому апостолу Андрею Первозванному . . . . .	236
Святителю Димитрию, Ростовскому чудотворцу . . . . .	237
Преподобному Александру Свирскому . . . . .	239
Святому преподобному Силуану Афонскому . . . . .	241
Мученикам Адриану и Наталии . . . . .	243
Святому праведному Иоанну, Кронштадтскому чудотворцу . . . . .	244
Святителю Николаю, Мирликийскому чудотворцу . . . . .	246
Святителю Тихону, Патриарху Московскому и Всея Руси . . . . .	248
Преподобному Алексию, человеку Божию . . . . .	250
Молитва Небесным печальникам Русской Земли . . . . .	251
Преподобному Сергию Радонежскому, Всея России чудотворцу . . . . .	252
Святому благоверному Великому Князю Александру Невскому . . . . .	254
Молитва всем святым, в земле Российской просиявшим . . . . .	256
Вере, Надежде, Любви и матери их Софии . . . . .	257
Святым равноапостольным Кириллу и Мефодию . . . . .	258
Святой равноапостольной княгине Ольге . . . . .	259
Преподобному Даниилу Московскому . . . . .	260
Святым равноапостольным Константину и Елене . . . . .	261

<b>Святому благоверному князю Вячеславу Чешскому . . . . .</b>	<b>262</b>
<b>Святому князю Олегу Брянскому . . . . .</b>	<b>263</b>
<b>Святой равноапостольной Нине, просветительнице Грузии . . . . .</b>	<b>264</b>
<b>Молитва Преподобному Серафиму Саровскому . . . . .</b>	<b>265</b>
 <b>Молитвы на разные случаи семейной жизни</b>	 <b>266</b>
<b>Благословление на вступление в брак . . . . .</b>	<b>267</b>
Пресвятой Богородице в честь Ее иконы «Казанская» . . . . .	267
Благоверному князю Петру и княгине Февронии, Муромским чудотворцам . . . . .	268
<b>О покровительстве вступающим в брак . . . . .</b>	<b>269</b>
Святым бесребреникам и чудотворцам Косме и Дамиану . . . . .	269
Молитва супругов при бракосочетании . . . . .	269
Молитва о семье . . . . .	270
<b>О счаствии брака . . . . .</b>	<b>271</b>
Пресвятой Владычице нашей Богородице и Приснодеве Марии . . . . .	271
Архангелу Варахиилу — покровителю благочестивых семейств, Небесным чинам бесплотным . . . . .	271
Молитва апостолу Симону Зилоту . . . . .	271
<b>О совете и любви между мужем и женой . . . . .</b>	<b>273</b>
Святому апостолу и евангелисту Иоанну Богослову . . . . .	273
Благоверному князю Даниилу Московскому . . . . .	273
<b>О всякой семейной и бытовой нужде . . . . .</b>	<b>274</b>
Святой блаженной Ксении Петербургской . . . . .	274
Святой блаженной Ксении Петербургской . . . . .	275
<b>При детородном неплодстве . . . . .</b>	<b>276</b>
Святому пророку Захарии и Елисавете . . . . .	276
Праведным богоотцам Иоакиму и Анне . . . . .	277
Молитва супругов о даровании детей . . . . .	277
Преподобному Роману . . . . .	278
<b>При желании иметь дитя мужского пола . . . . .</b>	<b>279</b>
Преподобному Александру Свирскому . . . . .	279
<b>Молитвы беременных женщин о благополучном разрешении и о рождении здоровых детей . . . . .</b>	<b>280</b>
Пресвятой Богородице перед Ее иконой «Целительница» . . . . .	280
Пресвятой Богородице перед Ее иконой «Скоропослушница» . . . . .	281
Преподобной Мелании Римляныне . . . . .	281
Молитва беременных женщин о благополучном разрешении . . . . .	282

Пресвятой Богородице перед Ее иконой «Феодоровская» . . . . .	283
<b>О здравии младенцев . . . . .</b>	<b>284</b>
Молитва поименованному отрочати . . . . .	284
Молитва при наречении имени дитяти в восьмой день по его рождении	284
Молитвы в первый день по рождению дитяти . . . . .	285
Молитва святому праведному Симеону Богоприимцу . . . . .	286
Молитва матери отрочате . . . . .	286
Ежедневные молитвы о чадах . . . . .	286
Молитвы родительнице по прошествии сорока дней . . . . .	286
<b>Молитвы женщин, совершивших аборт (после абортов) . . . . .</b>	<b>288</b>
Молитва жене, егда извергет младенца (Читается только священником и только при ненасильственном выкидыше) . . . . .	288
Молитва женщины о загубленных во утробе своей душах . . . . .	288
Молитва 1 . . . . .	289
Пресвятой Богородице . . . . .	289
Молитва 2 . . . . .	289
Молитва 3 . . . . .	289
Молитва 4 . . . . .	289
<b>При недостатке материнского молока . . . . .</b>	<b>291</b>
Божией Матери Млекопитательнице . . . . .	291
Преподобному Ипатию Печерскому, целебнику . . . . .	292
<b>Молитвы отца или матери о детях . . . . .</b>	<b>293</b>
Благословение матери . . . . .	293
Молитва родителей на благословение детей . . . . .	294
Пророку, Предтече и Крестителю Господню Иоанну . . . . .	294
Вздыхание матери о своих детях . . . . .	295
Пресвятой Богородице перед Ее иконой «Взыскание погибших», или «Избавление от бед страждущих» . . . . .	297
Молитвы к Божией Матери . . . . .	297
Пророку, Предтече и Крестителю Господню Иоанну . . . . .	298
Молитва 1 . . . . .	298
Молитва 2 . . . . .	299
Молитва 3 . . . . .	299
Молитва к Ангелу хранителю . . . . .	300
Молитва о детях, преп. Амвросия Оптинского . . . . .	300
Молитва Ангелу-хранителю . . . . .	300
Святой великомученице Варваре . . . . .	300
<b>О воспитании детей в христианском благочестии . . . . .</b>	<b>302</b>
Мученице Софии . . . . .	302
<b>О развитии ума у детей . . . . .</b>	<b>303</b>

Молитва ко Пресвятой Богородице перед иконой Ее «Подательница ума» или «Прибавление ума» . . . . .	303
Мученику Неофиту . . . . .	303
Преподобному Сергию, игумену Радонежскому . . . . .	304
Бессребреникам и чудотворцам Косме и Дамиану . . . . .	305
<b>Молитвы учащегося . . . . .</b>	<b>306</b>
Молитва перед учением . . . . .	306
Молитва перед началом обучения . . . . .	306
Молитва об отроке неудобоучащемся (Плохо учащемся) . . . . .	306
Молитва после учения . . . . .	307
<b>О благосостоянии детей в обществе . . . . .</b>	<b>308</b>
Святителю Митрофану, Воронежскому чудотворцу . . . . .	308
<b>О потерянных детях . . . . .</b>	<b>309</b>
Великомученику Георгию Победоносцу . . . . .	309
<b>В печали о детях, где они находятся и живы ли . . . . .</b>	<b>310</b>
Молитва всем святым и Бесплотным небесным силам . . . . .	310
Преподобным Ксенофонту и Марии . . . . .	310
Великомученику Евстафию Плакиде . . . . .	311
<b>При нарушении сна у младенцев . . . . .</b>	<b>312</b>
Святым семи отрокам во Ефесе: Максимилиану, Иамвлиху, Мартиниану, Иоанну, Дионисию, Ексакустодиану и Антонину . . . . .	312
<b>При порче детей и об исцелении от «родимца» . . . . .</b>	<b>313</b>
Великомученику Никите . . . . .	313
<b>В болезнях младенцев . . . . .</b>	<b>315</b>
Святой мученице Параскеве, нареченной Пятница . . . . .	315
<b>О покровительстве детям . . . . .</b>	<b>317</b>
Мученику Гавриилу Белостокскому . . . . .	317
Праведному Симеону Богоприимцу . . . . .	317
<b>О целомудрии и благополучном замужестве дочерей . . . . .</b>	<b>319</b>
Молитва девицы о замужестве . . . . .	319
Великомученице Екатерине . . . . .	320
Праведному Филарету Милостивому . . . . .	320
Святому апостолу Андрею Первозванному . . . . .	321
Святителю Николаю, Мирликийскому чудотворцу . . . . .	321
<b>О спасении от насилия . . . . .</b>	<b>322</b>
Мученице Фоманде Египетской . . . . .	322
<b>При женском недомогании . . . . .</b>	<b>323</b>
Преподобному Давиду Гареджийскому . . . . .	323

<b>Об устраниении семейных неурядиц . . . . .</b>	<b>324</b>
Мученикам и исповедникам Гурию, Самону и Авиву . . . . .	324
<b>О заступничестве вдов и сирот, о помощи в нужде . . . . .</b>	<b>325</b>
Святителю Димитрию Ростовскому . . . . .	325
<b>О благополучии второго брака . . . . .</b>	<b>326</b>
Преподобной Афанасии игуменье . . . . .	326
<b>О скором возвращении супруга из дальней отлучки . . . . .</b>	<b>327</b>
Сорока Севастийским мученикам . . . . .	327
<b>О помощи в житейских делах, о благословении Божием над домом . . . . .</b>	<b>328</b>
Священномученику Власию, епископу Севастийскому . . . . .	328
 <b>МОЛИТВЫ В СКОРБЯХ И ИСКУШЕНИЯХ ТВОРИМЫЕ</b>	 <b>329</b>
<b>Об избавлении от искушения . . . . .</b>	<b>330</b>
Об избавлении от искушений . . . . .	330
О ненавидящих и обидающих нас . . . . .	330
Просьба защиты от обидчика. Мученику Иоанну-воину . . . . .	330
Молитва за неверующих, гонителей и презрителей правды . . . . .	331
Об умножении любви и искоренении ненависти и всякой злобы . . . . .	331
Ежедневная молитва святителя Филарета, митрополита Московского .	332
При непрощении обид и памятовании злого . . . . .	332
При охлаждении любви к близким . . . . .	333
При клевете и несправедливых притеснениях . . . . .	333
В скорби от поношений и непонимания . . . . .	333
О безропотном перенесении насмешек и гонений Блаженному Василию, Христа ради юродивому . . . . .	334
Против вражьего страха . . . . .	334
<b>В скорби или недуге . . . . .</b>	<b>335</b>
Молитва против крамолы . . . . .	335
Молитва ко Господу о прощении, заступлении и помощи . . . . .	336
Молитвенное вздохание ко Господу . . . . .	336
Вопль к Богоматери . . . . .	337
Об укрощении людского гнева . . . . .	338
Молитва святителя Димитрия Ростовского . . . . .	338
В скорби или недуге . . . . .	338
<b>При опасности потопления . . . . .</b>	<b>339</b>
Преподобным Зосиме и Саватию Соловецким чудотворцам . . . . .	339
Пресвятой Богородице перед Ее иконой Леньковскою, или «Спасительница Утопающих» . . . . .	340
Святителю Николаю, архиепископу Мирликийскому . . . . .	340

<b>В беде, печали и скорби . . . . .</b>	<b>342</b>
Святому мученику Трифону . . . . .	342
<b>При нападении грабителей . . . . .</b>	<b>343</b>
Святому праведному Иосифу, обручнику Пресвятой Девы Марии . . .	343
<b>Молитва о находящихся в запрещении и себя клятвою связавших . . . . .</b>	<b>344</b>
Молитва . . . . .	344
<b>Молитвы о примирении враждующих . . . . .</b>	<b>345</b>
Пресвятой Богородице перед Ее иконой «Умягчение Злых Сердец», или «Семистрельная» . . . . .	345
Молитва о примирении враждующих . . . . .	346
<b>Об умирании вражды между близкими . . . . .</b>	<b>347</b>
Святым благоверным князьям Борису и Глебу, в крещении Роману и Давиду . . . . .	347
<b>О помощи в бедности и нужде . . . . .</b>	<b>349</b>
О помощи в бедности и нужде. Святителю Иоанну Милостивому . . . .	349
<b>При нападении зверей . . . . .</b>	<b>350</b>
При нападении зверей. Великомученику Георгию Победоносцу . . . .	350
<b>От укушения гада . . . . .</b>	<b>352</b>
От укушения гада. Преподобному Алексию, человеку Божию . . . .	352
<b>О спасении от насилия . . . . .</b>	<b>353</b>
Мученице Фомаиде Египетской . . . . .	353
<b>Об обращении заблудшего . . . . .</b>	<b>354</b>
Ко Господу Иисусу Христу . . . . .	354
Об обращении заблудшего. Молитва к Божией Матери (Святителя Гав- риила Новгородского) . . . . .	354
<b>Молитвы от голода . . . . .</b>	<b>355</b>
Пророку Божию Илии . . . . .	355
Молитва от голода пророку Божию Илии . . . . .	355
<b>Во время голода . . . . .</b>	<b>357</b>
Святителю Спиридону, Тримифунтскому чудотворцу . . . . .	357
Святому священномученику Харалампию . . . . .	358
<b>От засухи, грозы, града . . . . .</b>	<b>359</b>
Пророку Божию Илии . . . . .	359
Блаженному Прокопию, Христа ради юродивому, Устюжскому чудо- творцу . . . . .	359
<b>На брань блуда . . . . .</b>	<b>361</b>

<b>МОЛИТВЕННОЕ ПРАВИЛО ПРЕПОДОБНОГО АМВРОСИЯ ОПТИНСКОГО</b>	<b>362</b>
1. Правило, читаемое во время скорби . . . . .	363
2. Правило, читаемое во время искушений . . . . .	365
 <b>МОЛИТВЫ ЗА БОЛЯЩИХ</b>	<b>368</b>
Канон за болящего, глас 3-й . . . . .	369
Молитва до и после чтения Евангелия . . . . .	374
Молитва болящей . . . . .	375
Молитва благодарственная, святого Иоанна Кронштадского, читаемая после исцеления от болезни . . . . .	376
Молитва в болезни . . . . .	377
Молитва во время эпидемии . . . . .	378
Молитва на всякую немощь . . . . .	379
Молитва за немощного и неспящего . . . . .	380
Молитва о том, чтобы с любовью ухаживать за болящими . . . . .	381
Молитва Пресвятой Богородице за болящего . . . . .	382
Молитва всем святым и ангелам за болящего . . . . .	383
 <b>МОЛИТВЫ ОБ ИСЦЕЛЕНИИ ТЕЛЕСНЫХ НЕДУГОВ</b>	<b>384</b>
О терпении болезней и несчастий . . . . .	385
Праведному Иову Многострадальному . . . . .	385
От разных недугов и болезней . . . . .	386
Священномученику Ермолаю, наставнику Пантелеимона, иерею Никомидийскому . . . . .	386
Преподобному Сампсону странноприимцу . . . . .	387
Молитва Архистратигу Михаилу . . . . .	387
Молитва Архангелу Рафаилу . . . . .	387
Мученику Трифону . . . . .	388
Преподобному Иову Почаевскому . . . . .	388
Святому и праведному Иоанну Кронштадскому . . . . .	390
Святителю Спиридону чудотворцу, епископу Тримифунтскому . . . . .	391
Святому великомученику и целителю Пантелеимону . . . . .	392
Святому великомученику и целителю Пантелеимону молитва вторая, наедине от лица болящего читаемая . . . . .	392

Пресвятой Богородице перед Ее иконой «Всех скорбящих радость» . . . . .	393
Бессребреникам и чудотворцам Косме и Дамиану . . . . .	394
<b>Головные болезни . . . . .</b>	<b>395</b>
Пророку, Предтече и Крестителю Господню Иоанну . . . . .	395
<b>Грудные болезни . . . . .</b>	<b>396</b>
Святому Димитрию, митрополиту Ростовскому . . . . .	396
<b>Глазные болезни, слепота . . . . .</b>	<b>397</b>
Святому мученику Лонгину Сотнику, иже при Кресте Господни . . . . .	397
Святому равноапостольному великому князю Владимиру, во Святом Крещении Василию, Крестителю Руси . . . . .	397
Святому великомученику Димитрию Солунскому . . . . .	399
Пресвятой Богородице перед Ее иконой «Казанская» . . . . .	400
Святителю Алексию, митрополиту Московскому, всея Руси чудотворцу	400
Святому мученику и архидиакону Лаврентию Римскому . . . . .	401
<b>Зубная боль . . . . .</b>	<b>403</b>
Священномученику Антипе, епископу Пергамскому . . . . .	403
<b>Болезни сердца . . . . .</b>	<b>404</b>
Святителю Иоасафу, епископу Белгородскому . . . . .	404
<b>Немота . . . . .</b>	<b>405</b>
Преподобному Иоанну Рыльскому . . . . .	405
<b>Потеря слуха и болезни ушей . . . . .</b>	<b>406</b>
Пресвятой Богородице перед Ее иконой «Нечаянная радость» . . . . .	406
<b>Болезни чревные, грыжа . . . . .</b>	<b>407</b>
Великомученику Артемию . . . . .	407
Преподобному Серафиму Саровскому . . . . .	408
Преподобному Феодору Студиту . . . . .	408
Праведному Артемию Веркольскому . . . . .	409
<b>Болезни ног . . . . .</b>	<b>411</b>
Святому праведному Симеону Верхотурскому . . . . .	411
<b>Увечье и боль рук . . . . .</b>	<b>412</b>
Преподобному Иоанну Дамаскину . . . . .	412
Пресвятой Богородице в честь Ее иконы «Троеручица» . . . . .	413
<b>Горячка, лихорадка, жар . . . . .</b>	<b>414</b>
Первоверховному апостолу Петру . . . . .	414
<b>Женские немощи . . . . .</b>	<b>415</b>
Священномученику Ипатию, епископу Ганггрскому . . . . .	415
<b>Проказа . . . . .</b>	<b>417</b>

Преподобному Антонию Великому . . . . .	417
<b>Бессонница . . . . .</b>	<b>418</b>
Святым седми отрокам, иже во Ефесе: Максимилиану, Иамвлиху, Мартиниану, Иоанну, Дионисию, Ексакустодиану и Антонину . . . . .	418
Святому преподобному Иринарху, затворнику Ростовскому . . . . .	418
<b>Паралич . . . . .</b>	<b>420</b>
Преподобному Иакову, игумену Железноборовскому . . . . .	420
<b>Болезни крови . . . . .</b>	<b>421</b>
Мученику и чудотворцу Иоанну-воину . . . . .	421
<b>Нарывы . . . . .</b>	<b>422</b>
Святым чудотворцам и бессребреникам, мученикам Кири и Иоанну . . . . .	422
<b>Кожные болезни и язвы . . . . .</b>	<b>423</b>
Праведному Артемию Веркольскому, чудотворцу . . . . .	423
<b>Водянка . . . . .</b>	<b>424</b>
Преподобному Ипатию, игумену Руфианскому . . . . .	424
<b>Расслабление тела с бессонницей, потерей аппетита и лишением каких-либо членов . . . . .</b>	<b>425</b>
Преподобному Никите Столпнику, Переяславскому чудотворцу . . . . .	425
<b>Рак . . . . .</b>	<b>427</b>
Пресвятой Богородице в честь Ее иконы «Всесарица» (Пантанасса) . . . . .	427
Пресвятой Богородице в честь Ее иконы «Всесарица» (Пантанасса). Молитва вторая. . . . .	427
Пресвятой Богородице в честь Ее иконы «Скоропослушница» . . . . .	428
Святителю Нектарию Эгинскому . . . . .	428
<b>Молитва первая об исцелении болящего . . . . .</b>	<b>430</b>
<b>Молитва вторая об исцелении болящего . . . . .</b>	<b>431</b>
<b>МОЛИТВЫ ОБ ИСЦЕЛЕНИИ ДУШЕВНЫХ И ДУХОВНЫХ НЕДУГОВ</b>	<b>432</b>
<b>При обуревании души неверием . . . . .</b>	<b>433</b>
Первоверховному апостолу Павлу . . . . .	433
Апостолу Фоме . . . . .	433
<b>В отчаянии . . . . .</b>	<b>435</b>
Святителю Иоанну Златоустому, архиепископу Константинопольскому	435
<b>В унынии . . . . .</b>	<b>437</b>
Праведному царю Давиду, псалмопевцу . . . . .	437
Преподобному Ефрему Сирину . . . . .	438
Святителю Тихону, епископу Воронежскому, Задонскому чудотворцу .	439

<b>О даровании покаяния . . . . .</b>	<b>440</b>
Преподобной Марии Египетской . . . . .	440
Пресвятой Богородице в честь Ее иконы «Споручница грешных» . . . . .	440
Преподобному Ефрему Сирину . . . . .	441
Святителю Андрею, архиепископу Критскому . . . . .	442
Когда заметишь за собой какой грех. Молитва св. Иоанна Кронштадтского. . . . .	443
<b>От гордыни и самомнения . . . . .</b>	<b>444</b>
Преподобному Алексию, человеку Божию . . . . .	444
При тщеславных помыслах. Молитва св. Иоанна Кронштадтского. . . . .	444
<b>От сребролюбия . . . . .</b>	<b>445</b>
Преподобномученикам Феодору и Василию Печерским . . . . .	445
<b>От недуга пьянства . . . . .</b>	<b>447</b>
Святому мученику Вонифатию . . . . .	447
Молитва святого праведного Иоанна Кронштадтского . . . . .	448
Молитва Пресвятой Богородице и Приснодеве Марии перед Ее иконой «Неупиваемая Чаша» . . . . .	448
Преподобному Моисею Мурину . . . . .	449
Молитва от недуга пьянства . . . . .	449
Святителю Вонифатию Милостивому . . . . .	450
Молитва вторая Святому мученику Вонифатию . . . . .	450
<b>При обуревании плотской страстию . . . . .</b>	<b>452</b>
Святителю Евфимию, архиепископу Новгородскому, чудотворцу . . . . .	452
Преподобной Марии Египетской . . . . .	453
Мученице Фомаиде Египетской . . . . .	453
<b>В душевной болезни . . . . .</b>	<b>455</b>
Святым праведной Иулиании Ольшанской . . . . .	455
<b>Об укреплении в перенесении поста . . . . .</b>	<b>456</b>
Великомученику Феодору Тирону . . . . .	456
<b>Об избавлении от мыслей о самоубийстве . . . . .</b>	<b>458</b>
Пресвятой Богородице перед Ее иконой «Страстная» . . . . .	458
<b>О возвращении Церкви отпавших от нее по навету диавольскому . .</b>	<b>460</b>
Преподобному Симеону Столпнику . . . . .	460
<b>Молитвы святым об исцелении от беснования . . . . .</b>	<b>462</b>
Преподобному Савве Крыпецкому, чудотворцу . . . . .	462
Святителю Феодосию, архиепископу Углицкому и Черниговскому . . . . .	463
Мученику Трифону . . . . .	464
Преподобному Иринарху Ростовскому . . . . .	464
Святителю Иоанну Новгородскому . . . . .	465

Преподобному Макарию Великому, Египетскому . . . . .	466
<b>При зависти ближнему . . . . .</b>	<b>468</b>
При зависти ближнему и сетовании о своих неудачах . . . . .	468
<b>МОЛИТВЫ ПРИ НАПАДЕНИИ НЕЧИСТОЙ СИЛЫ ТВОРИМЫЕ</b>	<b>469</b>
<b>О прогнании лукавых духов от людей и животных, против вреда со стороны экстрасенсов, магов и т.д. и злых людей . . . . .</b>	<b>470</b>
Преподобной Марии Египетской . . . . .	470
Священномученику Киприану . . . . .	471
Святым угодникам: Иоанну Крестителю, Иоанну Богослову, Николаю Чудотворцу, священномученику Харлампию, вмч. Георгию Победоносцу и другим святым . . . . .	471
Псалом 102 . . . . .	472
Святому праведному Иоанну, Русскому Исповеднику . . . . .	473
Псалом 90 . . . . .	473
Преподобномученику Корнилию Псково-Печерскому . . . . .	474
Псалом 67 . . . . .	474
Священномученику Киприану и мученице Иустине . . . . .	475
Псалом 126 . . . . .	476
<b>От мысленных бесовских искушений . . . . .</b>	<b>477</b>
Кратчайший образ избавления от хульных мыслей . . . . .	477
Преподобному Серафиму Саровскому . . . . .	477
<b>Во время брани плотской . . . . .</b>	<b>479</b>
Иная молитва . . . . .	479
Молитва (старца Макария Оптинского) . . . . .	479
Правило от осквернения . . . . .	479
<b>Молитвы для защиты от нечистой силы . . . . .</b>	<b>484</b>
<b>Небесным Силам . . . . .</b>	<b>485</b>
<b>Молитвы задержания . . . . .</b>	<b>486</b>
<b>Правило об избавлении от злых помыслов . . . . .</b>	<b>489</b>
<b>Об умягчении злых сердец и при защите от напастей злых человек . . . . .</b>	<b>491</b>
<b>Молитвы ангелам на каждый день недели</b>	<b>492</b>
<b>Молитва 1 (понедельник) . . . . .</b>	<b>493</b>
Молитва 1 (понедельник). Архангелу Михаилу . . . . .	493
Молитва Архистратигу Михаилу . . . . .	493
<b>Молитва 2 (вторник) . . . . .</b>	<b>494</b>

Молитва 2 (вторник). Архангелу Гавриилу . . . . .	494
Молитва (иная) Архангелу Гавриилу . . . . .	494
<b>Молитва 3 (среда)</b> . . . . .	<b>495</b>
Молитва (среда). Архангелу Рафаилу . . . . .	495
<b>Молитва 4 (четверг)</b> . . . . .	<b>496</b>
Молитва 4 (четверг). Архангелу Уриилу . . . . .	496
<b>Молитва 5 (пятница)</b> . . . . .	<b>497</b>
Молитва 5 (пятница). Архангелу Селафиилу . . . . .	497
<b>Молитва 6 (суббота)</b> . . . . .	<b>498</b>
Молитва 6 (суббота). Архангелу Иегудиилу . . . . .	498
<b>Молитва 7 (Воскресение)</b> . . . . .	<b>499</b>
Молитва 7 (Воскресение). Архангелу Варахиилу . . . . .	499
 <b>МОЛИТВЫ ПЕРЕД ИКОНАМИ ПРЕСВЯТОЙ БОГОРОДИЦЫ</b>	 500
Богородичное правило . . . . .	501
Пяточисленные молитвы . . . . .	504
Перед иконой «Скоропослушница» . . . . .	508
Перед иконой «Всех скорбящих радость» . . . . .	509
Перед иконою «Живоносный источник» (В пяток Светлой седмицы)	511
Пред иконою «Прозрение очес» (В пяток Светлый седмицы) . . . . .	512
Перед иконой «Спасительница Утопающих» (20 декабря / 2 января) .	513
Перед иконой «Млекопитательница» (12 / 25 января) . . . . .	514
Молитва перед иконою «Утоли моя печали» (25 января / 7 февраля) .	516
Перед иконой Иверскою (13 / 26 Октября, 12 / 25 Февраля и Вторник Светлой Седмицы) . . . . .	517
Молитва перед иконою «Державная» (2/15 марта) . . . . .	518
Молитва перед иконою «Споручница грешных» (7/20 марта) . . . . .	519
Молитва перед иконою «Слове плоть бысть» (9/22 марта) . . . . .	521
Молитва перед иконою Феодоровскою (14 / 27 марта) . . . . .	522
Молитва перед иконою Виленскою, именуемую «Одигитрия» (14 / 27 Апреля) . . . . .	523
Перед иконой «Нечаянная Радость» (9/22 декабря и 1/14 мая) . . . . .	525
Молитва перед иконою «Неупиваемая Чаша» ( 5 / 18 Мая) . . . . .	526

<b>Молитва пред иконою «Владимирская» ( 21 Мая / 3 Июня, 23 Июня / 6 Июля и 26 Августа / 8 Сентября) . . . . .</b>	<b>527</b>
<b>Молитва пред иконою «Недремлющее Око» ( 29 Мая / 11 Июня) . . . . .</b>	<b>529</b>
<b>Молитва пред иконою «Достойно есть» (11 / 24 Июня) . . . . .</b>	<b>530</b>
<b>Молитва пред иконою Тихвинской (26 Июня / 9 Июля) . . . . .</b>	<b>531</b>
<b>Молитва пред иконою «Троеручица» (28 Июня / 11 Июля) . . . . .</b>	<b>532</b>
<b>Перед иконою Казанскою (22 Октября / 4 Ноября и 8/21 июля) . . . . .</b>	<b>534</b>
<b>Молитва пред иконою «Почаевская» (23 июля / 5 августа) . . . . .</b>	<b>536</b>
<b>Молитва пред иконою Смоленскою, именуемою «Одигитрия» (28 Июля / 10 Августа) . . . . .</b>	<b>538</b>
<b>Молитва перед иконою Киево-Печерской, именуемою «Успение» (15 / 28 Августа) . . . . .</b>	<b>539</b>
<b>Перед иконой «Неопалимая Купина» ( 4 / 27 Сентября) . . . . .</b>	<b>542</b>
<b>Перед иконой «В скорбех и печалех утешение» (19 ноября / 2 декабря) . . . . .</b>	<b>543</b>
<b>Перед иконой «Знамение», еже в велицем Новеграде (27 ноября / 10 декабря) . . . . .</b>	<b>544</b>
<b>МОЛИТВЫ ЗА ОТЕЧЕСТВО</b>	<b>545</b>
<b>Молитва покаянная, читаемая в день убиения царской семьи 4 / 17 июля . . . . .</b>	<b>546</b>
<b>Молитва покаянная , читаемая в церквях России во дни смуты . . . . .</b>	<b>547</b>
<b>Молитва за русский народ . . . . .</b>	<b>548</b>
<b>Молитва о спасении России . . . . .</b>	<b>549</b>
<b>Молитва о спасении державы Российской и утолении в ней раздоров и нестроений . . . . .</b>	<b>550</b>
<b>МОЛИТВЫ ЗА ВОИНОВ</b>	<b>552</b>
<b>Во время бедствия и нашествия врагов, иноплеменников и иноверных</b>	<b>553</b>
Святому благоверному князю Александру Невскому . . . . .	553
Молитва против супостатов . . . . .	553
Преподобному Иову, игумену и чудотворцу Почаевскому . . . . .	554
Молитва перед сражением . . . . .	555
<b>Об охранении жизни воинов на поле брани . . . . .</b>	<b>556</b>
Святителю Никите, епископу Новгородскому . . . . .	556


Преподобному Сергию, игумену Радонежскому . . . . .	557
Великомученику Георгию Победоносцу . . . . .	558
Молитва о возвращении мирных времен преподобного Ефрема Сирина	558
<b>Молитва родителей о детях, находящихся на службе в армии . . . . .</b>	<b>560</b>
 <b>МОЛИТВЫ О ЗАКЛЮЧЕННЫХ</b>	<b>561</b>
Молитва заключенного к святому Иоанну Предтече . . . . .	562
Преподобному Петру Афонскому . . . . .	563
Молитва великомученице Анастасии, именуемой «Узорешительница»	564
Молитва заключенного к Ангелу хранителю . . . . .	565
Молитва заключенного к Божией Матери . . . . .	566
Молитва узника в темнице заключенного . . . . .	568
Молитва о в узах сущих . . . . .	569
 <b>НАПУТСТВИЕ ХРИСТИАНИНА ПЕРЕД СМЕРТЬЮ И ЗАУПОКОЙНЫЕ МОЛИТВЫ</b>	<b>570</b>
Кончина человека . . . . .	571
Приготовление усопшего к погребению . . . . .	572
17-я кафизма (поминальная), чтомая в дни особого поминовения усопших . . . . .	574
Значение 17-й кафизмы . . . . .	580
Последование панихииды . . . . .	581
Чин литии, совершаемой мирянином дома и на кладбище . . . . .	584
Акафист за единоумершего . . . . .	587
Молитва родителей за детей . . . . .	593
Молитва вдовца за супругу . . . . .	594
Молитва вдовицы за супруга . . . . .	595
О мертворожденных младенцах . . . . .	596
Молитва детей за родителей . . . . .	597
Молитва за усопших внезапною (скоропостижною) смертию . . . . .	598
Об ослаблении вечных мук умерших некрещеными . . . . .	600
Об ослаблении вечных мук умерших без покаяния . . . . .	601

---

<b>КАНОН о самовольне живот свой скончавших . . . . .</b>	<b>603</b>
<b>Молитва за благодетелей, особенно руководивших к добродетели . . . . .</b>	<b>608</b>
<b>Молитва за скончавшихся вне своего Отечества, за безродных и убогих . . . . .</b>	<b>610</b>
<b>Молитва за всякого усопшего . . . . .</b>	<b>612</b>
<b>Молитва за обидевших и ненавидевших нас . . . . .</b>	<b>613</b>
<b>Молитва за умирающего . . . . .</b>	<b>615</b>
<b>Моление о упокоении православных воинов, за веру и Отечество на браны убиенных . . . . .</b>	<b>616</b>
<b>Молитва за наставников и воспитателей . . . . .</b>	<b>618</b>
<b>Молитва четвертая за всех в вере скончавшихся православных христиан . . . . .</b>	<b>619</b>
<b>Молитва о упокоении скончавшихся после тяжкой и продолжительной болезни . . . . .</b>	<b>621</b>
<b>Молитва за пастырей Православной Церкви . . . . .</b>	<b>623</b>
<b>Молитва о скончавшихся в состоянии душевного заболевания . . . . .</b>	<b>625</b>
<b>Молитва по исходе души из тела . . . . .</b>	<b>627</b>
<b>Моление о том, чтобы Бог даровал нам усердие к молитве за усопших и принял бы её . . . . .</b>	<b>628</b>
<b>Молитва за всех в вере скончавшихся православных христиан . . . . .</b>	<b>629</b>
<b>Молитва вторая за всех в вере скончавшихся православных христиан . . . . .</b>	<b>631</b>
<b>Молитва ко Пресвятой Богородице . . . . .</b>	<b>633</b>
<b>Молитва Ангелу хранителю . . . . .</b>	<b>634</b>
<b>Канон молебный от лица человека с душею разлучающегося и не могущаго глаголати, глас 6-й . . . . .</b>	<b>635</b>
<b>Канон молебный ко Господу Иисусу Христу и Пречистой Богородице Матери Господни при разлучении души от тела всякого правоверного . . . . .</b>	<b>639</b>
<b>КАНОН ПРЕПОДОБНОМУ ПАИСИЮ ВЕЛИКОМУ ОБ ИЗБАВЛЕНИИ ОТ МУК УМЕРШИХ БЕЗ ПОКАЯНИЯ</b>	<b>641</b>
<b>В ПОМОЩЬ КАЮЩЕМУСЯ</b>	<b>650</b>
<b>Семь Таинств Церкви . . . . .</b>	<b>651</b>

<b>Десять заповедей . . . . .</b>	<b>652</b>
<b>Блаженства Евангельские . . . . .</b>	<b>653</b>
<b>Определение грехов по десяти заповедям . . . . .</b>	<b>654</b>
<b>Молитва перед исповедью . . . . .</b>	<b>658</b>
<b>Молитва вторая перед исповедью . . . . .</b>	<b>659</b>
<b>Исповедь . . . . .</b>	<b>660</b>
<b>Молитвы после исповедания грехов . . . . .</b>	<b>663</b>
<b>Молитвы о прощении забытых грехов . . . . .</b>	<b>664</b>
 <b>ЕДИНОВЕРЧЕСКИЕ МОЛИТВЫ</b>	 <b>665</b>
<b>Молитвенное правило . . . . .</b>	<b>666</b>
Молитвы утренние и вечерние . . . . .	666
Чин чтения 12-ти псалмов . . . . .	671
Келейное правило . . . . .	680
<b>Суточный круг . . . . .</b>	<b>683</b>
Шестой час . . . . .	683
Третий час . . . . .	685
Первый час . . . . .	688
Чин обедницы . . . . .	690
Утреня . . . . .	693
Девятый час . . . . .	700
Павечерница великая . . . . .	702
Павечерница малая . . . . .	713
Вечерня . . . . .	721
Полунощница повседневная . . . . .	726






## **Молитвы**



## Молитва Господня. Отче наш




Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наши, якоже и мы оставляем должником нашим; и не введи нас во искушение, но избави нас от лукаваго.

Отче наш, сущий на небесах! да святится имя Твое; да приидет Царствие Твое; да будет воля Твоя и на земле, как на небе; хлеб наш насущный дай нам на сей день; и прости нам долги наши, как и мы прощаем должникам нашим; и не введи нас в искушение, но избавь нас от лукавого. Ибо Твое есть Царство и сила и слава во веки. Аминь. (Матф.6:9-13)





## Иисусова молитва




Господи Иисусе Христе, Сыне Божий, помилуй мя, грешного.





## Благодарение за всякое благодеяние Божие



### Тропарь, глас 4-й

Благодарни суще недостойнии раби Твои,  
Господи, о Твоих великих благодеяниях на нас  
бывших, славяще Тя хвалим, благословим, бла-  
годарим, поем и величаем Твое благоутробие, и  
рабски любовию вопием Ти: Благодетелю Спасе  
наш, слава Тебе.

### Кондак, глас 3-й

Твоих благодеяний и даров туне, яко раби  
непотребнии, сподобльшеся, Владыко, к Тебе  
усердно притекающе, благодарение по силе при-  
носим, и Тебе яко Благодетеля и Творца славяще,  
вопием: слава Тебе, Боже Всещедрый.


### Слава и ныне: Богородичен

Богородице, христианом Помощнице, Твое  
предстательство стяжавше раби Твои, благодар-  
но Тебе вопием: радуйся, Пречистая Богородице Дево, и от всех нас бед Твоими  
молитвами всегда избави, Едина вскоре предстательствующая.





# Молитвы утренние



(1) Востав от сна, прежде всякого другого дела, ста́нь благоговейно, предста́вляя себя пред Все-видящим Богом, и, соверша крестное знамение, произнеси:

Во имя Отца, и Сына, и Святаго Духа, Аминь.

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:

## Молитва мытаря

(Евангелие от Луки, глава 18, стих 13) Боже, милостив буди мне грешному. (Поклон)

## Молитва предназначинательная

Господи Иисусе Христе, Сыне Божий, молитв ради Пречистыя Твоего Матере и всех святых, помилуй нас. Аминь. Слава Тебе, Боже наш, слава Тебе.

## Молитва Святому Духу

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.(2)

## Трисвятое

Святый Боже, Святый Крепкий, Святый Безсмертный, помилуй нас. (Читается трижды, с крестным знамением и поясным поклоном.) Слава Отцу и Сыну и Святому Духу, и ныне и присно и во веки веков. Аминь.

## Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради. Господи, помилуй. (Трижды). Слава Отцу и Сыну и Святому Духу, и ныне и присно и во веки веков. Аминь.(3)

## Молитва Господня

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь;

и остави нам долги наша, яко же и мы оставляем должником нашим; и не введи нас во искушение, но избави нас от лукаваго.

### Тропари Троичные

Воставше от сна, припадаем Ти, Блаже, и ангельскую песнь вопием Ти, Сильне: Свят, Свят, Свят еси, Боже, Богородицею помилуй нас. Слава: От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Святая Троице: Свят, Свят, Свят еси, Боже, Богородицею помилуй нас.

И ныне: Внезапно Судия приидет, и коего ждо деяния обнажатся, но страхом зовем (4) в полуночи: Свят, Свят, Свят еси, Боже, Богородицею помилуй нас. Господи, помилуй. (12 раз)

### Молитва ко Пресвятой Троице

От сна востав, благодарю Тя, Святая Троице, яко многия ради Твоей благости и долготерпения не прогневался еси на мя, лениваго и грешнаго, ниже погубил мя еси со беззаконьми моими; но человеколюбствовал еси обычно и в нечаянии лежащаго воздвигл мя еси, во еже утреневати и славословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечнем, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся Цареви нашему Богу. (Поклон)

Приидите, поклонимся и припадем Христу, Цареви нашему Богу. (Поклон)

Приидите, поклонимся и припадем Самому Христу, Цареви и Богу нашему. (Поклон)

### Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омы мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих, яко да оправдишися во словесех Твоих, и победиши всегда судити Ти. Се бо, в беззакониях зачат есмь, и во грехах роди мя мати моя. Се бо, истину возлюбил еси; бывестная и тайная премудрости Твоей явил ми еси. Окропиши мя иссопом, и очищауся; омыши мя, и паче снега убелюся. Слуху моему даси радость и веселье; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом владычним утверди мя. Научу беззакония путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смилено Бог не уничижит. Ублажи, Господи, благоволением Твоим Сиона, и да созиждутся стены

Иерусалимский. Тогда благоволиши жертву правды, возношение и всесожгаемая; тогда возложат на олтарь Твой тельцы.

**Символ веры**

Верую во единаго Бога Отца, Вседержителя, Творца небу и земли, видимым же всем и невидимым. И во единаго Господа Иисуса Христа, Сына Божия, Единороднаго, Иже от Отца рожденного прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящего, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

**Молитва первая, святого Макария Великого** Боже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзу уста моя недостойная и восхвалю имя Твое святое, Отца и Сына и Святаго Духа, ныне и присно и во веки веков Аминь.

**Молитва вторая, того же святого**

От сна востав, полунощную песнь приношу Ти, Спасе, и припадая вопию Ти: не даждь ми уснуть во греховней смерти, но ущедри мя, распныся волею, и лежащаго мя в лености ускорив возстави, и спаси мя в предстоянии и молитве, и по сне нощнем возсияй ми день безгрешен, Христе Боже, и спаси мя.

**Молитва третья, того же святого**

К Тебе, Владыко Человеколюбче, от сна востав прибегаю, и на дела Твоя подвзываюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злые вещи и диавольского поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, ныне и присно и во веки веков. Аминь.

**Молитва четвертая, того же святого**

Господи, Иже многою Твою благостию и великими щедротами Твоими дал еси мне, рабу Твоему, мимошедшее время ноши сея без напасти прейти от всякаго зла противна; Ты Сам, Владыко, всяческих Творче, сподоби мя истинным Твоим светом и просвещенным сердцем творити волю Твою, ныне и присно и во веки веков. Аминь.

**Молитва пятая, святого Василия Великого**

Господи Вседержителю, Боже сил и всякия плоти, в вышних живый и на смиренныя призираяй, сердца же и утробы испытуяй и сокровенная человеков яве

предведый, Безначальный и Присносущный Свете, у Него же несть пременение, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот дерзающе, от скверных к Тебе устен творим, и остави нам прегрешения наша, яже делом, и словом, и мыслию, ведением, или неведением согрешенная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящаго жития нощь прейти, ожидающим пришествия светлого и явленного дне Единородного Твоего Сына, Господа и Бога и Спаса нашего Иисуса Христа, в оньже со славою Судия всех приидет, комуждо отдать по делом его; да не падше и обленившеся, но бодрствующе и воздвижени в делание обрящемся готови, в радость и Божественный чертог славы Его совнидем, идеже празднующих глас непрестанный, и неизреченная сладость зрящих Твоего лица доброту неизреченную. Ты бо еси истинный Свет, просвещаяй и освящаяй всяческая, и Тя поет вся тварь во веки веков. Аминь.

#### **Молитва шестая, того же святого**

Тя благословим, вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сон во упокоение немощи нашея, и ослабление трудов многотрудныя плоти. Благодарим Тя, яко не погубил еси нас со беззаконьями нашими, но человеколюбствовал еси обычно, и в нечаянии лежащия ны воздвигл еси, во еже славословити державу Твою. Темже молим безмерную Твою благость, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех, и от всех славимому Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Духом, ныне и присно и во веки веков. Аминь.

#### **Молитва седьмая, ко Пресвятой Богородице**

Воспеваю благодать Твою, Владычице, молю Тя, ум мой облагодати. Ступати право мя настави, путем Христовых заповедей. Бдеть к песни укрепи, уныния сон отгоняющи. Связана пленицами грехопадений, мольбами Твоими разреши, Богоневесто. В нощи мя и во дни сохраняй, борющих враг избавляющи мя. Жизнодателя Бога рождшая, умерщвлена мя страстью оживи. Яже Свет невечерний рождшая, душу мою ослепшую просвети. О дивная Владычня палато, дом Духа Божественна мене сотвори. Врача рождшая, уврачуй души моей многолетныя страсти. Волнующася житейскою бурею, ко стези мя покаяния направи. Избави мя огня вечнующаго, и червия же злаго, и тартара. Да мя не явиши бесом радование, иже многим грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми улучити веселия, со всеми святыми, сподоби. Пресвятая Дево, услыши глас непотребного раба Твоего. Струю давай мне слезам, Пречистая, души моей скверну очищающи. Стенания от сердца приношу Ти непрестанно, усердствуй, Владычице. Молебную службу мою приими, и Богу благоутробному принеси. Превышшая Ангел, мирскаго мя превышила слития сотвори. Светоносная Сене

небесная, духовную благодать во мне направи. Руце воздею и устне к похвалению, осквернены скверною, Всенепорочная. Душетленных мя пакостей избави, Христа прилежно умоляющи; Ему же честь и поклонение подобает, ныне и присно и во веки веков. Аминь.

**Молитва восьмая, ко Господу нашему Иисусу Христу** Многомилостиве и Всемилостиве Боже мой, Господи Иисусе Христе, многия ради любве сшел и во плотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя, несть се благодать, и дар, но долг паче. Ей, многий в щедротах и неизреченный в милости! Веруяй бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянныя, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обрящеши бо дел отнюд оправдающих мя. Но та вера моя да довлеет вместо всех, та да отвещает, та да оправдит мя, та да покажет мя причастника славы Твоей вечныя. Да не убо похитит мя сатана, и похвалится, Слове, еже отторгнути мя от Твоей руки и ограды; но или хощу, спаси мя, или не хощу, Христе Спасе мой, предвари скоро, скоро погибох: Ты бо еси Бог мой от чрева матере моей. Сподоби мя, Господи, ныне возлюбити Тя, якоже возлюбих иногда той самый грех; и паки поработати Тебе без лености тощно, якоже поработах прежде сатане льстивому. Наипаче же поработаю Тебе, Господу и Богу моему Иисусу Христу, во вся дни живота моего, ныне и присно и во веки веков. Аминь.

**Молитва девятая, к Ангелу хранителю**

Святый Ангеле, предстояй окаянной моей души и страстной моей жизни, не остави мене грешного, ниже отступи от мене за невоздержание мое. Не дажь места лукавому демону обладати мною, насильством смертного сего телесе; укрепи бедствующую и худую мою руку и настави мя на путь спасения. Ей, святый Ангеле Божий, хранителю и покровителю окаянныя моей души и тела, вся мне прости, еликими тя оскорбих во вся дни живота моего, и аще что согреших в прешедшую нощь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страсе Своем, и достойна покажет мя раба Своей благости. Аминь.

**Молитва десятая, ко Пресвятой Богородице**

Пресвятая Владычице моя Богородице, святыми Твоими и всесильными мольбами отжени от мене, смиренного и окаянного раба Твоего, уныние, забвение, неразумие, нерадение, и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действ злых свободи мя. Яко благословена еси от всех родов, и славится пречестное имя Твое во веки веков. Аминь.

**Молитвенное призывание святого, имя которого носишь**

Моли Бога о мне, святый угодниче Божий (имя), яко аз усердно к тебе прибегаю, скорому помощнику и молитвеннику о душе моей.

**Песнь Пресвятой Богородице**

Богородице Дево, радуйся, Благодатная Марие, Господь с Тобою; благословена Ты в женах и благословен плод чрева Твоего, яко Спаса родила еси душ наших.

**Тропарь Кресту и молитва за отечество**

Спаси, Господи, люди Твоя, и благослови достояние Твое, победы на сопротивные даря, и Твое сохраняя Крестом Твоим жительство.

**Молитва о живых**

Спаси, Господи, и помилуй отца моего духовнаго (*имя*), родителей моих (*имена*), сродников (*имена*), начальников, наставников, благодетелей (*имена их*) и всех православных христиан.

**Молитва о усопших**

Упокой, Господи, души усопших раб Твоих: родителей моих, сродников, благодетелей (*имена их*), и всех православных христиан, и прости им вся согрешения вольная и невольная, и даруй им Царствие Небесное. *Если можешь, читай вместо кратких молитв о живых и усопших этот помянник:*

**О живых**

Помяни, Господи Иисусе Христе, Боже наш, милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознеслся еси на небеса и седиши одесную Бога Отца, и призираеши на смиренныя мольбы всем сердцем призывающих Тя: приклони ухо Твое, и услыши смиренное моление мене, непотребного раба Твоего, в воню благоухания духовнаго, Тебе за вся люди Твоя приносящаго. И в первых помяни Церковь Твою Святую, Соборную и Апостольскую, юже снабдел еси честною Твою Кровию, и утверди, и укрепи, и разшири, умножи, умири, и непреобориму адовыхми враты во веки сохрани; раздирания Церквей утиши, шатания языческая угаси, и ересей востания скоро разори и искорени, и в ничтоже силою Святаго Твоего Духа обрати. *(Поклон)* Спаси, Господи, и помилуй Богом хранимую страну нашу, власти и воинство ея, огради миром державу их, и покори под нозе Православных всякаго врага и супостата, и глаголи мирная и благая в сердцах их о Церкви Твоей Святей, и о всех людех Твоих: да тихое и безмолвное житие поживем во правоверии, и во всяком благочестии и чистоте. *(Поклон)* Спаси, Господи, и помилуй Великаго Господина и Отца нашего Святейшего Патриарха Кирилла, преосвященные митрополиты, архиепископы и епископы православныя, иереи же и диаконы, и весь причет церковный, яже поставил еси пасти словесное Твое стадо, и молитвами их помилуй и спаси мя грешнаго. *(Поклон)* Спаси, Господи, и помилуй отца моего духовнаго (*имя его*), и святыми его молитвами прости моя согрешения. *(Поклон)* Спаси, Господи, и помилуй родители моя (*имена их*), братию и сестры, и сродники мои по плоти, и вся ближния рода моего, и други, и даруй им мирная Твоя и премирная благая. *(Поклон)* Спаси, Господи, и помилуй по множеству щедрот Твоих вся священноиноки, иноки же и инокини, и вся в девстве же и благоговении и постничестве живущия в монастырех, в пустынях, в пещерах, горах, столпех, затворех, разселинах каменных, островех же морских, и на всяком

месте владычествия Твоего правоверно живущия, и благочестно служащия Ти, и молящаяся Тебе: облегчи им тяготу, и утеши их скорбь, и к подвигу о Тебе силу и крепость им подаждь, и молитвами их даруй ми оставление грехов. (Поклон) Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, бедах же и скрбех, обстоянних и пленениих, темницах же и заточениих, изряднее же в гонениих, Тебе ради и веры православныя, от языка безбожных, от отступник и от еретиков, сущия рабы Твоя, и помяни я, посети, укрепи, утеши, и вскоре силою Твою ослабу, свободу и избаву им подаждь. (Поклон) Спаси, Господи, и помилуй благотворящая нам, милующая и питающая нас, давшая нам милостины, и заповедавшая нам недостойным молитися о них, и упокоевающая нас, и сотвори милость Твою с ними, даря им вся, яже ко спасению прошения, и вечных благ восприятие. (Поклон) Спаси, Господи, и помилуй посланныя в службу, путешествующая, отцы и братию нашу, и вся православныя христианы. (Поклон) Спаси, Господи, и помилуй ихже аз безумием моим соблазніх, и от пути спасительного отвратих, к делом злым и неподобным приведох; Божественным Твоим Промыслом к пути спасения паки возврати. (Поклон) Спаси, Господи, и помилуй ненавидящая и обидаща мя, и творящая ми напасти, и не остави их погибнуть мене ради, грешнаго. (Поклон) Отступивши от православныя веры и погибельными ересьми ослепленныя, светом Твоего познания просвети и Святей Твоей Апостольстей Соборней Церкви причти. (Поклон)

### О усопших

Помяни, Господи, от жития сего отшедши правоверныя цари и царицы, благоверныя князи и княгини, святейшия патриархи, преосвященные митрополиты, архиепископы и епископы православныя, во иерействем же и в причте церковнем, и монашеством чине Тебе послужившия, и в вечных Твоих селениих со святыми упокой. (Поклон.) Помяни, Господи, души усопших рабов Твоих, родителей моих (*имена их*), и всех сродников по плоти; и прости их вся согрешения вольная и невольная, даря им Царствие и причастие вечных Твоих благих и Твоей бесконечныя и блаженныя жизни наслаждение. (Поклон) Помяни, Господи, и вся в надежди воскресения и жизни вечныя усопшия, отцы и братию нашу, и сестры, и где лежащия и повсюду, православныя христианы, и со святыми Твоими, идеже присещает свет лица Твоего, всели, и нас помилуй, яко Благ и Человеколюбец. Аминь. (Поклон) Подаждь, Господи, оставление грехов всем прежде отшедшим в вере и надежди воскресения, отцем, братиям и сестрам нашим и сотвори им вечную память. (Трижды)

### Окончание молитв

Достойно есть яко воистину блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.(5) Слава, и ныне: Господи, помилуй. (Трижды) Господи, Иисусе Христе, Сыне Божий, молитв ради Пречистыя Твоей Матере, преподобных и богоносных отец наших и всех святых помилуй нас. Аминь.

**Примечания**

(1) Напечатанное курсивом (*пояснения и названия молитв*) не читается во время молитвы. (2) От Пасхи до Вознесения вместо этой молитвы читается тропарь: «Христос воскресе из мертвых, смертию смерть поправ, и сущим во гробех живот даровав». (Трижды) От Вознесения до Троицы начинаем молитвы со «Святый Боже...», опуская все предшествующие. Это замечание относится и к молитвам на сон грядущим.

(3) Когда написано «Слава», «И ныне», надо читать полностью: «Слава Отцу и Сыну и Святому Духу», «И ныне и присно и во веки веков. Аминь»

(4) В церковнославянском языке нет звука ё, а поэтому надо читать «зовем», а не «зовём», «твоё», а не «твоё», «мое», а не «моё» и т.д. (5) От Пасхи до Вознесения вместо этой молитвы читается припев и ирмос 9-й песни пасхального канона: «Ангел вопияше Благодатней: Чистая Деvo, радуйся! И паки реку: радуйся! Твой Сын воскресе тридневен от гроба и мертвяя воздвигнувый; людие, веселитеся! Светися, светися, новый Иерусалиме, слава бо Господня на тебе возсия. Ликъ ныне и веселися, Сионе. Ты же, Чистая, красуйся, Богородице, о востании Рождества Твоего».

Это замечание относится и к вечерним молитвам.





## Молитвы на сон грядущим



Во имя Отца, и Сына, и Святаго Духа. Аминь.

Господи Иисусе Христе, Сыне Божий, молитв ради Пречистыя Твоей Матере, преподобных и богоносных отец наших и всех святых, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас.(Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззако-

ния наша; Святый, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш наущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

### Тропари

Помилуй нас, Господи, помилуй нас; всякаго бо ответа недоумеюще, сию Ти молитву яко Владыце грешний приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших; Ты бо еси Бог наш, и мы людие Твои, вси дела руку Твою, и имя Твое призываем.

И ныне: Милосердия двери отверзи нам, благословенная Богородице, надеющиеся на Тя да не погибнем, но да избавимся Тобою от бед: Ты бо еси спасение рода христианского.

Господи, помилуй. (12 раз)

**Молитва 1-я, святого Макария Великого, к Богу Отцу**

Боже вечный и Царю всякаго создания, сподобивый мя даже в час сей доспети, прости ми грехи, яже сотворих в сей день делом, словом и помышлением, очисти, Господи, смиренную мою душу от всякия скверны плоти и духа. И даждь ми, Господи, в нощи сей сон прейти в мире, да востав от смиренного ми ложа, благоугожду пресвятому имени Твоему, во вся дни живота моего, и поперу борющия мя враги плотския и безплотныя. И избави мя, Господи, от помышлений суетных, оскверняющих мя, и похотей лукавых. Яко Твое есть царство, и сила и слава, Отца и Сына и Святаго Духа, ныне и присно и во веки веков. Аминь.

**Молитва 2-я, святого Антиоха, ко Господу нашему Иисусу Христу**

Вседержителю, Слово Отчее, Сам совершен сый, Иисусе Христе, многаго ради милосердия Твоего никогдаже отлучайся мене, раба Твоего, но всегда во мне почивай. Иисусе, добрый Пастырю Твоих овец, не предаждь мене крамоле змиине, и желанию сатанину не остави мене, яко семя тли во мне есть. Ты убо, Господи Боже покланяемый, Царю Святый, Иисусе Христе, спяща мя сохрани немерцающим светом, Духом Твоим Святым, Имже освятил еси Твоя ученики. Даждь, Господи, и мне, недостойному рабу Твоему, спасение Твое на ложи моем: просвети ум мой светом разума святаго Евангелия Твоего, душу любовию Креста Твоего, сердце чистотою словесе Твоего, тело мое Твою страстию безстрастною, мысль мою Твоим смирением сохрани, и воздвигни мя во время подобно на Твое славословие. Яко препрославлен еси со Безначальным Твоим Отцем и с Пресвятым Духом во веки. Аминь.

**Молитва 3- я, ко Пресвятому Духу**

Господи, Царю Небесный, Утешителю, Душе истины, умилосердися и помилуй мя грешнаго раба Твоего, и отпусти ми недостойному, и прости вся, елика Ти согреших днесъ яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и науки злы, и яже суть от нагльства и уныния. Аще именем Твоим кляхся, или похулих е в помышлении моем; или кого укориах; или оклеветах кого гневом моим, или опечалих, или о чем прогневахся; или солгах, или безгодно спах, или нищ прииде ко мне, и презрех его; или брата моего опечалих, или свадих, или кого осудих; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или развращение помыслих; или объядохся, или опихся, или без ума смеяхся; или лукавое помыслих, или доброту чуждую видев, и тою уязвлен бых сердцем; или неподобная глаголах, или греху брата моего посмеяхся, моя же суть безчисленная согрешения; или о молитве не радих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспою, и прославлю пречестное имя Твое, со Отцем, и Единородным Его Сыном, ныне и присно и во веки. Аминь.

**Молитва 4-я, святого Макария Великого**

Что Ти принесу, или что Ти воздам, великодаровитый Безсмертный Царю, щедре и человеколюбче Господи, яко ленящаяся мене на Твое угоджение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениих, и отыми от мене весь помысл лукавый видимаго сего жития. Прости моя согрешения, едине Безгрешне, яже Ти согреших в сей день, ведением и неведением, словом, и делом, и помышлением, и всеми моими чувствы. Ты Сам, покрывая, сохрани мя от всякаго сопротивнаго обстояния Божественною Твою властию, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда приидеш во славе, и неосужденна ныне сном уснути сотвори, и без мечтания, и несмущен помысл раба Твоего соблюди, и всю сатанину детель отжени от мене, и просвети ми разумныя очи сердечныя, да не усну в смерть. И посли ми Ангела мирна, хранителя и наставника души и телу моему, да избавит мя от враг моих; да востав со одра моего, принесу Ти благодарственныя мольбы. Ей, Господи, услыши мя грешнаго и убогаго раба Твоего, изволением и совестию; даруй ми воставшу словесем Твоим поучитися, и уныние бесовское далече от мене отгнало быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марию, Юже дал еси нам грешным заступление, и приеми Сию молящуюся за ны; вем бо, яко подражает Твое человеколюбие, и молящися не престает. Тоя заступлением, и Честнаго Креста знамением, и всех святых Твоих ради, убогую душу мою соблюди, Иисусе Христе Боже наш, яко Свят еси, и препрославлен во веки. Аминь.

**Молитва 5-я**

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя посли, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

**Молитва 6-я**

Господи Боже наш, в Негоже веровахом, и Егоже имя паче всякаго имене приываем, дажъ нам, ко сну отходящим, ослабу души и телу, и соблюди нас от всякаго мечтания, и темныя сласти кроме; устави стремление страстей, угаси разжжения востания телеснаго. Дажъ нам целомудренно пожити дely и словесы; да добродетельное жительство восприемлюще, обетованных не отпадем благих Твоих, яко благословен еси во веки. Аминь.

**Молитва 7-я, святого Иоанна Златоуста**

**(24 молитвы, по числу часов дня и ночи)**

Господи, не лиши мене небесных Твоих благ.

Господи, избави мя вечных мук.

Господи, умом ли или помышлением, словом или делом согреших, прости мя. Господи, избави мя всякаго неведения и забвения, и малодушия, и окамененнаго нечувствия.

Господи, избави мя от всякаго искушения.

Господи, просвети мое сердце, еже помрачи лукавое похотение.

Господи, аз яко человек согреших, Ты же яко Бог щедр, помилуй мя, видя немощь души моей.

Господи, посли благодать Твою в помощь мне, да прославлю имя Твое святое.

Господи Иисусе Христе, напиши мя раба Твоего в книзе животней и даруй ми конец благий.

Господи, Боже мой, аще и ничтоже благо сотворих пред Тобою, но дажъ ми по благодати Твоей положити начало благое.

Господи, окропи в сердце моем росу благодати Твоей.

Господи небесе и земли, помяни мя грешнаго раба Твоего, студнаго и нечистаго, во Царствии Твоем. Аминь.

Господи, в покаянии приими мя.

Господи, не остави мене.

Господи, не введи мене в напасть.

Господи, дажъ ми мысль благу.

Господи, дажъ ми слезы и память смертную, и умиление.

Господи, дажъ ми помысл исповедания грехов моих.

Господи, дажъ ми смирение, целомудрие и послушание.

Господи, дажъ ми терпение, великодушие и кротость.

Господи, всели в мя корень благих, страх Твой в сердце мое.

Господи, сподоби мя любити Тя от всея души моей и помышления и творити во всем волю Твою.

Господи, покрый мя от человек некоторых, и бесов, и страстей, и от всякия иных неподобныя вещи.

Господи, веси, яко твориши, якоже Ты волиши, да будет воля Твоя и во мне грешнем, яко благословен еси во веки. Аминь.

#### **Молитва 8-я, ко Господу нашему Иисусу Христу**

Господи Иисусе Христе, Сыне Божий, ради честнейшия Матере Твоей, и безплотных Твоих Ангел, Пророка же и Предтечи и Крестителя Твоего, богохваливых же апостол, светлых и добродетельных мученик, преподобных и богоносных отец, и всех святых молитвами, избави мя настоящаго обстояния бесовскаго. Ей, Господи мой и Творче, не хотяй смерти грешнаго, но якоже обратитися и живу быти ему, дажъ и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаянного в тленную плоть оболкийся, исторгни мя от окаянства, и утешение подажъ души моей окаянней. Всади в сердце мое творити Твоя повеления, и оставити лукавая деяния, и получити блаженства Твоя: на Тя бо, Господи, уповах, спаси мя.

**Молитва 9-я, ко Пресвятой Богородице, Петра Студийского**

К Тебе Пречистей Божией Матери аз окаянный припадая молюся: вesi, Царице, яко безпрестани согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеща: неужели Господь поразит мя, и по часе паки таяжде творю; ведущи сия, Владычице моя Госпоже Богородице, молю, да помилуешь, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуду яже ненавижду, та и люблю, а благая преступаю. Не попущай, Пречистая, воли моей совершившися, не угодна бо есть, но да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Ему же подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков. Аминь.

**Молитва 10-я, ко Пресвятой Богородице**

Благаго Царя благая Мати, Пречистая и Благословенная Богородице Марие, милость Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока прейду и Тобою рай да обрящу, Богородице Дево, едина Чистая и Благословенная.

**Молитва 11-я, ко святому Ангелу хранителю**

Ангеле Христов, хранителю мой святый и покровителю души и тела моего, вся ми прости, елика согреших во днешний день, и от всякаго лукавства противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достойна мя покажеш благости и милости Всесвятыя Троицы и Матере Господа моего Иисуса Христа и всех святых. Аминь.

**Кондак Богородице**

Взбранной Воеводе победительная, яко избавльшеся от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовем Ти; радуйся, Невесто Неневестная.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Все упование мое на Тя возлагаю, Мати Божия, сохрани мя под кровом Твоим.

Богородице Дево, не презри мене, грешнаго, требующа Твоей помощи и Твоего заступления, на Тя бо упова душа моя, и помилуй мя.

**Молитва святого Иоанникия**

Упование мое Отец, прибежище мое Сын, покров мой Дух Святый: Троице Святая, слава Тебе.

Достойно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Слава Отцу и Сыну и Святому Духу, и ныне и присно и во веки веков. Аминь.

Господи, помилуй. (*Трижды*)

Господи Иисусе Христе, Сыне Божий, молитв ради Пречистыя Твоей Матере, преподобных и богоносных отец наших и всех святых, помилуй нас. Аминь.

### **Молитва святого Иоанна Дамаскина**

Владыко Человеколюбче, неужели мне одр сей гроб будет, или еще окаянную мою душу просветиши днем? Се ми гроб предлежит, се ми смерть предстоит. Суда Твоего, Господи, боюся и муки безконечныя, злое же творя не престаю: Тебе Господа Бога моего всегда прогневляю, и Пречистую Твою Матерь, и вся Небесныя силы, и святаго Ангела хранителя моего. Вем убо, Господи, яко недостоин есмь человеколюбия Твоего, но достоин есмь всякаго осуждения и муки. Но, Господи, или хощу, или не хощу, спаси мя. Аще бо праведника спасеши, ничтоже велие; и аще чистаго помилуешь, ничтоже дивно: достойни бо суть милости Твоей. Но на мне грешнем удиви милость Твою: о сем яви человеколюбие Твое, да не одолеет моя злоба Твоей неизлаголанней благости и милосердию: и яко же хощеш, устрой о мне вещь.

Просвети очи мои, Христе Боже, да не когда усну в смерть, да не когда речет враг мой: укрепиhsя на него.

Слава: Заступник души моей буди, Боже, яко посреде хожду сетей многих; избави мя от них и спаси мя, Блаже, яко Человеколюбец.

И ныне: Преславную Божию Матерь, и святых Ангел Святейшую, немолчно воспоим сердцем и усты, Богородицу сию исповедающе, яко воистинну рождшую нам Бога воплощенна, и молящуюся непрестанно о душах наших.

*Знаменуй себя крестом и говори молитву Честному Кресту:*

Да воскреснет Бог, и расточатся врази Его, и да бежат от лица Его ненавидящии Его. Яко исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знамением, и в веселии глаголющих: радуйся, Пречестный и Животворящий Кресте Господень, прогоняй бесы силою на тебе пропятаго Господа нашего Иисуса Христа, во ад сшедшаго и поправшего силу диаволю, и даровавшаго нам тебе Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Девою Богородицею и со всеми святыми во веки. Аминь.

*Или кратко:*

Огради мя, Господи, силою Честного и Животворящаго Твоего Креста, и сохрани мя от всякаго зла.

### **Молитва**

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в нощи, яже во уме и в помышлении: вся нам прости, яко Благ и Человеколюбец.

### **Молитва**

Ненавидящих и обидящих нас прости, Господи Человеколюбче. Благотворящим благосотвори. Братьям и сродником нашим даруй яже ко спасению прошения и

жизнь вечную. В немощех сущия посети и исцеление даруй. Иже на мори управи. Путешествующим спутешествуй. Служащим и милующим нас грехов оставление даруй. Заповедавших нам недостойным молитися о них помилуй по велицей Твоей милости. Помяни, Господи, прежде усопших отец и братий наших и упокой их, идеже присещает свет лица Твоего. Помяни, Господи, братий наших плененных и избави я от всякаго обстояния. Помяни, Господи, плодоносящих и доброделющих во святых Твоих церквах, и дажь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашей Богородицы и Приснодевы Марии и всех Твоих святых: яко благословен еси во веки веков. Аминь.

**Исповедание грехов повседневное**

Исповедаю Тебе Господу Богу моему и Творцу, во Святей Троице Единому, славимому и покланяемому, Отцу и Сыну и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшия дни и нощи, делом, словом, помышлением, объядением, пиянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостяжанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлобием, ненавистиу, лихоимством и всеми моими чувства: зре нием, слухом, обонянием, вкусом, осознанием и прочими моими грехи, душевными вкупе и телесными, имиже Тебе Бога моего и Творца прогневах, и ближняго моего онеправдовах: о сих жалея, винна себе Тебе Богу моему представляю, и имею волю каятися: точию, Господи Боже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобою, яко Благ и Человеколюбец.


*Когда отходишь ко сну, произноси:*

В руце Твои, Господи Иисусе Христе, Боже мой, предаю дух мой: Ты же мя благослови, Ты мя помилуй и живот вечный даруй ми. Аминь.





# Канон покаянный ко Господу нашему Иисусу Христу



## Глас 6-й

### Песнь 1

Ирмос: Яко по суху пешешествовав Израиль, по бездне стопами, гонителя фараона видя потопляема, Богу победную песнь поим, вопияше.

#### Припев\*:

Помилуй мя, Боже, помилуй мя.

Ныне приступих аз грешный и обремененный к Тебе, Владыце и Богу моему; не смею же взирати на небо, токмо молюся, глаголя: дажь ми, Господи, ум, да плачуся дел моих горько.

О, горе мне грешному! Паче всех человек окаянен есмь, покаяния несть во мне; дажь ми, Господи, слезы, да плачуся дел моих горько.

Слава: Безумне, окаянне человече, в лености время губиши; помысли житие твое, и обратися ко Господу Богу, и плачися о делах твоих горько.

И ныне: Мати Божия Пречистая, воззри на мя грешного, и от сети диаволи избави мя, и на путь покаяния настави мя, да плачуся дел моих горько

### Песнь 3

Несть свят, якоже Ты, Господи Боже мой, вознесый рог верных Твоих, Блаже, и утвердиый нас на камени исповедания Твоего.

Внегда поставлены будут престоли на судищи страшнем, тогда всех человек дела обличатся; горе тамо будет грешным, в муку отсылаемым; и то ведущи, душа моя, покайся от злых дел твоих.

Праведницы возрадуются, а грешни восплачутся, тогда никтоже возможет помощи нам, но дела наша осудят нас, темже прежде конца покайся от злых дел твоих.

Слава: Увы мне великогрешному, иже делы и мысльми осквернився, ни капли слез имею от жестосердия; ныне возникни от земли, душа моя, и покайся от злых дел твоих.

И ныне: Се, взвывает Госпоже, Сын Твой, и поучает нас на доброе, аз же грешный добра всегда бегаю; но Ты, Милостивая, помилуй мя, да покаяюсь от злых моих дел.

**Седален, глас 6-й**

Помышляю день страшный и плачуща деяний моих лукавых: како отвешаю Безсмертному Царю, или коим дерзновением возвррю на Судию, блудный аз? Благоутробный Отче, Сыне Единородный и Душа Святый, помилуй мя.

Слава и ныне: Богородичен

Связан многими ныне пленицами грехов и содергим лютыми страстьюми и бедами, к Тебе прибегаю, моему спасению, и вопиу: помози ми, Дево, Мати Божия.

**Песнь 4**

Христос моя сила, Бог и Господь, честная Церковь боголепно поет, взывающи от смысла чиста, о Господе празднующи.

Широк путь зде и угодный сласти творити, но горько будет в последний день, егда душа от тела разлучатися будет: блюдися от сих, человече, Царствия ради Божия.

Почто убогаго обидиши, мзду наемничу удержуещи, брата твоего не любиши, блуд и гордость гониши? Остави убо сия, душа моя, и покайся Царствия ради Божия.

Слава: О, безумный человече, доколе углебаещи, яко пчела, собирающи богатство твое? Вскоре бо погибнет, яко прах и пепел: но более взыщи Царствия Божия.

И ныне: Госпоже Богородице, помилуй мя грешного, и в добродетели укрепи, и соблюди мя, да наглая смерть не похитит мя неготоваго, и доведи мя, Дево, Царствия Божия.

**Песнь 5**

Божиим светом Твоим, Блаже, утренюющих Ти души любовию озари, молюся, Тя ведети, Слове Божий, истинаго Бога, от мрака греховнаго взывающа.

Вспомяни, окаянный человече, како лжам, клеветам, разбою, немощем, лютым зверем, грехов ради порабощен еси; душа моя грешная, того ли восхотела еси?

Трепещут ми уди, всеми бо сотворих вину: очима взирай, ушима слышай, языком злая глаголай, всего себе геенне предаяй; душа моя грешная, сего ли восхотела еси?

Слава: Блудника и разбойника кающаяся приял еси, Спасе, аз же един леностию греховною отягчихся и злым делом поработихся, душа моя грешная, сего ли восхотела еси?

И ныне: Дивная и скорая помощнице всем человеком, Мати Божия, помози мне недостойному, душа бо моя грешная того восхоте.

**Песнь 6**

Житейское море, воздвигаемое зря напастей бурею, к тихому пристанищу Твоему прите, вопиу Ти: возведи от тли живот мой, Многомилостиве.

Житие на земли блудно пожих и душу во тьму предах, ныне убо молю Тя, Милостивый Владыко: свободи мя от работы сея вражия, и даждь ми разум творити волю Твою.

Кто творит таковая, якоже аз? Якоже бо свиния лежит в калу, тако и аз греху служу. Но Ты, Господи, исторгни мя от гнуса сего и даждь ми сердце творити заповеди Твоя.

Слава: Воспряни, окаянный человече, к Богу, воспомянув своя согрешения, припадая ко Творцу, слезя и стена; Той же, яко милосерд, даст ти ум знати волю Свою.

И ныне: Богородице Дево, от видимаго и невидимаго зла сохрани мя, Пречистая, и приеми молитвы мои, и донеси я Сыну Твоему, да даст ми ум творити волю Его.

**Кондак**

Душе моя, почто грехами богатеши, почто волю диаволю твориши, в чесом надежду полагаеш? Престани от сих и обратися к Богу с плачем, зовущи: милосерде Господи, помилуй мя грешнаго.

**Икос**

Помысли, душе моя, горький час смерти и страшный суд Творца твоего и Бога: Ангели бо грозни поймут тя, душе, и в вечный огнь введут: убо прежде смерти покайся, вопиющи: Господи, помилуй мя грешнаго.

**Песнь 7**

Росодательну убо пещь содела Ангел преподобным отроком, халдеи же опаляющее веление Божие, мучителя увеша вопити: благословен еси, Боже отец наших.

Не надейся, душе моя, на тленное богатство и на неправедное собрание, вся боя сия не веси кому оставиши, но возопий: помилуй мя, Христе Боже, недостойнаго.

Не уповай, душе моя, на телесное здравие и на скромимоходящую красоту, видиши бо, яко сильни и младни умирают; но возопий: помилуй мя, Христе Боже, недостойнаго.

Слава: Воспомяни, душе моя, вечное житие, Царство Небесное, уготованное святым, и тьму кромешную и гнев Божий злым, и возопий: помилуй мя, Христе Боже, недостойнаго.

И ныне: Припади, душе моя, к Божией Матери и помолися Той, есть бо скорая помощница кающимся, умолит Сына Христа Бога, и помилует мя недостойнаго.

**Песнь 8**

Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.

Како не имам плакатися, егда помышляю смерть, видех бо во гробе лежаща брата моего, безславна и безобразна? Что убо чаю, и на что надеюсь? Токмо даждь ми, Господи, прежде конца покаяние. (*Дважды!*)

Слава: Верую, яко приидеши судити живых и мертвых, и вси во своем чину станут, старии и младни, владыки и князи, девы и священницы; где обрящуся аз? Сего ради вопиу: даждь ми, Господи, прежде конца покаяние.

И ныне: Пречистая Богородице, приеми недостойнную молитву мою и сохрани мя от наглых смерти, и даруй ми прежде конца покаяние.

**Песнь 9**

Бога человеком невозможно видети, на Негоже не смеют чини Ангельстии взирати; Тобою же, Всечистая, явися человеком Слово Воплощенно, Егоже величающе, с небесными вои Тя ублажаем.

Ныне к вам прибегаю, Ангели, Архангели и вся небесныя силы, у Престола Божия стоящии, молитесь ко Творцу своему, да избавит душу мою от муки вечныя.

Ныне плачуся к вам, святии патриарси, царие и пророцы, апостоли и святители и вси избраннии Христовы: помозите ми на суде, да спасет душу мою от силы вражия.

Слава: Ныне к вам воздежу руце, святии мученицы, пустынницы, девственницы, праведницы и вси святии, молящиися ко Господу за весь мир, да помилует мя в час смерти моей.

И ныне: Мати Божия, помози ми, на Тя сильне надеющемуся, умоли Сына Своего, да поставит мя недостойнаго одесную Себе, егда сядет судяй живых и мертвых, аминь.

**Молитва**

Владыко Христе Боже, Иже страстью Своими страсти моя исцеливый и язвами Своими язвы моя уврачевавый, даруй мне, много Тебе прегрешившему, слезы умиления; сраствори моему телу от обоняния Животворящаго Тела Твоего, и наслади душу мою Твою Честною Кровию от горести, еюже мя сопротивник напои; возвыси мой ум к Тебе, долу поникший, и возведи от пропасти погибели: яко не имам покаяния, не имам умиления, не имам слезы утешительныя, возводящия чада ко своему наследию. Омрачихся умом в житейских страстех, не могу воззрети к Тебе в болезни, не могу согретися слезами, яже к Тебе любве. Но, Владыко Господи Иисусе Христе, сокровище благих, даруй мне покаяние всецелое и сердце люботрудное во взыскание Твое, даруй мне благодать Твою и обнови во мне зраки Твоего образа. Оставил Тя, не остави мене; изыди на взыскание мое, возведи к пажити Твоей и сопричи мя овцам избранного Твоего стада, воспитай мя с ними от злака Божественных Твоих Таинств, молитвами Пречистыя Твоей Матере и всех святых Твоих. Аминь.

*В канонах припев как молитвенное воззвание произносится перед первым и вторым (и третьим, когда оно есть) тропарем каждой песни, но не читается перед тропарями, начинающимся со «Слава Отцу и Сыну и Святому Духу» и «И ныне и присно и во веки веков. Аминь».*





# Канон молебный ко Пресвятой Богородице



**Поемый во всякой скорби душевной и обстоянии**  
**Творение Феостирикта монаха**

## Тропарь Богородице, глас 4-й

К Богородице прилежно ныне притецем, грешни и смиренни, и припадем, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы. (*Дважды*)

Слава, и ныне: Не умолчим никогда, Богородице, силы Твоя глаголати, недостойнни: аще бо Ты не бы предстояла молящи, кто бы нас избавил от толиких бед, кто же бы сохранил до ныне свободны? Не отступим, Владычице, от

Тебе: Твоя бо рабы спасаеш присно от всяких лютых.

## Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих; яко да оправдишися во словесех Твоих, и победиши всегда судити Ти. Се бо, в беззакониих зачат есмь, и во грехах роди мя мати моя. Се бо, истину возлюбил еси; безвестная и тайная премудрости Твоей явил ми еси. Окропиши мя иссопом, и очищуся; омыши мя, и паче снега убелюсь. Слуху моему даси радость и веселье; возрадуются кости смиренныя. Отврати лицо Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззакония путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиленно Бог не

уничожит. Ублажи, Господи, благоволением Твоим Сиона, и да созиждутся стены Иерусалимские. Тогда благоволиши жертву правды, возношение и всесожигаемая; тогда возложат на олтарь Твой тельцы.

**Канон ко Пресвятой Богородице, глас 8-й****Песнь 1**

Воду прошед яко сушу, и египетского зла избежав, израильянин вопияше: избавителю и Богу нашему поим.

*Препев:* Пресвятая Богородице, спаси нас.

Многими содержим напастьми, к Тебе прибегаю, спасения искай: о, Мати Слова и Дево, от тяжких и лютых мя спаси.

Страстей мя смущают прилози, многаго уныния исполнити мою душу; умири, Отроковице, тишиною Сына и Бога Твоего, Всенепорочная.

Слава: Спаса рожвшую Тя и Бога, молю, Дево, избавитися ми лютых: к Тебе бо ныне прибегая, простираю и душу и помышление.

И ныне: Недугующа телом и душею, посещения Божественного и промышления от Тебе сподоби, едина Богомати, яко благая, Благаго же Родительница.

**Песнь 3**

Небеснаго круга Верхотворче, Господи, и Церкве Зиждителю, Ты мене утверди в любви Твоей, желаний краю, верных утверждение, едине Человеколюбче.

Предстательство и покров жизни моей полагаю Тя, Богородительнице Дево: Ты мя окорми ко пристанищу Твоему, благих виновна; верных утверждение, едина Всепетая.

Молю, Дево, душевное смущение и печали моей бурю разорити: Ты бо, Богоневестная, начальника тишины Христа родила еси, едина Пречистая.

Слава: Благодетеля рождши добрых виновнаго, благодеяния богатство всем источи, вся бо можеши, яко сильнаго в крепости Христа рождши, Богоблаженная.

И ныне: Лютыми недуги и болезненными страстью истязаemu, Дево, Ты ми помози: исцелений бо неоскудное Тя знаю сокровище, Пренепорочная, неизживающее.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству.

Призри благосердием, всепетая Богородице, на мое лютое телесе озлобление, и исцели души моей болезнь.

**Тропарь, глас 2-й**

Моление теплое и стена необоримая, милости источниче, мирови прибежище, прилежно вопием Ти: Богородице Владычице, предвари, и от бед избави нас, едина вскоре предстательствующая.

**Песнь 4**

Услыхах, Господи, смотрения Твоего таинство, разумех дела Твоя и прославих Твое Божество.

Страстей моих смущение, кормчию рождшая Господа, и бурю утиши моих прегрешений, Богоневестная.

Милосердия Твоего бездну призывающу подаждь ми, яже Благосердаго рождшая и Спаса всех поющих Тя.

Наслаждающиеся, Пречистая, Твоих дарований, благодарственное воспеваем пение, ведуще Тя Богоматерь.

Слава: На одре болезни моей и немощи низлежащу ми, яко Благолюбива, помози, Богородице, едина Приснодево.

И ныне: Надежду и утверждение и спасения стену недвижиму имуще Тя, Всепетая, неудобства всякаго избавляемся.

### Песнь 5

Просвети нас повелении Твоими, Господи, и мышцею Твою высокою Твой мир подаждь нам, Человеколюбче.

Исполни, Чистая, веселия сердце мое, Твою нетленную дающи радость, веселия рождшая виновнаго.

Избави нас от бед, Богородице чистая, вечное рождши избавление, и мир, всяк ум преимущий.

Слава: Разреши мглу прегрешений моих, Богоневесто, просвещением Твоим светлости, Свет рождшая Божественный и превечный.

И ныне: Исцели, Чистая, души моей неможение, посещения Твоего сподобльшай, и здравие молитвами Твоими подаждь ми.

### Песнь 6

Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

Смерти и тли яко спасл есть, Сам Ся издав смерти, тлением и смертию мое естество, ято бывшее, Дево, моли Господа и Сына Твоего, врагов злодействия мя избавити.

Предстательницу Тя живота вем и хранительницу тверду, Дево, и напастей решашу молвы, и налоги бесов отгоняющу; и молюся всегда, от тли страстей моих избавити мя.

Слава: Яко стену прибежища стяжахом, и душ всесовершенное спасение, и пространство в скорбех, Отроковице, и просвещением Твоим присно радуемся: о, Владычице, и ныне нас от страстей и бед спаси.

И ныне: На одре ныне немощствуяй лежу, и несть исцеления плоти моей: но, Бога и Спаса миру и Избавителя недугов рождшая, Тебе молюся, Благой: от тли недуг возстави мя.

### Кондак, глас 6-й

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву, и потщися на умоление, предстательствующи присно, Богородице, чтущих Тя.

**Другой кондак, глас тот же**

Не имамы иныя помощи, не имамы иныя надежды, разве Тебе, Пречистая Дево. Ты нам помози, на Тебе надеемся, и Тобою хвалимся, Твои бо есмы рабы, да не постыдимся.

**Стихира, глас тот же**

Не ввери мя человеческому представительству, Пресвятая Владычице, но приими моление раба Твоего: скорбь бо обдергит мя, терпети не могу демонского стреляния, покрова не имам, ниже где прибегну, окаянный, всегда побеждаем, и утешения не имам, разве Тебе, Владычице мира, упование и представительство верных, не презри моление мое, полезно сотвори.

**Песнь 7**

От Иудеи дошедше отроцы, в Вавилоне иногда, верою Троическою пламень пещный попраша, поюще: отцев Боже, благословен еси.

Наше спасение якоже восхотел еси, Спасе, устроиши, во утробу Девыя вселился еси, Юже миру представительнищу показал еси: отец наших Боже, благословен еси.

Волителя милости, Егоже родила еси, Мати чистая, умоли избавитися от прегрешений и душевных скверн верою зовущим: отец наших Боже, благословен еси.

Слава: Сокровище спасения и Источник нетления, Тя рождшую, и столп утверждения, и дверь покаяния, зовущим показал еси: отец наших Боже, благословен еси.

И ныне: Телесныя слабости и душевныя недуги, Богородительнице, любовию приступающих к крову Твоему, Дево, исцелити сподоби, Спаса Христа нам рождшая.

**Песнь 8**

Царя Небеснаго, Егоже поют вои ангельстии, хвалите и превозносите во вся веки.

Помоши яже от Тебе требующия не презри, Дево, поющия и превозносящия Тя во веки.

Неможение души моей исцеляеши и телесныя болезни, Дево, да Тя прославлю, Чистая, во веки.

Слава: Исцелений богатство изливаеши верно поющим Тя, Дево, и превозносящим неизреченное Твое рождество.

И ныне: Напастей Ты прилоги отгоняеши и страстей находы, Дево: темже Тя поем во вся веки.

**Песнь 9**

Воистинну Богородицу Тя исповедуем, спасеннии Тобою, Дево чистая, с бесплотными лики Тя величающе.

Тока слез моих не отвратися, Яже от всякаго лица всяку слезу отъемшаго, Дево, Христа рождшая.

Радости мое сердце исполни, Дево, Яже радости приемшая исполнение, греховную печаль потребляющи.

Пристанище и представительство к Тебе прибегающих буди, Дево, и стена нерушимая, прибежище же и покров и веселье.

Слава: Света Твоего зарями просвети, Дево, мрак неведения отгоняющи, благоверно Богородицу Тя исповедающих.

И ныне: На месте озлобления немощи смирившагося, Дево, исцели, из нездравия во здравие претворяющи.

### Стихиры, глас 2-й

Высшую небес и чистшую светлостей солнечных, избавльшую нас от клятвы, Владычицу мира песньми почтим.

От многих моих грехов немоществует тело, немоществует и душа моя; к Тебе прибегаю, Благодатней, надеждо ненадежных, Ты ми помози.

Владычице и Мати Избавителя, приеми моление недостойных раб Твоих, да ходатайствуеш к Рождшему от Тебе; о, Владычице мира, буди Ходатаица!

Поем прилежно Тебе песнь ныне, всепетой Богородице, радостно: со Предтечею и всеми святыми моли, Богородице, еже ущедрити ны.

Вся ангелов воинства, Предтече Господень, апостолов двоенадесятице, святии вси с Богородицею, сотворите молитву, во еже спастися нам.

### Молитвы ко Пресвятой Богородице

Царице моя преблагая, надеждо моя Богородице, приятелище сирых и странных представительнице, скорбящих радосте, обидимых покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам иныя помощи разве Тебе, ни иныя представительницы, ни благия утешительницы, токмо Тебе, о Богомати, яко да сохраниши мя и покрыши во веки веков. Аминь.

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и вздохание мое примет, аще не Ты, Пренепорочная, надеждо христиан и прибежище нам, грешным? Кто паче Тебе в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене, требующаго Твою помощи, и не отрини мене, грешнаго. Вразуми и научи мя, Царице Небесная; не отступи от мене, раба Твоего, Владычице, за роптанье мое, но буди мне Мати и заступница. Вручаю себе милостивому покрову Твоему: приведи мя, грешнаго, к тихой и безмятежной жизни, да плачуся о грешах моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окриляем? О, Владычице Царице Небесная! Ты мне упование и прибежище, покров и заступление и помошь. Царице моя преблагая и скорая заступница! Покрый Твоим ходатайством моя прегрешения, защити мене от враг видимых и невидимых; умягчи сердца злых человек, возстающих на мя. О, Мати Господа моего Творца! Ты еси корень девства и неувядаемый цвет чистоты. О, Богородительнице! Ты подаждь ми помошь немощствующему плотскими страстями и болезнующему сердцем, едино бо Твое и с Тобою Твоего Сына и Бога нашего имам заступление; и Твоим пречудным заступлением да избавлюся от всякия

беды и напасти, о пренепорочная и преславная Божия Мати Марие. Темже со упоминанием глаголю и вопию: радуйся, благодатная, радуйся, обрадованная; радуйся, преблагословенная, Господь с Тобою.





## Канон Ангелу Хранителю



Ангеле Божий, хранителю мой святый, живот мой соблюди во страсе Христа Бога, ум мой утверди во истиннем пути, и к любви горней уязви душу мою, да тобою направляемь, получу от Христа Бога велию милость.

Слава, и ныне:

Святая Владычице, Христа Бога нашего Мати, яко всех Творца недоуменно рождшая, моли благость Его всегда, со хранителем моим ангелом, спаси душу мою, страстью одержимую, и оставление грехов даровати ми.

Поим Господеви, проведшему люди Своя сквозе Чермное море, яко един славно прославися.

Иисусу: Господи Иисусе Христе Боже мой, помилуй мя.

Песнь воспети и восхвалити, Спасе, Твоего раба достойно сподоби, безплотному Ангелу, наставнику и хранителю моему.

Припев: Святый Ангеле Божий, хранителю мой, моли Бога о мне.

Един аз в неразумии и в лености ныне лежу, наставниче мой и хранителю, не остави мене, погибающа.

Слава: Ум мой твою молитвою направи, творити ми Божия повеления, да получу от Бога отданье грехов, и ненавидети ми злых настави мя, молюся ти.

И ныне: Молися, Девице, о мне, рабе Твоем, ко Благодателю, со хранителем моим Ангелом, и настави мя творити заповеди Сына Твоего и Творца моего.

### Песнь 3

Ты еси утверждение притекающих к Тебе, Господи, Ты еси свет омраченных, и поет Тя дух мой.

Все помышление мое и душу мою к тебе возложих, хранителю мой; ты от всякия мя напасти вражия избави.

Враг попирает мя, и озлобляет, и поучает всегда творити своя хотения; но ты, наставниче мой, не остави мене погибающа.

Слава: Пети песнь со благодарением и усердием Творцу и Богу даждь ми, и тебе, благому Ангелу хранителю моему: избавителю мой, изми мя от враг озлобляющих мя.

И ныне: Исцели, Пречистая, моя многонедужныя струпы, яже в души, прожени враги, иже присно борются со мною.

От любве душевныя вопию ти, хранителю моя души, всесвятый мой Ангеле: покрый мя и соблюди от лукаваго ловления всегда, и к жизни настави небесней, вразумляя и просвещая и укрепляя мя.

Слава, и ныне: Богородичен:

Богородице безневестная Пречистая, Яже без семени рождши всех Владыку, Того со Ангелом хранителем моим моли, избавити ми ся всякаго недоумения, и дати умиление и свет души моей и согрешением очищение, Яже едина вскоре заступающи.

Услыхаш, Господи, смотрения Твоего таинство, разумех дела Твоя, и прославих Твое Божество.

Моли Человеколюбца Бога ты, хранителю мой, и не остави мене, но присно в мире житие мое соблюди и подаждь ми спасение необоримое.

Яко заступника и хранителя животу моему прием тя от Бога, Ангеле, молю тя, святый, от всяких мя бед свободи.

Слава: Мою скверность твою святынею очисти, хранителю мой, и от части шуя да отлучен буду молитвами твоими и причастник славы явлюся.

И ныне: Недоумение предлежит ми от обышедших мя зол, Пречистая, но избави мя от них скоро: к Тебе бо единей прибегох.

Утренююще вопием Ти: Господи, спаси ны; Ты бо еси Бог наш, разве Тебе иного не вемы.

Яко имея дерзновение к Богу, хранителю мой святый, Сего умоли от оскорбляющих мя зол избавити.

Свете светлый, светло просвети душу мою, наставниче мой и хранителю, от Бога данный ми Ангеле.

Слава: Спяща мя зле тяготою греховною, яко бдяща сохрани, Ангеле Божий, и возстави мя на словословие молением твоим.

И ныне: Марие, Госпоже Богородице безневестная, надеждо верных, вражия возношения низложи, по ющия же Тя возвесели.

Ризу ми подаждь светлу, одеяйся светом яко ризою, многомилостиве Христе Боже наш.

Всяких мя напастей свободи, и от печалей спаси, молюся ти, святый Ангеле, данный ми от Бога, хранителю мой добрый.

Освети ум мой, блаже, и просвети мя, молюся ти, святый Ангеле, и мыслити ми полезная всегда настави мя.

Слава: Устави сердце мое от настоящаго мятежа, и бдеть укрепи мя во благих, хранителю мой, и настави мя чудно к тишине животней.

И ныне: Слово Божие в Тя вселися, Богородице, и человеком Тя показа небесную лествицу; Тобою бо к нам Вышний сошел есть.

Явися мне милосерд, святый Ангеле Господень, хранителю мой, и не отлучайся от мене, сквернаго, но просвети мя светом неприкосновенным и сотвори мя достойна Царствия Небеснаго.

Уничиженную душу мою многими соблазны, ты, святый предстатель, неизреченныя славы небесныя сподоби, и певец с лики безплотных сил Божиих, помилуй мя и сохрани, и помыслы добрыми душу мою просвети, да твою славою, Ангеле мой, обогащуся, и низложи зломыслящия мне враги, и сотвори мя достойна Царствия Небеснаго.

От Иудеи дошедше отроцы, в Вавилоне иногда, верою Троическою пламень пещный попраша, поюще: отцев Боже, благословен еси.

Милостив буди ми, и умоли Бога, Господень Ангеле, имею бо тя заступника во всем животе моем, наставника же и хранителя, от Бога дарованного ми во веки.

Не остави в путь шествующия души моей окаянныя убити разбойником, святый Ангеле, яже ти от Бога предана бысть непорочне; но настави ю на путь покаяния.

Слава: Всю посрамлену душу мою привожду от лукавых ми помысл и дел: но предвари, наставниче мой, и исцеление ми подаждь благих помысл, уклоняти ми ся всегда на правыя стези.

И ныне: Премудрости исполни всех и крепости Божественныя, Ипостасная Премудрость Вышняго, Богородицы ради, верою вопиющих: отец наших Боже, благословен еси.

Царя Небеснаго, Егоже поют вои ангельстии, хвалите и превозносите во вся веки.

От Бога посланный, утверди живот мой, раба твоего, преблагий Ангеле, и не остави мене во веки.

Ангела тя суща блага, души моей наставника и хранителя, преблаженне, воспеваю во веки.

Слава: Буди ми покров и забрало в день испытания всех человек, воньже огнем искушаются дела благая же и злая.

И ныне: Буди ми помощница и тишина, Богородице Приснодево, рабу Твоему, и не остави мене лишена быти Твоего владычества.

Воистинну Богородицу Тя исповедуем, спасеннии Тобою, Дево чистая, с безплотными лики Тя величающе.

Иисусу: Господи Иисусе Христе Боже мой, помилуй мя.

Помилуй мя, едине Спасе мой, яко милостив еси и милосерд, и праведных ликов сотвори мя причастника.

Мыслити ми присно и творити, Господень Ангеле, благая и полезная даруй, яко сильна яви в немощи и непорочна.

Слава: Яко имея дерзновение к Царю Небесному, Того моли, с прочими безплотными, помиловать мя, окаяннаго.

И ныне: Много дерзновение имущи, Дево, к Воплощему из Тебе, преложи мя от уз и разрешение ми подаждь и спасение, молитвами Твоими.


Ангеле Христов святый, к тебе припадая молюся, хранителю мой святый, приданый мне на соблюдение души и телу моему грешному от святаго крещения, аз же своею леностию и своим злым обычаем прогневах твою пречистую светлость и отгнах тя от себе всеми студными делы: лжами, клеветами, завистию, осуждением, презорством, непокорством, братоненавидением, и злопомнением, сребролюбием, прелюбодеянием, яростию, скupостию, объядением без сытости и опивством, многоглаголанием, злыми помыслы и лукавыми, гордым обычаем и блудным возбешением, имый самохотение на всякое плотское вожделение. О, злое мое произволение, егоже и скоти безсловеснии не творят! Да како возможеши воззрети на мя, или приступити ко мне, аки псу смердящему? Которыма очима, ангеле Христов, воззриши на мя, оплетшася зле во гнусных делех? Да како уже возможу отпущения просити горьким и злым моим и лукавым деянием, в няже впадаю по вся дни и нощи и на всяк час? Но молюся ти припадая, хранителю мой святый, умилосердися на мя грешнаго и недостойнаго раба твоего (имя), буди ми помощник и заступник на злаго моего сопротивника, святыми твоими молитвами, и Царствия Божия причастника мя сотвори со всеми святыми, всегда, и ныне и присно и во веки веков. Аминь.

\* Тропарь Иисусу Христу только в первой и девятой песнях канона.





# Последование ко Святому Причащению



Молитвами святых отец наших, Господи Иисусе Христе Боже наш, помилуй нас. Аминь.  
Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, приди и вселися в ны, и очисти ны от всякия скверны, и спаси, Блаже,

души наша.

Святый Боже, Святый Крепкий, Святый Безсмертный, помилуй нас. (*Трижды*)  
Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (*Трижды*)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй. (12раз)

Приидите, поклонимся Цареви нашему Богу. (*Поклон*)

Приидите, поклонимся и припадем Христу, Цареви нашему Богу. (*Поклон*)

Приидите, поклонимся и припадем Самому Христу, Цареви и Богу нашему. (*Поклон*)

## Псалом 22

Господь пасет мя, и ничтоже мя лишит. На месте злачне, тамо всели мя, на воде покойне воспита мя. Душу мою обрати, настави мя на стези правды, имене ради Своего. Аще бо и пойду посреде сени смертныя, не убоюся зла, яко Ты со мною еси, жезл Твой и палица Твоя, та мя утешиста. Уготовал еси предо мною трапезу сопротив стужающим мне, умастил еси елеом главу мою, и чаша Твоя упоявающи мя, яко державна. И милость Твоя поженет мя вся дни жизни моего, и еже вселити ми ся в дом Господень, в долготу дний.

## Псалом 23

Господня земля, и исполнение ея, вселенная, и вси живущии на ней. Той на морях основал ю есть, и на реках уготовал ю есть. Кто взыдеть на гору Господню? Или

кто станет на месте святым Его? Неповинен рукама и чист сердцем, иже не прият всуе душу свою, и не клятся лестию искреннему своему. Сей приемет благословение от Господа, и милостыню от Бога, Спаса своего. Сей род ищущих Господа, ищущих лице Бога Иаковля. Возмите врата князи ваша, и возмитеся врата вечная; и внидет Царь Славы. Кто есть сей Царь Славы? Господь крепок и силен, Господь силен в брани. Возмите врата князи ваша, и возмитеся врата вечная, и внидет Царь Славы. Кто есть сей Царь Славы? Господь сил, Той есть Царь Славы.

### Псалом 115

Веровах, темже возлаголах, аз же смирихся зело. Аз же рех во изступлении моем: всяк человек ложь. Что воздам Господеви о всех, яже воздаде ми? Чашу спасения прииму, и имя Господне призову, молитвы моя Господеви воздам пред всеми людьми Его. Честна пред Господем смерть преподобных Его. О, Господи, аз раб Твой, аз раб Твой и сын рабыни Твоей; растерзал еси узы мои. Тебе пожру жертву хвалы, и во имя Господне призову. Молитвы моя Господеви воздам пред всеми людьми Его, во дворех дому Господня, посреди тебе, Иерусалиме.

Слава, и ныне: Аллилуия. (*Трижды с тремя поклонами*)

### Тропари, глас 8-й

Беззакония моя презри, Господи, от Девы рождейся, и сердце мое очисти, храм то творя пречистому Твоему Телу и Крови, ниже отрини мене от Твоего лица, без числа имеяй велию милость.

Слава: Во причастие святынь Твоих како дерзну [вниду], недостойный? Аше бо дерзну к Тебе приступити с достойными, хитон мя обличает, яко несть вечерний, и осуждение исходатайствую многогрешной души моей. Очисти, Господи, скверну души моея, и спаси мя, яко Человеколюбец.

И ныне: Многая множества моих, Богородице, прегрешений, к Тебе прибегох, Чистая, спасения требуя: посети немощствующую мою душу, и моли Сына Твоего и Бога нашего, дати ми оставление, яже содеях лютых, Едина благословенная.

### [Во Святую же Четыредесятницу:

Егда славнии ученицы на умовении вечери просвещахуся, тогда Иуда злочестивый сребролюбием недуговав омрачашеся, и беззаконным судиям Тебе праведного Судию предает. Виждь, имений рачителю, сих ради удавление употребивша: бежи несытыя души, Учителю таковая дерзнувшая. Иже о всех благий Господи, слава Тебе.]

### Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих; яко да оправдишишися во словесех Твоих, и победиши внегда судити Ти. Се бо, в беззакониих зачат есмъ, и во грехах роди мя мати моя. Се бо, истину возлюбил еси; безвестная и тайная премудрости Твоей явил ми еси. Окропиши мя иссопом, и очищуся; омыши мя, и паче снега убелюся. Слуху моему даси радость и веселье; возрадуются кости

смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззакония путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал быхubo: всесожжения не благоволиши. Жертва Богу дух сокрушен; сердце сокрушенно и смиленно Бог не унижит. Ублажи, Господи, благоволением Твоим Сиона, и да созиждутся стены Иерусалимских. Тогда благоволиши жертву правды, возношение и всесожгаемая; тогда возложат на олтарь Твой тельцы.

**Канон, глас 2-й****Песнь 1**

Грядите людие, поим песнь Христу Богу, раздельшему море, и наставльшему люди, яже изведе из работы египетския, яко прославися,

Припев: Сердце чисто созижди во мне, Боже, и дух прав обнови во утробе моей.

Хлеб живота вечнующаго да будет ми Тело Твое Святое, благоутробне Господи, и Честная Кровь, и недуг многообразных исцеление.

**Припев:**

Не отвержи мене от лица Твоего, и Духа Твоего Святаго не отыми от мене.

Осквернен дели безместными окаянный, Твоего Пречистаго Тела и Божественные Крове недостоин есмь, Христе, причащения, егоже мя сподоби.

**Припев:**

Пресвятая Богородице, спаси нас.

**Богородичен:**

Земле благая, благословенная Богоневесто, клас прозябшая неоранный и спасительный миру, сподоби мя сей ядуща спастися.

**Песнь 3**

На камени мя веры утвердив, разширил еси уста моя на враги моя. Возвесели бо ся дух мой, внегда пети: несть свят, якоже Бог наш, и несть праведен паче Тебе, Господи.

Слезныя ми подаждь, Христе, капли, скверну сердца моего очищающия: яко да благоу совестию очищен, верою приходжу и страхом, Владыко, ко причащению Божественных Даров Твоих.

Во оставление да будет ми прегрешений Пречистое Тело Твое, и Божественная Кровь, Духа же Святаго общение, и в жизнь вечную, Человеколюбче, и страстей и скорбей отчуждение.

**Богородичен:**

Хлеба животнаго Трапеза Пресвятая, свыше милости ради сшедшаго, и мирови новый живот дающаго, и мене ныне сподоби недостойнаго, со страхом вкусити сего, и живу быти.

**Песнь 4**

Пришел еси от Девы, не ходатай, ни Ангел, но Сам, Господи, воплощься, и спася еси всего мя человека. Тем зову Ти: слава сile Твоей, Господи.

Восхотел еси, нас ради воплощься, Многомилостиве, заклан быти яко овча, грех ради человеческих: темже молю Тя, и моя очисти согрешения.

Исцели души моя язвы, Господи, и всего освяти: и сподоби, Владыко, яко да причащауся тайныя Твоя Божественныя вечери, окаянный.

**Богородичен:**

Умилостиви и мне сущаго от утробы Твоей, Владычице, и соблюди мя нескверна раба Твоего и непорочна, яко да прием умнаго бисера, освящуся.

**Песнь 5**

Света Подателю и веков Творче, Господи, во свете Твоих повелений настави нас; разве бо Тебе иного бога не знаем.

Якоже предрекл еси, Христе, да будет убо худому рабу Твоему, и во мне пребуди, якоже обещался еси: се бо Тело Твое ям Божественное, и пию Кровь Твою.

Слове Божий и Боже, угль Тела Твоего да будет мне помраченному в просвещение, и очищение оскверненной души моей Кровь Твоя.

**Богородичен:**

Марие, Мати Божия, благоухания честное селение, Твоими молитвами сосуд мя избранный соделай, яко да освящений причащауся Сына Твоего.

**Песнь 6**

В бездне греховней валяся, неизследную милосердия Твоего призываю бездну: от тли, Боже, мя возведи.

Ум, душу и сердце освяти, Спасе, и тело мое, и сподоби неосужденно, Владыко, к страшным Тайнам приступити.

Дабы устранился от страстей, и Твоя благодати имел бы приложение, живота же утверждение, причащением Святых, Христе, Таин Твоих.

**Богородичен:**

Божие, Боже, Слово Святое, всего мя освяти, ныне приходящаго к Божественным Твоим Тайнам, Святыя Матере Твоей мольбами.

**Кондак, глас 2-й**

Хлеб, Христе, взяти не презри мя, Тело Твое, и Божественную Твою ныне Кровь, пречистых, Владыко, и страшных Твоих Таин причаститися окаянного, да не будет ми в суд, да будет же ми в живот вечный и бессмертный.

**Песнь 7**

Телу златому премудрыя дети не послужиша, и в пламень сами поидоша, и боги их обругаша, среди пламене возопиша, и ороси я Ангел: услышася уже уст ваших молитва.

Источник благих, причащение, Христе, бессмертных Твоих ныне Таинств да будет ми свет, и живот, и безстрастие, и к преспянию же и умножению добродетели Божественнейшия ходатайственно, едине Блаже, яко да славлю Тя.

Да избавлюся от страстей, и врагов, и нужды, и всякия скорби, трепетом и любвию со благоговением, Человеколюбче, приступаяй ныне к Твоим безсмертным и Божественным Тайнам, и пети Тебе сподоби: благословен еси, Господи, Боже отец наших.

**Богородичен:**

Спаса Христа рождшая паче ума, Богоблагодатная, молю Тя ныне, раб Твой, Чистую нечистый: хотящаго мя ныне к пречистым Тайнам приступити, очисти всего от скверны плоти и духа.

**Песнь 8**

В пещь огненную ко отроком еврейским снизшедшаго, и пламень в росу преложшаго Бога, пойте дела яко Господа, и превозносите во вся веки.

Небесных, и страшных, и святых Твоих, Христе, ныне Таин, и Божественные Твоего и тайныя вечери общника быти и мене сподоби отчаянного, Боже, Спасе мой.

Под Твое прибег благоутробие, Блаже, со страхом зову Ти: во мне пребуди, Спасе, и аз, якоже рекл еси, в Тебе; се бо дерзая на милость Твою, ям Тело Твое, и пию Кровь Твою.

Припев: Пресвятая Троице, Боже наш, слава Тебе.

Троичен: Трепещу, приемля огнь, да не опалюся яко воск и яко трава; оле страшного таинства! оле благоутробия Божия! Како Божественного Тела и Крове брение причащаюся, и нетленен сотворяюся?

**Песнь 9**

Безначальна Родителя Сын, Бог и Господь, воплощся от Девы нам явися, омраченная просветити, собрати расточенная: тем всепетую Богородицу величаем.

**Припев:**

Сердце чисто созижди во мне, Боже, и дух прав обнови во утробе моей.

Христос есть, вкусите и видите: Господь нас ради, по нам бо древле бывый, единую Себе принес, яко приношение Отцу Своему, присно закалается, освящаяй причащающаяся.

**Припев:**

Не отвержи мене от лица Твоего, и Духа Твоего Святаго не отыми от мене.

Душою и телом да освящуся, Владыко, да просвещуся, да спасуся, да буду дом Твой причащением священных Таин, живущаго Тя имея в себе со Отцем и Духом, Благодетелю Многомилостиве.

**Припев:**

Воздаждь ми радость спасения Твоего, и Духом Владычним утверди мя.

Якоже огнь да будет ми, и яко свет, Тело Твое и Кровь, Спасе мой, пречестная, опаляя греховное вещество, сжигая же страстей терние, и всего мя просвещая, покланяяся Божеству Твоему.

**Припев:**

Пресвятая Богородице, спаси нас.

**Богородичен:**

Бог воплотися от чистых кровей Твоих; темже всякий род поет Тя, Владычице, умная же множества славят, яко Тобою яве узреша всеми Владычествующаго, осуществлявшагося человечеством.

Достойно есть ... Трисвятое. Пресвятая Троице... Отче наш... *Тропарь дня или праздника. Если неделя, тропарь воскресный по гласу. Если же нет, настоящие тропари, глас 6-й:*

Помилуй нас, Господи, помилуй нас; всякаго бо ответа недоумеюще, сию Ти молитву, яко Владыще, грешни приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших. Ты бо еси Бог наш, и мы людие Твои, вси дела руку Твою, и имя Твое призываєм.

И ныне: Милосердия двери отверзи нам, благословенная Богородице, надеющиеся на Тя да не погибнем, но да избавимся Тобою от бед: Ты бо еси спасение рода христианского.

Господи, помилуй. (40 раз) *И поклоны, сколько хочешь.*

*И стихи:*

Хотя ясти, человече, Тело Владычне,  
Страхом приступи, да не опалишися: огнь бо есть.  
Божественную же пия Кровь ко общению,  
Первее примирися тя опечалившим.  
Таже дерзая, таинственное брашно яждь.  
Прежде причастия страшныя жертвы,  
Животворящаго Тела Владычня,  
Сим помолися образом со трепетом:

**Молитва 1-я, Василия Великого**

Владыко Господи Иисусе Христе, Боже наш, Источниче жизни и бессмертия, всея твари видимыя и невидимыя Содетелю, безначального Отца соприсносущный Сыне и собезначальный, премногия ради благости в последния дни в плоть оболкийся, и распныйся, и погребыйся за ны неблагодарныя и злонравныя, и Твою Кровию обновивый растлевшее грехом естество наше, Сам, Безсмертный Царю, приеми и мое грешного покаяние, и приклони ухо Твое мне, и услыши глаголы мои. Согреших бо, Господи, согреших на небо и пред Тобою, и несмы достоин воззрети на высоту славы Твою: прогневах бо Твою благость, Твоя заповеди преступив, и не послушав Твоих повелений. Но Ты, Господи, незлобив сый, долготерпелив же и многомилостив, не предал еси мя погибнути со беззакоными моими, моего всячески ожидая обращения. Ты бо рекл еси, Человеколюбче, пророком Твоим: яко хотением не хощу смерти грешника, но еже обратится и живу быти ему. Не хощеши бо, Владыко, создания Твою руку погубити, ниже благоволиши о погибели человечестей, но хощеши всем спастися, и в разум истины приити. Темже и аз, аще

и недостоин есмь небесе и земли, и сея привременная жизнь, всего себе повинув греху, и сластем поработив, и Твой осквернив образ; но творение и создание Твое быв, не отчаяваю своего спасения окаянный, на Твое же безмерное благоутробие дерзая, прихожду. Приими убо и мене, Человеколюбче Господи, якоже блудницу, яко разбойника, яко мытаря и яко блудного, и возми мое тяжкое бремя грехов, грех вземляй мира, и немощи человеческия исцеляй, трущающияся и обремененныя к Себе призываю и упокоеваяй, не пришедый призвати праведныя, но грешныя на покаяние. И очисти мя от всякия скверны плоти и духа, и научи мя совершати святыню во страсте Твоем: яко да чистым сведением совести моей, святынь Твоих часть приемля, соединяя святому Телу Твоему и Крови, и имею Тебе во мне живуща и пребывающа, со Отцем, и Святым Твоим Духом. Ей, Господи Иисусе Христе, Боже мой, и да не в суд ми будет причастие пречистых и животворящих Таин Твоих, ниже да немощен буду душою же и телом, от еже недостойне тем причащающимся, но дажь ми, даже до конечнаго моего изыхания, неосужденно восприимати часть святынь Твоих, в Духа Святаго общение, в напутие живота вечнаго, и во благоприятен ответ на Страшнем судищи Твоем: яко да и аз со всеми избранными Твоими общник буду нетленных Твоих благ, яже уготовал еси любящим Тя, Господи, в нихже препроявлен еси во веки. Аминь.

**Молитва 2-я , святого Иоанна Златоустого**

Господи Боже мой, вем, яко несмь достоин, ниже доволен, да под кров внидеши храма души моей, занеже весь пуст и пался есть, и не имаши во мне места достойна еже главу подклонити: но якоже с высоты нас ради смирил еси Себе, смирися и ныне смирению моему; и якоже восприял еси в вертепе и в яслех безсловесных возлещи, сице восприими и в яслех безсловесныя моей души, и во оскверненное мое тело внити. И якоже не неудостоил еси внити, и свечеряти со грешники в дому Симона прокаженнаго, тако изволи внити и в дом смиренныя моей души, прокаженный и грешный; и якоже не отринул еси подобную мне блудницу и грешную, пришедшую и прикоснувшуюся Тебе, сице умилосердися и о мне грешнем, приходящем и прикасающем Ти ся; и якоже не возгнушался еси скверных ея уст и нечистых, целующих Тя, ниже моих возгнушайся скверниших оныя уст и нечистых, ниже мерзких моих и нечистых устен, и сквернаго и нечистейшаго моего языка. Но да будет ми угль пресвятаго Твоего Тела, и честныя Твоя Крове, во освящение и просвещение и здравие смиренней моей души и телу, во облегчение тяжестей многих моих согрешений, в соблюдение от всякаго диавольского действия, во отгнание и возбранение злого моего и лукаваго обычая, во умерщвление страстей, в снабдение заповедей Твоих, в приложение Божественных Твоих благодати, и Твоего Царствия присвоение. Не бо яко презирай прихожду к Тебе, Христе Боже, но яко дерзая на неизреченную Твою благость, и да не на мнозе удаляяяся общения Твоего, от мысленного волка звероуловлен буду. Темже молюся Тебе: яко един сый Свят, Владыко, освяти мою душу и тело, ум и сердце, чревеса и утробы, и всего мя обнови, и вкорени страх Твой во удесех моих, и освящение Твое неотъемлемо от мене сотвори; и буди ми помощник и заступник, окормляя в мире живот мой, сподобляя мя и одесную Тебе предстояния со святыми Твоими, молитвами и мо-

леньми Пречистыя Твоей Матере, невещественных Твоих служителей и пречистых сил, и всех святых, от века Тебе благоугодивших. Аминь

**Молитва 3-я, Симеона Метафраста**

Едине чистый и нетленный Господи, за неизреченную милость человеколюбия наше все восприемый смешение, от чистых и девственных кровей паче естества рождшия Тя, Духа Божественного нашествием, и благоволением Отца присносущнаго, Христе Иисусе, премудрости Божия, и мире, и сило; Твоим восприятием животворящая и спасительная страдания восприемый, крест, гвоздия, копие, смерть, умерти моя душетленныя страсти телесныя. Погребением Твоим адова пленивый царствия, погреби моя благими помыслы лукавая советования, и лукавствия духи разори. Тридневным Твоим и живоносным воскресением падшаго праотца возставивый, возстави мя грехом поползшагося, образы мне покаяния предлагая. Преславным Твоим вознесением плотское обоживый восприятие, и сие десныим Отца седением почтый, сподоби мя причастием святых Твоих Таин десную часть спасаемых получити. Снитием Утешителя Твоего Духа сосуды честны священныя Твоя ученики соделавый, приятелище и мене покажи Того пришествия. Хотяй паки прийти судити вселенней правдою, благоволи и мне усрести Тя на облаzech, Судию и Создателя моего, со всеми святыми Твоими: да безконечно славословлю и воспеваю Тя, со безначальным Твоим Отцем, и Пресвятым и Благим и Животворящим Твоим Духом, ныне и присно, и во веки веков. Аминь.

**Молитва 4-я, святого Иоанна Дамаскина**

Владыко Господи Иисусе Христе, Боже наш, едине имеяй власть человеком оставляти грехи, яко благ и Человеколюбец презри моя вся в ведении и не в ведении прегрешения, и сподоби мя неосужденно причаститися Божественных, и преславных, и пречистых, и животворящих Твоих Таин, не в тяжесть, ни в муку, ни в приложение грехов, но во очищение, и освящение, и обручение будущаго Живота и царствия, в стену и помощь, и в возражение сопротивных, во истребление многих моих согрешений. Ты бо еси Бог милости, и щедрот, и человеколюбия, и Тебе славу возсылаем, со Отцем, и Святым Духом, ныне и присно, и во веки веков. Аминь.

**Молитва 5-я, святого Василия Великого**

Вем, Господи, яко недостойне причащаюся пречистаго Твоего Тела и честныя Твоя Крове, и повинен есмь, и суд себе ям и пию, не разсуждая Тела и Крове Тебе Христа и Бога моего, но на щедроты Твоя дерзая прихожду к Тебе рекшему: ядый Мою плоть, и пияй Мою кровь, во Мне пребывает, и Аз в нем. Умилосердися убо, Господи, и не обличи мя грешнаго, но сотвори со мною по милости Твой; и да будут ми святая сия во исцеление, и очищение, и просвещение, и сохранение, и спасение, и во освящение души и тела; во отгнание всякаго мечтания, и лукаваго деяния, и действа диавольскаго, мысленне во удесех моих действуемаго, в дерзновение и любовь, яже к Тебе; во исправление жития и утверждение, в возращение добродетели и совершенства; во исполнение заповедей, в Духа Святаго общение, в напутие живота вечнаго, во ответ благоприятен на Страшнем судищи Твоем: не в суд или во осуждение.

**Молитва 6-я, святого Симеона Нового Богослова**

От скверных устен, от мерзкаго сердца, от нечистаго языка, от души осквернены, приими моление, Христе мой, и не презри моих ни словес, ниже образов, ниже безстыдия. Даждь ми дерзновенно глаголати, яже хощу, Христе мой, паче же и научи мя, что ми подобает творити и глаголати. Согреших паче блудницы, яже уведе, где обитаеш, миро купивши, прииде дерзостне помазати Твои нозе, Бога моего, Владыки и Христа моего. Яко же ону не отринул еси пришедшую от сердца, ниже мене возгнушайся, Слове: Твои же ми подаждь нозе, и держати и целовати, и струями слезными, яко многоценным миром, сия дерзостно помазати. Омы мя слезами моими, очисти мя ими, Слове. Остави и прегрешения моя, и прощение ми подаждь. Веси зол множество, веси и струпы моя, и язвы зриши моя, но и веру веси, и произволение зриши, и вздоханье слышши. Не таится Тебе, Боже мой, Творче мой, Избавителю мой, ниже капля слезная, ниже капли часть некая. Несоделанное мое видесте очи Твои, в книзе же Твоей и еще несодеянная написана Тебе суть. Виждь смиреніе мое, виждь труд мой елик, и грехи вся остави мя, Боже всяческих: да чистым сердцем, притрепетною мыслию, и душею сокрушенною, нескверных Твоих причащуся и пресвятых Таин, имиже оживляется и обожается всяк ядый же и пияй чистым сердцем; Ты бо рекл еси, Владыко мой: всяк ядый Мою Плоть, и пияй Мою Кровь, во Мне убо сей пребывает, в немже и Аз есмъ. Истинно слово всяко Владыки и Бога моего: божественных бо причащаяйся и боготворящих благодатей, не убо есмъ един, но с Тобою, Христе мой, Светом трисолнечным, просвещающим мир. Да убо не един пребуду кроме Тебе Живодавца, дыхания моего, живота моего, радования моего, спасения миру. Сего ради к Тебе приступих, яко же зриши, со слезами, и душею сокрушенною избавления моих прегрешений прошу прияти ми, и Твоих живодательных и непорочных Таинств причаститися неосужденно, да пребудеши, яко же рекл еси, со мною треокаянным: да не кроме обрет мя Твоєя благодати, прелестник восхитит мя лъстивне, и прельстив отведет боготворящих Твоих словес. Сего ради к Тебе припадаю, и тепле вопию Ти: яко же блудного принял еси, и блудницу пришедшую, тако приими мя блудного и сквернаго, Щедре. Душею сокрушенною, ныне бо к Тебе приходя, вем, Спасе, яко иный, яко же аз, не прегрешши Тебе, ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бога моего многое долготерпение, и человеколюбие крайнее; но милостию сострастия тепле кающаися, и чистиши, и светлиши, и света твориши причастники, общники Божества Твоего соделоваяя независтно, и странное и Ангелом, и человеческим мыслем, беседуеши им многажды, яко же другом Твоим истинным. Сия дерзостна творят мя, сия вперяют мя, Христе мой. И дерзая Твоим богатым к нам благодеянием, радуяся вкупе и трепеща, огневи причащаюся трава сый, и странно чудо, орошаem неопально, яко же убо купина древле неопальне горящи. Ныне благодарною мыслию, благодарным же сердцем, благодарными удесы моими, души и тела моего, покланяюся и величаю, и славословлю Тя, Боже мой, яко благословенна суща, ныне же и во веки.

**Молитва 7-я, святого Иоанна Златоустого**

Боже, ослаби, остави, прости ми согрешения моя, елика Ти согреших, аще словом, аще делом, аще помышлением, волею или неволею, разумом или неразумием, вся ми прости яко благ и Человеколюбец, и молитвами Пречистыя Твоей Матере, умных Твоих служителей и святых сил, и всех святых от века Тебе благоугодивших, неосужденно благоволи прияти ми святое и пречистое Твое Тело и честную Кровь, во исцеление души же и тела, и во очищение лукавых моих помышлений. Яко Твое есть царство и сила и слава, со Отцем и Святым Духом, ныне и присно, и во веки веков. Аминь.

**Его же, 8-я**

Несмы доволен, Владыко Господи, да внидеши под кров души моей; но понеже хощеш Ты, яко Человеколюбец, жити во мне, дерзая приступаю; повелеваши, да отверзу двери, яже Ты един создал еси, и внидеши со человеколюбием якоже еси, внидеши и просвещаши помраченный мой помысл. Верую, яко сие сотвориши: не бо блудницу, со слезами пришедшую к Тебе, отгнал еси; ниже мытаря отвергл еси покаявшася; ниже разбойника, познавша Царство Твое, отгнал еси; ниже гонителя покаявшася оставил еси, еже бе: но от покаяния Тебе пришедшая вся, в лице Твоих других вчинил еси, Един сый благословенный всегда, ныне и в бесконечные веки. Аминь.

**Его же, 9-я**

Господи Иисусе Христе Боже мой, ослаби, остави, очисти и прости ми грехному, и непотребному, и недостойному рабу Твоему, прегрешения, и согрешения, и грехопадения моя, елика Ти от юности моей, даже до настоящего дне и часа согреших: аще в разуме и в неразумии, аще в словесех или делех, или помышлениих и мыслех, и начинаниих, и всех моих чувствах. И молитвами безсемено рождения Тя, Пречистая и Приснодевы Марии, Матере Твоей, единяя непостыдныя надежды и представительства и спасения моего, сподоби мя неосужденно причаститися пречистых, безсмертных, животворящих и страшных Твоих Таинств, во оставление грехов и в жизнь вечную: во освящение, и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и нощных мечтаний, темных и лукавых духов; яко Твое есть царство, и сила, и слава, и честь, и поклонение, со Отцем и Святым Твоим Духом, ныне и присно, и во веки веков. Аминь.

**Молитва 10-я, святого Иоанна Дамаскина**

Пред дверьми храма Твоего предстою, и лютых помышлений не отступаю; но Ты, Христе Боже, мытаря оправдивый, и хананею помиловавый, и разбойнику рая двери отверзый, отверзи ми утробы человеколюбия Твоего и приеми мя приходяща и прикасающа Тебе, яко блудницу, и кровоточивую: ова убо края ризы Твоей коснувшись, удобь исцеление прият, ова же пречистей Твои нозе удержавши, разрешение грехов понесе. Аз же, окаянный, все Твое Тело дерзая восприяти, да не опален буду; но приеми мя, якоже оныя, и просвети моя душевныя чувства,

попаляя моя греховныя вины, молитвами безсемено Рождшия Тя, и Небесных сил; яко благословен еси во веки веков. Аминь.

**Молитва святого Иоанна Златоустого**

Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спаси, от нихже первый есмь аз. Еще верую, яко сие есть самое пречистое Тело Твое, и сия самая есть честная Кровь Твоя. Молюся убо Тебе: помилуй мя, и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститися пречистых Твоих Таинств, во оставление грехов, и в жизнь вечную. Аминь.

*Приходя же причаститься, произноси мысленно эти стихи Метафраста:*

Се приступаю к Божественному Причащению.

Содетелю, да не опалиши мя приобщением:

Огнь бо еси, недостойныя попаляй.

Но убо очисти мя от всякия скверны.

*Затем:*

Вечери Твоего тайныя днесь, Сыне Божий, причастника мя приими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

*И стихи:*

Боготворящую Кровь ужаснися, человече, зря:

Огнь бо есть, недостойныя попаляй.

Божественное Тело и обожает мя и питает:

Обожает дух, ум же питает странно.

*Потом тропари:*

Уладил мя еси любовию, Христе, и изменил мя еси Божественным Твоим рачением; но попали огнем невещественным грехи мои, и насытитися еже в Тебе наслаждения сподоби: да ликуя возвеличаю, Блаже, два пришествия Твоя.

Во светlostех Святых Твоих како вниду недостойный? Аще бо дерзну совнити в чертог, одежда мя обличает, яко несть брачна, и связан извержен буду от Ангелов. Очисти, Господи, скверну души моей, и спаси мя, яко Человеколюбец.

*Также молитву:*

Владыко Человеколюбче, Господи Иисусе Христе Боже мой, да не в суд ми будут Святая сия, за еже недостойну ми быти: но во очищение и освящение души же и тела, и во обручение будущия жизни и царствия. Мне же, еже прилеплятися Богу, благо есть, полагати во Господе упование спасения моего.

*И еще:*

Вечери Твоего тайныя ... (См. выше)

*Желающий причаститься должен достойно приготовится к этому святому таинству. Приготовление это (в церковной практике оно называется говением) продолжается несколько дней и касается как телесной, так и духовной жизни*

человека. Телу предписывается воздержание, т. е. телесная чистота (воздержание от супружеских отношений) и ограничение в пищи (пост). В дни поста исключается пища животного происхождения — мясо, молоко, яйца и, про строгом посте, рыба. Хлеб, овощи, фрукты употребляются в умеренном количестве. Ум не должен рассеиваться по мелочам житейским и развлекаться.

В дни говения надлежит посещать богослужения в храме, если позволяют обстоятельства, и более прилежно выполнять домашнее молитвенное правило: кто читает обычно не все утренние и вечерние молитвы, пусть читает все полностью, кто не читает каноны, пусть в эти дни читает хотя бы по одному канону. Накануне причащения надо быть на вечернем богослужении и прочитать дома, кроме обычных молитв на сон грядущим, канон покаянный, канон Богородице и Ангелу хранителю. Каноны читают или один за другим полностью, или соединяя таким образом: читается ирмос первой песни покаянного канона («Яко по суху петешествовав Израиль, по бездне стопами, гонителя фараона видя потопляема, Богу победную песнь поим, вопияше») и тропари, затем тропари первой песни канона Богородице («Многими содержим напастями, к Тебе прибегаю, спасения искай: о, Мати Слова и Дево, от тяжких и лютых мя спаси»), опуская ирмос «Воду прошед...», и тропари канона Ангелу хранителю, тоже без ирмоса («Поим Господеви, проведшему люди Своя сквозе Чермное море, яко един славно прославися»). Так же читают и следующие песни. Тропари перед каноном Богородице и Ангелу хранителю, а также стихиры после канона Богородице в таком случае опускаются.

Читается также канон ко причащению и, кто пожелает, — акафист Иисусу Сладчайшему. После полуночи уже не едят и не пьют, ибо принято приступать к Таинству Причащения натощак. Утром прочитываются утренние молитвы и все последование ко Святому Причащению, кроме канона, прочитанного накануне.

Перед причащением необходима исповедь — вечером ли, или утром, перед литургией.





# Акафист Иисусу Сладчайшему



## Кондак 1

Возбранный Воеводо и Господи, ада победителью, яко избавлься от вечная смерти, похвальная восписую Ти, создание и раб Твой; но, яко имея милосердие неизреченное, от всяких мя бед свободи, зовуща: Иисусе, Сыне Божий, помилуй мя.

## Икос 1

Ангелов Творче и Господи сил, отверзи ми недоуменный ум и язык на похвалу пречистаго Твоего имене, якоже глухому и гутнивому древле слух и язык отверзл еси, и, глаголаше зовыи таковая: Иисусе пречудный, ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, царей укрепление. Иисусе прелюбимый, пророков исполнение; Иисусе предивный, мучеников крепосте. Иисусе претихий, монахов радосте; Иисусе премилостивый, пресвитеров сладосте. Иисусе премилосердый, постников воздержание; Иисусе пресладостный, преподобных радование. Иисусе пречестный, девственных целомудрие; Иисусе предвечный, грешников спасение. Иисусе, Сыне Божий, помилуй мя.

## Кондак 2

Вида вдовицу зельне плачуши, Господи, якоже бо тогда умилосердився, сына ея на погребение несома воскресил еси; сице и о мне умилосердися, Человеколюбче, и грехми умерщвленную мою душу воскреси, зовущую: Аллилуия.

## Икос 2

Разум неуразуменный разумети Филипп ища, Господи, покажи нам Отца, глаголаше; Ты же к нему: толикое время сый со Мною, не познал ли еси, яко Отец во Мне, и Аз во Отце есмь? Темже, Неизследованне, со страхом зову Ти: Иисусе, Боже предвечный; Иисусе, Царю пресильный. Иисусе, Владыко долготерпеливый; Иисусе, Спасе премилостивый. Иисусе, хранителю мой преблагий; Иисусе, очисти грехи мои. Иисусе, отыми беззакония мои; Иисусе, отпусти неправды мои. Иисусе, надеждо моя, не остави мене; Иисусе, помощниче мой, не отрини мене. Иисусе, Создателю мой, не забуди мене; Иисусе, Пастырю мой, не погуби мене. Иисусе, Сыне Божий, помилуй мя.

**Кондак 3**

Силою свыше апостолы облекий, Иисусе, во Иерусалиме седящия, облецы и мене, обнаженного от всякого благотворения, теплотою Духа Святаго Твоего и дажь ми с любвью пети Тебе: Аллилуиа.

**Икос 3**

Имей богатство милосердия, мытари и грешники, и неверныя призвал еси, Иисусе; не презри и мене ныне, подобного им, но, яко многоценное миро, приеми песнь сию: Иисусе, сило непобедимая; Иисусе, милосте безконечная. Иисусе, красото пресветлая; Иисусе, любы неизреченная. Иисусе, Сыне Бога Живаго; Иисусе, помилуй мя грешнаго. Иисусе, услыши мя в беззакониих зачатаго; Иисусе, очисти мя во грехах рожденного. Иисусе, научи мя непотребнаго; Иисусе, освети мя темнаго. Иисусе, очисти мя сквернаго; Иисусе, возведи мя блуднаго. Иисусе, Сыне Божий, помилуй мя.

**Кондак 4**

Бурю внутрь имеяй помышлений сумнительных, Петр утопаше; узрев же во плоти Тя суща, Иисусе, и по водам ходяща, позна Тя Бога истиннаго и, руку спасения получив, рече: Аллилуиа.

**Икос 4**

Слышиа слепый мимоходяща Тя, Господи, путем вопияше: Иисусе, Сыне Давидов, помилуй мя! И, призвав, отверзл еси очи его. Просвети убо милостию Твою очи мысленныя сердца и мене, вопиюща Ти и глаголюща: Иисусе, вышних Создателю; Иисусе, низких Искупителю. Иисусе, преисподних потребителю; Иисусе, всея твари украсителю. Иисусе, души моей утешителю; Иисусе, ума моего просветителю. Иисусе, сердца моего веселье; Иисусе, тела моего здравие. Иисусе, Спасе мой, спаси мя; Иисусе, свете мой, просвети мя. Иисусе, муки всякия избави мя; Иисусе, спаси мя, недостойнаго. Иисусе, Сыне Божий, помилуй мя.

**Кондак 5**

Боготочною Кровию якоже искупил еси нас древле от законныя клятвы, Иисусе, сице изми нас от сети, еюже змий запят ны страстью плотскими, и блудным наваждением, и злым унынием, вопиющия Ти: Аллилуиа.

**Икос 5**

Видевше отроцы еврейстии во образе человечествем Создавшаго рукою человека, и Владыку разумевше Его, потщашася ветвьми угодити Ему, осанна вопиюще. Мы же песнь приносим Ти, глаголюще: Иисусе, Боже истинный; Иисусе, Сыне Давидов. Иисусе, Царю преславный; Иисусе, Агнче непорочный. Иисусе, Паstryю предивный; Иисусе, хранителю во младости моей. Иисусе, кормителю во юности моей; Иисусе, похвало в старости моей. Иисусе, надежде в смерти моей; Иисусе, животе по смерти моей. Иисусе, утешение мое на суде Твоем; Иисусе, желание мое, не посрами мене тогда. Иисусе, Сыне Божий, помилуй мя.

**Кондак 6**

Проповедник богоносных вещание и глаголы исполняя, Иисусе, на земли явлься и с человеки Невместимый пожил еси, и болезни наша подъял еси, отнюдуже ранами Твоими мы исцелевше, пети навыкохом: Аллилуия.

**Икос 6**

Возсия вселенней просвещение истины Твоей, и отгнася лесть бесовская: идоли бо, Спасе наш, не терпяще Твоей крепости, падоша. Мы же, спасение получивше, вопием Ти: Иисусе, истинно, лесть отгонящая; Иисусе, свете, превышший всех светостей. Иисусе, Царю, премогаяй всех крепости; Иисусе, Боже, пребываяй в милости. Иисусе, Хлебе Животный, насыти мя алчущаго; Иисусе, источниче разума, напой мя жаждущаго. Иисусе, одеждо веселия, одей мя тленнаго; Иисусе, покрове радости, покрый мя недостойнаго. Иисусе, подателю просящим, дажь мне плач за грехи мои; Иисусе, обретение ищащим, обрящи душу мою. Иисусе, отверзителю толкующим, отверзи сердце мое окаянное; Иисусе, Искупителю грешных, очисти беззакония моя. Иисусе, Сыне Божий, помилуй мя.

**Кондак 7**

Хотя сокровенную тайну от века открыти, яко овча на заколение веден был еси, Иисусе, и яко агнец прямо стригущаго его безгласен, и яко Бог из мертвых воскресл еси, и со славою на небеса вознесся еси, и нас совоздвигл еси, зовущих: Аллилуия.

**Икос 7**

Дивную показа тварь, явлеяся Творец нам: без семене от Девы воплотися, из гроба, печати не рушив, воскресе, и ко апостолом, дверем затворенным, с плотию вниде. Темже чудящеся, воспоим: Иисусе, Слове необыченный; Иисусе, Слове несоглядаемый. Иисусе, сило непостижимая; Иисусе, мудросте недомыслимая. Иисусе, Божество неописанное; Иисусе, господство неисчислительное. Иисусе, царство непобедимое; Иисусе, владычество безконечное. Иисусе, крепосте высочайшая; Иисусе, власти вечная. Иисусе, Творче мой, ущедри мя; Иисусе, Спасе мой, спаси мя. Иисусе, Сыне Божий, помилуй мя.

**Кондак 8**

Странно Бога вочеловечшася видяще, устранимся суетного мира и ум на Божественная возложим. Сего бо ради Бог на землю снide, да нас на небеса возведет, вопиющих Ему: Аллилуия.

**Икос 8**

Весь бе в нижних, и вышних никакоже отступи Неисчислительный, егда волею нас ради пострада, и смертию Свою нашу смерть умертви, и воскресением живот дарова поющим: Иисусе, сладосте сердечная; Иисусе, крепосте телесная. Иисусе, светлости душевная; Иисусе, быстрото умная. Иисусе, радосте совестная; Иисусе, надеждо известная. Иисусе, памяте предвечная; Иисусе, похвало высокая. Иисусе, славо моя превознесенная; Иисусе, желание мое, не отрини мене. Иисусе, Пастырю мой, взыщи мене; Иисусе, Спасе мой, спаси мене. Иисусе, Сыне Божий, помилуй мя.

**Кондак 9**

Все естество ангельское безпрестани славит пресвятое имя Твое, Иисусе, на небеси: Свят, Свят, Свят, вопиюще; мы же, грешнии на земли бренными устнами вопием: Аллилуия.

**Икос 9**

Ветия многовещаны, якоже рыбы безгласныя видим о Тебе, Иисусе, Спасе наш: недоумеют бо глаголати, како Бог непреложний и человек совершенный пребываеш? Мы же таинству дивящеся, вопием верно: Иисусе, Боже предвечный; Иисусе, Царю царствующих. Иисусе, Владыко владеющих; Иисусе, Судие живых и мертвых. Иисусе, надеждо ненадежных; Иисусе, утешение плачущих. Иисусе, славо нищих; Иисусе, не осуди мя по делом моим. Иисусе, очисти мя по милости Твоей; Иисусе, отжени от мене уныние. Иисусе, просвети моя мысли сердечныя; Иисусе, дажь ми память смертную. Иисусе, Сыне Божий, помилуй мя.

**Кондак 10**

Спасти хотя мир, Восточе востоком, к темному западу — естеству нашему пришед, смирился еси до смерти; темже превознесесь имя Твое паче всякаго имене, и от всех колен небесных и земных слышиши: Аллилуия.

**Икос 10**

Царю Превечный, Утешителю, Христе истинный, очисти ны от всякия скверны, якоже очистил еси десять прокаженных, и исцели ны, якоже исцелил еси сребролюбивую душу Закхея мытаря, да вопием Ти, во умилении зовуще: Иисусе, сокровище нетленное; Иисусе, богатство неистощимое. Иисусе, пище крепкая; Иисусе, питие неисчерпаемое. Иисусе, нищих одеяние; Иисусе, вдов заступление. Иисусе, сирых защитниче; Иисусе, тружающихся помоще. Иисусе, странных наставниче; Иисусе, плавающих кормчий. Иисусе, бурных отишие; Иисусе Боже, воздвигни мя падшаго. Иисусе, Сыне Божий, помилуй мя.

**Кондак 11**

Пение всеумиленное приношу Ти недостойный, вопию Ти яко хананеа: Иисусе, помилуй мя; не дщерь бо, но плоть имам страстью люте бесящуюся и яростию палимую, и исцеление дажь вопиющу Ти: Аллилуия.

**Икос 11**

Светоподательна светильника сущим во тьме неразумия, прежде гоняй Тя Павел, богоразумнаго гласа силу внуши и душевную быстроту уясни; сице и мене темныя зеницы душевныя просвети, зовуща: Иисусе, Царю мой прекрепкий; Иисусе, Боже мой пресильный. Иисусе, Господи мой преbezсмертный; Иисусе, Создателю мой преславный. Иисусе, Наставниче мой предобрый; Иисусе, Пастьрю мой прещедрый. Иисусе, Владыко мой премилостивый; Иисусе, Спасе мой премилосердый. Иисусе, просвети моя чувствия, потемненные страстью; Иисусе, исцели мое тепло, оstrupленное грехми. Иисусе, очисти мой ум от помыслов суетных; Иисусе, сохрани сердце мое от похотей лукавых. Иисусе, Сыне Божий, помилуй мя.

**Кондак 12**

Благодать подаждь ми, всех долгов решителю, Иисусе, и приими мя кающаяся, якоже принял еси Петра, отвергшагося Тебе, и призови мя унывающаго, якоже древле Павла, гоняща Тя, и услыши мя, вопиюща Ти: Аллилуия.

**Икос 12**

Поюще Твое вочеловечение, восхваляем Тя всем, и веруем со Фомою, яко Господь и Бог еси, седяй со Отцем и хотяй судити живым и мертвым. Тогда убо сподоби мя деснаго стояния, вопиющаго: Иисусе, Царю предвечный, помилуй мя; Иисусе, цвете благовонный, облагоухай мя. Иисусе, теплого любимая, ограй мя; Иисусе, храме предвечный, покрый мя. Иисусе, одеждо светлая, украси мя; Иисусе, бисере честный, осияй мя. Иисусе, каменю драгий, просвети мя; Иисусе, солнце правды, освети мя. Иисусе, цвете святый, облистай мя; Иисусе, болезни душевныя и телесные избави мя. Иисусе, из руки сопротивныя изми мя; Иисусе, огня неугасимаго и прочих вечных мук свободи мя. Иисусе, Сыне Божий, помилуй мя.

**Кондак 13**

О, пресладкий и всещедрый Иисусе! Приими ныне малое моление сие наше, якоже принял еси вдовицы две лепте, и сохрани достояние Твое от враг видимых и невидимых, от нашествия иноплеменних, от недуга и глада, от всякия скорби и смертоносныя раны, и грядущия изми муки всех, вопиющих Ти: Аллилуия, аллилуия, аллилуия.

(Кондак читается трижды)

**Икос 1**

Ангелов Творче и Господи сил, отверзи ми недоуменный ум и язык на похвалу пречистаго Твоего имене, якоже глухому и гугнивому древле слух и язык отверзл еси, и, глаголаше зовы́й таковая: Иисусе пречудный, ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, царей укрепление. Иисусе прелюбимый, пророков исполнение; Иисусе предивный, мучеников крепосте. Иисусе претихий, монахов радосте; Иисусе премилостивый, пресвитеров сладосте. Иисусе премилосердый, постников воздержание; Иисусе пресладостный, преподобных радование. Иисусе пречестный, девственных целомудрие; Иисусе предвечный, грешников спасение. Иисусе, Сыне Божий, помилуй мя.

**Кондак 1**

Возбранный Воеводо и Господи, ада победителю, яко избавлься от вечныя смерти, похвальная восписую Ти, создание и раб Твой; но, яко имеяй милосердие неизреченное, от всяких мя бед свободи, зовуща: Иисусе, Сыне Божий, помилуй мя.

**Молитва**

Владыко Господи Иисусе Христе Боже мой, иже неизреченного ради Твоего человеколюбия на конец веков во плоть оболкийся от Приснодевы Марии, славлю о мне Твое спасительное промышление, раб Твой, Владыко; песнословлю Тя, яко

Тебе ради Отца познах; благословлю Тя, Егоже ради и Дух Святый в мир прииде; покланяюся Твоей по плоти Пречистой Матери, таковей страшней тайне послужившей; восхваляю Твоя Ангельская ликостояния, яко воспеватели и служители Твоего величествия; ублажаю Предтечу Иоанна, Тебе крестившаго, Господи; почитаю и провозвестившия Тя пророки, прославляю апостолы Твоя святыя; торжествую же и мученики, священники же Твоя славлю; покланяюся преподобным Твоим, и вся Твоя праведники пестунствую. Такового и толикаго многаго и неизреченного лика Божественнаго в молитву привожду Тебе, всесщедрому Богу, раб Твой, и сего ради прошу моим согрешением прощения, еже даруй ми всех Твоих ради святых, изряднее же святых Твоих щедрот, яко благословен еси во веки. Аминь

---





# Акафист Пресвятой Богородице



## Кондак 1

Взранной Воеводе победительная, яко избавльшеся от злых, благодарственная восписуем Ти раби Твои, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

## Икос 1

Ангел предстатель с небесе послан бысть рещи Богородице: радуйся, и со безплотным гласом воплощаема Тя зря, Господи, ужасашеся и стояще, зовы́й к Ней таковая: Радуйся, Еюже радость возсияет; радуйся, Еюже клятва изчезнет. Радуйся, падшаго Адама возвзвание; радуйся, слез Евиных избавление. Радуйся, высото неудобовсходимая человеческими помыслы;

радуйся, глубино неудобозримая и ангельскими очима. Радуйся, яко еси Царево седалище; радуйся, яко носиши Носящаго вся. Радуйся, Звездо, являющая Солнце; радуйся, утробо Божественного воплощения. Радуйся, Еюже обновляется тварь; радуйся, Еюже покланяемся Творцу. Радуйся, Невесто Неневестная.

## Кондак 2

Видящи Святая Себе в чистоте, глаголет Гавриилу дерзостно: преславное твоего гласа неудобоприятельно души Моей является: безсеменного бо зачатия рождество како глаголеши, зовы́й: Аллилуиа.

## Икос 2

Разум недоразумеваемый разумети Дева ищащи, возопи к служащему: из боку чисту, Сыну како есть родитися мощно, рцы Ми? К Нейже он рече со страхом, обаче зовы́й сице: Радуйся, совета неизреченного Таиннице; радуйся, молчания просящих веро. Радуйся, чудес Христовых начало; радуйся, велений Его главизно. Радуйся, лествице небесная, Еюже снide Бог; радуйся, мосте, преводяй сущих от земли на небо. Радуйся, Ангелов многословущее чудо; радуйся, бесов многоплачевное поражение. Радуйся, Свет неизреченно родившая; радуйся, еже како, ни единаго же научившая. Радуйся, премудрых превосходящая разум; радуйся, верных озаряющая смыслы. Радуйся, Невесто Неневестная.

**Кондак 3**

Сила Вышняго осени тогда к зачатию Браконеискусную, и благоплодная Тоя ложесна, яко село показа сладкое, всем хотящим жати спасение, всегда пети сице: Аллилуиа.

**Икос 3**

Имущи Богоприятную Дева утробу, востече ко Елисавети: младенец же оноя абие познав Сея целование, радовашеся, и играньми яко песньми вопияше к Богородице: Радуйся, отрасли неувядаемыя розго; радуйся, Плода бессмертного стяжение. Радуйся, Делателя делающая Человеколюбца; радуйся, Садителя жизни нашея рождшая. Радуйся, ниво, растищая гобзование щедрот; радуйся, трапезо, носящая обилие очищения. Радуйся, яко рай пищный процветаеш; радуйся, яко пристанище душам готовиши. Радуйся, приятное молитвы кадило; радуйся, всего мира очищение. Радуйся, Божие к смертным благоволение; радуйся, смертных к Богу дерзновение. Радуйся, Невесто Неневестная.

**Кондак 4**

Бурю внутрь имея помышлений сумнительных, целомудренный Иосиф смятесь, к Тебе зря небрачней, и бракоокрадованную помышляя, Непорочная; уведев же Твоё зачатие от Духа Свята, рече: Аллилуиа.

**Икос 4**

Слышаща пастырие Ангелов поющих плотское Христово пришествие, и текше яко к Пастырю видят Сего яко агнца непорочна, во чреве Мариине упасшася, Юже поюще реша: Радуйся, Агнца и Пастыря Мати; радуйся, дворе словесных овец. Радуйся, невидимых врагов мучение; радуйся, райских дверей отверзение. Радуйся, яко небесная срадуются земным; радуйся, яко земная сливковствуют небесным. Радуйся, апостолов немолчна уста; радуйся, страстотерпцев непобедимая дерзoste. Радуйся, твердое веры утверждение; радуйся, светлое благодати познание. Радуйся, Еюже обнажися ад; радуйся, Еюже облекохомся славою. Радуйся, Невесто Неневестная.

**Кондак 5**

Боготечную звезду узревше волсви, тоя последоваша зари, и яко светильник держаще ю, тою испытаху крепкаго Царя, и достигше Непостижимаго, возрадовашася, Ему вопиюще: Аллилуиа.

**Икос 5**

Видеша отроцы халдейстии на руку Девичу Создавшаго руками человека, и Владыку разумевающе Его, аще и рабий прият зрак, потщаша дарми послужити Ему, и возопити Благословенней: Радуйся, Звезды незаходимыя Мати; радуйся, заре таинственного дне. Радуйся, прелести пещь угасившая; радуйся, Троицы тайнники просвещивающая. Радуйся, мучителя безчеловечного изметающая от начальства; радуйся, Господа Человеколюбца показавшая Христа. Радуйся, варварского избавляющая служения; радуйся, тимения изымающая дел. Радуйся, огня поклонение угасившая; радуйся, пламене страстей изменяющая. Радуйся, верных наставнице целомудрия; радуйся, всех родов веселье. Радуйся, Невесто Неневестная.

**Кондак 6**

Проповедницы богоноснии, бывше волсви, возвратиша в Вавилон, скончавше Твое пророчество, и проповедавше Тя Христа всем, оставиша Ирода яко буесловна, не ведуща пети: Аллилуиа.

**Икос 6**

Возсиявый во Египте просвещение истины, отгнал еси лжи тьму: идоли бо его, Спасе, не терпяще Твоев крепости, падоша, сих же избавльшиися вопияху к Богородице: Радуйся, исправление человеков; радуйся, низпадение бесов. Радуйся, прелести державу поправшая; радуйся, идольскую лесть обличившая. Радуйся, море, потопившее фараона мысленного; радуйся, каменю, напоивший жаждущия жизни. Радуйся, огненный столпе, наставляй сущия во тьме; радуйся, покрове миру, ширший облака. Радуйся, пище, манны приемнице; радуйся, сладости святыя служительнице. Радуйся, земле обетования; радуйся, из неяже течет мед и млечо. Радуйся, Невесто Неневестная.

**Кондак 7**

Хотяшу Симеону от нынешняго века преставитися прелестного, вдался еси яко младенец тому, но познался еси ему и Бог совершенный. Темже удивися Твоей неизреченной премудrostи, зовый: Аллилуиа.

**Икос 7**

Новую показа тварь, явлься Зиждитель нам от Него бывшим, из безсеменных прозяб утробы, и сохранив Ю, якоже бе, нетленну, да чудо видяще, воспоем Ю, вопиюще: Радуйся, цвете нетления; радуйся, венче воздержания. Радуйся, воскресения образ облистающая; радуйся, ангельское житие являющая. Радуйся, древо светлоплодовитое, от него же питаются вернии; радуйся, древо благосенноиственное, имже покрываются мнози. Радуйся, во чреве носящая Избавителя плененным; радуйся, рождшая Наставника заблудшим. Радуйся, Судии праведного умоление; радуйся, многих согрешений прощение. Радуйся, одеждо нагих дерзновения; радуйся, любы, всякое желание побеждающая. Радуйся, Невесто Неневестная.

**Кондак 8**

Странное рождество видевше, устранимся мира, ум на небеса преложше: сего бо ради высокий Бог на земли явися смиренный человек, хотяй привлещи к высоте Тому вопиющия: Аллилуиа.

**Икос 8**

Весь бе в нижних и вышних никакоже отступи неописанное Слово: снизхождение бо Божественное, не преходжение же местное бысть, и рождество от Девы Богоприятныя, слышащия сия: Радуйся, Бога невместимаго вместилище; радуйся, честного таинства двери. Радуйся, неверных сумнительное слышание; радуйся, верных известная похвало. Радуйся, колеснице пресвятая Сущаго на Херувимех; радуйся, селение преславное Сущаго на Серафимех. Радуйся, противная в тожде собравшая; радуйся, девство и рождество сочетавшая. Радуйся, Еюже разрешися преступление; радуйся, Еюже отверзеся рай. Радуйся, ключу Царствия Христова; радуйся, надеждо благ вечных. Радуйся, Невесто Неневестная.

**Кондак 9**

Всякое естество ангельское удивися великому Твоего вочеловечения делу; неприступного бо яко Бога, зряще всем приступного Человека, нам убо спребывающа, слышаща же от всех: Аллилуиа.

**Икос 9**

Ветия многовещанная, яко рыбы безгласныя видим о Тебе, Богородице, недоумеваю бо глаголати, еже како и Дева пребываеши, и родити возможла еси. Мы же, таинству дивящиеся, верно вопием: Радуйся, премудрости Божия приятелище, радуйся, промысления Его сокровище. Радуйся, любомудрыя немудрыя являющая; радуйся, хитрословесныя безсловесныя обличающая. Радуйся, яко обуяша лютии взыскателе; радуйся, яко увядоша баснотворцы. Радуйся, афинейская плетения растерзающая; радуйся, рыбарская мрежи исполняющая. Радуйся, из глубины неведения извлачающая; радуйся, многи в разуме просвещивающая. Радуйся, кораблю хотящих спастися; радуйся, пристанище жителейских плаваний. Радуйся, Невесто Неневестная.

**Кондак 10**

Спасти хотя мир, Иже всех Украситель, к сему самообетован прииде, и Пастырь сый, яко Бог, нас ради явися по нам человек: подобным бо подобное призвав, яко Бог слышит: Аллилуиа.

**Икос 10**

Стена еси девам, Богородице Дево, и всем к Тебе прибегающим: ибо небесе и земли Творец устрои Тя, Пречистая, вселься во утробе Твоей, и вся приглашати Тебе науки: Радуйся, столпе девства; радуйся, дверь спасения. Радуйся, начальнице мысленного наздания; радуйся, подательнице Божественныея благости. Радуйся, Ты бо обновила еси зачатыя студно; радуйся, Ты бо наказала еси окраденныя умом. Радуйся, тлителя смыслов упраждняющая; радуйся, Сеятеля чистоты рождшая. Радуйся, чертоже безсеменного уневещения; радуйся, верных Господеви сочетавшая. Радуйся, добрая младопитательнице девам; радуйся, невестокрасительнице душ святых. Радуйся, Невесто Неневестная.

**Кондак 11**

Пение всякое побеждается, спростретися тщающееся ко множеству многих щедрот Твоих: равночисленная бо песка песни аще приносим Ти, Царю Святый, ничто же совершаем достойно, яже дал еси нам, Тебе вопиющим: Аллилуиа.

**Икос 11**

Светоприемную свещу, сущим во тьме явльшуюся, зrim Святую Деву, невещественный бо вжигающи огнь, наставляет к разуму Божественному вся, зарею ум просвещивающая, званием же почитаемая, сими: Радуйся, луче умнаго Солнца; радуйся, светило незаходимаго Света. Радуйся, молние, души просвещивающая; радуйся, яко гром враги устрашающая. Радуйся, яко многосветлое возсияваеши просвещение; радуйся, яко многотекущую источаеши реку. Радуйся, купели живописующая образ; радуйся, греховную отъемлющая скверну. Радуйся, бане, омывающая совесть; радуйся, чаше, черплющая радость. Радуйся, обоняние Христова благоухания; радуйся, животе тайного весения. Радуйся, Невесто Неневестная.

**Кондак 12**

Благодать дати восхотев, долгов древних, всех долгов Решитель человеком, прииде Собою ко отшедшим Того благодати, и раздрав рукописание, слышит от всех сице: Аллилуя.

**Икос 12**

Поюще Твоё Рождество, хвалим Тя вси, яко одушевленный храм, Богородице: во Твоей бо вселивша утробе содержай вся рукою Господь, освяти, прослави и научи волити Тебе всех: Радуйся, селение Бога и Слова; радуйся, святая святых большая. Радуйся, ковчеже, позлащенный Духом; радуйся, сокровище живота неистощимое. Радуйся, честный венче людей благочестивых; радуйся, честная похвала иереев благоговейных. Радуйся, церкве непоколебимый столпе; радуйся, Царствия нерушимая стено. Радуйся, Еюже воздвижутся победы; радуйся, Еюже низпадают врази. Радуйся, тела моего врачевание; радуйся, души моя спасение. Радуйся, Невесто Неневестная.

**Кондак 13**

О, Всепетая Мати, рождшая всех святых Святейшее Слово! Нынешнее приемши приношение, от всякия избави напасти всех, и будущия изми муки, о Тебе вопиющих: Аллилуя, аллилуя, аллилуя.

(Кондак читается трижды)

**Икос 1**

Ангел представитель с небесе послан бысть рещи Богородице: радуйся, и со безплотным гласом воплощаема Тя зря, Господи, ужасашеся и стояше, зовий к Ней таковая: Радуйся, Еюже радость возсиает; радуйся, Еюже клятва изчезнет. Радуйся, падшаго Адама воззвание; радуйся, слез Евиных избавление. Радуйся, высото неудобовосходимая человеческими помыслы; радуйся, глубино неудобозримая и ангельскими очами. Радуйся, яко еси Царево седалище; радуйся, яко носиши Носящаго вся. Радуйся, Звездо, являющая Солнце; радуйся, утробо Божественного воплощения. Радуйся, Еюже обновляется тварь; радуйся, Еюже покланяемся Творцу. Радуйся, Невесто Неневестная.

**Кондак 1**

Взбранной Воеводе победительная, яко избавльшеся от злых, благодарственная восписуем Ти раби Твои, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

**Молитвы**

О, Пресвятая Госпоже Владычице Богородице, вышли еси всех Ангел и Архангел, и всяя твари честнейши, помощнице еси обидимых, ненадеющихся надеяние, убогих заступнице, печальных утешение, алчущих кормильнице, нагих одеяние, больных исцеление, грешных спасение, христиан всех поможение и заступление. О, Всемилостивая Госпоже, Дево Богородице Владычице, милостию Твою спаси и помилуй святейшия патриархи православныя, преосвященные митрополиты, архиепископы и епископы и весь священнический и иноческий чин, и вся православныя христианы ризою Твою честною защити; и умоли, Госпоже, из Тебе без семене воплотившагося Христа Бога нашего, да препояшет нас силою Свою свыше,

на невидимыя и видимыя враги наша. О, Всемилостивая Госпоже Владычице Богородице! Воздвигни нас из глубины греховныя и избави нас от глада, губительства, от труса и потопа, от огня и меча, от нахождения иноплеменных и междуусобных брани, и от напрасныя смерти, и от нападения вражия, и от тлетворных ветр, и от смертоносныя язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум, и очи сердечнии, еже ко спасению; и сподоби ны, грешныя рабы Твоя, Царствия Сына Твоего, Христа Бога нашего; яко держава Его благословена и препрославлена, со Безначальным Его Отцем, и с Пресвятым, и Благим, и Животворящим Его Духом, ныне и присно, и во веки веков. Аминь.

О, Пресвятая Дево Мати Господа, Царице Небесе и земли! Вонми многоболезненному вздоханию души нашея, призри с высоты святыя Твоя на нас, с верою и любвию покланяющихся пречистому образу Твоему. Се бо грехми погружае-  
мии и скорбьми обуреваемии, взирая на Твой образ, яко живей Ти сущей с нами, приносим смиренныя моления наша. Не имамы бо ни иныя помощи, ни иного представительства, ни утешения, токмо Тебе, о, Мати всех скорбящих и обремененных. Помози нам немощным, утоли скорбь нашу, настави на путь правый нас, заблуждающих, уврачуй и спаси безнадежных, даруй нам прочее время живота нашего в мире и тишине проводити, подаждь христианскую кончину, и на страшнем суде Сына Твоего явися нам милосердая Заступница, да всегда поем, величаем и славим Тя, яко благую Заступницу рода христианского, со всеми угодившими Богу. Аминь.





# **Благодарственные молитвы по Святым Причащении**

Слава Тебе, Боже. Слава Тебе, Боже. Слава Тебе, Боже.

## **Благодарственная молитва, 1-я**

Благодарю тя, Господи, Боже мой, яко не отринул мя еси грешнаго, но общника мя быти святынь Твоих сподобил еси. Благодарю Тя, яко мене недостойнаго причаститися Пречистых Твоих и Небесных Даров сподобил еси. Но Владыко Человеколюбче, нас ради умерый же и воскресый, и даровавый нам страшная сия и животворящая Таинства во благодеяние и освящение душ и телес наших, дажь быти сим и мне во исцеление души же и тела, во отгнание всякаго сопротивнаго, в просвещение очию сердца моего, в мир душевных моих сил, в веру непостыдну, в любовь нелицемерну, во исполнение премудрости, в соблюдение заповедей Твоих, в приложение Божественныя Твоя благодати и Твоего Царствия присвоение; да во святыни Твоей теми сохраняем, Твою благодать поминаю всегда, и не к тому себе живу, но Тебе, нашему Владыце и Благодетелю; и тако сего жития исход о надежди живота вечнаго, в присносущный достигну покой, идже празднующих глас непрестанный, и безконечная сладость, зрящих Твоего лица доброту неизреченную. Ты бо еси истинное желание, и неизреченное веселье любящих Тя, Христе Боже наш, и Тя поет вся тварь во веки. Аминь.

## **Молитва 2-я, святого Василия Великого**

Владыко Христе Боже, Царю веков, и Содетелю всех, Благодарю Тя о всех, яже ми подал благих, и о причащении пречистых и животворящих Твоих Таинств. Молю убо Тя, Блаже и Человеколюбче: сохрани мя под кровом Твоим, и в сени крилу Твою; и даруй ми чистою совестию, даже до последняго моего изздыхания, достойно причащатися святынь Твоих, во оставление грехов, и в жизнь вечную. Ты бо еси хлеб животный, источник святыни, Податель благих, и Тебе славу возсылаем, со Отцем и Святым Духом, ныне и присно, и во веки веков. Аминь.

## **Молитва 3-я , Симеона Метафраста**

Давый пищу мне плоть Твою волею, огнь сый и опаляй недостойныя, да не опалиши мене, Содетелю мой; паче же пройди во уды моя, во вся составы, во утробу, в сердце. Попали терние всех моих прегрешений. Душу очисти, освяти помышления. Составы утверди с kostьми вкупе. Чувств просвети простую пятерицу. Всего мя спригвозди страху Твоему. Присно покрый, соблюди же, и сохрани мя от всякаго дела и слова душетленнаго. Очисти и омый, и украси мя; удобри, вразуми, и просвети мя. Покажи мя Твое селение единаго Духа, и не ктому селение греха.

Да яко Твоего дому, входом причащения, яко огня мене бежит всяк злодей, всяка страсть. Молитвенники Тебе приношу вся святыя, чиноначалия же безплотных, Предтечу Твоего, премудрья Апостолы, к сим же Твою нескверную чистую Матерь, ихже мольбы Благоутробне приими, Христе мой, и сыном света соделай Твоего служителя. Ты бо еси освящение и единый наших, Блаже, душ и светлость; и Тебе лепоподобно, яко Богу и Владыце, славу вси возсылаем на всяк день.

**Молитва 4-я**

Тело Твое Святое, Господи, Иисусе Христе, Боже наш, да будет ми в живот вечный, и Кровь Твоя Честная во оставление грехов: буди же ми благодарение сие в радость, здравие и веселье; в страшное же и второе пришествие Твое сподоби мя грешного стати одесную славы Твоей, молитвами Пречистыя Твоей Матере, и всех святых.

**Молитва 5-я, ко Пресвятой Богородице**

Пресвятая Владычице Богородице, свете помраченныя моя души, надеждо, покрове, прибежище, утешение, радование мое, благодарю Тя, яко сподобила мя еси недостойнаго, причастника быти Пречистаго Тела и Честныя Крове Сына Твоего. Но Рождшая истинный Свет, просвети моя умныя очи сердца; Яже Источник безсмертия рождшая, оживотвори мя умерщвленного грехом; Яже милостиваго Бога любоблагоутробная Мати, помилуй мя, и даждь ми умиление и сокрушение в сердце моем, и смирение в мыслях моих, и воззвание в пленениях помышлений моих; и сподоби мя до последняго изыхания, неосужденно принимати пречистых Таин освящение, во исцеление души же и тела. И подаждь ми слезы покаяния и исповедания, во еже пети и славити Тя во вся дни живота моего, яко благословенна и препрославленна еси во веки. Аминь.

Ныне отпущаеша раба Твоего, Владыко, по глаголу Твоему, с миром: яко видеста очи мои спасение Твое, еже еси уготовал пред лицем всех людей, свет во откровение языков и славу людей Твоих, Израиля.

Трисвятое. Пресвятая Троице... Отче наш...

**Тропарь св. Иоанну Златоустому, глас 8-й**

Уст твоих, якоже светлость огня, возсиявши благодать, вселенную просвети: не сребролюбия мирови сокровища сниска, высоту нам смиренномудрия показа, но твоими словесы наказуя, отче Иоанне Златоусте, моли Слова Христа Бога спастися душам нашим.

**Кондак, глас 6-й**

Слава: От небес приял еси Божественную благодать, и твоими устнами вся учиши покланяться в Троице единому Богу, Иоанне Златоусте всеблаженне, преподобне, достойно хвалим тя: еси бо наставник, яко божественная являя.

И ныне: Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву, и потщишься на умоление, представствующи присно, Богородице, чтуших Тя.

*Если совершалась литургия святого Василия Великого, читай тропарь Василию Великому, глас 1-й:*

Во всю землю изыде вещание твое, яко приемшую слово твое, имже боголепно научил еси, естество сущих уяснил еси, человеческия обычаи украсил еси, царское священие, отче преподобне, моли Христа Бога, спастися душам нашим.

**Кондак, глас 4-й**

Слава: Явился еси основание непоколебимое церкве, подая всем некрадомое господство человеком, запечатлея твоими веленьми, небоявление Василие преподобне.

И ныне: Предстательство христиан...

*Если совершалась Литургия Преждеосвященных Даров, читай тропарь святому Григорию Двоеслову Василию Великому, глас 4-й:*

Иже от Бога свыше божественную благодать восприем, славне Григорие, и Того силою укрепляемь, евангельски шествовать изволил еси, отонудуже у Христа возмездие трудов приял еси всеблаженне: Егоже моли, да спасет души наша.

**Кондак, глас 3-й**

Слава: Подобоначальник показался еси Начальника пастырем Христа, иноков чреды, отче Григорие, ко ограде небесней наставляя, и оттуду научил еси стадо Христово заповедем Его: ныне же с ними радуешися, и ликуеши в небесных кровех.


И ныне: Предстательство христиан...

Господи, помилуй. (12 раз) Слава, и ныне.

Честнейшую херувим и славнейшую без сравнения Серафим, без истления Бога Слова родшую, сущую Богородицу Тя величаем.

*После Причащения да пребывает каждый в чистоте, воздержании и немногословии, чтобы достойно сохранить в себе принятого Христа.*





## **Божественная литургия**

В разделе **Божественная Литургия** приведены песнопения Божественных литургий святителей Иоанна Златоуста и Василия Великого. Избранные песнопения литургии Преждеосвященных Даров помещены в главе «Песнопения из служб Триоди постной».

Литургия святителя Иоанна Златоуста совершается в Православной Церкви в течении всего года, кроме Великого Поста, когда она совершается по субботам, в Благовещение Пресвятой Богородицы и в Неделю вайй.

Литургия святителя Василия Великого совершается 10 раз в году: в воскресенье дни Великого поста, в Великие четверг и субботу, в день памяти святителя Василия Великого (1 января), в Рождественский и Крещенский сочельники (если же эти дни выпадают на субботу или воскресенье, то совершается в самые праздники Рождества Христова и Крещения Господня).

Литургия состоит из трех частей: проскомидии, литургии оглашенных и литургии верных.



## Проскомидия

До чтения третьего и шестого часов, или во время чтения их, в алтаре совершаются священнодействия проскомидии, через которые из принесенных хлеба и вина приготавляется вещества для Св. Евхаристии и при этом совершается предварительное поминование членов Церкви Христовой — небесной и земной.

От древнего обычая приносить в храм хлеб и вино для таинства Св. Евхаристии первая часть литургии и называется проскомидией — приношением.





## Литургия оглашенных

Вторая часть литургии называется литургией оглашенных. Такое название эта часть службы получила от содержания в ее составе молитвословий, песнопений, священнодействий и поучений, имеющих учительный, огласительный характер. В древней Церкви во время ее совершения могли присутствовать, вместе с верными, и оглашенные, т. е. лица, готовящиеся ко Св. Крещению, а также кающиеся, отлученные от Св. Причастия.

*Диакон:* Благослови, владыко. *Иерей:* Благословено Царство Отца и Сына и Святаго Духа, ныне и присно и во веки веков.

*Хор:* Аминь.

### Великая ектения

*Диакон:* Миром Господу помолимся.

*Хор:* Господи, помилуй.(На каждое прошение)

О свышнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святым храме сем и с верою, благоговением и страхом Божиим входящих в онъ, Господу помолимся.

О Великом Господине и Отце нашем Святейшем Патриархе Алексии, и о Господине нашем Преосвященнейшем митрополите(или: архиепископе, или: епископе) (имярек), честнem пресвiterстве, во Христе диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем(или: о веси сей, если в монастыре, то: о святей обители сей), всяком граде, стране и верою живущих в них, Господу помолимся.

О благорастворении воздухов, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасении их, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твою благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшe, сами себе, и друг друга, и весь живот наш Христу Богу предадим.

*Хор:* Тебе, Господи.

*Иерей:* Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

*Хор:* Аминь.

### **Антифоны**

Антифоны на литургии бывают трех родов: праздничные, изобразительные и вседневные (будничные). Какие из них поются, определяется на каждый день церковным Уставом. Праздничные антифоны поются в праздники Господни, за исключением Сретения (праздничные антифоны в Неделю вайй, на Пасху, на Вознесение и в День Святой Троицы приведены в главе «Песнопения из служб Триоди цветной»).

Вседневные антифоны положено петь в будни. Чаще всего в воскресные и праздничные дни, поются антифоны изобразительные ( псалмы 102, 145 и Блаженны — Мф. 5, 3-12)

#### **Первый антифон**

1. Благослови, душе моя, Господа. Благословен еси, Господи. Благослови, душе моя, Господа, и вся внутренняя моя Имя святое Его.
2. Благослови, душе моя, Господа, и не забывай всех воздаяний Его.
1. Очищающего вся беззакония твоя, исцеляющего вся недуги твоя.
2. Избавляющего от истления живот твой, венчающего тя милостию и щедротами.
1. Исполняющего во благих желание твое: обновится, яко орля, юность твоя.
2. Творяй милостыни Господь, и судьбу всем обидимым.
1. Сказа пути Своя Моисеови, сыновом Израилевым хотения Своя.
2. Щедр и милостив Господь, долготерпелив и многомилостив.
1. Не до конца прогневается, ниже в век враждует.
2. Не по беззаконием нашим сотворил есть нам, ниже по грехом нашим воздал есть нам.
1. Яко по высоте небесней от земли, утвердил есть Господь милость Свою на боящихся Его.
2. Елико отстоят востоцы от запад, удалил есть от нас беззакония наша.
1. Якоже щедрит отец сыны, ущедри Господь боящихся Его.
2. Яко Той позна создание наше, помяну, яко персть есмы.
1. Человек, яко трава дние его, яко цвет сельный, тако оцветет.
2. Яко дух пройде в нем, и не будет, и не познает ктому места своего.
1. Милость же Господня от века и до века на боящихся Его.
2. И правда Его на сынех сынов, хранящих завет Его, и помнящих заповеди Его творити я.
1. Господь на небеси уготова Престол Свой, и Царство Его всеми обладает.
2. Благословите Господа, ангели Его, сильни крепостию, творящии слово Его, услышати глас словес Его.
- 1 . Благословите Господа, вся силы Его, слуги Его, творящии волю Его.
2. Благословите Господа, вся дела Его, на всяком месте владычества Его.
1. Слава Отцу и Сыну и Святому Духу.
2. И ныне и присно и во веки веков. Аминь.

1. Благослови, душе моя, Господа, и вся внутренняя моя, имя святое Его. Благословен еси, Господи.

### Ектения малая

*Диакон:* Паки и паки миром Господу помолимся.

*Хор:* Господи, помилуй.

*Диакон:* Заступи, спаси, помилуй и сохрани нас, Боже, Твою благодатию.

*Хор:* Господи, помилуй.

*Диакон:* Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшими, сами себе, и друг друга, и весь живот наш Христу Богу предадим.

*Хор:* Тебе, Господи.

*Иерей:* Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

*Хор:* Аминь.

*Во время второго антифона зажигается пономарская свеча. Алтарник берёт свечу во время «Единородный Сыне...» и становится с ней на горнем месте.*

### Второй антифон

1. Хвали, душе моя, Господа. Восхвалю Господа в животе моем, пою Богу моему, дондеже есмь.

2. Не надейтесь на князи, на сыны человеческия, в них же несть спасения.

1. Изъидет дух его, и возвратится в землю свою: в той день погибнут вся помышления его.

2. Блажен, ему же Бог Иаковль помощник его, упование его на Господа Бога своего.

1. Сотворшаго небо и землю, море и вся, яже в них.

2. Хранящаго истину в век, творящаго суд обидимым, дающего пищу алчущим.

1. Господь решит окованныя, Господь умудряет слепцы.

2. Господь возводит низверженныя, Господь любит праведники.

1. Господь хранит пришельцы, сира и вдову приимет, и путь грешных погубит.

2. Воцарится Господь во век, Бог твой, Сионе, в род и род. И ныне и присно и во веки веков. Аминь.

### Песнь Господу Иисусу Христу

Единородный Сыне и Слове Божий, Безсмертен Сый, и изволивый спасения нашего ради воплотитися от Святыя Богородицы и Приснодевы Марии, непреложно вочеловечивыйся; распныйся же, Христе Боже, смертию смерть поправый, един Сый Святыя Троицы, спрославляемый Отцу и Святому Духу, спаси нас.

### Ектения малая

*Диакон:* Паки и паки миром Господу помолимся.

*Хор:* Господи, помилуй.

*Диакон:* Заступи, спаси, помилуй и сохрани нас, Боже, Твою благодатию.

*Хор:* Господи, помилуй.

*Диакон:* Пресвятую, Пречистую, Преблагословенную, Славную Владычицу нашу Богородицу и Приснодеву Марии, со всеми святыми помянувше, сами себе, и друг друга, и весь живот наш Христу Богу предадим.

*Хор:* Тебе, Господи.

*Иерей:* Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

*Хор:* Аминь.

### **Третий антифон; Блаженны**

«Блаженны» положено петь с тропарями, назначенными в этот день церковным Уставом: особыми тропарями на «Блаженных», или тропарями из песней утреннего канона празднику или святому.

1 . Во Царствии Твоем помяни нас, Господи, егда приидеши во Царствии Твоем.*На 12*

1 . Блажени нищий духом, яко тех есть Царство Небесное.

2. Блажени плачущии, яко тии утешатся.*На 10*

1. Блажени кротции, яко тии наследят землю.

2. Блажени алчушии и жаждущии правды, яко тии насытятся.*На 8*

1. Блажени милостивии, яко тии помилованы будут.

2. Блажени чистии сердцем, яко тии Бога узрят.*На 6*

1. Блажени миротворцы, яко тии сынове Божии нарекутся.

2. Блажени изгнани правды ради, яко тех есть Царство Небесное.*На 4*

1. Блажени есте, егда поносят вам, и изженут, и рекут всяк зол глагол на вы, лжуще Мене ради.

2. Радуйтесь и веселитесь, яко мзда ваша многа на небесех.

Слава Отцу и Сыну и Святому Духу.

И ныне и присно и во веки веков. Аминь.

### **Антифоны вседневные (будничные)**

#### **Антифон 1-й**

1. Благо есть исповедатися Господеви. Молитвами Богородицы, Спасе, спаси нас.

2. Благо есть исповедатися Господеви, и пети имени Твоему, Вышний. Молитвами Богородицы, Спасе, спаси нас

1. Возвещати заутра милость Твою, и истину Твою на всяку нощь. Молитвами Богородицы, Спасе, спаси нас

2. Яко прав Господь Бог наш, и несть неправды в Нем. Молитвами Богородицы, Спасе, спаси нас

1. Слава Отцу и Сыну и Святому Духу: Молитвами Богородицы, Спасе, спаси нас

2. И ныне и присно и во веки веков. Амин. Молитвами Богородицы, Спасе, спаси нас

#### **Антифон 2-й**

1. Господь воцарися, в лепоту облечеся. Молитвами святых Твоих, Спасе, спаси нас.

2. Господь воцарися, в лепоту облечеся,/ облечеся Господь в силу, и препоясася.  
Молитвами святых Твоих, Спасе, спаси нас

1. Ибо утверди вселенную, яже не подвижится. Молитвами святых Твоих, Спасе,  
спаси нас

2. Свидения Твоя увериша зело: дому Твоему подобает святыня, Господи, в  
долготу дний. Молитвами святых Твоих, Спасе, спаси нас Слава, и ныне:

### Песнь Господу Иисусу Христу

Единородный Сыне и Слове Божий, Безсмертен Сый, и изволивый спасения на-  
шего ради воплотитися от Святыя Богородицы и Приснодевы Марии, непреложно  
вочеловечивыйся; распныйся же, Христе Боже, смертию смерть поправый, един  
Сый Святыя Троицы, прославляемый Отцу и Святому Духу, спаси нас.

### Антифон 3-й

1. Приидите возрадуемся Господеви, воскликнем Богу Спасителю нашему. Спа-  
си ны, Сыне Божий, во святых дивен сый, поющия Ти: аллилуиа.

2. Предварим лице Его во исповедании, и во псалмех воскликнем Ему: Спаси  
ны, Сыне Божий, во святых дивен сый, поющия Ти: аллилуиа.

1. Яко Бог Велий Господь, и Царь Велий по всей земли. Спаси ны, Сыне Божий,  
во святых дивен сый, поющия Ти: аллилуиа.

2. Яко в руце Его все концы земли, и высоты гор Того суть. Спаси ны, Сыне  
Божий, во святых дивен сый, поющия Ти: аллилуиа.

1 . Яко Того есть море, и Той сотвори е, и сушу руце Его создаете. Спаси ны,  
Сыне Божий, во святых дивен сый, поющия Ти: аллилуиа.

*Вход с Евангелием. Диакон заходит в алтарь, открывает Царские врата, вместе  
со священником крестится и целует престол и берёт евангелие, алтарник в этот  
момент крестится с ними синхронно, кланяется, горнему месту, священнику и в  
момент перехода священника от престола к горнему месту идёт к северным вратам.  
Когда священник с диаконом тоже направляется к вратам, открывает дверь и по  
амвону проходит до царских врат, затем сворачивает к аналою и становится перед  
ним спиной к народу, когда священник зайдёт в алтарь, алтарник заходит через  
южные врата. В алтаре понамарь проходит до горнего места, крестится, кланяется  
горнему месту, священнику и проходит, чтобы поставить свечу на место.*

### Вход с Евангелием

Диакон: Премудрость, прости.

Хор: Приидите, поклонимся и припадем ко Христу. Спаси Сыне Божий, воскре-  
сый из мертвых, поющия Ти: аллилуиа.

[В таком виде это песнопение поется во все обычные воскресенья, на Пасху  
и все дни пасхальной седмицы. Вместо слов «воскресый из мертвых» в будни  
поется «во святых Дивен сын», а на праздники — по смыслу праздника, как указано в Церковном уставе: на Рождество — «рождайся от Девы»; на Крещение — «во  
Иордане крестивыйся»; на Вознесение — «вознесыйся ко славе» в Пятидесятни-  
цу и в День Святого Духа — «Спаси ны. Утешителю Благий»; на Преображение —

«преобразивыйся на горе»; на Воздвижение — «плотию распnyйся»; в Неделю вай — «возседый на жребя». В праздники Богородицы — «молитвами Богородицы». Праздничные входные стихи поются и в дни попразднства, до отdания.]

### **Тропари и кондаки «по входе»**

*Хор поет тропари и кондаки «по входе», назначенные в этот день церковным Уставом (воскресные тропари и кондаки приведены в главе «Песнопения из служб воскресных», дневные — в главе «Песнопения из служб будничных», общие ликам святых — в главе «Песнопения из служб общих ликам святых», праздничные — в главе «Песнопения из служб праздничных»).*

*Иерей: Яко Свят еси, Боже наш, и Тебе славу возсылаем, Отцу и Сыну и Святому Духу, ныне и присно.*

*Диакон: И во веки веков.*

*Хор: Аминь.*

### **Трисвятое**

(В праздники Рождества Христова, Богоявления, в Лазареву и Великую субботы, во все дни пасхальной седмицы и в период Пятидесятницы вместо Трисвятого поется: «Елицы во Христа крестистеся, во Христа облекостеся. Аллилуia». В праздник Воздвижения Креста Господня и в Неделю крестопоклонную поется: «Кресту Твоему поклоняемся, Владыко, и Святое Воскресение Твое славим)

Святый Боже, Святый Крепкий, Святый Безсмертный, помилуй нас. (*Трижды*)

Слава Отцу и Сыну и Святому Духу, и ныне и присно и во веки веков. Аминь. Святый Безсмертный, помилуй нас.

Святый Боже, Святый Крепкий, Святый Безсмертный, помилуй нас.

[В праздники Рождества Христова, Богоявления, в Лазареву и Великую субботы, во все дни пасхальной седмицы и в период Пятидесятницы вместо Трисвятого поется: «Елицы во Христа крестистеся, во Христа облекостеся. Аллилуя». В праздник Воздвижения Креста Господня и в Неделю крестопоклонную поется: «Кресту Твоему поклоняемся Владыко, и Святое Воскресение Твое славим»]

### **Прокимен**

*Дьякону подаётся кадило*

*Диакон: Вонмем.*

*Иерей: Мир всем.*

*Чтец Апостола: И духови твоему. Прокимен. Псалом Давидов, глас..*

[В Богородичные праздники: «Прокимен, песнь Богородицы: Величит душа Моя Господа/ и возрадовася дух Мой о Бозе Спасе Моем». ]

Произносится один или два прокимна, назначенные в этот день на литургии церковным Уставом (воскресные прокимны со своими стихами приведены в главе «Песнопения из служб воскресных восьми гласов», дневные (будничные) — в главе «Песнопения из служб будничных», из служб Триодей постной и цветной — в главах «Песнопения из служб Триоди постной» и «Песнопения из служб Триоди цветной»).

Чтец произносит Прокимен, называя глас его, хор поет прокимен, чтец произносит стих, хор повторяет прокимен, чтец произносит первую половину прокимна,

хор поет вторую половину его. Когда Устав назначает два прокимна, первый поется дважды, т. е. чтец: прокимен, хор: прокимен, чтец: стих, хор: прокимен, затем чтец произносит второй прокимен, и хор поет его один раз.

### **Прокимны и аллилуиарии воскресные на литургии**

*Глас 1-й:* Буди, Господи, милость Твоя на нас, якоже уповахом на Тя.

*Стих:* Радуйтесь, праведнии, о Господе, правым подобает похвала.

*Аллилуиа:* Бог даяй отмщение мне и покоривый люди под мя.

*Стих:* Величай спасения царева и творяй милость Христу Своему Давиду и семени его до века.

*Глас 2-й:* Крепость моя и пение мое Господь. и бысть мне во спасение.

*Стих:* Наказуя наказа мя Господь, смерти же не предаде мя.

*Аллилуиа:* Услышит тя Господь в день печали, защитит тя имя Бога Иаковля.

*Стих:* Господи, спаси царя и услыши ны, в онъже аще день призовем Тя.

*Глас 3-й:* Пойте Богу нашему, пойте пойте Цареви нашему, пойте.

*Стих:* Вси языцы, воспещите руками, восклікните Богу гласом радования.

*Аллилуиа:* На Тя, Господи, уповах, да не постыжуся во век.

*Стих:* Буди ми в Бога Защитителя и в дом прибежища, еже спаси мя.

*Глас 4-й:* Яко возвеличиша дела Твоя, Господи, вся премудростю сотворил еси.

*Стих:* Благослови, душе моя, Господа, Господи Боже мой, возвеличился еси зело.

*Аллилуиа:* Наляцы и успевай и царствуй, истины ради и кротости, и правды.

*Стих:* Возлюбил еси правду и возненавидел еси беззконие.

*Глас 5-й:* Ты, Господи, сохраниши ны и соблюдиши ны от рода сего и во век.

*Стих:* Спаси мя, Господи, яко оскуде преподобный.

*Аллилуиа:* Милости Твоя, Господи, во век воспою, в род и род возвещу истину Твою усты моими.

*Стих:* Зане рекл еси: в век милость созиждется, на небесех уготовится истина Твоя.

*Глас 6-й:* Спаси, Господи, люди Твоя и благослови достояние Твое.

*Стих:* К Тебе, Господи, воззову, Боже мой, да не премолчиши от мене.

*Аллилуиа:* Живый в помощи Вышняго, в крови Бога Небеснаго водворится.

*Стих:* Речет Господеви: Заступник мой еси и Прибежище мое, Бог мой, и уповаю на Него.

*Глас 7-й:* Господь крепость людем Своим даст Господь благословит люди Своя миром.

*Стих:* Принесите Господеви сынове Божии, принесите Господеви сыны овни,

*Аллилуиа:* Благо есть исповедатися Господеви и пети Имени Твоему, Вышний.

*Стих:* Возвещати заутра милость Твою, и истину Твою на всяку нощь.

*Глас 8-й:* Помолитесь и воздадите Господеви Богу нашему.

*Стих:* Ведом во Иудеи Бог, во Израили велие Имя Его.

*Аллилуиа:* Приидите, возрадуемся Господеви, восклікнем Богу Спасителю нашему.

*Стих:* Предварим лице Его во исповедании, и во псалмех воскликнем Ему.

**Прокимны и аллилуиарии дневные(будничные)**

*В понедельник, гл. 4-й:* Творяй ангелы Своя духи, и слуги Своя пламень огненный.

*Стих:* Благослови, душе моя. Господа, Господи Боже мой, возвеличился еси зело.

*Аллилуиа, гл. 5-й:* Хвалите Господа, вси ангели Его, хвалите Его, вся силы Его.

*Стих:* Яко Той рече, и быша; Той повеле, и создашася.

*Во вторник, гл. 7-й:* Возвеселится праведник о Господе и уповаает на Него.

*Стих:* Услыши, Боже, глас мой, внегда молитися ми к Тебе.

*Аллилуиа, гл. 4-й:* Праведник яко финикс процветет, яко кедр, иже в Ливане, умножится

*Стих:* Насаждени в дому Господни, во дворех Бога нашего процветут.

*В среду, гл. 3-й:* Величит душа Моя Господа, и возрадовася дух Мой о Бозе Спасе Моем

*Стих:* Яко призре на смирение рабы Своея, се бо отныне ублажат Мя вси роди.

*Аллилуиа, гл. 8-й:* Слыши, Дщи, и виждь, и приклони ухо Твое.

*Стих:* Лицу Твоему помолятся богатии людстии.

*В четверг, гл. 8-й:* Во всю землю изыде вещание их, и в концы вселенныя глаголы их.

*Стих:* Небеса поведают славу Божию, творение же руку Его возвещает твердь.

*Аллияуиа, гл. 1-й;* Исповедят небеса чудеса, Господи, ибо истину Твою в Церкви святых

*Стих:* Бог прославляем в совете святых.

*В пятницу, гл. 7-й:* Возносите Господа Бога нашего, и покланяйтесь подножию ногу Его, яко свято есть.

*Стих:* Господь воцарися, да гневаются людие.

*Аллилуиа, гл. 1-й:* Помяни сонм Твой, егоже стяжал еси исперва.

*Стих:* Бог же Царь наш прежде века, содела спасение посреди земли.

*В субботу, гл. 8-й:* Веселитесь о Господе, и радуйтесь, праведнии.

*Стих:* Блажени, ихже оставишаася беззакония и ихже прикрышаася греси.

*Заупокойный, гл. 6-й:* Души их/ во благих водворятся.

*Аллилуиа, гл. 4-й:* Воззваша праведнии, и Господь услыша их, и от всех скорбей их избави их.

*Стих:* Многи скорби праведным, и от всех их избавит я Господь.

*Стих:* Блажени, яже избрал и принял еси, Господи, и память их в род и род.

*Диакон:* Премудрость.

*Чтец:* Деяний святых апостол чтение.

*(Или:* Соборного послания Петрова [или: Иоаннова, причем не принято говорить, какое это послание — первое, или второе, или третье] чтение. *Или:* К римляном [К коринфянам; К галатом; К Тимофею и т.п.] послания святого апостола Павла чтение.)*Диакон:* Вонмем.

**Чтение Апостола**

*Во время чтения апостола, ставится аналой на амвоне для Евангелия. Когда чтение закончится, иерей говорит чтецу: Мир ти.*

*Чтец: И духови твоему.*

**Аллилуия**

*Диакон: Премудрость. Чтец: Аллилуиа, глас... Если прислуживает один алтарник, то выносится пономарская свеча и ставится перед аналоем (с Евангелием), если два алтарника то во время пения аллилуя вдвоём подходят на горнее место со свечами, синхронно крестятся, кланяются горнему месту, священнику, друг другу, и выходят на амвон северными и южными вратами, до чтения евангелия стоят лицом к иконостасу, не кланяясь и не крестясь, в начале чтения поворачиваются лицом к евангелию, по окончанию кланяются иконам и заходят теми же вратами в алтарь, также крестятся и кланяются на горнем месте и проходят, чтобы поставить свечи на место. Не забудьте убрать аналой.*

Хор поет «Аллилуиа»- трижды на указанный глас, чтец произносит первый стих аллилуиария, хор: «Аллилуиа», чтец произносит второй стих аллилуиария, хор поет в третий раз «Аллилуиа». В богослужебных книгах перед первым стихом аллилуария пишется «Аллилуиа, глас...», а перед вторым — «Стих» (воскресные аллилуиарии приведены в главе «Песнопения из служб воскресных восьми гласов», дневные (будничные) — в главе «Песнопения из служб будничных», аллилуарии из служб Триодей постной и цветной — в главах «Песнопения из служб Триоди постной» и «Песнопения из служб Триоди цветной».)

*Диакон: Благослови, владыко, благовестителя святаго апостола и евангелиста (имя евангелиста).*

*Иерей, благословляя его, произносит: Бог, молитвами святаго, славнаго, всехвального апостола и евангелиста(имярек), да даст тебе глагол, благовествующему силою многою, во исполнение Евангелия Возлюбленного Сына Своего, Господа нашего Иисуса Христа.*

*Диакон: Аминь.*

*Иерей: Премудрость, прости, услышим святаго Евангелия. Мир всем. Хор: И духови твоему.*

*Диакон: От (имя) святаго Евангелия чтение.*

*Хор: Слава Тебе, Господи, слава Тебе.*

*Иерей: Вонмем.*

**Чтение Евангелия**

*Читается Евангелие. Церковный Устав назначает определенные евангельские чтения на каждый день (евангельские чтения Пресвятой Богородице о общие ликам святых приведены в главе «Песнопения из служб общих ликам святых»).*

*По окончании чтения хор: Слава Тебе, Господи, слава Тебе.*

*Выносятся записки о здравии и о упокоении.*

**Ектения сугубая**

*Диакон: Рцем вси от всея души, и от всего помышления нашего рцем.*

*Хор:* Господи, помилуй. Господи Вседержителю, Боже отец наших, молим Ти ся, услыши и помилуй.

*Хор:* Господи, помилуй. Помилуй нас, Боже, по велицей милости Твоей, молим Ти ся, услыши и помилуй.

*Хор:* Господи, помилуй. (*Трижды, на каждое прошение*)

Еще молимся о Великом Господине и Отце нашем Святейшем Патриархе(имярек), и о Господине нашем Преосвященнейшем митрополите(или: архиепископе, или: епископе) (имярек), и всей во Христе братии нашей.

Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о братиях наших, священицах, священномонасех и всем во Христе братстве нашем.

Еще молимся о блаженных и приснопамятных создателех святаго храма сего (если в монастыре: святыя обители сея), и о всех преждепочивших отцах и братиях, зде лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих. братии святаго храма сего (если в монастыре: святыя обители сея).

Еще молимся о плодоносящих и добродеющих во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

*Иерей:* Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

*Хор:* Аминь.

*[В некоторые дни церковного года (кроме двунадесятых и храмовых праздников) за сугубой ектенией читается следующая ектения об усопших, при открытых царских аратах и с кадильницей:*

### **Ектения заупокойная**

*Диакон:* Помилуй нас, Боже, по велицей милости Твоей, молим Ти ся, услыши и помилуй.

*Хор:* Господи помилуй.(на каждое прошение).

Еще молимся о упокоении душ усопших рабов Божиих(имена) и о еже простити-ся им всякому прегрешению, вольному же и невольному.

Яко да Господь Бог учинит души их, идже праведнiiи упокояются. Милости Божия, Царства Небеснаго и оставления грехов их у Христа, Безсмертнаго Царя и Бога нашего, просим.

*Хор:* Подай, Господи.

*Диакон:* Господу помолимся.

*Хор:* Господи, помилуй.

*Иерей:* Яко Ты еси воскресение, и живот, и покой усопших раб Твоих (имени), Христе Боже наш, и Тебе славу возсылаем, со Безначальным Твоим Отцем и Пресвятым и Благим и Животворящим Твоим Духом, ныне и присно и во веки веков.

*Хор:* Аминь. Царские врата закрываются.

**Ектения об оглашенных**

*Диакон:* Помолитесь, оглашении, Господеви.

*Хор:* Господи, помилуй, (*На каждое прошение,*). Верни, о оглашенных помолимся, да Господь помилует их. Огласит их словом истины. Откроет им Евангелие правды. Соединит их Святой Своей, Соборней и Апостольствей Церкви. Спаси, помилуй, заступи и сохрани их, Боже, Твою благодатию. Оглашении, главы ваша Господеви приклоните.

*Хор:* Тебе, Господи. Да и тии с нами славят пречестное и великолепное Имя Твое, Отца и Сына и Святаго Духа, ныне и присно и во веки веков.

*Хор:* Аминь.*Диакон:* Елицы оглашении, изыдите, оглашении, изыдите; елицы оглашении, изыдите. Да никто от оглашенных, елицы верни, паки и паки миром Господу помолимся.

*Хор:* Господи, помилуй.

*Возглашением диакона:* «*Оглашении, изыдите...*» заканчивается вторая часть литургии.





## Литургия верных

**Литургия верных** – третья, самая важная часть литургии, на которой Св. Дары, приготовленные на проскомидии, силою и действием Святого Духа пресуществляются в Тело и Кровь Христовы и возносятся в спасительную для людей жертву Богу Отцу, а затем преподаются верующим для причащения. Эта часть литургии получила название оттого, что присутствовать при ее совершении и приступать к причащению Св. Тайн могут только верные, то есть лица, принявшие православную веру через Св. Крещение и оставшиеся верными обетам, данным при Св. Крещении.

На литургии верных воспоминаются страдания Господа Иисуса Христа, Его смерть, погребение, Воскресение, Вознесение на небо, седение одесную Бога Отца и второе славное пришествие на землю.

В состав этой части литургии входят важнейшие священнодействия:

1. Перенесение Честных Даров с жертвенника на престол, приготовление верующих молитвенному участию при совершении Бескровной Жертвы.
2. Самое совершение Таинства, с молитвенным воспоминанием членов Церкви Небесной и земной.
3. Приготовление к причащению и причащение священнослужителей и мирян.
4. Благодарение за причащение и благословение на исход из храма (отпуст).

### Ектении

*Диакон от лица верных произносит две ектении:*

*Диакон:* Заступи, спаси, помилуй и сохрани нас, Боже, Твою благодатию.

*Хор:* Господи, помилуй.

*Диакон:* Премудрость.

*Иерей:* Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

*Хор:* Аминь.

*Готовится кадило, зажигаются понамарская свеча.*

*Диакон:* Паки и паки миром Господу помолимся.

*Хор:* Господи, помилуй.(*На каждое прошение*).

О свышнем мире и спасении душ наших. Господу помолимся.

О мире всего мира, благостоянии святых Божиих Церквей и соединении всех, Господу помолимся.

О свяtem храме сем и с верою, благоговением и страхом Божиим входящих в онъ, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твою благодатию.

**Диакон:** Премудрость.

**Иерей:** Яко да под державою Твою всегда храними, Тебе славу возсылаем, Отцу и Сыну и Святому Духу, ныне и присно и во веки веков.

(отверзаются царские врата.)

Подаётся кадило. Алтарник становится на горнем месте так, чтобы не мешать каждению. Когда каждение закончится и дьякон зайдёт в алтарь, синхронно крестится и кланяется со священнослужителями, на третий раз кланяется как обычно (горнее место, священник) и проходит к северным вратам. По сигналу священника открывает дверь и выходит как обычно к аналою. Стоит перед аналоем до тех пор пока не закроются Царские врата. По обычай заходит в Алтарь.

**Хор:** Аминь, и поет Херувимскую песнь

### **Херувимская песнь**

Иже Херувимы тайно образующе и Животворящей Троице Трисвятую песнь припевающе, всякое ныне житейское отложим попечение...

### **Великий вход**

**Диакон и иерей,** взяв Святые Дары, выходят из алтаря на солею.

**Диакон:** Великаго Господина и Отца нашего(имярек), Святейшаго Патриарха Московскаго и всея Руси, и Господина нашего Преосвященнейшаго(имя епархиального архиерея), да помянет Господь Бог во Царствии Своем, всегда, ныне и присно и во веки веков.

**Иерей:** Вас и всех православных христиан да помянет Господь Бог во Царствии Своем, всегда, ныне и прирно и во веки веков.

**Хор:** Аминь. Яко да Царя всех подымем ангельскими невидимо дориносима чинами. Аллилуиа, аллилуиа, аллилуиа.

[ Вместо Херувимской на литургии в Великий четверг поется «Вечери Твоей Тайны...», а в Великую субботу — «Да молчит всякая плоть...» (эти песнопения приведены в главе «Песнопения из служб Триоди постной»).]

Режутся просфоры для причастников.

### **Присительная ектения**

**Диакон:** Исполним молитву нашу Господеви.

**Хор:** Господи, помилуй.(На каждое прошение).

О предложенных честных Дарех Господу помолимся.

О святем храме сем и с верою, благоговением и страхом Божиим входящих в онъ, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твою благодатию.

Дне всего совершенна, свята, мирна и безгрешна, у Господа просим.

**Хор:** Подай, Господи.(На каждое прошение).

Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших, у Господа просим.

Добрых и полезных душам нашим и мира мирови, у Господа просим.

Прочее время живота нашего в мире и покаянии скончати, у Господа просим.

Христианския кончины живота нашего, безболезнены, непостыдны, мирны, и  
доброго ответа на Страшном Судищи Христове, просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшем, сами себе, и друг друга,  
и весь живот наш Христу Богу предадим.

*Хор:* Тебе, Господи.

*Иерей:* Щедротами Единородного Сына Твоего, с Нимже благословен еси, со  
Пресвятым и Благим и Животворящим Твоим Духом, ныне и присно и во реки  
веков.

*Хор:* Аминь. *Иерей:* Мир всем. *Хор:* И духови твоему. *Диакон:* Возлюбим друг  
друга, да единомыслием исповемы.

*Хор:* Отца и Сына и Святаго Духа, Троицу Еиносущую и Нераздельную. *Диакон:*  
Двери, двери, премудростию вонмем. (*Открывается завеса царских врат.*)

*Ставится кипятиться чайник.*

### **Символ веры**

*Хор* (или все молящиеся):

1. Верую во Единаго Бога Отца Вседержителя, Творца небу и земли, видимым  
же всем и невидимым.

2. И во Единаго Господа Иисуса Христа, Сына Божия, Единородного, Иже от  
Отца рожденного прежде всех век. Света от Света, Бога истинна от Бога истинна,  
рожденна, несотворенна, еиносущна Отцу, Имже вся быша.

3. Нас ради, человек, и нашего ради спасения сшедшаго с Небес, и воплотивша-  
гося от Духа Свята и Марии Девы, и вочеловечшася.

4. Распятаго же за ны при Понтийском Пилате, и страдавша, и погребенна.

5. И воскресшаго в третий день по Писанием.

6. И восшедшаго на Небеса, и седяща одесную Отца.

7. И паки грядущаго со славою судити живым и мертвым, Его же Царствию не  
будет конца.

8. И в Духа Святаго, Господа Животворящаго, Иже от Отца исходящаго, Иже со  
Отцем и Сыном спокланяема и сславима, глаголавшаго пророки.

9. Во едину Святую Соборную и Апостольскую Церковь.

10. Исповедую едино Крещение во оставление грехов.

11. Чаю воскресения мертвых,

12. и жизни будущаго века. Аминь.

### **Евхаристический канон.**

*Диакон:* Станем добре, станем со страхом, вонмем, Святое Возношение в мире  
приносити.

*Хор:* Милость мира, Жертву хваления.

*Иерей:* Благодать Господа нашего Иисуса Христа, и любы Бога и Отца, и прича-  
стие Святаго Духа, буди со всеми вами.

*Хор:* И со духом твоим.

*Иерей:* Горе имеим сердца.

*Хор:* Имамы ко Господу.

*Иерей:* Благодарим Господа.

*Хор:* Достойно и праведно есть покланятися Отцу и Сыну и Святому Духу, Троице Единосущной и Нераздельной. *Иерей:* Победную песнь ноюще, вопиюще, взывающе и глаголюще:

*Хор:* Свят, Свят, Свят Господь Саваоф, исполнь Небо и земля славы Твоей; осанна в вышних, благословен Грядый во Имя Господне, осанна в вышних.

*Иерей:* Приимите, ядите, Сие есть Тело Мое, еже за вы ломимое во оставление грехов.

*Хор:* Аминь. *Иерей:* Пийте от нея вси, сия есть Кровь Моя Нового Завета, яже за вы и за многи изливаемая во оставление грехов. *Хор:* Аминь.

(На литургии св. Василия Великого последние возгласы иерея начинаются словами: «Даде святым Своим учеником и апостолом, рек:».)

*Иерей:* Твоя от Твоих Тебе припосяще о всех и за вся. *Готовится кадило.*

*Хор:* Тебе поем. Тебе благословим, Тебе благодарим, Господи, и молим Ти ся. Боже наш. *Подается кадило во время «Тебе поем...», после слов священника в алтаре «Приложив Духом Твоим Святым. Аминь. Аминь. Аминь.»*

*Иерей:* Изрядно о Пресвятей, Пречистей, Преблагословенней, Славней Владычице нашей Богородице и Приснодеве Марии.

*Хор:* Достойно есть, яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и Славнейшую без сравнения Серафим, без истления Бога Слова рождшую, сущую Богородицу Тя величаем.

[В двунадесятые праздники и их попразднства вместо «Достойно...» поется припев и ирмос 9-й песни праздничного канона, так называемый «задостойник». В Великий четверг поется ирмос 9-й песни «Странствия Владычня...», в Великую субботу — «Не рыдай Мене, Мати...», в Неделю вай — «Бог Господь...» (эти песнопения приведены в главах «Песнопения из служб Триоди постной» и «Песнопения из служб Триоди цветной»).]

Если же литургия св. Василия Великого, вместо «Достойно...» поем:

О Тебе радуется. Благодатная, всякая тварь, ангельский собор и человеческий род, освященный храме и раю словесный, девственная похвало, из Неяже Бог воплотися и Младенец бысть, прежде век сый Бог наш; ложесна бо Твоя престол сотвори и чрево Твое пространнее небес содела. О Тебе радуется, Благодатная, всякая тварь, слава Тебе.]

*Иерей:* В первых помяни Господи, Великаго Господина и Отца нашего(имя рек), Святейшаго Патриарха Московскаго и всея Руси, и Господина нашего Преосвященнейшаго(имя епархиального епископа), ихже даруй святым Твоим Церквам в мире, целых, честных, здравых, долгоденствующих, право правящих слово Твоей истины.

*Хор:* И всех и вся. *Иерей:* И дажь нам единем усты и единем сердцем славити и

воспевати Пречестное и Всиколепое Имя Твое, Отца и Сына и Святаго Духа, ныне и присно и во веки веков.

*Хор: Аминь. Иерей:* И да будут милости Великаго Бога и Спаса нашего Иисуса Христа со всеми вами.

*Хор: И со духом твоим. Готовится чаша для теплоты и плат для причастия.*

### **Ектения просительная**

*Диакон:* Вся святыя помянувше, паки и паки миром Господу помолимся.

*Хор:* Господи, помилуй.(На каждое прошение).

О принесенных и освященных Честных Дарех, Господу помолимся.

Яко да Человеколюбец Бог наш, приемъ я во святый, и пренебесный, и мысленный Свой Жертвенник, в воню благоуханія духовнаго, возниспослѣт нам Божественную благодать и дар Святаго Духа, помолимся.

О избавитсѧ нам от всякия скорби, гнева и нужды, Господу помолимся.

Заступи, спаси, помилуй и сохрани нас, Твою благодатию.

Дне всего совершенна, свята, мирна и безгрешна,.у Господа просим.

*Хор:* Подай, Господи.(На каждое прошение).

*Диакон:* Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших, у Господа просим.

Добрых и полезных душам нашим и мира мирови, у Господа просим.

Прочее время живота нашего в мире и покаяніи скончати у Господа просим.

Христианския кончины живота нашего, безболезнены, непостыдны, мирны, и доброго ответа на Страшном Судищи Христове, просим.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

*Хор:* Тебе, Господи.

И сподоби нас, Владыко, со дерзновением, неосужденно смети призывасти Тебе, Небеснаго Бога Отца, и глаголати:

### **Отче наш**

*Хор (или все молящиеся):* Отче наш, Иже еси на Небесех! Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесъ, и остави нам долги наша, яко же и мы оставляем должником нашим; и не введи нас во искушение, но избави нас от лукаваго.

*Иерей:* Яко Твое есть Царство, и сила, и слава. Отца и Сына и Святаго Духа, ныне и присно и во веки веков.

*Хор:* Аминь.

*Иерей:* Мир всем.

*Хор:* И духови твоему. *Диакон:* Главы ваша Господеви приклоните

*Хор:* Тебе, Господи. *Иерей:* Благодатию, и щедротами, и человеколюбием Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно и во веки веков.

*Хор:* Аминь. (Закрываются царские врата и завеса)

*Диакон:* Вонмем.

*Подносится теплота*

*Иерей:* Святая святым.

*Хор:* Един Свят, един Господь Иисус Христос, во славу Бога Отца. Аминь.

### **Причащение священнослужителей**

В алтаре причащаются священнослужители.

Хор поет назначенный в этот день церковным Уставом причастен — стих, оканчивающихся троекратным «Аллилуиа». Причастнов может быть назначено два, однако «Аллилуия» поется только после второго.

### **Причастны**

Во время причастных выносится понамарская свеча и ставится перед Царскими вратами. Затем выносятся запивка и просфоры для причастников.

*В воскресенье:* Хвалите Господа с небес, хвалите Его в вышних. Аллилуйя, аллилуйя, аллилуйя.

*В понедельник:* Творяй ангелы Своя духи, и слуги Своя пламень огненный.

*В вторник:* В память вечную будет праведник, от слуха зла не убоится.

*В среду:* Чашу спасения прииму и Имя Господне призову.

*В четверг:* Во всю землю изыде вещание их, и в концы вселенные глаголы их.

*В пятницу:* Спасение соделал еси посреде земли, Боже.

*В субботу:* Радуйтесь, праведнии, о Господе, правым подобает похвала.

*Заупокойный:* Блажени, яже избрал и приял еси, Господи, и память их в род и род.

*В праздники Богородицы:* Чашу спасения прииму и Имя Господне призову.

*В праздники апостолов:* Во всю землю изыде вещание их, и в концы вселенные глаголы их.

*В дни памяти святых:* В память вечную будет праведник, от слуха зла не убоится.

*Забирается свеча. Открываются царские врата. Диакон, вынося Святую Чащу, возглашает: Со страхом Божиим и верою приступите!*

*(Передает Чашу иерею.)*

*Хор:* Благословен Грядый во Имя Господне, Бог Господь и явися нам.

*[В пасхальную седмицу вместо этого поется «Христос воскрес... ».]*

*Иерей (и с ним все, желающие причаститься):* Верую, Господи, и исповедую, яко Ты еси воистину Христос, Сын Бога живаго, пришедший в мир грешных спасти, от них же первый есмь аз. Еще верую, яко Сие есть самое Пречистое Тело Твое, и сия есть самая Честная Кровь Твоя. Молюся убо Тебе: помилуй мя, и прости ми прегрешения мои, вольная и невольная, яже словом, яже делом, яже ведением и неведением, и сподоби мя неосужденно причаститися Пречистых Твоих таинств, во оставление грехов, и в Жизнь Вечную. Аминь.

Вечери Твоего Тайныя днесь, Сыне Божий, причастника мя приими; не бо врагом Твом тайну повем, ми лобзания Ти дам, яко Ииуда, на яко разбойник исповедаю Тя: помяни мя, Господи, во Царствии Твом.

Да не в суд или во осуждение будет мне причащение Святых Таин, Господи, но во исцеление души и тела. Аминь.

*Причаща мирян, иерей говорит:* Причащается раб Божий (имя) Честного и Святого Тела и Крове Господа и Бога и Спаса нашего Иисуса Христа, во оставление грехов своих и в Жизнь Вечную.

*Хор (во время причащения):* Тело Христово приимите, Источника бессмертного вкусите.

[В Великий четверг вместо этого поется «Вечери Твоей тайны...» (это песнопение приведено в главе «Песнопения из служб Триоди постной»); в пасхальную седмицу — «Христос воскресе...».]

*Иерей:* Спаси, Боже, люди Твоя и благослови достояние Твое,

*Подносится кадило в алтаре.*

*Хор:* Видехом Свет истинный,/ прияхом Духа Небеснаго,/ обретохом веру истинную,/ Нераздельней Троице покланяемся: Та бо нас спасла есть.

[Вместо «Видехом свет истинный...» от Пасхи до отдания поется «Христос воскресе...»; от Вознесения до отдания — тропарь Вознесения (эти песнопения приведены в главе «Песнопения из служб Триоди цветной»); в Троицкую родительскую субботу — «Глубиною мудрости...» (этот тропарь приведен в главе «Песнопения из служб Триоди цветной», в службе мясопустной родительской субботы).]

*Иерей:* Всегда, ныне и присно и во веки веков.

*Хор:* Аминь. Да исполнятся уста наша хваления Твоего, Господи, яко да поем славу Твою, яко сподобил еси нас причаститися Святым Твоим, Божественным, Бессмертным и Животворящим Тайнам; соблюди нас во Твоей святыни, весь день поучатися правде Твоей. Аллилуя, аллилуя, аллилуя.

[В Великий четверг вместо «Да исполняются...» поется «Вечери Твоей тайны...» (это песнопение приведено в главе «Песнопения из служб Триоди постной»); в пасхальную седмицу — «Христос воскресе...».]

### Ектения

*Диакон:* Прости приимше Божественных, Святых, Пречистых, Бессмертных, Небесных и Животворящих, Страшных Христовых Тайн, достойно благодарим Господа.

*Хор:* Господи, помилуй.

Заступи, спаси, помилуй и сохрани нас, Боже, Твою благодатию.

День весь совершен, свят, мирен и безгрешен испросивше, сами себе, и друг друга, и весь живот наш Христу Богу предадим.

*Хор:* Тебе, Господи.

*Иерей:* Яко Ты еси Освящение наше, и Тебе славу возсылаем, Отцу и Сыну и Святому Духу, ныне и присно и во веки веков, *Хор:* Аминь. *Иерей:* С миром изыдем,

*Хор:* О имени Господни.

*Диакон:* Господу помолимся. *Хор:* Господи, помилуй.

### Молитва заамвонная

*Иерей (стоит перед амвоном):* Благословляй благословящая Тя, Господи, и освящая на Тя уповающие, спаси люди Твоя и благослови достояние Твое, исполнение Церкве Твоей сохрани, освяти любящая благолепие дому Твоего; Ты тех возпрослави Божественною Твоей силою, и не остави нас, уповающих на Тя. Мир мирови

Твоему даруй, Цервам Твоим, священником, воинству и всем людем Твоим. Яко всякое даяние благо, и всяк дар совершен свыше есть, сходяй от Тебе, Отца Светов; и Тебе славу, и благодарение, и поклонение возсылаем, Отцу и Сыну и Святому Духу, ныне и присно и во веки веков.

*Хор:* Аминь. Буди Имя Господне благословено отныне и до века (*Трижды*)  
[На пасхальной седмице вместо этого поется «Христос воскресе...».]

### Псалом 33

*Хор:* Благословлю Господа на всякое время, выну хвала Его во устех моих. О Господе похвалился душа моя. Да услышат кротции, и возвеселятся. Возвеличите Господа со мною, и вознесем Имя Его вкупе. Взысках Господа, и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится ангел Господень окрест боящихся Его, и избавит их. Вкусите, и видите, яко благ Господь; блажен муж, иже уповаает Нань. Бойтесь Господа вси святыи Его, яко несть лишения боящимся Его. Богатии обнищаша и взалкаша: взыскаующи же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети благи? Удержи язык твой от зла, и устне твои, еже не глаголати льсти. Уклонися от зла, и сотвори благо, взыщи мира, и пожени и. Очи Господни на праведныя и уши Его в молитву их. Лице же Господне на творящия злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников лята, и ненавидящии праведнаго прегрешат. Избавит Господь души раб Своих, и не прегрешат вси уповающий на Него.

[На пасхальной седмице вместо этого поется «Христос воскресе...».]

*Иерей:* Благословение Господне на вас. Того благодатию и человеколюбием, всегда, ныне и присно и во веки веков.

*Хор:* Аминь. *Иерей:* Слава Тебе, Христе Боже, Упование наше, слава Тебе.

[На Пасху, в пасхальную седмицу и в отদание Пасхи вместо «Слава Тебе, Христе Боже...» священнослужители поют «Христос воскресе из мертвых, смертию смерть поправ», а хор заканчивает: «и сущим во гробех живот даровав».

От Недели о Фоме до отдания Пасхи священник произносит: «Слава Тебе, Христе Боже, Упование наше, Слава Тебе», я хор поет «Христос воскресе...» (*Трижды*).] *Хор:* Слава, и ныне. Господи, помилуй(*Трижды*). Благослови.

### Отпуст

*Иерей произносит отпуст. В воскресенье:* Воскресый из мертвых, Христос, истинный Бог наш, молитвами Пречистыя Своей Матере, святых славных и всехвальных Апостол, иже во святых отца нашего Иоанна, архиепископа Константина града, Златоустаго(или: св. Василия Великаго, архиепископа Кесарии Каппадокийская), и святаго(храма и святого, которого память в этот день), святых и праведных Богоотец Иоакима и Анны и всех святых, помилует и спасет нас, яко Благ и Человеколюбец.


**Многолетие**

*Хор:* Великаго Господина и Отца нашего(имярек), Святейшаго Патриарха Московскаго и всея Руси, и Господина нашого Пресвященнейшаго(имя) митрополита(или: архиепископа,или: епископа)(епархиальный титул его), богохранимую державу нашу Российскую, настоятеля, братию и прихожан святаго храма сего и вся православныя христианы, Господи, сохрани их на многая лета.

По обычаю, перед отпустом священник берет крест с престола и после отпуста, осенив крестом народ и сам поцеловав крест, дает его для целования молящимся, а чтец читает благодарственные молитвы; затем священник опять осеняет крестом народ и возвращается в алтарь, причем царские врата и завеса закрываются.

Алтарники убираются в алтаре, чистят кадило и готовятся к вечернему Богослужению





**ЧАСЫ ТРЕТИЙ И ШЕСТОЙ**



## Час Шестой

*Чтец:* Приидите, поклонимся Цареви нашему Богу.

Приидите, поклонимся и припадем Христу, Цареви нашему Богу.

Приидите, поклонимся и припадем Самому Христу, Цареви и Богу нашему.

### Псалом 53

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя, и крепцыи взыскаша душу мою, и не предложиша Бога пред собою. Се бо Бог помогает ми, и Господь Заступник души моей. Отвратит злая врагом моим, истину Твою потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя возврэ око мое.<

### Псалом 54

Внущи, Боже, молитву мою и не презри моления моего. Вонми ми и услыши мя; возскорбех печалию мою, и смятохся от гласа вражия и от стужения грешника, яко уклониша на мя беззаконие, и во гневе враждоваху ми. Сердце мое смятеся во мне, и боязнь смерти нападе на мя. Страх и трепет прииде на мя, и покры мя тьма. И рех: кто даст ми криле, яко голубине, и полещу и почию? Се, удалихся, бегая, и подвориХся в пустыни. Чаях Бога, спасающаго мя от малодушия и от бури. Потопи, Господи, и раздели языки их, яко видех беззаконие и пререкание во граде. Днем и нощию обыдет и по стенам его; беззаконие и труд посреде его, и неправда; и не оскуде от стогн его лихва и лесть. Яко аще бы враг поносил ми, претерпел быхubo; и аще бы ненавидяй мя на мя велеречевал, укрылбыхся от него. Ты же, человече равнодушне, владыко мой и знаемый мой; иже купно наслаждался еси со мною брашен, в дому Божии ходиХом единомышлением. Да приидет же смерть на ня, и да снайдут во ад живи; яко лукавство в жилищах их, посреде их. Аз к Богу воззвах, и Господь услыша мя. Вечер и заутра, и полудне повем и возвещу, и услышит глас мой. Избавит миром душу мою от приближающихся мне; яко бо мнозе бяху со мною. Услышит Бог и смирит я, Сый прежде век; несть бо им изменения, яко не убояшася Бога. Простре руку Свою на воздаяние, оскверниша завет Его. Разделишася от гнева лица Его, и приближишася сердца их; умякнуша словеса их паче елеа, и та суть стрелы. Возверзи на Господа печаль твою, и Той тя препитает, не даст в век молвы праведнику. Ты же, Боже, низведеши я в студенец истления. Мужие кровей и листи не преполовоят дней своих. Аз же, Господи, уповаю на Тя.

### Псалом 90

Живый в помощи Вышняго, в крови Бога Небеснаго водворится. Речет Господеви: Заступник мой еси и Прибежище мое, Бог мой и уповаю на Него. Яко Той избавит

тя от сети ловчи и от словесе мятежна, плещма Своима осенит тя и под криле Его надеешися: оружием обыдет тя истина Его. Не убоишися от страха нощнаго, от стрелы летящия во дни, от веши во тьме преходящия, от сряща и беса полуденнаго. Падет от страны твоей тысяча, и тьма одесную тебе, к тебе же не приблизится: обаче очима Твоими смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приблизится телеси твоему. Яко ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою. На аспида и василиска наступиши, и попереши льва и змия. Яко на Мя упова, и избавлю и; покрью и, яко позна имя Мое. Воззовет ко Мне, и услышу его; с ним есмь в скорби, изму его и прославлю его; долготою дней исполню его, и явлю ему спасение Мое.

Слава Отцу, и Сыну, и Святому Духу, и ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже.(Трижды)Господи, помилуй.(Трижды)Слава Отцу, и Сыну, и Святому Духу:

### Тропарь дня

(О чтении тропарей на часах см. выше в последовании 9-го часа)

И ныне и присно, и во веки веков. Аминь.

Богородичен: Яко не имамы дерзновения за премногия грехи наша, Ты Иже от Тебе рождшагося моли, Богородице Дево: много бо может моление Матернее ко благосердию Владыки; не презри грешных мольбы, Всечистая, яко милостив есть, и спасати Могий, Иже и страдати о нас изволивый.

[Если Великий пост — настоящий тропарь, глас 2:

Иже в шестый день же и час на кресте пригвождей в раи дерзновенный Адамов грех, и согрешений наших рукописание раздери, Христе Боже, и спаси нас.

Стих 1: Внуши, Боже, молитву мою, и не презри моления моего.

Стих 2: Аз к Богу возввах, и Господь услыша мя.

Слава Отцу, и Сыну, и Святому Духу, и ныне и присно, и во веки веков. Аминь.

Богородичен: Яко не имамы дерзновения за премногия грехи наша, Ты Иже от Тебе рождшагося моли, Богородице Дево: много бо может моление Матернее ко благосердию Владыки; не презри грешных мольбы, Всечистая, яко милостив есть, и спасати Могий, Иже и страдати о нас изволивый.]

Скоро да предварят ны щедроты Твоя Господи, яко обнищахом зело; помози нам, Боже Спасе наш, славы ради имене Твоего, Господи, избави нас, и очисти грехи наша, имене ради Твоего.

Святый Боже, Святый Крепкий, Святый Безсмертный, помилуй нас.(Трижды)

Слава Отцу, и Сыну, и Святому Духу, и ныне и присно, и по веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй.(Трижды)

Слава Отцу, и Сыну, и Святому Духу, и ныне и присно, и во веки веков. Аминь.

Отче наш, Иже еси на небесех. Да святится имя Твое; да приидет Царствие Твое; да будет воля Твоя, яко на небеси и на земли. Хлеб наш насущный даждь нам днесъ.

И остави нам долги наша, якоже и мы оставляем должником нашим. И не введи нас во искушение, но избави нас от лукаваго.

*Иерей:* Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

*Чтец:* Аминь.

### Кондак праздника

(О чтении кондаков на часах см. выше в последовании 9-го часа)

*[Если Великий пост — тропари, глас 2:*

Спасение соделал еси посреде земли, Христе Боже, на Кресте пречисте руце Твои распростерл еси, собирая вся языки, зовущия: Господи, слава тебе.

Слава Отцу, и Сыну, и Святому Духу:

Пречистому Твоему образу покланяемся, Благий, просяще прощения прегрешений наших, Христе Боже, волею бо благоволил еси плотию взыти на Крест, да избавиши, яже создал еси, от работы вражия; тем благодарственно вопием Ти: радости исполнил еси вся, Спасе наш, пришедый спаси мир.

И ныне и присно, и во веки веков. Аминь.

*В понедельник, вторник и четверг — Богородичен:*

Милосердия сущия источник, милости сподоби нас, Богородице, призри на люди согрешившия, яви яко присно силу Твою; на Тя бо уповающе, радуйся вопием Ти, якоже иногда Гавриил, безплотных архистратиг.

*В среду и пятницу — Крестобогородичен:*

Препрославлена еси, Богородице Дево, поем Тя; Крестом бо Сына Твоего низложися ад, и смерть умертвися, умерщвлении востахом, и живота сподобихомся, рай восприяхом древнее наслаждение. Тем благодаряще, славословим яко державного Христа Бога нашего, и единого Милостиваго.]

Господи, помилуй.(40 раз)

Иже на всякое время и на всякий час, на небеси и на земли поклоняемый и славимый, Христе Боже, долготерпеливе, многомилостиве, многоблагоутробне, Иже праведныя любяй, и грешныя милуюй, Иже вся зовый ко спасению обещания ради будущих благ, Сам, Господи, приеми и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, огради нас святыми Твоими ангелы, да ополчением их соблюдаеми и наставляеми, достигнем в соединение веры и в разум неприступныя Твоя славы, яко благословен еси во веки веков. Аминь.

Господи, помилуй.(Трижды)

Слава Отцу, и Сыну, и Святому Духу, и ныне и присно, и во веки веков. Аминь.

Честнейшую херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним, благослови отче. *Иерей:* Молитвами святых отец наших, Господи Иисусе Христе, Сыне Божий, помилуй нас. *Чтец:* Аминь.

**Молитва св. Василия Великого**

Боже и Господи сил и всяя твари Содетелю, Иже за милосердие безприкладныя милости Твоей Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы; Сам, Владыко Человеколюбче, приеми и нас грешных благодарственныя сия и молебныя молитвы, и избави нас от всякаго всегубительного и мрачнаго прегрешения, и всех озлобити нас ищущих, видимых и невидимых враг. Пригвозди страху Твоему плоти наша, и не уклони сердец наших в словеса или помышления лукавства; но любовию Твою уязви души наша, да к Тебе всегда взирающе, и еже от Тебе светом наставляеми, Тебе непреступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном, и Всесвятым и Благим, и Животворящим Твоим Духом, ныне и присно и во веки веков. Аминь.

---





## Час Третий

*Иерей:* Благословен Бог наш, всегда, ныне и присно, и во веки веков.

*Чтец:* Аминь. Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй,  
Сокровище благих и жизни Подателю: прииди и вселися в ны, и очисти ны от  
всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас.(Трижды)  
Слава Отцу, и Сыну, и Святому Духу, и ныне и присно, и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости  
беззакония наша; Святый, посети и исцели немощи наша, имени Твоего ради.

Господи, помилуй.(Трижды) Слава Отцу, и Сыну, и Святому Духу, и ныне и  
присно, и во веки веков. Аминь.

Отче наш, Иже еси на небесех! Да святится имя Твое, да приидет Царствие Твое,  
да будет воля Твоя, яко на небеси и на земли. Хлеб наш насущный даждь нам днесь;  
и остави нам долги наша, якоже и мы оставляем должником нашим; и не введи нас  
во искушение, но избави нас от лукаваго.*Иерей:* Яко Твое есть Царство, и Сила, и  
Слава, Отца, и Сына, и Святаго Духа, ныне и присно, и во веки веков.*Чтец:* Аминь.  
Господи, помилуй(12).Слава Отцу, и Сыну, и Святому Духу, и ныне и присно, и во  
веки веков. Аминь.

Приидите, поклонимся Цареви нашему Богу.

Приидите, поклонимся и припадем Христу, Цареви нашему Богу.

Приидите, поклонимся и припадем Самому Христу, Цареви и Богу нашему.

### Псалом 16

Услыши, Господи, правду мою, вонми молению моему, внуши молитву мою  
не во устнах льстивых. От Лица Твоего судьба моя изыдет, очи мои да видита  
правоты. Искусил еси сердце мое, посетил еси нощию, искал мя еси, и не обретеся  
во мне неправда. Яко да не возглаголют уста моя дел человеческих, за слова  
устен Твоих аз сохраних пути жестоки. Соверши стопы моя во стезях Твоих, да  
не подвижутся стопы моя. Аз воззвах, яко услышал мя еси, Боже, приклони ухо  
Твое мне и услыши глаголы мои. Удиви милости Твоя, спасаяй уповающих на Тя от  
противящихся деснице Твоей. Сохрани мя, Господи, яко зеницу ока; в крове крилу  
Твоему покрыеши мя, от лица нечестивых, острастших мя. Врази мои душу мою  
одержаша, тук свой затвориша; уста их глаголаша гордыню. Изгоняющи мя ныне  
обыдоша мя, очи свои возложиша уклонити на землю. Объяша мя яко лев готов  
на лов, и яко скимен, обитаяй в тайных. Воскресни, Господи, предвари я, и запни  
им: избави душу мою от нечестиваго, оружие Твое от враг руки Твои. Господи, от  
малых от земли, раздели я в животе их, и сокровенных Твоих исполнися чрево их.

Насытишася сынов, и оставиши останки младенцем своим. Аз же правою явлюся лицу Твоему, насыщуся, внегда явити ми ся славе Твоей.

### Псалом 24

К Тебе, Господи, воздвигох душу мою. Боже мой, на Тя уповах, да не постыжуся во век, ниже да посмеют ми ся врази мои. Ибо вся терпящии Тя не постыдятся. Да постыдятся беззаконнующии вотще. Пути Твои, Господи, скажи ми, и стезям Твоим научи мя. Настави мя на истину Твою, и научи мя; яко Ты еси Бог, Спас мой, и Тебе терпех весь день. Помяни щедроты Твоя, Господи, и милости Твоя, яко отвека суть. Грех юности моей и неведения моего не помяни; по милости Твоей помяни мя Ты, ради благости Твоей, Господи. Благ и прав Господь, сего ради законоположит согрешающим на пути. Наставит кроткия на суд, научит кроткия путем Своим. Вся путь Господни милость и истина, взыскающим завета Его и свидения Его. Ради имени Твоего, Господи, и очисти грех мой, мног бо есть. Кто есть человек, бояйся Господа? Законоположит ему на пути, его же изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои выну ко Господу, яко Той исторгнет от сети нозе мои. Призри на мя и помилуй мя, яко единород и нищ есмь аз. Скорби сердца моего умножиша, от нужд моих изведи мя. Виждь смирение мое и труд мой, и остави вся грехи мя. Виждь враги мя, яко умножиша, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобивии и правии прилепляхуся мне, яко потерпех Тя, Господи. Избави, Боже, Израиля от всех скорбей его.

### Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омы мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих, яко да оправдиши во словесех Твоих, и победиши внегда судити Ти. Се бо, в беззакониях зачат есмь, и во грехах роди мя мати моя. Се бо, истину возлюбил еси; безвестная и тайная премудрости Твоей явил ми еси. Окропиши мя иссопом, и очища; омыши мя, и паче снега убелюся. Слуху моему даси радость и веселье; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом владычним утверди мя. Научу беззакония путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиленно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожгаемая; тогда возложат на олтарь Твой тельцы.

Слава Отцу, и Сыну, и Святому Духу, и ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже.(Трижды)Господи, помилуй.(Трижды)Слава Отцу, и Сыну, и Святому Духу:

### Тропарь дня

(О чтении тропарей на часах см. выше в последовании 9-го часа)И ныне и присно, и во веки веков. Аминь.

Богородице, Ты еси лоза истинная, возрастившая нам плод живота, Тебе молимся: молися, Владычице, со святыми апостолы, помиловать души наша.

[Если Великий пост — настоящий тропарь, глас 6:

Господи, Иже Пресвятаго Твоего Духа в третий час апостолом Твоим ниспосланный, Того, Благий, не отыми от нас, но обнови нас, молящих Ти ся.

Стих 1: Сердце чисто созижди во мне, Боже, и дух прав обнови во утробе моей.

Стих 2: Не отвержи мене от лица Твоего и Духа Твоего Святаго не отыми от мене.

Слава, и ныне, Богородичен: Богородице, Ты еси лоза истинная, возрастившая нам плод живота, Тебе молимся: молися, Владычице, со святыми апостолы, помиловать души наша.]

Господь Бог благословен, благословен Господь день дне, поспешит нам Бог спасений наших; Бог наш, Бог спасати.

Святый Боже, Святый Крепкий, Святый Безсмертный, помилуй нас.(Трижды)Слава Отцу, и Сыну, и Святому Духу, и ныне и присно, и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй.(Трижды)Слава Отцу, и Сыну, и Святому Духу, и ныне и присно, и во веки веков. Аминь.

Отче наш, Иже еси на небесех. Да святится имя Твое; да приидет Царствие Твое; да будет воля Твоя, яко на небеси и на земли. Хлеб наш насущный даждь нам днесь. И остави нам долги наша, якоже и мы оставляем должником нашим. И не введи нас во искушение, но избави нас от лукаваго.Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.Чтец: Аминь.

### Кондак праздника

(О чтении кондаков на часах см. выше в последовании 9-го часа)

[Если пост, или нет кондака, читаем эти тропари, глас 8-й:

Благословен еси, Христе Боже наш, Иже премудры ловцы явлей, низпослав им Духа Святаго, и теми уловлей вселенную. Человеколюбче, слава Тебе.

Слава: Скорое и известное даждь утешение рабом Твоим, Иисусе, внегда унывати духом нашим, не разлучайся от душ наших в скорбех, не удаляйся от мыслей наших во обстоянних, но присно нас предвари, приближися нам, приближися везде Сый, якоже со Апостолы Твоими всегда еси, сице и Тебе желающим соедини Себе, Щедре, да совокуплени Тебе поем и славословим Всесвятаго Духа Твоего.

И ныне: Надежда, и представительство и прибежище христиан, необоримая стена, изнемогающим пристанище небурное Ты еси, Богородице Пречистая; но яко мір спасающая непрестанною Твою молитвою, помяни нас, Дево Всепетая.]

Господи, помилуй.(40 раз)Иже на всякое время и на всякий час, на небеси и на земли поклоняемый и славимый, Христе Боже, долготерпеливе, многомилостиве, многоблагоутробне, Иже праведныя любяй, и грешныя милуй, Иже вся зовы ко спасению обещания ради будущих благ, Сам, Господи, приими и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, огради нас святыми Твоими ангелы, да ополчением их соблюдаеми и наставляеми, достигнем в соединение веры и в разум неприступныя Твоего славы, яко благословен еси во веки веков. Аминь.

Господи, помилуй.(Трижды)Слава Отцу, и Сыну, и Святому Духу, и ныне и присно, и во веки веков. Аминь.

Честнейшую херувим и славнейшую без сравнения Серафим, без истлении Бога Слова рождшую, сущую Богородицу, Тя величаем.


Именем Господним, благослови отче.*Иерей:* Молитвами святых отец наших, Господи Иисусе Христе, Сыне Божий, помилуй нас. *Чтец:* Аминь.

#### **Молитва святого Мардария**

Владыко Боже, Отче Вседержителю, Господи Сыне Единородный, Иисусе Христе, и Святый Душа, Едино Божество, едина сила, помилуй мя грешнаго, и имиже веси судьбами спаси мя недостойного раба Твоего; яко благословен еси во веки веков. Аминь.

---





**ПЕСНОПЕНИЯ ИЗ СЛУЖБ  
ТРИОДИ ЦВЕТНОЙ**



# Пасхальный канон, глас 1-й

## Песнь 1

*Ирмос:* Воскресения день, просветимся людие: Пасха, Господня Пасха! От смерти бо к жизни, и от земли к Небеси, Христос Бог нас преведе, победную поющия.

*Припев:* Христос воскресе из мертвых ((перед каждым тропарем канона))

Очистим чувствия, и узрим неприступным светом воскресения Христа блистящаяся, и радуйтесь рекуща ясно да услышим, победную поюще.

*Припев:* Христос воскресе из мертвых

Небеса убо достойно да веселятся, земля же да радуется, да празднует же мир, видимый же весь и невидимый: Христос бо воста, веселье вечное.

*Богородичны*\*: (*Поемы со второго дня Пасхи то отданя*)

(\*Припев к ним: «Пресвятая Богородице, спаси нас», или «Слава...», «И ныне...».)

Умерщвлении предел сломила еси, вечную жизнь рождшая Христа, из гроба возсиявшего днесь, Дево всенепорочная, и мир просветившаго.

Воскресшаго видевши Сына Твоего и Бога, радуйся со апостолы, Богоблагодатная чистая: и еже радуйся первее, яко всех радости вина, восприяла еси, Богомати всенепорочная.

## Песнь 3

*Ирмос:* Приидите, пиво пием новое, не от камене неплодна чудодеемое, но нетления источник, из гроба одождивша Христа, в Немже утверждаемся.

Ныне вся исполнящая света, Небо же и земля и преисподня: да празднует убо вся тварь востание Христово, в Немже утверждается.

Вчера спогребохся Тебе, Христе, совостаю днесъ воскресшу Тебе, сраспинахся Тебе вчера, Сам мя спрослави, Спасе, во Царствии Твоем.

*Богородичны:* На нетленную жизнь приходжу днесъ, благостию Рождшагося из Тебе, Чистая, и всем концем свет облиставшаго.

Бога, Егоже родила еси плотию, из мертвых, якоже рече, воставша видевши, Чистая, ликуй, и Сего яко Бога, Пречистая, возвеличай.

## Ипакои, глас 4-й:

Предваривши утро яже о Марии, и обретши камень отвален от гроба, слышаху от Ангела: во свете присносущнем Сущаго, с мертвыми что ищете, яко человека? Видите гробныя пелены, тецыте, и миру проповедите, яко воста Господь, умертвивый смерть, яко есть Сын Бога, спасающего род человеческий.

## Песнь 4

*Ирмос:* На божественней стражи, богохваливый Аввакум да станет с нами и покажет светоносна ангела, ясно глаголюща: днесь спасение миру, яко воскресе Христос, яко всесилен.

Мужеский убо пол, яко разверзый девственную утробу, явися Христос: яко человек же, Агнец наречеся: непорочен же, яко невкусен скверны, наша Пасха, и яко Бог истинен совершен речеся.

Яко единолетный агнец, благословенный нам венец Христос, волею за всех заклан бысть, Пасха чистительная, и паки из гроба красное правды нам возсия Солнце.

Богоотец убо Давид, пред сенным ковчегом скакаше играя, людие же Божии святии, образов сбытие зряще, веселимся божественне, яко воскресе Христос, яко всесилен.

*Богородичны:* Создавый Адама, Твоего праотца, Чистая, зиждется от Тебе, и смертное жилище разори Свою смертию днесь, и озари вся божественными блистаньми воскресения.

Егоже родила еси Христа, прекрасно из мертвых возсиявша, Чистая, зрящи, добрая и непорочная в женах и красная, днесь во спасение всех, со апостолы радующиися, Того прославляй.

### Песнь 5

*Ирмос:* Утренюем утреннюю глубоку, и вместо мира песнь принесем Владыце, и Христа узим, Правды Солнце, всем жизнь возсияюща.

Безмерное Твое благоутробие адовыми узами содержими зряще, к свету идяху Христе, веселыми ногами, Пасху хваляще вечную.

Приступим, свещеноснии, исходящу Христу из гроба яко жениху, и спразднуим любопразднственными чинами Пасху Божию спасительную.

*Богородичны:* Просвещается божественными лучами и живоносными воскресения Сына Твоего, Богомати Пречистая, и радости исполняется благочестивых собрание.

Не разверзл еси врата девства в воплощении, гроба не разрушил еси печатей, Царю создания: отонудже воскресшаго Тя зрящи, Мати радовашеся.

### Песнь 6

*Ирмос:* Снизшел еси в преисподня земли и сокрушил еси вереи вечныя, содержащия связанныя Христе, и тридневен, яко от кита Иона, воскресл еси от гроба.

Сохранив цела знамения, Христе, воскресл еси от гроба, ключи Девы невредивый в рождестве Твоем, и отверзл еси нам райских двери.

Спасе мой, живое же и нежертьвенное заколение, яко Бог Сам Себе волею привед Отцу, совоскresил еси всеродного Адама, воскрес от гроба.

*Богородичны:* Возведеся древле держимое смертию и тлением, Воплотившимся от Твоего пречистаго чрева, к нетленней и присносущней жизни, Богородице Дево.

Сниде в преисподня земли, в ложесна Твоя, Чистая, الشدید، и вселивыйся и воплотивыйся паче ума, и воздвиже с Собою Адама, воскрес от гроба.

### Кондак, глас 8-й

Аще и во гроб снизшел еси, Безсмертне, но адово разрушил еси силу, и воскресл еси яко победитель, Христе Боже, женам мириносицам вещавый: радуйтесь, и Твоим апостолом мир даруй, падшим подаяй воскресение.

### Икос

Еже прежде солнца, Солнце зашедшее иногда во гроб, предвариша ко утру, ищащия яко дне мириносицы девы, и друга ко друзей вопияху: О другини! приидите, вонями помажем тело живоносное и погребенное, плоть Воскресившаго падшаго Адама, лежащую во гробе. Идем, потщимся якоже волсви, и поклонимся, и принесем мира яко дары, не в пеленах, но в плащанице Обвитому, и плачим, и возопием: о Владыко, востани, падшим подаяй воскресение.

Воскресение Христово видевше, поклонимся Святому Господу Иисусу, Единому безгрешному, Кресту Твоему покланяемся, Христе, и святое воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите все вернии, поклонимся святому Христову воскресению: се, бо прииде Крестом радость всему миру. Всегда благословяще Господа, поем воскресение Его: распятие бо претерпев, смертию смерть разруши. (*Трижды*)

Воскрес Иисус от гроба, якоже прорече, даде нам живот вечный и велию милость. (*Трижды*)

### Песнь 7

*Ирмос:* Отроки от пещи избавивый, быв человек, страждет яко смертен, и страстию смертное в нетления облачит благолепие, Един благословен отцев Бог, и препрославлен.

Жены с миры богомудрья в след Тебе течаху: Егоже яко мертвса со слезами искаху, поклонишася радующаяся Живому Богу, и Пасху тайную Твоим, Христе, учеником благовестиша.

Смерти празднуем умерщвление, адово разрушение, иного жития вечнаго начало, и играюще поем Виновнаго, единаго благословеннаго отцев Бога и препрославленнаго.

Яко воистинну священная и всепразднственная, сия спасительная ношь, и светозарная, светоноснаго дне, востания сущи провозвестница: в нейже безлетный Свет из гроба плотски всем возсия.

*Богородичны:* Умертвив Сын Твой смерть, Всенепорочная, днесъ, всем смертным пребывающий живот во веки веков дарова, Един благословенный отцев Бог и препрославленный.

Всем царствуяй созданием, быв человек, вселился в Твою, Богоблагодатная, утробу, и распятие претерпев и смерть, воскресе боголепно, совозставив нас яко всесилен.

### Песнь 8

*Ирмос:* Сей нареченный и святый день, един суббот Царь и Господь, праздников праздник, и торжество есть торжеств: в онъже благословим Христа во веки.

Приидите, нового винограда рождения, божественного веселия, в нарочитом дни воскресения, Царствия Христова приобщимся, поюще Его яко Бога во веки.

Возведи окрест очи твои, Сионе, и виждь: се бо приидоша к тебе, яко богосветлая светила, от запада, и севера, и моря, и востока чада твоя, в тебе благословящая Христа во веки.

**Троичен:Пресвятая Троице Боже наш, слава Тебе.**

Отче Вседержителю, и Слове, и Душе, треми соединяемое во ипостасех Естество, Пресущественне и Пребожественне, в Тя крестихомся, и Тя благословим во вся веки.

**Богородичны:** Прииде Тобою в мир Господь, Дево Богородице, и чрево адово расторг, смертным нам воскресение дарова: темже благословим Его во веки.

Всю низложив смерти державу Сын Твой, Дево, Своим воскресением, яко Бог крепкий совознесе нас и обожи: темже воспеваем Его во веки.

### **Песнь 9**

**Припев:Величит душа моя воскресшаго тридневно от гроба Христа Жизнодавца.**

**Ирмос:** Светися, светися, новый Иерусалиме: слава бо Господня на тебе возсия, ликуй ныне, и веселися, Сионе! Ты же, Чистая, красуйся, Богородице, о востании Рождества Твоего.

**Припев:Христосновая Пасха, жертва живая, Агнец Божий, вземляй грехи мира.**

О, божественнаго! О, любезнаго! О, сладчайшаго Твоего гласа! С нами бо неложно обещался еси быти, до скончания века, Христе, Егоже верни, утверждение надежды имуще, радуемся.

**Припев:Ангел вопияше Благодатней: чистая Дево, радуйся, и паки реку, радуйся! Твой Сын воскресе тридневен от гроба, и мертвяя воздвигнувый, людие, веселитеся.**

О, Пасха велия и священнейшая, Христе! О мудрости, и Слове Божий, и Сило! Подавай нам истее Тебе причащатися, в невечернем дни Царствия Твоего.

**Богородичны:** Согласно, Дево, Тебе блажим верни: радуйся, двере Господня, радуйся граде одушевленный; радуйся, Еяже ради нам ныне возсия свет из Тебе Рожденного из мертвых воскресения.

Веселися и радуйся, божественная двере Света: зашедый бо Иисус во гроб, возсия, просияв солнца светлее, и верныя вся озарив, богорадованная Владычице.

### **Екапостиларий самогласен**

Плотию уснув, яко мертв, Царю и Господи, тридневен воскресл еси, Адама воздвиг от тли, и упразднив смерть: Пасха нетления, мира спасение. (*Трижды*)

### **Стихиры Пасхи, глас 5-й:**

**Стих:** Да воскреснет Бог, и расточатся врази Его.

Пасха священная нам днесъ показася: Пасха нова святая, Пасха таинственная, Пасха всечестная, Пасха Христос Избавитель: Пасха непорочная, Пасха великая, Пасха верных, Пасха, двери райская нам отверзающая, Пасха всех освящающая верных.

**Стих:** Яко исчезает дым, да исчезнут.

Приидите от видения жены благовестницы, и Сиону рцыте: приеми от нас радости благовещения Воскресения Христова; красуйся, ликуй и радуйся, Иерусалиме, Царя Христа узрев из гроба, яко жениха происходяща.

*Стих:* Тако да погибнут грешницы от лица Божия, а праведницы да возвеселятся.

Мироносицы жены, утру глубоку, представша гробу Живодавца, обретоша Ангела, на камени седяща, и той провещав им, сице глаголаше: что ищете живаго с мертвыми? Что плачете Нетленнаго во тли? Шедше проповедите учеником Его.

*Стих:* Сей день, егоже сотвори Господь, возрадуемся и возвеселимся в онь.

Пасха красная, Пасха, Господня Пасха! Пасха всечестная нам возсия. Пасха! Радостию друг друга обымем. О Пасха! Избавление скорби, ибо из гроба днесъ яко от чертога возсияв Христос, жены радости исполни, глаголя: проповедите апостолом.

*Слава, и ныне:* Воскресения день, и просветимся торжеством, и друг друга обымем. Рцем, братие, и ненавидящим нас, простим вся воскресением, и тако возопиим: Христос воскресе из мертвых, смертию смерть поправ, и сущим во гробех живот даровав.





## Во Святую и Великую неделю Пасхи

*Стихира в начале утрени, глас 6-й:*

Воскресение Твое, Христе Спасе, Ангели поют на небесех, и нас на земли сподоби чистым сердцем Тебе славити.

*Тропарь, глас 5-й:*

Христос воскресе из мертвых, смертию смерть поправ, и сущим во гробех живот даровав.





## Часы святой Пасхи

*Аще иерей:* Благословен Бог наш:

*Мирский же глаголет:* Молитвами святых отец наших, Господи Иисусе Христе Боже наш, помилуй нас. Аминь.

Христос воскресе из мертвых, смертию смерть поправ, и сущим во гробех живот даровав. (*Трижды*)

Воскресение Христово видевше, поклонимся святому Господу Иисусу, Единому безгрешному. Кресту Твоему покланяемся, Христе, и святое воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите все вернии, поклонимся святому Христову воскресению: се бо прииде Крестом радость всему миру. Всегда благословяще Господа, поем воскресение Его: распятие бо претерпев, смертию смерть разруши. (*Трижды*)

### *Ипакои, глас 8-й*

Предварившя утро яже о Марии, и обретшия камень отвален от гроба, слышаху от ангела: во свете присносущнем Сущаго, с мертвыми что ищете яко человека? Видите гробныя пелены, течьи и миру проповедите, яко воста Господь, умертвивый смерть, яко есть Сын Бога, спасающаго род человеческий.

### *Кондак, глас 8-й*

Аще и во гроб снизшел еси, Безсмертне, но адovу разрушил еси силу, и воскресл еси яко победитель, Христе Боже, женам мироносицам вещавый: радуйтесь, и Твоим апостолом мир даруй, падшим подаяй воскресение.

### *Тропари, глас 8-й*

Во гробе плотски, во аде же с душою яко Бог, в раи же с разбойником, и на престоле был еси, Христе, со Отцем и Духом, вся исполняй, Неописанный.

Слава Отцу и Сыну и Святому Духу.

Яко живоносец, яко рая краснейший, воистинну и чертога всякаго царскаго показался светлейший, Христе, гроб Твой, источник нашего воскресения.

И ныне и присно и во веки веков. Аминь.

Вышняго освященное Божественное селение, радуйся: Тобою бо дадеся радость, Богородице, зовущим: благословенна Ты в женах еси, всенепорочная Владычице.

Господи, помилуй.(40 раз)

Слава Отцу и Сыну и Святому Духу, и ныне и присно, и во веки веков, аминь.

Честнейшую херувим и славнейшую без сравнения серафим, без истления Бога Слова рождшую, сущую Богородицу Тя величаем.

Именем Господним благослови, отче.

*Иерей:* Молитвами святых отец наших, Господи Иисусе Христе Боже наш, помилуй нас. Аминь.

*И глаголем тропарь:*


Христос воскресе из мертвых: (*Трижды*) Слава, и ныне: Господи, помилуй. (*Трижды*) Благослови.

*И отпуст от иерея.*


Мирский же глаголет: Господи Иисусе Христе, Сыне Божий, молитв ради Пречистыя Твоей Матере, преподобных и богоносных отец наших и всех святых, помилуй нас. Аминь.

\*Это последование бывает во всю Светлую седмицу вместо повечерия и полунощницы, а также вместо утренних и вечерних молитв.





# **ВЕЛИКИЙ КАНОН (ТВОРЕНИЕ СВЯТОГО АНДРЕЯ КРИТСКОГО)**



Первая седмица Великого Поста с древних времен называется «зарей воздержания» и «неделей чистой». В эту неделю Церковь убеждает своих чад выйти из того греховного состояния, в которое невоздержанием наших прародителей ниспал весь род человеческий, утратив райское блаженство, и которое каждый из нас умножает сам своими грехами, — выйти путем веры, молитвы, смирения и Богоугодного поста. Се время покаяния, говорит Церковь, се день спасительный, пощения вход: душе, бодрствуй, и страстей входа затвори, ко Господу взирающе (из первой песни трипеснца на утрени понедельника первой седмицы Великого Поста).

Подобно ветхозаветной церкви, которая особенно святила первый и последний день некоторых великих праздников, православные христи-

ане, приготовленные и воодушевленные матерними внушениями своей Церкви, издревле, согласно ее уставу, с особенным усердием и строгостью проводят первую и последнюю седмицу Великого Поста.

На первой седмице совершаются особенно продолжительные богослужения и подвиг телесного воздержания значительно более строгий, чем в последующие дни Святой Четыредесятницы. В первые четыре дня Великого Поста великое повечерие совершается с чтением Великого Покаянного Канона преп. Андрея Критского, который как бы задает «тон», определяет всю последующую тональность, «мелодию» Великого Поста. На первой седмице Поста Канон делится на четыре части. Дивное творение св. Андрея Критского полностью предлагается нашему вниманию и в четверг (точнее в среду вечером) пятой седмицы Св. Четыредесятницы для того, чтобы мы, видя приближающееся окончание Поста, не разленились к духовным подвигам, не сделались небрежными, не забылись и не перестали во всем строго следить за собой.

Каждый стих Великого Канона сопровождается псаломским припевом Помилуй мя, Боже, помилуй мя! К канону присоединяется несколько тропарей в честь самого автора — св. Андрея и преп. Марии Египетской. Еще при жизни св. Андрея Иерусалимская Церковь ввела у себя в употребление Великий Канон. Отправляясь в 680 году на Шестой Вселенский Собор в Константинополь, св. Андрей принес туда и сделал известным свое великое творение и житие преп. Марии Египетской, написанное его соотечественником и учителем патриархом Иерусалимским Софронием. Житие египетской подвижницы читается совместно с Великим Каноном на утрени в среду пятой седмицы Великого Поста.

Из всех молитвословий Великого Поста, больше всех других поражает душу Великий Канон. Великий Канон — это чудо церковной гимнографии, это тексты удивительной силы и поэтической красоты. Канон составлен в 7-м веке св. Андреем,

Архиепископом Критским, составившим также много других канонов, которые Церковь использует в течение всего богослужебного года. Церковь именовала этот канон великим, не столько из-за его объема (в нем 250 тропарей или стихов), сколько по его внутреннему достоинству и силе.

Великий канон представляет собой беседу кающегося с собственной душой. Вот как он начинается:

Откуда начну плакати окаянного моего жития деяний? Кое ли положу нача-  
ло, Христе, нынешнему рыданию? Но яко благоутробен дажь ми прегрешений  
оставление — с чего же начать мне каяться, ведь это так трудно.

Затем следует чудный тропарь:

Гряди, окаянная душа, с плотию твою. Зиждителю всех исповеждься и останися  
прочее преждняго безсловесия, и принеси Богу в покаянии слезы.

Удивительные слова, тут и христианская антропология, и аскетика: плоть тоже  
должна участвовать в покаянии, как неотъемлемая часть человеческого естества.

Своего апогея эта беседа с душой, постоянные уговоры ее, призывы покаяться,  
достигают в кондаке, который поется после 6-й песни Канона:

Душе моя, душе моя, востани, что спиши? Конец приближается, и имаши сму-  
титися; воспряни убо, да пощадит тя Христос Бог, везде сый, и вся исполняй.

Эти слова произносит, обращаясь к себе, великий светильник Церкви, тот, к  
кому самому применимо было бы выражение, употребленное им относительно  
преп. Марии Египетской, которая действительно была «ангел во плоти». И вот он  
так к себе обратился, упрекая себя за то, что душа его спит. Если он видел себя таким,  
то какими должны видеть себя мы? Погруженные уже не только в беспрорубный  
духовный сон, но в какое-то омертвение...

Когда мы внимаем словам кондака из канона святителя Андрея Критского, нуж-  
но спросить себя: что мне делать? Если бы человек как должно исполнял Божий  
закон, его жизнь была бы заполнена совсем другим содержанием. Вот для того  
Церковь и предлагает нам этот глубокий, проникновенный великопостный пока-  
янный канон, чтобы мы заглянули поглубже в свою душу и посмотрели бы, что  
там. А душа-то спит... В этом и горе наше и беда наша.

В замечательной молитве преп. Ефрема Сирина, которую мы повторяем в про-  
должение всего Великого Поста, говорится: Господи Царю, даруй ми зреши моя  
прегрешения! — Я их не вижу, душа моя заснула, задремала и я этих грехов, как  
должно, даже и не вижу. Как же я буду каяться в них! И вот потому нужно в дни  
Великого Поста побольше сосредотачиваться на себе, оценивая свою жизнь и ее  
содержание евангельской мерой, а не какой-нибудь другой.

К основным особенностям Великого канона относится очень широкое исполь-  
зование образов и сюжетов из Священного Писания, как Ветхого, так и Нового  
Завета. Жаль, что мы плохо знакомы со Святой Библией. Многим из нас имена  
людей, упомянутых в Великом Каноне, ничего не говорят, потому что мы плохо  
знаем Библию.

А между тем Библия — это не только история израильского народа, но и гран-  
диозная летопись души человеческой — души, которая падала и вставала перед

лицом Бога, которая согрешала и каялась. Если мы посмотрим на жизнь людей, о которых говорится в Библии, то увидим, что каждый из них представлен не столько как исторический персонаж, не столько как личность, совершившая те или иные дела, сколько как человек, предстоящий перед лицом Живого Бога. Исторические и иные заслуги человека отходят на второй план, остается то, что всего важнее: сохранил человек верность Богу или нет. Если мы будем читать Библию и Великий Канон под таким углом зрения, то увидим, что многое из того, что говорится о древних праведниках и грешниках, является не чем иным, как летописью нашей души, наших падений и восстаний, наших грехов и покаяния.

Один церковный писатель по этому поводу очень кстати замечает: «Если в наши дни столь многие находят его (Великий Канон) скучным и не относящимся к нашей жизни, это происходит оттого, что вера их не питается из источника Священного Писания, которое для Отцов Церкви было именно источником их веры. Мы должны вновь научиться воспринимать мир таким, каким он открывается нам в Библии, научиться жить в этом библейском мире; и нет лучшего способа научиться этому, как именно через церковное богослужение, которое не только передает нам библейское учение, но и открывает нам библейский образ жизни» (Протопр. Александр Шмеман, «Великий Пост», стр. 97).

Итак, в Великом Каноне перед нами проходит в лицах и событиях вся ветхозаветная и новозаветная история. Автор указывает на грехопадение прародителей и растление первобытного мира, на добродетели Ноя и нераскаянность и ожесточение жителей Содома и Гоморры, воскрешает перед нами память благочестивых патриархов и доблестных мужей: Моисея, Иисуса Навина, Гедеона и Иефая, представляет нашему взору благочестие царя Давида, его падение и умиленное покаяние, указывает на нечестие Ахава и Иезавели и на великие образцы покаяния — неневитян, Манассию, блудницу и благоразумного разбойника, и в особенности на Марию Египетскую, неоднократно останавливает читателя у Креста и Гроба Господня — везде поучая покаянию, смирению, молитве, самоотвержению. На этих примерах постоянно происходит увещание души — вспомни этого праведника, он так угодил Богу, вспомни и этого праведника, он так угодил — ты ничего подобного не сделала.

Об одних персонажах Библии говорится в положительном смысле, о других в отрицательном, кому-то нужно подражать, а кому-то нет.

Колесничник Илия, колесницею добродетелей вшед, яко на Небеса, ношащеся превыше иногда от земных. Сего убо, душе моя, восход помышляй — помышляй, душа моя, о восхождении ветхозаветных праведников.

Гиезиев подражала еси, окаянная, разум скверный всегда, душе, егоже сребролюбие отложи поне на старость, бегай геенского огня, отступивши злых твоих — хотя бы в старости отринь сребролюбие Гиезии, душа, и оставив свои злодеяния, избегай геенского огня.

Как видите, тексты довольно трудные, поэтому к восприятию Великого канона необходимо заранее готовиться.

В заключительной песни первого дня после всех воспоминаний следуют тропари удивительной силы:

Закон изнеможе, празднует Евангелие, писание же все в тебе небрежено бысть, пророцы изнемогоша, и все праведное слово: струпи твои, о душе, умножишася, не сущу врачу исцеляющему тя — нечего вспоминать из Ветхого Завета, все бесполезно. Буду приводить тебе примеры из Нового Завета, может быть, тогда ты покаешься:

Новаго привожду ти писания указания, вводящая тя, душе, ко умилению: праведным убо поревнуй, грешных же отвращайся, и умилостиви Христа молитвами же и пощеньми и чистотою и говением.

Наконец, духовный писатель, представив все ветхозаветное, восходит к Жизнодавцу, Спасителю душ наших, воскликая, как разбойник: Помяни мя!, взывая, как мытарь: Боже милостив буди мне грешному!, подражая в неотступности Хананеянке и слепцам на распутии: Помилуй мя, сыне Давидов!, источая слезы, вместо мира, на главу и ноги Христа, подобно блуднице, и горько плача над собою, как Марфа и Мария над Лазарем.

Далее в Каноне подчеркивается, что самые страшные грешники покаялись и придут в Царство Небесное прежде нас: Христос вочеловечися, призвав к покаянию разбойники и блудницы: душе, покайся, дверь отверзется Царствия уже, и предвосхищают о фарисее и мытарии и прелюбодеи кающаися.

Когда же, в некоем духовном ужасе, следя издали за чудесами Спасителя и умиляясь над каждым подвигом Его земной жизни, автор Канона доходит до страшного заколения Христа, — силы сердца его оскудевают и, вместе со всей тварью, он умолкает на трепещущей Голгофе, в последний раз воскликнув: Судие мой и ведче мой, хотяй паки приими со ангелы, судити миру всему, милостивым твоим оком тогда, видев мя пощади и ущедри мя, Иисусе, паче всякого естества человека согрешивша.

Великий канон, всеми средствами подвигая нас к покаянию, в последних тропарях как бы открывает нам свою «методику»: как я с тобой беседовал, душа, и праведников ветхозаветных тебе напоминал, и новозаветные образы тебе в пример приводил, и все напрасно: ихже не поревновала еси, душе, ни деянием, ни житию: но горе тебе, внегда будеши судитися — горе тебе, когда предстанешь на суд!

Вслушиваясь в слова Великого Канона, всматриваясь в историю жизни людей, бежавших от Бога, но настигнутых Им, людей, которые оказывались в безднах, но которых Бог выводил оттуда, подумаем о том, как Бог выводит каждого из нас из бездны греха и отчаяния для того, чтобы мы принесли Ему плоды покаяния.

Не нужно думать, что покаяние заключается в том, чтобы копаться в собственных грехах, заниматься самобичеванием, стараться выявить в себе как можно больше злого и темного. Истинное покаяние — это когда мы обращаемся от тьмы к свету, от греха к праведности; когда мы понимаем, что прежняя наша жизнь была недостойна высокого призыва, когда перед лицом Бога мы сознаем, как ничтожны мы сами, и сознаем, что единственная наша надежда — Сам Бог. Истинное

покаяние — это когда перед лицом Бога, по слову Апостола Петра «призвавшего нас из тьмы в чудный Свой свет» (1 Пет. 2: 9), мы понимаем, что жизнь дана нам для того, чтобы стать детьми Божиими, чтобы приобщиться к Божественному свету. Истинное покаяние — то, которое выражается не столько в словах, но и в делах, в готовности прийти на помощь людям, в открытости по отношению к ближним, а не в обращенности на себя. Истинное покаяние — это когда мы понимаем, что, хотя и не в наших силах стать настоящими христианами, Бог в силах сделать нас таковыми. Как говорится в Великом Каноне, идеже бо хощет Бог, побеждается естества чин. Другими словами там, где Бог хочет, происходят сверхъестественные события: Савл становится Павлом, Иона изводится из чрева кита, Моисей проходит через море по суше, умерший Лазарь воскресает, Мария Египетская из блудницы превращается в великую праведницу. Ибо, по словам Спасителя, «человекам это невозможно, Богу же все возможно» (Мф. 19: 26).

©Протоиерей Виктор Потапов

[www.stjohndc.org](http://www.stjohndc.org)

февраль 2001 г.





# В понедельник первой седмицы Великого поста

## Песнь 1

*Ирмос:* Помощник и Покровитель бысть мне во спасение, Сей мой Бог, и прославлю Его, Бог Отца моего, и вознесу Его: славно бо прославися.

Помилуй мя, Боже, помилуй мя.

Откуду начну плакати окаянного моего жития деяний? кое ли положу начало, Христе, нынешнему рыданию? но, яко благоутробен, даждь ми прегрешений оставление.

Гряди, окаянная душа, с плотию твою, Зиждителю всех исповеждься и останися прочее преждняго безсловесия, и принеси Богу в покаянии слезы.

Первозданного Адама преступлению поревновав, познах себе обнажена от Бога и присносущного Царствия и сладости, грех ради моих.

Увы мне, окаянная душа, что уподобилася еси первой Еве? видела бо еси зле, и уязвилася еси горце, и коснулася еси древа, и вкусила еси дерзостно безсловесныя снеди.

Вместо Евы чувственная мысленная ми бысть Ева, во плоти страстный помысл, показуяй сладкая и вкушай присно горькаго напоения.

Достойно из Едема изгнан бысть, яко не сохранив едину Твою, Спасе, заповедь Адам: аз же что постражду, отметая всегда животная Твоя словеса?

*Слава:* Пресущная Троице, во Единице покланяемая, возьми бремя от мене тяжкое греховное и, яко благоутробна, даждь ми слезы умиления.

*И ныне:* Богородице, Надежде и Предстательство Тебе поющих, возьми бремя от мене тяжкое греховное, и, яко Владычица Чистая, кающаяся приими мя.

## Песнь 2

*Ирмос:* Вонми, Небо, и возлаголю, и воспою Христа, от Девы плотию пришедшаго.

Вонми, Небо, и возлаголю, земле, внуши глас, кающийся к Богу и воспевающий Его.

Вонми ми, Боже, Спасе мой, милостивым Твоим оком и приими мое теплое исповедание.

Согреших паче всех человек, един согреших Тебе; но ущедри, яко Бог, Спасе, творение Твое.

Вообразив моих страстей безобразие, любосластными стремленьми погубих ума красоту.

Буря мя злых обдержит, благоутробне Господи; но яко Петру и мне руку простри.

Оскверних плоти моя ризу и окалях, еже по образу, Спасе, и по подобию.  
Омрачих душевную красоту страстей сластьми и всячески весь ум перстъ сотворих.

Раздрах ныне одежду мою первую, юже ми изтка Зиждитель из начала, и оттуду лежу наг.

Облекохся в раздранный ризу, юже изтка ми змий советом, и стыжуся.

Слезы блудницы, Щедре, и аз предлагаю, очисти мя, Спасе, благоутробием Твоим.

Воззрех на садовную красоту и прельстихся умом: и оттуду лежу наг и срамляюсь.

Делаша на хребте моем вси начальницы страстей, продолжающе на мя беззаконие их.

*Слава:* Единаго Тя в Триех Лицах, Бога всех пою, Отца и Сына и Духа Святаго.

*И ныне:* Пречистая Богородице Дево, Едина Всепетая, моли прилежно, во еже спастися нам.

### **Песнь 3**

*Ирмос:* На недвижимом, Христе, камени заповедей Твоих утверди мое помышление.

Огнь от Господа иногда Господь одождив, землю содомскую прежде попали.

На горе спасайся, душе, якоже Лот оный, и в Сигор угонзай.

Бегай запаления, о душе, бегай содомского горения, бегай тления Божественного пламене.

Согреших Тебе един аз, согреших паче всех, Христе Спасе, да не презиши мене.

Ты еси Пастырь добрый, взыщи мене, агнца, и заблуждшаго да не презиши мене.

Ты еси сладкий Иисусе, Ты еси Создателю мой, в Тебе, Спасе, оправдаюся.

Исповедаюся Тебе, Спасе, согреших, согреших Ти; но ослаби, остави ми, яко благоутробен.

*Слава:* О Троице Единице Боже, спаси нас от прелести, и искушений, и обстояний.

*И ныне:* Радуйся, Богоприятная утробо, радуйся, престоле Господень, радуйся, Мати Жизни наша.

### **Песнь 4**

*Ирмос:* Услыши пророк приществие Твое, Господи, и убояся, яко хощеши от Девы родитися и человеком явитися, и глаголаше: услыхах слух Твой и убояхся, слава силе Твоей, Господи.

Дел Твоих да не презиши, создания Твоего да не оставиши, Правосуде. Аще и един согреших, яко человек, паче всякаго человека, Человеколюбче; но имаши, яко Господь всех, власть оставляти грехи.

Приближается, душе, конец, приближается, и нерадиши, ни готовишися, время сокращается: востани, близ при дверех Судия есть. Яко соние, яко цвет, время жития течет: что всуе мятемся?

Воспряни, о душе моя, деяния твоя, яже соделала еси, помышляй, и сия пред лице твое принеси, и капли испусти слез твоих; рцы со дерзновением деяния и помышления Христу и оправдайся.

Не бысть в житии греха, ни деяния, ни злобы, еяже аз, Спасе, не согреших, умом, и словом, и произволением, и предложением, и мыслию, и деянием согрешив, яко ин никтоже когда.

Отсюду и осужден бых, отсюду препрен бых аз, окаянный, от своея совести, еяже ничтоже в мире нужнейше: Судие, Избавителю мой и Ведче, пощади, и избави, и спаси мя, раба Твоего.

Лествица, юже виде древле великий в патриарсех, указание есть, душе моя, деятельного восхождения, разумнаго возшествия: аще хощеши убо деянием, и разумом, и зрением пожити, обновися.

Зной дневный претерпе лишения ради патриарх и мраз нощный понесе, на всяк день снабдения творя, пасый, труждаяйся, работаяй, да две жене сочетает.

Жены ми две разумей, деяние же и разум в зрении, Лию убо деяние, яко многочадную, Рахиль же разум, яко многотрудную; ибо кроме трудов ни деяние, ни зрение, душе, исправится.

*Слава:* Нераздельное Существо, Неслитное Лицы богословию Тя, Троическое Едино Божество, яко Единоцарственное и Сопрестольное, вопию Ти песнь великую, в вышихних трегубо песнословимую.

*И ныне:* И раждаеши, и девствуеши, и пребываеши обоюду естеством Дева, Рождейся обновляет законы естества, утроба же раждает нераждающая. Бог идеже хощет, побеждается естества чин: творит бо, елика хощет.

### **Песнь 5**

*Ирмос:* От нощи утренююща, Человеколюбче, просвети, молюся, и настави и мене на повеления Твоя, и научи мя, Спасе, творити волю Твою.

В нощи житие мое преидох присно, тьма бо бысть, и глубока мне мгла, нощь греха, но яко дне сына, Спасе, покажи мя.

Рувима подражая, окаянный аз, содеях беззаконный и законопреступный совет на Бога Вышняго, осквернив ложе мое, яко отче он.

Исповедаюся Тебе, Христе Царю: согреших, согреших, яко прежде Иосифа братия продавши, чистоты плод и целомудрия.

От сродников праведная душа связася, продася в работу сладкий, во образ Господень: ты же вся, душе, продалася еси злыми твоими.

Иосифа праведного и целомудренного ума подражай, окаянная и неискусная душе, и не оскверняйся безсловесными стремленьми, присно беззаконнующи.

Аще и в рове поживе иногда Иосиф, Владыко Господи, но во образ погребения и востания Твоего: аз же что Тебе когда сицевое принесу?

*Слава:* Тя, Троице, славим Единаго Бога: Свят, Свят, Свят еси, Отче, Сыне и Душе, Простое Существо, Единице присно покланяемая.

*И ныне:* Из Тебе облечеся в мое смешение, нетленная, безмужная Мати Дево, Бог, создавый веки, и соедини Себе человеческое естество.

### **Песнь 6**

*Ирмос:* Возопих всем сердцем моим к щедрому Богу, и услыша мя от ада преисподняго, и возведе от тли живот мой.

Слезы, Спасе, очию мою и из глубины вздохания чисте приношу, вопиющу сердцу: Боже, согреших Ти, очисти мя.

Уклонилася еси, душе, от Господа твоего, яко же Дафан и Авирон, но пощади, возвози из ада преисподняго, да не пропасть земная тебе покрыет.

Яко юница, душе, разсвирепевшая, уподобилася еси Ефрему, яко серна от тенет сохрани житие, вперивши деянием ум и зрением.

Рука нас Моисеова да уверит, душе, како может Бог прокаженное житие убелити и очистити, и не отчайся сама себе, аще и прокаженна еси.

*Слава:* Троица есмь Проста, Нераздельна, раздельна Личне, и Единица есмь естеством соединена, Отец глаголет, и Сын, и Божественный Дух.

*И ныне:* Утроба Твоя Бога нам роди, воображенна по нам: Егоже, яко Создателя всех, моли, Богородице, да молитвами Твоими оправдимся.

Господи, помилуй. (Трижды.)

*Слава, и ныне:*

*Кондак, глас 6:*

Душе моя, душе моя, востани, что спиши? конец приближается, и имаши смутитися: воспряни убо, да пощадит тя Христос Бог, везде сый и вся исполняй.

### Песнь 7

*Ирмос:* Согрешихом, беззаконновахом, неправдовахом пред Тобою, ниже соблюдохом, ниже сотворихом, яко же заповедал еси нам; но не предаждь нас до конца, отцев Боже.

Согреших, беззаконновах и отвергох заповедь Твою, яко во грехах произведохся, и приложих язвам струпы себе; но Сам мя помилуй, яко благоутробен, отцев Боже.

Тайная сердца моего исповедах Тебе, Судии моему, виждь мое смирение, виждь и скорбь мою, и вонми суду моему ныне, и Сам мя помилуй, яко благоутробен, отцев Боже.

Саул иногда, яко погуби отца своего, душе, осяята, внезапу царство обрете к прослutiю; но блюди, не забывай себе, скотския похоти твоя произволивши паче Царства Христова.

Давид иногда Богоотец, аще и согреши сугубо, душе моя, стрелою убо устрелен быв прелюбодеяства, копием же пленен быв убийства томлением; но ты сама тяжчайшиими делы недугуешি, самохотными стремлеными.

Совокупи убо Давид иногда беззаконию беззаконие, убийству же любодеяство растворив, покаяние сугубое показа абие; но сама ты, лукавнейшая душе, соделала еси, не покаявшися Богу.

Давид иногда вообрази, списав яко на иконе песнь, еюже деяние обличает, еже содея, зовыи: помилуй мя, Тебе бо единому согреших всех Богу, Сам очисти мя.

*Слава:* Троице Простая, Нераздельная, Единосущная и Естество Едино, Светове и Свет, и Свята Три, и Едино Свято поется Бог Троица; но воспой, прослави Живот и Животы, душе, всех Бога.

*И ныне:* Поем Тя, благословим Тя, покланяемся Ти, Богородительнице, яко Нераздельная Троица породила еси Единаго Христа Бога, и Сама отверзла еси нам, сущим на земли, Небесная.

### **Песнь 8**

*Ирмос:* Егоже воинства Небесная славят, и трепещут херувими и серафими, всяко дыхание и тварь, пойте, благословите и превозносите во вся веки.

Согрешивша, Спасе, помилуй, воздвигни мой ум ко обращению, приими мя кающагося, ущедри вопиюща: согреших Ти, спаси, беззаконновах, помилуй мя.

Колесничник Илия колесницею добродетелей вшед, яко на небеса, ношащеся превыше иногда от земных: сего убо, душе моя, восход помышляй.

Елиссеи иногда прием милоту Илиину, прият сугубую благодать от Бога; ты же, о душе моя, сея не причастилася еси благодати за невоздержание.

Иорданова струя первее милотию Илииною Елиссеем ста сюду и сюду; ты же, о душе моя, сея не причастилася еси благодати за невоздержание.

Соманитида иногда праведнаго учреди, о душе, нравом благим; ты же не ввела еси в дом ни странна, ни путника. Темже чертога изринешися вон, рыдающи.

Гиезиев подражала еси, окаянная, разум скверный всегда, душе, егоже сребро-любие отложи поне на старость; бегай геенского огня, отступивши злых твоих.

*Слава:* Безначальне Отче, Сыне Собезначальне, Утешителю Благий, Душе Правый, Слова Божия Родителю, Отца Безначальна Слове, Душе Живый и Зиждяй, Троице Единице, помилуй мя.

*И ныне:* Яко от оброчения червленицы, Пречистая, умная багряница Еммануилева внутрь во чреве Твоем плоть исткася. Темже Богородицу воистинну Тя почитаем.

### **Песнь 9**

*Ирмос:* Безсеменного зачатия Рождество несказанное, Матере безмужныя нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.

Ум острупися, тело оболезнися, недугует дух, слово изнеможе, житие умертвися, конец при дверех. Темже, моя окаянная душе, что сотвориши, егда приидет Судия испытати твоя?

Моисеово приведох ти, душе, миробытие, и от того все заветное Писание, поведающее тебе праведныя и неправедныя: от нихже вторыя, о душе, подражала еси, а не первыя, в Бога согрешивши.

Закон изнеможе, празднует Евангелие, Писание же все в тебе небрежено бысть, пророцы изнемогша и все праведное слово; струпи твои, о душе, умножишася, не сущу врачу, исцеляющему тя.

Новаго привожду ти Писания указания, вводящая тя, душе, ко умилению: праведным убо поревнуй, грешных же отвращайся и умилостиви Христа молитвами же, и пощеньми, и чистотою, и говением.

Христос вочеловечися, призвав к покаянию разбойники и блудницы; душе, покайся, дверь отверзеся Царствия уже, и предвосхищают е фарисеи и мытари и прелюбодеи кающиися.

Христос вочеловечися, плоти приобщився ми, и вся елика суть естества хотением исполни греха кроме, подобие тебе, о душе, и образ предпоказуя Своего снисхождения.

Христос волхвы спасе, пастыри созва, младенец множества показа мученики, старцы прослави и старыя вдовицы, ихже не поревновала еси, душе, ни деянием, ни житию, но горе тебе, внегда будеши судитися.

Постився Господь дний четыредесять в пустыни, последи взалка, показуя человеческое; душе, да не разленишися, аще тебе приложится враг, молитвою же и постом от ног твоих да отразится.

**Слава:** Отца прославим, Сына превознесем, Божественному Духу верно поклонимся, Троице Нераздельней, Единице по существу, яко Свету и Светом, и Животу и Животом, животворящему и просвещающему концы.

**И ныне:** Град Твой сохраняй, Богородительнице Пречистая, в Тебе бо сей верно царствуяй, в Тебе и утверждается, и Тобою побеждаяй, побеждает всякое искушение, и пленяет ратники, и проходит послушание.

**Преподобне отче Андрее, моли Бога о нас.**

Андрее честный и отче треблаженнейший, пастырю Критский, не престай моляся о воспевающих тя: да избавимся вси гнева и скорби, и тления, и прегрешений безмерных, чущии твою память верно.

Также оба лика вкупе поют *Ирмос:*

Безсеменного зачатия Рождество несказанное, Матере безмужныя нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.





## Во вторник первой седмицы Великого Поста

### Песнь 1

*Ирмос:* Помощник и Покровитель бысть мне во спасение, Сей мой Бог, и прославлю Его, Бог отца моего, и вознесу Его: славно бо прославися.

Каиново прешед убийство, произволением бых убийца совести душевней, оживив плоть и воевав на ню лукавыми моими деяньми.

Авелеве, Иисусе, не уподобихся правде, дара Тебе приятна не принесох когда, ни деяния божественна, ни жертвы чистыя, ни жития непорочнаго.

Яко Каин и мы, душе окаянная, всех Содетелю деяния скверная, и жертву порочную, и непотребное житие принесохом вкупе: темже и осудихомся.

Брение Здатель живосоздав, вложил еси мне плоть и кости, и дыхание, и жизнь; но, о Творче мой, Избавителю мой и Судие, кающаяся приими мя.

Извещаю Ти, Спасе, грехи, яже содеях, и души и тела моего язвы, яже внутрь убийственни помыслы разбойнически на мя возложиша.

Аще и согреших, Спасе, но вем, яко Человеколюбец еси, наказуещи милостивно и милосердствуещи тепле: слезяща зриши и притекаеш, яко отец, призывая блуднаго.

*Слава:* Пресущная Троице, во Единице покланяемая, возьми бремя от мене тяжкое греховное и, яко благоутробна, дажь ми слезы умиления.

*И ныне:* Богородице, Надежде и Предстательство Тебе поющих, возьми бремя от мене тяжкое греховное и, яко Владычица Чистая, кающаяся приими мя.

### Песнь 2

*Ирмос:* Вонми, Небо, и возглаголю, и воспою Христа, от Девы плотию пришедшаго.

Сшиваше кожныя ризы грех мне, обнаживый мя первыя боготканныя одежды.

Обложен есмь одеянием студа, якоже листвием смоковым, во обличение моих самовластных страстей.

Одеяхся в срамную ризу и окровавленную студно течением страстнаго и любосластнаго живота.

Впадох в страстную пагубу и в вещественную тлю, и оттоле до ныне враг мне досаждает.

Любовещное и любоименное житие невоздержанием, Спасе, предпочет ныне, тяжким бременем обложен есмь.

Украсих плотский образ скверных помышлений различным обложением и осуждаюся.

Внешним прилежно благоукрашением единем попекохся, внутреннюю презрев Богообразную скинию.

Погребох первого образа доброту, Спасе, страстьми, юже, яко иногда драхму, взыскав, обрящи.

Согреших, якоже блудница, вопиу Ти: един согреших Тебе, яко миро, приими, Спасе, и моя слезы.

Очисти, якоже мытарь, вопиу Ти, Спасе, очисти мя: никто же бо сущих из Адама, якоже аз, согреших Тебе.

*Слава:* Единаго Тя в Триех Лицах, Бога всех пою, Отца и Сына и Духа Святаго.

*И ныне:* Пречистая Богородице Дево, Едина Всепетая, моли прилежно, во еже спастися нам.

### **Песнь 3**

*Ирмос:* Утверди, Господи, на камени заповедей Твоих подвигшееся сердце мое, яко Един Свят еси и Господь.

Источник живота стяжах Тебе, смерти Низложителя, и вопиу Ти от сердца моего прежде конца: согреших, очисти и спаси мя.

Согреших, Господи, согреших Тебе, очисти мя: несть бо иже кто согреши в человекех, егоже не превзыдох прегрешеньми.

При Нои, Спасе, блудствовавши подражах, онех наследствовах осуждение в потопе погружения.

Хама онаго, душе, отцеубийца подражавши, срама не покрыла еси искренняго, вспять зря возвратившися.

Запаления, якоже Лот, бегай, душе моя, греха: бегай Содомы и Гоморры, бегай пламене всякаго безсловеснаго желания.

Помилуй, Господи, помилуй мя, вопиу Ти, егда приидеши со ангелы Твоими воздати всем по достоянию деяний.

*Слава:* Троице Простая, Несозданная, Безначальное Естество, в Троице пева-мая Ипостасей, спаси ны, верою покланяющимся державе Твоей.

*И ныне:* От Отца безлетна Сына в лето, Богородительнице, неискусомужно родила еси, странное чудо, пребывши Дева доящи.

### **Песнь 4**

*Ирмос:* Услыша пророк пришествие Твое, Господи, и убояся, яко хощеши от Девы родитися и человеком явитися, и глаголаше: услыхах слух Твой и убояхся, слава силе Твоей, Господи.

Бди, о душе моя, изрядствуй, якоже древле великий в патриарсех, да стяжеши деяние с разумом, да будеши ум, зряй Бога, и достигнеши незаходящий мрак в видении, и будеши великий купец.

Дванадесять патриархов великий в патриарсех детоторив, тайно утверди тебе лествицу деятельнаго, душе моя, восхождения: дети, яко основания, степени, яко восхождения, премудренно подложив.

Исава возненавиденного подражала еси, душе, отдала еси прелестнику твоему первыя доброты первенство и отеческия молитвы отпала еси, и дважды поползнулася еси, окаянная, деянием и разумом: темже ныне покайся.

Едом Исаю наречеся, крайняго ради женонеистовнаго смешения: невоздержанием бо присно разжигаем и сластьми оскверняем, Едом именовася, еже глаголется разжжение души любогреховныя.

Иова на гноищи слышавши, о душе моя, оправдавшагося, того мужеству не поревновала еси, твердаго не имела еси предложения во всех, яже веси, и имиже искусилася еси, но явилася еси нетерпелива.

Иже первое на престоле, наг ныне на гноище гноен, многий в чадех и славный, безчаден и бездомок напрасно: палату убо гноище и бисерие струпы вменяше.

*Слава:* Нераздельное Существом, Неслитное Лицы богословию Тя, Троическое Едино Божество, яко Единоцарственное и Сопрестольное, вопиу Ти песнь великую, в выших трегубо песнословимую.

*И ныне:* И раждаеши, и девствуеши, и пребываеши обоюду естеством Дева, Рождейся обновляет законы естества, утроба же раждает нераждающая. Бог идеже хощет, побеждается естества чин: творит бо, елика хощет.

### Песнь 5

*Ирмос:* От нощи утренююща, Человеколюбче, просвети, молюся, и настави и мене на повеления Твоя, и научи мя, Спасе, творити волю Твою.

Моисеев слышала еси ковчежец, душе, водами, волнами носим речными, яко в чертозе древле бегающий дела, горькаго совета фараонитска.

Аще бабы слышала еси, убивающая иногда безвозрастное мужеское, душе окаянная, целомудрия деяние, ныне, яко великий Моисей, сси премудрость.

Яко Моисей великий египтянина, ума, уязвивши, окаянная, не убила еси, душе; и како вселишися, глаголи, в пустыню страстей покаянием?

В пустыню вселися великий Моисей; гряди убо, подражай того житие, да и в купине Богоявления, душе, в видении будеши.

Моисеев жезл воображай, душе, ударяющий море и огустевающий глубину, во образ Креста Божественного: имже можеши и ты великая совершити.

Аарон приношаще огнь Богу непорочный, нелестный; но Офни и Финеес, яко ты, душе, приношаху чуждее Богу, оскверненное житие.

*Слава:* Тя, Троице,славим Единаго Бога: Свят, Свят, Свят еси, Отче, Сыне и Душе, Простое Существо, Единице присно покланяемая.

*И ныне:* Из Тебе облечеся в мое смешение, нетленная, безмужная Мати Дево, Бог, создавый веки, и соедини Себе человеческое естество.

### Песнь 6

*Ирмос:* Возопих всем сердцем моим к щедрому Богу, и услыша мя от ада преисподняго, и возведе от тли живот мой.

Волны, Спасе, прегрешений моих, яко в мори Черннem возвращающиеся, покрыша мя внезапу, яко египтяны иногда и тристаты.

Неразумное, душе, произволение имела еси, яко прежде Израиль: Божественные бо манны предсудила еси безсловесно любосластное страстей объядение.

Кладенцы, душе, предпочла еси хананейских мыслей паче жилы камене, из негоже премудрости река, яко чаша, проливает токи богословия.

Свиная мяса и котлы и египетскую пищу, паче Небесныя, предсудила еси, душе моя, якоже древле неразумни людие в пустыни.

Яко удари Моисей, раб Твой, жезлом камень, образно животворивая ребра Твоя прообразоваше, из нихже вси питие жизни, Спасе, почерпаем.

Испытай, душе, и смотряй, якоже Иисус Навин, обетования землю, какова есть, и вселися в ню благозаконием.

**Слава:** Троица есмь Проста, Нераздельна, раздельна Личне и Единица есмь естеством соединена, Отец глаголет, и Сын, и Божественный Дух.

**И ныне:** Утроба Твоя Бога нам роди, воображенна по нам: Егоже, яко Создателя всех, моли, Богородице, да молитвами Твоими оправдимся.

Господи, помилуй. (Трижды.)

**Слава, и ныне:**

**Кондак, глас 6:**

Душе моя, душе моя, востани, что спиши? конец приближается, и имаши смутитися: воспряни убо, да пощадит тя Христос Бог, везде сый и вся исполняй.

**Песнь 7**

**Ирмос:** Согрешихом, беззаконновахом, неправдовахом пред Тобою, ниже сблюдохом, ниже сотворихом, якоже заповедал еси нам; но не предаждь нас до конца, отцев Боже.

Кивот яко ношащеся на колеснице, Зан оный, егда превращуся тельцу, точию коснуся, Божиим искусиша гневом; но того дерзновения убежавши, душе, почитай Божественная честне.

Слышала еси Авессалома, како на естество воста, познала еси того сквернаяя деяния, имиже оскверни ложе Давида отца; но ты подражала еси того страстная и любосластная стремления.

Покорила еси неработное твое достоинство телу твоему, иного бо Ахитофела обретше врага, душе, снизшла еси сего советом; но сия разсыпа Сам Христос, да ты всяко спасешися.

Соломон чудный и благодати премудрости исполненный, сей лукавое иногда пред Богом сотворив, отступи от Него; ему же ты проклятым твоим житием, душе, уподобилася еси.

Сластьми влеком страстей своих, осквернящеся, увы мне, рачитель премудрости, рачитель блудных жен и странен от Бога: егоже ты подражала еси умом, о душе, сладострастьми скверными.

Ровоаму поревновала еси, не послушавшему совета отча, купно же и злейшему рабу Иеровоаму, прежнему отступнику, душе, но бегай подражания и зови Богу: согреших, ущедри мя.

**Слава:** Троице Простая, Нераздельная, Единосущная и Естество Едино, Светове и Свет, и Свята Три, и Едино Свято поется Бог Троица; но воспой, прослави Живот и Животы, душе, всех Бога.

**И ныне:** Поем Тя, благословим Тя, покланяемся Ти, Богородительнице, яко Неразлучныя Троицы породила еси Единаго Христа Бога и Сама отверзла еси нам, сущим на земли, Небесная.

### Песнь 8

*Ирмос:* Егоже воинства Небесная славят, и трепещут херувими и серафими, всяко дыхание и тварь, пойте, благословите и превозносите во вся веки.

Ты Озии, душе, поревновавши, сего прокажение в себе стяжала еси сугубо: безместная бо мыслиши, беззаконная же дееши; остави, яже имаши, и притецы к покаянию.

Ниневитяны, душе, слышала еси кающаяся Богу, вретищем и пепелом, сих не подражала еси, но явилася еси злейшая всех, прежде закона и по законе прогревших.

В рове блата слышала еси Иеремию, душе, града Сиона рыданьми вопиюща и слез ищаща: подражай сего плачевное житие и спасешися.

Иона в Фарисис побеже, проразумев обращение ниневитянов, разуме бо, яко пророк, Божие благоутробие: темже ревноваше пророчеству не согатися.

Даниила в рове слышала еси, како загради уста, о душе, зверей; уведела еси, како отроцы, иже о Азарии, погасиша верою пещи пламень горящий.

Ветхаго Завета вся приведох ти, душе, к подобию; подражай праведных боголюбивая деяния, избегни же паки лукавых грехов.

*Слава:* Безначальне Отче, Сыне Собезначальне, Утешителю Благий, Душе Правый, Слова Божия Родителю, Отца Безначальна Слове, Душе Живый и Зиждяй, Троице Единице, помилуй мя.

*И ныне:* Яко от оброчения червеницы, Пречистая, умная багряница Еммануилева внутрь во чреве Твоем плоть исткася. Темже Богородицу воистинну Тя почитаем.

### Песнь 9

*Ирмос:* Безсеменного зачатия Рождество несказанное, Матере безмужная нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.

Христос искушашеся, диавол искушаше, показуя камение, да хлеби будут, на гору возведе видети вся царствия мира во мгновении; убойся, о душе, ловления, трезвися, молися на всякий час Богу.

Горлица пустыннолюбная, глас вопиющего возгласи, Христов светильник, проповедуя покаяние, Ирод беззаконнова со Иродиадою. Зри, душе моя, да не увязнеши в беззаконные сети, но облобызай покаяние.

В пустыню вселися благодати Предтеча, и Иудея вся и Самария, слышавше, течаху и исповедаху грехи своя, крещающиеся усердно: ихже ты не подражала еси, душе.

Брак убо честный и ложе нескверно, обоя бо Христос прежде благослови, плотию ядый и в Кане же на браце воду в вино совершая, и показуя первое чудо, да ты изменишися, о душе.

Разслабленного стягну Христос, одр вземша, и юношу умерша воздвиже, вдовиче рождение, и сотнича отрока, и самаряныне явися, в дусе службу тебе, душе, предживописа.

Кровоточивую исцели прикосновением края ризна Господь, прокаженные очисти, слепыя и хромыя просветив, исправи, глухия же, и немыя, и ничашия низу исцели словом: да ты спасешися, окаянная душа.

**Слава:** Отца прославим, Сына превознесем, Божественному Духу верно поклонимся, Троице Нераздельней, Единице по существу, яко Свету и Светом, и Животу и Животом, Животворящему и Просвещающему концы.

**И ныне:** Град Твой сохраняй, Богородительнице Пречистая, в Тебе бо сей верно царствуяй, в Тебе и утверждаєшся, и Тобою побеждаяй, побеждает всякое искушение, и пленяет ратники, и проходит послушание.

Преподобне отче Андрее, моли Бога о нас.

Андреј честный и отче треблаженнейший, пастырю Критский, не престай молясь о воспевающих тя, да избавимся вси гнева, и скорби, и тления, и прегрешений безмерных, чущии твою память верно.

Также оба лика вкупе поют *Ирмос*:

Безсеменного зачатия Рождество несказанное, Матере безмужныя нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.

---





## В среду первой седмицы Великого Поста

### Песнь 1

*Ирмос:* Помощник и Покровитель бысть мне во спасение, Сей мой Бог, и прославлю Его, Бог отца моего, и вознесу Его: славно бо прославися.

От юности, Христе, заповеди Твоя преступих, всестрастно небрегий, унынием преидох житие. Темже зову Ти, Спасе: поне на конец спаси мя.

Повержена мя, Спасе, пред враты Твоими, поне на старость не отрини мене во ад тща, но прежде конца, яко Человеколюбец, дажь ми прегрешений оставление.

Богатство мое, Спасе, изнурив в блуде, пуст есмь плодов благочестивых, алчен же зову: Отче щедрот, предварив, Ты мя ущедри.

В разбойники впадый аз есмь помышленъми моими, весь от них уязвихся ныне и исполнихся ран, но, Сам ми представ, Христе Спасе, исцели.

Священник, мя предвидев, мимо иде, и левит, видя в лютых нага, презре, но из Марии воссиявый Иисусе, Ты, представ, ущедри мя.

Преподобная мати Марие, моли Бога о нас.

Ты ми дажь светозарную благодать от Божественного свыше промышления избежати страстей омрачения и пети усердно Твоего, Марие, жития красная исправления.

*Слава:* Пресущная Троице, во Единице покланяемая, возьми бремя от мене тяжкое греховное и, яко благоутробна, дажь ми слезы умиления.

*И ныне:* Богородице, Надежде и Предстательство Тебе поющих, возьми бремя от мене тяжкое греховное и, яко Владычица Чистая, кающаяся приими мя.

### Песнь 2

*Ирмос:* Вонми, Небо, и возлаголю, и воспою Христа, от Девы плотию пришедшаго.

Поползохся, яко Давид, блудно и осквернился, но омый и мене, Спасе, слезами.

Ни слез, ниже покаяния имам, ниже умиления. Сам ми сия, Спасе, яко Бог, даруй.

Погубих первозданную добруту и благолепие мое и ныне лежу наг и стыжуся.

Дверь Твою не затвори мне тогда, Господи, Господи, но отверзи ми сию, кающемуся Тебе.

Внущи вздохания души моей и очи мою приими капли, Спасе, и спаси мя.

Человеколюбче, хотяй всем спастися, Ты воззови мя и приими, яко благ, кающагося.

Пресвятая Богородице, спаси нас.

Пречистая Богородице Дево, Едина Всепетая, моли прилежно, во еже спастися нам.

*Иный. Ирмос:* Видите, видите, яко Аз есмь Бог, манну одождивый и воду из камене источивый древле в пустыни людем Моим, десницею единою и крепостию Моею.

Видите, видите, яко Аз есмь Бог, внушай, душе моя, Господа вопиюща, и удалися прежняго греха, и бойся, яко неумытнаго и яко Судии и Бога.

Кому уподобилася еси, многогрешная душа? токмо первому Каину и Ламеху оному, каменовавшая тело злодействы и убившая ум безсловесными стремлеными.

Вся прежде закона претекши, о душе, Сифу не уподобилася еси, ни Еноса подражала еси, ни Еноха преложением, ни Ноя, но явилася еси убога праведных жизни.

Едина отверзла еси хляби гнева Бога Твоего, душе моя, и потопила еси всю, якоже землю, плоть, и деяния, и житие, и пребыла еси вне спасительного ковчега.

Преподобная мати Марие, моли Бога о нас.

Всем усердием и любовию притекла еси Христу, первый греха путь отвращши, и в пустынях непроходимых питающися, и Того чисте совершающи Божественныя заповеди.

*Слава:* Безначальная, Несозданная Троице, Нераздельная Единице, кающаяся мя приими, согрешивша спаси, Твое есмь создание, не презри, но пощади и избави огненнаго мя осуждения.

*И ныне:* Пречистая Владычице, Богородительнице, Надеждо к Тебе притекающих и пристанище сущих в бури, Милостиваго и Создателя и Сына Твоего умилостиви и мне молитвами Твоими.

### Песнь 3

*Ирмос:* Утверди, Господи, на камени заповедей Твоих подвигшееся сердце мое, яко Един Свят еси и Господь.

Благословения Симова не наследовала еси, душе окаянная, ни пространное одержание, якоже Иафеф, имела еси на земли оставления.

От земли Харран изыди от греха, душе моя, гряди в землю, точащую присно животное нетление, еже Авраам наследствова.

Авраама слышала еси, душе моя, древле оставльша землю отечества и бывша пришельца, сего произволению подражай.

У дуба Мамврийского учредив патриарх ангелы, наследствова по старости обетования ловитву.

Исаака, окаянная душе моя, разумевши новую жертву, тайно всесожженную Господеви, подражай его произволению.

Исмаила слышала еси, трезвися, душе моя, изгнана, яко рабынино отрождение, виждь, да не како подобно что постраждеши, ласкосердствующи.

Преподобная мати Марие, моли Бога о нас.

Содержим есмь бурею и треволнением согрешений, но сама мя, мати, ныне спаси и к пристанищу Божественного покаяния возведи.

Преподобная мати Марие, моли Бога о нас.

Рабское моление *И ныне*, преподобная, принесши ко благоутробней молитвами твоими Богородице, отверзи ми Божественные входы.

*Слава:* Троице Простая, Несозданная, Безначальное Естество, в Троице певаемая Ипостасей, спаси ны, верою покланяющимся державе Твоей.

*И ныне:* От Отца беззетна Сына в лето, Богородительнице, неискусомужно родила еси, странное чудо, пребывши Дева доящи.

#### **Песнь 4**

*Ирмос:* Услыша пророк пришествие Твое, Господи, и убояся, яко хощеши от Девы родитися и человеком явитися, и глаголаше: услыхах слух Твой и убояхся, слава силе Твоей, Господи.

Тело осквернился, дух окалялся, весь остроупихся, но яко врач, Христе, обоя покаянием моим уврачуй, омый, очисти, покажи, Спасе мой, паче снега чистейша.

Тело Твое и кровь, распинаемый о всех, положил еси, Слове: тело убо, да мя обновиши, кровь, да омыеши мя. Дух же предал еси, да мя приведеши, Христе, Твоему Родителю.

Соделал еси спасение посреде земли, Щедре, да спасемся. Волею на древе распялся еси, Едем затворенный отверзеся, горняя и дольняя тварь, языцы вси, спасени, покланяются Тебе.

Да будет ми купель кровь из ребр Твоих, вкупе и питие, источившее воду оставления, да обоюду очищаюся, помазуяся и пия, яко помазание и питие, Слове, животочная Твоя словеса.

Чашу Церковь стяжа, ребра Твоя живоносная, из нихже сугубыя нам источи токи оставления и разума во образ древняго и новаго, двоих вкупе заветов, Спасе наш.

Наг есмь чертога, наг есмь и брака, купно и вечери; светильник угасе, яко безъелейный, чертог заключися мне спящу, вечеря снедеся, аз же по руку и ногу связан, вон низвержен есмь.

*Слава:* Нераздельное Существом, Неслитное Лицы богословию Тя, Троическое Едино Божество, яко Единоцарственное и Сопрестольное, вопиу Ти песнь великую, в вышихних трегубо песнословимую.

*И ныне:* И раждаеши, и девствуешি, и пребываешি обоюду естеством Дева, Рождейся обновляет законы естества, утроба же раждает нераждающая. Бог идеже хощет, побеждается естества чин: творит бо, елика хощет.

#### **Песнь 5**

*Ирмос:* От нощи утренююща, Человеколюбче, просвети, молюся, и настави и мене на повеления Твоя, и научи мя, Спасе, творити волю Твою.

Яко тяжкий нравом, фараону горькому бых, Владыко, Ианни и Иамври, душою и телом, и погружен умом, но помози ми.

Калом смесихся, окаянный, умом, омый мя, Владыко,baneю моих слез, молю Тя, плоти моей одежду убелив, яко снег.

Аще испытаю моя дела, Спасе, всякаго человека превозшедша грехами себе зрю, яко разумом мудрствуяй, согреших не неведением.

Пощади, пощади, Господи, создание Твое, согреших, ослаби ми, яко естеством чистый Сам сый Един, и ин разве Тебе никтоже есть кроме скверны.

Мене ради Бог сый, вообразился еси в мя, показал еси чудеса, исцелив прокаженного и разслабленного стягнув, кровоточивыя ток уставил еси, Спасе, прикосновением риз.

Преподобная мати Марие, моли Бога о нас.

Струи Иорданских прешедши, обрела еси покой безболезненный, плоти сласти избежавши, еяже и нас изми твоими молитвами, преподобная.

Слава: Тя, Троице, славим Единаго Бога: Свят, Свят, Свят еси, Отче, Сыне и Душа, Простое Существо, Единице присно покланяемая.

*И ныне:* Из Тебе облечеся в мое смешение, нетленная, безмужная Мати Дево, Бог, создавый веки, и соедини Себе человеческое естество.

### Песнь 6

*Ирмос:* Возопих всем сердцем моим к щедрому Богу, и услыша мя от ада преисподняго, и возведе от тли живот мой.

Востани и побори, яко Иисус Амалика, плотския страсти, и гаваониты, лестныя помыслы, присно побеждающи.

Преиди, времене текущее естество, яко прежде ковчег, и земли оныя буди во одержании обетования, душе, Бог повелевает.

Яко спасл еси Петра, возопивша, спаси, предварив мя, Спасе, от зверя избави, простер Твою руку, и возведи из глубины греховныя.

Пристанище Тя вем утишное, Владыко, Владыко Христе, но от незаходимых глубин греха и отчаяния мя, предварив, избави.

Слава: Троица есмь Проста, Нераздельна, раздельна Личне, и Единица есмь естеством соединена, Отец глаголет, и Сын, и Божественный Дух.

*И ныне:* Утроба Твоя Бога нам роди, воображеня по нам: Егоже, яко Создателя всех, моли, Богородице, да молитвами Твоими оправдимся.

Господи, помилуй. (Трижды.)

*Слава, и ныне:*

*Кондак, глас 6:*

Душе моя, душе моя, востани, что спиши? конец приближается, и имаши смутитися: воспряни убо, да пощадит тя Христос Бог, везде сый и вся исполняй.

### Песнь 7

*Ирмос:* Согрешихом, беззаконновахом, неправдовахом пред Тобою, ниже сблюдохом, ниже сотворихом, якоже заповедал еси нам; но не предаждь нас до конца, отцев Боже.

Манассиева собрала еси согрешения изволением, поставльши яко мерзости страсти и умноживши, душе, негодования, но того покаянию ревнующи тепле, стяжи умиление.

Ахаавовым поревновала еси сквернам, душе моя, увы мне, была еси плотских скверн пребывалище и сосуд срамлен страстей, но из глубины твоего воздохни и глаголи Богу грехи твоя.

Заключися тебе небо, душе, и глад Божий постиже тя, егда Илии Фесвитянина, якоже Ахаав, не покорися словесем иногда, но Сараффии уподобився, напитай пророчу душу.

Попали Илия иногда дващи пятьдесят Иезавелиных, егда студныя пророки погуби, во обличение Ахаавово, но бегай подражания двою, душе, и укрепляйся.

**Слава:** Троице Простая, Нераздельная, Единосущная, и Естество Едино, Светове и Свет, и Свята Три, и Едино Свято поется Бог Троица; но воспой, прослави Живот и Животы, душе, всех Бога.

**И ныне:** Поем Тя, благословим Тя, покланяемся Ти, Богородительнице, яко Нераздельная Троицы породила еси Единаго Христа Бога и Сама отверзла еси нам, сущим на земли, Небесная.

### Песнь 8

**Ирмос:** Егоже воинства Небесная славят, и трепещут херувими и серафими, всяко дыхание и тварь, пойте, благословите и превозносите во вся веки.

Правосуде Спасе, помилуй и избави мя огня и прещения, еже имам на суде праведно претерпети; ослаби ми прежде конца добродетелию и покаянием.

Яко разбойник, вопию Ти: помяни мя; яко Петр, плачу горце: ослаби ми, Спасе; зову, яко мытарь, слезю, яко блудница; приими мое рыданье, якоже иногда хананено.

Гноение, Спасе, исцели смиренныя моя души, Едине Врачу, пластырь мне наложи, и елей, и вино, дела покаяния, умиление со слезами.

Хананею и аз подражая, помилуй мя, вопию, Сыне Давидов; касаюся края ризы, яко кровоточивая, плачу, яко Марфа и Мария над Лазарем.

**Слава:** Безначальне Отче, Сыне Собезначальне, Утешителю Благий, Душе Правый, Слова Божия Родителю, Отца Безначальна Слове, Душе Живый и Зиждяй, Троице Единице, помилуй мя.

**И ныне:** Яко от оброчения червленицы, Пречистая, умная багряница Еммануилева внутрь во чреве Твоем плоть исткася. Темже Богородицу воистинну Тя почитаем.

### Песнь 9

**Ирмос:** Безсеменного зачатия Рождество несказанное, Матере безмужныя нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.

Недуги исцеляя, нищим благовествоваше Христос Слово, вредныя уврачева, с мытари ядяше, со грешники беседоваше, Иаиоры дщере душу предумершую возврати осязанием руки.

Мытарь спасащеся, и блудница целомудрствоваше, и фарисей, хваляся, осуждашеся. Ов убо: очисти мя; ова же: помилуй мя; сей же величашеся вопия: Боже, благодарю Тя, и прочия безумныя глаголы.

Закхей мытарь бе, но обаче спасащеся, и фарисей Симон соблажняшеся, и блудница принимаше оставительная разрешения от Имущаго крепость оставляти грехи, юже, душе, потищися подражати.

Блуднице, о окаянная душе моя, не поревновала еси, яже приимши мира ала-вастр, со слезами мазаше нозе Спасове, отре же власы, древних согрешений руко-писания Раздирающаго ея.

Грады, имже даде Христос благовестие, душе моя, уведала еси, како прокляти быша. Убойся указания, да не будеши якоже оны, ихже содомляном Владыка уподобив, даже до ада осуди.

Да не горшая, о душе моя, явишися отчаянием, хананеи веру слышавшая, еяже дщи словом Божиим исцелися; Сыне Давидов, спаси и мене, воззови из глубины сердца, якоже она Христу.

Слава: Отца прославим, Сына превознесем, Божественному Духу верно поклонимся, Троице Нераздельней, Единице по Существу, яко Свету и Светом, и Животу и Животом, Животворящему и Просвещающему концы.

*И ныне:* Град Твой сохраняй, Богородительнице Пречистая, в Тебе бо сей верно царствуяй, в Тебе и утверждается, и Тобою побеждаяй, побеждает всякое искушение, и пленяет ратники, и проходит послушание.

**Преподобне отче Андрее, моли Бога о нас.**

Андрее честный и отче треблаженнейший, пастырю Критский, не престай молясь о воспевающих тя, да избавимся вси гнева, и скорби, и тления, и прегрешений безмерных, чущии твою память верно.

*Таже оба лика вкупе поют Ирмос:*

Безсеменного зачатия Рождество несказанное, Матере безмужныя нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.





## В четверг первой седмицы Великого Поста

### **Песнь 1**

*Ирмос:* Помощник и Покровитель бысть мне во спасение, Сей мой Бог, и проповедую Его, Бог Отца моего, и вознесу Его: славно бо прославися.

Агнче Божий, вземляй грехи всех, возьми бремя от мене тяжкое греховное, и, яко благоутробен, дажь ми слезы умиления.

Тебе припадаю, Иисусе, согреших Ти, очисти мя, возьми бремя от мене тяжкое греховное и, яко благоутробен, дажь ми слезы умиления.

Не вниди со мною в суд, нося моя деяния, словеса изыскяя и исправляя стремления. Но в щедротах Твоих презирая моя лютая, спаси мя, Всесильне.

Покаяния время, прихожду Ти, Создателю моему: возьми бремя от мене тяжкое греховное и, яко благоутробен, дажь ми слезы умиления.

Богатство душевное иждив грехом, пуст есмь добродетелей благочестивых, гладствуя же зову: милости подателю Господи, спаси мя.

### **Преподобная Мати Марие, моли Бога о нас.**

Приклоньшися Христовым Божественным законом, к сему приступила еси, сладостей неудержимая стремления оставивши, и всякую добродетель всеблагоглавейно, яко едину, исправила еси.

*Слава:* Пресущественная Троице, во Единице покланяемая, возьми бремя от мене тяжкое греховное и, яко благоутробна, дажь ми слезы умиления.

*И ныне:* Богородице, Надежде и Предстательство Тебе поющих, возьми бремя от мене тяжкое греховное и, яко Владычица Чистая, кающаяся приими мя.

### **Песнь 2**

*Ирмос:* Видите, видите, яко Аз есмь Бог, манну одождивый и воду из камене источивый древле в пустыни людем Моим, десницею единою и крепостию Моею.

Мужа убих, глаголет, в язву мне и юношу в струп, Ламех, рыдая, вопияше; ты же не трепещеши, о душе моя, окалявши плоть и ум осквернивши.

Столп умудрила еси создати, о душе, и утверждение водрузити твоими похותьми, аще не бы Зиждитель удержал советы твоя и низвергл на землю ухищрения твоя.

О како поревновах Ламеху, первому убийце, душу, яко мужа, ум, яко юношу, яко брата же моего, тело убив, яко Каин убийца, любосластными стремленьми.

Одожди Господь от Господа огнь иногда на беззаконие гневающее, сожег содомляны; ты же огнь вжегла еси геенский, в немже имаши, о душе, сожеши.

Уязвихся, уранихся, се стрелы вражия, уязвивши мою душу и тело; се струпи, гноения, омрачения вопиют, раны самовольных моих страстей.

**Преподобная Мати Марие, моли Бога о нас.**

Простерла еси руце твои к щедрому Богу, Марие, в бездне зол погружаемая; и яко же Петру человеколюбно руку Божественную простре твое обращение всячески Ииский.

*Слава:* Безначальная, Несозданная Троице, Нераздельная Единице, кающаяся мя приими, согрешивша спаси, Твое есмь создание, не презри, но пощади и избави мя огненного осуждения.

*И ныне:* Пречистая Владычице, Богородительнице, Надеждо к Тебе притекающих и пристанище сущих в бури, Милостиваго и Создателя и Сына Твоего умилостиви и мне молитвами Твоими.

**Песнь 3**

*Ирмос:* Утверди, Господи, на камени заповедей Твоих подвигшееся сердце мое, яко Един Свят еси и Господь.

Агаре древле, душе, египтяныне уподобилася еси, поработившияся произволением и рождши нового Исмаила, презорство.

Иаковлю лествицу разумела еси, душе мя, являемую от земли к Небесем: почто не имела еси восхода тверда, благочестия.

Священника Божия и царя уединена, Христово подобие в мире жития, в человечех подражай.

Обратися, постени, душе окаянная, прежде даже не приимет конец жития торжество, прежде даже дверь не заключит чертога Господь.

Не буди столп сланый, душе, возвратившияся вспять, образ да устрашит тя содомский, горе в Сигор спасайся.

Моления, Владыко, Тебе поющих не отвержи, но ущедри, Человеколюбче, и подаждь верою просящим оставление.

*Слава:* Троица Простая, Несозданная, Безначальное Естество, в Троице певаемая Ипостасей, спаси ны, верою покланяющимся державе Твоей.

*И ныне:* От Отца беззетна Сына в лето, Богородительнице, неискусомужно родила еси, странное чудо, пребывши Дева доящи.

**Песнь 4**

*Ирмос:* Услыша пророк пришествие Твое, Господи, и убося, яко хощеши от Девы родитися и человеком явитися, и глаголаше: услыхах слух Твой и убохся, слава силе Твоей, Господи.

Время живота моего мало и исполнено болезней и лукавства, но в покаянии мя приими и в разум призови, да не буду стяжение ни брашно чуждему, Спасе, Сам мя ущедри.

Царским достоинством, венцем и багряницею одеян, многоименный человек и праведный, богатством кипя и стады, внезапу богатства, славы царства, обнищав, лишился.

Аще праведен бяше он и непорочен паче всех, и не убеже ловления льстиваго и сети; ты же, грехолюбива сущи, окаянная душа, что сотвориши, аще чесому от недоведомых случится найти тебе?

Высокоглаголив ныне есмь, жесток же и сердцем, вотще и всуе, да не с фарисеем осудиши мя. Паче же мытарево смирение подаждь ми, Едине Щедре, Правосуде, и сему мя сочисли.

Согрехих, досадив сосуду плоти моей, вем, Щедре, но в покаянии мя приими и в разум призови, да не буду стяжение ни брашно чуждему, Спасе, Сам мя ущедри.

Самоистукан бых страстью, душу мою вредя, Щедре, но в покаянии мя приими и в разум призови, да не буду стяжение ни брашно чуждему, Спасе, Сам мя ущедри.

Не послушах гласа Твоего, преслушах Писание Твое, Законоположника, но в покаянии мя приими и в разум призови, да не буду стяжение ни брашно чуждему, Спасе, Сам мя ущедри.

#### **Преподобная Мати Марие, моли Бога о нас.**

Великих безместий во глубину низведши, неодержима была еси; но востекла еси помыслом лучшим к крайней деяньми яве добродетели преславно, ангельское естество, Марие, удививши.

**Слава:** Нераздельное Существом, Неслитное Лицы богословию Тя, Троическое Едино Божество, яко Единоцарственное и Сопрестольное, вопию Ти песнь великую, в вышних трегубо песнословимую.

**И ныне:** И раждаеши, и девствуеши, и пребываеши обоюду естеством Дева, Рождейся обновляет законы естества, утроба же раждает нераждающая. Бог идеже хощет, побеждается естества чин: творит бо, елика хощет.

#### **Песнь 5**

**Ирмос:** От нощи утренююща, Человеколюбче, просвети, молюся, и настави и мене на повеления Твоя, и научи мя, Спасе, творити волю Твою.

Низу сничащую подражай, о душе, прииди, припади к ногама Иисусовыма, да тя исправит, и да ходиши право стези Господни.

Аще и кладязь еси глубокий, Владыко, источи ми воду из пречистых Твоих жил, да, яко самаряныня, не кому, пияй, жажду: жизни бо струи источаеши.

Силоам да будут ми слезы мои, Владыко Господи, да умыю и аз зеницы сердца, и вижду Тя, умна Света превечна.

#### **Преподобная Мати Марие, моли Бога о нас.**

Несравненным желанием, всебогатая, древу возжелевши поклонитися животному, сподобилася еси желания, сподоби убо и мене улучти вышния славы.

**Слава:** Тя, Троице, славим Единаго Бога: Свят, Свят, Свят еси, Отче, Сыне и Душе, Простое Существо, Единице присно покланяемая.

**И ныне:** Из Тебе облечеся в мое смешение, нетленная, безмужная Мати Дево, Бог, создавый веки, и соедини Себе человеческое естество.

#### **Песнь 6**

**Ирмос:** Возопих всем сердцем моим к щедрому Богу, и услыша мя от ада преисподняго, и возведе от тли живот мой.

Аз есмь, Спасе, юже погубил еси древле царскую драхму; но вжег светильник, Предтечу Твоего, Слове, взыщи и обрящи Твой образ.

Востани и побори, яко Иисус Амалика, плотския страсти, и гаваониты, лестныя помыслы, присно побеждающи.

**Преподобная Мати Марие, моли Бога о нас.**

Да страстей пламень угасиши, слез капли источала еси присно, Марие, душею распаляема, ихже благодать подаждь и мне, твоему рабу.

**Преподобная Мати Марие, моли Бога о нас.**

Безстрастие Небесное стяжала еси крайним на земли житием, мати. Темже тебе поющим страстей избавитися молитвами твоими молися.

**Слава:** Троица есмь Проста, Нераздельна, раздельна Личне и Едина есмь естеством соединена, Отец глаголет, и Сын, и Божественный Дух.

**И ныне:** Утроба Твоя Бога нам роди, воображенна по нам: Егоже, яко Создателя всех, моли, Богородице, да Твоими молитвами оправдимся.

Господи, помилуй. (Трижды.)

**Слава, и ныне:**

**Кондак, глас 6:**

Душе моя, душе моя, востани, что спиши? конец приближается, и имаши смутитися: воспряни убо, да пощадит тя Христос Бог, везде сый и вся исполняй.

**Песнь 7**

**Ирмос:** Согрешихом, беззаконновахом, неправдовахом пред Тобою, ниже сблюдохом, ниже сотворихом, якоже заповедал еси нам; но не предаждь нас до конца, отцев Боже.

Исчезоша дние мои, яко соние востающего; темже, яко Езекия, слезю на ложи моем, приложитися мне летом живота. Но кий Исаия предстанет тебе, душе, аще не всех Бог?

Припадаю Ти и приношу Тебе, якоже слезы, глаголы мои: согреших, яко не согреши блудница, и беззаконновах, яко иный никотоже на земли. Но ущедри, Владыко, творение Твое и воззови мя.

Погребох образ Твой и растлих заповедь Твою, вся помрачися доброта, и страстью угасися, Спасе, свеща. Но ущедрив, воздаждь ми, якоже поет Давид, радование.

Обратися, покайся, открый сокровенная, глаголи Богу, вся ведущему: Ты веси моя тайная, Едине Спасе. Но Сам мя помилуй, якоже поет Давид, по милости Твоей.

**Преподобная Мати Марие, моли Бога о нас.**

Возопивши к Пречистей Богоматери, первое отринула еси неистовство страстей, нужно стужающих, и посранила еси врага запеншаго. Но даждь ныне помощь от скорби и мне, рабу твоему.

**Преподобная Мати Марие, моли Бога о нас.**

Егоже возлюбила еси, Егоже возжелела еси, Егоже ради плоть изнурила еси, преподобная, моли ныне Христа о рабех: яко да милостив быв всем нам, мирное состояние дарует почитающим Его.

**Слава:** Троице Простая, Нераздельная, Единосущная и Естество Едино, Светове и Свет, и Свята Три, и Едино Свято поется Бог Троица; но воспой, прослави Живот и Животы, душе, всех Бога.

**И ныне:** Поем Тя, благословим Тя, покланяемся Ти, Богородительнице, яко Неразлучныя Троицы породила еси Единаго Христа Бога и Сама отверзла еси нам, сущим на земли, Небесная.

### Песнь 8

**Ирмос:** Егоже воинства Небесная славят, и трепещут херувими и серафими, всяко дыхание и тварь, пойте, благословите и превозносите во вся веки.

Слезную, Спасе, стекляницу яко миро истощавая на главу, зову Ти, якоже блудница, милости ищащая, мольбу приношу и оставление прошу прияти.

Аще и никтоже, якоже аз, согреши Тебе, но обаче приими и мене, благоутробне Спасе, страхом кающаяся и любовию зовуща: согреших Тебе Единому, помилуй мя, Милостиве.

Пощади, Спасе, Твоє создание и взыщи, яко Пастьерь, погибшее, предвари заблуждшаго, восхити от волка, сотвори мя овча на пастве Твоих овец.

Егда, Судие, сядешি, яко благоутробен, и покажеши страшную славу Твою, Спасе, о каковый страх тогда, пеши горящей, всем боящимся нестерпимаго судища Твоего.

### Преподобная Мати Марие, моли Бога о нас.

Света незаходимаго Мати тя просветивши, от омрачения страстей разреши. Темже вшедши в духовную благодать, просвети, Марие, тя верно восхваляющия.

### Преподобная Мати Марие, моли Бога о нас.

Чудо ново видев, ужасашеся божественный в тебе воистинну, мати, Зосима: ангела бо зряше во плоти и ужасом весь исполняшеся, Христа поя во веки.

**Слава:** Безначальне Отче, Сыне Собезначальне, Утешителю Благий, Душе Правый, Слова Божия Родителю, Отца Безначальна Слове, Душе Живый и Зиждай, Троице Единице, помилуй мя.

**И ныне:** Яко от оброчения червленицы, Пречистая, умная багряница Еммануилева внутрь во чреве Твоем плоть исткася. Темже Богородицу воистинну Тя почитаем.

### Песнь 9

**Ирмос:** Безсеменного зачатия Рождество несказанное, Матере безмужныя нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.

Умилосердися, спаси мя, Сыне Давидов, помилуй, беснующаяся словом исцеливый, глас же благоутробный, яко разбойнику, мне рцы: аминь, глаголю тебе, со Мною будеши в раи, егда прииду во славе Моей.

Разбойник оглаголоваше Тя, разбойник богословяше Тя: оба бо на кресте свисяста. Но, о Благоутробне, яко верному разбойнику Твоему, познавшему Тя Бога, и мне отверзи дверь славнаго Царствия Твоего.

Тварь содрогашеся, распинаема Тя видящи, горы и камения страхом распадауся, и земля сотрясашеся, и ад обнажашеся, и соомрачашеся свет во дни, зря Тебе, Иисусе, пригвождена ко Кресту.

Достойных покаяния плодов не истяжи от мене, ибо крепость моя во мне оскуде; сердце мне даруй присно сокрушенное, нищету же духовную: да сия Тебе принесу яко приятную жертву, Едине Спасе.

Судие мой и Ведче мой, хотяй паки приити со ангелы, судити миру всему, милостивым Твоим оком тогда видев мя, пощади и ущедри мя, Иисусе, паче всякаго естества человеча согрешивша.

**Преподобная Мати Марие, моли Бога о нас.**

Удивила еси всех странным житием твоим, ангелов чины и человеков соборы, невещественно поживши и естество прешедши: имже, яко невещественными ногама вшедши, Марие, Иордан прешла еси.

**Преподобная Мати Марие, моли Бога о нас.**

Умилостиви Создателя о хвалящих тя, преподобная мати, избавитися озлоблений и скорбей, окрест нападающих: да избавившеся от напастей, возвеличим непрестанно прославльшаго тя Господа.

**Преподобне отче Андрее, моли Бога о нас.**

Андрее честный и отче треблаженнейший, пастырю Критский, не престай моляся о воспевающих тя: да избавимся вси гнева, и скорби, и тления, и прегрешений безмерных, чущии твою память верно.

*Слава:* Отца прославим, Сына превознесем, Божественному Духу верно поклонимся, Троице Нераздельней, Единице по Существу, яко Свету и Светом, и Животу и Животом, Животворящему и Просвещающему концы.

*И ныне:* Град Твой сохраняй, Богородительнице Пречистая, в Тебе бо сей верно царствуяй, в Тебе и утверждается, и Тобою побеждаяй, побеждает всякое искушение, и пленяет ратники, и проходит послушание.

Также оба лика вкупе поют *Ирмос:*

Безсеменного зачатия Рождество несказанное, Матере безмужныя нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.

---





## В четверг пятой седмицы Великого Поста

### Песнь 1

*Ирмос:* Помощник и Покровитель бысть мне во спасение, Сей мой Бог, и прославлю Его, Бог Отца моего, и вознесу Его: славно бо прославися.

Откуду начну плакати окаянного моего жития деяний? кое ли положу нача-  
ло, Христе, нынешнему рыданию? но яко благоутробен, даждь ми прегрешений оставление.

Гряди, окаянная душа, с плотию твою, Зиждителю всех исповеждься, и останися прочее преждняго безсловесия, и принеси Богу в покаянии слезы.

Первозданного Адама преступлению поревновав, познах себе обнажена от Бога и присносущного Царствия и сладости, грех ради моих.

Увы мне, окаянная душа, что уподобилася еси первой Еве? видела бо еси зле, и уязвилася еси горце, и коснулася еси древа, и вкусила еси дерзостно безсловесныя снеди.

Вместо Евы чувственная мысленная ми бысть Ева, во плоти страстный помысл, показуя сладкая и вкушная присно горькаго напоения.

Достойно из Едема изгнан бысть, яко не сохранив едину Твою, Спасе, заповедь Адам: аз же что постражду, отметая всегда животная Твоя словеса?

Каиново прещед убийство, произволением бых убийца совести душевней, ожи-  
вив плоть и воевав на ню лукавыми моими деяньми.

Авелеве, Иисусе, не уподобихся правде, дара Тебе приятна не принесох когда, ни деяния божественна, ни жертвы чистыя, ни жития непорочнаго.

Яко Каин и мы, душа окаянная, всех Содетелю деяния скверная, и жертву по-  
рочную, и непотребное житие принесохом вкупе: темже и осудихомся.

Брение Здатель живосоздав, вложил еси мне плоть, и кости, и дыхание, и жизнь;  
но, о Творче мой, Избавителю мой и Судие, кающаяся приими мя.

Извещаю Ти, Спасе, грехи, яже содеях, и души и тела моего язвы, яже внутрь  
убийственни помыслы разбойнически на мя возложиша.

Аще и согреших, Спасе, но вем, яко Человеколюбец еси, наказуещи милостивно  
и милосердствуещи тепле: слезяща зриши и притекаши, яко отец, призываю  
блуднаго.

Повержена мя, Спасе, пред враты Твоими, поне на старость не отрини мене во  
ад тща, но прежде конца, яко Человеколюбец, даждь ми прегрешений оставление.

В разбойники впадый аз есмъ помышленъми моими, весь от них уязвихся ныне  
и исполнихся ран, но, Сам ми представ, Христе Спасе, исцели.

Священник, мя предвидев, мимо иде, и левит, видя в лютых нага, презре, но, из Марии возсиявый, Иисусе, Ты, представ, ущедри мя.

Агнче Божий, вземляй грехи всех, возьми бремя от мене тяжкое греховное и, яко благоутробен, даждь ми слезы умиления.

Покаяния время, приходжу Ти, Создателю моему: возьми бремя от мене тяжкое греховное и, яко благоутробен, даждь ми слезы умиления.

Не возгнушайся мене, Спасе, не отрини от Твоего лица, возьми бремя от мене тяжкое греховное и, яко благоутробен, даждь мне грехопадений оставление.

Вольная, Спасе, и невольная прегрешения моя, явленная и сокровенная и ведомая и неведомая, вся прости, яко Бог, очисти и спаси мя.

От юности, Христе, заповеди Твоя преступих, всестрастно небрегий, унынием преидох житие. Темже зову Ти, Спасе: поне на конец спаси мя.

Богатство мое, Спасе, изнурил в блуде, пуст есмь плодов благочестивых, алчен же зову: Отче щедрот, предварив, Ты мя ущедри.

Тебе припадаю, Иисусе, согреших Ти, очисти мя, возьми бремя от мене тяжкое греховное и, яко благоутробен, даждь ми слезы умиления.

Не вниди со мною в суд, нося моя деяния, словеса изыскуя и исправляя стремления. Но в щедротах Твоих презирая моя лютая, спаси мя, Всесильне.

**Иный канон преподобной матери нашей Марии Египетского, глас 6:**

Преподобная мати Марие, моли Бога о нас.

Ты ми даждь светозарную благодать от Божественного свыше промышления избежати страстей омрачения и пети усердно твоего, Марие, жития красная исправления.

**Преподобная мати Марие, моли Бога о нас.**

Приклоньшися Христовым Божественным законом, к сему приступила еси, сладостей неудержимая стремления оставивши, и всякую добродетель всеблаговейно, яко едину, исправила еси.

Преподобне отче Андрее, моли Бога о нас.

Молитвами твоими нас, Андрее, избави страстей безчестных и Царствия ныне Христова общники верою и любовию воспевающая тя, славне, покажи, молимся.

**Слава:** Пресущественная Троице, во Единице покланяемая, возьми бремя от мене тяжкое греховное и, яко благоутробна, даждь ми слезы умиления.

**И ныне:** Богородице, Надежде и Предстательство Тебе поющих, возьми бремя от мене тяжкое греховное и, яко Владычица Чистая, кающаяся приими мя.

**Песнь 2**

**Ирмос:** Вонми, Небо, и возлаголю, и воспою Христа, от Девы плотию пришедшаго.

Вонми, Небо, и возлаголю, земле, внушай глас, кающийся к Богу и воспевающий Его.

Вонми ми, Боже, Спасе мой, милостивым Твоим оком и приими мое теплое исповедание.

Согреших паче всех человек, един согреших Тебе; но ущедри, яко Бог, Спасе, творение Твое.

Буря мя злых обдержит, благоутробне Господи; но яко Петру и мне руку простри.  
Слезы блудницы, Щедре, и аз предлагаю, очисти мя, Спасе, благоутробием  
Твоим.

Омрачих душевную красоту страстей сластьми и всячески весь ум перстъ сотво-  
рих.

Раздрах ныне одежду мою первую, юже ми изтка Зиждитель из начала, и оттуду  
лежу наг.

Облекохся в раздранныю ризу, юже изтка ми змий советом, и стыждуся.

Воззрех на садовную красоту и прельстихся умом: и оттуду лежу наг и срамляю-  
ся.

Делаша на хребте моем вси начальницы страстей, продолжающе на мя беззако-  
ние их.

Погубих первозданную доброту и благолепие мое и ныне лежу наг и стыждуся.  
Сшиваше кожныя ризы грех мне, обнаживый мя первыя боготканныя одежды.

Обложен есмь одеянием студа, якоже листвием смоковным, во обличение моих  
самовластных страстей.

Одеяхся в срамную ризу и окровавленную студно течением страстнаго и любо-  
сластнаго живота.

Оскверних плоти моей ризу и окалях еже по образу, Спасе, и по подобию.

Впадох в страстную пагубу и в вещественную тлю, и оттоле до ныне враг мне  
досаждает.

Любовещное и любоименное житие, невоздержанием, Спасе, предпочет ныне,  
тяжким бременем обложен есмь.

Украсих плотский образ скверных помышлений различным обложением и  
осуждаюся.

Внешним прилежно благоукрашением единем попекохся, внутреннюю презрев  
Богообразную скинию.

Вообразив моих страстей безобразие, любосластными стремленьми погубих  
ума красоту.

Погребох первого образа доброту, Спасе, страстями, юже, яко иногда драхму,  
взыскав, обрящи.

Согреших, якоже блудница, вопиу Ти: един согреших Тебе; яко миро, приими,  
Спасе, и моя слезы.

Поползохся, яко Давид, блудно и осквернихся, но омый и мене, Спасе, слезами.

Очисти, якоже мытарь, вопиу Ти, Спасе, очисти мя: никто же бо сущих из Адама,  
якоже аз, согреших Тебе.

Ни слез, ниже покаяния имам, ниже умиления. Сам ми сия, Спасе, яко Бог,  
даруй.

Дверь Твою не затвори мне тогда, Господи, Господи, но отверзи ми сию, кающе-  
муся Тебе.

Человеколюбче, хотяй всем спастися, Ты возвзови мя и приими, яко благ, каю-  
щагося.

Внуши вздохания души моей и очиу мою приими капли, Спасе, и спаси мя.

**Пресвятая Богородице, спаси нас.**

Пречистая Богородице Дево, Едина Всепетая, моли прилежно, во еже спастися нам.

*Иный. Ирмос:* Видите, видите, яко Аз есмь Бог, манну одождивый и воду из камене источивый древле в пустыни людем Моим, десницею единою и крепостию Моею.

Видите, видите, яко Аз есмь Бог, внушай, душе моя, Господа вопиюща, и удалися прежняго греха, и бойся, яко неумытнаго и яко Судии и Бога.

Кому уподобилася еси, многогрешная душа? токмо первому Каину и Ламеху оному, каменовавшая тело злодействы и убившая ум безсловесными стремленьями.

Вся прежде закона претекши, о душе, Сифу не уподобилася еси, ни Еноса подражала еси, ни Еноха преложением, ни Ноя, но явилася еси убога праведных жизни.

Едина отверзла еси хляби гнева Бога Твоего, душе моя, и потопила еси всю, якоже землю, плоть, и деяния, и житие, и пребыла еси вне спасительного ковчега.

Мужа убих, глаголет, в язву мне и юношу в струп, Ламех рыдая вопияше; ты же не трепещеши, о душе моя, окалявши плоть и ум осквернивши.

О како поревновах Ламеху, первому убийце, душу, яко мужа, ум, яко юношу, яко брата же моего, тело убив, яко Каин убийца, любосластными стремленьями.

Столп умудрила еси создати, о душе, и утверждение водрузити твоими похотьми, аще не бы Зиждитель удержанал советы твоя и низвергл на землю ухищрения твоя.

Уязвихся, уранихся, се стрелы вражия, уязвивши мою душу и тело; се струпи, гноения, омрачения вопиют, раны самовольных моих страстей.

Одожди Господь от Господа огнь иногда на беззаконие гневающее, сожег содомляны; ты же огнь вжегла еси геенский, в немже имаши, о душе, сожешися.

Разумейте и видите, яко Аз есмь Бог, испытаяй сердца и умучаяй мысли, обличаяй деяния, и попаляй грехи, и судяй сиру, и смирену, и нищу.

**Преподобная мати Марие, моли Бога о нас.**

Простерла еси руце твои к щедрому Богу, Марие, в бездне зол погружаемая, и якоже Петру человеколюбно руку Божественную простре твое обращение всячески Иский.

**Преподобная мати Марие, моли Бога о нас.**

Всем усердием и любовию притекла еси Христу, первый греха путь отвращши, и в пустынях непроходимых питающимся, и Того чисте совершающи Божественные заповеди.

**Преподобне отче Андрее, моли Бога о нас.**

Видим, видим человеколюбие, о душе, Бога и Владыки; сего ради прежде конца тому со слезами припадем вопиюще: Андрея молитвами, Спасе, помилуй нас.

*Слава:* Безначальная, Несозданная Троице, Нераздельная Единице, кающаяся мя приеми, согрешивша спаси, Твое есмь создание, не презри, но пощади и избави мя огненнаго осуждения.

*И ныне:* Пречистая Владычице, Богородительнице, Надеждо к Тебе притекающих и пристанище сущих в бури, Милостиваго и Создателя и Сына Твоего умилостиви и мне молитвами Твоими.

### Песнь 3

*Ирмос:* На недвижимом, Христе, камени заповедей Твоих утверди мое помышление.

Огнь от Господа иногда Господь одождив, землю содомскую прежде попали.  
На горе спасайся, душе, якоже Лот оный, и в Сигор угонзай.

Бегай запаления, о душе, бегай содомского горения, бегай тления Божественного пламене.

Исповедаюся Тебе, Спасе, согреших, согреших Ти, но ослаби, остави ми, яко благоутробен.

Согреших Тебе един аз, согреших паче всех, Христе Спасе, да не презиши мене.  
Ты еси Пастьярь добрый, взыщи мене, агнца, и заблуждшаго да не презиши мене.

Ты еси сладкий Иисусе, Ты еси Создателю мой, в Тебе, Спасе, оправдаюся.

**Пресвятая Троице, Боже наш, слава Тебе.**

О Троице Единице Боже, спаси нас от прелести, и искушений, и обстояний.

**Пресвятая Богородице, спаси нас.**

Радуйся, Богоприятная утробо, радуйся, престоле Господень, радуйся, Мати Жизни нашея.

*Иный. Ирмос:* Утверди, Господи, на камени заповедей Твоих подвигшееся сердце мое, яко Един Свят еси и Господь.

Источник живота стяжах Тебе, смерти Низложителя, и вопию Ти от сердца моего прежде конца: согреших, очисти, спаси мя.

При Нои, Спасе, блудствовавший подражах, онех наследствовав осуждение в потопе погружения.

Согреших, Господи, согреших Тебе, очисти мя: несть бо иже кто согреши в человекех, егоже не превзыдох прегрешеньми.

Хама онаго, душе, отцеубийца подражавши, срама не покрыла еси искренняго, вспять зря возвратившися.

Благословения Симова не наследовала еси, душе окаянная, ни пространное одержание, якоже Иафеф, имела еси на земли оставления.

От земли Харран изыди от греха, душе моя, гряди в землю, точащую присно животное нетление, еже Авраам наследствова.

Авраама слышала еси, душе моя, древле оставльша землю отечества и бывша пришельца, сего произволению подражай.

У дуба Мамврийского учредив патриарх ангелы, наследствова по старости обетования ловитву.

Исаака, окаянная душе моя, разумевши новую жертву, тайно всесожженную Господеви, подражай его произволению.

Исмаила слышала еси, трезвися, душе моя, изгнана, яко рабынино отрождение, виждь, да не како подобно что постраждеши, ласкосердствующи.

Агаре древле, душе, египтяныне уподобилася еси, поработившися произволением и рождши нового Исмаила, презорство.

Иаковлю лествицу разумела еси, душе моя, являемую от земли к Небесем: почто не имела еси восхода тверда, благочестия.

Священника Божия и царя уединена, Христово подобие в мире жития, в человечех подражай.

Не буди столп сланый, душе, возвратившися вспять, образ да устрашит тя со-домский, горе в Сигор спасайся.

Запаления, якоже Лот, бегай, душе моя, греха, бегай Содомы и Гоморры, бегай пламене всякаго безсловеснаго желания.

Помилуй, Господи, помилуй мя, вопию Ти, егда приидеши со ангелы Твоими воздати всем по достоянию деяний.

Моления, Владыко, Тебе поющих не отвержи, но ущедри, Человеколюбче, и подаждь верою просящим оставление.

**Преподобная мати Марие, моли Бога о нас.**

Содержим есмь бурею и треволнением согрешений, но сама мя, мати, ныне спаси и к пристанищу Божественнаго покаяния возведи.

**Преподобная мати Марие, моли Бога о нас.**

Рабское моление и ныне, преподобная, принесши ко благоутробней молитвами твоими Богородице, отверзи ми Божественныея входы.

**Преподобне отче Андрее, моли Бога о нас.**

Твоими молитвами даруй и мне оставление долгов, о Андрее, Критский председателью, покаяния бо ты таинник преизрядный.

**Слава:** Троице Простая, Несозданная, Безначальное Естество, в Троице пева-мая Ипостасей, спаси ны, верою покланяющимся державе Твоей.

**И ныне:** От Отца безлетна Сына в лето, Богородительнице, неискусомужно родила еси, странное чудо, пребывши Дева доящи.

**Ирмос:** Утверди, Господи, на камени заповедей Твоих подвигшееся сердце мое, яко Един Свят еси и Господь.

**Седален, глас 8:**

Светила богозрачна, Спасовы апостоли, просветите нас во тьме жития, яко да во дни ныне благообразно ходим, светом воздержания нощных страстей отбегающе, и светлыя страсти Христовы узрим, радующеся.

**Слава, другий седален, глас тойже:**

Апостольская двоенадесятице Богоизбранная, мольбу Христу ныне принеси, постное поприще всем прейти, совершающим во умилении молитвы, творящим усердно добродетели, яко да сице предварим видети Христа Бога славное Воскресение, славу и хвалу приносяще.

**И ныне, Богородичен:**

Непостижимаго Бога, Сына и Слово, несказанно паче ума из Тебе рождшееся, моли, Богородице, со апостолы, мир вселенней чистый подати, и согрешений

дати нам прежде конца прощение, и Царствия Небеснаго крайния ради благости сподобити рабы Твоя.

**Также трипеснец, глас 8:**

**Песнь 4**

*Ирмос: Услыхах, Господи, смотрения Твоего таинство, разумех дела Твоя и прославих Твое Божество.*

**Святии апостоли, молите Бога о нас.**

Воздержанием поживше, просвещении Христовы апостоли, воздержания время нам ходатайства Божественными утишают.

**Святии апостоли, молите Бога о нас.**

Двоенадесятострунный орган песнь воспе спасительную, учеников лик Божественный, лукавая возмущая гласования.

**Святии апостоли, молите Бога о нас.**

Одаждением духовным всю подсолнечную напоисте, сушу отгнавше многобожия, всеблаженни.

**Пресвятая Богородице, спаси нас.**

Смирившася спаси мя, высокомудренно пожившаго, рождшая Вознесшаго смиренное естество, Дево Всечистая.

*Иный. Ирмос, глас тойже: Услыхах, Господи, смотрения Твоего таинство, разумех дела Твоя и прославих Твое Божество.*

**Святии апостоли, молите Бога о нас.**

Апостольское всечестное ликостояние, Зиждителя всех молящее, проси помиловать ны, восхваляющая тя.

**Святии апостоли, молите Бога о нас.**

Яко делателе суще, Христовы апостоли, во всем мире Божественным словом возделавши, приносите плоды Ему всегда.

**Святии апостоли, молите Бога о нас.**

Виноград бысте Христов воистину возлюбленный, вино бо духовное источисте миру, апостоли.

**Пресвятая Троице, Боже наш, слава Тебе.**

Преначальная, Сообразная, Всесильнейшая Троице Святая, Отче, Слове и Душе Святый, Боже, Свете и Животе, сохрани стадо Твое.

**Пресвятая Богородице, спаси нас.**

Радуйся, престоле огнезрачный, радуйся, светильниче священосный, радуйся, горо освящения, ковчеже Жизни, святых святая сене.

*Великаго канона Ирмос: Услыша пророк пришествие Твое, Господи, и убояся, яко хощеши от Девы родитися и человеком явитися, и глаголаше: услыхах слух Твой и убояхся, слава силе Твоей, Господи.*

Дел Твоих да не презиши, создания Твоего да не оставиши, Правосуде. Аще и един согреших, яко человек, паче всякаго человека, Человеколюбче; но имаши, яко Господь всех, власть оставляти грехи.

Приближается, душе, конец, приближается, и нерадиши, ни готовишися, время сокращается: востани, близ при дверех Судия есть. Яко соние, яко цвет, время жития течет: что всуе мятемся?

Воспряни, о душе моя, деяния твоя, яже соделала еси, помышляй, и сия пред лице твое принеси, и капли испусти слез твоих; рцы со дерзновением деяния и помышления Христу и оправдайся.

Не бысть в житии греха, ни деяния, ни злобы, еяже аз, Спасе, не согреших, умом, и словом, и произволением, и предложением, и мыслию, и деянием согрешив, яко ин никтоже когда.

Отсюду осужден бых, отсюду и препрен бых аз, окаянный, от своея совести, еяже ничтоже в мире нужнейше: Судие, Избавителю мой и Ведче, пощади, и избави, и спаси мя, раба Твоего.

Лествица, юже виде древле великий в патриарсех, указание есть, душе моя, деятельного восхождения, разумнаго возшествия: аще хощеши убо деянием, и разумом, и зрением пожити, обновися.

Зной дневный претерпе лишения ради патриарх и мраз нощный понесе, на всяк день снабдения творя, пасый, труждаяйся, работаяй, да две жене сочетает.

Жены ми две разумей, деяние же и разум в зрении, Лию убо деяние, яко многочадную, Рахиль же разум, яко многотрудную; ибо кроме трудов ни деяние, ни зрение, душе, исправится.

Бди, о душе моя, изрядствуй, якоже древле великий в патриарсех, да стяжеши деяние с разумом, да будеши ум, зряй Бога, и достигнеши незаходящий мрак в видении, и будеши великий купец.

Дванадесяте патриархов великий в патриарсех детоторив, тайно утверди тебе лествицу деятельного, душе моя, восхождения: дети, яко основания, степени, яко восхождения, премудренно подложив.

Исава возненавиденного подражала еси, душе, отдала еси прелестнику твоему первыя доброты первенство, и отеческия молитвы отпала еси, и дважды поползнулася еси, окаянная, деянием и разумом: темже ныне покайся.

Едом Исав наречеся, крайняго ради женонеистовнаго смешения: невоздержанием бо присно разжигаем и сластьми оскверняем, Едом именовася, еже глаголется разжжение души любогреховныя.

Иова на гноищи слышавши, о душе моя, оправдавшагося, того мужеству не поревновала еси, твердаго не имела еси предложения во всех, яже веси, и имиже искусилася еси, но явилася еси нетерпелива.

Иже первее на престоле, наг ныне на гноище гноен, многий в чадех и славный, безчаден и бездомок напрасно: палату убо гноище и бисерие струпы вменяше.

Царским достоинством, венцем и багряницею одеян, многоименный человек и праведный, богатством кипя и стады, внезапу богатства, славы царства, обнищав, лишился.

Аще праведен бяше он и непорочен паче всех, и не убеже ловления льстиваго и сети; ты же грехолюбива сущи, окаянная душе, что сотвориши, аще чесому от недоведомых случится найти тебе?

Тело осквернися, дух окаляся, весь острупихся, но яко врач, Христе, обоя покаянием моим уврачуй, омый, очисти, покажи, Спасе мой, паче снега чистейша.

Тело Твое и кровь, распинаемый о всех, положил еси, Слове: тело убо, да мя обновиши, кровь, да омыеша мя. Дух же предал еси, да мя приведеши, Христе, Твоему Родителю.

Соделал еси спасение посреде земли, Щедре, да спасемся. Волею на древе распялся еси, Едем затворенный отверзеся, горняя и дольняя тварь, языцы вси спасени покланяются Тебе.

Да будет ми купель кровь из ребр Твоих, вкупе и питие, источившее воду оставления, да обоюду очищаюся, помазуяся и пия, яко помазание и питие, Слове, животочная Твоя словеса.

Наг есмь чертога, наг есмь и брака, купно и вечери, светильник угасе, яко безъелейный, чертог заключися мне спящу, вечеря снедеся, аз же по руку и ногу связан, вон низвержен есмь.

Чашу Церковь стяжа, ребра Твоя живоносная, из нихже сугубыя нам источи токи оставления и разума, во образ древняго и новаго, двоих вкупе заветов, Спасе наш.

Время живота моего мало и исполнено болезней и лукавства, но в покаянии мя приими и в разум призови, да не буду стяжение, ни брашно чуждему, Спасе, Сам мя ущедри.

Высокоглаголив ныне есмь, жесток же и сердцем, вотще и всуе, да не с фарисеем осудиши мя. Паче же мытарево смирение подаждь ми, Едине Щедре, Правосуде, и сему мя сочисли.

Согреших, досадив сосуду плоти моея, вем, Щедре, но в покаянии мя приими и в разум призови, да не буду стяжение ни брашно чуждему, Спасе, Сам мя ущедри.

Самоистукан бых страстью, душу мою вредя, Щедре, но в покаянии мя приими и в разум призови, да не буду стяжение ни брашно чуждему, Спасе, Сам мя ущедри.

Не послушах гласа Твоего, преслушах Писание Твое, Законоположника, но в покаянии мя приими и в разум призови, да не буду стяжение ни брашно чуждему, Спасе, Сам мя ущедри.

**Пресвятая Троице, Боже наш, слава Тебе.**

**Преподобная мати Марие, моли Бога о нас.**

Безплотных жительство в плоти преходящи, благодать, преподобная, к Богу велию воистинну прияла еси, верно о чтуших тя представительствуй. Темже молим тя, от всяких напастей и нас молитвами твоими избави.

**Преподобная мати Марие, моли Бога о нас.**

Великих безместий во глубину низведшися, неодержима была еси, но востекла еси помыслом лучшим к крайней деяньми яве добродетели преславно, ангельское естество, Марие, удививши.

**Преподобне отче Андрее, моли Бога о нас.**

Андрее, отеческая похвало, молитвами твоими не престай, моляся, предстоя Троице Пребожественней, яко да избавимся мучения, любовию предстателя тя Божественнаго, всеблаженне, призывающии, Криту удобрение.

**Слава:** Нераздельное Существом, Неслитное Лицы богословию Тя, Троическое Едино Божество, яко Единоцарственное и Сопрестольное, вопию Ти песнь великую, в вышних трегубо песнословимую.

**И ныне:** И раждаеши, и девствуешি, и пребываеши обоюду естеством Дева, Рождейся обновляет законы естества, утроба же раждает нераждающая. Бог идеже хощет, побеждается естества чин: творит бо, елика хощет.

### Песнь 5

**Ирмос:** От нощи утренююща, Человеколюбче, просвети, молюся, и настави и мене на повеления Твоя, и научи мя, Спасе, творити волю Твою.

В нощи житие мое преидох присно, тьма бо бысть, и глубока мне мгла, нощъ греха, но яко дне сына, Спасе, покажи мя.

Рувима подражая, окаянный аз содеях беззаконный и законопреступный совет на Бога Вышняго, осквернив ложе мое, яко отчее он.

Исповедаюся Тебе, Христе Царю: согреших, согреших, яко прежде Иосифа братия продавши, чистоты плод и целомудрия.

От сродников праведная душа связася, продася в работу сладкий во образ Господень; ты же вся, душе, продалася еси злыми твоими.

Иосифа праведного и целомудренного ума подражай, окаянная и неискусная душе, и не оскверняйся безсловесными стремленьями, присно беззаконнующи.

Аще и в рове поживе иногда Иосиф, Владыко Господи, но во образ погребения и востания Твоего: аз же что Тебе когда сицевое принесу?

Моисеов слышала еси ковчежец, душе, водами, волнами носим речными, яко в чертозе древле бегающий дела, горькаго совета фараонитска.

Аще бабы слышала еси, убивающая иногда безвозрастное мужеское, душе окаянная, целомудрия деяние, ныне, яко великий Моисей, сси премудрость.

Яко Моисей великий египтянина, ума, уязвивши, окаянная, не убила еси, душе; и како вселишися, глаголи, в пустыню страстей покаянием?

В пустыню вселися великий Моисей; гряди убо, подражай того житие, да и в купине Богоявления, душе, в видении будеши.

Моисеов жезл воображай, душе, ударяющий море и огустевающий глубину во образ Креста Божественного: имже можеши и ты великая совершити.

Аарон приношаще огнь Богу непорочный, нелестный; но Офни и Финеес, яко ты, душе, приношаху чуждее Богу, оскверненное житие.

Яко тяжкий нравом, фараону горькому бых, Владыко, Ианни и Иамври, душею и телом, и погружен умом, но помози ми.

Калу примесихся, окаянный, умом, омый мя, Владыко, банею моих слез, молю Тя, плоти моей одежду убелив яко снег.

Аще испытаю моя дела, Спасе, всякаго человека превозшедша грехами себе зрю, яко разумом мудрствуяй, согреших не неведением.

Пощади, пощади, Господи, создание Твое, согреших, ослаби ми, яко естеством чистый Сам сый Един, и ин разве Тебе никтоже есть кроме скверны.

Мене ради Бог сый, вообразился еси в мя, показал еси чудеса, исцелив прокаженного и разслабленного стягнув, кровоточивыя ток уставил еси, Спасе, прикосновением риз.

Кровоточивую подражай, окаянная душе, притецы, удержи ометы Христовы, да избавиши ран и услышиши от Него: вера твоя спасе тя.

Низу сничащую подражай, о душе, прииди, припади к ногама Иисусовыма, да тя исправит, и да ходиши право стези Господни.

Аще и кладязь еси глубокий, Владыко, источи ми воду из пречистых Твоих жил, да, яко самаряныня, не кому, пияй, жажду: жизни бо струи источаеш.

Силоам да будут ми слезы мои, Владыко Господи, да умью и аз зеницы сердца и вижду Тя умно, Света превечна.

**Преподобная мати Марие, моли Бога о нас.**

Несравненным желанием, всебогатая, древу возжелевши поклонитися животному, сподобилася еси желания, сподоби убо и мене улучти вышния славы.

**Преподобная мати Марие, моли Бога о нас.**

Струи Иорданския прешедши, обрела еси покой безболезненный, плоти сласти избежавши, еяже и нас изми твоими молитвами, преподобная.

Преподобный отче Андрее, моли Бога о нас.

Яко пастырей изряднейша, Андрее премудре, избранна суща тя, любовию велиею и страхом молю, твоими молитвами спасение улучти и жизнь вечную.

Слава: Тя, Троице, славим, Единаго Бога: Свят, Свят, Свят еси, Отче, Сыне и Душе, Простое Существо, Единице присно покланяемая.

И ныне: Из Тебе облечеся в мое смешение, нетленная, безмужная Мати Дево, Бог, создавый веки, и соедини Себе человеческое естество.

**Песнь 6**

*Ирмос:* Возопих всем сердцем моим к щедрому Богу, и услыша мя от ада преисподняго, и возведе от тли живот мой.

Слезы, Спасе, очи мою и из глубины вздохания чисте приношу, вопиющу сердцу: Боже, согреших Ти, очисти мя.

Уклонилася еси, душе, от Господа твоего, якоже Дафан и Авирон, но пощади, возвози из ада преисподняго, да не пропасть земная тебе покрыт.

Яко юница, душе, разсвирепевшая, уподобилася еси Ефрему, яко серна от тенет сохрани житие, вперивши деянием ум и зрением.

Рука нас Моисеова да уверит, душе, како может Бог прокаженное житие убелити и очистити, и не отчайся сама себе, аще и прокаженна еси.

Волны, Спасе, прегрешений моих, яко в мори Чёрнem возвращающиеся, покрыша мя внезапу, яко египтяны иногда и трестаты.

Неразумное, душе, произволение имела еси, яко прежде Израиль: Божественные бо манны предсудила еси безсловесно любосластное страстей объядение.

Кладенцы, душе, предпочла еси хананейских мыслей паче жилы камене, из негоже премудрости река, яко чаша, проливает токи богословия.

Свиная мяса и котлы и египетскую пищу паче Небесныя предсудила еси, душе моя, якоже древле неразумни людие в пустыни.

Яко удари Моисей, раб Твой, жезлом камень, образно животворивая ребра Твоя прообразоваше, из нихже вси питие жизни, Спасе, почерпаем.

Испытай, душе, и смотрий, якоже Иисус Навин, обетования землю, какова есть, и вселися в ню благозаконием.

Востани и побори, яко Иисус Амалика, плотския страсти, и гаваониты, лестныя помыслы, присно побеждающи.

Прейди времене текущее естество, яко прежде ковчег, и земли оныя буди во одержании обетования, душе, Бог повелевает.

Яко спасл еси Петра, возопивша, спаси, предварив мя, Спасе, от зверя избави, простер Твою руку, и возведи из глубины греховныя.

Пристанище Тя вем утишное, Владыко, Владыко Христе, но от незаходимых глубин греха и отчаяния мя, предварив, избави.

Аз есмь, Спасе, юже погубил еси древле царскую драхму; но вжег светильник, Предтечу Твоего, Слове, взыщи и обрящи Твой образ.

**Преподобная мати Марие, моли Бога о нас.**

Да страстей пламень угасиши, слез капли источала еси присно, Марие, душею распалаема, ихже благодать подаждь и мне, твоему рабу.

**Преподобная мати Марие, моли Бога о нас.**

Безстрастие Небесное стяжала еси крайним на земли житием, мати. Темже тебе поющим, от страстей избавитися молитвами твоими молися.

Преподобный отче Андрее, моли Бога о нас.

Критскаго тя пастыря и председателя и вселенныя молитвенника ведый, притехаю, Андрее, и вопиу ти: изми мя, отче, из глубины греха.

**Слава:** Троица есмь Проста, Нераздельна, раздельна Личне и Единаца есмь естеством соединена, Отец глаголет, и Сын, и Божественный Дух.

**И ныне:** Утроба Твоя Бога нам роди, воображенна по нам: Егоже, яко Создателя всех, моли, Богородице, да молитвами Твоими оправдимся.

**Ирмос:** Возопих всем сердцем моим к щедрому Богу, и услыша мя от ада преисподняго, и возведе от тли живот мой.

**Кондак, глас 6:**

;Душе моя, душе моя, востани, что спиши? конец приближается, и имаши смутился: воспряни убо, да пощадит тя Христос Бог, везде сый и вся исполняй.

**Икос:**

Христово врачевство видя отверсто и от сего Адаму истекающее здравие, пострада, уязвился диавол и, яко бедствуя, рыдаше и своим другом возопи: что сотворю Сыну Мариину, убивает мя Вифлеемлянин, Иже везде сый и вся исполняй.

**Таже блаженны, глас 6:**

Во Царствии Твоем помяни нас, Господи.

Разбойника, Христе, рая жителя сотворил еси, на кресте Тебе возопивша: помяни мя; того покаянию сподоби и мене, недостойнаго.

Блажени нищии духом, яко тех есть Царство Небесное.

Маноя слышавши древле, душе моя, Бога в явлении бывша и из неплодове тогда приемша плод обетования, того благочестие подражай.

Блажени плачущии, яко тии утешатся.

Сампсоновой поревновавши лености, главу острягла еси, душе, дел твоих, предавши иноплеменником любосластием целомудренную жизнь и блаженную.

Блажени кротции, яко тии наследят землю.

Прежде челюстию ослею победивый иноплеменники, ныне пленение ласкосердству страстному обретеся; но избегни, душе моя, подражания, деяния и слабости.

Блажени алчущии и жаждущии правды, яко тии насытятся.

Варак и Иеффай военачальницы, судии Израилевы предпочтени быша, с ними же Деворра мужеумная; тех доблестьми, душе, вмужившися, укрепися.

Блажени милостивии, яко тии помилованы будут.

Иаилино храбрство познала еси, душе моя, Сисара древле прободшую и спасение соделавшую древом острым, слышиши, имже тебе крест образуется.

Блажени чистии сердцем, яко тии Бога узрят.

Пожри, душе, жертву похвальную, деяние, яко дщерь, принеси от Иеффаевы чистейшую и заколи, яко жертву, страсти плотския Господеви твоему.

Блажени миротворцы, яко тии сынове Божии нарекутся.

Гедеоново руно помышляй, душе моя, с небесе росу подыми и приникни, якоже пес, и пий воду, от закона текущую, изгнегением письменным.

Блажени изгнани правды ради, яко тех есть Царство Небесное.

Илии священника осуждение, душе моя, восприяла еси, лишением ума приобретши страсти себе, якоже он чада, делати беззаконная.

Блажени есте, егда поносят вам и изженоут и рекут всяк зол глагол на вы лжуще, Мене ради.

В судиях левит небрежением свою жену двадесятим коленом раздели, душе моя, да скверну обличит от Вениамина беззаконную.

Радуйтесь и веселитесь, яко мзда ваша многа на Небесех.

Любомудренная Анна молящися, устне убо движаше ко хвалению, глас же ея не слышашеся, но обаче неплодна сущи, сына молитвы раждает достойна.

Помяни нас, Господи, егда приидеши во Царствии Твоем.

В судиях спричтесь Аннино порождение, великий Самуил, егоже воспитала Армафема в дому Господни; тому поревнуй, душе моя, и суди прежде инех дела твоя.

Помяни нас, Владыко, егда приидеши во Царствии Твоем.

Давид на царство избран, царски помазася рогом Божественного мира; ты убо, душе моя, аще хощеши вышняго Царствия, миром помажися слезами.

Помяни нас, Святый, егда приидеши во Царствии Твоем.

Помилуй создание Твое, Милостиве, ущедри руку Твою творение и пощади вся согрешившия, и мене паче всех, Твоих презревшаго повелений.

*Слава:* Безначальну и рождению же и происхождению Отцу покланяюся рождшему, Сына славлю рожденного, пою сопросиявшаго Отцу же и Сыну Духа Святаго.

*И ныне:* Преественному Рождеству Твоему покланяемся, по естеству славы Младенца Твоего не разделяюще, Богородительнице: Иже бо Един Лицем, сугубыми исповедуется естествы.

**Песнь 7**

*Ирмос:* Согрешихом, беззаконновахом, неправдовахом пред Тобою, ниже сблюдохом, ниже сотворихом, яко же заповедал еси нам; но не предаждь нас до конца, отцев Боже.

Согреших, беззаконновах и отвергох заповедь Твою, яко во грехах произведохся, и приложих язвам струпы себе; но Сам мя помилуй, яко благоутробен, отцев Боже.

Тайная сердца моего исповедах Тебе, Судии моему, виждь мое смирение, виждь и скорбь мою, и вонми суду моему ныне, и Сам мя помилуй, яко благоутробен, отцев Боже.

Саул иногда, яко погуби отца своего, душе, осяята, внезапу царство обрете к прослutiю; но блюди, не забывай себе, скотския похоти твоя произволивши паче Царства Христова.

Давид иногда Богоотец, аще и согреши сугубо, душе моя, стрелою убо устрелен быв прелюбодеяства, копием же пленен быв убийства томлением; но ты сама тяжчайшими делы недугуеши, самохотными стремленьми.

Совокупи убо Давид иногда беззаконию беззаконие, убийству же любodeйство растворив, покаяние сугубое показа аbie; но сама ты, лукавнейшая душе, соделала еси, не покаявшися Богу.

Давид иногда вообрази, списав яко на иконе песнь, еюже деяние обличает, еже содея, зовый: помилуй мя, Тебе бо Единому согреших всех Богу, Сам очисти мя.

Кивот яко ношащеся на колеснице, Зан оный, егда превращуся тельцу, точию коснуся, Божиим искусися гневом; но того дерзновения убежавши, душе, почитай Божественная честне.

Слышила еси Авессалома, како на естество воста, познала еси того скверная деяния, имиже оскверни ложе Давида отца; но ты подражала еси того страстная и любосластная стремления.

Покорила еси неработное твое достоинство телу твоему, иного бо Ахитофела обретши врага, душе, снизшла еси сего советом; но сия разсыпа Сам Христос, да ты всяко спасешися.

Соломон чудный и благодати премудрости исполненный, сей лукавое иногда пред Богом сотворив, отступи от Него; ему же ты проклятым твоим житием, душе, уподобилася еси.

Сластьми влеком страстей своих, осквернящеся, увы мне, рачитель премудрости, рачитель блудных жен, и странен от Бога; егоже ты подражала еси умом, о душе, сладострастьми скверными.

Ровоаму поревновала еси, не послушавшему совета отча, купно же и злейшему врагу Иеровоаму, прежнему отступнику, душе, но бегай подражания и зови Богу: согреших, ущедри мя.

Ахаавовым поревновала еси сквернам, душе моя, увы мне, была еси плотских скверн пребывалище и сосуд срамлен страстей, но из глубины твоего воздохни и глаголи Богу грехи твоя.

Попали Илия иногда дващи пятьдесят Иезавелиных, егда студныя пророки погуби во обличение Ахаавово, но бегай подражания двою, душе, и укрепляйся.

Заключися тебе небо, душе, и глад Божий постиже тя, егда Илии Фесвитянина, яко же Ахаав, не покорися словесем иногда, но Сарафии уподобися, напитай пророчу душу.

Манассиева собрала еси согрешения изволением, поставилши, яко мерзости, страсти, и умноживши, душе, негодование, но того покаянию ревнующи тепле, стяжи умиление.

Припадаю Ти и приношу Тебе, яко же слезы, глаголы мои: согреших, яко не согреши блудница, и беззаконновах, яко иный никтоже на земли. Но ущедри, Владыко, творение Твое и воззови мя.

Погребох образ Твой и растлих заповедь Твою, вся помрачился доброта, и страстью угасися, Спасе, свеща. Но, ущедрив, воздаждь ми, яко же поет Давид, радование.

Обратися, покайся, открый сокровенная, глаголи Богу, вся ведущему: Ты веси моя тайная, едине Спасе. Но Сам мя помилуй, яко же поет Давид, по милости Твоей.

Исчезоша дние мои, яко соние востающаго; темже, яко Езекия, слезу на ложи моем, приложитися мне летом живота. Но кий Исаия предстанет тебе, душе, аще не всех Бог?

**Преподобная мати Марие, моли Бога о нас.**

Возопивши к Пречистей Богоматери, первее отринула еси неистовство страстей, нужно стужающих, и посранила еси врага запеншаго. Но даждь ныне помощь от скорби и мне, рабу твоему.

**Преподобная мати Марие, моли Бога о нас.**

Егоже возлюбила еси, Егоже возжелела еси, Егоже ради плоть изнурила еси, преподобная, моли ныне Христа о рабех: яко да милостив быв всем нам, мирное состояние дарует почитающим Его.

**Преподобне отче Андрее, моли Бога о нас.**

На камени мя веры молитвами твоими утверди, отче, страхом мя Божественным ограждая, и покаяние, Андрее, подаждь ми, молюся ти, и избави мя от сети врагов, ищащих мя.

*Слава:* Троице Простая, Нераздельная, Единосущная и Естество Едино, Светове и Свет, и Свята Три, и Едино Свято поется Бог Троица; но воспой, прослави Живот и Животы, душе, всех Бога.

*И ныне:* Поем Тя, благословим Тя, покланяемся Ти, Богородительнице, яко Неразлучныя Троицы породила еси Единаго Христа Бога и Сана отверзла еси нам, сущим на земли, Небесная.

**Трипеснец, глас 8:**

**Песнь 8**

*Ирмос:* Безначального Царя славы, Егоже трепещут Небесныя силы, пойте, священницы, людие, превозносите во вся веки.

**Святии апостоли, молите Бога о нас.**

Яко углие невещественного огня, попалите вещественные страсти моя, возжигающе ныне во мне желание Божественных любви, апостоли.

**Святии апостоли, молите Бога о нас.**

Трубы благогласные Слова почтим, имиже падоша стены неутверждены вражия и богоразумия утвердишася забрала.

**Святии апостоли, молите Бога о нас.**

Кумиры страстных души моей сокрушите, иже храмы и столпы сокрушисте врага, апостоли Господни, храмов освященнии.

Пресвятая Богородице, спаси нас.

Вместила еси Невместимаго естеством, носила еси Носящаго вся, доила еси, Чистая, питающаго тварь Христа Жизнодавца.

Иный трипеснец. *Ирмос:* Безначального Царя:

**Святии апостоли, молите Бога о нас.**

Духа началохитростем создавше всю Церковь, апостоли Христовы, в ней благословите Христа во веки.

**Святии апостоли, молите Бога о нас.**

Вострубивше трубою учений, низвергоша апостоли всю лесть идолъскую, Христа превозносяща во вся веки.

**Святии апостоли, молите Бога о нас.**

Апостоли, доброе преселение, назирателие мира и Небеснii жителie, вас присно восхваляющая избавите от бед.

**Пресвятая Троице, Боже наш, слава Тебе.**

Трисолнечное Всесветлое Богоначалие, Единославное и Единопрестольное Естеству, Отче Вседетелю, Сыне и Божественный Душа, пою Тя во веки.

**Пресвятая Богородице, спаси нас.**

Яко честный и превысший престол, воспоим Божию Матерь непрестанно, людие, Едину по рождестве Матерь и Деву.

Великаго канона *Ирмос:* Егоже воинства Небесная славят, и трепещут херувими и серафими, всяко дыхание и тварь, пойте, благословите и превозносите во вся веки.

Согрешивша, Спасе, помилуй, воздвигни мой ум ко обращению, приими мя кающагося, ущедри вопиюща: согреших Ти, спаси, беззаконновах, помилуй мя.

Колесничник Илия колесницею добродетелей вшед, яко на небеса, ношащеся превыше иногда от земных; сего убо, душе моя, восход помышляй.

Иорданова струя первее милотию Илииною Елиссеем ста сюду и сюду; ты же, о душе моя, сея не причастилася еси благодати за невоздержание.

Елиссеей иногда прием милоту Илиину, прият сугубую благодать от Бога; ты же, о душе моя, сея не причастилася еси благодати за невоздержание.

Соманитида иногда праведного учреди, о душе, нравом благим; ты же не ввела еси в дом ни странна, ни путника. Темже чертога изринешися вон, рыдающи.

Гиезиев подражала еси, окаянная, разум скверный всегда, душе, егоже сребро-любие отложи поне на старость; бегай геенского огня, отступивши злых твоих.

Ты Озии, душе, поревновавши, сего прокажение в себе стяжала еси сугубо: безместная бо мыслиши, беззаконная же дееши; остави, яже имаши, и притецы к покаянию.

Ниневитяны, душе, слышала еси кающаяся Богу, вретищем и пепелом, сих не подражала еси, но явилася еси злейшая всех, прежде закона и по законе прегревших.

В рове блата слышала еси Иеремию, душе, града Сиона рыданьми вопища и слез ищаща; подражай сего плачевное житие и спасешися.

Иона в Фарисис побеже, проразумев обращение ниневитянов, разуме бо, яко пророк, Божие благоутробие: темже ревноваше пророчеству не согатися.

Даниила в рове слышала еси, како загради уста, о душе, зверей; уведела еси, како отроцы, иже о Азарии, погасиша верою пещи пламень горящий.

Ветхаго Завета вся приведох ти, душе, к подобию; подражай праведных боголюбивая деяния, избегни же паки лукавых грехов.

Правосуде Спасе, помилуй и избави мя огня и прещения, еже имам на суде праведно претерпети; ослаби ми прежде конца, добродетелию и покаянием.

Яко разбойник, вопиу Ти: помяни мя; яко Петр, плачу горце: ослаби ми, Спасе; зову, яко мытарь, слезю, яко блудница; приими мое рыдание, якоже иногда хананеино.

Гноение, Спасе, исцели смиренныя моя души, Едине Врачу, пластырь мне наложи, и елей, и вино, дела покаяния, умиление со слезами.

Хананею и аз подражая, помилуй мя, вопиу, Сыне Давидов; касаюся края ризы, яко кровоточивая, плачу, яко Марфа и Мария над Лазарем.

Слезную, Спасе, стекляницу яко миро истощавая на главу, зову Ти, якоже блудница, милости ищаща, мольбу приношу и оставление прошу прияти.

Аще и никтоже, якоже аз, согреши Тебе, но обаче приими и мене, благоутробне Спасе, страхом кающаяся и любовию зовуща: согреших Тебе Единому, помилуй мя, Милостиве.

Пощади, Спасе, Твоє создание и взыщи, яко Пастьрь, погибшее, предвари заблуждшаго, восхити от волка, сотвори мя овча на пастве Твоих овец.

Егда, Судие, сядеши, яко благоутробен, и покажеши страшную славу Твою, Спасе, о каковый страх тогда, пещи горящей, всем боящимся нестерпимаго судища Твоего.

**Преподобная мати Марие, моли Бога о нас.**

Света незаходимаго Мати тя просветивши, от омрачения страстей разреши. Темже вшедши в духовную благодать, просвети, Марие, тя верно восхваляющая.

**Преподобная мати Марие, моли Бога о нас.**

Чудо ново видев, ужасающеся божественный в тебе воистинну, матери, Зосима: ангела бо зряше во плоти и ужасом весь исполняющееся, Христа поя во веки.

**Преподобне отче Андрее, моли Бога о нас.**

Яко дерзновение имый ко Господу, Андрее Критский, честная похвало, молю, молися разрешение от уз беззакония ныне обрести мне молитвами твоими, яко покаяния учитель и преподобных слава.

Благословим Отца и Сына и Святаго Духа Господа.

Безначальне Отче, Сыне Собезначальне, Утешителю Благий, Душе Правый, Слова Божия Родителю, Отца Безначальна Слове, Душе Живый и Зиждяй, Троице Единице, помилуй мя.

*И ныне и присно и во веки веков.*

Яко от оброчения червленицы, Пречистая, умная багряница Еммануилева внутрь во чреве Твоем плоть исткася. Темже Богородицу воистинну Тя почитаем.

Хвалим, благословим, покланяемся Господеви, поюще и превозносяще во вся веки.

*Ирмос:* Егоже воинства Небесная славят, и трепещут херувими и серафими, всяко дыхание и тварь, пойте, благословите и превозносите во вся веки.

**Поем Честнейшую:**

**Трипеснец, глас 8:**

**Песнь 9**

*Ирмос:* Воистинну Богородицу Тя исповедуем, спасеннии Тобою, Дево чистая, с безплотными лицами Тя величающе.

**Святии апостоли, молите Бога о нас.**

Источницы спасительныя воды явльшеся апостоли, истаявшую душу мою греховною жаждою оросите.

**Святии апостоли, молите Бога о нас.**

Плавающаго в пучине погибели и в погружении уже бывша Твою десницею, якоже Петра, Господи, спаси мя.

**Святии апостоли, молите Бога о нас.**

Яко соли, вкусных суще учений, гнильство ума моего изсушите и неведения тьму отжените.

**Пресвятая Богородице, спаси нас.**

Радость яко родившая, плач мне подаждь, имже Божественное утешение, Владычице, в будущем дни обрести возмогу.

*Иный. Ирмос:* Тя, Небесе и земли Ходатаицу:

**Святии апостоли, молите Бога о нас.**

Тя, благославное апостольское собрание, песнями величаем: вселенней бо светила светлая явистесь, прелесть отгоняще.

**Святии апостоли, молите Бога о нас.**

Благовестною мрежею вашею словесныя рыбы уловивше, сия приносите всегда снедь Христу, апостоли блаженний.

**Святии апостоли, молите Бога о нас.**

К Богу вашим прошением помяните нас, апостоли, от всякаго избавитися искушения, молимся, любвию воспевающая вас.

**Пресвятая Троице, Боже наш, слава Тебе.**

Тя, Триипостасную Единицу, Отче, Сыне со Духом, Единаго Бога Единосущна пою, Троицу Единосильную Безначальную.

**Пресвятая Богородице, спаси нас.**

Тя, Детородительницу и Деву, вси роди ублажаем, яко Тобою избавльшеся от клятвы: радость бо нам родила еси, Господа.

Великаго канона *Ирмос*: Безсеменного зачатия Рождество несказанное, Матере безмужныя нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.

Ум острупися, тело оболезнися, недугует дух, слово изнеможе, житие умертвиша, конец при дверех. Темже, моя окаянная душа, что сотвориши, егда приидет Судия испытати твоя?

Моисеово приведох ти, душе, миробытие и от того все заветное Писание, поведающее тебе праведныя и неправедныя; от нихже вторыя, о душе, подражала еси, а не первыя, в Бога согрешивши.

Закон изнеможе, празднует Евангелие, Писание же все в тебе небрежено бысть, пророцы изнемогоша, и все праведное слово; струпи твои, о душе, умножишася, не сущу врачу, исцеляющему тя.

Новаго привожду ти Писания указания, вводящая тя, душе, ко умилению: праведным убо поревнуй, грешных же отвращайся и умилостиви Христа молитвами же, и пощеньми, и чистотою, и говением.

Христос вочеловечися, призвав к покаянию разбойники и блудницы; душе, покайся, дверь отверзеся Царствия уже, и предвосхищают е фарисеи, и мытари, и прелюбодеи кающиися.

Христос вочеловечися, плоти приобщився ми, и вся елика суть естества хотением исполни греха кроме, подобие тебе, о душе, и образ предпоказуя Своего снисхождения.

Христос волхвы спасе, пастыри созва, младенец множества показа мученики, старцы прослави и старья вдовицы, ихже не поревновала еси, душе, ни деянием, ни житию, но горе тебе, внегда будеши судитися.

Постився Господь дний четыредесять в пустыни, последи взалка, показуя человеческое; душе, да не разленишися, аще тебе приложится враг, молитвою же и постом от ног твоих да отразится.

Христос искушашеся, диавол искушаше, показуя камение, да хлеби будут, на гору возведи вся царствия мира во мгновении; убойся, о душе, ловления, трезвися, молися на всякий час Богу.

Горлица пустыннолюбная, глас вопиющаго возгласи, Христов светильник, проповедуя покаяние, Ирод беззаконнова со Иродиадою. Зри, душе моя, да не увязнеши в беззаконныя сети, но облобызай покаяние.

В пустыню вселися благодати Предтеча, и Иудея вся и Самария слышавше течаху и исповедаху грехи своя, крещающеся усердно: ихже ты не подражала еси, душе.

Брак убо честный и ложе нескверно, обоя бо Христос прежде благослови, плотию ядый, и в Кане же на браце воду в вино совершая, и показуя первое чудо, да ты изменишися, о душе.

Разслабленного стягну Христос, одр вземша, и юношу умерша воздвиге, вдовиче рождение, и сотнича отрока, и самаряныне явися, в дусе службу тебе, душе, предживописа.

Кровоточивую исцели прикосновением края ризна Господь, прокаженные очисти, слепыя и хромыя просветив, исправи, глухия же и немыя и ничашия низу исцели словом: да ты спасешися, окаянная душа.

Недуги исцеляя, нищим благовествование Христос Слово, вредныя уврачева, с мытари ядяше, со грешники беседоваше, Иаиоры дщере душу предумершую возврати осязанием руки.

Мытарь спасашеся, и блудница целомудрствование, и фарисей, хваляся, осуждашеся. Ов убо: очисти мя; ова же: помилуй мя; сей же величашеся вопия: Боже, благодарю Тя, и прочия безумныя глаголы.

Закхей мытарь бе, но обаче спасашеся, и фарисей Симон соблажняшеся, и блудница приемаше оставительная разрешения от Имущаго крепость оставляти грехи, юже, душа, потышися подражати.

Блуднице, о окаянная душа моя, не поревновала еси, яже приемши мира алавастр, со слезами мазаше нозе Спасове, отре же власы, древних согрешений рукописание Раздирающаго ея.

Грады, имже даде Христос благовестие, душа моя, уведала еси, како прокляти быша. Убойся указания, да не будеши яко же оны, ихже содомляном Владыка уподобив, даже до ада осуди.

Да не горшая, о душа моя, явишися отчаянием, хананеи веру слышавшая, еяже дщи словом Божиим исцелися; Сыне Давидов, спаси и мене, воззови из глубины сердца, яко же она Христу.

Умилосердися, спаси мя, Сыне Давидов, помилуй, беснующаяся словом исцеливый, глас же благоутробный, яко разбойнику, мне рцы: аминь, глаголю тебе, со Мною будеши в раи, егда прииду во славе Моей.

Разбойник оглаголоваше Тя, разбойник богословяше Тя: оба бо на кресте свисяста. Но, о Благоутробне, яко верному разбойнику Твоему, познавшему Тя Бога, и мне отверзи дверь славнаго Царствия Твоего.

Тварь содрогашеся, распинаема Тя видящи, горы и камения страхом распадауся, и земля сотрясашеся, и ад обнажашеся, и соомрачашеся свет во дне, зря Тебе, Иисусе, пригвождена ко Кресту.

Достойных покаяния плодов не истяжи от мене, ибо крепость моя во мне оскуде; сердце мне даруй присно сокрушенное, нищету же духовную: да сия Тебе принесу яко приятную жертву, едине Спасе.

Судие мой и Ведче мой, хотяй паки приити со ангелы судити миру всему, милостивым Твоим оком тогда видев мя, пощади и ущедри мя, Иисусе, паче всякаго естества человеча согрешивша.

**Преподобная мати Марие, моли Бога о нас.**

Удивила еси всех странным житием твоим, ангелов чины и человеков соборы, невещественно поживши и естество прешедши; имже, яко невещественными ногама вшедши, Марие, Иордан прешла еси.

**Преподобная мати Марие, моли Бога о нас.**

Умилостиви Создателя о хвалящих тя, преподобная мати, избавитися озлоблений и скорбей, окрест нападающих: да избавившеся от напастей, возвеличим непрестанно прославльшаго тя Господа.

**Преподобне отче Андрее, моли Бога о нас.**

Андрея честный и отче треблаженнейший, пастырю Критский, не престай молясь о воспевающих тя: да избавимся вси гнева, и скорби, и тления, и прегрешений безмерных, чтущий твою память верно.


*Слава:* Троице Единосущная, Единице Триипостасная, Тя воспеваем, Отца славяще, Сына величающе и Духу покланяющеся, Единому Естеству воистинну Богу, Жизни же и живущему Царству безконечному.

*И ныне:* Град Твой сохраняй, Богородительнице Пречистая, в Тебе бо сей верно царствуяй, в Тебе и утверждается, и Тобою побеждаяй, побеждает всякое искушение, и пленяет ратники, и проходит послушание.

Также оба лика вкупе поют *Ирмос*:

Безсеменного зачатия Рождество несказанное, Матере безмужныя нетленен Плод, Божие бо Рождение обновляет естества. Темже Тя вси роди, яко Богоневестную Матерь, православно величаем.





## РАЗЛИЧНЫЕ МОЛИТВЫ



## **Призывание помощи Духа Святаго на всякое дело доброе**

### **Тропарь, Глас 4**

Творче и Создателю всяческих, Боже, дела рук наших, ко славе Твоей начиная, Твоим благословением спешно исправи, и нас от всякаго зла избави, яко един всесилен и Человеколюбец.

### **Кондак, Глас 3**

Скорый в заступление и крепкий в помощь, предстани благодатию силы Твоей ныне, и благословив укрепи, и в совершение намерения благого дела рабов Твоих произведи: вся бо, елика хощеши, яко сильный Бог творити можеши.





# **Молитвы ко Господу Иисусу Христу**

## **Молитва первая**

Господи Иисусе Христе, Боже мой, покрый мя и раб твоих (*имена*) от злобы супостата нашего, зане сила его крепка, естество же наше страшно и сила наша немощна. Ты убо, о Благий, сохрани мя от смущения помыслов и потопа страстей. Господи, Пресладкий мой Иисусе, помилуй и спаси мя и рабов Твоих (*имена*).

## **Молитва вторая**

О, Господи, Иисусе Христе! Не отврати лица Твоего от нас, рабов твоих (*имена*) и уклонися гневом от рабов Твоих: помошник нам буди, не отрини нас и не остави нас.

## **Молитва третья**

Помилуй мя, Господи, и не даждь мне погибнуть! Помилуй мя, Господи, яко немощен есмь! посрами, Господи, борющаго мя беса. Упование мое, осени над главою мою в день брани бесовския! борющаго мя врага побори, Господи, и обуруевающия мя помыслы укроти тишиною Твою, Слове Божий!

## **Молитва четвертая**

Господи! Се сосуд Твой семъ: наполни мя дарованиями Духа Твоего Святого, без Тебя я пуст всякого блага, или паче полн всякого греха. Господи! Се корабль Твой семъ: исполни мя грузом добрых дел. Господи! Се ковчег Твой: исполни его не прелестью сребролюбия и сластей, а любовию к Тебе и к одушевленному образу Твоему — человеку.

## **Молитва пятая**

Тебе, Господи Боже мой, главу мою преклоняю, и во исповедании сердечном во-пию: согреших, Господи, согреших на небо и пред Тобою, и несмъ достоин просити от Тебе прощения; но Ты якоже блудного сына, помилуй мя, раба Твоего (*имя*), яко мытаря оправдай мя, и яко разбойника Царствия Твоего сподоби. Господи! Даждь мне зрети мои прегрешения, чтобы я не презирал грешников, мне подобных, и не питал к ним зла в сердце за грехи их, и сам бы себя презирал по достоинству, как грешника первого, сам к себе — к своему плотскому человеку — всегда питал непримируемую злобу.





## Молитва водителя

Боже, Всеблагий и Всемилостивый, всех охраняя Свою милостию и человеколюбием, смиренно молю Тя, предстательством Богородицы и всех святых, сохрани от внезапной смерти и всякой напасти мене, грешного, и вверенных мне человек и помози невредимых доставлять каждого по его потребе.

Боже Милостивый! Избави мене от злого духа лихачества, нечистой силы пьянства, вызывающих несчастия и внезапную смерть без покаяния.

Сподоби мене, Господи, с чистой совестию дожить до глубокой старости без бремени убитых и искалеченных по моему нерадению людей, и да прославится имя Твое Святое, ныне и присно, и во веки веков. Аминь.





## О путешествующих

### Тропарь, глас 2

Путь и истина сый, Христе, спутника Ангела Твоего рабом Твоим ныне, якоже Товии иногда, посли сохраняюща, и невредимых, к славе Твоей, от всякаго зла во всяком благополучии соблюдающа, молитвами Богородицы, Едине Человеколюбче.

### Кондак, глас 2

Луце и Клеопе воEmmaus спутешествовавый, Спасе, сшествуй и ныне рабом Твоим, путешествовать хотящим, от всякаго избавляя их злого обстояния: вся бо Ты, яко Человеколюбец, можеши хотятъ.

### Молитва

Господи Иисусе Христе Боже наш, истинный и живый путь, состранствовать мнимому Твоему отцу Иосифу и Пречистей Ти Деве Матери во Египет изволивый, и Луце и Клеопе во Emmaus спутешествовавый! И ныне смиленно молим Тя, Владыко Пресвятый, и рабом Твоим сим Твою благодатию спутешествуй. И якоже рабу Твоему Товии, Ангела Хранителя и наставника посли, сохраняюща и избавляюща их от всякаго злого обстояния видимых и невидимых врагов, и ко исполнению заповедей Твоих наставляюща, мирно же и благополучно и здраво препровождающа, и паки цело и безмятежно возвращающа; и дажь им все благое свое намерение ко благоугождению Твоему благополучно в славу Твою исполнити. Твое бо есть, еже миловати и спасати нас, и Тебе славу возсыпаем со Безначальным Твоим Отцем и со Пресвятым и Благим и Животворящим Твоим Духом, ныне и присно и во веки веков. Аминь.

### Молитва ко Пресвятой Богородице «Скоропослушнице»

Преблагословенна Владычице, Приснодево Богородице, Бога Слова паче всякаго слова на спасение наше рождшая, и благодать Его преизобильно паче всех приявшая, море явльшаяся Божественных дарований и чудес приснотекущая река, изливающая благость всем, с верою к Тебе прибегающим! Чудотворному Твоему образу припадающе, молимся Тебе всещедрей Матери Человеколюбиваго Владыки: удви на нас пребогатыя милости Твоя и прошения наша, приносимая Тебе, Скоропослушнице, ускори исполнити все, еже на пользу во утешение и спасение, коемуждо устрояющи. Посети, Преблагая, рабы Твоя благодатию Твою, подаждь недугующим цельбу и совершенное здравие, обуреваемым тишину, плененным свободу и различными образы страждущих утеши. Избави, Всемилостивая Госпоже, всяк град и страну от глада, язвы, труса, потопа, огня, меча и иныя казни временныя и вечныя, Матерним Твоим дерзновением отвращающи гнев Божий: и душевнаго расслабления, обуревания страстей и грехопадений свободи рабы

Твоя, яко да непреткновенно во всяком благочестии поживше в сем веце, и в будущем вечных благ сподобимся благодатию и человеколюбием Сына Твоего и Бога, Ему же подобает всякая слава, честь и поклонение со Безначальным Его Отцем и Пресвятым Духом ныне и присно и во веки веков. Аминь.





# Молитвы ко Господу Св. Иоанна Кронштадского

## Молитва первая

Господи! Имя Тебе Любовь: не отвергни меня, заблуждающегося человека! Имя Тебе — Сила: подкрепи меня изнемогающего и падающего! Имя Тебе — Свет: прости мою душу, омраченную житейскими страстями! Имя Тебе — Мир: умири мятущуюся душу мою! Имя Тебе — Милость: не переставай миловать меня.

## Молитва первая

Господи, Ты Судия земли, Ты не любишь неправду, услыши молитву мою недостойную и пошли силу Твою, и пошли помощь Твою там, где встретят меня враги видимые и невидимые, и чтобы стали столпы на месте том, где их встретит сила Твоя. Аминь.

## Молитва первая

Тебе, Господи, единому Благому и Непамятоизлобному, исповедую грехи мои; Тебе припадаю, вопия, недостойный: согреших, Господи, согреших, и несмъ достоин воззрети на высоту небесную от множества неправд моих. Но, Господи мой, Господи, даруй ми слезы умиления, единый Блаже и Милостивый, яко да ими Тя умолю, очиститися прежде конца от всякаго греха: страшно бо и грозно место имам пройти, тела разлучився, и множество мя мрачное и безчеловечное демонов срящет, и никто же в помощь спутствуяй, или избавляяй. Тем припадаю Твоей благости, не предаждь обидящим мя, ниже да похвалятся о мне врази мои, Благий Господи, ниже да рекут: в руки наша пришел еси и нам предан еси. Ни, Господи, не забуди щедрот Твоих и не воздаждь ми по беззако-нию моим, и не отврати лица Твоего от мене; но Ты, Господи, накажи мя, обаче милостию и щедротами, враг же мой да не возрадуется о мне, но угаси его на мя прещения и все упраздни его действие. И даждь ми к Тебе путь неукорный, Благий Господи, занеже, и согрешив, не прибегох ко иному врачу и не прострех руки моей к богу чуждему. Не отрини убо моления моего, но услыши мя Твою благостию и утверди мое сердце страхом Твоим; и да будет благодать Твоя на мне, Господи, яко огнь попалаяй нечистыя во мне помыслы. Ты бо еси, Господи, свет паче всякаго света, радость паче всякия радости, упокоение паче всякаго упокоения, жизнь истинная и спасение, пребывающее во веки веков. Аминь.





## **Молитва св. праведного Иоанна Кронштадского об укреплении в Православной вере и единстве**

«Господи, утверди в вере сей сердце мое и сердца всех православных христиан; сей веры и сего чаяния жити достойно вразуми; соедини в вере сей все великие общества христианские, бедственno отпадшие от единства Святой Православной Кафолической Церкви, яже есть Тело Твое и ее же Глава еси Ты и Спаситель Тела; низложи гордыню и противление учителей их и последующих им; даруй им сердцем уразуметь истину и спасительность Церкви Твоей и неленостно ей соединиться; совокупи Твоей Святой Церкви и недугующих невежеством, заблуждением и упорством раскола, сломив силою благодати Духа Твоего упорство их и противление Истине Твоей, да не погибнут люте в своем противлении, якоже Корей, Дафан и Авирон, противившиеся Моисею и Аарону, рабам Твоим. К сей вере привлецы все языцы, населяющие землю, да единым сердцем и едиными усты все языцы прославят Тебя, Единого всех Бога и Благодетеля; в сей вере и нас всех соедини духом кротости, смирения, незлобия, простоты, бесстрастия, терпения, долготерпения, милосердия, соболезнования и сорадования». АМИНЬ.





## **Песнь хвалебная святого Амвросия, епископа Медиоланского**

Тебе Бога хвалим, Тебе Господа исповедуем, Тебе Превечного Отца вся земля величает; Тебе все ангели, Тебе небеса и вся Силы, Тебе Херувими и Серафими непрестанными гласы взывают: Свят, Свят, Свят, Господь Бог Саваоф, полны суть небеса и земля величества славы Твоей, Тебе преславный Апостольский лик, Тебе пророческое хвалебное число, Тебе хвалит пресветлое мученическое воинство, Тебе по всей вселенней исповедует Святая Церковь, Отца непостижимаго величества, покланяемаго Твоего истиннаго и Единороднаго Сына и Святаго Утешителя Духа. Ты, Царю славы, Христе, Ты Отца Присносущный Сын еси: Ты, ко избавлению приемля человека, не возгнушался еси Девическаго чрева; Ты, одолев смерти жало, отверзл еси верующим Царство Небесное. Ты одесную Бога седиши во славе Отчей, Судия приити веришися. Тебе убо просим: помози рабом Твоим, ихже Честною Кровию искупил еси. Сподоби со святыми Твоими в вечной славе Твоей царствовати. Спаси люди Твоя, Господи, и благослови достояние Твое, исправи я и вознеси их во веки; во вся дни благословим Тебе и восхвалим имя Твое во век и в века века. Сподоби, Господи, в день сей без греха сохранитися нам. Помилуй нас, Господи, помилуй нас: буди милость Твоя, Господи, на нас, якоже уповахом на Тя. На Тя, Господи, уповахом, да не постыдимся во веки. Аминь.





## Молитва по соглашению

Господи, Иисусе Христе, Сыне Божий, Ты бо рекл еси пречистыми усты Твоими: «Аминь глаголю вам, яко аще двое от вас совещаются на земли всякой вещи, ее же аще просите, будете иметь от Отца Моего, Иже на Небесех: где же два или трое собрались во имя Мое, ту есмь Аз посреде их». Непреложны слова Твоя, Господи, милосердие Твое безприкладно и человеколюбию Твоему несть конца. Сего ради молим Тя: даруй нам, рабам Твоим (*имена*), согласившимся просить Тя (*просьба*), исполнения нашего прошения. Но обаче не якоже мы хотим, но якоже Ты. Да будет во веки воля Твоя. Аминь.





## Молитва иерея (Прав. Иоанна Кронштадского)

О Дражайший и Сладчайший Иисусе мой! Благодарю Тебя, что Ты меня недостойнейшего облек великою благодатью священства! Но прости, Иисусе мой, что я не усугубил дары благодати Твоей и погубил драгоценное время жизни моей! Даруй мне, Сладчайший Иисусе мой, поне от ныне положить начало благое: ежедневно нудить себя к Царствуию Небесному и ежедневно усвоять умом, сердцем и жизнию святые Твоя истины. Соделай меня недостойнейшего истинным, добрым и мудрым пастырем и руководителем народа Твоего; приложи мне веру крепкую и непоколебимую и облеки меня во глубину святаго смирения. Ими же веши судьбами спаси меня недостойного, сродников по плоти и чад моих духовных. Аминь.





## **Молитвы иерея (св. Иннокентия, митрополита Московского)**

Иисусе Слове Божий! Даждь разум и слово мне, Твоему слабейшему служителю, дабы я мог и ныне и всегда достойно возвещать слово Царствия Твоего, и коснись Твою благодатию сердец наших, дабы всякое слово Твое доходило до нашего сознания сердечного.

Господи Иисусе Христе Боже мой, молитвами Пречистыя Твоей Матери, святых небесных Сил и всех Святых приими мою грешную и недостойную молитву за всех моих чад духовных, живых и умерших. Услыши молитву мою и даруй всем милость Твою: живых спаси и соблюди в мире и благосостоянии, усопшим остави грехи и даруй им вечный покой и бесконечную радость.





## **Молитва неграмотного после причащения Святых Таин (прот. И. Европейцева)**

Господи Иисусе Христе Пресладкий мой Искупителю, я чувствую, что Твоего пресвятаго Тела и Крови я недостоин, но по Твоей благости и я принял Твою Чашу, как мои братья: благодарю Тебя от всего сердца за Твою Небесную Милость ко мне и благодать. Молю Тебя, Господи, да будет мне сие приобщение в очищение грехов и здравие тела, в исправление жизни и будущее вечное блаженство.





## Молитва в день рождения

Господи Боже, Владыка всего мира видимого и невидимого. От Твоей святой воли зависят все дни и лета моей жизни. Благодарю Тебя, премилосердный Отче, что Ты дозволил мне прожить еще один год; знаю, что по грехам моим я недостоин этой милости, но Ты оказываешь мне ее по неизреченному человеколюбию Твоему. Продли и еще милости Твои мне, грешному; продолжи жизнь мою в добродетели, спокойствии, в здравии, в мире со всеми сродниками и в согласии со всеми близкими. Подай мне изобилие плодов земных и все, что к удовлетворению нужд моих потребно. Наипаче же очисти совесть мою, укрепи меня на пути спасения, чтобы я, следя по нему, после многолетней в мире сем жизни, перейдя в жизнь вечную, удостоился быть наследником Царства Твоего Небесного. Сам, Господи, благослови начинаяемый мною год и все дни жизни моей. Аминь.





## Молитва в день Нового года

Господи Боже, всех видимых и невидимых тварей, Творец и Зиждитель, со-творивший времена и лета, Сам благослови начинаящийся сего дня Новый Год, который мы считаем от воплощения Твоего для нашего спасения. Дозволь нам провести сей год и многие по нем в мире и согласии с ближними нашими; укрепи и распространи Святую Вселенскую Церковь, которую Ты Сам основал, и спаситель-ною жертвою святого Тела и пречистой Крови освятил. Отечество наше возыси, сохрани и прославь; долгоденствие, здравие, изобилие плодов земных и благорас-творение воздухов дай нам; меня, грешного раба Твоего, всех родственников и близких моих и всех благоверных христиан, как истинный наш верховный Пас-тырь, упаси, огради и на пути спасения утверди, чтобы мы, следя по нему после долговременной и благополучной жизни в мире сем, достигнули Царства Твоего Небесного и удостоились вечного блаженства со святыми Твоими. Аминь.





## Молитва перед чтением духовных книг

Господи, Иисусе Христе, открой мои очи сердечные, чтобы я, услыша Слово Твое, уразумел оное и исполнил волю Твою. Не скрой от меня заповедей Твоих, но отверзи очи мои, чтобы я уразумел чудеса от закона Твоего. Скажи мне безвестное и тайное премудрости Твоей! На Тебя уповаю, Боже мой, и верую, что Ты просветишь ум мой и смысл светом разума Твоего и что тогда я не только прочту написанное, но и исполню оное. Соделай, чтобы я не в грех себе Жития Святых и Слово Твое прочитал, но во обновление и просвещение, и в святыню, и во спасение души, и в наследие жизни вечной. Ибо Ты, Господи, просвещение лежащих во тьме и от Тебя есть всякое даяние благое и всякий дар совершенный. Аминь.





## Молитва на освящение всякой вещи (священником)

Создателю и Содетелю человеческаго рода, Дателю благодати духовныя, Потателю вечнаго спасения, Сам, Господи, посли Духа Твоего Святаго с вышним благословением на вещь сию, яко да вооружена силою небеснаго заступления хощим ю употребляти, помошна будет к телесному спасению и заступлению и помоши, о Христе Иисусе Господе нашем. Аминь.

*(И кропить вещь святой водой трижды).*





## Молитва любимому святыму

Угодниче Божий (имярек). Поминай в благоприятных твоих молитвах перед Христом Богом, да сохранит Он нас от искушений, болезней и скорбей, да дарует нам смиление, любовь, рассуждение и кротость, и да сподобит Он нас, недостойных, Царствия Своего. Аминь.





## Молитва перед выходом из дома

Отрицаюся тебе, сатано, гордыни твоей и служению тебе, и сочетаюся Тебе, Христе, во имя Отца и Сына и Святаго Духа. Аминь. (*И оградить себя крестным знамением*).





## **Молитва на вхождение в новый дом**

Боже Спасителю наш, изволивый под сень Закхеевуvniti и спасение тому и всему дому того бывый, Сам и ныне зде жити восхотевшия, и нами, недостойными мольбы Тебе и моления приносящия, от всякаго вреда соблюди невредимы, благословляя тех зде жилище, и ненаветен тех живот сохраняяй. Аминь.





## **Две утренние малоизвестные МОЛИТВЫ**

Тебе, Богу и Творцу моему, в Троице Святей славимому Отцу и Сыну и Святому Духу, поклоняюся и вручаю душу и тело мое, и молюся: Ты мя благослови, Ты мя помилуй, и от всякаго мирскаго, диавольскаго и телеснаго зла избави. И дажь в мире без греха прейти день сей, в славу Твою, и во спасение души моей. Аминь.

Слава Тебе, Царю, Боже Вседержителю, Иже Божественным Твоим и человеколюбным промыслом, сподобил мя еси, грешнаго и недостойнаго, от сна встати и получить вход святаго дому Твоего: прими, Господи, и глас моления моего, яко же святых и умных Твоих сил, и благоволи сердцем чистым, и духом смиренным приносити Тебе хвалу от скверных устен моих, яко да и аз общиник буду мудрым девам, со светлою свещею души моей, и славлю Тя во Отце и Дусе славимаго Бога Слова. Аминь.





## Молитвы ко Пресвятой Богородице от человека, собирающегося в путь



О, Пресвятая Владычице моя, Дево Богородице, Одигитрие, покровительнице и упование спасения моего! Се в путь, мне предлежащий, ныне хощу отлучитися и на время сие вручаю Тебе, премилосердой Матери моей, душу и тело мое, вся умныя моя и вещественныя силы, всего себе вверяя в крепкое Твое смотрение и всесильную Твою помощь. О, благая Спутница и Защитница моя! Усердно молю Тя, да не ползок путь мой сей будет, руководствуй мя на нем, и направи его, Всесвятая Одигитрие, яко же Сама веси, ко славе Сына Твоего, Господа моего Иисуса Христа, буди ми во всем помощница, наипаче же в сем дальнем и многотрудном путешествии соблюди мя под державным покровом Твоим от

всяких находящих бед и скорбей, от враг видимых и невидимых, и моли о мне, Госпоже моя, Сына Твоего Христа Бога нашего, да послет в помощь мне Ангела Своего мирна, верна наставника и хранителя, да яко же древле даровал есть рабу Своему Товии Рафаила, на всяком месте и во всякое время хранивша его в пути от всякаго зла: тако и мой путь благополучно управив и сохранив мя небесною силою, — здрава да возвратит мя, мирна и всецела к жилищу моему во славу имени Своего Святаго, славяща и благословяща Его во вся дни жизни моего и Тебе величающа ныне и присно, и во веки веков. Аминь.





## Молитва на сон

И даждь нам, Владыко, на сон грядущим, покой тела и души, и сохрани нас от мрачного сна греховнаго, и всякаго темнаго и нощнаго сладострастия. Утиши стремление страстей, и угаси разжженныя стрелы лукаваго, яже на ны лъстиво движимыя. Плоти нашея востания утоли, и всяко земное и вещественное наше мудрование успи. И даруй нам, Боже, бодр ум, целомудр помысл, сердце трезвящееся, сон легок, и всякаго сатанина мечтания изменен. Возстави же нас во время молитвы, утверждены в заповедех Твоих, и память судеб Твоих в себе тверду имуща. Всенощное словословие нам даруй, во еже пети и благословити и славити пречестное и великолепное имя Твое, Отца и Сына и Святаго Духа, ныне и присно и во веки веков. Аминь.





## Молитва против антихриста

(составленная оптинским старцем схиеромонахом Анатолием Потаповым).

Избави мя, Господи, от обольщения богомерзкого и злочитрого антихриста, близгрядущего, и укрой меня от сетей его в сокровенной пустыне Твоего спасения. Даждь ми, Господи, крепость и мужество твердаго исповедания имени Твоего святого, да не отступлю страха ради дьявольского, да не отрекусь от Тебя, Спасителя и Искупителя моего, от Святой Твоей Церкви. Но даждь мне, Господи, день и ночь плачь и слезы о грехах моих, и пощади мя, Господи, в час Страшного Суда Твоего. Аминь.





## **Молитва на благословение пищи и пития мирянам**

Господи, Иисусе Христе, Боже наш, благослови нам пищу и питие молитвами Пречистыя Твоей Матере и всех святых Твоих, яко благословен во веки веков. Аминь.  
*(И перекрестить пищу и питие.)*





## Перед вкушением пищи

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

*Или:* Очи всех на Тя, Господи, уповают, и Ты даёши им пищу во благовремении, отверзаёши Ты щедрую руку Твою и исполняёши всякое животное благоволения.





## После вкушения пищи

Благодарим Тя, Христе Боже наш, яко насытил еси нас земных Твоих благ; не лиши нас и Небеснаго Твоего Царствия, но яко посреде учеников Твоих пришел еси, Спасе, мир даяй им, прииди к нам и спаси нас.





## Перед началом всякого дела

Царю Небесный, Утешителю, Душе истины, Иже везде сый и вся исполняй,  
Сокровище благих и жизни Подателю, прииди и вселися в ны, и очисти ны от  
всякия скверны, и спаси, Блаже, души наша.

Благослови, Господи, и помоги мне, грешному, совершить начинаемое мною  
дело, во славу Твою.

Господи, Иисусе Христе, Сыне Единородный Безначального Твоего Отца, Ты  
бо рекл еси пречистыми усты Твоими, яко без Мене не можете творитиничесоже.  
Господи мой, Господи, верою объем в души моей и сердце Тобою реченная, при-  
падаю Твоей благости: помози ми, грешному, сие дело, мною начинаемое, о Тебе  
Самом совершити, во имя Отца и Сына и Святаго Духа, молитвами Богородицы и  
всех Твоих святых. Аминь.





## По окончании дела

Исполнение всех благих Ты еси, Христе мой, исполни радости и веселия душу мою и спаси мя, яко един Многомилостив, Господи, слава Тебе.

Достойно есть яко воистинну блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истлания Бога Слова рождшую, сущую Богородицу Тя величаем.






## Молитва последних Оптинских старцев на начало дня

Господи, дай мне с душевным спокойствием встретить все, что даст мне сей день. Господи, дай мне вполне предаться воле Твоей Святой. Господи, на всякий час сего дня во всем наставь и поддержи меня. Господи, открай мне волю Твою для меня и окружающих меня. Господи, какие бы я ни получил известия в течение дня, дай мне принять их с покойной душой и твердым убеждением, что на все Святая воля Твоя. Господи, Великий, Милосердный, во всех моих делах и словах руководи моими мыслями и чувствами, во всех непредвиденных обстоятельствах не дай мне забыть, что все ниспослано Тобой. Господи, дай мне разумно действовать с каждым из ближних моих, никого не огорчая и никого не смущая. Господи, дай мне силу перенести утомления сего дня и все события в течение его. Руководи моею волею и научи молиться и любить всех нелицемерно. Аминь.





## На принятие просфоры и святой воды



Господи Боже мой, да будет дар Твой святый святая Твоя просфора и святая Твоя вода во оставление грехов моих, в просвещение ума моего, в укрепление духовных и телесных сил моих, во здравие души и тела моего, в покорение страстей и немощей моих по безпределльному милосердию Твоему молитвами Пречистыя Твоей Матери и всех святых Твоих. Аминь.





## О даровании молитвы

Научи мя, Господи, усердно молиться Тебе со вниманием и любовью, без которых молитва не бывает услышана! Да не будет у меня небрежной молитвы во грех мне!





## Молитва идущего в церковь

Возвеселихся о рекших мне: в дом Господень пойдем. Аз же множеством милости Твоей, Господи, вниду в дом Твой, поклонюся ко храму святому Твоему в страсе Твоем. Господи, настави мя правдою Твою, враг моих ради исправи пред Тобою путь мой; да без преткновения прославлю Едино Божество, Отца и Сына и Святаго Духа, ныне и присно и во веки веков. Аминь.





## **О даровании кротости и смирения в служении ближним. Молитва св. Иоанна Кронштадтского.**

О, кроткий и смиренный сердцем Творче, Жизнодавче, Искупителю, Кормите-лю и Хранителю наш, Господи Иисусе! Научи Ты нас любви, кротости и смирению Духом Твоим Святым и укрепи нас в сих достолюбезнейших Тебе добродетелях, да не надмевают нашего сердца дары Твои богатые, да ни мним мы, что мы питаем, довольствуем и поддерживаем коголибо: Ты — общий всех Кормилец — питаешь, довольствуешь и хранишь; все под крылами Твоего благости, щедрот и человеколюбия довольствуются и покоятся, а не под нашими, ибо мы сами имеем нужду укрываться в тени крыл Твоих, — каждое мгновение нашей жизни. Наши очи устремлены к Тебе, Богу нашему, якоже очи раб в руку господий, очи рабыни в руку госпожи своея, дондеже ущедриши нас. Аминь.





## **В печали по Богу. Молитвенный плач прп. Силуана Афонского.**

Сердце мое возлюбило Тебя, Господи, и потому скучаю по Тебе и слезно ищу Тебя. Ты украсил небо звездами, воздух — облаками, землю же — морями, реками и зелеными садами, где поют птицы, но душа моя возлюбила Тебя и не хочет смотреть на этот мир, хотя он и прекрасен. Только Тебя желает душа моя, Господи. Приди, и вселись, и очисти меня от грехов моих. Ты видишь с высоты святой славы Твоей, как скучает душа моя по Тебе. Не оставь меня, раба Твоего; услыши меня, вопиющего, как пророк Давид: «Помилуй мя, Боже, по велицей Твоей милости».





# Молитвы ко Пресвятой Богородице

## Молитва первая

О Пресвятая Госпоже Владычице Богородице! Воздвигни нас, раб Божиих (*имена*) из глубины греховныя и избави нас от смерти внезапныя и от всякого зла. Подаждь, Госпоже, нам мир и здравие и просвети нам ум и очи сердечныя, еже ко спасению, и сподоби ны, грешныя рабы Твоя, Царствия Сына Твоего, Христа Бога нашего: яко держава Его благословенна со Отцем и Пресвятым Его Духом.

## Молитва вторая

Пресвятая Деvo, Мати Господа, покажи на мне, убозем, и рабах Божиих (*имена*) древния милости Твоя: низпосли дух разума и благочестия, дух милосердия и кротости, дух чистоты и правды. Ей, Госпоже Пречистая! Милостища мне буди где и на Страшном Суде. Ты бо еси, Госпоже, слава небесных и упование земных. Аминь.

## Молитва третья

Нескверная, Неблазная, Нетленная, Пречистая, Неневестная Богоневесто, Богородице Марие, Госпоже мира и Надежде моей! Призри на мя, грешнаго, в час сей и Егоже из чистых кровей Твоих неискусомужно родила еси Господа Иисуса Христа, милостища мне соделай матерними Твоими молитвами; Того зревшая осужденна и оружием печали в сердце уязвившаяся, уязви душу мою Божественною любовию! Того в узах и поруганиях горце оплакавшая, слезы сокрушения мне даруй; при вольном Того ведении на смерть душею тяжце поболевшая, болезней мя свободи, да Тя славлю, достойно славимую во веки. Аминь.

## Молитва четвертая

Заступнице усердная, благоутробная Господа Мати! К Тебе прибегаю аз, окаянный и паче всех человек грешнейший: вонми гласу моления моего, и вопль мой и стенание услыши. Яко беззакония моя превзыдоша главу мою и аз, якоже корабль в пучине, погружаюся в море грехов моих. Но Ты, Всеблагая и Милосердая Владычице, не презри мене, отчаянного и во грехах погибающего; помилуй мя, кающихся во злых делах моих, и обрати на путь правый заблуждшую окаянную душу мою. На Тебе, Владычице моя Богородице, возлагаю все упование мое. Ты, Мати Божия, сохрани и соблюди мя под кровом Твоим, ныне и присно и во веки веков. Аминь.

## Молитва пятая

Пресвятая Владычице Богородице, единая чистейшая душею и телом, единая превысшая всякой чистоты, целомудрия и девства, единая всецело содеявшаяся

обителию всецелой благодати всясвятаго Духа, самыя невещественныя силы здесь еще несравненно превзошедшая чистотою и святынею души и тела, призри на мя мерзкаго, нечистаго, душу и тело очернившаго скверною страстей жизни моей, очисти страстный мой ум, непорочными соделай и благоустрой блуждающие и слепотствующие помыслы мои, приведи в порядок чувства мои и руководствуй ими, освободи меня от мучительствующаго надо мною злого и гнуснаго навыка к нечистым предразсудкам и страстям, останови всякий действующий во мне грех, омраченному и окаянному уму моему даруй трезвение и разсудительность для исправления своих поползновений и падений, чтобы, освободившись от греховной тьмы, сподобился я с дерзновением прославлять и песнословить Тебя, единую Матерь истиннаго Света — Христа, Бога нашего; потому что Тебя одну с Ним и о Нем благословляет и славит всякая невидимая и видимая тварь ныне, и всегда, и во веки веков. Аминь.

**Молитва шестая**

О Пресвятая Дево, Мати Господа Вышняго, Заступнице и Покрове всех, к Тебе прибегающих! Призри с высоты святыя Твоя на мя, грешнаго (имя), припадающаго ко пречистому образу Твоему; услыши мою теплую молитву и принеси ю пред Возлюбленного Сына Твоего, Господа нашего Иисуса Христа; умоли Его, да озарит мрачную душу мою светом Божественныя благодати Своей, да избавит мя от всякия нужды, скорби и болезни, да низпослет мне тихое и мирное житие, здравие телесное и душевное, да умирит страждущее сердце мое и исцелит раны его, да наставит мя на добрая дела, ум мой убо от помышлений суетных да очистит, исполнению же заповедей Своих мя научив, от вечныя муки да избавит и Своего Небеснаго Царствия да не лишит мя. О Пресвятая Богородице! Ты, «Всех скорбящих Радосте», услыши и мя, скорбнаго; Ты, именуемая «Утоление печали», утоли и мою печаль; Ты, «Купино Неопалимая», сохрани мир и всех нас от вредоносных огненных стрел врага; Ты, «Взыскание погибших», не попусти и мне погибнуть в бездне грехов моих. На Тя бо по Бозе вся моя надежда и упование. Буди мне в жизни временней Заступница, и о жизни вечнай пред Возлюбленным Сыном Твоим, Господем нашим Иисусом Христом, Ходатаица. Научи мя Тому убо с верою и любовию служити, Тебе же, Пресвятая Мати Божия, Преблагословенная Марие, благоговейно чтити до скончания дней моих. Аминь.






## **Молитва прп. Нектария Оптинского**

Господи Иисусе Христе Сыне Божий, грядый судити живых и мертвых помилуй нас, грешных, прости грехопадения всей нашей жизни, и имиже веси судьбами сокрый нас от лица антихриста в сокровенной пустыне спасения Твоего.






## **Молитвы некоторым святым о путешествующих**



## Святителю Николаю



О, всесвятый Николае, угодниче преизрядный Господень, теплый наш заступниче, и везде в скорбех скорый помощниче! Помози мне грешному и унылому в настоящем сем житии, умоли Господа Бога даровати ми оставление всех моих грехов, елико согреших от юности моей, во всем житии моем, делом, словом, помышлением и всеми моими чувства; и во исходе души моей помози ми окаянному, умоли Господа Бога, всея твари Содетеля, избавити мя воздушных мытарств и вечного мучения: да всегда прославляю Отца и Сына и Святаго Духа, и твое милостивное представительство, ныне и присно и во веки веков. Аминь.

### Тропарь, глас 4

Правило веры и образ кротости, воздержания учителя яви тя стаду твоему яже вещей истина; сего ради стяжал еси смиренiem высокая, нищетою богатая, отче священноначальниче Николае, моли Христа Бога спастися душам нашим.

### Кондак, глас 3

В Мирех, святе, священнодействитель показался еси: Христово бо, преподобне, Евангелие исполнив, положил душу твою о людех твоих, и спасл еси неповинныя от смерти; сего ради освятился еси, яко великий таинник Божия благодати.





## **Преподобным Кириллу и Марии, родителям преподобного Сергия Радонежского**

О раби Божии, схимонаше Кирилле и схимонахине Марие! Внемлите смиренномолению нашему. Аще бо временное житие ваше скончали есте, но духом от нас не отступаете, присно по заповедем Господним шествовать нас научающе и крест свой терпеливо носити нам пособствующе. Се бо вкупе со преподобным и богоносным отцем нашим Сергием, вашим возлюбленным сыном, дерзновение ко Христу Богу и ко Пречистой Его Матери стяжали есте. Темже и ныне будите молитвенницы и ходатаи о нас, недостойных рабах Божиих(имена). Будите нам заступницы крепции, да верою живуще, заступлением вашим сохраняеми, невредими от бесов и от человек злых пребудем, славяще Святую Троицу, Отца и Сына и Святаго Духа, ныне и присно и во веки веков. Аминь.





## **Святыму великомученику Прокопию**

О святый страстотерпче Христов Прокопие! Услыши нас грешных, предстоящих ныне пред Святою иконою твою и умилъно молящих тя: помолимся о нас(имена) к Иисусу Христу Богу нашему и Его рождшай Матери, Владычице нашей Богородице, еже отпустити нам согрешения наша, яже содеяхом. Испроси у Господа к пользе душевней и телесней милость, мир, благословение, во еже избавитися нам всем в день судный страшный, шуя части спастися, стати же одесную со избранными Его к наследию Царствия Небеснаго, яко Тому подобает всякая слава, честь и поклонение со Безначальным Его Отцем и Пресвятым и Благим и Животворящим Его Духом, ныне и присно и во веки веков. Аминь.






## **Святым сорока мученикам Севастийским**

О страстотерпцы Христовы, во граде севастийstem мужественно пострадавшии, к вам, яко молитвенникам нашим, усердно прибегаем и просим: испросите у Всещедраго Бога прощение согрешений наших и жития нашего исправление, да в покаянии и нелицемерней любви друг ко другу поживше, со дерзновением предстанем страшному судищу Христову и вашим предстательством одесную Праведного Судии предстанем. Ей, угодницы Божии, будите нам, рабам Божиим(имена), защитницы от всех враг видимых и невидимых, да под кровом святых ваших молитв избавимся от всех бед, зол и напастей до последнего дне жизни нашея, и тако прославим Великое и Достопокланяемое имя Вседетельныя Троицы, Отца и Сына и Святаго Духа, ныне и присно и во веки веков. Аминь.





## **МОЛИТВЫ СВЯТЫМ**



## Собору двенадцати Апостолов

О святии апостоли Христовы: Петре и Андрее, Иакове и Иоанне, Филиппе и Варфоломее, Фомо и Матфеем, Иакове и Иудо, Симоне и Матфие! Услышите наши молитвы и вздохания, сердцем сокрушенным ныне приносимые и помозите нам, рабам Божиии(*имена*), вашим мощным пред Господем ходатайством, избавитися от всякаго зла и вражия лести, твердо же преданную вами веру православную сохраняти, в ней же вашим представительством ни ранами, ни прещением, ни мором, ни коим гневом от Создателя нашего умалени будем, но мирное зде поживем житие и сподобимся видети благая на земли живых, славяще Отца и Сына и Святаго Духа, Единаго в Троице славимаго и покланяемаго Бога, ныне и присно и во веки веков.






## Преподобному Пафнутию, игумену Боровскому

О священная главо, земный ангеле, небесный человече, великий чудотворче, преподобне отче наш Пафнутие! К тебе с верою и любовию усердно прибегаем и умиленно твоего заступления просим. Не дерзаем, грех ради наших, с свободою чад Божиих Господа и Владыку нашего о помиловании и прощении просити. Но тебе молитвенника к Нему благоприятна предлагаем и молим: испроси нам у благости Его дары благопотребныя и спасительныя душам нашим: веру правую, во благочестии крепкое стояние, грехов прощение, жития совершенное исправление, да обратившиеся от злых дел к богоугождению, прочее не прогневляем Господа святых Его заповедей преступлением. Умоли, святче Божий, Всевышняго Творца даровать мир и благочестие стране нашей православной. Сохрани, угодниче Христов, святую обитель твою, тобою созданную, и вся живущия и подвзывающиеся в ней от всякаго зла ненаветны. Призри милостивно на люди, раце мощей твоих предстоящия, и вся прошения их во благое исполни. Нам же всем здравие душевное и телесное, земли плодоносие, тихое и богоугодное житие, благую христианскую кончину и добрый ответ на Страшнем Суде у Всемилостиваго Бога исходатайствуй. Ей, отче, вемы, яко много может молитва твоя пред лицем Вседержителя Господа, и ничтоже невозможno есть ходатайству твоему, аще токмо восхощешি: сего ради крепце на тя уповаем, и на твоя святыя молитвы вельми надеемсяя, яко ты приведеши нас, представительством твоим, в тихое пристанище спасения и наследники явиши ны светлаго Царствия Христова. Не посрами же упования нашего, чудотворче святый, и сподоби нас вкупе с тобою блаженства Райского наслаждатися, да славим, хвалим и величаем великую милость к нам Человеколюбца Бога, Отца и Сына и Святаго Духа, и твое благое отеческое заступление во веки веков. Аминь.





# Преподобному Александру Свирскому



## Тропарь, глас 4-й:

От юности, богомудре, желанием духовным в пустыню вселився, единаго Христа возжелал еси усердно стопам вслед ходити. Темже и ангельстии чини, зряще тя, удивишася, како с плотию невидимым козням подвизався, премудре, победил еси полки страстей воздержанием и явился еси равноангелен на земли, Александре, преподобне, моли Христа Бога, да спасет души наша.

## Кондак, глас 8-й:

Яко многосветлая звезда днесь в странах Российских возсиял еси, отче, вселившись в пустыню, Христовым стопам последовати усердно возжелел еси и, Того святое иго на рамо твоев взем честный крест, умертвил еси труды подвиг твоих, телесная взыграния. Темже вопием ти: спаси стадо твое еже собрал еси, мудре, да зовем ти: радуйся, преподобне Александре, отче наш.

## Молитва:

О, священная главо, ангеле земный и человече небесный, преподобне и Богоносне отче наш Александре, изрядный угодниче Пресвятыя и Единосущныя Троицы, многия милости живущим во святей обители твоей и всем, с верою и любовию притекающим к тебе, являй. Испроси нам вся к житию сему времененному благопотребная, паче же к вечному спасению нашему нужная. Пособствуй предстательством твоим, угодниче Божий, правителем страны нашей России. И да в мире глубоце пребудет святая Православная Церковь Христова. Буди всем нам, чудотворче святый, во всякой скорби и обстояниях скорый помощниче. Наипаче же в час кончины нашей явися нам, заступниче благосердый, да не предани будем на мытарствах воздушных власти злобного миродержца, но да сподобимся непреткновенного восхода во Царствие Небесное.

Ей, отче, молитвенниче наш присный! Не посрами упования нашего, не презри смиренных молений наших, но присно о нас пред Престолом Живоначальной Троицы предстательствуй, да сподобимся вкупе с тобою и со всеми святыми, аще

и недостойни есмы, в селениих райских славити величие, благодать и милость Единаго в Троице Бога, Отца и Сына и Святаго Духа, во веки веков. Аминь.





## Преподобному Серафиму, Саровскому Чудотворцу

### Тропарь, глас 4-й:

От юности Христа возлюбил еси, блаженне, и Тому Единому работати пламенне вожделев, непрестанною молитвою и трудом в пустыни подвизался еси, умиленным же сердцем любовь Христову стяжав, избранник возлюблен Божия Матери явился еси. Сего ради вопием ти: спасай нас молитвами твоими, Серафиме, преподобне отче наш.

### Кондак, глас 2-й:

Мира красоту и яже в нем тленная оставив, преподобне, в Саровскую обитель вселился еси; и тамо ангельски пожив, многим путь был еси ко спасению. Сего ради и Христос тебе, отче Серафиме, прослави, и даром исцелений и чудес обогати. Темже вопием ти: радуйся, Серафиме, преподобне отче наш.

### Молитва:

О, пречудный отче Серафиме, великий Саровский чудотворче, всем прибегающим к тебе скоропослушный помощниче! Во дни земного жития твоего никто же от тебя тощь и неутешен отыде, но всем в сладость бысть видение лика твоего и благоувертливый глас словес твоих. К сим же и дар исцелений, дар прозрений, дар немощных душ врачевания обилен в тебе явися. Егда же призыва тя Бог от земных трудов к небесному упокоению, николиже любовь твоя преста от нас, и невозможно есть исчислiti чудеса твоя, умножившаяся, яко звезды небесныя: се бо по всем концем земли наше людем Божиим являешся и даруши им исцеления. Темже и мы вопием ти: о, претихий и кроткий угодниче Божий, дерзновенный к Нему молитвенниче, николиже призывающая тя отреваяй! Вознеси о нас благомощную твою молитву ко Господу сил, да дарует нам вся благотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже безпреткновенно внити нам в Вечное Небесное Царство, идеже ты ныне в незаходим сияши славе, и тамо воспевати со всеми святыми Живоначальную Троицу во веки веков. Аминь.

### Молитва:

О преподобне отче Серафиме! Вознеси о нас, рабех Божиих (*имена*), благомощную твою молитву ко Господу сил, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже безпреткновенно внити нам в вечное

Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу во веки веков.





## Молитва Святому Царю Страстотерпцу Николаю



### Молитва:

О святый страстотерпче, царю мучениче Николае! Господь тя избра помазанника Своего, во еже милостивно и право судити людем твоим и хранителем церкви православныя быти. Сего ради со страхом Божиим царское служение и о душах попечение совершал еси. Господь же, испытуя тя, яко Иова многострадального, попусти ти поношения, скорби горькия, измену, предательство, близких отчуждение и в душевных муках земнаго царства оставление. Вся сия ради блага России, яко верный сын ея, претерпев и, яко истинный раб Христов, мученическую кончину прием, Небеснаго Царства достигл еси, идеже наслаждаeшия вышния славы у престола всех Царя, купно со святою супружницею твою, царицею Александрою, и царственными чады Алексием, Ольгою, Татианою, Марию и Анастасией.

Ныне, имея дерзновение велие у Христа Царя, моли, да простит Господь грех отступления народа нашего, и подаст грехов прощение, и на всякую добродетель наставит нас, да стяжим смирение, кротость и любовь и сподобимся Небесного Царствия, идеже купно с тобою и всеми святыми новомученики и исповедники российскими прославим Отца и Сына Святаго Духа, ныне и присно, и во веки веков. Аминь. (М. Издательский Совет Русской Православной Церкви, 2003, по благословению Святейшего Патриарха Московского и всея Руси Алексия II).





# Тропарь Святыму Благоверному Царю-Мученику Николаю о спасении России (из Службы Святым Царственным Мученикам)

Тропарь, глас 5.

Царства земного лишение, узы и страдания многоразличныя кротко претерпел еси, свидетельствовав о Христе даже до смерти от богоуборцев, страстотерпче великий Боговенчанный царю Николае, сего ради мученическим венцем на Небесех венча тя с царицею, и чады, и слуги твоими Христос Бог, Егоже моли помиловать страну Российскую и спаси души наша.





# Святому равноапостольному Великому Князю Владимиру



Внук святой княгини Ольги, Владимир, поначалу, был язычником, но, чувствуя внутренне пустоту и ложь идолопоклонства, пережил обращение. В 988 году он принял Святое Крещение от греков и крестил свой народ.

Св. Владимир строил церкви и школы, заботился о нищих и сиротах, являл собой пример милосердия и гостеприимства.

Православная Церковь при св. Владимире становится духовным руководителем и просветителем русского народа, тем самым, именно князем Владимиром Святым был заложен несокрушимый духовный фундамент тысячелетней российской истории.

**Молитва первая** О великий угодниче Божий, богоизбранный и богопрославленный, равноапостольный княже Владимире! Ты отринул еси злование и нечество языческое, уверовал еси во Единаго Истиннаго Триипостаснаго Бога и, восприяв Святое Крещение, просветил еси светом Божественныхя веры и благочестия всю страну Русскую. Славяще убо и благодаряще Премило-

сердаго Творца и Спасителя нашего, славим, благодарим и тя, просветителю наш и отче, яко тобою познахом спасительную веру Христову и крестихомся во Имя Пресвятыя и Пребожественныхя Троицы: тою верою избавихомся от праведнаго осуждения Божия, вечнаго рабства диаволя и адова мучительства: тою верою восприяхом благодать всыновления Богу и надежду наследования Небеснаго блаженства. Ты еси первый вождь наш к Начальнику и Совершителю нашего вечнаго спасения Господу Иисусу Христу; ты еси теплый молитвенник и ходатай о стране Русской, о воинстве и о всех людех. Не может язык наш изобразити величие и высоту благодеяний, тобою излиянных на землю нашу, отцев и праотцев наших и на нас, недостойных. О всеблагий отче и просветителю наш! Призри на немощи наша и умоли премилосердаго Царя Небеснаго, да не прогневается на ны зело, яко по немощем нашим по вся дни согрешаем, да не погубит нас со беззаконь-

ми нашими, но да помилует и спасет нас, по милости Своей, да всадит в сердце наше спасительный страх Свой, да просветит Свою благодатию ум наш, во еже разумети нам пути Господни, оставити стези нечестия и заблуждений, тщатися же во стезях спасения и истины, неуклонного исполнения заповедей Божиих и уставов Святыя Церкви. Моли, благосерде, Человеколюбца Господа, да пробавит нам великую милость Свою, да избавит нас от нашествия иноплеменных, от внутренних нестроений, мятежей и раздоров, от глада, смертоносных болезней и от всякаго зла, да подаст нам благорастворение воздуха и плодоносие земли, да даст пастырем ревность о спасении пасомых, всем же людем споспешение о еже усердно службы своя исправляти, любовь между собою и единомыслие имети, на благо же Отечества и Святыя Церкви верне подвизатися, да возсияет свет спасительныя веры в стране нашей во всех концах ея, да упразднятся вся ереси и расколы, да тако поживше в мире на земли, сподобимся с тобою вечнаго блаженства, хваляще и превозносяще Бога во веки веков. Аминь.

**Молитва вторая** О великий угодниче Божий, равноапостольный княже Владимире! Призри на немощи наши и умоли Премилосердаго Царя Небеснаго, да не прогневается на ны зело и да не погубит нас со беззаконьми нашими, но да помилует и спасет нас по милости Своей, да всадит в сердца наша покаяние и спасительный страх Божий, да просветит Свою благодатию ум наш, во еже оставити нам стези нечестия и на путь спасения обратитися, неуклонно же заповеди Божия творити и уставы Святыя Церкви соблюдати. Моли, благосерде, Человеколюбца Бога, да явит нам великую милость Свою: да избавит нас от смертоносных болезней и от всякаго зла, да сохранит и спасет рабов Божиих (имена) от всех козней и наветов вражиих и да все мы сподобимся с тобою вечнаго блаженства, хваляще и превозносяще Бога во веки веков.





## **Святому блаженному Василию, Христа ради юродивому Московскому**

Блаженный Василий родился в 1468 году в Подмосковье, в крестьянской семье. Отроком его отдали в обучение сапожному ремеслу, а в 16 лет бежал из дома, призванный Господом на труднейший подвиг юродства, который он и проходил 72 года, живя на многолюдных стогнах царствующего града Москвы.

Блаженный изнурял свое тело постом, молитвой и всевозможными лишениями, он был прозорлив и совершал многие чудеса, обличал простых и знатных, невзирая на сан, но ведая внутреннее устроение человека.

Василий Блаженный скончался в 1552 году, его св. мощи были положены в Москве, в Покровском соборе на Красной площади.

### **Молитва**

О великий угодниче Христов, истинный друже и верный рабе Всетворца Господа Бога, преблаженне Василие! Услыши ны, многогрешныя, ныне воспевающие к тебе и призывающие имя твое святое, помилуй ны, припадающие днесъ к пречистому образу твоему, приими малое наше и недостойное сие моление, умилосердися над убожеством нашим и молитвами твоими исцели всяк недуг и болезнь души и тела нашего грешного, и сподоби ны течение жизни сея невредимо от видимых и невидимых врагов безгрешно прейти, и христианскую кончину, непостыдну, мирну, безмятежну, и Небеснаго Царствия наследие получить со всеми святыми во веки веков. Аминь.





## Молитва новомученикам и исповедникам Российским

Святыи новомученицы и исповедницы Церкви Российская, услышите усердную мольбу нашу! Вемы, яко нецыи от вас, еще отроцы суще, послушающе о древлих страстотерпцах, в сердце своем помыслиша, колико прелюбезно и доброхвально есть таковым подражати, ихже ни муки, ни смерть не разлучиша от любве Божия.

Благо же вам, яко последовали есте вере и терпению тех, о нихже слышасте и ихже возлюбисте. А понеже на всякое время возможно есть найти на ны испытанием нечаянным, испросите от Господа нам мужества дар, иже толико благопотребен есть в житии человечествем. Вся концы отечества нашего страданьми своими освятивший, яко общий за вся ны молитвенницы, умолите Бога, избавити люди Своя от ига, ужаснейшаго паче всякаго иного. И да отпустится нам и всему роду нашему грех, на народе российском тяготеющий: убиение царя, помазанника Божия, святителей же и пастырей с паствою, и страдания исповедников, и осквернение святынь наших. Да упразднятся расколы в Церкви нашей, да будут вей едино и да изведет Господь на жатву делатели Своя, си есть да не оскудевает Церковь пастырьми добрыми, иже имут просвещати светом истинныя веры столь великое множество людей, вере ненаученных, или от веры отвратившихся. Недостойни есмы милости Божия, обаче страданий ради ваших Христос Бог наш да ущедрит и помилует всех нас, в помощь вас призывающих. Мы же Ему, Спасителю нашему, со Отцем и со Святым Духом сокрушение о грешех и благодарение за вся всегда даносим, славяще Его во веки веков. Аминь.





## Святыму преподобному Иосифу Волоцкому



Преподобный Иосиф родился в 1440 году, близ Волоколамска. Двадцати лет от роду принял монашество и подвизался сначала в Пафнитиевом Боровском монастыре, а потом основал свой монастырь на родине своей, в Волоколамске.

Преподобный Иосиф непримиримо обличал ересь «жидовствующих» и написал против них книгу под названием «Просветитель», он был мудрым строителем монастырской жизни, руководствуясь во всем непогрешимыми правилами Святой Церкви. Скончался в 1515 году.


**Молитва** О великий наставниче, ревнителю и учителю Православия веры, святе премудре Иосифе! Приими моление, от нас, грешных, к тебе приносимое, и теплым представительством умоли в Троице славимаго Бога, да ниспослет

Он богатыя Своя милости нам, грешным: да утвердит во Святей Своей Православней Церкви правую веру и благочестие: пастырем ея да подаст святую ревность о спасении словеснаго стада, яко да верующих соблюдут, неверующих же и отпадших от истинныя веры вразумят и обратят. Всем же нам испроси вся благопотребная во временном сем житии и полезная к вечному спасению нашему. Помяни стадо свое, еже собрал еси, не забуди посещати чад своих и, яко чадолюбивый отец, не презри, ниже отрини моления наша, но воздежи руце свои молитвенней ко Господу Богу, да отложит праведный гнев Свой движимый на ны и избавит нас от враг видимых и невидимых, от глада, потопа, меча, смертоносныя язвы, нашествия иноплеменных и междуусобныя брани. Ей, премилосердый заступниче наш, преславный чудотворче, всех нас управи в мире и покаянии скончати живот наш и преселитися со упновением в блаженная недра Авраамова, идже непрестанно славословится всепетое имя Отца и Сына и Святаго Духа. Аминь. (Из акафиста)





## Святыму великомученику и Победоносцу Георгию



Св. Георгий жил во времена императора Диоклетиана, был сыном богатых и благочестивых родителей христиан. Поступив в военную службу, Георгий своею доблестью, умом и красотой скоро сделался любимцем Диоклетиана и заслужил звание тысяченачальника.

Однажды, став свидетелем бесчеловечного судилища над христианами, он раздал свое имение бедным, обличил неправду царя и исповедовал свое христианство.

Приняв жесточайшие страдания и победоносно преодолев их, св. Георгий принял мученическую кончину за Христа в 303 году, в Никомидии.

Житие св. великомученика Георгия стало примером непременной победы Добра над силами тьмы. Георгий Победоносец, поражающий змея, — герб города Москвы и вместе с тем символ побеждающей зла России.

### Молитва

О всехвальный святый великомучениче и чудотворче Георгие! Призри на ны скорою твою помошю и умоли человеколюбца Бога, да не осудит нас грешных по беззакониям нашим, но да сотворит с нами по велицей Своей милости. Не презри моления нашего, но испроси нам у Христа Бога нашего тихое и богоугодное житие, здравие же душевное и телесное, земли плодородие и во всем изобилие, и да не во зло обратим благая, даруемая нам тобою от всесщедраго Бога, но во славу святаго имени Его и в прославление крепкаго твоего заступления, да подаст Он православному народу нашему на супостаты одоление и да укрепит нас непремиаемым миром и благословением. Изряднее же да оградит нас святых Ангел Своих ополчением, во еже избавитися нам, по исходе нашем из жития сего, от козней лукаваго и тяжких воздушных мытарств его, и неосужденным предстati престолу Господа славы.


Услыши нас, страстотерпче Христов Георгие, и моли за ны непрестанно триипостасного Владыку всех Бога, да благодатию Его и человеколюбием, твою же помошю и заступлением, обрящем милость со Ангелы и Архангелы и всеми свя-

тыми одесную правосудного Судии стати, и того выну славити со Отцем и Святым Духом, ныне и присно и во веки веков. Аминь.





# Преподобному Серафиму, Саровскому чудотворцу



Преподобный Серафим Саровский происходил из благочестивой купеческой семьи города Курска; с юных лет обнаружил тягу к благочестию и монашеским подвигам, 17-ти лет оставил родительский дом; сначала подвизался в Киево-Печерской Лавре, а потом — в Саровской пустыни Тамбовской губернии. Тысячу дней и ночей провел в молитве, стоя на коленях на камне; за святую жизнь сподобился неоднократного посещения Божией Матери и святых.

Преподобный Серафим был прозорлив, исцелял душевные и телесные недуги: его молитвенную помощь неоднократно испытывали на себе не только православные, но и люди других вероисповеданий.

В начале XIX века именно преподобный Серафим был поистине всероссийским молитвенником и печальником за всю Русскую Землю и за каждого страждущего человека.

Он скончался в 1833 году, 73 лет от роду, стоя на коленях во время молитвы.

Его прославление состоялось летом 1903 года, при живом и горячем участии Государя Императора Николая Александровича и всей Царской Семьи.

## Молитва


О пречудный отче Серафиме, великий Саровский чудотворце, всем прибегающим к тебе скоропослушный помощниче! Во дни земного жития твоего никто же от тебе тощ и неутешен отъиде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилен в тебе явися. Егда же призыва тя Бог от земных трудов к небесному упокоению, николиже любовь твоя преста от нас, и невозможно есть исчислiti чудеса твоя умножившаяся, яко звезды небесныя: се бopo всем концем земли нашея людем Божиим являешися и даруеши им исцеления. Темже и мы вопием ти: о претихий и кроткий угодниче Божий, дерзновенный к Нему молитвенниче, николиже призывающия тя отреваяй, вознеси о нас благомощную твою молитву ко Господу сил, да укрепит державу нашу, да дарует нам вся благопотребная в жизни сей и вся к душевному спасению полезная, да оградит нас от

падений греховных и истинному покаянию научит нас, во еже безпреткновенно  
внити нам в вечное Небесное Царство, идеже ты ныне в незаходимей сияешি славе,  
и тамо воспевати со всеми святыми Живоначальную Троицу до скончания века.  
Аминь.





# Святителю Алексию, митрополиту Московскому, чудотворцу



## Тропарь, глас 8-й:

Яко апостолам сопрестольна и врача пре-  
добра, и служителя благоприятна, к раце твоей  
честней притекающе. святителю Алексие бого-  
мудре, чудотворче, сошедшеся любовию в па-  
мять твою светло празднуем, в песнях и пениях  
радующеся и Христа славяще, таковую благо-  
дать тебе Даровавшаго исцелений / и граду тво-  
ему великое утверждение.

## Кондак, глас 8-й:

Божественного и пречестного святителя Хри-  
стова, новаго чудотворца Алексия, верно вси  
поюще, людие, любовию да ублажим, яко пасты-  
ря великаго, служителя же и учителя премудра  
земли Российской: днесь в память его притекше,  
радостно возопием песнь Богоносному, яко имея дерзновение к Богу, многообраз-  
ных нас избави обстояний, да зовем ти: радуйся, утверждение граду нашему.

## Величание:

Величаем тя, святителю отче Алексие, и чтим святую память твою, ты бо моли-  
ши за нас Христа Бога нашего.

## Молитва:

О, пречестная и священная главо и благодати Святаго Духа исполненная, Спасо-  
во со Отцем обиталище, великий архиерее, теплый наш заступниче, святителю  
Алексие! Предстоя у Престола всех Царя и наслаждаясь света Еиносущныя Троицы  
и херувимски со ангелы возглашай песнь трисвятую, великое же и неизследованное  
дерзновение имея ко всемилостивому Владыце, молися паству твою спаси люди,  
единородный ти язык: мирно и безмятежно житие наше устрой: благосостояние  
святых церквей утверди; архиереи благолепием святительства украси; монашес-  
твующия к подвигом доброго течения укрепи; царствующий град (сей и святую  
обитель сию) и вся грады и страны добре сохрани, и веру святую непорочну соблю-  
сти умоли; мир весь предстательством твоим умири, от глада и пагубы избави ны,


и от нападения иноплеменных сохрани; старыя утеши, юныя настави, безумных умудри, вдовицы помилуй, сироты заступи, младенцы возрасти, немоществующия исцели, и везде тепле призывающая тя и с верою притекающая к раце честных и многоцелебных мощей твоих, усердно припадающая и молящаяся тебе, от всяких напастей и бед ходатайством твоим свободи, да зовем ти: радуйся, Богоизбранный пастырю, звездо всесветлая мысленныя тверди, тайнаго Сиона необоримый столп, миродохновенный цвете райский, всезлатая уста Слова, московская похвало, всея России украшение! Моли о нас Всещедраго и Человеколюбиваго Христа Бога нашего да и в день Страшного Пришествия Его от шуяго стояния избавит нас, и радости святых причастники сотворит со всеми святыми во веки веков. Аминь.

---





## Святым апостолу Андрею Первозванному



Брат св. апостола Петра, ученик св. Иоанна Крестителя, призванный первым на апостольское служение, св. апостол Андрей был в числе ближайших учеников Спасителя и проповедовал Евангелие во многих странах. По преданию, апостол Андрей был в России, поднялся по Днепру до Киевских холмов и, водрузив крест на горе, сказал своим ученикам: «На сем месте воссияет благодать Божия».

За проповедь веры Христовой св. апостол Андрей принял мученическую кончину, распятый на кресте около 62 года по Рождению Христа.

### Молитва

Первозванне Апостоле Бога и Спаса нашего Иисуса Христа, Церкве последователю, всехвальний Андрее!

Славим и величаем апостольския труды твоя, сладце поминаем твое благословенное к нам пришествие, ублажаем честная страдания твоя, яже за Христа претерпел еси, лобызаем священные мощи твоя, чтим святую память твою и веруем, яко жив Господь, жива же и душа твоя и с Ним во веки пребываеши на небеси, идеже и любиши ны тоюже любвию, еюже возлюбил еси нас, егда Духом Святым прозрел еси наше, еже ко Христу обращение, и не точию любиши, но и молиши о нас Бога, зря во свете Его вся нужды наша. Тако веруем и тако сию веру нашу исповедуем во храме, иже во имя твое, святый Андрее, преславно создася, идеже святыя мощи твоя почивают: верующе же, просим и молим Господа и Бога и Спаса нашего Иисуса Христа, да молитвами твоими, яже присно послушает и приемлет, подаст нам вся потребная ко спасению нас грешных: да яко же ты абие по гласу Господа, оставль мрежи своя, неуклонно Ему последовал еси, сице и кийждо от нас да ищет не своих си, но еже к созиданию ближняго и о горнем звании да помышляет. Имуще же тя предстателя и молитвенника о нас, уповаем, яко молитва твоя много может пред Господем и Спасителем нашим Иисусом Христом, Ему же подобает всякая слава, честь и поклонение со Отцем и Святым Духом и во веки веков. Аминь.



## **Святителю Димитрию, Ростовскому чудотворцу**

Святитель Димитрий родился в 1651 году в Киевской губернии. Родом из казаков. С юных лет избрал путь духовного подвига: учился в Киевской Духовной академии, вел строгую монашескую жизнь в монастырях Киева и Чернигова, обладал выдающимся даром проповедничества.

В 1701 году св. Димитрий был возведен в сан митрополита, а в 1702 — назначен на Ростовскую кафедру, где и проходил святительское служение до смерти, последовавшей в 1709 году.

Неоценимая заслуга св. Димитрия перед Церковью — создание знаменитых Четий-Миней (Житий святых) на весь год, борьба против раскольников, воспитание должного благочестия в священниках и их пастве.

В богоотступническое время российской истории, каким в значительной мере был XVIII век, святитель Димитрий явился иерархом, возрождающим культуру Церкви как высшее проявление русской национальной культуры.

Мощи Святителя покоятся в Спасо-Яковлевом монастыре Ростова Великого.

### **Молитва**


О предивный и преславный чудотворче Димитрие, исцеляяй недуги человеческия! Ты неусыпно молиши Господа Бога нашего о всех грешных: молю убо тя, буди ми ходатай пред Господем и помощник на преоборение старостей ненасытныя плоти моей и на одоление стрел сопротивника моего диавола, имиже уязвляет немощное сердце мое и, аки гладкий и лютый зверь, алчет погубити душу мою. Ты, святителю Христов, моя ограда, ты мое заступление и оружие! За твоим со-действием сокрушу вся во мне сопротивная воле Царя царствующих. Ты, великий чудотворче, во дни подвигов твоих в мире сем ревнуя о Православной Церкви Божией, яко истинный и добрый пастырь, неблазненно обличал еси грехи и невежествия людския, и уклонившихся от стези правды в ереси и расколы наставлял еси на путь истины. Споспешествуй убо и мне исправити кратковременный путь жизни моей, да непреткновенно пойду по стези заповедей Божиих и неленостно поработаю Господеви моему Иисусу Христу, яко единому Владыце моему, Искупителю и праведному Судии моему. К сим же припадая, молюся ти, угодниче Божий, егда изыти души моей из телесе моего, избави ю от темных мытарств: не имам бо добрых дел ко оправданию моему: не дажь сатане возгордиться победою над немощною душою мою. Избави ю от геенны, идже плач и скрежет зубов, и свя-

тыми молитвами твоими сотвори мя причастника Небеснаго Царствия в Троице  
славимаго Бога, Отца и Сына и Святаго Духа. Аминь.





# Преподобному Александру Свирскому



## Тропарь преподобному, глас 4-й:

От юности, богомудре, желанием духовным в пустыню вселившись, единаго Христа возжелал еси усердно стопам в след ходити. Темже и ангельстии чини зряще тя удивишася, како с плотию к невидимым кознем подвизався, премудре, победил еси полки страстей воздержанием, и явился еси равноангелен на земли, Александре, преподобне. Моли Христа Бога, да спасет души наша.

## Кондак преподобному, глас 8-й:

Яко многосветлая звезда днесь в странах Российских возсиял еси, отче, вселившись в пустыню, Христовым стопам последовати усердно возжелел еси, и Того святое иго на рамо твое взем честный крест, умертвил еси, труды подвиг твоих, телесная взыграния. Темже вопием ти: спаси стадо твое, еже собрал еси мудре, да зовем ти: радуйся, преподобне Александре, отче наш.

### Величание:

Ублажаем тя, преподобне отче Александре, и чтим свяную память твою, наставник монахов и собеседник ангелов.

### Молитва:

О, священная главо, ангеле земный и человече небесный, преподобне и богоносне отче наш Александре, изрядный угодниче Пресвятыя и Единосущныя Троицы, многия милости живущим во святей обители твоей и всем, с верою и любовию притекающим к тебе, являяй. Испроси нам вся к житию сему времененному благопотребная, паче же к вечному спасению нашему нужная. Пособствуй представительством твоим, угодниче Божий, правителем страны нашей России. И да в мире глубоце пребудет святая православная Церковь Христова. Буди всем нам, чудотворче святый, во всякой скорби и обстоянии скорый помощниче. Наипаче же в час кончины нашей явися нам, заступниче благосердый, да не преданы будем на мытарствах воздушных власти злобного миродержца, но да сподобимся непреткновенного восхода в Царствие Небесное. Ей, отче, молитвенниче наш присный! Не

посрами упования нашего, не презри смиренных молений наших, но присно о нас пред Престолом Живоначальной Троицы представительствуй, да сподобимся вкупе с тобою и со всеми святыми, аще и недостойны есмы, в селениях райских славити величие, благодать и милость Единаго в Троице Бога, Отца и Сына и Святаго Духа во веки веков. Аминь.





# Святыму преподобному Силуану Афонскому



Будущий старец Силуан родился в крестьянской семье Тамбовской губернии в 1866 году. Призванный на военную службу в Петербург, он «умом пребывая на Афоне и на Страшном Суде», получает у св. праведного Иоанна Кронштадтского благословение на монашеский подвиг и в 1892 году становится послушником русского Пантелеимонова монастыря на Афоне.

Монашеские подвиги преподобного Силуана были тайными, но особую благодать, которая от него исходила, чувствовали все, от простых рабочих до церковных иерархов.

После смерти старца, последовавшей в 1938 году, в Пантелеимонов монастырь стали приходить многочисленные письма, свидетельствующие о его небесном представительстве за тех, кто обращался к нему с молитвой.

## Молитва

О предивный угодниче Божий отче Силуане! По благодати, тебе от Бога данной, слезно молится о всей вселенной — мертвых, живых и грядущих — не промолчи за нас ко Господу, к тебе усердно припадающих и твоего представительства умильно просящих. Подвигни, о всеблаженне, на молитву Усердную Заступницу рода христианского, Преблагословенную Богородицу и Приснодеву Марию, чудно призвавшую тя быти верным делателем в Ея земном вертограде, идеже избранницы Божий о грехах наших милостища и долготерпелива быти Бога умоляют, во еже не помянута неправд и беззаконий наших, но по неизреченной благости Господа нашего Иисуса Христа ущедрити и спасти нас по велицей Его милости.

Ей, угодниче Божий, с Преблагословенною Владычицею мира — Святейшею Игумению Афона и святыми подвижниками Ея земного жребия испроси у святых Святейшего Слова Святей Горе Афонской и боголюбивым пустынножителям ея от всех бед и наветов вражиих в мире сохранитися. Да Ангелы святыми от зол избавляеми и Духом Святым в вере и братолюбии укрепляеми, до скончания века о Единей, Святей, Соборней и Апостольстей Церкви молитвы творят и всем спасительный путь указают, да Церковь Земная и Небесная непрестанно славословит Творца и Отца Светов, просвещающи и освещдающи мир в вечной правде и благости Божией.

Народом земли всей испроси благородственное и мирное житие, дух смиренномудрия и братолюбия, добронравия и спасения, дух страха Божия. Да не злоба

и беззаконие ожесточают сердца людския, мотущие истребити любовь Божию в человекех и низвергнуть их в богопротивную вражду и братоубийство, но в силе Божественныя любве и правды, якоже на небеси и на земли да святится имя Божие, да будет воля Его святая в человекех, и да воцарится мир и Царствие Божие на земли.

Такожде и земному Отечеству твоему — Земли Российской испроси, утодниче Божий, вожделенный мир и небесное благословение, во еже всемощным омофором Матере Божия покрываему, избавитися ему от глада, губительства, труса, огня, меча, нашествия иноплеменников и междуусобныя браны и от всех враг видимых и невидимых, и тако святейшим домом Преблагословенныя Богородицы до скончания века ему пребыти Креста Животворящаго силою и в любви Божией неоскудеваему утвердитися.

Нам же всем, во тьму грехов погружаемым и покаяния тепла, ниже страха Божия не имущим и сице безмерно любящаго нас Господа непрестанно оскорбляющим, испроси, о всеблаженне, у Всещедраго Бога нашего, да Свою Всесильною благодатию божественне посетит и оживотворит души наша, и всяку злобу и гордость жителейскую, уныние и нерадение в сердцах наших да упразднит.

Еще молимся, о еже и нам, благодатию Всесвятаго Духа укрепляемым и любвию Божию согреваемым, в человеколюбии и братолюбии, смиренномудренном срасpinании друг за друга и за всех, в правде Божией утвердитися и в благодатней любви Божией благонравно укрепитися, и сынолюбне Тому приближитися. Да тако, творяще Его всесвятую волю, во всяком благочестии и чистоте временного жития путь непостыдно прейдем и со всеми святыми Небеснаго Царствия и Его Агнчаго брака сподобимся.

Ему же от всех земных и небесных да будет слава, честь и поклонение, со Безначальным Его Отцем, Пресвятым и Благим и Животворящим Его Духом, ныне и присно и во веки веков. Аминь.





## Мученикам Адриану и Наталии



### Тропарь, глас 3-й:

Богатство неизживающее вменил еси веру спасенную, треблаженне, оставил отеческое нечество и Владыки стопами шествуя, Божественными дарованием обогатился еси, Адриане славне; Христа Бога моли спастися душам нашим.

### Кондак, глас 4-й:

Жены богоумдыя Божественная словеса в сердце положив, Адриане, мучениче Христов. К мучением усердно стремился еси. С супругою венец прием.

### Молитва:


О священная двоице, святии мученицы Христовы Адриане и Наталие, блаженнии супрузи и доблии страдальцы! Услышите нас, молящихся вам со слезами, и низпослите на ны вся благопотребная душам и телесем нашим, и молите

Христа Бога, да помилует нас и сотворит с нами по милости Своей, да не погибнем во грехах наших. Ей, святыи мученицы! Приимите глас моления нашего, и избавите ны молитвами вашими от глада, губительства, труса, потопа, огня, града, меча, нашествия иноплеменников и междуусобных бран, от внезапных смерти и от всех бед, печалей и болезней, да присно вашими молитвами и представительством укрепляеми, прославим Господа Иисуса Христа, Ему же подобает всякая слава, честь и поклонение, со безначальным Его Отцем и Пресвятым Духом, во веки веков. Аминь.





## Святому праведному Иоанну, Кронштадтскому чудотворцу



Св. праведный Иоанн родился в 1829 году в селе Сура Архангельской губернии, в семье бедного сельского дьячка. С юных лет увидев и пережив материальную нужду, Иоанн стал чуток и сострадателен к чужим страданиям, без колебаний раздавая нуждающимся все, что имел.

В 1855 году Иоанн становится священником Кронштадтского Андреевского собора, женясь на дочери протоиерея этого собора Елизавете Несвитской. Муж и жена всю жизнь прожили как брат с сестрой, храня телесную и душевную чистоту.

Слава Кронштадтского молитвенника еще при жизни была столь велика, что на исповедь в Андреевский собор собирались ежедневно тысячи народа. Толпы людей сопровождали доброго пастыря везде, где бы он ни появлялся.

В годы всеобщего духовного и нравственного оскудения, происходившего в России в предреволюционное смутное время, Иоанн Кронштадтский явился непримиримым обличителем лжи «освободительного движения», стал ярким примером несокрушимой веры в Бога, надежды на Его милость к кающемуся человеку, любви к своему страждущему народу.

Чудеса, совершенные Богом по молитвам св. Иоанна Кронштадтского, изливались прежде и изливаются ныне нескончаемой рекой на Русскую Землю.

### Молитва

О великий чудотворче и предивный угодниче Божий, богоносне отче Иоанне! Призри на нас и внемли благосердно молению нашему, яко великих дарований сподоби тя Господь, да ходатаем и присным молитвенником за нас будеши. Се бо страстью греховными обуреваемы и злою снедаемы, заповеди Божия пренебрегохом, покаяния сердечного и слез воздыхания не принесохом, сего ради многим скорбем и печалем достойнем явихомся.

Ты же, отче праведный, велие дерзновение ко Господу и сострадание к ближним имея, умоли Всесвященного Владыку мира, да пробavit милость Свою на нас и по-

терпит неправдам нашим, не погубит нас грех ради наших, но время на покаяние милостивно нам дарует.


О святче Божий, помози нам веру Православную непорочно соблюсти и заповеди Божии благочестно сохранити, да не обладает нами всякое беззаконие, ниже посрамится Правда Божия в неправдах наших, но да сподобимся достигнута кончины христианского, безболезненного, непостыдного, мирного и Тайн Божиих Причастия.

Еще молим тя, отче праведне, о еже Церкви нашей Святей до скончания века утвержденной быти, Отечеству же нашему мир и пребывание испроси, от всех зол сохрани, да тако народи наши, Богом храними, в единомыслии веры и во всяком благочестии и чистоте, в лепоте духовного братства, трезвении и согласии свидетельствуют: яко с нами Бог! В Нем же и движемся и есмы, и пребудем во веки. Аминь.





## Святителю Николаю, Мирликийскому чудотворцу



Святой Николай родился от благородных и благочестивых родителей во времена императора Валериана (ок. 280 г.) в Ликийском городе Патаре. Благодать Божия почивала на нем явно с самого юного возраста, проявляясь в его строгом постничестве и горячей молитве.

По достижении зрелого возраста св. Николай был поставлен пресвитером, а позже — избран епископом города Мирзы и для всех явился образцом несокрушимой веры, безмерного смирения, чистоты, человеколюбия и милосердия. При гонителе христиан Диоклетиане вместе с другими был подвергнут заключению и освобожден был только Константином Великим.

Присутствуя в 325 году на I Вселенском Соборе, св. Николай обличил и посрамил лжеучение Ария. Еще при жизни св. Николай именовался «отцом сирот и утешителем страждущих» за свою глубокую христианскую любовь.

В России почитание святителя Николая столь велико, что нет не только ни одного храма, но и ни одного православного дома, где не имелось бы иконы святого и где ему не возносились бы самые искренние и горячие молитвы.

### Молитва


О всеблагий отче Николае, пастырю и учителю всех, верою притекающих к твоему заступлению и теплою молитвою тебе призывающих, скоро потщися и избави Христово стадо от волков, губящих е, и всяку страну христианскую огради и сохрани святыми твоими молитвами от мирского мятежа, труса, нашествия иноплеменников и междуусобия брани, от глада, потопа, огня, меча и напрасная смерти. И яко же помиловал еси триех мужей, в темнице седящих, и избавил еси их царева гнева и посечения мечнаго, тако помилуй и мене, умом, словом и делом во тьме грехов суща, и избави мя гнева Божия и вечныя казни, яко да твоим ходатайством и помощью, Своим же милосердием и благодатию, Христос

Бог тихое и безгрешное житие даст ми пожити в веце сем и избавит мя шуйяго  
стояния, сподобит же деснаго со всеми святыми. Аминь.





# Святителю Тихону, Патриарху Московскому и Всея Руси



Святитель Тихон родился в 1865 году в семье сельского священника Псковской губернии. В 1891 году он принимает монашество, а в 1898 году возводится в сан епископа и направляется в далекую американскую епархию.

Много сделав для Православной Церкви Америки, святитель Тихон снискал себе всеобщую любовь и уважение.

В 1907 году он был назначен на Ярославскую кафедру, где также его окружали поклонение и благодарность паствы и пасти.

После февральской революции 1917 года архиепископа Тихона пригласили в число членов вновь сформированного Синода, а в ноябре того же года Поместный Собор Русской Православной Церкви избирает его Патриархом. Патриаршее служение Святителя, выпавшее на годы, поистине страшные для России, является для нас в XX веке образцом мужественной и взвешенной защиты родной Православной Церкви от натиска безбожного мира.

## Молитва

О пастырю наш добрый, святый великий Патриарше Тихоне, яко град горний ты явился еси — добрая дела твоя и доныне светятся пред человеки. Вемы, яко ты, предстоя престолу Пресвятая Троицы, велие имаши дерзновение в молитвах пред Господем. Воззри и ныне на нас, грешных и недостойных чад твоих, к тебе бо, яко имущему велие дерзновение пред Творцом всяческих, ныне припадаем и усердно молимся: умоли Господа, да подаст нам решимость стяжать благочестие отцев наших, егоже ты стяжал еси от юности твоей. Ты в житии своем ревностный защититель и хранитель истинная веры был еси, помози и нам незыблемо соблюсти веру Православную. Тихая бодуша твоя зело преуспела в божественном смиренномудрии, научи и нас разум наш питати не многомятежной мудrostию человеческой, но смиренным познанием воли Божией. Ты пред лицем лютых врагов Христовых Истинного Бога дерзновенно исповедал еси, молитвою своею укрепи нас, малодушных, да и мы всегда и всюду противостанем духу безбожия и льсти.

Ей, утодниче Божий, не презри нас, молящихся тебе, ибо не токмо от бед и скорбей избавления просим, но силы и твердости, великодушия и любви просим, дабы переносить оныя напасти, востающая на ны. Испроси нам неослабное терпение даже до конца жития нашего, мир с Господом и грехов отпущение.

Отче святый! Укроти в стране нашей ветры неверия и смуты, да водворит Господь на Земле Российской тишину и благочестие и любовь нелицемерную. Молитвами твоими да сохранит ю от междуусобных брань, да укрепит Святую Церковь нашу Православную, да не оскудеет она истинными пастырями, добрыми делателями, право правящими слово Евангельской истины. Упаси и заблуждения овцы стада Христова. Наипаче же моли Господа сил, да возродится Русская Земля святым покаянием и единым сердцем и едиными усты прославит Дивного во святых Своих Бога в Троице славимаго, Отца и Сына и Святаго Духа во веки веков. Аминь.

---





## Преподобному Алексию, человеку Божию



### Тропарь, глас 4-й:

Возысився на добродетель и ум очистив, к желанному и крайнему достигл еси, безстрастием же украсив житие твое и пощение изрядное восприим совестию чистою, в молитвах, яко бесплотен, пребывая, возсиял еси, яко солнце, в мире, преблаженне Алексие.

### Кондак, глас 2-й:

Дом родителей твоих, яко чужд, имев, водворился еси в нем нищеобразно и, по преставлении венец прием славы, дивен на земли явился еси, Алексие, человече Божий, Ангелом и человеком радование.

### Молитва:

О, великий Христов угодниче, святый человече Божий Алексие, душою на небеси Престолу Господню предстояй, на земли же данною ти свыше благодатию различная совершая чудеса! Призри милостивно на предстоящий святей иконе твоей люди, умиленно молящиеся и просяющие от тебе помоши и заступления. Прости молитвенно ко Господу Богу честней руце твои и испроси нам от Него оставление согрешений наших вольных и невольных, в недузех страждущим исцеление, напастуемым заступление, скорбящим утешение, бедствующим скорую помощь, всем же чтущим тя мирную и христианскую живота кончину и добрый ответ на Страшнем Суде Христове. Ей, святче Божий, не посрами упования нашего, еже на тя по Бозе и Богородице возлагаем, но буди нам помощник и покровитель во спасение, да твоими молитвами получивше благодать и милость от Господа, прославим человеколюбие Отца и Сына и Святаго Духа, в Троицеславимаго и покланяемаго Бога, и твое святое заступление ныне и присно, и во веки веков. Аминь.






## Молитва Небесным печальникам Русской Земли

О великие печальники и заступники наши пред Богом за Землю Российскую! Святители Христовы: Петре, Алексие, Ионо и Филиппе, и священномучениче Ермогене, преподобные отцы наши Антоние и Феодосие, Зосиме и Савватие, Сергие и Никоне, и все новые чудотворцы, во дни наши Богом прославленные: Феодосие, Серафиме, Иоасафе, Питириме, Иоанне и Святые Патриархи Иове и Тихоне и прочий угодники Божий, в пределах Руси Православной просиявшие! Услышите многоскорбную молитву нас грешных русских людей: наша, некогда Святая Русь, ваше отчество, погибает от беззаконий сынов своих. Уже колеблется спасительное православие, уже сверкает меч Божий над бесплодным древом Руси грешной, уже слышится в совести нашей грозный приговор Господа: отымется от вас Царствие Божие и дастся народу, творящему плоды его. Мы все же дерзаем именовать вас своими родными: вы родные нам по крови, по земному вашему отечеству, вы — наши самые близкие заступники перед Богом. Зрите скорбь нашу великую, зрите беду нашу лютую, общую беду родной вам земли... Придите же на помощь ей, умолите Владычицу мира — Матерь Божию, да смируется Она, Милосердая, над нами грешными; тысячу лет Она покрывала, заступала Русь во всех бедах и напастях ея: да не отвратит и ныне лица Своего от народа Русского за грехи наши, да станет между нами и прогневанным Сыном Своим и Богом, и, воздевая пречистыя Своя руки, паки и паки да умолит Его милосердие преложити гнев на милость ради той крови, которой так много пролито нашими воинами за Божию правду, за братий своих, за веру православную и родную землю, ради горьких сирот, оставшихся безпомощными после убиенных наших братий, ради нищих и убогих, лишенных хлеба насущного, ради тысяч искалеченных наших воинов, ради всех скорбящих и обремененных, чающих Христова утешения и Ея Матеряяго заступления. О святые угодники Божий, наши по плоти сродники! Подвигните на молитву за нас и всемирного, столь Русью любимаго великаго Чудотворца Николая и всех апостолов, пророков, мучеников, святителей, преподобных и праведных; подвигните Архангелов и Ангелов и всю Церковь, на небесах торжествующаю: ваша родная Русь в великой опасности и в час грозного Суда Божия над нею к вам взывает: спасите ее молитвенным заступлением вашим! Ведаем, грешные, что доколе мы живы, дотоле еще не затворились двери милосердия Божия, дотоле Господь готов еще принять и наше покаяние: испросите же нам у Него самое покаяние, да наказуя накажет нас, смерти же и погибели да не предаст народа нашего. Аминь.





# Преподобному Сергию Радонежскому, Всея России чудотворцу



Преподобный Сергий Радонежский — один из самых прославленных русских святых. Основатель Троице-Сергиевой Лавры, учитель и наставник многих десятков русских святых, канонизированных Церковью, Преподобный стал поистине игуменом и заступником всей Русской Земли, образцом кротости и смирения для монахов и мирян.

Болезнью сердцем за Отчизну в тяжкие годы татарского ига, Преподобный Сергий благословлял на Куликовскую битву св. князя Димитрия Донского, молился за победу, поминал денно и нощно тех, кто отдал свою жизнь за Родину.

Преподобный Сергий Радонежский — горячий и верный служитель Святой Троицы как образа Божественной Любви в истории Русской Церкви.

## Молитва

О священная главо, преподобне и богоносне отче наш Сергие, молитвою твою, и верою и любовию, яже к Богу, и чистотою сердца, еще на земли во обитель Пресвятыя Троицы душу твою устроивый, и ангельского общения и Пресвятыя Богородицы посещения сподобивыйся, и дар чудодейственныя благодати приемый, по отшествии же твоем от земных, наипаче к Богу приближивыйся и небесныя силы приобщивыйся, но и от нас духом любве твою неотступивый, и честныя твоя моши, яко сосуд благодати полный и преизливающийся, нам оставилый! Велие имея дерзновение ко всемилостивому Владыце, моли спасти рабы Его, сущей в тебе благодати Его верующия и к тебе с любовию притекающая. Помоги нам, да благоуправляемо будет Отечество наше в мире и благостоянии, и да покорятся под ноги его все сопротивни. Испроси нам от великодаровитаго Бога нашего всякий дар, всем и коемуждо благопотребен: веры непорочны соблюдение, градов наших утверждение, мира умирение, от глада и пагубы избавление, от нашествия ино-


племенных сохранение, скорбящим утешение, недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в делах благих преспяние и благословение, младенцем воспитание, юным наставление, неверующим вразумление, сиротам и вдовицам заступление, отходящим от сего временного жития к вечному благое уготовление и напутствие, отшедшим блаженное упокойение, и вся ны споспешствующими твоими молитвами сподоби, в день Страшного Суда шуяя части избавитися, десныя же страны общники быти и блаженный онъи глас Владыки Христа услышати: приидите, благословеннии Отца Моего, наследуйте уготованное вам Царствие от сложения мира.

---





# Святыму благоверному Великому Князю Александру Невскому



Земли.

## Молитва

Скорый помощниче всех, усердно к тебе прибегающих и теплый наш пред Господем представителю, святый благоверный великий княже Александре! Призри милостивно на ны недостойныя, многими беззаконии непотребны себе сотворшия, к раце мощей твоих (или иконе твоей) ныне притекающия и из глубины сердца к тебе взывающия: ты в житии своем ревнитель и защитник Православныя веры был еси, и нас в ней теплыми твоими к Богу молитвами непоколебимы утверди. Ты великое, возложенное на тя, служение тщательно проходил еси, и нас твою помошьи пребывати коегождо, в неже призван есть, настави. Ты, победив полки супостатов, от пределов Российских отгнал еси, и на нас ополчающихся всех видимых и невидимых врагов низложи. Ты, оставил тленный венец царства земного, избрал еси безмолвное житие, и ныне праведно венцем нетленным увенчанный, на небесех царствуяши, исходатайствуй и нам, смиренно молим тя, житие тихое и безмятежное и к вечному Царствуию шествие неуклонное твоим представительством устрой нам. Предстоя же со всеми святыми престолу Божию, молися о всех православных христианах, да сохранит их Господь Бог Свою благодатию в мире, здравии, долголетии и всяком благополучии в долях лета, да присно сла-

Св. Александр родился в 1220 году; в 1240 году, когда шведы напали на Северную Русь, был Новгородским князем; одержал блестящую победу над шведами на Неве, за что и получил прозвание Невский. Спустя два года, в 1242 году, разбил немецких рыцарей-захватчиков при Чудском озере.

Св. Александр был мудрым государственным деятелем, мирившим русских князей между собой: он старался смягчить для Руси иго татарских ханов, вождей Золотой Орды.

Являя в личной жизни пример христианского благочестия и чистоты, св. Александр Невский был любим и почитаем русским народом как великий печальник и заступник Русской

вим и благословим Бога, в Троице Святей славимаго Отца и Сына и Святаго Духа, ныне и присно и во веки веков. Аминь.





## **Молитва всем святым, в земле Российской просиявшим**

О, преславнии и всехвальнии угодницы Божии, вси святии ведомыя и неведомыя в земле Российской просиявши! К вам, яко к теплым ходатаям и представителям нашим с любовию прибегаем и смиренно молимся: умолите Господа Бога, да вашими благоприятными молитвами, Своим же человеколюбием да дарует нам (имена) тихое и благочестное житие в веце сем пожити, да избавит нас от искушений и соблазнов лукаваго диавола и от бед и напастей, и от всякаго зла; на Страшнем же суде Своем да сподобит нас деснаго стояния и наследники Царствия Своего Небеснаго да сотворит, яко благословися пречестное и великолепное имя Отца и Сына и Святаго Духа, ныне и присно и во веки веков. Аминь.





## **Вере, Надежде, Любви и матери их Софии**

О святыя и достохвальныя мученицы Вero, Надеждо и Любы, и доблестных дщерей мудрая мати Софие, к вам ныне притецем со усердною молитвою; что бо паче возможет представительствовати за ны пред Господем, аще не вера, надежда и любы, три сия краеугольныя добродетели, в нихже образ нареченныя, самою вещию тыя явисте! Умолите Господа, да в скорбех и напастех неизреченою благодатию Свою покрыет ны, спасет и сохранит, яко благ есть и Человеколюбец. Того славу, яко солнце незаходимое, ныне зряще светолепну, спопешествуйте нам во смиренных молениях наших, да простит Господь Бог грехи и беззакония наша, и да помилует нас грешных и недостойных щедрот Его. Молите убо о нас, святыя мученицы, Господа нашего Иисуса Христа, Ему же славу возсыпаем со Безначальным Его Отцем и Пресвятым и Благим и Животворящим Его духом, ныне и присно и во веки веков. Аминь.





## **Святым равноапостольным Кириллу и Мефодию**

О святыи равноапостольнии Мефодие и Кирилле! Ныне к вам усердно прибегаем и в сокрушении сердец наших молимся: молите Господа, да наставит и обратит нас, на путь спасения. Не оставите нас, недостойных чад ваших (имена), дадите нам, молитвами вашими, о православии ревность, да ею возгреваеми, отеческая предания добре сохраним, уставы и обычай церковныя верно соблюдати потещимся, всяких лжеучений странных отбежим, и тако в житии богоугоднем на земли преспевающе, жизни райскихя на небеси сподобимся, и тамо с вами вкупе Владыку всех, в Троице Единаго Бога, прославим во веки веков.





## Святой равноапостольной княгине Ольге

О святая равноапостольная княгине Ольго, приими убо похвалу от нас, недостойных раб Божиих (имена), пред честною твою иконою молящихся и смиренно просящих: огради нас твоими молитвами и заступлением от напастей и бед, и печалей, и лютых грехов; еще же и от будущих мук избави ны, честно творящия святую память твою и славящия прославльшаго тя Бога, во Святей Троице прославляемаго, Отца и Сына и Святаго Духа, ныне и присно и во веки веков





## Преподобному Даниилу Московскому

О преподобне княже Данииле, к иконе твоей притекающе, усердно молим тя: призри на нас (имена), с верою под кров молитв твоих прибегающих. Пролей теплое твое ходатайство ко Спасу всех, яко да утвердит миром приход сей и храм сей добре да сохранит, благочестие и любовь в людех православных насаждая, злобу же, междоусобие и нравов развращение искореня; всем же нам вся благая ко временному животу и вечному спасению даруй молитвами твоими, яко да прославляем дивнаго во святых своих Христа Бога нашего вкупе со Отцем и Святым Духом во веки веков. Аминь.





## **Святым равноапостольным Константину и Елене**

О святии равноапостольни Константине и Елено! Избавите приход сей и храм наш от всякаго навета вражия и не оставите заступлением вашим нас, немощных (имена), умолите благость Христа Бога нашего даровати нам помыслов мир, от пагубных страстей и всякия скверны воздержание , благочестие же нелицемерное. Испросите нам, угодницы Божии, свыше дух кротости и смиренномудрия, дух терпения и покаяния, да прочее время жития нашего в вере и сокрушении сердечнем поживем, и тако в час скончания нашего благодарне восхвалим прославльшаго вас Господа, Безначального Отца, Единороднаго Его Сына и Единосущнаго Всеблагаго Духа, Троицу Нераздельную, во веки веков.





## Святыму благоверному князю Вячеславу Чешскому

О святый княже Вячеславе! Усердно просим тя молитися за ны (имена), да пропустит Господь Бог наши согрешения вольные и невольные и очистит нас от всякия скверны плоти и духа, да избавит нас от козней диавола и сохранит от клеветы людския, да утвердит нас в истинной вере и благочестии, да соблюдет от суемудрых и душетленных учений, да сохранит сердца наша от соблазнов мира сего и да научит ограбатися\* от плотских страстей и похотей, да тако горния мудрствовати, а не земная, прославляя Единосущную Троицу во веки и в век века. Аминь.

\* Воздерживаться, отвращаться





## Святыму князю Олегу Брянскому

О преподобне отче, благоверне княже Олеже! Воззри, преблаженне, милостиво на дом (приход) сей и люди, в нем живущия, и не отвержи требующих твоего помощи, не презри нас, молящихся тебе, но помози нам (имена) скорым предстательством твоим, да всяких бед, напастей и скорбей в сей жизни временней избежавше, кончину непостыдну обрящем, и тако на земли богоугодно поживше, жизни райского на небеси сподобимся, идеже вкупе с тобою прославим человеколюбие и щедроты в Троице славимаго Бога, Отца и Сына и Святаго Духа, во веки веков. Аминь.





## **Святой равноапостольной Нине, просветительнице Грузии**

О всехвальная и предивная равноапостольная Нино, к тебе прибегаем и умиленно тебе просим: огради нас (имена) от всяких зол и скорбей, вразуми врагов святыя Церкви Христовы и посрами противников благочестия и умоли Всеблагого Бога Спасителя нашего, Ему же ты ныне предстоиши, да дарует народу православному мир, долгоденствие и во всяком добром начинании поспешение, и да приведет Господь нас в Небесное Свое Царствие, идеже вси святыи славословят всесвятое Его имя, ныне и присно и во веки веков. Аминь.






## Молитва Преподобному Серафиму Саровскому

О преподобне отче Серафиме! Вознеси о нас, рабех Божиих (*имена*), благомощную твою молитву ко Господу сил, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже безпреткновенно внити нам в вечное Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу во веки веков.





## **Молитвы на разные случаи семейной жизни**



# Благословление на вступление в брак

**Пресвятой Богородице в честь Ее иконы «Казанская»**



*Тропарь, глас 4-й:* Заступнице усердная, Мати Господа Вышняго! За всех молиши Сына Твоего, Христа Бога нашего, и всем твориши спастися, в державный Твой покров прибегающим. Всех нас застути, о. Госпоже, Царице и Владычице, иже в напастех и в скорбех и в болезнех, обремененных грехи многими, предстоящих и молящихся Тебе умиленною душою и сокрушенным сердцем пред Пречистым Твоим образом со слезами, и невозвратно надежду имущих на Тя избавления всех зол. Всем полезная даруй и вся спаси, Богородице Дево: Ты бо еси Божественный покров рабом Твоим.

*Кондак, глас 8-й:* Притецем, людие, к тихому сему и доброму пристанищу, скорой Помощнице, готовому и теплому спасению, покрову Девы; ускорим на молитву и потщимся на покаяние: источает бо нам неоскудныя милости Пречистая Богородица, предваряет на помошь и избавляет от великих бед и зол благонравныя и богообоящияся рабы Своя.

*Молитва:* О Пречистая Владычице Богородице, Царице небеси и земли, вышшая ангел и архангел и всяя твари честнейшая, чистая Дево Марие, миру благая помощница и всем людем утверждение и во всяких нуждах избавление! Призри и ныне, Госпоже Всемилостивая, на рабы Твоя, Тебе умиленою душою и сокрушенным сердцем молящаяся, со слезами к Тебе припадающая пречистому и цельбоносному образу Твоему, и помощи и заступления Твоего просияния. О Всемилостивая и Премилосердая Дево Богородице чтимая! Воззри, Госпоже, на люди Твоя: мы бо, грешнии, не имамы иныя помощи, разве Тебе и от Тебя рождшагося Христа Бога нашего. Ты еси заступница и представительница наша, Ты еси обидимым защещение. Скорбящим радование, сирым прибежище, вдовам хранительница, девам слава, плачущим веселье, больным посещение, немощным исцеление, грешным спасение. Сего ради, о Богомати, к Тебе прибегаем и на Твой пречистый образ с превечным на руку Твою держимым младенцем, Господем нашим Иисусом Хри-

стом взирающе, умиленное пение Тебе приносим и вопием: помилуй нас, Мати Божия, и прошение наше исполни, вся бо суть возможна ходатайству Твоему: яко Тебе слава подобает ныне и присно и во веки веков. Аминь.

## Благоверному князю Петру и княгине Февронии, Муромским чудотворцам



**Молитва:** О велиции угодницы Божии и предивнии чудотворцы, благовернини княже Петре и княгине Февроние, града Мурома представление и хранителие, и о всех нас усерднико Господу молитвенницы! К вам прибегаем и вам с упование крепким молимся: вознесите о нас, грешных, святыя молитвы ваша ко Господу Богу, и испросите у благости Его вся благопотребная душам и телесем нашим: веру праву, надежду благу, любовь нелицемерну, благочестие непоколебимо, в добрых делех преуспение, мира умирение, земли плодоносие, воздуха благорастворение, телесем здравие и душам спасение. Исходатайствуйте у Царя Небеснаго Церкви Святей и всей державе Российской мир, тишину и благоустройство, и всем нам житие благополуч-

ное и добрую христианскую кончину. Оградите Отечество ваше и вся грады Российской от всякого зла; и вся правоверные люди, к вам приходящия и святым мощем вашим поклоняющиеся, осените благодатным действом богоприятных молитв ваших, и вся прошения их во благо исполните. Ей, чудотворцы святыи! Не презирите молитв наших, со умилением вам днесъ возносимых, но будите о нас приснини представление ко Господу, и сподобите нас помощью вашею спасение вечное улучити и Царствие Небесное унаследовать: да славословим неизреченное человеколюбие Отца и Сына и Святаго Духа, в Троице покланяемаго Бога, во веки веков. Аминь.





# О покровительстве вступающим в брак

## Святым бессребреникам и чудотворцам Косме и Дамиану

### Молитва:

К вам, святыи бессребренници и чудотворцы Космо и Дамиане, яко к скорым помощником и теплым молитвенником о спасении нашем мы, недостойнii, преклонше колена, прибегаем и припадающе усердно вопием: не презрите моления нас грешных, немощных, во многая беззакония впадших, и по вся дни и часы согрешающих. Умолите Господа, да прибавит нам, недостойным рабом Своим, великия и богатыя Своя милости: избавите нас от всякия скорби и болезни, вы бо прияли есте от Бога и Спаса нашего Иисуса Христа неоскудную благодать исцелений, ради твердыя веры, безмездного врачевания и мученическия кончины вашея... Ей, угодницы Божии, не престайте молящеся за ны, с верою к вам притекающия: аще бо по множеству грехов наших и несмы достойни милосердия вашего, обаче вы верни подражателье человеколюбия Божия суще, сотворите молитвами вашими, да плоды достойны покаяния приносяще, и в вечный покой достигнем, хваляще и благословяще дивнаго во святых Своих Господа и Бога и Спаса нашего Иисуса Христа, и Пречистую Матерь Его, и ваше теплое заступление всегда, ныне и присно и во веки веков. Аминь.

### Молитва супругов при бракосочетании



Господи Боже наш, во спасительном Твоем смотрении сподобивый в Кане Галилей стей честный показати брак Твоим пришествием, Сам ныне рабы Твоя (имена) яже благоволил еси сочетатися друг другу, в мире и единомыслии сохрани; честный их брак покажи, нескверное их ложе соблюди, непорочное их сожительство пребывать благослови и сподобия к старости мастителей достигнути, чистым сердцем делающе заповеди Твоя. Ты бо еси Бог наш, Бог еже миловати и спасати, и Тебе славу воссылаем, со Безначальным Твоим Отцем, Всесвятым и Благим и Животворящим Твоим Духом, ныне и присно и во веки веков. Аминь.

## Молитва о семье



ныне и присно, и во веки веков. Аминь.

Пресвятая Богородице, спаси нас!

«Не бойся, малое стадо! Аз есмь с вами и никтоже на вы».

Владычице Преблагословенная, возьми под Свой покров семью мою. Всели в сердца супруга моего и чад наших мир, любовь и непрекословие всему доброму; не допусти никого из семьи моей до разлуки и тяжкаго расставания, до преждевременныя и внезапныя смерти без покаяния.

А дом наш и всех нас, живущих в нем, сохрани от огненного запаления, воровского нападения, всякаго злого обстояния, разнаго страхования и диавольского наваждения.

Да и мы купно и раздельно, явно и сокровенно будем прославлять имя Твое Святое всегда,

ныне и присно, и во веки веков. Аминь.





## О счаствии брака



**Пресвятой Владычице нашей Богородице и Приснодеве Марии**

**Тропарь, глас 4-й:**

Рождество Твое, Богородице Дево, радость возвести всей вселенней: из Тебе бо возсия Солнце правды Христос Бог наш, и разрушив клятву, даде благословение, и упразднив смерть, дарова нам живот вечный.

**Кондак, глас 4-й:**

Иоаким и Анна поношения безчадства, и Адам и Ева от тли смертныя свободистася, Пречистая, во святым Рождестве Твоем. То празднуют и людие Твои, вины прегрешений избавльшеся, внегда звати Ти: неплоды раждает Богородицу и Питательницу жизни нашей.


**Архангелу Варахиилу — покровителю благочестивых семейств, Небесным чинам бесплотным**

**Молитва:**

О великий архистратиже Божий архангеле Варахииле! Предстоя Престолу Божию и оттоли принося благословения Божия в дома верных раб Божиих, испроси у Господа Бога милосердия и благословения на дома наша, да благословит Господь Бог нас и умножит изобилие плодов земных, и подаст нам здравие и спасение, во всем благое поспешение, и на врагов победу и одоление, и сохранит нас на многая лета, всегда. Ныне и присно и во веки веков. Аминь.



**Молитва апостолу Симону Зилоту**

**Кондак, глас 2-й:**

Известно премудрости учения в душах благочестивших положшаго во хвалении ублажим, яко Богоглаголиваго вси Симона: Престолу бо Славы ныне предстоит и со Безплотными веселится, моляся непрестанно о всех нас.


**Молитва:**

Святый славный и всехвальный апостоле Христов Симоне, сподобившийся приятии в дом твой в Кане Галилейской Господа нашего Иисуса Христа и Его Пречистую Матерь, Владычицу нашу Богородицу, и очевидцем быти преславного чудеса Христова, на браце твоем явленного, претворения воды в вино! Молимся с верою и любовию: умоли Христа Господа претворить души наша из грехолюбивых в боголюбивыя; сохрани и соблюди нас молитвами твоими от искушений диавольских и падений греховных и испроси нам свыше помощь во время уныния и беспомощия нашего, да не преткнемся о камень соблазна, но неуклонно шествуем спасительным путем заповедей Христовых, дондеже достигнем обителей райских, идже ты ныне водворяешься и веселишися. Ей, апостоле Спасов! Не посрами нас, крепце на тя уповающих, но буди нам помощник и покровитель во всем житии нашем и помози нам благочестно и богоугодно житие сие временное скончать, благую и мирную христианскую кончину получить и доброго ответа сподобиться на Страшном Суде Христове, да избежавшие мытарств воздушных и власти лютаго миродержца, унаследуем Царство Небесное и прославим великолепное Имя Отца и Сына и Святаго Духа во веки веков. Аминь.





# О совете и любви между мужем и женой



**Святому апостолу и евангелисту Иоанну Богослову**

## Молитва:

О великий и всехвальный апостоле и евангелисте Иоанне Богослове, наперсниче Христов, теплый наш заступниче и скорый в скорбех помощниче! Умоли Господа Бога даровати нам оставление всех прегрешений наших, елико согрешихом от юности нашея, во всем житии нашем, делом, словом, помышлением и всеми нашими чувствы. Во исходе же душ наших помози нам, грешным, избавитися воздушных мытарств и вечнаго мучения, да твоим милостивым предстательством прославляем Отца и Сына и Святаго Духа, ныне и присно и во веки веков. Аминь.

**Благоверному князю Даниилу Московскому**

## Молитва:

Церкве Христовы похвало высокая, града Москвы стено необоримая, державы Российскихия Божественное утверждение, преподобне княже Данииле, к раце мощей твоих притекающе, усердно молим тя: призри на нас, память твою воспевающих, пролей теплое твое ходатайство ко Спасу всех, яко да утвердит миром страну нашу, грады и веси ея и обитель сию добре да сохранит, благочестие и любовь в людях твоих насаждая, злобу же, междуусобие и нравов развращение искореняя; всем же нам вся благая ко временному животу и вечному спасению даруй молитвами твоими, яко да прославляем дивного во святых Своих Христа Бога нашего во веки веков. Аминь.





# О всякой семейной и бытовой нужде

## Святой блаженной Ксении Петербургской

### Тропарь, глас 7-й:

Нищету Христову возлюбивши, бессмертныя трапезы ныне наслаждаешися, безумием мнимым безумие мира обличивши, смирением крестным силу Божию восприяла еси. Сего ради дар чудодейственныя помощи стяжавшая, Ксение блаженная, моли Христа Бога избавитися нам от всякого зла покаянием.

### Кондак, глас 3-й:

Днесь светло ликует град святого Петра, яко множество скорбящих обретают утешение, на твоя молитвы надеющиеся, Ксение всеблаженная, ты бо еси граду сему похвала и утверждение.

### Молитва:

О, святая всеблаженная мати Ксение! Под кровом Всевышняго жившая, ведомая и укрепляемая Богоматерию, глад и жажду, хлад и зной, поношения и гонения претерпевшая, дар прозорливости и чудотворения от Бога прияла еси и под сению Всемогущего покоишися. Ныне Святая Церковь, яко благоуханный цвет, прославляет тя: предстояще на месте погребения твоего, пред образом твоим святым, яко живей ти, сущей с нами, молимся ти: приими прошения наша и принеси их ко Престолу Милосердаго Отца Небеснаго, яко дерзновение к Нему имущая, испроси притекающим к тебе вечное спасение, и на благая дела и начинания наша щедре благословение, от всяких бед и скорбей избавление, представи святыми твоими молитвами пред Всемилостивым Спасителем нашим о нас, недостойных и грешных, помози, святая блаженная мати Ксение, младенцы светом Святаго Крещения озарити и печатию дара Духа Святаго запечатлети, отроки и отроковицы в вере, честности, богообязненности и целомудрии воспитати и успехи в учении им давати; болящия и недугующия исцели, семейным любовь и согласие низпосли, монашествующим подвигом добрым подвизатися удостой и от поношений огради, пастыри в крепости духа утверди, народ и страну нашу в мире и безмятежии сохрани, о лишенных в предсмертный час причащения Святых Христовых Тайн умоли: ты наша надежда и упование, скорое услышание и избавление, тебе благодарение возсылаем и с тобою славим Отца и Сына и Святаго Духа, ныне и присно и во веки веков. Аминь.

## Святой блаженной Ксении Петербургской



### Молитва:

О, препростая образом жития своего, бездомная на земли, наследница же обителей Отца Небеснаго, блаженная страннице Ксение! Яко же прежде к надгробию твоему недужнii и скорбни припадавшии и аbie утешениями исполняемии, сице ныне и мы, обуреваемии тлетворными обстоянiiи, к тебе прибегающе, с надеждою просим: помолися, благая небошественнице, дабы исправилися стопы наша по словеси Господню к деланию заповедей Его, и да упразднится богооборное безбожие, пленившее град твой и страну твою, привергающее нас многогрешных в смертное братоненавидение, гордое самовозбешение и хульное отчаяние. О, блаженнейшая Христа ради, посрамившая суемудрость века сего, испроси у Творца и Подателя всяческих благ даровати нам смиренiя, кротости и любве в сокровище сердца нашего, веры в укрепление молитвы, надежды в покаянii, крепости в многотрудном житии, милосерднаго исцеления.

души и тела нашего, целомудрия в супружестве и благопопечения о близких и искренних своих, всего жития нашего обновление в чистительней бане покаяния, яко да всехвально воспевающе память твою, прославим, в тебе чудодействующаго, Отца и Сына и Святаго Духа, Троицу Единосущную и Нераздельную во веки веков. Аминь.





# При детородном неплодстве

**Святому пророку Захарии и Елисавете**

**Тропарь:**

Священства одеждою обложен, премудре, по Закону Божию всесожжения приятна священолепно приносил еси, Захарие, и был еси светильник и зритель тайных, знамения в тебе благодати нося явственно, всемудре. И мечем убиен был в храме Божии, Христов пророче, с Предтечею моли спастися душам нашим.

**Иной тропарь:**

Праведных Твоих Захарии и Елисаветы, Господи, память празднующе, теми молим Тя: спаси души наша.


**Кондак:**

Пророк днесь и священник Вышняго, Захария предложи, Предтечев родитель, трапезу своея памяти, верныя питая, питие бо правды всем растворив, сего ради скончавается, яко Божественный таинник Божия благодати.

**Молитва:**

О святии угодницы Божии, пророче Захарие и праведная Елисавето! Подвигом добрым подвизавшеся на земли, восприяли есте на небесех венец правды, егоже уготовал есть Господь всем любящим Его. Темже взирающе на святый ваш образ, радуемся о преславнем скончании жительства вашего и чтим святую память вашу. Вы же, предстоя Престолу Божию, приемите моления наша и ко Всемилостивому Богу принесите, о еже простити нам всякое прегрешение и помощи нам стати противу кознем диавольским, да избавльшеся от скорбей, болезней, бед и напастей и всякаго зла, благочестно и праведно поживем в нынешнем веце и сподобимся представительством вашим, аще и недостойни есмы, видети благая на земли живых, славяще Единаго во святых Своих славимаго Бога, Отца и Сына и Святаго Духа, ныне и во веки веков. Аминь.

## Праведным богоотцам Иоакиму и Анне



### Тропарь, глас 1-й:

Иже в законней благодати праведни бывше,  
Младенца Богоданного породиша нам, Иоаким  
и Анна. Темже днесь светло торжествует, весело  
празднуюющи Божественная Церковь, честную  
вашу память, славящи Бога, воздвигшаго рог  
спасения нам в дому Давидове.

### Кондак, глас 2-й:

Радуется ныне Анна. Неплодства разрешив-  
шися соуз, и питает Пречистую, созывающи вся  
воспети Даровавшаго от чрева ея человеком,  
Едину Матерь и Неискусомужную.

### Молитва:

О, приснославнии Христовы праведницы,  
святия богоотцы Иоакиме и Анно, предстоя-  
щии Небесному Престолу Великого Царя и велие  
дерзновение к Нему имущии, яко от Преблаго-  
словенныя Дщере вашея, Пречистыя Богороди-  
цы и Приснодевы Марии, воплотитися изволившему!

К вам, яко многомощным представителем и усердным о нас молитвенником, прибегаем мы, грешний и недостойний. Молите благость Его, яко да отвратит от нас гнев Свой, по делом нашим праведно на ны движимый, и да безчисленная прегрешения наша презрев, обратит нас на путь покаяния, и на стези заповедей Своих да утвердит нас. Также молитвами вашими в мире жизнь нашу сохраните, и во всех благих благое поспешение испросите, вся к животу и благочестию потребная нам от Бога дарующи, от всяких напастей и бед и внезапные смерти представительством вашим нас избавляюще, и от всех враг видимых и невидимых защищающе, яко да тихое и безмолвное житие поживем во всяком благочестии и чистоте, и такое в мире временное сие житие прешедше, в вечный достигнем покой, идеже вашим святым умолением да сподобимся Небеснаго Царствия Христа Бога нашего, Ему же, со Отцем и Пресвятым Духом, подобает всякая слава, честь и поклонение во веки веков. Аминь.

## Молитва супругов о даровании детей

Услыши нас, Милосердный и Всемогущий Боже, да молением нашим ниспосла-  
на будет благодать Твоя. Будь милостив, Господи, к молитве нашей, вспомни Закон  
Твой об умножении рода человеческаго и буди милостивым Покровителем, да  
Твою помощь сохранился Тобою же установленное. Ты властною силою Твою

из ничего все сотворил и положил начало всего в мире существующего — сотворил и человека по образу Своему и высокою тайною освятил союз супружества и предуказание тайны единения Христа с Церковью. Призри, Милосердный, на рабов Твоих сих (имена), союзом супружеским соединенных и умоляющих о Твоей помощи, да будет на них милость Твоя, да будут плодовиты и да увидят они сына сынов своих даже до третьяго и четвертаго рода и до желаемой старости доживут и войдут в Царство Небесное через Господа нашего Иисуса Христа, Которому всякая слава, честь и поклонение подобает со Святым Духом во веки.

## Преподобному Роману

### **Тропарь, глас 8 -й:**

В тебе, отче, известно спасеся еже по образу: приим бо крест последовал еси Христу, и дея учил еси презирати убо плоть, приходит бо, прилежати же о души, вещи бессмертней. Тем же и со ангелы срадуяся, преподобне Романе, дух твой.

Чистотою душевною Божественно вооружився, и непристанныя молитвы яко копие вручив крепко, пробол еси бесовская ополчения, Романе отче наш, моли непрестанно о всех нас.

### **Молитва:**

О священная главо, преподобне отче, преблаженне авво Романе, не забуди убогих твоих до конца, но поминай нас всегда во святых и благоприятных молитвах к Богу: помяни стадо твое, еже сам упасл еси, и не забуди посещати чад твоих. Моли за ны, отче священный, за дети твоя духовныя, яко имеяй дерзновение к Небесному Царю: не премолчи за ны ко Господу, и не презри нас, верою и любовию чтуших тя: поминай нас недостойных у Престола Вседержителева, и не престай молитися о нас ко Христу Богу, ибо дана тебе бысть благодать за ны молитися. Не мним бо тя суща мертвa: аще бо телом и преставился еси от нас, но и по смерти жив сый пребываеш, не отступай от нас духом, сохраняя нас от стрел вражиих и всякия прелести бесовских и козней диавольских, пастьрю наш добрый аще бо и мощей твоих рака пред очима нашими видима есть всегда, но святая твоя душа со ангельскими воинствы, со Безплотными лики, с Небесными Силами, у Престола Вседержителева предстояши, достойно веселится, ведуще убо тя воистину и по смерти жива суща, тебе припадаем и тебе молимся: молися о нас Всесильному Богу, о пользе душ наших, и испроси нам время на покаяние, да невозбранно прейдем от земли на небо, от мытарств же горьких, бесов воздушных князей и от вечныя муки да избавимся, и Небеснаго Царствия наследницы да будем со всеми праведными, от века угодившими Господу нашему Иисусу Христу: Ему же подобает всякая слава, честь и поклонение, со Безначальным Его Отцем, и с Пресвятым и Благим и Животворящим Его Духом, ныне и присно, и во веки веков. Аминь.

### **Величание:**


Ублажаем тя, преподобне отче Романе, и чтим святую память твою, наставниче монахов и собеседниче ангелов.





## При желании иметь дитя мужского пола

Преподобному Александру Свирскому



### Молитва:

О, священная главо, ангеле земный и человече небесный, преподобне и богоносне отче наш Александре, изрядный угодниче Пресвятыя и Единосущныя Троицы, многия милости живущим во святей обители твоей и всем, с верою и любовию притекающим к тебе, являй. Испроси нам вся к житию сему временному благопотребная, паче же к вечному спасению нашему нужная. Пособствуй предстательством твоим, угодниче Божий, правителем страны нашей России. И да в мире глубоце пребудет святая православная Церковь Христова. Буди всем нам, чудотворче святый, во всякой скорби и обстоянии скорый помощниче. Наипаче же в час кончины нашея явися нам, заступниче благосердый, да


не предани будем на мытарствах воздушных власти злобного миродержца, но да сподобимся непреткновенного восхода в Царствие Небесное. Ей, отче, молитвенниче наш присный! Не посрами упования нашего, не презри смиренных молений наших, но присно о нас пред Престолом Живоначальныя Троицы предстательствуй, да сподобимся вкупе с тобою и со всеми святыми, аще и недостойны есмы, в селениях райских славити величие, благодать и милость Единаго в Троице Бога, Отца и Сына и Святаго Духа во веки веков. Аминь.





# Молитвы беременных женщин о благополучном разрешении и о рождении здоровых детей

Пресвятой Богородице перед Ее иконой «Целительница»



## Тропарь, глас 4-й:

Яко Пресветлая Звезда, просия Божественными чудесы святый Твой образ Целительнице. Подаждь убо и нам, Богородице Марие, исцеление недугов душевных и телесных, спасение и велию милость.

## Молитва:

Приими, о, Всеблагословенная и Всемощная Госпоже Владычице Богородице Дево, сия молитвы, со слезами Тебе ныне приносимыя от нас, недостойных раб Твоих, ко Твоему цельбонесному образу пение возсылающих со умилением, яко Тебе Самой зде сущей и внемлющей молению нашему. По коемуждо бо прошению исполнение твориши, скорби облегчаеши, немощным здравие даруеши, разслабленныя и недужныя исцеляеши, от бесных бесы прогоняеши, обидимыя от обид избавлявши, прокаженные очищаеши и малыя дети милуеши; еще же, Госпоже Владычице Богородице, и от уз и темниц свобождаеши и всякия многоразличные страсти врачуеши: вся бо суть возможна ходатайством Твоим к Сыну Твоему, Христу Богу нашему. О, Всепетая Мати, Пресвятая Богородице! Не престай молитися о нас недостойных рабах Твоих, славящих Тя и почитающих Тя, и поклоняющихся со умилением Пречистому образу Твоему, и надежду имущих невозвратну и веру несомненну к Тебе, Приснодеве Преславней и Непорочней, ныне и присно и во веки веков. Аминь.

## **Пресвятой Богородице перед Ее иконой «Скоропослушница»**

**Тропарь, глас 4-й:** К Богородице притецем сущии в бедах, и святей иконе Ея ныне припадем, с верою зовуще из глубины души: скоро наше услыши моление, Дево, яко Скоропослушница нарекшаяся, Тебе бо ради раби Твои в нужду готовую помощницу имамы.

### **Кондак, глас 8-й:**

В мори житетством обуреваемии, треволнению подпадаем страстей и искушений. Подаждь убо нам, Госпоже, руку помощи, якоже Петрови Сын Твой, и ускори от бед избавити ны, да зовем Ти: радуйся, всеблагая Скоропослушница.

### **Молитва:**

Преблагословенная Владычице, Приснодево Богородице, Бога Слова паче всякаго слова на спасение наше рождшая, и благодать Его преизобильно паче всех приявшая, море явльшаяся Божественных дарований и чудес приснотекущая река, изливающая благость всем, с верою к Тебе прибегающим! Чудотворному Твоему образу припадающе, молимся Тебе, всещедрей Матери человеколюбиваго Владыки: удиви на нас пребогатыя милости Твоя и прошения наша, приносимая Тебе, Скоропослушнице, ускори исполнити все, еже на пользу во утешение и спасение коемуждо устроющи. Посети, Преблагая, рабы Твоя благодатию Твоей, подаждь недугующим цельбу и совершенное здравие, обуреваемым тишину, плененным свободу, и различными образы страждущих утеши. Избави, Всемилостивая Госпоже, всяк град и страну от глада, язвы, труса, потопа, огня, меча и иных казни временные и вечные, Матерним Твоим дерзновением отвращающи гнев Божий; и душевного разслабления, обуревания страстей и грехопадений свободы рабы Твоя, яко да непреткновенно во всяком благочестии поживше в сем веце, и в будущем вечных благ сподобимся благодатию и человеколюбием Сына Твоего и Бога, Ему же подобает всякая слава, честь и поклонение со Безначальным Его Отцем и Пресвятым Духом, ныне и присно и во веки веков. Аминь.

При недостатке молока также молятся пред иконой Пресвятой Богородицы «Скоропослушница».

## **Преподобной Мелании Римляныне**

### **Тропарь:**

В тебе, мати, известно спасеся, еже по образу: приими бо крест, последовала еси Христу, и деющи учила еси презирати убо плоть, преходит бо; прилежати же о души, вещи безсмертней; темже и со ангелы срадуется, преподобная Мелание, дух твой.

**Кондак, глас 3-й:**

Девства чистоты возлюбши, и обручника к благим увещавши, премножество богатства расточи в пребывание иночествующим, богоблаженная, и обители воздвиже. Темже в небесная обители вселися, поминай нас, Мелание всечестная.

Также при беременности и трудных родах молятся перед Албазинской иконой Божией Матери «Слово плоть бысть» и перед иконой «Помогательница женам чады раждати».

## **Молитва беременных женщин о благополучном разрешении**

О, Преславная Матерь Божия, помилуй меня, рабу Твою, и приди ко мне на помошь во время моих болезней и опасностей, с которыми рождают чад все бедные дщери Евы. Вспомни, о Благословенная в женах, с какою радостию и любовию Ты шла поспешно в горнюю страну посетить сродницу Твою Елисавету во время ея беременности и какое чудесное действие произвело благодатное посещение Твое и в матери, и в младенце. И по неисчерпаемому благосердию Твоему даруй и мне, униженней рабе Твоей, разрешитися от бремени благополучно; даруй мне сию благодать, чтобы дитя, покоящееся теперь под моим сердцем, пришедши в чувство, с радостным взыгранием, подобно святому младенцу Иоанну, поклонялось Божественному Господу Спасителю, Который из любви к нам, грешным, не возгнушался и Сам стать Младенцем. Неизглаголанная радость, которой преисполнилось девственное Твое сердце при воззрении на новорожденного Твоего Сына и Господа, да уладит скорбь, предстоящую мне среди болезней рождения. Жизнь мира, мой Спаситель, рожденный Тобою, да спасет меня от смерти, пресекающей жизнь многих матерей в час разрешения и да причтет плод чрева моего к числу избранных Божиих. Услыши, Пресвятая Царице Небесная, смиренную мольбу мою и призри на меня, бедную грешницу, оком Твоим благодати; не постыди моего упования на Твое великое милосердие и осени меня. Помощница христиан, Исцелительница болезней, да сподоблюсь и я испытать на себе, что Ты — Матерь милосердия, и да прославлю всегда Твою благодать, не отвергшую никогда молитвы бедных и избавляющую всех призывающих Тебя во время скорби и болезней. Аминь.

## Пресвятой Богородице перед Ее иконой «Феодоровская»



### Тропарь, глас 4-й:

Пришествием честныя Твои иконы, Богоотроковице, обрадованный днесъ, богохранимый град Кострома, якоже древний Израиль к кивоту завета, притекаетъ ко изображению лица Твоего и воплотившагося отъ Тебе Бога нашего, да Твоимъ Матернимъ къ нему представительствомъ присно ходатайствуешьъ всемъ подъ сенью крова Твоего прибегающимъ мир и велию милость.

### Кондак 1-й:

Вѣрнаній Воеводе, Пренепорочнѣй Девѣ Богородице, Заступнице нашей и Предстательству христиан непостыдному, явленіемъ чудныя иконы Свои радование подавшей земле Россійстей и вся верныя чада Церкви просветившей, благодарение усердноносимъ Ти, Богородице, и припадающе пречудному образу Твоему, умильно глаголемъ. Спаси, Госпоже, и помилуй рабы Твоя, зовущия: Радуйся, Матерь Божия, Предстательница и Заступница наша усердная.

### Молитва:

К кому воззову, Владычице, к кому прибегну в печали моей; к кому принесу слезы и вздохания моя, аще не к Тебе, Царице Небеси и земли: кто исторгнет мя от тины грехов и беззаконий, аще не Ты, о Мати Живота, Заступнице и Прибежище рода человеческаго. Услыши стенаніе мое, утеши мя и помилуй в горести моей, защити в бедах и напастях, избави от озлоблений и скорбей, и всяких недугов, и болезней, от враг видимых и невидимых, умири вражду стужающихъ мнѣ, да избавлен буду от клеветы и злобы человеческія; такожде от своея ми плоти гнусных обычаев свободи мя. Укрый мя под сению милости Твои, да обрящу покой и радость и от грехов очищеніе. Твоему Матернему заступлению себѣ вручаю; буди мнѣ Мати и надеждо, покров, и помощь, и заступление, радость и утешение, и скорая во всем Помощница. О, чудная Владычице! Всяк притекаетъ к Тебе, без Твои всесильная помощи не отходит; сего ради и аз недостойный к Тебе прибегаю, да избавлен буду от внезапнаго и лютаго смерти, скрежета зубнаго и вечнаго мучения. Небесное же Царствіе получити сподоблюся и Тебе во умилении сердца реку: Радуйся, Мати Божия, Предстательница и Заступница наша усердная, во веки веков. Аминь.





## О здравии младенцев

### Молитва поименованному отрочати

*Молитвы читает священник*

Господи Боже наш, в четыредесятый день младенец законному храму принесенный от Марии неискусобрачныя и Святыя Твоя Матере, и на объятиях праведнаго Симеона носимый, Сам Владыко всесильне, и принесенного сего младенца, явитися Тебе всех Творцу, благослови и на всякое дело благое и Тебе благоугодное возрасти, отгоняя от него всякую сопротивную силу, знамением воображения Креста Твоего. Ты бо еси храняй младенцы, Господи; да сподобився святаго Крещения, получит часть избранных Царствия Твоего, соблюдаешь с нами благодатию Святыя и Единосущныя, и Нераздельныя Троицы: Тебе бо подобает всякая слава, благодарение, и поклонение со Безначальным Твоим Отцем, и Пресвятым, и Благим, и Животворящим Твоим Духом, ныне и присно и во веки веков. Аминь.

Боже Отче Вседержителю, велегласней шим пророком Исаием предвозвестивый нам, еже от Девы воплощение Единородного Твоего Сына и Бога нашего, иже в последния дни благоволением Твоим, и содействием Святаго Духа, спасения ради нас человеков, безмерным благоутробием от Няя младенствовати изволивый, и по обычаю в законе святом Твоем, по исполнении дней очищения, святилищу принестися претерпе истинный Законоположник Сый; и на объятиях праведнаго Симеона носитися изволи, егоже таинства прообразование в предреченному пророце, клещами угля явленное познахом; егоже и мы вернии подражание благодатию держим. Сам и ныне, сохраняй младенцы Господи, благослови отроча сие, вкупе с родители и восприемники его, и сподоби его во время благопотребное и водою и Духом отрождения, сопричи е Святому Твоему стаду словесных овец, нарицающихся именем Христа Твоего: яко Ты еси в вышних Живый, и на смиренныя призираяй, и Тебе славу возсылаем, Отцу, и Сыну, и Святому Духу, ныне и присно и во веки веков. Аминь.

### Молитва при наречении имени дитяти в восьмой день по его рождении

*Молитвы читает священник*

Господи Боже наш, Тебе молимся, и Тебе просим, да знаменается свет Лица Твоего на рабе Твоем сем [на рабе Твой сей](имя), и да знаменается Крест Единородного Сына Твоего в сердце и в помышлениях его, во еже бегати суеты мира, и

от всякаго лукаваго навета вражия, последовати же повелени ем Твоим. Идажь Господи, не отреченну пребыти имени Твоему святому на нем, совокупляемем во время благопотребно святей Твоей Церкви, и совершаюм страшными тайнами Христа Твоего; да по заповедем Твоим жительствовав, и сохранив печать нерушиму, получит блаженство избранных во Царствии Твоем, благодатию и человеколюбием Единороднаго Сына Твоего, с Ним же благословен еси, с Пресвятым, и Благим и Животворящим Твоим Духом, ныне и присно и во веки веков. Аминь.

## Молитвы в первый день по рождению дитяти

### *Молитвы читает священник*

Владыко Господи Вседержителю, исцеляяй всякий недуг и всякую язву, сам и сию днес родившую рабу Твою(имя), исцели, и возстави ю от одра, на немже лежит: зане, по пророка Давида словеси, в беззакониих зачахомся, и сквернави вси есмы пред Тобою. Сохрани сию, и сего младенца, егоже роди: покрый ю под кровом крилу Твою, от днешняго дне даже до последняго ея скончания, молитвами Пречистыя Богородицы и всех святых; яко благословен еси во веки веков, аминь.

Владыко Господи Боже наш, родивыйся от Пречистыя Владычицы нашей Богородицы цы и Приснодевы Марии, и яко младенец во яслех возлегий, и яко детищ восприемлем бывый; Сам и сию рабу Твою, днес родившую сие отроча, помилуй, и прости вольныя и невольныя ея прегрешения, и сохрани ю от всякаго диавольскаго мучительства; и из нея рожденного младенца соблюди от всякаго яда, от всякия лютости, от всякия бури сопротивнаго, от духов лукавых, дневных же и нощных. Сию же соблюди под державною рукою Твою, и дажь ей скорое восстановление, и от скверны очисти, и болезни исцели, и здравие и благомощие души же и телу даруй, и Ангелы светлыми и сияющими сию огради; и соблюди от всякаго наития невидимых духов. Ей Господи, от недуга и слабости, от ревности и зависти, и от очес призора, и помилуй ю и младенца, по велицей милости Твоей, и очисти ю от телесныя скверны, и различных ей находящих утробных стужений; и изведи ю скорою милостию Твою во смиренном ея теле во исправление: и из нея рожденного младенца сподоби поклонитися земному храму, егоже уготовал еси славословитися имени Твоему святому. Яко подобает Тебе всякая слава, честь и поклонение, Отцу, и Сыну, и Святому Духу, ныне и присно и во веки веков. Аминь.

Господи Боже наш, благоволивый снити с небес, и родитися от святыя Богородицы и Приснодевы Марии, спасения ради нас грешных, ведый немощное человеческаго естества, прости рабе Твоей (имя), днес родившай, по множеству щедрот Твоих. Ты бо рекл еси Господи: раститесь и умножайтесь, и исполните землю и обладайте ею. Сего ради и мы, раби Твои, молимся, и дерзающе незлобивым Твоим человеколюбием, со страхом вопием к Царствия Твоего Святому имени: призри с небесе и виждь немощь нас осужденных, и прости рабе Твоей сей (имя), и всему дому, в немже родися отроча, и при коснувшимся ей, и зде обретающимся всем, яко Благ и Человеколюбец Бог прости: яко Един имаши власть оставляти грехи, молитвами Пречистыя Богородицы и всех святых Твоих. Аминь.

## Молитва святому праведному Симеону Богоприимцу

О Богоприимче Симеоне! Услыши нас, грешных раб Божиих(имена), и не отыми покров твой святый от нас, моли благость Господа, яко да отвратит от нас гнев Свой, праведно по делом нашим на ны движимый, и, презрев безчисленная прегрешения наша, обратит нас на путь покаяния и на стези заповедей Своих утвердит нас. Огради молитвами твоими в мире жизнь нашу и во всем благом поспешение испроси, вся к животу и благочестию потребная нам даряя, яко да тихое и безмолвное житие поживем во всяком благочестии и чистоте, и тако в вечный достигнем покой, идеже сподобим ся Небеснаго Царствия Христа Бога нашего, Ему же всякая слава подобает, со Отцем и Пресвятым Его Духом, ныне и присно и во веки веков. Аминь.

## Молитва матери отрочате

*Молитвы читает священник*

Господи Боже наш, пришедый на спасение рода человеческаго, прииди и на рабу Твою(имя), и сподоби ю честным Твоим пресвитерством, входа храма славы Твоея: омы ея скверну телесную и скверну душевную во исполнении четыредесяти дний: творяй ю достойну и причащения честнаго Тела и Крове Твоея. Яко освятися и прославися Пречестное и Великолепное имя Твое, со Отцем и Святым Духом, ныне и присно и во веки веков. Аминь.

## Ежедневные молитвы о чадах

Господи Иисусе Христе, буди милость Твоя на детях моих(имена), сохрани их под кровом Твоим, покрый от всякаго лукаваго похотения, отжени от них всякаго врага и супостата, отверзи им уши и очи сердечныя, даруй умиление и смирение сердцам их. Господи, все мы создание Твое, пожалей детей моих(имена), и обрати их на покаяние. Спаси, Господи, и помилуй детей моих (имена) и просвети им ум светом разума Евангелия Твоего и настави их на стезю заповедей Твоих и научи их, Спасе, творити волю Твою, яко Ты еси Бог наш.

## Молитвы родительнице по прошествии сорока дней

*Молитвы читает священник*

Господи Боже Вседержителю, Отче Господа нашего Иисуса Христа, все естество словесное же и безсловесное словом Твоим создавый, и вся от не сущих во еже быти приведый, Тебе молимся, и Тебе просим: Твою волею спасл еси рабу Твою(имя), очисти от всякаго греха, и от всякия скверны, приходящую ко святей Твоей Церкви, да неосужденно сподобится причаститися Святых Твоих Таин. И от нея рожденное

отроча благослови, возрасти, освяти, вразуми, уцеломудри, удобромудрстви: яко Ты привел еси е, и показал еси ему свет чувственый, да и умнаго сподобится света, во время еже определил еси, и сопричтется святому Твоему стаду, Единородным Твоим Сыном: с Ним же благословен еси, с Пресвятым, и Благим, и Животворящим Твоим Духом, ныне и присно и во веки веков. Аминь.

---





## **Молитвы женщин, совершивших аборт (после абортов)**

### **Молитва жене, егда извержет младенца (Читается только священником и только при ненасильственном выкидыше)**

Владыко Господи Боже наш, рождейся от Святыя Богородицы и Приснодевы Марии, и во яслех яко младенец возлегий, Сам рабу Твою сию днесь сущу во грехах, во убийство впадшую, волею или неволею, и зачатое в ней извергшую, помилуй по велицей Твоей милости, и прости ея вольныя и невольныя прегрешения, и сохрани от всякаго диавольского кознодействия, и скверну очисти, болезни исцели, здравие и благомощие телу с душою ея, Человеколюбче, даруй, и Ангелом светлым сия соблюди, от всякаго нашествия невидимых демонов, ей Господи, от недуга и ослабления. И очисти ю от телесныя скверны, и различных ей находящих стужений утробных, и изведи ю многою Твою милостью, во смиреннем ея теле. Ивозстави ю от одра, на немже лежит, яко во грехах родихомся, и в беззакониих, и сквернавы вси есмы пред Тобою, Господи, и со страхом вопием и глаголем: призри с небесе и виждь немощь нас осужденных, и прости рабе Твоей сей(имя), сущей во грехах, убийству впадшей, волею или неволею, и в ней зачатое извергшей, и всех обретающихся и прикоснувшихся ей, по велицей Твоей милости, яко Благ и Человеколюбец Бог помилуй и прости, ко Ты Един имаши власть оставляти грехи и беззакония, молитвами Пречистыя Твоей Матере, и всех святых. Яко подобает Тебе всякая слава, честь и поклонение, со Отцем и Святым Духом, ныне и присно и во веки веков. Аминь.

### **Молитва женщины о загубленных во утробе своей душах**

Помяни, Человеколюбче Господи, души отшедших рабов Твоих младенцев, кои во утробе православных матерей умерли нечаянно от неведомых действий, или от трудного рождения, или от некоей неосторожности, или сознательно загубленных и потому не принявших Святого Крещения. Окрести их, Господи, в море щедрот Твоих и спаси неизреченною Твою благодатию, а меня, грешную(имя), совершившую убийство младенца в утробе моей, прости и не лиши Твоего милосердия. Аминь.

## Молитва 1

Господи, помилуй мя за убитых во чреве детей моих.

## Пресвятой Богородице



Милосердия двери отверзи нам, Благословенная Богородице, надеющаяся на Тя, да не погибнем, но да избавимся Тобою от бед, Ты бо еси спасение рода христианского. Радуйся, Едина Пречистая Мати Едина Господа, Бога и Спаса нашего, Иисуса Христа! Буди ми Ходатаица в день страшного испытания, егда предстану Престолу Нелицемерного Судии, яко да огненного прещения муки избавлюся молитвами Твоими, Едина Благословенная. Пресвятая Богородице, спаси нас!

## Молитва 2

Господи, помилуй чад моих, умерших в утробе моей, за веру и слезы мои, ради милосердия Твоего, Господи, не лиши их Света Твоего Божественного.

## Молитва 3

О, Владыко, Господи Иисусе Христе, Сыне Божий! Премногия благости Твоей, нас ради человек и нашего ради спасения в плоть оболкийся, и распныйся, и погребыйся, и Твою Кровию обновивый растлевшее естество наше, приими мое покаяние во грехах и услыши глаголы мои: согрешила, Господи, на Небо и пред Тобою, словом, делом, душею и телом, и мыслию ума моего. Заповеди Твоя преступила, не послушала повеления Твоего, прогневала благость Твою, Боже мой, но яко творение Твое есть, не отчаяваюся во спасении, но к безмерному Твоему Благоутробию дерзая прихожду и молюся Тебе: Господи! в покаянии даждь ми сокрушенное сердце и приими мя, молящуюся и даждь ми мысль благую, даждь ми слезы умиления, Господи, даждь ми по благодати Твоей положити начало благое. Помилуй мя, Боже, помилуй мя падшую, и помяни мя, грешную рабу Твою во Царствии Твоем, ныне и присно и во веки веков. Аминь.

## Молитва 4

О, Боже, Премилосерднейший Христе Иисусе, Искупителю грешных, ради спасения рода человеческаго Ты оставил еси, Всемилостиве, преславная Небеса и

вселился еси во юдоль плачевную и многогрешную, Ты принял еси на Божественная рамена Твоя наша немощи, и понесл еси наша болезни; Ты, о Страдальче Святый, уязвлен был за грехи наша и мучим за беззакония наша, а посему и мы к Тебе, Человеколюбче, возносим наши смиренныя мольбы: приеми их, о Преблагий Господи, и снизойди к немощам нашим и грехов наших не помяни, и праведный гнев Твой за беззакония наша на ны движимый отврати от нас. Кровию Твою Всечестною обновивый падшее естество наше, обнови, Господи Иисусе Христе, Спасителю наш, и нас, во тли грехов сущих, и утеши сердца наша радостию всепрощения Твоего. С воплем и безмерными слезами раскаяния припадаем к стопам Твоего Божественного милосердия, и молим Тя: благодатию Твою очисти нас от всех неправд и беззаконий жития нашего. Да во святыни Твоего Человеколюбия восхвалим Всесвятое Имя Твое, со Отцем и Преблагим и Животворящим Духом, ныне и присно и во веки веков. Аминь.

---



## При недостатке материнского молока

**Божией Матери Млекопитательнице**



### Тропарь, глас 3-й:

Без семене от Божественного Духа, волею же Отчего зачала еси Сына Божия, от Отца без матери прежде век суща, нас же ради из Тебе без отца бывша, плотию родила еси и Младенца млеком питала еси, темже не престай молити избавитися от бед душам нашим.

### Кондак, глас 5-й:

Душ наших чувствия очистиши, узрим на иконе таинство преславное, Творца вселенныя и Господа вышних сил, во объятиях держима и от сосу Твоему яко Младенца питаема, и, со страхом и радостию покланяющеся Тебе и рожденному от Тебе Спасу нашему, воззовем: Радуйся, Владычице, жизни нашей Питательница.

### Молитва:

Приими, Госпоже Богородительнице, слезные моления рабов Твоих, к Тебе притекающих. Зрим Тя на святей иконе, на руках носящую и

млеком питающую Сына Твоего и Бога нашего, Господа Иисуса Христа. Аще и безболезненно родила еси Его, а паче матерние скорби веси и немощи сынов и дщерей человеческих зриши. Темже тепле припадающе к цельбоносному образу Твоему и умиленно сей лобызающе, молим Тя, Всемилостивая Владычице: нас, грешных, осужденных в болезнях родити и в печалех питати чада наша, милостивно пощади и сострадательно заступи, младенцы же наша, такожде и родивши их, от тяжкаго недуга и горькия скорби избави. Даруй им здравие и благомощие, да и питаемии от силы в силу возрастати будут, и питающие их исполнятся радостию и утешением, яко да и ныне предстательством Твоим из уст младенец и ссущих Господь совершил хвалу Свою. О, Мати Сына Божия! Умилосердися на матери сынов человеческих и на немощных людя Твоя: постигающая нас болезни скоро исцели, належащия на нас скорби и печали утоли, и не презри слез и воздыханий рабов Твоих. Услыши

нас в день скорби пред иконою Твою припадающих и в день радости избавления приеми благодарное хваление сердец наших. Вознеси мольбы наша ко престолу Сына Твоего и Бога нашего, да милостив будет ко грехом и немощем нашим и пробavit милость Свою ведущим имя Его, яко да и мы, и чада наша, прославим Тя, милосердую Заступницу и верную надежду рода нашего, во веки веков. Аминь.

### Преподобному Ипатию Печерскому, целебнику

#### Тропарь, глас 1-й:

Безначального онаго и тихаго места, идеже несть печали, ни вздохания, до-  
стигнути, преподобне, желая, не дал еси себе зде покоя нимало, но присно день и  
нощь в делах всяких и жестоком житии трудолюбно подвизаяся, пребываеши, тем  
желаемаго получил уже, Ипатие, молися о душах наших.





## **Молитвы отца или матери о детях**

### **Благословение матери**

Господи Иисусе Христе, Сыне Божий, молитв ради Пречистыя Твоей Матери услыши меня, грешную и недостойную рабу Твою.

Господи, в милости Твоей власти чадо мое, помилуй и спаси его имени Твоего ради.

Господи, прости ему вся согрешения, вольныя и невольныя, совершенные им пред Тобою.

Господи, настави его на истинный путь заповедей Твоих и вразуми его и просвети светом Твоим Христовым, во спасение души и исцеление тела.

Господи, благослови его в доме, около дома, в школе, в поле, в работе и в дороге, и на каждом месте Твоего владения.

Господи, сохрани его под кровом Твоим Святым от летящей пули, стрелы, ножа, меча, яда, огня, потопа, от смертоносной язвы (лучи атома) и от напрасныя смерти.

Господи, огради его от видимых и невидимых врагов, от всяких бед, зол и несчастий.

Господи, исцели его от всяких болезней, очисти от всякия скверны (вина, табака, наркотиков) и облегчи его душевные страдания и скорби.

Господи, даруй ему благодать Духа Твоего Святаго на многие лета жизни, здоровья и целомудрия.


Господи, умножь и укрепи его умственные способности и телесные силы.

Господи, дай ему Твое благословение на благочестивую семейную жизнь и благочестивое деторождение.

Господи, даруй и мне, недостойной и грешной рабе Твоей, родительское благословение на чадо мое в настоящее время утра, дня, вечера и ночи имени Твоего ради, ибо Царствие Твое вечно, всесильно и всемогуще. Аминь.

## Молитва родителей на благословение детей

Господи Иисусе Христе, Сыне Божий, благослови, освяти, сохрани чадо мое силою Животворящего Креста Твоего.



## Пророку, Предтече и Крестителю Господню Иоанну

### Тропарь, глас 2-й:

Память праведного с похвалами, тебе же довлеет свидетельство Господне, Предтече: показал бо ся еси воистину и пророков честнейший, яко и в струях крестити сподобился еси Проповеданного. Темже за истину пострадав радуяся, благовестил еси и сущим во аде Бога явльшагося плотию, вземлющаго грех мира и подающаго нам велию милость

### Кондак, глас 5-й:

Предтечево славное усекновение, смотрение бысть некое Божественное, да и сущим во аде Спасово проповесть пришествие; да рыдает убо Иродиа, беззаконное убийство испросивши: не закон бо Божий, ни живый век возлюби, но притворный, привременный.

### Молитва:

Крестителю Христов, проповедниче покаяния, кающагося не презри мене, но совокупляяся с вои небесными, молися ко Владыце за мене недостойнаго, унылагао, немощнаго и печальнаго, во многия беды впадшаго, утужденнаго бурными помыслы ума моего: аз бо есмь вертеп злых дел, отнюдь не имеяй конца греховному обычаю; пригвожден бо есть ум мой земным вещем. Что сотворю, не вем, и к кому прибегну, да спасена будет душа моя? Токмо к тебе, святый Иоанне, благодати тезоимените, яко тя пред Господем, по Богородице, вем больша быти рожденных всех, ибо ты сподобился есий коснутися верху Царя Христа, вземлющаго грехи мира, Агнца Божия: Егоже моли за грешную мою душу, да поне отныне, в первыйнадесять час, понесу тяготу благую и прииму мзду с последними.

Ей, Крестителю Христов, честный Предтече, крайний пророче, первый во благодати мучениче, постников и пустынников наставниче, чистоты учителю и ближний друже Христов, тя молю, к тебе прибегаю, не отрини мене от твоего заступления, но возстави мя, падшагося многими грехи; обнови душу мою покаянием, яко вторым крещением, понеже обоего начальник еси: крещением омывай грех, покаяние же проповедуй во очищение коегождо дел скверных; очисти мя грехми оскверненного и понуди вnitи, аможе ничтоже скверно входит, во Царствие Небесное. Аминь.

## Вздыхание матери о своих детях


Боже! Создателю всех тварей, прилагая милость к милости, Ты соделал меня достойной быть матерью семейства; благость Твоя даровала мне детей, и я дерзаю сказать: они Твои дети! Потому что Ты даровал им бытие, оживотворил их душой бессмертной, возродил их крещением для жизни, сообразной с Твоей волей, усыновил их и принял в недра Церкви Своей, Господи! Сохрани их в благодатном состоянии до конца жизни; сподоби их быть причастниками таинств Твоего завета; освящай Твоей истиной; да святится в них и через них святое имя Твое! Ниспосли мне твою благодатную помощь в их воспитании для славы имени Твоего и пользы ближнего! Подаждь мне для сей цели способы, терпение и силы! Научи меня насадить в их сердце корень истинной мудрости — страх Твой! Озари их светом управляющей вселенную Твоей Премудрости! Да возлюбят Тебя всей душой и помышлением своим; да прилепятся к Тебе всем сердцем и во всю жизнь свою да трепещут слов Твоих! Даруй мне разум убедить их, что истинная жизнь состоит в соблюдении заповедей твоих; что труд, укрепляемый благочестием, доставляет в сей жизни безмятежное довольствие и в вечности — неизреченное блаженство. Открой им разумение Твоего Закона! Да до конца дней своих действуют в чувстве вездеприсутствия Твоего! Насади в их сердце ужас и отвращение от всякого беззакония; да будут непорочными в путях твоих; да памятают всегда, что Ты, Всеблагий Боже, ревнитель закона и правды Твоей! Соблюди их в целомудрии и благоговении к имени Твоему! Да не порочат Церкви Твоей своим поведением, но да живут по ее предписаниям! Одушеви их охотою к полезному учению и соделай способными на всякое доброе дело! Да приобретут истинное понятие о тех предметах, коих сведения необходимы в их состоянии; да просвещаются познаниями благодетельными для человечества. Господи! Умудри меня напечатлеть неизгладимыми чертами в уме и сердце детей моих опасение содружеств с незнающими страха Твоего, внушить им всемерное удаление от всякого союза с беззаконными. Да не внимают они гнилым беседам; да не слушают людей легкомысленных; да не сорвят их с пути Твоего дурные примеры; да не соблазняются они тем, что иногда путь беззаконных благоуспешен в сем мире!

Отче небесный! Даруй мне благодать всемерно беречься подавать детям моим соблазн моими поступками, но, постоянно имея в виду их поведение, отвлекать их от заблуждений, исправлять их погрешности, обуздывать упорство и строптивость их, воздерживать от стремления к суете и легкомыслию; да не увлекаются они безумными помыслами, да не ходят вслед сердца своего, да не возгордятся в помышлении своем, да не забудут Тебя и закона Твоего. Да не погубит беззаконие ума и здоровья их, да не расслабят грехи душевных и телесных сил их. Судья Праведный, наказывающий детей за грехи родителей до третьего и четвертого рода, отврати такую кару от детей моих, не наказывай их за грехи мои; но окропи их росою благодати Твоей, да преуспевают в добродетели и святости, да возрастают в благоволении Твоем и в любви людей благочестивых.

Отче щедрот и всякого милосердия! По чувству родительскому я желала бы детям своим всякого обилия благ земных, желала бы им благословения от росы небесной и от туха земного, но да будет с ними святая воля Твоя! Устрой судьбу их по Твоему благоволению, не лиши их в жизни наущного хлеба, ниспосылай им все необходимое во времени для приобретения блаженной вечности, будь милостив к ним, когда согрешат перед Тобою, не вменяй им грехов юности и неведения их, приведи в сокрушение их сердца, когда будут противиться руководству благости Твоей; карай их и милуй, направляя на путь благоугодный Тебе, но не отвергай их от лица Твоего! Принимай с благоволением молитвы их, даруй им успех во всяком добром деле; не отврати лица Твоего от них во дни скорби их, да не постигнут их искушения выше сил их. Осеняй их Твоей милостью, да ходит Ангел Твой с ними и сохранит их от всякого несчастия и злого пути, Всеблагий Боже! Соделай меня матерью, веселящейся о детях своих, да будут они отрадой моей в дни жизни моей и опорою мне в старости моей. Удостой меня, с упоманием на Твое милосердие, предстать с ними на Страшном Суде Твоем и с недостойным дерзновением сказать: Вот я и дети мои, которых Ты дал мне, Господи! Да совокупно с ними прославляя неизреченную благость и вечную любовь Твою, превозношу Пресвятое Имя Твое, Отче, Сыне и Душе Святый, во веки веков. Аминь.

*Молитву эту раздавали верующим в Казанской Амвросиевской женской пустыни при с. Шамордино.*

## Пресвятой Богородице перед Ее иконой «Взыскание погибших», или «Избавление от бед страждущих»



### Тропарь, глас 7-й:

Радуйся, Благодатная Богородице Дево, во объятиях Своих Превечного Младенца и Бога носившая. Проси Его дати миру умирение и душам нашим спасение. Сын бо Тебе, Богомати, вещает, яко вся прошения Твоя во благое исполнит. Сего ради и мы припадающе, молимся, и надеющиеся на Тя, да не погибнем, имя Твое именуем: Ты бо еси, Владычице, взыскание погибших.

### Молитва:

Заступнице Усердная, Благоутробная Господа Мати, к Тебе прибегаю аз окаянный и паче всех человек грешнейший; вонми гласу моления моего и вопль мой и стенание услыши. Яко беззакония моя превзыдоша главу мою, и аз,

якоже корабль в пучине, погружаюся в море грехов моих. Но Ты, Всеблагая и Милосердная Владычице, не презри мене отчаянного и во грехах погибающего; помилуй мя кающагося во злых делах моих, и обрати на путь правый заблудшую, окаянную душу мою. На Тебе, Владычице моя Богородице, возлагаю все упование мое. Ты, Мати Божия, сохрани и соблюди мя под кровом Твоим, ныне и присно и во веки веков. Аминь.

## Молитвы к Божией Матери




О Пресвятая Владычице Дево Богородице, спаси и сохрани под кровом Твоим моих чад (*имена*), всех отроков, отроковиц и младенцев, крещеных и безымянных и во чреве матери носимых. Укрой их ризою Твоего материнства, соблюди их в страхе Божием и в послушании родителям, умоли Господа моего и Сына Твоего, да дарует им полезное ко спасению их. Вручаю их Материнскому смотрению Твоему, яко Ты еси Божественный Покров рабам Твоим.

Матерь Божия, введи меня во образ Твоего небесного материнства. Уврачуй душевые и телесные раны чад моих (*имена*), моими грехами нанесенные. Вручаю дитя мое всецело Господу моему Иисусу Христу и Твоему, Пречистая, небесному покровительству. Аминь.

*Из женского монастыря в Шуе, Ивановской области.*

## Пророку, Предтече и Крестителю Господню Иоанну



### Молитва:

Крестителю Христов, проповедниче покаяния, кающагося не прези мене, но совокупляя-  
ся с вои небесными, молися ко Владыце за мене  
недостойнаго, унылаго, немощнаго и печаль-  
наго, во многия беды впадшаго, утружденнаго  
бурными помыслы ума моего: аз бо есмь вертеп  
злых дел, отнюдь не имеяй конца греховному  
обычаю; пригвожден бо есть ум мой земным  
вещем. Что сотворю, не вем, и к кому прибег-  
ну, да спасена будет душа моя? Токмо к тебе,  
святый Иоанне, благодати тезоимените, яко тя  
пред Господем, по Богородице, вем больша бы-  
ти рожденных всех, ибо ты сподобился еси кос-  
нутися верху Царя Христа, вземлющаго грехи

мира, Агнца Божия: Егоже моли за грешную мою душу, да поне отныне, в первый-  
надесять час, понесу тяготу благую и приими мзду с последними. Ей, Крестителю  
Христов, честный Предтече, крайний пророче, первый во благодати мучениче,  
постников и пустынников наставниче, чистоты учителю и ближний друже Христов,  
тя молю, к тебе прибегаю, не отрини мене от твоего заступления, но возстави мя,  
падшагося многими грехи; обнови душу мою покаянием, яко вторым крещением,  
понеже обоего начальник еси: крещением омываяй грех, покаяние же проповедуяй  
во очищение коегождо дел скверных; очисти мя грехми оскверненного и понуди  
внити, аможе ничтоже скверно входит, во Царствие Небесное. Аминь.

### Молитва 1

Отче Святый, Превечный Боже, от Тебя исходит всякий дар или всякое благо.  
Тебе прилежно молюсь о детях, которых благодать Твоя мне даровала. Ты дал  
им жизнь, оживотворил их душею бессмертною, возродил святым крещением,  
дабы они сообразно с волею Твою унаследовали Царство Небесное, сохрани их  
по Твоей благости до конца их жизни. Святи их Твою истину, да святится в  
них имя Твое. Содействуй мне благодатию Твою воспитать их во славу Твоего  
имени и на пользу ближним, дай мне для этого потребные средства: терпение и  
силу. Господи, просвети их светом Твоей Премудрости, да любят Тебя всею душею,  
всем помышлением, насади в сердцах их страх и отвращение от всякого беззакония,  
да ходят в заповедях Твоих, украси души их целомудрием, трудолюбием,  
долготерпением, честностию, огради их правдою от клеветы, тщеславия, мерзости,  
окропи росою благодати Твоей, да преуспевают в добродетелях и святости и да  
возрастают в благоволении Твоем, в любви и благочестии. Ангел-хранитель да  
пребывает с ними всегда и соблюдает их юность от суэтных мыслей, от прельщения

соблазнов мира сего и от всяких лукавых наветов. Если же когда согрешат пред Тобою, Господи, не отврати лица Твоего от них, но буди к ним милостив, возбуди в их сердцах покаяние по множеству щедрот Твоих, очисти согрешения и не лиши Твоих благ, но подай им все угодное для их спасения, сохраняя их от всякой болезни, опасности, бед и скорбей, осеняя их Твою милостию во вся дни жизни сей. Боже, Тебе молюся, дай мне веселье и радость о моих детях и сподоби мне предстati с ними на Страшном Суде Твоем, с непостыдным дерзновением сказать: «Вот я и дети, которых Ты мне дал, Господи. Аминь». Да прославим Всесвятое имя Твое, Отца и Сына и Святаго Духа. Аминь.

## Молитва 2

Боже и Отче, Создатель и Сохранитель всех тварей! Облагодатствуй моих бедных детей (*имена*) Духом Твоим Святым, да возжет Он в них истинный страх Божий, который есть начало премудрости и прямое благоразумие, по которому кто поступает, того хвала пребывает вечно. Облаженствуих истинным познанием Тебя, сблюди их от всякаго идололожения и лжеучения, сделай, чтоб возросли в истинной и спасающей вере и во всяком благочестии, и да пребудут в них постоянно до конца. Даруй им верующее, послушное и смиренное сердце и разум, да возрастают в летах и в благодати пред Богом и пред людьми. Насади в сердце их любовь к Твоему Божественному Слову, чтобы они были благоговейны в молитве и в богослужении, почтительны к служителям Слова и со всяким искренни в поступках, стыдливы в телодвижениях, целомудренны в нравах, истинны в словах, верны в делах, прилежны в занятиях, счастливы в исполнении обязанностей своих, разумны и праводетельны ко всем людям. Сблюди их от всех соблазнов злого мира, и да не развратит их худое общество. Не попусти им впасть в нечистоту и нецеломудрие, да не сократят сами себе жизни своей и да не оскорбят других. Буди защитой их во всякой опасности, да не подвергнутся внезапной погибели. Соделай, чтоб не увидели мы в них себе бесчестия и посрамления, но честь и радость, чтоб умножилось ими Царство Твое и увеличилось число верующих, и да будут они на небеси окрест трапезы Твой, как небесные масличные ветви, и со всеми избранными да воздадут Тебе честь, хвалу и прославление через Иисуса Христа, Господа нашего. Аминь.

## Молитва 3

Господи Иисусе Христе, буди милость Твоя на детях моих (*имена*), сохрани их под кровом Твоим, покрый от всякаго лукаваго похотения, отжени от них всякаго врага и супостата, отверзи им уши и очи сердечныя, даруй умиление и смирение сердцам их. Господи, все мы создание Твое, пожалей детей моих (*имена*) и обрати их на покаяние. Спаси, Господи, и помилуй детей моих (*имена*) и просвети им ум

светом разума Евангелия Твоего и настави их на стезю заповедей Твоих и научи их, Спасе, творити волю Твою, яко Ты есть Бог наш.

## **Молитва к Ангелу хранителю**

Святый Ангеле хранителю моих чад (*имена*), покрый их твоим покровом от стрел демона, от глаз обольстителя и сохрани их сердце в ангельской чистоте. Аминь.

## **Молитва о детях, преп. Амвросия Оптинского**

Господи, Ты Един вся веси, все можеши и всем хощешь спастись и в разум Истины прийти. Вразуми детей моих (*имена*) познанием истины Твоей и воли Твоей Святыя и укрепи их ходити по заповедям Твоим и меня, грешную, помилуй

## **Молитва Ангелу-хранителю**

Ангеле Божий, хранителю мой святый, на соблюдение мне от Бога с небес данный! Прилежно молю тя: ты мя днесъ просвети, и от всякаго зла сохрани, ко всякому деянию настави, и на путь спасения направи. Аминь.

## **Святой великомученице Варваре**



### **Молитва:**

Святая славная и всехвальна великомученице Христова Варваро! Собраннии днесъ в храме твоем Божественном людие и раце мощей твоих покланяющиися и с любовию целующии, страдания же твоя мученическая и в их Самаго страсто-положника Христа, давшаго тебе, не точию еже в Него веровати, но и еже по Нем страдати, похвалами ублажающе, молим тя, известная желания нашего ходатаице: моли с нами и о нас умоляемаго от Своего благоутробия Бога, да милостивно услышит нас, просящих Его благостию, и не отставит от нас вся ко спасению и житию нуждная прошения, и дарует христианскую кончину животу нашему безболезненну, непостыдну, мирну, Божественных Таин причастну, и всем на всяком месте, во всякой скорби и обстоянии, требующим Его человеколюбия и помощи, великую Свою подаст милость, да благодатию

Божию и твоим теплым представительством, душею и телом всегда здравии пребывающе, славим дивного во святых Своих Бога Израилева, не удаляющего помоши Своего от нас всегда, ныне и присно и во веки веков. Аминь.





# **О воспитании детей в христианском благочестии**

## **Мученице Софии**


О, многострадальная и премудрая великомученице Христова Софие! Ты душею на небеси у Престола Господня предстоиши, на земли же, данною тебе благодатию, различная совершаesh исцеления: призри убо милостивно на предстоящия люди и молящияся пред мощами твоими, просящия твоевя помощи: простри ко Господу святыя молитвы твоя о нас, и испроси нам оставление согрешений наших, недужным исцеление, скорбящим и бедствующим скорую помошь: умоли Господа, да подаст всем нам христианскую кончину и добный ответ на Страшнем Суде Своем, да сподобимся и мы купно с тобою славити Отца и Сына и Святаго Духа во веки веков. Аминь.





## О развитии ума у детей

### Молитва ко Пресвятой Богородице пред иконой Ее «Подательница ума» или «Прибавление ума»



О Пресвятая Дево! Ты — Невеста Бога Отца и Матерь Божественного Его Сына Иисуса Христа! Ты — Царица Ангелов и спасение людей, обличительница грешников и наказательница богоотступников. Помилуй и нас, тяжко согрешивших и не исполнивших заповедей Божиих, нарушивших обеты крещения и обеты монашества и многие другие, которые обещали исполнять. Когда Дух Святый отступил от царя Саула, тогда боязнь и уныние напали на него и тьма отчаяния и безрадостное состояние души мучили его. Теперь и мы за грехи наши все лишились благодати Духа Святаго. Ум осуетился суetoю помышлений, забвение о Боге омрачило души наша, и теперь теснят сердце всякаго рода печали, скорби, болезни, ненависть, зло, вражда, мстительность, злорадство и прочие грехи. И, не имея радости и утешения, зовем к Тебе, Мати Бога нашего Иисуса Христа, да умолиши Сына Твоего простить нам все наши согрешения и послать к нам Духа Утешителя, как послал Он Его на апостолов, да утешенные и просвещенные им воспоим Тебе благодарственную песнь: радуйся Пресвятая Богородице, ко спасению прибавившая нам ума. Аминь.

#### Тропарь, глас 4:

О Преславная Мати Христа Бога нашего, благих Подателя, милостию Свою всю вселенную сохрани, даруй нам, рабом Твоим, премудрость и разум, светом Сына Твоего души наша просвети, едина Всепетая, от Херувим и Серафим славимая.

#### Кондак, глас 2:

Яко Единицы умом нас просвещающую, хвалим Тя, Пречистая, Мати Разума, всю вселенную держащаго, Красото мира видимаго и невидимаго, лучами жизни нас озаряющая.

### Мученику Неофиту


**Седален, глас 4-й:**

Новоцветный якоже сад, прозябл еси в вертографех Христовых страстотерпцев. Плоды Божественного разума принесл еси. Имиже питаются верно тя чущии, славне Неофите, страдальче доблемудреный, но твоими молитвами нас всегда спасай, Богу предстоя.

**Стихира на «Господи, воззвах», глас 8-й:**

О, преславнаго чудесе! От пелен самех совершенномудрый Неофит совершает чудеса действом Духа: из камене воду молитвами источает, мертвую воздвигает, еяже явися пород.

О, Божественных деяний пятострадального мученика! Егоже молитвами спаси души наша, Христе, яко Благоутробен.

**Преподобному Сергию, игумену Радонежскому****Молитва:**

О, священная главо, преподобне и богоносне отче наш Сергие, молитвою твою, и верою и любовию, яже к Богу, и чистотою сердца, еще на земли во обитель Пресвятая Троицы душу твою устроивый, и ангельского общения и Пресвятая Богородицы посещения сподобивыйся, и дар чудодейственный благодати приемый, по отшествии же твоем от земных наипаче к Богу приближивыйся и небесныя силы приобщивыйся, но от нас духом любве твою не отступивый, и честныя твоя мощи, яко сосуд благодати полный и преизливающийся, нам оставивый! Велие имя дерзновение ко Всемилостивому Владыце, моли спаси рабы Его, сущей в тебе благодати Его верующия и к тебе с любовию притекающия. Испроси нам от Великодаровитаго Бога нашего всякий дар, всем и коемуждо благопотребен: веры непорочны соблюдение, градов наших утверждение, мира умирение, от глада и пагубы избавление, от нашествия иноплеменных сохранение, скорбящим утешение, недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в делах благих преспяние и благословение, младенцем воспитание, юным наставление, неведущим вразумление, сиротам и вдовицам заступление, отхо-

дящим от сего времененного жития к вечному благое уготовление и напутствие, отшедшим блаженное упокойение, и вся ны споспешествующими твоими молитвами сподоби в день Страшного Суда шуя части избавиться, десныя же страны общники быти и блаженный оный глас Владыки Христа услышати: «Приидите, благословеннии Отца Моего, наследуйте уготованное вам Царствие от сложения мира». Аминь.

## Бессребреникам и чудотворцам Косме и Дамиану



### Молитва:

О, чудотворцы славни, врачеве безмездни, Космо и Дамиане! Вы, от юности Христа Бога возлюбивше, не врачевания токмо искусство, но паче неоскудную благодать исцеления всяких недугов от Бога прияли есте. Темже и нас, пред честною иконою вашею припадающих, скоро услышите. Юныя дети, вашея помощи во учении книжнем просящия, молитвами своими

наставите, да вашему житию ревнующе, не земное точию приоброящут, и паче во благочестии и правей вере непрестанно да преспевают. На одре болезни лежащим, в человечестей помощи отчаявшимся, к вам же тепле с верою и усердно молитвою прибегающим, исцеление болезней вашим милостивым чудодейственным посещением даруйте: такожде и от лютых недуг во уныние, малодущие и роптание пришедшя, данною вам от Бога благодатию в терпении утвердите и наставите, да уразумеют волю от них Божию святую и совершенную, и причастницы сodelаются Божия спасительныя благодати. Всех, к вам усердно прибегающих, от болезней лютых невредимы сохраните, и от внезапных смерти оградите, и мощным ходатайством вашим к Богу в праве вере тверды соблюдите, во благочестии же преспевающая, да с вами вкупе сподобятся в будущем веце присно воспевати и славити Всесвятое и великолепное Имя Отца и Сына и Святаго Духа, во веки веков. Аминь.

*Святым Косме и Дамиану молятся также о здоровье детей.*





## Молитвы учащегося

### Молитва перед учением

Преблагий Господи, низпосли нам благодать Духа Твоего Святаго, дарствующаго и укрепляющаго душевныя наши силы, дабы, внимаше преподаваемому нам учению, возросли мы Тебе, нашему Создателю, во славу, родителем же нашим на утешение, Церкви и отечеству на пользу.

### Молитва перед началом обучения

Господи Боже и Создателю наш, образом Своим нас, людей, украсивший, избранных Твоих научивший Закону Твоему, так что внимаше ему дивяся, детям тайны премудрости открывший, Соломону и всем ищущим ее даровавший — открый сердца, умы и уста рабов Твоих сих (*имена*), чтобы уразуметь силу Закона Твоего и успешно познать преподаваемое им полезное учение для славы Пресвятого Имени Твоего, для пользы и устроения Святой Твоей Церкви и разумения благой и совершенной воли Твоей. Избавь их от всяких козней вражеских, сохрани их в вере Христовой и чистоте во все время жизни их, — да будут крепки разумом и исполнением заповедей Твоих и так наученные, прославят Пресвятое Имя Твое и будут наследниками Царствия Твоего, — ибо Ты, Бог, крепок милостию и благ крепостию и Тебе подобает всякая слава, честь и поклонение, Отцу и Сыну и Святому Духу, всегда, ныне и присно и во веки веков. Аминь.

### Молитва об отроке неудобоучащемся (Плохо учащемся)

Господи Иисусе Христе Боже наш, вселивыйся в сердца двунадесятых апостолов нелицемерно, благодатию Всесвятаго Духа, сошедшаго в виде огненных язык, и сих устне отверзый, и начаша глаголати иными языки: Сам Господи Иисусе Христе Боже наш, ниспосли Того Духа Твоего Святаго на отрока сие (*имя*): и насади во ушеса сердца его Священныя Писания, яже рука Твоя пречистая на скрижалех начерта законоположнику Моисею, ныне и присно и во веки веков. Аминь.

**Молитва после учения**

Благодарим Тебе, Создателю, яко сподобил еси нас благодати Твоей, во еже внимати учению. Благослови наших начальников, родителей и учителей, ведущих нас к познанию блага, и подаждь нам силу и крепость к продолжению учения сего.





## О благосостоянии детей в обществе

**Святителю Митрофану, Воронежскому чудотворцу**

**Тропарь, глас 4-й:**

Правило веры и образ кротости словом и житием пастве твоей, отче смиренномудре Митрофане, был еси. Темже и во светlostех святых солнца светлейши возсиял еси, венцем нетления и славы украшаем, моли Христа Бога стране нашей и граду твоему в мире спастися.

**Кондак, глас 8-й:**

Воздержанием тело духу поработив, душу же равноангельну сотворив. Святительскою одеялся еси одеждю, яко венец священства, и ныне, всех Владыще предстои, моли, всеблаженне Митрофане, умирити и спаси души наша.

**Молитва:**


Святителю отче Митрофане, нетлением честных мощей твоих и многими благодеяньми, чудесно содеянными и содеваемыми тобою с верою к тебе притекающим, уверившееся, яко имаши велию благодать у Господа Бога нашего, всесмиленно припадаем вси и молимся тебе: моли о нас Христа Бога нашего, да ниспослет всем, чтущим святую память твою и усердно к тебе прибегающим, богатыя милости Своя: да утвердит во Святей Своей Православной Церкви живый дух правыя веры и благочестия, дух ведения и любве, дух мира и радости о Духе Святе, да вси члены ея, чисты от мирских искушений и плотских похотей и злаго действия злых духов, духом и истину покланяются Ему и усердно пекутся о соблюдении заповедей Его ко спасению душ своих. Пастырем ея да даст святую ревность попечения о спасении людей, им вверенных, да неверующих просветят, неведущих наставят, сомневающихся вразумят и удостоверят, отпадших от Православныя Церкви обратят в святые недра ея, верующих соблюдут в вере, грешных подвигнут к покаянию, кающихся утешат и укрепят в исправлении жизни, раскаявшихся и исправившихся утвердят в святости жизни: и тако всех введут указанным от Него путем в уготованное вечное Царство святых Его. Ей, святителю Божий, да устроиши молитвами твоими вся благая душам и телесем нашим: да и мы прославим в душах и телесех наших Господа и Бога нашего, Иисуса Христа, Ему же со Отцем и Святым Духом слава и держава во веки веков. Аминь.





## О потерянных детях

Великомученику Георгию Победоносцу



### Тропарь, глас 4-й:

Яко пленных свободитель, и нищих защититель,  
немощтвующих врач, царей поборниче, победоносче  
великомучениче Георгие, моли Христа Бога, спасися  
душам нашим.

### Кондак, глас 4-й:

Возделан от Бога, показался еси благочестия дела-  
тель честнейший, добродетелей рукояти собрав себе: се-  
яя бо в слезах, веселием жнеши: страдальчествовав же  
кровию, Христа приял еси: и молитвами, святе, твоими,  
всем подаеши прегрешений прощение.

### Величание:

Величаем тя, страстотерпче святый великомучениче  
и победоносче Георгие, и чтим страдания твоя, яже за Христа претерпел еси.

### Молитва:

Святый, славный и всехвальный великомучениче Христов Георгие! Собранныи  
во храме твоем и перед иконою твою сяю покланяющися людие, молим тя,  
известный желания нашего ходатаю: моли с нами и о нас умоляемаго от Своего  
благоутробия Бога, да милостивно услышит нас, просящих Его благостию, и не  
оставит вся наша ко спасению и житию нуждная прошения, и да укрепит же данною  
тебе благодатию во бранех православное воинство, разрушит силы возстающих  
враг, да постыдятся и посрамятся, и дерзость их да сокрушится, и да уведят, яко мы  
имамы Божественную помошь; и всем в скорби и обстоянии сущим многомощное  
яви твое заступление. Умоли Господа Бога, всея твари Создателя, избавити нас  
от вечного мучения, да всегда прославляем Отца и Сына и Святаго Духа, и твое  
исповедуем предстательство, ныне и присно и во веки веков. Аминь.





## **В печали о детях, где они находятся и живы ли**

### **Молитва всем святым и Бесплотным небесным силам**

Боже Святый и во святых почиваяй, трисвятым гласом на небеси от ангел воспеваемый, на земли от человек во святых Своих хвалимый; давый Святым Твоим Духом комуждо благодать по мере дарования Христова, и тою поставивый Церкви Твоей святей овы апостолы, овы пророки, овы же благовестники, овы пастыри и учители, ихже словом проповеди, Тебе Самому действующему вся во всех, мнози совершишася святии в коемждо роде и роде, различными добродетельми благоугодившии Тебе, и к Тебе, нам образ добрых подвигов своих оставивше, в радости прешедшии, готови, в немже сами искушени быша, и нам напаствуемым помогати. Сих святых всех воспоминая и их богоугодное похваляя житие, Тебе Самаго, в них действовавшаго, восхваляю, и онех благотворения Твоя дарования быти веря, прилежно молю Тя, Святе святых, дажь ми грешному последовать их учению, житию, любви, вере, долготерпению, и их молитvennoю помощью, паче же Твою вседействующею благодатию, небесныя с ними сподобитися славы, хваляще Пресвятое Имя Твое, Отца и Сына и Святаго Духа во веки. Аминь.

*Также молятся Ангелу-хранителю ребенка и великомуученику Георгию Победоносцу.*

### **Преподобным Ксенофонту и Марии**

#### **Тропарь, глас 4-й:**

Боже отец наших, творяй присно с нами по Твоей кротости, не отстави милость Твою от нас, но молитвами их в мире управи живот наш.

#### **Кондак:**


В заповедех бодрствовал еси Владычних, нищим расточивый твое богатство блаженне, тихо с супружницею и чады твоими, темже наследуете Божественное наслаждение.

#### **Молитва:**

О святии Ксенофонте и Марие со чадами вашими Аркадием и Иоанном! Се, мы недостойнии и грешнii к вам усердно прибегаем и с упнованием крепким молимся: милостивно услышите ныне глас наш молебный и потщитесь на помощь нашу, и ныне любовь вашу к нам, рабам Божиим (*имена*), явите благодатным

действом богоприятных молитв ваших, низпошлите и нам великую и богатую милость Господню, да воспоеем и прославим дивного во святых Своих Бога, Отца и Сына и Святаго Духа, ныне и присно и во веки веков.

## **Великомученику Евстафию Плакиде**



### **Молитва:**

О, преславный святый и многострадальный великомучениче Христов Евстафие! Услыши ны грешныя и недостойныя, святую многострадальную память твою празднующия. Испроси нам у Господа многомощными молитвами твоими благодать, яже ко спасению, и всех грехов содеянных нами прощение, земли благоплодие, миру мирное устроение и от лютых диавольских козней свобождение, христианскую кончину жизни нашего и немятежное чрез воздушныя мытарства к небеси прехождение, ты бо приял еси благодать сию от Господа, еже молитися за ны, и аще восходи помиловать нас, почитающих священную память твою. Вся можеши сотворити. Не презри убо нас недостойных, святый великомучениче Евстафие. Испроси от Господа вся благая и полезная душам нашим, яко да и мы удостоимся славити и воспевати Всесвятое и великолепное Имя Его во премирном Царствии Небеснем, идеже есть всех святых жилище, во веки веков. Аминь.





## При нарушении сна у младенцев

**Святым семи отрокам во Ефесе: Максимилиану, Иамвлиху, Мартиниану, Иоанну, Дионисию, Ексакустодиану и Антонину**

**Тропарь, глас 8-й:**

Благочестия проповедники и воскресения умерших изобразители, Церкви столпы седмочисленныя, отроки всеблаженные песньми восхвалим: тии бо по многих летех нетления, аки от сна воставше, всем возвестиша яве мертвых востание.

**Кондак, глас 4-й:**

Прославивый на земли святыя Твоя, прежде втораго и страшнаго пришествия Твоего, Христе. Преславным востанием отроков показал еси Воскресение неведящим е, нетленна одеяния и телеса явив, и царя уверил еси вопити: воистину есть мертвых востание.

**Молитва:**

О, пречуднии святии седмочисленни отроцы, Ефеса града похвало и всея вселенных упование! Воззрите с высоты небесныя славы на нас, любовию память вашу чтущих, наипаче же на младенцы христианския, вашему заступлению от родителей своих препорученныя: низведите на ня благословение Христа Бога, рекшаго: оставите детей приходить ко Мне: болящия убо в них исцелите, скорбящия утешите; сердца их в чистоте соблюдите, кротостию исполните я, и в земли сердец их зерно исповедания Божия насадите и укрепите, во еже от силы в силу им возрастити; и всех нас, святей иконе вашей предстоящих, моши же ваша с верою лобызающих и тепле вам молящихся, сподобите Царствие Небесное улучити и немолчными гласы радования тамо прославляти великолепое имя Пресвятыя Троицы, Отца и Сына и Святаго Духа во веки веков. Аминь.


*О том же молятся Ангелу-хранителю младенца*





# При порче детей и об исцелении от «родимца»

Великомученику Никите



## Тропарь, глас 4-й:

Крест Христов яко некое оружие усердно восприим, и к борению врагов притекл еси, и за Христа пострадав, посреде огня священную твою душу Господу предал еси, отонудже и даров исцеление от Него сподобился еси прияти, великомучениче Никито, моли Христа Бога, спаси душам нашим.

## Кондак, глас 2-й:

Прелести поsec державу стоянием твоим, и победы приим венец во страдальчествех твоих, со Ангелы славне радуешися Никито тезоимените, с ними Христа Бога моля непрестанно о всех нас.

## Молитва:

О, великий страстотерпче Христов и чудотворче, великомучениче Никито! Припадающе ко святыму и чудотворному образу твоему, подвиги же и чудеса твоя и многое сострадание твоё к людем прославляюще, молим тя прилежно: яви нам смиренным и грешным святое и многомощное твое заступление. Се бо, грех ради наших, не имамы свободы чад Божиих, еже о потребах наших Господа и Владыку нашего дерзновенно просити: но тебе, молитвенника к Нему благоприятнаго предлагаем и о твоем представительстве взываем: испроси нам у Господа благопотребныя дары душам и телесем нашим: веру правую, спасения надежду несомненную, любовь же ко всем нелицемерную, во искушениих мужество, в злостраданиих терпение, в молитвах постоянство, душ и телес здравие, земли плодоносие, воздуха благорастворение, жителейских потреб довольство, мирное и благочестное на земли житие, христианскую жития кончину и добрый ответ на Страшнем Суде Христове. И всем людем православным яви твое святое заступление: болящия исцели, скорбящия утеши, бедствующим помози. Ей, угодниче Божий и мучениче долготерпеливый! Не забуди святую обитель твою и вся живущим.


щия в ней и подвзывающаяся инокини же и мирския, но поспеши им во смирении и терпении носити иго Христово, и от всяких бед и искушений милостивне избави. Всех убо нас приведи в тихое пристанище спасения и наследники сподоби быти пресветлого Царствия Христова святыми твоими молитвами: да славим и поем великия щедроты Отца и Сына и Святаго Духа в Троице славимаго и покланяемаго Бога, и твое святое заступление во веки веков. Аминь.





## В болезнях младенцев

Святой мученице Параскеве, нареченной Пятница



### Тропарь, глас 4-й:

Премудрая и всехвальна Христова мученица Параскева, мужескую крепость приемши, женскую же немощь отвергши, диавола победи, и мучителя посрами, вопиющи и глаголющи: приидите, тело мое мечем ссыпьте и огнем соожгите, аз бо радующися иду ко Христу, Жениху моему. Тоя молитвами, Христе Боже, спаси души наша.

### Кондак, глас 3-й:

Всесвятое и непорочное мучение принесши, яко вино пречестное, бессмертному Жениху Христу, ангельское ликостояние возвеселила еси и победила еси демонсия козни: сего ради тя честно верою чтим, мученице Параскево, многострадальная.

### Молитва:

О, святая и преблаженная мученице Христова Параскево, красото девическая, мучеников похвало, чистоты образе, великодушных зерцало, премудрых удивление, веры христианския хранительнице, идольския льсти обличительнице, Евангелия Божественного поборнице, заповедей Господних ревнительнице, сподобльшаяся приити ко пристанищу вечного покоя и в чертозе Жениха твоего Христа Бога светло веселящаяся, сугубым венцем девства и мученичества украшенная! Молим тя, святая мученице, буди о нас печальница ко Христу Богу, Егоже преблаженнейшим зрением присно веселитися. Моли Всемилостиваго, Егоже словом очи слепым отверзе, да избавит нас от болезни очес наших, телесных вкупе и душевых; разжени твоими святыми молитвами темный мрак, прибывший от грехов наших, испроси у Отца Света свет благодати душевным и телесным очесем нашим; просвети нас, омраченных грехами, светом Божия благодати, да твоих ради святых молитв дастся безочесным сладкое зрение. О, великая угодница Божия!

О, мужественнейшая дево! О, крепкая мученице святая Параскево! Святыми твоими молитвами буди нам грешным помощница, ходатайствуй и молися о окаянных и зело нерадивых грешнцах, ускори на помощь нам, ибо зело немощни

есмы. Моли Господа, чистая девице, моли Милосердаго, святая мученице, моли Женуха твоего, непорочная Христова невесто, да твоими молитвами пособствовавши, мрака же греховнаго избывше, во свете истинныя веры и деяний Божественных внидем во свет вечный дне невечерняго, во град веселия приснаго, в немже ты ныне светло блистаеш славою и веселием безконечным, славословящи и воспевающи со всеми небесными силами Трисвятительное Единое Божество, Отца и Сына и Святаго Духа, ныне и присно и во веки веков. Аминь.


*Ей же молятся о покровительстве семейному очагу; в супружеском бесплодии; о достойных женихах.*





## О покровительстве детям

Мученику Гавриилу Белостокскому



### Молитва:

Младенческаго незлобия хранителю и мученическаго мужества носителю, Гаврииле бла-  
женне. Страны наша я адаманте драгоценный и иудейскаго нечестия обличителю! К тебе мы  
грешни молитвенно прибегаем, и о грехах сво-  
их сокрушающеся, малодушия же своего сты-  
дящиеся, любовию зовем ти: наших скверн не  
возгнушайся, чистоты сый сокровище; нашего  
малодушия не омерзи, долготерпения учителю;  
но паче сих, немощи наша от небес видя, тех  
исцеления нам твою подаждь молитвою, и тво-  
я Христу верности подражатели нас быти на-  
учи. Аще же терпеливо крест искушений и зло-  
страданий понести не возможем, обаче и тогда  
милостивыя твоя помоши не лиши нас, угод-  
ниче Божий, но свободу и ослабу нам у Господа  
испроси: также и молящияся о чадех своих ма-  
тери услыши, здравию и спасению младенцем  
от Господа податися умоляй: несть такового

жестокаго сердца, еже слышанием о муках твоих, святый младенче, не умилится.  
И аще кроме сего умиленного вздохания никоегоже благаго деяния принести  
возможем, но и таковым умиленным помыслом наша умы и сердца, бла-  
женне, просветив, на исправление жития нашего благодатию Божию нас настави: вложи  
в нас о спасении души и о славе Божией ревность неустанную, и о часе смертнем  
память неусыпную хранити помози нам, наипаче же в смертнем успении нашем  
терзания демонская и помыслы отчаяния от душ наших предстательством твоим  
отжени, и сия упованиею Божественного прощения испроси, но еже и тогда, и ныне  
славити нам милосердие Отца и Сына и Святаго Духа, и твое крепкое заступление,  
во веки веков. Аминь.

Праведному Симеону Богоприимцу

**Тропарь, глас 4-й:**

Симеон старец днесъ веселится, восприят на руку свою  
Младенца Превечнаго Бога, от уз плоти разрешитися прося  
и вопия: видеста очи мои спасение Твое мирови.

**Кондак, глас 4-й:**

Старец днесъ отрешитися от юз молящеся сего жития  
тленнаго, Христа восприят на руки, Зиждителя и Господа.

**Молитва:**

О, великий угодниче Божий Богоприимче Симеоне! Предстоја Престолу великаго Царя и Бога нашего Иисуса Христа, велие дерзновение имаши к Нему, во объятиях твоих нашего ради спасения носитися изволившему. К тебе убо, яко многомощному предстателю и крепкому о нас молитвеннику, прибегаем мы, грешни и недостойни. Моли Благость Его, яко да отвратит от нас гнев Свой, праведно по делом нашим на ны движимый, и презрев безчисленная прегрешения наша, обратит нас на путь покаяния и на стезе заповедей Своих утвердит нас. Огради молитвами твоими в мире живот наш, и во всем благом благое поспешение испроси, вся яже к животу и благочестию потребная нам даруя. Яко же древле Великий Новоград явлением чудотворныя иконы твоєя от губительства смертнаго избавил еси, тако и ныне нас и вся грады и веси страны нашея от всяких напастей и бед и напрасныя смерти предстательством твоим избави, и от всех враг видимых и невидимых покровом твоим защити. Яко да тихое и безмолвное житие поживем во всяком благочестии и чистоте и, тако в мире временное сие житие прешедше, в вечный достигнем покой, идеже сподобимся Небеснаго Царствия Христа Бога нашего. Ему же всякая слава подобает со Отцем и Пресвятым Его Духом, ныне и присно и во веки веков. Аминь.

*Ему же молятся о находящихся в заключении или в плену.*





## О целомудрии и благополучном замужестве дочерей

### Молитва девицы о замужестве



О, Всеблагий Господи, я знаю, что великое счастье мое зависит от того, чтобы я Тебя любила всею душою и всем сердцем моим, и чтобы исполняла во всем святую волю Твою. Управляй же Сам, о Боже мой, душою мою и наполняй сердце мое: я хочу угодить Тебе Одному, ибо Ты Создатель и Бог мой. Сохрани мя от гордости и

самолюбия: разум, скромность и целомудрие пусть украшают мя. Праздность противна Тебе и порождает пороки, подай же ми охоту к трудолюбию и благослови труды мои. Поелику же Закон Твой повелевает жить людям в честном супружестве, то приведи мя, Отче Святый, к сему, освященному Тобою, званию, не для угождения вожделению моему, но для исполнения предназначения Твоего, ибо Ты Сам сказал: нехорошо человеку быть одному и, создав ему жену в помощницу, благословил их расти, множиться и населяти землю. Услышь смиренную молитву мою, из глубины девичего сердца Тебе возсылаемую; дай мне супруга честного и благочестивого, чтобы мы в любви с ним и в согласии прославляли Тебя, милосердного Бога: Отца и Сына и Святаго Духа, ныне и присно и во веки веков. Аминь.

## Великомученице Екатерине

### Молитва:

О святая Екатерино, дево и мученице, истинная Христова невесто! Молим тя, яко особливую благодать, еюже предвари тя Жених твой, Сладчайший Иисус, приимшую: якоже посрамивши прельщения мучителя мудrostию твою, пятьдесят витий победила еси, и напоивши их небесным учением к свету истинныя веры наставила еси, тако испроси и нам оную Божию мудрость, да и мы, вся козни адского мучителя расторгше, мира же и плоти соблазны презревше, достойни явимся Божественныя славы, и к расширению святыя наша Православныя веры сосуди достойни соделаемся, и с тобою в небесней скинии Господа и Владыку нашего Иисуса Христа со Отцем и Святым Духом восхвалим и прославим во все веки веков. Аминь.



## Праведному Филарету Милостивому

### Тропарь, глас 4-й:

Абрааму в вере подражая, Иову же в терпении последуя, отче Филарете, благая земли разделял еси неимущим и лишение сих терпел еси мужественне. Сего ради светлым тя венцем увенча Подвигоположник, Христос Бог наш, Егоже моли спастися душам нашим.

### Кондак, глас 3-й:

Истинно всеизрядная твоя купля зрится и мудрою быти судится всеми благомудрствующими: отдал бо еси дольняя и кратковременная, взыскуя горных и вечных. Темже и достойно стяжал еси вечную славу, милостиве Филарете.

### Стихира, глас 2-й:



Благотворяй от Бога есть, глаголет Богослов, и ты убо от Бога еси, милостиве Филарете. Якоже бо Божие есть, тако и твое бысть дело, еже благодеяти, Того убо по естеству, твое же по причастию.



## Святому апостолу Андрею Первозванному

### Молитва:

Первозванне апостоле Бога и Спаса нашего Иисуса Христа, Церкве последователю верховный, всехвальне Андрее! Славим и величаем апостольския труды твоя, сладце поминаем твое благословенное к нам пришествие, ублажаем честная страдания твоя, яже за Христа претерпел еси, лобызаем священныя моши твоя, чтим святую память твою и веруем, яко жив Господь, жива же и душа твоя, и с ним во веки на небеси пребываешি, идеже и нас любовию твою не оставляеши, якоже возлюбил еси отцы наша, егда Духом Святым прозрел еси земли нашея ко Христу обращение. Вериум же, яко и молиши о нас Бога, зря во свете Его вся нужды наша. Тако сию веру нашу во храме твоем исповедуем, и Господа и Бога и Спаса нашего Иисуса Христа молим, да молитвами твоими подаст нам вся потребная ко спасению нас грешных: да якоже ты абие ко гласу Господа, оставль мреки твоя, неуклонно Тому последовал еси, сице и кийждо от нас не своих сих да ищет, но еже к созиданию ближняго, и о горнем звании да помышляет. Имуще же тя предстателя и молитвенника о нас, уповаляем, яко молитва твоя много может пред Господем и Спасителем нашим Иисусом Христом, Ему же подобает всякая слава, честь и поклонение со Отцем и Святым Духом во веки веков. Аминь.



## Святителю Николаю, Мирликийскому чудотворцу

### Молитва:

О, всесвятый Николае, угодниче преизрядный Господень, теплый наш заступниче и везде в скорбех скорый помощниче! Помози ми, грешному и унылому в настоящем житии, умоли Господа Бога даровати ми оставление всех моих грехов, елико согреших от юности моей, во всем житии моем, делом, словом, помышлением и всеми моими чувствы; и во исходе души моей помози ми, окаянному, умоли Господа Бога, всея твари Содетеля, избавити мя воздушных мытарств и вечнаго мучения: да всегда прославляю Отца и Сына и Святаго Духа, и твое милостивное представительство, ныне и присно и во веки веков. Аминь.





# О спасении от насилия

## Мученице Фомаиде Египетской

### Тропарь, глас 4-й:

Агница Твоя, Иисусе, Фомаида, зовет велиим гласом: Тебе, Женише мой, люблю, и Тебе ищущи страдальчествую и сраспинаюся, и спогребаюся Крещению Твоему, и стражду Тебе ради, яко да царствую в Тебе, и умираю за Тя, да и живу с Тобою; но яко жертву непорочную приими мя, с любовию пожершуюся Тебе. Тоя молитвами, яко Милостив, спаси души наша.

### Кондак, глас 2-й:

Храм твой всечестный яко цельбу душевную обретше, вси вернии велегласно во-пием ти: дево мученице, Фомаидо великоименитая, Христа Бога моли непрестанно о всех нас.

### Молитва:

О, всехвальная мученице Фомаидо! За чистоту супружества даже до крове под-визавшихся и целомудрия ради душу свою положивши, достойна пред Господем обрелася еси, во еже в лице преподобных дев почтенней тебе быти. Услыши нас молящихся тебе, и якоже древле боримии от плоти целительницу тя имеяху, по дарованной тебе от Бога благодати, сице и ныне прибегающим ко представительству твоему подаждь отраду и свобождение от плотских браны, и целомудренное жи-тие и незазорное в супружестве и девстве пребывание твоими богоприятными молитвами всем исходатайствовать потищися, яко да телеса наша храм живущаго в нас Святаго Духа будут. О, преизбранная в женах и верная рабо Христова! Помози нам, да не погибнем со страстью и похотью нашими, но да управимся умом нашим и укрепимся сердцем нашим во всяком благочестии и чистоте, славяще твою помощь и представительство, благодать же и милость Триединаго Бога, Отца и Сына и Святаго Духа, во веки веков. Аминь.





## При женском недомогании

**Преподобному Давиду Гареджийскому**

**Тропарь, глас 8-й:**

В тебе, отче, известно спасеся еже по образу: приим бо Крест последовал еси Христу, и дея учил еси презирати убо плоть, преходит бо, прилежати же о души, вещи бессмертней. Темже и со ангелы срадуется, преподобне Давиде, дух твой.

**Кондак (из акафиста):**

О, великий богоугодниче и чудотворче, блаженнейший авва Давиде Гареджели! Гора еси ты небесная, и сем мы, долу преклоненные и удаленные от тебе грехми нашими, но душею и сердцем прилепленные тебе, возсылаем со дерзновением сие малое хвалебное пение. Приими вздохания наша и умоли, милосерде, всех Творца помиловати и спасти ны от огня геенского и прещения по грехам нам достойнаго, наипаче же по велицей милости Его наследовать Царствия Небеснаго, идеже выну благодаряще воспевати: Аллилуиа.

**Молитва:**

О, всесветле, богохвальне авва Давиде, святче Божий! Ты силою благаго Законоположителя явился еси нам, кознями лукавого связанным и обуреваемым, яко наставник в покаянии и помощник в молитве. Того ради дано тебе много даров благодати и чудотворения, разрешения грехов наших и прегрешений оставление, болезней исцеление и диавольских наветов отгнание. Темже твою отеческою милостию в богоцарственном разумении, многотрудными молитвами и моленьми твоими, наипаче же непрестанным твоим заступлением о нас, да возставит Господь Бог ны, во грех впадшия, силою Свою непобедимою на всякаго видимаго и невидимаго врага, дабы благодаряще совершая святую память твою, желанием возжелали мы покланятыся Превечному Богу в Троице Единому, Отцу и Сыну и Святому Духу, ныне и присно и во веки веков. Аминь.





## Об устраниении семейных неурядиц

**Мученикам и исповедникам Гурию, Самону и Авиву**

**Молитва:**

О, преславнии мученицы Гурье, Самоне и Авиве! К вам, яко скорым помощникам и теплым молитвенникам, мы, немощни и недостойни, прибегаем, усердно моляще: не презрите ны, во многая беззакония впадшия и по вся дни и часы согревающия; наставите на путь правый заблудшия, исцелите страждаущия и скорбящия; соблюдите ны в непорочном и целомудренном житии; и якоже древле, тако и ныне покровители супружества пребудите, в любви и единомыслии сия утверждающе и от всех злых и бедственных обстояний избавляюще. Защитите, о многомощныя исповедницы, вся православныя христианы от напастей, злых человек и козней демонских; оградите я от нечаянныя смерти, умоляюще Всеблагого Господа, да великия и богатыя милости нам, смиренным рабом Своим, пробавит. Несмы бо достойни нечистыми устами призывасти великолепое имя Создателя нашего, аще не вы, святии мученицы, за ны ходатаи будете; сего ради к вам прибегаем и предательства вашего пред Господем о нас просим. Такожде избавите нас от глада, потопа, огня, меча, нашествия иноплеменных, междуусобныя браны, смертоносныя язвы и всякаго душепагубного обстояния. Ей, страстотерпцы Христовы, устройте нам молитвами вашими вся благая и полезная, да благочестно житие временное прешедше и кончину непостыдну стяжавше, удостоимся теплым заступлением вашим со всеми святыми одесную Правосуднаго Бога Судии stati, и Того непрестанно славити со Отцем и Святым Духом во веки. Аминь.





## О заступничестве вдов и сирот, о помощи в нужде

**Святителю Димитрию Ростовскому**



### Молитва:

О, всеблаженне святителю Димитрие, великий угодниче Христов, Златоусте Российский, услыши нас грешных, молящихся тебе, и принеси молитву нашу к милостивому и Человеколюбцу Богу, Ему же ты ныне в радости святых и с лики ангел предстоиши. Умоли Его благоутробие, да не осудит нас по беззакониям нашим, но да сотворит с нами по милости Своей; испроси нам у Христа Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим блага, даруемая нам от щедрого Бога, но во славу Его и в прославление твоего заступления. Даруй нам

богоугодно прейти поприще временных жизни: избави нас от воздушных мытарств и настави на путь, ведущий в селения праведных, идже празднующих глас непрестанный, зрящий Божия Лица неизреченную доброту; Церковь Святую от ересей и расколов сохрани, верных укрепи, заблуждающих обрати и всем даруй вся, яже ко спасению и славе Божией подобающая, Отечество твое сохрани от врагов ненаветно. И подаждь нам всем твое архипастырское святое благословение, да оным осеняеми, избавимся от козней лукаваго, избегнем всякия беды и напасти. Услыши моление наше, отче Димитрие, и моли непрестанно о нас Всесильного Бога, славимаго и поклоняемаго в Триех Ипостасех, Ему же подобает всякая слава, честь и держава во веки веков. Аминь.





## О благополучии второго брака

**Преподобной Афанасии игуменье**

**Тропарь:**

В тебе, мати, известно спасеся еже по образу: приимши бо крест, последовала Христу, и деющи учила еси презирати убо плоть, преходит бо: прилежати же о души, вещи безсмертней: тем же и со ангелы срадуется, преподобная Афанасия, дух твой.

**Кондак:**


За любовь Господню, преподобная, покоя желание возненавидела еси, пощением дух твой просветивши: крепко бо звери победила еси: но молитвами твоими противных шатание разори.





# О скором возвращении супруга из дальней отлучки

Сорока Севастийским мученикам



## Тропарь, глас 3-й:

Страстотерпцы Христовы четыредесяте, во граде Севастийстем мужественно пострадавши, чрез огнь и воду прошедши, в покой вечный вшедшии, молитесь о нас ко Господу, да жизнь мирну сохранит и души наша спасет, яко Человеколюбец.

## Кондак, глас 6-й:

Все воинство мира оставльше, на небесех Владыце прилепистесь, страстотерпцы Господни четыредесять, чрез огнь бо и воду прошедшее, блаженнии, достойне восприясте славу с небес и венцев множество.

## Молитва:


О, святии славнии страстотерпцы Христовы, четыредесяте, во граде Севастии Христа ради мужественно пострадавши, через огонь бо и воду проидосте и, яко друзья Христовы, в покой Небесного Царствия вшедше, имате велие дерзновение ко Пресвятей Троице ходатайствовать о роде христианском, наипаче же о почитающих святую память вашу и с верою и любовию вас призывающих. Испросите у Всещедрого Бога прощение согрешений наших и жития нашего исправление, да в покаянии и нелицемерной любви друг ко другу поживше, со дерзновением предстанем Страшному Судищу Христову и вашим представительством одесную Праведнаго Судии предстанем.

Ей, угодницы Божии, будите нам защитницы от всех враг, видимых и невидимых, да под кровом святых ваших молитв избавимся от всех бед, зол и напастей до последняго дне жизни нашей и тако прославим Великое и Достопоклоняемое Имя Вседетельныя Троицы, Отца, Сына и Святаго Духа, ныне и присно и во веки веков. Аминь.



# О помощи в житейских делах, о благословении Божиим над домом

Священномученику Власию, епископу Севастийскому



## Кондак, глас 8-й:


Священия помазанием и мучения кровию  
украсился еси, славне Власие, сияеши всюду, в  
Вышних ликуя и нас назирая, в храм твой при-  
шедшия и в нем тебе непрестанно зовущия: всех  
нас соблюди.

## Молитва:

Преблаженне и приснопамятне священному-  
чениче Власие, дивный страдальче и предстатель  
наш теплый, по отшествии твоем в жизнь  
вечную призывающим твоё святое имя пособ-  
ствовать и во всяких прошениях услышанным  
быти обещавый! Се, ныне к тебе угоднику Бо-  
жию, яко ко истинному ходатаю спасения, при-  
текаем и смиренно молимся: представи нам в  
помощь, узами грехов связанным, подвигнувшись  
на всемоцныя твоя к Богу молитвы и помолися

о нас грешных: тя бо, недостойнни, призывасти на заступление дерзаем, и желаем  
от всех грехов наших тобою обретение получити. О, святче Божий Власие! В  
сокрушении и смирении сердца нашего пред тобою припадаем и молимся: осияй  
нас, омраченных наветы вражими, светом благодати свыше, да в нем ходяще, не  
преткнем о камень ног наших. Тя, яко сосуд в честь избранный и исполненный  
благодати Божия, молим: сподоби нас грешных от исполнения твоего желаемое  
прияти, и исцели наша душевные и телесные язвы, грехом же нашим прощение и  
душевному и телесному нашему здравию спасение полезное у Господа испроси, да  
всегда прославляем Отца и Сына и Святаго Духа, и твоё милостивное представль-  
ство о душах и телесех наших, ныне и присно и во веки веков. Аминь.





## **МОЛИТВЫ В СКОРБЯХ И ИСКУШЕНИЯХ ТВОРИМЫЕ**



# Об избавлении от искушения

## Об избавлении от искушений

(преподобного Симеона Нового Богослова)

Не попусти на меня, Владыко, Господи, искушение, или скорби, или болезнь свыше силы моей, но избавь от них или даруй мне крепость перенести их с благодатью.

## О ненавидящих и обидающих нас

**Тропарь, глас 4-й:**

О распенших Тя моливыйся, Любодушне Господи, и рабом Твоим о вразех молитися повелевый, ненавидящих и обидающих нас прости, и от всякаго зла и лукавства к братолюбному и добродетельному настави жительству, смиренно мольбу Тебе приносим; да в согласном единомыслии славим Тя, Единаго Человеколюбца.

**Кондак, глас 5-й:**

Якоже первомуученик Твой Стефан о убивающих его моляще Тя, Господи, и мы припадающе молим, ненавидящих всех и обидающих нас прости, во еже ни единому от них нас ради погибнути, но всем спастися благодатию Твою, Боже Всещедрый.

## Просьба защиты от обидчика. Мученику Иоанну-воину

**Тропарь, глас 8-й:**

Блаженство Евангельское возлюбив, Богомудре Иоанне, чистоту сердца почтил еси. Темже суetu мира сего пренебрегл, устремился еси зреши Бога, Иже тя прослави чудесы во врачевании различне страждущих. Сего ради молим тя: проси нам у Христа Господа всяких скорбей избавления и получения Царства Небеснаго.

**Кондак, глас 6-й:**

Благочестиваго воина Христова, победившаго враги душевныя и телесныя богохумуренно, Иоанна мученика, достодолжно песньми восхвалим, чудодействуя бо, подает обильная исцеления страждущим людем, и молится Господу Богу от всяких бед спасти правоверныя.

**Молитва:**

О, великий Христов мучениче Иоанне, правоверных поборниче, врагов прогонителю и обидимых заступниче. Услыши нас, в бедах и скорбях молящихся тебе,

яко дана тебе бысть благодать от Бога печальныя утешати, немощным помогати, неповинныя от напрасныя смерти избавляти и за всех зле страждущих молитися. Буди убо и нам поборник крепок на вся видимыя и невидимыя враги наша, яко да твою помошию и поборством по нас посрамятся вси являющии нам злая. Умоли Господа нашего, да сподобит ны грешныя и недостойныя рабы Своя получити от Него неизреченная благая, яже уготова любящим Его, в Троице Святей славимаго Бога, всегда, ныне и присно и во веки веков. Аминь.

*Этому же святому молятся об отыскании украденного.*

## **Молитва за неверующих, гонителей и презрителей правды**

Господи, обрати к Тебе и сердца врагов наших, если же не возможно ожесточенным обратиться, то положи преграду зла и защити от них избранных Твоих. Аминь.

## **Об умножении любви и искоренении ненависти и всякой злобы**

### **Тропарь, глас 4-й:**

Союзом любви апостолы Твоя связавый, Христе, и нас, Твоих верных рабов к Себе тем крепко связав, творити заповеди Твоя и друг друга любити нелицемерно сотвори, молитвами Богородицы, Едине Человеколюбче.

### **Кондак, глас 5-й:**

Пламенем любви распали к Тебе сердца наша, Христе Боже, да тою разжигаеми, сердцем, мыслию же и душею, и всею крепостию нашу возлюбим Тя, и искренняго своего яко себе, и повеления Твоя храняще славим Тя, всех благ Дателя.

### **Прокимен, глас 7-й:**

Возлюблю Тя, Господи, крепoste моя, Господь утверждение мое.

**Евангелие от Иоанна, гл.13, ст.31-3:** Егда изыде, глагола Иисус: ныне прославися Сын Человеческий, и Бог прославися о нем; аще Бог прославися о нем, и Бог прославит его в себе, и аbie прославит его. Чадца, еще с вами мало есмь: взыщете Мене, и яко же рех Иудеом, яко аможе Аз иду, вы не можете прийти: и вам глаголю ныне. Заповедь новую даю вам, да любите друг друга: яко же возлюбих вы, да и вы любите себе; о сем разумеют вси, яко мои ученицы есте, аще любовь имате между собою.

**Из ектении:** Господи, Боже наш, милостиво, яко Благ, призри на изсохшую в любви землю сердца нашего, и тернием ненависти, самолюбия же, и неисчислимых беззаконий люте оледеневшую: и каплю благодати Пресвятого Твоего Духа испустив, богато ороси ю, во еже плодоносити, и возрастати от горящия к Тебе любве, всех добродетель корень страх Твой, и о искренняго спасении неленоностное

попечение, всех же страстей и многообразных лукавств, и лицемерия искоренение, прилежно яко всех Благодетеля молим, скоро услыши и человеколюбно помилуй...

**Причастен:** Заповедь новую даю вам, да любите друг друга, якоже Аз возлюбих вы, рече Господь.

## **Ежедневная молитва святителя Филарета, митрополита Московского**

Господи, не знаю чего мне просить у Тебя. Ты Един ведаешь, что мне потребно. Ты любишь меня паче, нежели я умею любить себя. Отче, дажь рабу Твоему, чего сам я просить не умею. Не дерзаю просить ни креста, ни утешения: только предстою пред Тобою. Сердце мое Тебе отверсто; Ты зришь нужды, которых я не знаю. Зри и сотвори по милости Твоей. Порази и исцели, низложи и подыми меня. Благоговою и безмолвствуя пред Твою святою волею и непостижимыми для меня Твоими судьбами. Приношу себя в жертву Тебе. Нету у меня другого желания, кроме желания исполнять волю Твою; научи меня молиться; Сам во мне молись! Аминь.

## **При непрощении обид и памятовании злого**

Спасителю мой, научи меня простить от всей души всех, кто чем-либо меня обидел. Я знаю, что не могу предстать перед Тобой с чувствами вражды, которые таятся в моей душе. Очерствело мое сердце! Нет во мне любви! Помоги мне, Господи! Молю Тебя, научи меня простить обидящих меня, как Сам Ты, Бог мой, на кресте простил врагов Твоих! При немилосердии и раздражении на ближнего Милосердный, милостивый, благий, долготерпеливый, любвеобильный, благосердный Отец Небесный! Оплакиваю и исповедую перед Тобою прирожденное злонравие и нечувствительность моего сердца, что я часто немилосерд и недружелюбием согрешил перед бедным ближним моим, не принимал участия в его бедности и несчастиях, с ним случающихся, не имел к нему должного человеческого, христианского и братского сострадания, оставляя его в бедствии, не посещал, не утешал, не помогал ему. В этом поступил я не как чадо Божие, потому что не был милосерден, как Ты, Небесный мой Отче, и не помышлял о том, что говорит Христос Господь мой: блаженны милостивые, ибо они помилованы будут. Не помышлял я о последнем приговоре на Страшном суде: подите от Меня, проклятые, в огонь вечный; ибо алкал Я, и вы не дали Мне есть; был наг, и вы не одели Меня; болен был, и не посетили Меня. Милосердный Отче! Прости мне этот тяжкий грех, и не вмени мне его. Отврати от меня тяжкое и праведное наказание, и соделай, чтобы не исполнился надо мной суд без милости, но прикрой и забудь немилосердие мое ради милосердия возлюбленного Сына Твоего. Даруй мне милосердное сердце, которое бы скорбело о бедствии ближняго моего, и соделай, чтобы скоро и легко побуждался я к состраданию. Даруй мне благодать, чтобы я содействовал к облегчению,

а не к увеличению скорбей и бедствия, претерпеваемаго ближним моим; чтобы я утешал его в печали его и всем скорбным духом являя милосердие — больным, странникам, вдовам и сиротам; чтобы помогал им охотно и любил не на словах только, но делом и истину. Боже мой! Милости хочешь Ты, а не жертвы. Соделай, чтоб я облекся в сердечное милосердие, благость, смирение, терпение, и охотно прощал, как Христос простил мне. Соделай, чтоб познал великое милосердие Твое во мне, потому что я слишком мал перед всем милосердием, которое Ты от дня рождения моего являл надо мною. Милосердие Твое предварило меня, когда я лежал во грехах; оно объемлет меня, оно следует за мною, куда бы я ни пошел, и наконец восприимет меня к себе в жизнь вечную. Аминь.

### **При охлаждении любви к ближним**

Господи, повсюду всем дающий жизнь и дыхание, и непрестанно через служение тварей доказывающий любовь Свою ко всем людям. Соделай в том и меня подобным образу Твоему, чтобы и я неутомимо, Тебя ради и по Твоему примеру, любил благороднейшее создание Твое — ближнего моего, и поступал с ним, как любовь того требует, через Иисуса Христа, Господа нашего. Аминь.

### **При клевете и несправедливых притеснениях**

Ты, Господи, принес Себя в крестную жертву для моего спасения. Могу ли и я отвергнуться тягостей несправедливых суждений о мне людей? Соделай, Господи Иисусе, чтобы, помышляя о тех поруганиях и злословиях, какия Ты за меня претерпел, научилось сердце мое терпению, и не только без раздражения, но даже с благодарением, охотно переносило обиды и осуждения других. Об одном умоляю Тебя, Господи, не оставь врагов моих навсегда в слепоте их, но озари наконец и их лучем благодати Твоей. Аминь.

### **В скорби от поношений и непонимания**

Вечный Боже и Отче! Даруй мне Твоего Духа силы, да укрепит Он меня в немощи моей, да утвердит и соделает непоколебимым, дабы ни скорбь, ни гонение, ни нагота не отлучали меня от любви Твоей, но дабы я все преодолевал ради Возлюбившаго меня. Даруй, да во всем являю себя, как служитель Христов, с великим терпением в бедствиях, в нуждах, в тесных обстоятельствах, в ранах, в темницах, в трудах, в бдениях, в постах, с чистотою, с ведением, с долготерпением, с добротою, с Духом Святым, с нелицемерною любовию, со словом истины, с силою Божией; да последую Ему в чести и безчестии, среди порицаний и похвал; охотно с Ним и ради имени Его допуская здесь ругаться над собою, ибо Он, если буду верен до смерти, увенчает меня венцом жизни. Аминь.

**О безропотном перенесении насмешек и гонений Блаженному Василию, Христа ради юродивому**

О, великий угодниче Христов, истинный друже и верный рабе Всетворца Господа Бога, преблаженне Василие! Услыши ны, многогрешныя (*имена*), ныне вопиющие к тебе и призывающие имя твое святое, помилуй ны, припадающая к пречистому образу твоему, приеми малое наше и недостойное сие моление, умили сердися над убожеством нашим, и молитвами твоими исцели всяк недуг и болезнь души и тела нашего грешного, и сподоби ны течение жизни сея невредимо от видимых и невидимых врагов и безгрешно прейти, и христианскую кончину непостыдну, мирну, безмятежну, и Небеснаго Царствия наследие получить со всеми святыми во веки веков. Аминь.

**Против вражьего страха**

Господи, от страха вражьего изми душу мою.

---





## В скорби или недуге

### Молитва против крамолы

Боже сил, Царю царствующих и Господи господствующих! В Твоей руце сердце царево и власть всяя земли. Ты посаждаешаши царей на престолы их и глаголеши о них: “Мною царие царствуют, не прикасайтесь убо помазанным Моим”. Призри милостивым оком Твоим на люте страждущую страну нашу, в нейже за беззакония наша зело умножишаася нестроения и раздоры, междуусобия и противления царю нашему и властем, от него поставленным. Еще же и мор, и глад, и болезни всякия постигоша ны, и несть мира, несть ослабы, несть успокоения в домех наших, ниже во градех и весех наших. О Всеведущий и Премилосердый, Ты веси беду нашу, зриши озлобления, слышши рыдания убогих, стенания сирых и вдовиц и гласы неповинных младенцев, во общенуждии страждущих. Ты пощадил еси Ниневию, град великий, исполнен беззакония, ради покаяния его и ради младенец, иже не познаша десницы своея и шуйцы своея; пощади и нас грешных, умилосердися над отечеством нашим, пощади ради младенец наших, сирых и вдовиц, пред Тобою, о Милосердый, слезы своя проливающих! Видиши, Господи, како людие, имже несть разума, не точною глаголют в сердцах своих “несть Бог”, но и проповедуют нам, паче же юношам и девам нашим, малоопытным сущим, учения развращенная, и тщатся отвратити их от пути Заповедей Твоих на пути стропотныя и погибельныя. Вся возможна Тебе суть, о, Всемогущий Владыко! Яко же убо единственным словом Твоим не точию слепых, глухих и немых исцеляеши, но и мертвых воскресаеши: тако возглаголи и ныне всесильным Словом Твоим в сердцах сих сеятелей нечестия: просвети разум их, гордынею омраченный, пробуди совесть их, суетными мудрованьми, завистию и страстью пагубными усыпленную, обрати волю их ко исполнению животворящих Твоих Заповедей, да и тии познают, коль сладка суть Словеса Твоя сердцу человеческому, и коль иго Твое благо и бремя Твое легко есть. Да прославится убо Имя Твое, Господи Спасителю наш, и в сих погибающих братиях наших, и да посрамится лукавый супостат наш диавол, сей плевель на ниве Твоей, яже есть Церковь Твоя Святая! О Господи, Боже Милосердый, Боже Премудрый, Боже Всемогущий! Паки и паки припадаем Тебе и слезно в покаянии и умилении сердца вопием: согрешихом, беззаконновахом, неправдовахом пред Тобою, и воистинну праведно по делом нашим наказуеми есмы. Помяни убо веру и смирение отец наших, услыши теплая моления святых угодников Твоих, в земли нашей просиявших: помилуй землю Русскую, утоли вся крамолы, раздоры и нестроения, умири сердца, страстью обуреваемая, сохрани возлюбленного Тобою раба Твоего, царя нашего, огради престол его правдою и миром, возглаголи в сердце

его благая и мирная о Церкви Твоей и о людех Твоих, поели ему советников, мудростию исполненных и волю его свято исполняющих, соблюди суды его немздоимны и нелицеприятны, вдохни мужество в сердца стоящих на страже благоустройства государственноаго: а имже судил еси за веру, царя и Отечество во дни скорби сея душу свою положити, и тем прости вся согрешения их, венцы мученическими венчай во Царствии Твоем. Всех же нас озари светом Закона Твоего евангельского, возгрей сердца наша теплотою благодати Твоей, утверди волю нашу в воле Твоей, да якоже древле, тако и ныне на земли нашей, и в нас, и чрез нас прославится Всесвятое Имя Твое, Отца и Сына и Святаго Духа. Аминь.

## Молитва ко Господу о прощении, заступлении и помощи

В руце Твоего превеликаго милосердия, о Боже мой, вручаю душу и тело мое, чувства и глаголы мои, советы и помышления мои, дела мои и вся тела и души моиа движения. Вход и исход мой, веру и жительство мое, течение и кончину жизни моего, день и час изыхания моего, преставление мое, упокоение души и тела моего. Ты же, о Премилосерде Боже, всего мира грехами непреодолеваемая Благосте, незлобиве, Господи, мене, паче всех человеков грешнейшаго, приими в руце защищения Твоего и избави от всякаго зла, очисти многое множество беззаконий моих, подаждь исправление злому и окаянному моему житию и от грядущих грехопадений лютых всегда восхищай мя, да ни в чемже когда прогневаю Твое человеколюбие, имже покрывай немощь мою от бесов, страстей и злыи человеков. Врагом видимым и невидимым запрети, руководствуя мя спасенным путем, доведи к Тебе, пристанищу моему и желаний моих краю. Даруй ми кончину христианску, непостыдну, мирну, от воздушных духов злобы соблюди, на Страшном Твоем Суде милостив рабу Твоему буди и причти мя одесную благословенным Твоим овцам, да с ними Тебе, Творца моего, славлю во веки. Аминь.

## Молитвенное вздохание ко Господу

(Предсмертная молитва иеросхимонаха Парфения Киевского)

1. Когда я, удрученный болезнью, восчувствуя, приближение кончины земного бытия моего: Господи, помилуй меня.
2. Когда бедное сердце мое при последних ударах своих будет изнывать и томиться смертными муками: Господи, помилуй меня.
3. Когда очи мои в последний раз орошатся слезами при мысли, что в течение моей жизни оскорблял я Тебя, Боже, грехами моими: Господи, помилуй меня.
4. Когда частое биение сердца станет ускорять исход души моей: Господи, помилуй меня.
5. Когда смертная бледность лица моего и холодающее тело мое поразит страхом близких моих: Господи, помилуй меня.

6. Когда зрение мое помрачится и пресечется голос, окаменеет язык мой: Господи, помилуй меня.

7. Когда страшные призраки и видения станут доводить меня до отчаяния в Твоем милосердии: Господи, помилуй меня.

8. Когда душа моя, пораженная воспоминаниями моих преступлений и страхом суда Твоего изнеможет в борьбе с врагами моего спасения, сияющимися увлечь меня в область мрака мучений: Господи, помилуй меня.

9. Когда смертный пот оросит меня, и душа с болезненными страданиями будет отдаляться от тела: Господи, помилуй меня.

10. Когда смертный мрак закроет от мутного взора моего все предметы мира сего: Господи, помилуй меня.

11. Когда в теле моем прекратится все ощущение, оцепенеют жилы и окаменеют мышцы мои: Господи, помилуй меня.

12. Когда до слуха моего не будут уже доходить людские речи и звуки земные: Господи, помилуй меня.

13. Когда душа предстанет лицу Твоему, Боже, в ожидании Твоего назначения: Господи, помилуй меня.

14. Когда стану внимать праведному приговору суда Твоего, определяющего вечную часть мою: Господи, помилуй меня.

15. Когда тело, оставленное душою, сделается добычей червей и тления и, наконец, весь состав мой превратится в горсть праха: Господи, помилуй меня.

16. Когда трубный глас возбудит всех при втором Твоем пришествии и раскроется книга деяний моих: Господи Иисусе Христе, Сыне Божий, помилуй мя грешного раба Твоего (имя). В руце Твои, Господи, предаю дух мой. Аминь.

## Вопль к Богоматери

О чем молить Тебя, чего просить у Тебя? Ты ведь все видишь, знаешь Сама, посмотри мне в душу и дай ей то, что ей нужно. Ты, все претерпевшая, премогшая, — все поймёшь. Ты повившая Младенца в яслях и принявшая Его Своими руками со Креста, Ты одна знаешь всю высоту радости, весь гнёт горя. Ты, получившая в усыновление весь род человеческий, взгляни и на меня с материнской заботой. Из тенет греха приведи меня к Своему Сыну. Я вижу слезу, оросившую Твой лик. Это надо мной Ты пролила ее и пусть смоет она следы моих прегрешений. Вот я пришла, я стою, я жду Твоего отклика, о, Богоматерь, о, Всепетая, о, Владычице! Ничего не прошу, только стою перед Тобой. Только сердце мое, бедное человеческое сердце, изнемогшее в тоске по правде, бросаю к Причистым ногам Твоим, Владычице! Дай всем, кто зовёт Тебя, достигнуть Тобою вечного дня и лицем к лицу поклониться Тебе.

## Об укрощении людского гнева

1. Молиться святому пророку и царю Давиду. (Царь Давид непоколебимо веровал в Бога и старался исполнять Его волю. Он подвергался многочисленным преследованиям, и Господь избавлял его от всех врагов.)
2. Читать молитву «Владыко Человеколюбче...» (молитва святого Иоанна Дамаскина из молитв на сон грядущим.
3. Читать молитву «Богородице Дево, радуйся, Благодатная Марие, Господь с Тобою; благословена Ты в женах и благословен плод чрева Твоего, яко Спаса родила еси душ наших.»
4. Читать псалмы 26 и 131.
5. Подходя к дверям гневливого начальника, стоит говорить: «Помяни, Господи, Царя Давида, и всю кротость его».

## Молитва святителя Димитрия Ростовского

Спаси мя, Спасе мой, по Твоей благости, а не по моим делом! Ты хочеши мя спасти, Ты веси, коим образом мя спасти: спаси убо мне, яко хощеши, яко можеши, яко веси: имиже веси судьбами спаси мя! Аз на Тя, Господа моего, надеюсь, и Твоей воле Святой себе вручаю: твори со мною еже хощеши! Аще хощеши мя имети во свете: буди благословен. Аще хощеши мя имети во тьме: буди паки благословен. Аще отверзеши ми двери милосердия Твоего: добро убо и благо. Аще затвориши ми двери милосердия Твоего: благословен еси, затворивый ми в правду. Аще не погубиши мя со беззаконьями моими, слава безмерному милосердию Твоему. Аще погубиши мя со беззаконьями моими, слава праведному суду Твоему: якоже хощеши, устрой о мне вещь!

## В скорби или недуге

Спаси, Господи, и помилуй раба Твоего (имярек) словесами Божественного Евангелия Твоего, читаемыми о спасении раба твоего (имярек), Попали, Господи, терние всех согрешений его, и да вселится в него благодать Твоя, опаляющая, очищающая, освящающая всякого человека во имя Отца и Сына и Святого Духа. Аминь.

*Каждый день нужно читать по одной главе Евангелия, а перед главой и после нее — эту молитву*





## При опасности потопления

**Преподобным Зосиме и Саватию Соловецким чудотворцам**

**Тропарь, глас 4-й:**

Постническое и равноангельское житие ваше, преподобнии Зосимо и Савватие, вселенней познаны сотвори вас: чудодеяния различными, богоноснии, просвещае-те верою призывающимя вы и чтущия честную память вашу.

**Иной тропарь, глас 8-й:**

Яко светильницы явистесь всесветлии, во отце окиана моря, преподобнии отцы Зосимо и Савватие: вы бо крест Христов на рамо всемице, усердно Тому последовасте, и чистотою Богови приближившеся, отонудуже притекаем к ракам честных мощей ваших, и умильно глаголем: о преподобнии, молите Христа Бога спастися душам нашим.

**Величание:**

Ублажаем вас, преподобнии отцы Зосиме и Савватие, и чтим святую память вашу, наставницы монахов и собеседницы ангелов.

**Молитва:**

О, преподобнии отцы, велиции заступницы и скории услышателие молитв, угод-ницы Божии и чудотворцы Зосимо и Савватие! Не забудите, якоже обещастесь, посещати чада ваша. Аще бо и отъидосте от нас телом, но духом присно с нами пре-бываете. Молим убо вас, о преподобнии, избавите ны от огня и меча, от нашествия иноплеменников и междуусобныя брани, от тлетворных ветров и от внезапныя смерти, и от всех прилог бесовских, находящих на ны. Услышите нас, грешных (*име-на*), и приемите молитву сию и моление наше, яко кадило благовонное, яко жертву благоугодную, и души наша, злыми делы и советы и помыслы умерщвленныя, оживите, и якоже умершую отроковицу возстависте, и неисцельныя раны многих исцелисте, и от духов нечистых зле мучимыя избависте: тако и нас, содержимых во узах вражиих, изъмите, и от сетей диавола избавите, из глубины прегрешений изведите, и милостивым вашим посещением и ходатайством от враг видимых и невидимых оградите ны благодатию и силою Всесвятыя Троицы, всегда, ныне и присно и во веки веков. Аминь.

## Пресвятой Богородице перед Ее иконой Леньковскою, или «Спасительница Утопающих»

**Молитва:**

Заступница усердная, Мати Господа Вышняго! Ты еси всем христианом помошь и заступление, паче же в бедах сущим. Призри ныне с высоты святыя Твоего и на ны, с верою покланяющимся пречистому образу Твоему, и яви, молим Тя, скорую помошь Твою по морю плавающим и от ветров бурных тяжкия скорби терпящим. Подвигни и вся православныя христианы на спасение в водах утопающих, и воздаждь подвизающимся о сем богатыя милости и щедроты Твоя. Се бо, на образ Твой взирающе, Тебе, яко милостивно сущей с нами, приносим смиренная моленния наша. Не имамы бо ни иныя помощи, ни иного представльства, ни утешения, токмо Тебе, о Мати всех скорбящих и напастуемых. Ты по Бозе наша Надежда и Заступница, и на Тя уповающе, сами себе, и друг друга, и весь живот наш Тебе предаем во веки веков. Аминь.

## Святителю Николаю, архиепископу Мирикийскому

**Тропарь, глас 4-й:**

Правило веры и образ кротости, воздержания учителя яви тя стаду твоему, яже вещей истина; сего ради стяжал еси смирением высокая, нищетою богатая, отче священноначальниче Николае, моли Христа Бога спастися душам нашим.

**Кондак, глас 3-й:**

В Мирех, святе, священнодействователь показался еси: Христово бо, преподобне, Евангелие исполнив, положил еси душу твою о людех твоих, и спасл еси неповинныя от смерти; сего ради освятился еси, яко великий таинник Божия благодати.

**Величание:**

Величаем тя, святителю отче Николае, и чтим святую память твою, ты бо молиши за нас Христа Бога нашего.

**Молитва:**

О, всехвальный и всечестный архиерею, великий чудотворче, святителю Христову, отче Николае, человече Божий и верный рабе, муже желаний, сосуде избранный, крепкий столпе церковный, светильниче пресветлый, звездо, осиявающая и освещивающая всю вселенную: ты еси праведник, яко финикс процветший, насажденный во дворех Господа своего, живый в Мирех, миром облагоухал еси и миро приснотекущее благодати Божия источаяй. Твоим шествием, пресвятый отче, море освятился, егда многочудесныя твоя мощи шествоваху во град Барский, от востока до запада хвалити имя Господне. О, преизрядный и предивный чудотворче, скользкий помощниче, теплый заступниче, пастырю предобрый, спасающий словесное стадо от всяких бед! Тебе прославляем и тебе величаем, яко надежду всех христиан,

источника чудес, защитителя верных, премудрого учителя, алчущих кормителя, плачущих веселье, нагих одеяние, болящих врача, по морю плавающих управителя, пленников свободителя, вдов и сирот питателя и заступника, целомудрия хранителя, младенцев кроткаго наказателя, старых укрепление, постников наставника, труждающихся упокоение, нищих и убогих изобильное богатство. Услыши нас, молящихся тебе и прибегающих под кров твой, яви представительство твое о нас к Вышнему и исходатайствуй твоими богоприятными молитвами вся полезная ко спасению душ и телес наших: сохрани святую обитель сию (*или храм сей*), всякий град и весь, и всякую страну христианскую, и люди живущия от всякаго озлобления помошю твою, вемы бо, вемы, яко много может молитва праведнаго, поспешествующая во благое: тебе же праведнаго, по Преблагословенней Деве Марии, представителя ко Всемилостивому Богу имамы, и к твоему, преблагий отче, теплому ходатайству и заступлению смиренно притекаем. Ты нас соблюди, яко бодрый и теплый пастырь, от всяких врагов, губительства, труса, града, глада, потопа, огня, меча, нашествия иноплеменников, и во всяких бедах и скорбех наших подай нам руку помоши, и отверзи двери милосердия Божия: понеже недостойни есмы зretи высоту небесную, от множества неправд наших, связани узами греховными, и николиже воли Создателя нашего сотворихом, ни сохранихом повелений Его. Темже преклоняем колена сокрушенна и смиренна сердца нашего к Зиждителю своему, и твоего отеческаго заступления к Нему просим: помози нам, угодниче Божий, да не погибнем со беззаконии нашими, избави нас от всякаго зла и от всякия вещи сопротивныя, управи ум наш и укрепи сердце наше в правой вере, внейже твоим представительством и ходатайством, ни ранами, ни прещением, ни мором, ни коим гневом от Создателя своего умалени будем, но мирное зде поживем житие и да сподобимся видети благая на земли живых, славяще Отца и Сына и Святаго Духа, Единааго в Троице славимаго и покланяемаго Бога, ныне и присно и во веки веков. Аминь.


---





# В беде, печали и скорби

## Святому мученику Трифону



### Тропарь, глас 8-й:

Мученик Твой, Господи, Трифон во страдании своем венец приял нетленный от Тебе, Бога нашего: имеай бо крепость Твою, мучителей низложи, сокруши и демонов немощных дерзости. Того молитвами спаси души наша.

### Кондак, глас 8-й:

Троицескою твердостию многобожие разрушил еси от конец, всеславне, честен во Христе быв, и, победив мучители во Христе Спасителе, венец приял еси мученичества твоего и дарования Божественных исцелений, яко непобедим.

### Молитва:

О, святый мучениче Христов Трифоне, скорый помощниче всем, к тебе прибегающим и молящимся пред святым твоим образом скоропослушный представителю! Услыши убо ныне и на всякий час моление нас, недостойных рабов твоих, почитающих святую память твою. Ты убо, угодниче Христов, сам обещался еси прежде исхода твоего от жития сего тленного молитися за ны ко Господу и испросил еси у Него дар сей: аще кто в коей-либо нужде и печали своей призываТИ начнет святое имя твое, той да избавлен будет от всякаго прилога злого. И яко же ты иногда дщерь цареву в Риме граде от диавола мучиму исцелил еси, сице и нас от лютых его козней сохрани во вся дни живота нашего, наипаче же в день страшный последняго нашего, издыхания представельствуй о нас, егда темни зраки лукавых бесов окружати и устрашати нас начнут. Буди нам тогда помощник и скорый прогонитель лукавых бесов, и к Царству Небесному предводитель, идеже ты ныне предстоиши с лицом святых у Престола Божия, моли Господа, да сподобит и нас причастниками быти присносущнаго веселия и радости, да с тобою купно удостоимся славити Отца и Сына и Святаго Утешителя Духа во веки. Аминь.

(Ему же молятся об избавлении от храна.)



## При нападении грабителей

**Святому праведному Иосифу, обручнику Пресвятой Девы Марии**

**Тропарь, глас 4-й:**

Благовестуй, Иосифе, Давиду чудеса Богоотцу: Деву видел еси рождшую, с пастыри славословил еси. С волхвы поклонился еси. Ангелом весть прием: моли Христа Бога спасти души наша.

**Кондак, глас 3-й:**

Веселия днесь Давид исполняется Божественный, Иосиф же хваление со Иаковом приносит: венец бо сродством Христовым приемше, радуются, и неизреченно на земли Родшагося воспевают, и вопиют: Щедре, спасай Тебе чтущия.

**Молитва:**

О святый праведный Иосифе! Ты еще на земли сый, велие имел еси дерзновение к Сыну Божию, иже благоизволи именовать тя отца Своего, яко обрученика Своя Матери, и послушати тя: веруем, яко ныне с лики праведных во обителех небесных водворяся, услышан будеши во всяком твоем прошении к Богу и Спасителю нашему. Темже, ко твоему покрову и заступлению прибегающе, смиренно молим тя: якоже сам от бури сумнительных помышлений избавлен был еси, сице избави и нас, волнами смущений и страстей обуреваемых: якоже ограждал еси Всенепорочную Деву от клеветы человеческия, огради и нас такожде от всякия клеветы напрасныя: якоже хранил еси от всякого вреда и озлобления воплотившагося Господа, сице сохраняй твоим заступлением Церковь Его Православную и всех нас от всякаго озлобления и вреда. Веси, святче Божий яко и Сын Божий во днех плоти Своей в телесных потребах нужду имеяши, и ты послужил еси им: того ради молим тя, и нашим времененным нуждам благопоспеши твоим ходатайством, подая нам вся благая, в житии сем потребная. Изряднее же просим тя, исходатайствуй нам оставление грехов прияти от нареченного ти Сына, Единородного же Сына Божия, Господа нашего Иисуса Христа и достойны быти наследия Царства Небеснаго нас представительством твоим сотвори, да и мы, в горних селениих с тобою водворяющеся, прославим Единаго Триипостаснаго Бога, Отца и Сына и Святаго Духа, ныне и во веки веков. Аминь.





# **Молитва о находящихся в запрещении и себя клятвою связавших**

## **Молитва**

### **Молитва о находящихся в запрещении и себя клятвою связавших**

Владыко Господи Боже наш, Единородный Сыне и Слово Отчее, иже всяк соуз грех наших, Твою страстию растерзовый, Иже дунувый на лица Твоим Апостолам и рек им: Приимите Духа Святаго, и ихже аще оставите грехи, оставятся им, и ихже аще держите, удержанятся. Ты Сам, Владыко, святыми Твоими Апостолы даровал еси по времени священнодействующым во святей Твоей Церкви на земле оставляти грехи, и вязати и решити всякий соуз неправды: молимся убо и ныне о брате нашем (имя) предстоящем пред Тобою, подаждь ему Твою милость, разреши его соуз греховный, аще что в неведении, или небрежении глагола, или от малодушия содела, ведьй человеческую немощь, яко Человеколюбец и благ, Владыка, вся вольныя и невольныя грехи прости ему, яко Ты еси милуйяй окованыя, возставляй низверженныя, надежде ненадеющихся, упокоение падших, и раба Твоего сего свободи от соуза греховнаго. Яко прославися Твое всесвятое имя, со Безначальным Твоим Отцем, и Святым Духом, ныне и присно, и во веки веков. Аминь.





## Молитвы о примирении враждующих

Пресвятой Богородице перед Ее иконой «Умягчение Злых Сердец», или «Семистрельная»



### Тропарь, глас 5-й:

Умягчи наша злая сердца, Богородице, и напасти ненавидящих нас угаси, и всякую тесноту души нашей разреши. На Твой святый образ взирающи, Твоим страданием и милосердием о нас умиляемся и раны Твоя лобызаем, стрел же наших, Тя терзающих, ужасаемся. Не даждь нам, Мати благосердная, в жестокосердии нашем и от жестокосердия близких погибнуть, Ты бо еси воистину злых сердец Умягчение.

### Кондак:

Избранной Деве Марии, превысшей всех дщерей земли, Матери Сына Божия, Его же даде спасению мира, со умилением взываем: воззри на многоскорбное житие наше, воспомяни скорби и болезни, ихже претерпела еси, яко наша земнородная, и сотвори с нами по милосердию Твоему, да зовем Ти: Радуйся, многоскорбная Мати Божия, печаль нашу в радость претворяющая.

### Молитва:

О многострадальная Мати Божия, Превысшая всех дщерей земли, по чистоте Своей и по множеству страданий, Тобою на земли перенесенных, приими многоболезненные воздыхания наша и сохрани нас под кровом Твоего милости. Иного бо прибежища и теплого представительства разве Тебе не вемы, но, яко дерзновение имущая ко Иже из Тебе рожденному, помози и спаси ны молитвами Своими, да непреткновенно достигнем Царствия Небесного, идже со всеми святыми будем воспевать в Троице единому Богу ныне и присно, и во веки веков. Аминь.

**Молитва о примирении враждующих**

Владыко Человеколюбче, Царю веков и Подателя благих, разрушивший вражды средостения и мир подавший роду человеческому, даруй и ныне мир рабом Твоим, вкорени в них страх Твой и друг к другу любовь утверди: угаси всяку расплю, отьими вся разгласия и соблазны. Яко Ты еси мир наш и Тебе славу возсылаем, Отцу и Сыну и Святому Духу, ныне и присно и во веки веков. Аминь.

---





# Об умирении вражды между ближними

**Святым благоверным князьям Борису и Глебу, в крещении Роману и Давиду**



**Святым благоверным князьям Борису и Глебу, в крещении Роману и Давиду**

**Тропарь, глас 2-й:**

Правдивая страстотерпца, и истинная Евангелия Христова послушателя, целомудренный Романе с незлобивым Давидом, не сопротивив ста-ста врагу сущу брату, убивающему телеса ваша, душам же коснутся не могуши. Да плачется убо злый властолюбец, вы же радующиеся с лики ангельскими, предстояще Святей Троице, молитеся о державе сродников ваших, богоугодней быти, и сыновом Российским спасися.

**Кондак, глас 3-й:**

Возсия днесь преславная память ваша, бла-городний страстотерпцы Христовы, Романе и Давиде, созывающи нас к похвалению Христа Бога нашего. Тем, притекающе к раце мощей ваших, исцеления дар приемлем молитвами вашими, святии: вы бо Божественни враче ве есте.

**Величание:**

Величаем вас, страстотерпцы святии, и чтим честная страдания ваша, яже за Христа претерпели есте.

**Молитва:**

О, двоице священная, братия прекрасная, доблии страстотерпцы Борисе и Глебе, от юности Христу верою, чистотою и любвию послуживший, и кровьми своими, яко багряницею, украсившиися, и ныне со Христом царствующий! Не забудите и нас, сущих на земли, но яко теплии заступницы, вашим сильным ходатайством пред Христом Богом сохраните юных во святей вере и чистоте неврежденными от всякаго прилога неверия и нечистоты, оградите всех нас от всякия скорби, озлоблений и напрасныя смерти, укротите всякую вражду и злобу, действом диавола

воздвизаемую от близких и чуждих. Молим вас, христолюбивии страстотерпцы, испросите у Великодаровитаго Владыки всем нам оставление прегрешений наших, единомыслие и здравие, избавление от нашествия иноплеменных, междуусобныя брани, язвы и глада. Снабдевайте своим заступлением (*град сей и*) всех, чтущих святую память вашу, во веки веков. Аминь.





## О помощи в бедности и нужде

### О помощи в бедности и нужде. Святителю Иоанну Милостивому

#### Тропарь, глас 8-й:

В терпении твоем стяжал еси мзду твою, отче преподобне, в молитвах непрестанно терпевый, нищия возлюбивый и сия удовлиный, но молися Христу Богу, Иоанне милостиве, блаженне, спастися душам нашим.

#### Кондак, глас 2-й:

Богатство твое расточил еси убогим и Небесное богатство ныне восприял еси, Иоанне всемудре, сего ради вси тя почитаем, совершающе память твою, милостыни о тезоимените!

#### Молитва:

Святителю Божий Иоанне, милостивый защитниче сирых и сущих в напастех! К тебе прибегаем и тебе молимся, яко скорому покровителю всех ищущих от Бога утешения в бедах и скорбех. Не престай, моляся ко Господу о всех с верою притехающих к тебе! Ты, преисполнен сый Христовы любви и благости, явился еси яко чудный чертог добродетели милосердия и стяжал еси себе имя «милостивый». Ты был еси яко река, непрестанно текущая щедрыми милостыни и всех жаждущих обильно напаяющая. Вериум, яко по переселении от земли на небо, усугубися в тебе дар благодати сея и яко соделался еси неисчерпаемый сосуд всякия благости. Створи убо твоим ходатайством и заступлением пред Богом «всякия утехи», да все, прибегающий к тебе, обретают мир и безмятежие: даруй им утешение в печалах временных и пособие в нуждах житейских, всели в них надежду вечного упокоения во Царствии Небесном. В житии твоем на земли ты был еси пристанище всем сущим во всякой беде и нужде, обидимым и недугующим, и ни един от притекающих к тебе и просивших у тебе милости лишен бысть твоей благости. Тожде и ныне, царствуя со Христом на Небеси, яви всем покланяющимся пред честною твою иконою и молящимся о помощи и заступлении. Не точию сам ты творил еси милость беспомощным, но и сердца других воздвигал еси ко утешению немощных и ко призрению убогих. Подвигни убо и ныне сердца верных к заступлению сирых, ко утешению скорбящих и успокоению неимущих. Да не оскудевают в них дары милости, паче же да вселится в них и в дому сем, призывающем страждущих, мир и радость о Духе Святе, во славу Господа и Спаса нашего Иисуса Христа, во веки веков. Аминь.





## При нападении зверей

### При нападении зверей. Великомученику Георгию Победоносцу

#### Тропарь, глас 4-й:

Яко пленных свободитель, и нищих защититель, немощтвующих врач, царей поборниче, победоносче великомучениче Георгие, моли Христа Бога, спастися душам нашим.

#### Кондак, глас 4-й:

Возделан от Бога, показался еси благочестия делатель честнейший, добродетелей рукояти собрав себе: сеяв бо в слезах, веселием жнеши: страдальчествовав же кровию, Христа принял еси: и молитвами, святе, твоими, всем подаеши прегрешений прощение.

#### Величание:

Величаем тя, страстотерпче святый великомучениче и победоносче Георгие, и чтим страдания твоя, яже за Христа претерпел еси.

#### Молитва:

Святый, славный и всехвальный великомучениче Христов Георгие! Собранныи во храме твоем и перед иконою твоюю святою покланяющиися людие, молим тя, известный желания нашего ходатаю: моли с нами и о нас умоляемаго от Своего благоутробия Бога, да милостивно услышит нас, просящих Его благостию, и не оставит вся наша ко спасению и житию нуждная прошения, и да укрепит же данною тебе благодатию во бранех православное воинство, разрушит силы возстающих враг, да постыдятся и посрамятся, и дерзость их да сокрушится, и да уведят, яко мы имамы Божественную помошь; и всем в скорби и обстоянии сущим многомощное яви твое заступление. Умоли Господа Бога, всея твари Создателя, избавити нас от вечного мучения, да всегда прославляем Отца и Сына и Святаго Духа, и твое исповедуем предстательство, ныне и присно и во веки веков. Аминь.

Да воскреснет Бог, и расточатся врази Его, и да бежат от лица Его ненавидящии Его. Яко исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знамением, и в веселии глаголющих: радуйся, Пречестный и Животворящий Кресте Господень, прогоняй бесы силою на тебе пропятаго Господа нашего Иисуса Христа, во ад الشدها who has passed through the fire and come out unscathed! Who has passed through the fire and come out unscathed! Who has passed through the fire and come out unscathed!

Помогай ми со Святою Госпожею Девою Богородицею и со всеми святыми во веки.  
Аминь.

Богородице Дево, радуйся, Благодатная Марие, Господь с Тобою; благословена  
Ты в женах и благословен плод чрева Твоего, яко Спаса родила еси душ наших.





## От укушения гада

### От укушения гада. Преподобному Алексию, человеку Божию

#### Тропарь, глас 4-й:

Возвысився на добродетель и ум очистив, к желанному и крайнему достигл еси, безстрастием же украсив житие твое, и пощение изрядное восприим совестию чистою, в молитвах, яко бесплотен, пребывая, возсиял еси, яко солнце, в мире, преблаженне Алексие.

#### Кондак, глас 2-й:

Дом родителей твоих яко чужд, имев, водворился еси в нем нищеобразно и, по представлении венец прием славы, дивен на земли явился еси, Алексие, человече Божий, ангелом и человеком радование.

#### Молитва:

О, великий Христов угодниче, святый человече Божий Алексие, душою на Небеси Престолу Господню предстояй, на земли же данною ти свыше благодатию различная совершаяй чудеса! Призри милостивно на предстоящия святей иконе твоей люди, умиленно молящаяся и просящая от тебе помочи и заступления. Простри молитвенно ко Господу Богу честнин руце твои, и испроси нам от Него оставление согрешений наших вольных и невольных, в недузех страждущим исцеление, напаствуемым заступление, скорбящим утешение, бедствующим скорую помощь, всем же чтушим тя мирную и христианскую живота кончину и добрый ответ на страшнем суде Христове. Ей, угодниче Божий, не посрами упования нашего, еже на тя по Бозе и Богородице возлагаем, но буди нам помощник и покровитель во спасение, да, твоими молитвами получивше благодать и милость от Господа, прославим человеколюбие Отца и Сына и Святаго Духа, в Троице славимаго и покланяемаго Бога, и твое святое заступление, ныне и присно и во веки веков. Аминь.





## О спасении от насилия

### Мученице Фомаиде Египетской

#### Тропарь, глас 4-й:

Агница Твоя, Иисусе, Фомаида, зовет велиим гласом: Тебе, Женише мой, люблю, и Тебе ищущи страдальчествую и сраспинаюся, и спогребаюся Крещению Твоему, и стражду Тебе ради, яко да царствую в Тебе, и умираю за Тя, да и живу с Тобою; но яко жертву непорочную приими мя, с любовию пожершуюся Тебе. Тоя молитвами, яко Милостив, спаси души наша.

#### Кондак, глас 2-й:

Храм твой всечестный яко цельбу душевную обретше, вси вернии велегласно во-пием ти: дево мученице, Фомаидо великоименитая, Христа Бога моли непрестанно о всех нас.

#### Молитва:

О, всехвальная мученице Фомаидо! За чистоту супружества даже до крове под-визавшихся и целомудрия ради душу свою положивши, достойна пред Господем обрелася еси, во еже в лице преподобных дев почтенней тебе быти. Услыши нас молящихся тебе, и якоже древле боримии от плоти целительницу тя имеяху, по дарованной тебе от Бога благодати, сице и ныне прибегающим ко представительству твоему подаждь отраду и свобождение от плотских браны, и целомудренное жи-тие и незазорное в супружестве и девстве пребывание твоими богоприятными молитвами всем исходатайствовать потищися, яко да телеса наша храм живущаго в нас Святаго Духа будут. О, преизбранная в женах и верная рабо Христова! Помози нам, да не погибнем со страстью и похотью нашими, но да управимся умом нашим и укрепимся сердцем нашим во всяком благочестии и чистоте, славяще твою помощь и представительство, благодать же и милость Триединаго Бога, Отца и Сына и Святаго Духа, во веки веков. Аминь.





# Об обращении заблудшего

## Ко Господу Иисусу Христу

Господи! Просвети заблудших (*имена*), обрати их в святую Церковь Твою и спаси их всесильною Твою благодатию! Нас же в Православии и истинней вере соблюди яко благословен еси во веки веков.

## Об обращении заблудшего. Молитва к Божией Матери (Святителя Гавриила Новгородского)




О, Всемилостивая Госпоже, Дево, Владычице Богородице, Царица Небесная! Ты рождеством Своим спасла род человеческий от вечного мучительства диавола: ибо от Тебя родился Христос, Спаситель наш. Призри Своим милосердием и на сего (*имя*), лишенного милости Божией и благодати, исходатайствуй Матерним Своим дерзновением и Твоими молитвами у Сына Твоего, Христа Бога нашего, дабы ниспоспал благодать Свою свыше на сего погибающего. О, Преблагословенная! Ты надежда ненадежных, Ты отчаянных спасение, да не порадуется враг о душе его!





## Молитвы от голода

### Пророку Божию Илии



#### Тропарь, глас 4-й:

Во плоти Ангел, пророков основание, второй предтеча пришествия Христова Илия славный, свыше пославый Елисееви благодать недуги отгоняти и прокаженныя очищати, темже и почи-тающим его точит исцеления.

#### Кондак, глас 3-й:

Пророче и провидче великих дел Бога на-шего, Илие великотеимените, вещанием твоим уставивый водоточныя облаки, моли о нас еди-ного Человеколюбца.

#### Молитва:

О святый пророче Божий Илие, моли о нас Человеколюбца Бога, да подаст нам, рабам Божиим (имена), дух покаяния и сокрушения о гре-сех наших, и всесильною Своею благодатию да поможет нам пути нечестия оставити, преспевати же во всяком деле блазе, и в борьбе со страстями и похотьми нашими да укрепит нас; да всадит в сердца наши дух смирения и кротости, дух братолюбия и незлобия, дух терпения и целомудрия, дух ревности ко славе Божией и о спасении своем и ближних доброе попечение. Отврати от нас предstatельством твоим праведный гнев Божий, да тако в мире и благочестии поживше в сем веце, сподобимся причастия вечных благ во Царствии Господа и Спаса нашего Иисуса Христа, Ему же подобает честь и поклонение, со Безначальным Его Отцем и Пресвятым Духом, во веки веков. Аминь.

### Молитва от голода пророку Божию Илии

Во плоти ангел, пророков основание, второй предтеча пришествия Христова, Илия славный, от ангела пищу приемый и вдовицу в годину глада напитавый, и нам, почитающим тя, благодатный питатель будь.

*Открыта в 1915 г. в Москве одному подвижнику. С этой молитвой владыка Афанасий Сахаров прошел все тюрьмы и лагеря, везде соблюдая пост. («Литературная учеба», 1991, № 6)*





## Во время голода

**Святителю Спиридону, Тримифунтскому чудотворцу**

**Тропарь, глас 4-й:**

Собора первого показался еси поборник и чудотворец, богоносне Спиридоне, отче наш. Темже мертву ты во гробе возгласив, и змию в злато претворил еси; и внегда пети тебе святыя молитвы, ангелы сослужащия тебе, имел еси, священнейший. Слава Давшему тебе крепость, слава Венчавшему тя, слава Действующему тобою всем исцеления.

**Кондак, глас 2-й:**

Любовию Христовою уязвився, священнейший, ум вперив зарею Духа, детельным видением твоим деяние обрел еси, Богоприятне, жертвенник Божественный быв, прося всем Божественного сияния.

**Молитва:**

О, преблаженне святителю Спиридоне, великий угодниче Христов и преславный чудотворче! Предстоя на небеси Престолу Божию с лики ангелов, призри милостивым оком на предстоящия зде люди (имярек) и просияния сильныя твоя помощи. Умоли благосердие Человеколюбца Бога, да не осудит нас по беззаконием нашим, но да сотворит с нами по милости Своей! Испроси нам у Христа и Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим благая, даруемая нам от щедраго Бога, но во славу Его и в прославление твоего заступления! Избави всех верою несомненною к Богу приходящих, от всяких бед душевных и телесных, от всех томлений и диавольских наветов! Буди печальным утешитель, недугующим врач, в напастех помощник, нагим покровитель, вдовицам заступник, сирым защитник, младенцем питатель, старым укрепитель, странствующим путевождь, плавающим кормчий, и исходатайствуй всем, крепкия помощи твоя требующим, вся, яже ко спасению полезная! Яко да твоими молитвами наставляеми и соблюдаеми, достигнем вечного покоя и купно с тобою прославим Бога, в Троице Святей славимаго, Отца и Сына и Святаго Духа, ныне и присно и во веки веков. Аминь.

## Святому священномученику Харалампию

### Тропарь, глас 2-й:

Молитвами твоими ко Господу от зол, бед, напастей свободи, верно к тебе прибегающих и сетей избави вражиих, великий страстотерпче Харалампие.

### Кондак, глас 6-й:

Яко мученик и исповедник цвет, двойным венцем Христос тя увенча, возвеличив безчисленными чудесы на земли, но яко благодать Господню являя нам, верно к тебе прибегающим даруй мир, помози в напастех и лютых бедах, святейший Харалампие.

### Молитва:


О священная и многострадальная главо, пастырю добрый словесных овец Христовых, священномучениче Христов Харалампие, Магнисийская похвало и славо вселенныя, всемирный светильниче и великий наш заступниче и помощниче в скорбех, бедах и всяких нуждах! Услыши нас грешных, к тебе прибегающих и молящихся, и избави нас от всякаго злого обстояния. Ты бо приял от Господа благодать и силу велику за многия и нуждныя страдания твоя и терпение, еже всюду и во всем нам помогати, и наипаче идеже память твоя почитаема будет бдением, пением и усердным молением. Сицевая благодать дадеся ти, священномучениче Христов, от явльшагося ти Господа Царя славы по твоему испрошению. Егда на мечное усечение тя осудиша, услышал еси превожденный и сладчайший оный глас, глаголющий тебе: «приди, Харалампие, друже Мой, многия муки имене ради Моего претерпевый, и проси у Мене, еже хощеш, и Аз дам ти». Ты ж великий светильниче, рекл еси Христу Господу усты своими: «Господи мой, велико убо мне есть от Тебе, Света невечерняго, дарование сие. Аще угодно есть величеству Твоему, молю Тя, благоволи даровати ми сицевую милость Свою: да идеже положены будут мощи моя и почитаема будет память страдания моего, не будет на месте том ни глада, ни мора, ни тлетворного воздуха, погубляющаго плоды, но да будет паче на месте оном мир, здравие телесем и душам спасение, изобилие пшеницы, вина и елеа и умножение скотов, яже на потребу человеком». Ты же паки, угодниче Христов, Харалампие многострадальниче, глас Господень услышал еси, вещающий тебе: «буди по прошению твоему, преславный Мой воине». И аbie, по глаголании сем Господнем, предал еси душу свою без мечнаго посечения, и пойде во след Христа Господа со славою многою, ангелом убо сретающим и провождающим ю до Престола Господня с радостию великою. И тако приял еси венец славы от Божественные руки Его с лики святых, вечно славящих Пресвятое имя Господа. И тамо, во славе небесней пребывая, призри, угодниче Божий, и на нас грешных, молящихся тебе, и воспомяни нас пред Господем, еже даровати нам на потребу велия Его милости в бесконечныя веки. Аминь.





## От засухи, грозы, града

### Пророку Божию Илии



#### Тропарь, глас 4-й:

Во плоти Ангел, пророков основание, второй предтеча пришествия Христова Илия славный, свыше пославый Елисееви благодать недуги отгоняти и прокаженныя очищати, темже и почитающим его точит исцеления.

#### Кондак, глас 3-й:

Пророче и провидче великих дел Бога нашего, Илие великотеимените, вещанием твоим уставивый водоточныя облаки, моли о нас единого Человеколюбца.

#### Величание:

Величаем тя, святый пророче Божий Илие, и почтаем еже на колеснице огненней преславное восхождение твое.

#### Молитва:

Во плоти ангел, пророков основание, второй предтеча пришествия Христова, Илия славный, от ангела пищу приемый и Сарептскую вдовицу в годину глада напитавый, сам и нам, почитающим тя, благодатный питатель будь. Аминь.

### Блаженному Прокопию, Христа ради юродивому, Устюжскому чудотворцу

#### Тропарь, глас 4-й:

Просветився божественною благодатию, богомудре, и весь разум и сердце от суетного мира сего к Зиждителю неуклонно возложив целомудрием и многим терпением, во временней жизни течение добре скончал еси и веру соблюл еси непорочну. Темже и по смерти явися светлость жития твоего: источаеши бо чудесем источник неисчерпаемый верою притекающим ко святому твоему гробу, Прокопие всеблаженне, моли Христа Бога, да спасет души наша.

**Кондак, глас4-й:**

Христа ради юродством воздушная мытарства на руках ангельских неприкоснovenno пришел, Царского достиг еси Престола и Царя всех Христа Бога дар прием благодать исцелений, многими бо чудесы твоими и знамением страшным удивил еси град твой Великий Устюг: людем твоим милость испросив, миро от честного образа Пресвятая Богородицы молитвою извел еси и недужным подал еси цельбы. Тем же молим тя, чудоносче Прокопие: моли Христа Бога непрестанно подати грехов наших прощение.

**Молитва:**

О, великий угодниче Божий и чудотворче, святый блаженный Прокопие! Тебе молимся и тебе просим: молися о нас ко всемилостивому Богу и Спасу нашем Иисусу Христу, да проявит милость Свою к нам недостойным и дарует нам вся к животу и благочестию потребная: веры убо и любве преспяение, благочестия умножение, мира утверждение, земли плодоносие, воздухов благорастворение и во всем благом благое поспешение. Вся грады и веси Российская предстательством твоим соблюди невредимы от всякаго зла. Всем православным христианом, тя молитвенно призывающим, комуждо по нуждам их, потребная даруй: болящим исцеление, скорбящим утешение, бедствующим поможение, унывающим ободрение, нищим снабдение, сирым призрение. Нам же всем дух покаяния и страха Божия испроси, да благочестно временное сие житие скончавше, сподобимся благую християнскую кончину получить и царствие небесное со избранными Божиими наследовати. Ей, праведниче Божий! Не посрами упования нашего, еже на тя смиренно возлагаем, но буди нам помощник и заступник в жизни, при смерти и по смерти нашей; да, твоим предстательством спасение улучивше, купно с тобою прославим Отца и Сына и Святаго Духа, и твоє крепкое заступление о нас, во веки веков. Аминь.


---



## На брань блуда

Боже Вседержителю, всю тварь премудrostию создавый, мене, падшаго многими согрешеньми, Твою воздвигни рукою: подаждь ми Твою помошь, и сподоби мя от мирских свободитися искушений, от диавольских сетей, и от плотских похотей. Умилосердися и прости ми вся, елика Ти согреших во вся дни живота моего; помажи душу мою елеем благодати и щедрот единороднаго Сына Твоего, Господа Бога и Спаса нашего Иисуса Христа, с Ним же Тебе и Святому Духу подобает всякая слава во веки. Аминь.





**МОЛИТВЕННОЕ ПРАВИЛО  
ПРЕПОДОБНОГО АМВРОСИЯ  
ОПТИНСКОГО**



# 1. Правило, читаемое во время скорби

## Псалом 3

Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же. Господи, Заступник мой еси, слава моя и возносяй главу мою. Гласом моим ко Господу воззвах, и услыша мя от горы святыя Своя. Аз уснух, и спах, востах, яко Господъ заступит мя. Не убоюся от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующая ми всуе: зубы грешников сокрушил еси. Господне есть спасение, и на людех Твоих благословение Твое.

## Псалом 53

Боже, во Имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепцыи взыскаша душу мою, и не предложиша Бога пред собою. Се бо Бог помогает ми, и Господъ заступник души моей. Отвратит злая врагом моим, истину Твою потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя возвре око мое.

## Псалом 58

Изми мя от враг моих, Боже, и от востающих на мя избави мя. Избави мя от делающих беззаконие и от муж кровей спаси мя. Яко се уловиша душу мою, нападоша на мя крепцыи, ниже беззаконие мое, ниже грех мой, Господи. Без беззакония текох и исправих, востани в сретение мое и виждь. И ты, Господи Боже сил, Боже Израилев, вонми посетити вся языки, да не ущедриши вся делающие беззаконие. Возвратятся на вечер и взалчут, яко пес, и обыдут град. Се тии отвещают усты свои-ми, и меч во устнах их, яко кто слыша? И Ты, Господи, посмеешся им, уничижиши вся языки. Державу мою к Тебе сохраню, яко Ты, Боже, Заступник мой еси. Бог мой, милость Его предварит мя, Бог мой, явит мне на вразех моих. Не убий их, да не когда забудут закон Твой, расточи я силою Твою и низведи я, Защитниче мой, Господи. Грех уст их, слово устен их, и яти да будут в гордыни своей, и от клятвы и лжи возвестятся в кончине. Во гневе кончины, и не будут и уведят, яко Бог владычествоует Иаковом и концы земли. Возвратятся на вечер, и взалчут, яко пес, и обыдут град. Тии разыдутся ясти. Аще ли же не насытятся, и поропщут. Аз же воспою силу Твою и возрадуюся заутра о милости Твоей, яко был еси Заступник мой и Прибежище мое в день скорби моей. Помощник мой еси, Тебе пою: яко Бог Заступник мой еси, Боже мой, милость моя.

**Псалом 142**

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвяя века. И уны во мне дух мой, во мне смятесь сердце мое. Помянух дни древния, поучихся во всех делах Твоих, в творениих руку Твою поучахся. Воздех к Тебе руце мои, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящым в ров. Слышану сотвори мне заутра милость Твою, яко на Тя уповах. Скажи мне, Господи, путь воньже пойду, яко к Тебе взях душу мою. Изми мя от враг моих, Господи, к Тебе прибегох. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правою Твою изведеши от печали душу мою. И милостию Твою потребиши враги моя и погубиши вся стужающия души моей, яко аз раб Твой есмь.

**Псалом 101**

Господи, услыши молитву мою, и вопль мой к Тебе да приидет. Не отврати лица Твоего от мене: воньже аще день скорблю, приклони ко мне ухо Твое: воньже аще день призову Тя, скоро услыши мя. Яко исчезоша яко дым дние мои, и кости моя яко сушило сосохашся. Уязвен бых яко трава, и изсше сердце мое, яко забых снести хлеб мой. От гласа воздыхания моего прильпе кость моя плоти моей. Уподобихся неясыти пустынней, бых яко нощный вран на нырищи. Бдех и бых яко птица особыщааяся на зде. Весь день поношаху ми врази мои, и хвалящии мя мною кленяхуся. Зане пепел яко хлеб ядях, и питие мое с плачем растворяях. От лица гнева Твоего и ярости Твоей: яко вознес низвергл мя еси. Дние мои яко сень уклонишаися, и аз яко сено изсхох. Ты же, Господи, во век пребываеши, и память Твоя в род и род. Ты воскрес ущедриши Сиона, яко время ущедрити его, яко прииде время. Яко благоволиша раби Твои камение его, и перстъ его ущедрят. И убоятся языцы имене Господня, и вси царие земстии славы Твоей. Яко созиждет Господь Сиона, и явится во славе Своей. Призре на молитву смиренных, и не уничижи моления их. Да напишется сие в род ин, и людие зиждемии восхвалят Господа. Яко приниче с высоты святыя Своя, Господь с Небесе на землю призре, услышати вздохание окованых, разрешити сыны умерщвленных, возвестити в Сионе Имя Господне, и хвалу Его во Иерусалиме: внегда собратися людем вкупе, и царем, еже работати Господеви. Отвеша ему на пути крепости его: умаление дней моих возвести ми. Не возведи мене в преполовение дней моих: в роде родов лета Твоя. В началех Ты, Господи, землю основал еси, и дела руку Твою суть Небеса. Та погибнут, Ты же пребываеши: и вся, яко риза обетшают, и яко одежду свиеша я и изменятся. Ты же Тойжде еси, и лета твоя не оскудеют. Сынове раб Твоих вселятся, и семя их во век исправится.

---





## 2. Правило, читаемое во время искушений

### Псалом 36

Не ревнуй лукавнующым, ниже завиди творящим беззаконие. Зане яко трава скоро изсшут, яко зелие злака скоро отпадут. Уповай на Господа и твори благостию, и насели землю, и упасешися в богатстве ея. Насладися Господеви, и даст ти прошения сердца твоего. Открый ко Господу путь твой и уповай на Него, и Той сотворит: и изведет, яко свет, правду твою и судьбу твою, яко полудне. Повинися Господеви и умоли Его. Не ревнуй спеющему в пути своем, человеку, творящему законопреступление. Престани от гнева и остави ярость, не ревнуй еже лукавновати. Зане лукавнующий потребятся, терпящии же Господа, тии наследят землю. И еще мало, и не будет грешника, и взыщеши место его, и не обрящеши. Кротцыи же наследят землю и насладятся о множестве мира. Назирает грешный праведного и поскрежещет нань зубы своими. Господь же посмеется ему, зане прозирает, яко приидет день его. Мечь извлекоша грешницы, напрягоша лук свой, низложити убога и нища, заклати правыя сердцем. Мечь их да внидет в сердца их, и луцы их да сокрушатся. Лучше малое праведнику, паче богатства грешных многа. Зане мышцы грешных сокрушаются, утверждает же праведныя Господь. Весть Господь пути непорочных, и достояние их в век будет. Не постыдятся во времяя лютое, и во днех глада насытятся, яко грешницы погибнут. Врази же Господни, купно прославитися им и вознесися, исчезающе яко дым исчезоша. Заемлет грешный и не возвратит, праведный же щедрит и дает. Яко благословящии Его наследят землю, кленущии же Его потребятся. От Господа стопы человеку исправляются, и пути его восходит зело. Егда падет, не разбиется, яко Господь подкрепляет руку его. Юнейший бых, ибо состарехся, и не видех праведника оставлена, ниже семени его просияща хлебы. Весь день милует и взаим дает праведный, и семя его во благословение будет. Уклонися от зла и сотвори благо, и вселися в век века. Яко Господь любит суд и не оставит преподобных Своих, во век сохраняются. Беззаконницы же изженутся, и семя нечестивых потребится. Праведницы же наследят землю и вселятся в век века на ней. Уста праведного поучатся премудрости, и язык его возлаголет суд. Закон Бога его в сердце его, и не запнутся стопы его. Сматряет грешный праведного и ищет еже умертвiti его. Господь же не оставит его в руку его, ниже осудит его, егда судит ему. Потерпи Господа и сохрани путь Его, и вознесет тя, еже наследити землю, внегда потреблятися грешником узриши. Видех нечестиваго превозносящаяся и высящаяся, яко кедры Ливанских. И мимо идох, и се не бе, и взысках его, и не обретеся место его. Храни незлобие и виждь правоту, яко есть останок человеку мирну.

Беззаконницы же потребятся вкупе: останцы же нечестивых потребятся. Спасение же праведных от Господа, и Защититель их есть во время скорби. И поможет им Господь, и избавит их, и измет их от грешник, и спасет их, яко уповаша на Него.

### Псалом 26

Господь просвещение мое и Спаситель мой, кого убоюся? Господь Защититель живота моего, от кого устрашуся? Внегда приближатися на мя злобующим, еже снести плоти моя, оскорбляюши мя, и врази мои, тии изнемогоша и падоша. Аще ополчится на мя полк, не убоится сердце мое, аще востанет на мя брань, на Него аз уповаю. Едино просих от Господа, то взыщу: еже жити ми в дому Господни вся дни живота моего, зretи ми красоту Господню и посещати храм святый Его. Яко скры мя в селении Своем в день зол моих, покры мя втайне селения Своего, на камень вознесе мя. И ныне се вознесе главу мою, на враги моя: обыдох и пожрох в селении Его жертву хваления и воскликновения, пою и воспою Господеви. Услыши, Господи, глас мой, имже воззвах: помилуй мя и услыши мя. Тебе рече сердце мое, Господа взыщу. Взыска Тебе лицо мое, лица Твоего, Господи, взыщу. Не отврати лица Твоего от мене и не уклонися гневом от раба Твоего: помощник мой буди, не отрини мене, и не остави мене, Боже Спасителю мой. Яко отец мой и мати моя оставилста мя, Господь же восприят мя. Законоположи ми, Господи, в пути Твоем и настави мя на стезю правую враг моих ради. Не предаждь мене в души стужающих ми, яко восташа на мя свидете неправедний и согла неправда себе. Верую видети благая Господня на земли живых. Потерпи Господа, мужайся и да крепится сердце твое, и потерпи Господа.

### Псалом 90

Живый в помоши Вышняго, в крови Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своим осенит тя, и под криле Его надеешися: оружием обыдет тя истина Его. Не убоишися от страха нощного, от стрелы летящия во дни, от вещи во тме преходящия, от сряща, и беса полуденного. Падет от страны твоей тысяча, и тма одесную тебе, к тебе же не приближится, обаче очима твоими смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приближится телеси твоему, яко ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на мя упова, и избавлю и: покрою и, яко позна имя Мое. Возвозет ко Мне, и услышу его: с ним есмь в скорби, изму его, и прославлю его, долготою дней исполню его, и явлю ему спасение Мое.


### Псалом 39

Терпя, потерпех Господа, и внят ми, и услыша молитву мою. И возведе мя от рова страстей, и от брения тины, и постави на камени нозе мои, и исправи стопы моя, и вложи во уста моя песнь нову, пение Богу нашему. Узрят мнози и убоятся, и уповают на Господа. Блажен муж, ему же есть имя Господне упование его, и не

призре в суеты и неистовления ложная. Многа сотворил еси Ты, Господи, Боже мой, чудеса Твоя и помышлением Твоим несть кто уподобится Тебе. Возвестих и глаголах, умножиша паче числа. Жертвы и приношения не восхотел еси, тело же свершил ми еси, всесожжений и о грехе не взыскал еси. Тогда рех: се прииду, в главизне книжне писано есть о мне: еже сотворити волю Твою, Боже мой, восхотех, и закон Твой посреде чрева моего. Благовестих правду в церкви велицей, се устнам моим не возбраню: Господи, Ты разумел еси. Правду Твою не скрых в сердце моем, истину Твою и спасение Твое рех, не скрых милость Твою и истину Твою от сонма многа. Ты же, Господи, не удали щедрот Твоих от мене: милость Твоя и истина Твоя выну да заступите мя. Яко одержаша мя злая, имже несть числа, постигоща мя беззакония моя, и не возмогох зretи, умножиша паче влас главы моей, и сердце мое остави мя. Благоволи, Господи, избавити мя: Господи, во еже помоши ми вонми. Да постыдятся и посрамятся вкупе ищущии душу мою изъятию, да возвратятся вспять и постыдятся хотящии ми злая. Да приемут аbie студ свой глаголующии ми: благоже, благоже. Да возрадуются и возвеселятся о Тебе вси ищущии Тебе, Господи, и да рекут выну: да возвеличится Господь, любящий спасение Твое. Аз же нищ есмь и убог, Господь попечется о мне. Помощник мой и Защититель мой еси Ты, Боже мой, не закосни.

---





## МОЛИТВЫ ЗА БОЛЯЩИХ



## Канон за болящего, глас 3-й

### Песнь 1

*Ирмос:* Пресекаемое море жезлом древле, Израиль пройде яко по пустыни, и крестообразно яве предуготовляет стези. Сего ради поим во хвалении чудному Богу нашему, яко прославися.

*Припев: Милостиве Господи, услыши молитву раб Твоих, молящихся Тебе.*

В день печали, нашедшия на ны, к Тебе, Христе Спасе, припадающе, Твоей милости просим. Облегчи болезнь раба Твоего, изреки нам яко и сотнику: иди, се здрав есть отрок твой.

*Припев: Милостиве Господи, услыши молитву раб Твоих, молящихся Тебе.*

Мольбы и моления, с вздоханием к Тебе вопием, Сыне Божий, помилуй нас. Воздвигни со одра лежащаго, яко разслабленного словом: возьми одр твой, глаголя, отпускаются ти грехи твои.

*Слава:* Твоего, Христе, образа подобию поклоняющиеся, верою целуем, и болеющему здравия просим, подражающе кровоточивей, яже подольца риз Твоих коснуся, и исцеление недуга прият.

*И ныне:* Пречистая Госпоже Богородице, всем известная Помощница, не презри нас к Тебе припадающих, моли яко блага Твоего Сына и Бога нашего, дати здравие болеющему, да Тя с нами прославляет.

### Песнь 3

*Ирмос:* Иже от не сущих вся приведый, словом созидаемая, совершаляемая духом, Вседержителю Вышний, в любви Твоей утверди мене.

*Припев: Милостиве Господи, услыши молитву раб Твоих, молящихся Тебе.*

Иже от тяжких болезней на земли повержен, к Тебе, Христе, с нами вопиет, подаждь здравие телеси его, яко же Иезекии плакавшуся к Тебе.

*Припев: Милостиве Господи, услыши молитву раб Твоих, молящихся Тебе.*

Призри, Господи, на наше смиренение, и не помяни беззаконий наших, но веры ради болеящаго, яко прокаженного словом исцели ему болезнъ, да Твоє, Христе Боже, славится имя.

*Слава:* Церковь, юже еси освятил, на ту, Христе, не даждь поношения, но воздвигни невидимо в недузе на одре лежащаго, в нейже молим Ти ся: да не рекут невернии, где есть Бог их.

*И ныне:* К Твоему пречистому, Богородице, образу руце воздеюще вопием, услыши раб Твоих молитву и спаси в болезни лежащаго, да от болезни востав, воздаст обеты, яже в печали глаголаша уста его.

**Седален, глас 8-й:**

На одре греховней лежаща мя, и страстьюми уязвена, и якоже воздвигл еси Петрову тещу и спасе разслабленного носима со одром, тако и ныне посети, Милостиве, болящаго, понесый недуги рода нашего. Тебе Единаго вемы, терпелива и милосерда, милостища Врача душам и телесем, Христа Бога нашего, наводяща недуги и паки исцеляюща, подавающа прощение кающимся о согрешениих, Единаго Милосердаго и Милостиваго.

*Слава:* Аз грешный плачуся на одре своем лежа, прощение ми подаждь, Христе Боже, и от болезни сея воздвигни мя, и яже есмь от юности грехи сотворил, избыти ми сих молитвами Богородицы даруй.

*И ныне:* Умилосердися и спаси мя, воздвигни мя от одра болезненного, мошь бо моя во мне изнеможе и весь нечаянием одержим есмь, Мати Божия Пречистая, исцели недугующа люте, Ты бо еси Помощница Христианом.

**Песнь 4**

*Ирмос:* Положил еси к нам твердую любовь, Господи: Единороднаго бо Твоего Сына за ны на смерть дал еси, темже Ти зовем благодаряще: слава силе Твоей, Господи.

*Препев:* **Милостиве Господи, услыши молитву раб Твоих, молящихся Тебе.**

Уже отчаянна лютым недугом и к смерти приближившася, возврати, Христе, на живот и дажь плачущимся утеху, да вси прославляем Твоя святая чудеса.

*Препев:* **Милостиве Господи, услыши молитву раб Твоих, молящихся Тебе.**

К Тебе, Творче, каемся в своих грешах, яко не хощеши смерти грешники, оживи, уздрави болящаго, да востав послужит Ти, исповедуя с нами Твою благость.

*Слава:* Слезы Манассиины, Ниневитян покаяние, Давидово исповедание приим, вскоре спасл еси, и наши молитвы ныне приими, дажь здравие болящему, о нем же Тя молим.

*И ныне:* Подаждь нам Твою милость, Госпоже, всегда на Тя надеющимся, испроси здравие болящему, врачебнии Твои руце с Предтечею, Богородице, ко Господу Богу простирающи.

**Песнь 5**

*Ирмос:* На земли Невидимый явился еси, и человеком волею сожил еси Непостижимый, и к Тебе утренююще, воспеваешь Тя, Человеколюбче.

*Препев:* **Милостиве Господи, услыши молитву раб Твоих, молящихся Тебе.**

Дщерь Иаирову уже умершу, яко Бог оживил еси, и ныне возведи, Христе Боже, от врат смертных болящаго, Ты бо еси Путь и Живот всем.

*Препев:* **Милостиве Господи, услыши молитву раб Твоих, молящихся Тебе.**

Сына вдовича оживив Спасе, и тоя слезы преложив на радость, спаси от недуга тлеющего раба Твоего, да и наша скорбь и болезнь на радость приидет.

*Слава:* Огненну болезнь тещи Петрове прикосновением Твоим исцелив, и ныне востави болящаго раба Твоего, да востав яко Иона, послужит Ти.

*И ныне:* Скорбнии, смиреннии, грешни, не имущии дерзновения к Тебе, Пречистая Богомати, вопием, умоли Сына Твоего Христа дати болящему здравие телеси.

**Песнь 6**

*Ирмос:* Бездна последняя грехов обыде мя, и исчезает дух мой: но прострый, Владыко, высокую Твою мышцу, яко Петра мя, Управителю, спаси.

**Пропев: Милостиве Господи, услыши молитву раб Твоих, молящихся Тебе.**

Бездну милосердия и милости имея, Христе Боже, услыши моления раб Твоих. Ты бо еси Петром Тавифу воскресил, Ты и ныне в болезни лежащаго воздвигни, послушав церковных молитвенник.

**Пропев: Милостиве Господи, услыши молитву раб Твоих, молящихся Тебе.**

Врачу душам и телесем нашим, понесый недуги всего мира, Христе, и Енея Павлом исцеливый, Ты и ныне болящаго исцели святых апостол молитвами.

**Слава:** Преложи, Христе, на радость рыданье о недужнем скорбящем, да Твою получивше милость, внидут в дом Твой со обетными дарми, славяще Тя в Троице Единаго Бога.

*Иныне:* Приидите, о друзья, поклонимся молящимся о болящем Божией Матери. Та бо имеет власть недужных исцеляти, со безмездником вкупе, духовным невидимо помазующе маслом.

**Кондак, глас 3-й:**

Душу мою, Господи, во грехах всяческих, безместными деяньями разслаблену воздвигни божественным Твоим человеколюбием, яко же и разслабленного воздвигл еси древле, да зову Ти спасаем: щедре Христе, даждь ми исцеление.

**Икос:**

Иже руки Своей горстию содержай концы, Иисусе Боже, Иже Отцу собезначальный и Духу Святому совладычествуя, яко плотию явился еси недуги исцеляя и страсти очистил еси, слепыя просветил еси, и разслабленного словом Божественным совоставил еси, сего право ходяща сотворив и одр повелел еси на раму взяти. Темже все с ним воспеваю и поем: щедре Христе, даждь ми исцеление.

**Песнь 7**

*Ирмос:* Прежде образу златому, персидскому чтилищу отроцы не поклонишаася, трие поюще посреде пещи: отцев Боже, благословен еси.

**Пропев: Милостиве Господи, услыши молитву раб Твоих, молящихся Тебе.**

О, Кресте Пресвятый Христов, честное Древо Животное. Тобою смерть погибе и мертвии воскресоша, и ныне болящаго изцели и оживи, якоже при Елене умершую девицу.

**Пропев: Милостиве Господи, услыши молитву раб Твоих, молящихся Тебе.**

Долгую и лютую болезнь Иовлю на гноищи и в червех, того молящаяся, словом изцелил еси, Господи. И ныне же в церкви о болящем молим Тя: яко благ, изцели невидимо молитвами святых Твоих.

**Слава:** Вси вемы, яко умрети нам есть, Тебе Богу тако изволившу, но на мало время, Милостиве, здравия просим болящему, премени от смерти на живот, даждь скорбящим утешу.

*И ныне:* Помогай нашему сиротству, Богородице, Ты бо веси время и час, когда умолити Сына Твоего и Бога нашего, дати болящему здравие и прощение от всех грех.

### Песнь 8

*Ирмос:* Служити Живому Богу, в Вавилоне отроцы претерпевше, о мусикийских органех нерадиша, и посреде пламене стояще, боголепную песнь воспеваху, глаголюще: благословите вся дела Господня Господа.

*Препев:* **Милостиве Господи, услыши молитву раб Твоих, молящихся Тебе.**

Милость покажи, Владыко, в болезни раба Твоего, и скоро изцели, милостиве Христе Боже, и аще смерти не предаждь судней, да Ти покаяние воздаст. Сам бо рекл еси: не хощу смерти грешники.

*Препев:* **Милостиве Господи, услыши молитву раб Твоих, молящихся Тебе.**

Господи милостиве, Твоя преславная чудеса да и до нас ныне достигнут: бесы прожени, недуги погуби, раны изцели, болезни уврачуй, и потворы и чародеяния и всякия язи избави ны.

*Слава:* Запретивый, Христе, морским ветром, и страх ученик на радость преложивый, и ныне запрети тяжким болезнем, труждающим раба Твоего, да вси возвеселимся хваляща Тя во веки.

*И ныне:* Избави, Богородице, от обышедших ны печалей, различных недуг, отравы же и чародейства, и бесовского мечтания, и от навета злых человек и от напрасные смерти, молим Ти ся.

### Песнь 9

*Ирмос:* На Синайстей горе виде Тя в купине Моисей, неопально огнь Божества заченшую во чреве: Даниил же Тя виде гору несекомую, жезл прозябший, Исаия взвываще, от корене Давидова.

*Препев:* **Милостиве Господи, услыши молитву раб Твоих, молящихся Тебе.**

Источниче жизни, подателю, Христе, милости, не отврати лица Твоего от нас. Облегчи болезнь утруженому болезнию, и воздвигни яко Фаддеом Авгари, да присно Тебе славит со Отцем и Святым Духом.

*Препев:* **Милостиве Господи, услыши молитву раб Твоих, молящихся Тебе.**

Евангельскому верующе гласу, Твоего ищем обета, Христе: просите бо, рече, и дастся вам. Тем и ныне предстояще молим Тя, возстави со одра здрава лютым повержена недугом, да Тя с нами вкупе величает.

*Слава:* Мучимый недугом, внутрь невидимыми ранами, Тебе, Христе, с нами во-пиет, не нам, Господи, не нас ради, вси бо исполнены грехов, но Матерними Твоими и Предтечевыми молитвами даждь исцеление болящему, да Тя вси возвеличим.

*И ныне:* Божия Мати Пречистая, со всеми святыми призываем Тя, со ангелы и архангелы, с пророки и патриархи,

со апостолы, с преподобными и праведными молися Христу Богу нашему дати здравие болящему, да Тя все величаем.

**Молитва:**

Боже сильный, милостию стройя вся на спасение роду человеческому, посети раба Твоего сего (*имя*), нарицающа имя Христа Твоего, исцели его от всякого недуга плотского: и отпусти грех и греховныя соблазны, и всякую напасть, и всякое нашествие неприязнено далече сотвори от раба Твоего. И воздвигни от одра греховнаго, и устрой его во святую Твою Церковь здрава душею и телом, и делы добрыми славящаго со всеми людьми имя Христа Твоего, яко Тебе славу возсыпаем, со Безначальным Ти Сыном и со Святым Духом, ныне и присно и во веки веков. Аминь.





## Молитва до и после чтения Евангелия

*Каждый день нужно читать по одной главе Евангелия, а перед и после главы — эту молитву:*

Спаси, Господи, и помилуй раба Твоего (*имя*) словами Божественного Евангелия, чтомыми о спасении раба Твоего.

Попали, Господи, терпие всех его согрешений, и да вселится в него благодать Твоя, опаляющая, очищающая, освящающая всего человека во имя Отца и Сына и Святаго Духа. Аминь.





## Молитва болящей

Господи, видишь Ты мою болезнь. Ты знаешь, как я грешна и немощна; помоги мне терпеть и благодарить Твою Благость. Господи, сотвори, чтобы болезнь эта была в очищение многих моих грехов. Владыко Господи, я в руках Твоих, помилуй меня по воле Твоей и, если мне полезно, исцели меня вскоре. Достойное по делам моим приемлю; помяни мя, Господи, во Царствии Твоем! Слава Богу за все!





## **Молитва благодарственная, святого Иоанна Кронштадского, читаемая после исцеления от болезни**

Слава Тебе, Господи, Иисусе Христе, Сыне Единородный Безначального Отца, едине изцеляй всяк недуг и всяку язю в людех, яко помиловал мя еси грешнаго и избавил еси мя от болезни моей, не попустив ей развиться и умертвить меня по грехам моим. Даруй мне отныне, Владыко, силу твердо творить волю Твою во спасение души моей окаянныя и во славу Твою со Безначальным Твоим Отцем и Единосущным Твоим Духом, ныне и присно и во веки веков. Аминь.





## Молитва в болезни

Господи Боже, Владыко жизни моей, Ты по благости Твоей сказал: не хочу смерти грешника, но чтоб он обратился и жив был. Я знаю, что эта болезнь, которою я страдаю, есть наказание Твое за мои грехи и беззакония; знаю, что по делам моим я заслужил тягчайшее наказание, но, Человеколюбче, поступай со мною не по злобе моей, а по беспредельному милосердию Твоему. Не пожелай смерти моей, но дай мне силы, чтобы я терпеливо сносил болезнь, как заслуженное мною испытание, и по исцелении от нее обратился всем сердцем, всею душою и всеми моими чувствами к Тебе, Господу Богу, Создателю моему, и жив был для исполнения святых Твоих заповедей, для спокойствия моих родных и для моего благополучия. Аминь.





## Молитва во время эпидемии

Господи Боже наш! Услыши с высоты святаго Твоего Престола нас, грешных и недостойных рабов Твоих, благость Твою грехами своими прогневавших и милосердие Твое удаливших, и не взыскуй с рабов Твоих, но отврати страшный гнев Твой, справедливо нас постигший, прекрати пагубное наказание, удали страшный меч Твой, невидимо и безвременно нас поражающий, и пощади несчастных и слабых рабов Твоих, и не обрекай на смерть души наши, в покаянии прибегающие с истомленным сердцем и со слезами к Тебе, Богу Милосердому, мольбам нашим внимаящему и перемену подающему. Ибо Тебе (одному только) принадлежит милость и спасение, Боже наш, и Тебе славословие приносим, Отцу и Сыну и Святому Духу, ныне и присно и во веки веков. Аминь.





## Молитва на всякую немощь

Владыко Вседержителю, Врачу душ и телес, смиряй и возносяй, наказуяй и паки исцеляй, брата нашего (имя) немоществующа посети милостию Твою, прости мышцу Твою, исполнену исцеления и врачбы, и исцели его, возставляй от одра и немоши, запрети духу немоши, остави от него всякую язву, всякую болезнь, всякую рану, всякую огневицу и трясавицу. И аще есть в нем согрешение или беззаконие, ослаби, остави, прости, Твоего ради человеколюбия.





## Молитва за немощного и неспящего

Боже Великий, Хвальный и Непостижимый, и Неисповедимый, создавый человека рукою Твою, персть взем от земли и образом Твоим почтивый его, явися на рабе Твоем (*имя*) и даждь ему сон успокоения, сон телесный, здравия и спасения живота, и крепость душевную и телесную. Сам убо, Человеколюбче Царю, представни и ныне наитием Святаго Твоего Духа, и посети раба Твоего (*имя*), даруй ему здравие, крепость и благомощие Твою благостию: яко от Тебе есть всяко даяние благо и всяк дар совершен. Ты бо еси Врач душ наших, и Тебе славу, и благодарение, и поклонение возсылаем со Безначальным Твоим Отцем и с Пресвятым и Благим и Животворящим Твоим Духом, ныне и присно и во веки веков. Аминь.

*О том же молятся святым семи отрокам и Ангелу Хранителю болящего.*





## **Молитва о том, чтобы с любовью ухаживать за болящими**

Господи, Иисусе Христе, Сыне Бога Живаго, Агнче Божий, вземляй грехи мира, Пастырю добрый, положивый душу Твою за овцы Твоя, Небесный Врачу душ и телес наших, исцеляй всякий недуг и всякую язву в людех Твоих! Тебе припадаю, помози мне, недостойной рабе Твоей. Призри, Многомилостиве, на делание и служение мое, дажь ми быти верною в мале; послужити болящим, Тебе ради, носити немощи немощных, и не себе, но Тебе Единому угоджати во вся дни живота моего. Ты бо рекл еси, о, Сладчайший Иисусе: «Понеже сотвористе единому от сих братий Моих меньших, Мне сотвористе». Ей, Господи, суди мне, грешной, по сему глаголу Твоему, яко да сподоблюся творити благую Твою волю во отраду и утешение искушаемых, недугующих раб Твоих, ихже искупил еси честною Твою Кровию. Ниспосли ми благодать Твою, попаляющую во мне страстей терние, призвавый мя, грешную, на дело служения о Имени Твоем; без Тебе не можем творитиничесоже: посети убо ношию и искуси сердце мое, внегда предстояти ми у возглавия болящих и низверженных; уязви душу мою Твою любовию, вся терпящею и николиже отпадающею. Тогда возмогу, Тобою укрепляема, подвигом добрым подвизатися и веру соблюсти, даже до последнего моего издохания. Ты бо еси Источник исцелений душевных же и телесных, Христе Боже наш, и Тебе, яко Спасителю человеков и Жениху душ, грядущему в полуночи, славу и благодарение и поклонение возсылаем, ныне и присно и во веки веков. Аминь.





## Молитва Пресвятой Богородице за болящего

Пресвятая Богородица, всесильным заступлением Твоим помоги мне умолить  
Сына Твоего, Бога моего, об исцелении раба Божия (имя)






## **Молитва всем святым и ангелам за болящего**

Все святые и ангелы Господни, молите Бога о больном рабе Его (*имя*). Аминь.





**МОЛИТВЫ ОБ ИСЦЕЛЕНИИ  
ТЕЛЕСНЫХ НЕДУГОВ**



# О терпении болезней и несчастий

## Праведному Иову Многострадальному

### Тропарь, глас 2-й:

Память праведного Твоего Иова, Господи, празднующе, тем Тя молим: избави нас от наветов и сетей лукаваго диавола и спаси души наша, яко Человеколюбец.

### Кондак, глас 8-й:

Яко истинен и праведен, Богочестив и непорочен, освящен же явлься, всеславне, Божий угодниче истинный, просветил еси мир в терпении твоем, терпеливейший и добленийший. Темже вси, Богомудре, память твою воспеваем.

### Стихира, глас 6-й:

Дал еси нам образ терпения и мужества, Преблагий Господи, угодника Твоего Иова, во всех приключшихся ему злостраданиих ничимже согрешивша пред Тобою, ниже устнамиа своима, и не давша безумия Тебе, Богу нашему. Того молитвами и нас сотвори победители многоразличных искушений и спаси души наша, яко Человеколюбец.

### Молитва:

Боже святый и во святых почиваяй, трисвятым гласом на небеси от ангел воспеваемый, на земли от человек во святых Своих хвалимый, давый Святым Твоим Духом коемуждо благодать по мере дарования Христова, и тою поставивый Церкви Твоей Святей овы апостолы, овы пророки, овы же благовестники, овы пастыри и учители, ихже словом проповеди, Тебе Самому действующему вся во всех, мнози совершилася святыи в коемждо роде и роде, различными благодетельми благогодившии Тебе, и к Тебе, нам образ добрых подвигов своих оставивше, в радости прешедший, готови, в немже сами искушни быша, и нам напаствуемым помогати. Сих святых всех и святого праведного Иова воспоминая и их богоугодное похвallyя житие, Тебе Самаго, в них действовавшаго, восхваляю, и онех благотворения Твоя дарования быти веря, прилежно молю Тя, Святе святых, даждь ми грешному последовать их учению, житию, любви, вере, долготерпению, и их молитvennoю помощию, паче же Твою вседействующую благодатию, небесныя с ними сподобитися славы, хваляще Пресвятое имя Твое, Отца и Сына и Святаго Духа во веки. Аминь.





## От разных недугов и болезней

**Священномученику Ермолаю, наставнику Пантелеймона, иерею Никомидийскому**

**Тропарь, глас 1-й:**

Миром благодати помазан, преблаженне отче Ермолае, иерей Бога Вышняго явился еси и благочестия светлый проповедник, мученик же твердый и безмездный врач притекающих к тебе. Слава Давшему тебе крепость, слава Венчавшему тя, слава Действующему тобою всем исцеления.

**Кондак, глас 4-й:**

Яко святитель благочестно пожив и священномучения венец приял еси. Идолъсия жертвы погасив, добрый пастырь Христова стада был еси, премудре, и Пантелеймону истинный учитель. Сего ради почитаем тя песньми, вопиюще: от бед избави нас присно молитвами твоими, Ермолае, отче наш.

**Стихира, глас 6-й:**

Веселися, граде Никомидие, радуйся, соборе верных, светло торжествующе в память Ермолая священномученика, скорбящих сострадательного утешителя, обидимых теплого заступника, болеющих безмездного врача, молящагося о спасении душ наших.

**Молитва:**

О, преславный священномучениче Ермолае и скорый помощниче христианом в болезнех! Верую от всяя души и помышления, яко дадеся тебе от Господа дар болеющим врачевати и расслабленныя укрепляти. Сего ради к тебе, яко благодатному врачу болезней, аз немощный прибегаю и, твой досточтимый образ с благоговением лобызая, молюся: твоим представительством у Царя Небеснаго испроси мне болеющему исцеление от удручающия мя болезни, аще бо и недостоин есь тебе, благостнейшаго отца и приснаго заступника моего, но ты, быв подражатель человеколюбия Божия, сотвори мя достойна твоего заступления чрез мое обращение от злых дел к благому житию, уврачуй обильно дарованную тебе благодатию язвы и струпы души и тела моего, даруй ми здравие и спасение и во всем благое поспешение, да тако, тихое и безмолвное житие пожив во всяком благочестии и чистоте, сподоблюся со всеми святыми славити Всесвятое имя Отца и Сына и Святаго Духа. Аминь.

## Преподобному Сампсону странноприимцу

### Тропарь, глас 8-й:

В терпении твоем стяжал еси мзду твою, отче преподобне, в молитвах непрестанно терпевый, нищия возлюбивый и сия удовливыи, но молися Христу Богу, Сампсоне милостиве блаженне, спастися душам нашим.

### Кондак, глас 8-й:

Яко врача всеизрядна и молитвенника благоприятна, к раце твоей притекающе, Сампсоне богоумдре преподобне, сошедшеся любовию, псалмы и песньми, радующеся, Христа прославляем, таковую тебе благодать подавающа исцелений.

### Молитва:

О, теплый молитвенниче, благостный отче, преподобне Сампсоне! Моли Бога о мне, грешнем, и низпости от Всеблагого Владыки помошь ми и избавление, временна бо есть жизнь моя и исполнена труда, скорбей и болезней. Укрепи сердце мое, да возмогу понести тяготу мою, и не попусти, да превозмогут искушения многая моя малыя силы, но споспешествуй мне заступлением твоим и посреде обстояний и бед управи путь мой в Царство Небесное, да славлю Прославльшагося в тебе Господа во веки. Аминь.

## Молитва Архистратигу Михаилу

### Тропарь, глас 4-й:

Небесных воинств Архистратиже, молим тя присно мы недостойнии, да твоими молитвами оградиши нас кровом крил невещественныя твоя славы; сохраняюще нас, припадающих прилежно и вопиющих: от бед избави нас, яко чиноначальник вышних сил.

### Кондак, глас 2-й:

Архистратици Божии, служители Божественным славы, Ангелов начальниче, и человеков наставницы полезное нам проси и велию милость, яко безплотных Архистратици.

## Молитва Архангелу Рафаилу

О, святый великий Архангеле Рафаиле, престолу Божию предстояй! Ты благодатию, от Всемогущаго Врача душ и телес наших, тебе данною, праведнаго мужа Товита от слепоты телесныя исцелил еси, и сына его Товию, спутешествуя ему, от злого духа сохранил еси. Всеусердно молю тя: буди мне путеводитель в жизни моей. Сохрани от всех видимых и невидимых враг, исцели душевныя и телесныя болезни моя, управи жизнь мою к покаянию во грехах и ко творению добрых дел. О, святый великий Рафаиле Архангеле! Услыши мене грешнаго, молящагося тебе, и сподоби

в здешней и будущей жизни благодарити и славити общаго Создателя нашего в бесконечныя веки веков. Аминь.

## **Мученику Трифону**

### **Тропарь, глас 8-й:**

Мученик Твой, Господи, Трифон во страдании своем венец прият нетленный от Тебе, Бога нашего: имеяй бо крепость Твою, мучителей низложи, сокруши и демонов немощных дерзости. Того молитвами спаси души наша.

### **Кондак, глас 8-й:**

Троицескою твердостию многобожие разрушил еси от конец, всеславне, честен во Христе быв, и, победив мучители во Христе Спасителе, венец принял еси мученичества твоего и дарования Божественных исцелений, яко непобедим.

### **Молитва:**

О, святый мучениче Христов Трифоне, скорый помощниче всем, к тебе прибегающим, и молящимся пред святым твоим образом, скоропослушный предстателю! Услыши убо ныне и на всякий час моление нас, недостойных рабов твоих, почитающих святую память твою, и предстательствуй о нас перед Господем на всяком месте, ты бо, угодниче Христов, святый мученече и чудотворче Трифоне, в великих чудесех возсиявый, прежде исхода твоего от жития сего тленного молился еси ко Господу и испросил у Него дар сей: аще кто в коей-либо нужде, беде, печали и болезни душевней или телесней призываТИ начнет святое имя твое, той да избавлен будет от всякаго прилога злого, и якоже ты иногда дщерь цареву, во граде Риме от диавола мучиму, исцелил еси, сице и нас от лютых его козней сохрани во вся дни живота нашего, наипаче же в день страшный последняго нашего изздыхания предстательствуй о нас, буди нам тогда помощник, и скорый прогонитель лукавых духов, и к Царствуию Небесному предводитель, идеже ты ныне предстоиши с лики святых у Престола Божия, моли Господа, да сподобит и нас причастниками быти присносущнаго веселия и радости, да с тобою купно удостоимся славити Отца и Сына и Святаго Утешителя Духа во веки веков. Аминь.

## **Преподобному Иову Почаевскому**

### **Тропарь, глас 4-й:**

Возложь на ся иго Христово от юности, преподобне отче Иове, многолетне свято подвзился еси на поприще благочестия во обители Угорницкой и на острове Дубенстем, и пришед к горе Почаевской, знаменанной цельбоносною стопою Пресвятыя Богородицы, в тесной пещере каменней богомыслия ради и молитвы многократно заключался еси, и, благодатию Божию укрепляяся, мужественно потрудился еси на пользу обители твоей, купно же и противу врагов Православия и благочестия христианского. И наставив сицевому ополчению иночествующих,

победители тех представил еси Владыце своему и Богу. Того моли спастися душам нашим.

**Кондак, глас 8-й:**

Возсия от спуда земнаго сокровище нетленное мощей твоих, угодниче Божий, яко, благочестно пожив в вере Христа Бога нашего, достигл еси добродетелей совершенства, и, оставив сладость жития преходящаго, в пещере горы Почаевская в пощениих, молитвах и трудех свято подвизался еси, и теми тело твое увядил еси. Ныне же, пришед к Богу в безмятежный и вечный покой, молишися о всех с верою к тебе прибегающих. Радуйся, Иове, преславный угодниче Божий и обители Почаевская украшение.

**Молитва:**

О, всесвятый и преславный угодниче Божий, преподобне отче наш Иове, присный о нас ко Господу молитвенниче и теплый представителю о душах наших, к тебе всеумиленно ныне притекаем, и поминающе подвиги и чудеса твоя, яже сотворил еси и твориши на земли, просим и молим твою благостыню: якоже твердо и неизменно потрудился еси в вере Христа Бога нашего, и сию до конца в себе и во всех присных твоих целу и невредиму сохранивый от всяких приражений вражиих и ересей тлетворных, сице и нас в Православии и единомыслии укрепи, отгоняя молитвами твоими всякую тьму неверия и неправомыслия от сердец и помышлений наших; послуживый Господу и Богу твоему делы благими и неизреченным самоотвержением в трудех, бдениих и пощениих, настави нас на путь всякия добредетели и благостины, избавляя от искушений и грехов, удаляющих нас от Бога и повержающих в бездну зла все житие наше; явивыйся иногда с Пречистою Девою Богородицею верху горы Почаевская во спасение обители твоей от нашествия и обложenia агарянского, и ныне ускори на помощь всей православней и боголюбивей державе нашей противу всех врагов наших внешних и внутренних, утверждая мир и тишину в земли нашей, да твоими молитвами и представительством тихое и безмолвное житие поживем во всяком благочестии и чистоте;

и всем, к тебе притекающим, и припадающим к раце честных и многоцелебных мощей твоих и твоей помощи и заступления требующим неоскудныя милости независтно подаваяй, не остави и нас, сирых и беспомощных, тебе молящихся, избавляя от всякия скорби, гнева и нужды, от глада, губительства, труса, потопа, огня, меча, нашествия иноплеменник и междуусобныя браны.

Ей, угодниче Божий, призри милостивно от Престола Царя славы, Ему же ты ныне предстоиши со архангелы и ангелы и со всеми святыми, на обитель твою сию Почаевскую, еюже ты древле мудро правил еси, наздав ю всехвальным и дивным житием твоим, и сохрани ю молитвами твоими, и всякий град, и страну, и всех отовсюду, на мори и на суши, в пустынех и в злоключениях многоразличных тебе призывающих, от всех зол видимых и невидимых, да, тако твою помошю и ходатайством спасаеми, в веце сем и по скончании живота нашего сподобимся купно с тобою славити и воспевати Всечестное имя Отца и Сына и Святаго Духа во веки веков. Аминь.

## Святому и праведному Иоанну Кронштадскому

### Тропарь, глас 1-й:

Православныя веры поборниче, земли Российския печальниче, пастырем правило и образе верным, покаяния и жизни во Христе проповедниче, Божественных Тайн благоговейный служителю и дерзновенный о людех молитвенниче, отче праведный Иоанне, целителю и предивный чудотворче, граду Кронштадту похвало и Церкви нашея украшение, моли Всеблагаго Бога умирити мир и спаси души наша.

### Кондак, глас 3-й:

Днесь пастырь Кронштадтский предстоит Престолу Божию и усердно молит о верных Христа Пастыреначальника, обетование давшаго: «Созижду Церковь Мою и врата адова не одолеют ей».

### Молитва:

О, великий угодниче Христов, святый праведный отче Иоанне Кронштадтский, пастырю дивный, скорый помощниче и милостивый представителю!

Вознося славословие Триединому Богу, ты молитвенно взывал:

«Имя Тебе — Любовь: не отвергни меня заблуждающагося;

Имя Тебе — Сила: укрепи меня изнемогающаго и падающаго;

Имя Тебе — Свет: просвети душу мою, омраченную житейскими страстями;

Имя Тебе — Мир: умири мяущуюся душу мою.

Имя Тебе — Милость: не переставай миловать меня.»

Ныне благодарная твоему представительству всероссийская паства молится тебе: Христоименитый и праведный угодниче Божий!

Любовию твою озари нас, грешных и немощных, сподоби нас принести достойные плоды покаяния и неосужденно причащатися Святых Христовых Таин;

силою твою веру в нас укрепи, в молитве поддержи, недуги и болезни исцели, от напастей, врагов видимых и невидимых избави;

светом лика твоего служителей и предстоятелей Алтаря Христова на святые подвиги пастырского делания подвигни, младенцам воспитание даруй, юность настави, старость поддержи, святыни храмов и святые обители озари;

умири, чудотворче и провидче преизряднейший, народы страны нашея, благодатию и даром Святаго Духа избави от междуусобных браны, расточенныея собери, прелыщенныя обрати и совокупи Святей Соборной и Апостольской Церкви;

Милостию твою супружества в мире и единомыслии соблюди, монашествующим в делах благих преуспение и благословение даруй, малодушныя утеши, страждущих от духов нечистых свободи, в нуждах и обстояниях сущих помилуй и всех нас на путь спасения настави.

Бо Христе живый, отче наш Иоанне!

Приведи нас к невечернему свету жизни вечныя, да сподобимся с тобою вечнаго блаженства, хваляще и превозносяще Бога во веки веков. Аминь.

## Святителю Спиридону чудотворцу, епископу Тримифунтскому

### Тропарь, глас 4-й:

Собора первого показался еси поборник и чудотворец, богоносне Спиридоне, отче наш. Темже мертву ты во гробе возгласив, и змию в злато претворил еси, и внегда пети тебе святыя молитвы, ангелы сослужащия тебе имел еси, священнейший. Слава Давшему тебе крепость, слава Венчавшему тя, слава Действующему тобою всем исцеления.

### Кондак, глас 2-й:

Любовию Христовою уязвився, священнейший, ум вперив зарею Духа, детельным видением твоим деяние обрел еси, Богоприятне, жертвенник Божественный быв, прося всем Божественного сияния.

### Молитва:

О, великий и пречудный святителю Христов и чудотворче Спиридоне, Керкирская похвале, всея вселенныя светильниче пресветлый, теплый к Богу молитвенниче и всем, к тебе прибегающим и с верою молящимся, скоропредстательный заступниче! Ты веру Православную на Никейstem Соборе посреде отцев преславно изъяснил еси, ты единство Святыя Троицы чудесною силою показал еси и еретиков до конца посрамил еси. Услыши, святителю Христов, нас грешных, молящихся тебе, и сильным твоим представительством у Господа избави нас от всякаго злого обстояния: от глада, потопа, огня и смертоносныя язвы. Ты бо во временней жизни своей от всех сих бедствий избавлял еси люди твоя: от нашествия Агарян и от глада страну твою сохранил еси, царя от неисцельного недуга избавил и многая грешники к покаянию привел еси, за святость же жития твоего ангелы невидимо в церкви поющия и сослужащия тебе имел еси. Сице убо прослави тебе, вернаго Своего раба, Владыка Христос, яко вся тайная человеческая деяния дарова тебе разумети и живущия же неправедно обличати. Многим, в скудости и недостаточестве живущим, ты усердно помогал еси, люди убогия изобильно во время глада напитал еси, и иная многая знамения силою в тебе живущаго Духа Божия сотворил еси. Сице и нас не остави, святителю Христов, поминай нас, чад своих, у Престола Вседержителя, и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдныя и мирныя и блаженства вечнаго в будущем веце сподобит нас, да непрестанно возсылаем славу и благодарение Отцу и Сыну и Духу Святому, ныне и присно и во веки веков. Аминь.

**Святому великомученику и целителю Пантелеймону****Тропарь, глас 3-й:**

Страстотерпче святый и целебниче Пантелеймоне, моли Милостивого Бога, да прегрешений оставление подаст душам нашим.

**Кондак, глас 5-й:**

Подражатель сый Милостиваго, и исцелений благодать от Него прием, страстотерпче и мучениче Христа Бога, молитвами твоими душевныя наша недуги исцели, отгоняя присно борца со-блазны от вопиющих верно: спаси ны, Господи.

**Молитва:**

Святый великомучениче и целителю Пантелеймоне, Бога милостиваго подражателю! Призри благосердием и услыши нас, грешных, пред святою твоей иконою усердне молящихся. Испроси нам у Господа Бога, Ему же со Ангелы предстоиши на небеси, оставление грехов и прегрешений наших: исцели болезни душевныя же и телесныя рабов Божиих, ныне поминаемых, зде предстоящих и всех христиан православных, к твоему заступлению притекающих: се бо мы, по грехом нашим люте одержимы есмы многими недуги и не имамы помощи и утешения: к тебе же прибегаем, яко дадеся ти благодать молитися за ны и целити всяк недуг и всяку болезнь; даруй убо всем нам святыми молитвами твоими здравие и благомощие души и тела, преспяние веры и благочестия и вся к житию временному и ко спасению потребная, яко да, сподобившися тобою великих и богатых милостей, прославим тя и Подателя всех благ, дивнаго во святых, Бога нашего, Отца, и Сына, и Святаго Духа. Аминь.

**Святому великомученику и целителю Пантелеймону молитва вторая, наедине от лица болящего читаемая**

О великий угодниче Христов, страстотерпче и врачу многомилостивый, Пантелеймоне! Умилосердися надо мною, грешным рабом, услыши стенание и вопль мой, умилостили небеснаго, верховнаго Врача душ и телес наших, Христа Бога нашего, да дарует ми исцеление от гнетущаго мя недуга. Приими недостойное моление грешнейшаго паче всех человек, посети мя благодатным посещением, не возгнушайся греховных язв моих, помажи елеем милости твоей и исцели мя; да, здрав сый душею и телом, остаток дний моих, благодатию Божию, возмогу провести в покаянии и угождении Богу и сподоблюся восприятии благий конец жития моего. Ей, угодниче Божий! Умоли Христа Бога, да представством твоим дарует ми здравие телу и спасение души моей. Аминь.

## Пресвятой Богородице перед Ее иконой «Всех скорбящих радость»

### Тропарь, глас 2-й:

Всех скорбящих радосте и обидимых заступнице, и алчущих питательнице, странных утешение, обуреваемых пристанище, больных посещение, немощных покрове и заступнице, жезле старости, Мати Бога Вышняго Ты еси, Пречистая: потщися, молимся, спастися рабом Твоим.

### Кондак, глас 6-й:

Не имамы иныя помощи, не имамы иные надежды, разве Тебе, Владычице. Ты нам помози, на Тебе надеемся и Тобою хвалимся, Твои бо есмы рабы, да не постыдимся.

### Молитва:

О, Пресвятая Владычице Богородице, Преблагословенная Мати Христа Бога Спасителя нашего, всех скорбящих Радосте, больных посещение, немощных покрове и заступнице, вдовиц и сирых покровительнице, матерей печальных всенадежная утешительнице, младенцев немощных крепосте, и всем беспомощным всегда готовая помоще и верное прибежище! Тебе, о, Всемилостивая, дадесь от Всеизвестного благодать во еже всех заступати и избавляти от скорби и болезней, зане Сама лютия скорби и болезни претерпела еси, взирающи на вольное страдание Сына Твоего возлюбленного и Того на кресте распинаема зрящи, егда оружие Симеоном предреченное сердце Твое пройде. Темже убо, о Мати чадолюбивая, вонми гласу моления нашего, утеши нас в скорби сущих, яко верная радости Ходатаица: предстоящи престолу Пресвятая Троица, одесную Сына Твоего, Христа Бога нашего, можеши, аще восходиши, вся нам полезная испросити. Сего ради с верою сердечною и любовию от души припадаем к Тебе яко Царице и Владычице и псаломски вопити Тебе дерзаем: слыша, Дщи, и виждь, и приклони ухо Твое, услыши моление наше, и избави нас от обстоящих бед и скорбей; Ты бо прощения всех верных, яко скорбящих радость, исполняеши, и душам их мир и утешение подавши. Се зриши беду нашу и скорбь: яви нам милость Твою, посли утешение уязвленному печалию сердцу нашему, покажи и удиви на нас грешных богатство милосердия Твоего, подаждь нам слезы покаяния ко очищению грехов наших и утолению гнева Божия, да с чистым сердцем, совестию благою и надеждою несомненною прибегаем ко Твоему ходатайству и заступлению: приеми, всемилостивая наша Владычице Богородице, усердное моление наше Тебе приносимое, и не отрини нас, недостойных, от Твоего благосердия, но подаждь нам избавление от скорби и болезни, защити нас от всякаго навета вражия и клеветы человеческая, буди нам помощница неотступная во все дни жизни нашей, яко да под Твоим матерним покровом всегда пребудем цели и сохранена Твоим заступлением и молитвами к Сыну Твоему и Богу Спасителю нашему, Ему же подобает всякая слава, честь и поклонение, со безначальным Его Отцом и Святым Духом, ныне и присно и во веки веков. Аминь.

## Бессребреникам и чудотворцам Косме и Дамиану

### Тропарь, глас 5-й:

Святии безсребреницы и чудотворцы, Космо и Дамиане, посетите немоши наша: туне приясте, туне дадите нам.

### Кондак, глас 2-й:

Благодать приимше исцелений, простираете здравие сущим в нуждах, врачеве, чудотворцы преславнии, но вашим посещением ратников дерзости низложисте, мир исцеляюще чудесы.

### Молитва:

К вам, святии безсребреницы и чудотворцы Космо и Дамиане, яко к скорым помощником и теплым молитвенником о спасении нашем, мы недостойнии, преклонше колена, прибегаем и, припадающе, усердно вопием: не презрите моления нас грешных, немощных, во многая беззакония впадших и по вся дни и часы согрешающих.

Умолите Господа, да пробавит нам, недостойным рабом Своим, великия и богатыя Своя милости, избавьте нас от всякия скорби и болезни, вы бо прияли есте от Господа и Спаса нашего Иисуса Христа неоскудную благодать исцелений, ради твердя веры безмездного врачевания и мученическия кончины вашея. Паки, припадающе, прилежно молим: испросите нам от Господа вся благополезная, яже в животе нашем временном, наипаче же ко спасению вечному належащая, да сподобимся молитвами вашими улучти кончину христианскую, безболезненну, непостыдну, мирну, и да избавимся от козней диавольских и вечныя муки, безкничного же и блаженного Царствия Небеснаго наследницы будем. Ей, угодницы Божии, не престайте молящеся за ны, с верою к вам притекающим, аще бо по множеству грехов наших и несмы достойни милосердия вашего, обаче вы, верни подражателье человеколюбия Божия суще, сотворите, да принесем плоды достойны покаяния и в вечный покой достигнем, хваляще и благословяще дивнаго во святых Своих Господа и Бога и Спаса нашего Иисуса Христа, и Пречистую Матерь Его, и ваше теплое заступление, всегда, ныне и присно и во веки веков. Аминь.

---





## Головные болезни

**Пророку, Предтече и Крестителю Господню Иоанну**

**Тропарь, глас 2-й:**

Память праведного с похвалами, тебе же довлеет свидетельство Господне, Предтече: показал бо ся еси воистину и пророков честнейший, яко и в струях крестити сподобился еси Проповеданного. Темже за истину пострадав радуяся, благовестил еси и сущим во аде Бога явльшагося плотию, вземлющаго грех мира и подающаго нам велию милость

**Кондак, глас 5-й:**

Предтечево славное усекновение, смотрение бысть некое Божественное, да и сущим во аде Спасово проповесть пришествие; да рыдает убо Иродиа, беззаконное убийство испросивши: не закон бо Божий, ни живый век возлюби, но притворный, привременный.

**Молитва:**

Крестителю Христов, проповедниче покаяния, кающагося не презри мене, но совокупляяся с вои небесными, молися ко Владыце за мене недостойнаго, унылаго, немощнаго и печального, во многия беды впадшаго, утруженнаго бурными по-мыслы ума моего: аз бо есмь вертеп злых дел, отнюдь не имеяй конца греховному обычаю; пригвожден бо есть ум мой земным вещем. Что сотворю, не вем, и к кому прибегну, да спасена будет душа моя? Токмо к тебе, святый Иоанне, благодати тезоимените, яко тя пред Господем, по Богородице, вем больша быти рожденных всех, ибо ты сподобился еси коснутися верху Царя Христа, вземлющаго грехи мира, Агнца Божия: Егоже моли за грешную мою душу, да поне отныне, в первыйнадесять час, понесу тяготу благую и приими мзду с последними.

Ей, Крестителю Христов, честный Предтече, крайний пророче, первый во благодати мучениче, постников и пустынников наставниче, чистоты учителю и близкий друже Христов, тя молю, к тебе прибегаю, не отрини мене от твоего заступления, но возстави мя, падшагося многими грехи; обнови душу мою покаянием, яко вторым крещением, понеже обоего начальник еси: крещением омываяй грех, покаяние же проповедуяй во очищение коегождо дел скверных; очисти мя грехми оскверненного и понуди вnitи, аможе ничтоже скверно входит, во Царствие Небесное. Аминь.





# Грудные болезни

**Святому Димитрию, митрополиту Ростовскому**

**Тропарь, глас 4-й:**

Православия ревнителю, и раскола искоренителю, Российский целебниче и новый к Богу молитвенниче, списаными твоими буих уцеломудрил еси; цевнице духовная, Димитрие блаженне, моли Христа Бога, спастися душам нашим.

**Кондак, глас 8-й:**

Звезду Российской от Киева возсиявшую, и через Новград Северский в Ростов достигшую, всю же страну сию ученьми и чудесы озарившую, ублажим златословесного Димитрия, той бо всем вся написа, яже к наставлению, да всех приобрящет, якоже Павел Христу, и спасет правоверием души наша.

**Молитва:**

О, предивный и преславный чудотворче Димитрие, исцеляяй недуги человеческия! Ты неусыпно молиши Господа Бога нашего о всех грешных: молю убо тя, буди ми ходатай пред Господем и помощник на преоборение страстей ненасытныя плоти моей и на одоление стрел сопротивника моего диавола, имиже уязвляет немощное сердце мое и, аки гладкий и лютый зверь, алчет погубити душу мою.

Ты, святителю Христов, моя ограда, ты мое заступление и оружие! Ты, великий чудотворче, во дни подвигов твоих в мире сем ревнуя, о Православной Церкви Божией, яко истинный и добрый паstryрь, неблазненно обличал еси грехи и невежествия людския, и от стези правды в ереси и расколы уклонившихся на путь истины наставлял еси. Споспешествуй убо и мне кратковременный путь жизни моей исправити, да непреткновенно пойду по стези заповедей Божиих и неленоностно поработаю Господеви моему Иисусу Христу, яко Единому Владыце моему, Искупителю и праведному Судии моему. К сим же припадая, молюся ти, угодниче Божий, егда изыти души моей от бренного сего телесе, избави ю от темных мытарств: не имам бо добрых дел ко оправданию моему, не даждь сатане возгордитися победою над немощною душою мою: избави ю от геенны, идеже плач и скрежет зубов, и святыми молитвами твоими сотвори мя причастника Небесного Царствия в Троице славимаго Бога, Отца и Сына и Святаго Духа, во веки веков. Аминь.





## Глазные болезни, слепота

**Святому мученику Лонгину Сотнику, иже при Кресте Господни**

**Тропарь, глас 4-й:**

Мученик Твой, Господи, Лонгин, во страдании своем венец прият нетленный от Тебе, Бога нашего: имеяй бо крепость Твою, мучителей низложи, сокруши и демонов немощных дерзости, Того молитвами спаси души наша.

**Кондак, глас 4-й:**

Весело возрадовася Церковь, в память днесь приснопамятного страдальца Лонгина, взывающи: Ты моя держава, Христе, и утверждение.

**Молитва:**

О, святый мучениче Лонгине! Пилатом повелено тебе было с воинами стать на страже при Кресте Господа Иисуса. Ты же, недуговав очима и изцелев от капли крови Господа, капнувшей тебе в очи, обрел и духовное прозрение и, видя чудеса, при распятии Господа происходившие, и трус, и солнечное затмение, и мертвых из гробов воскресение, исповедал явно Иисуса Христа Сыном Божиим. И с кустодиею у гроба Господня находясь, и Воскресение Христово в трепете зря, сребренники, даваемые синедрионом за сокрытие воскресения, ты отверг и, Христа проповедав, во главу усечен быв. И по усечении главы вдове некой, очима неугодовавшей, во сне явившись, и ей, обретшей честную главу твою, прозрение даровал еси.

Молим тя, святый мучениче Христов Лонгине, болящим очима яви скорую помошь твою и исцели их, дабы, освободившись от недуга своего, не захотели они видеть ничего, распаляющего сластолюбие, но к созерцанию духовной красоты устремились, славя Бога. Аминь.

**Святому равноапостольному великому князю Владимиру, во Святом Крещении Василию, Крестителю Руси**

**Тропарь, глас 4-й:**

Уподобился еси купцу, ищущему доброго бисера, славнодержавный Владимире, на высоте стола сидя матере градов, Богоспасаемаго Киева, испытуя же и посылая к царскому граду уведети Православную веру, и обрел еси безценный бисер, Христа, избравшаго тя, яко втораго Павла, и отрясшаго слепоту во святей купели, душевную

вкупе и телесную. Темже празднуем твое успение, людие твои суще: моли спастися державы твоего Российского начальником и множеству владомых.

**Кондак, глас 8-й:**

Подобствовав великому апостолу Павлу, в сединах, всеславне Владимире, вся, яко младенческая, мудрования, яже о идолех тщания оставль, яко муж совершенный, украсился еси Божественного Крещения багряницею, и ныне Спасу Христу в веселии предстоя, моли спастися державы Российского начальником и множеству владомых.

**Молитва:**

О великий и преславный угодниче Божий, богоизбранный и богопрославленный, равноапостольный княже Владимире, святое и великолдейственное орудие всеблагого Промысла о спасении народа Российскаго! Ты отринул еси злoverие и нечество языческое, уверовал еси во Единаго Истиннаго Триипостаснаго Бога, и восприяв святое Крещение, просветил еси светом божественныя веры и благочестия царство Российское. Славяще убо и благодаряще Премилосердаго Творца и Спасителя нашего, славим и благодарим и тя, великий пастырю и отче наш, яко тобою познахом спасительную веру Христову, и крестихомся во имя Пресвятыя и Пребожественныя Троицы: тоюже верою избавихомся от праведнаго осуждения Божия, вечнаго рабства диаволя и адова мучительства: тою верою восприяхом благодать всыновления Богу и надежду наследования небеснаго блаженства. Ты еси первейший наш вождь к начальнику и совершителю нашего вечнаго спасения, Господу Иисусу Христу: ты еси ближайший предстоятель пред престолом Царя царствующих и теплый молитвенник и ходатай о царстве Всероссийском, о народоправителех его и о всех людех: ты еси первейший виновник благословений и милостей Божиих, почивающих на нем. И что еще речем? Не может язык наш изобразити и высоту благодеяний твоих, излияnnых на нас, недостойных. Но, о неразумия и ослепления нашего! Приемше толикия благодеяния, ни во что же вменихом я и отщетихомся спасительных плодов их. Омывшеся бо от греха в купели крещения и облекшеся в одежду чистоты и невинности, осквернихом сию богоданную одежду студными деяньми и помышленными нашими: отрекшеся сатаны и ангелов его, паки порабощаемся ему, служаще идолам страстей наших, миру, плоти и злым обычаем века: сочетавшеся Христу, выну оскорбляем Его беззаконьми нашими, многообразными язвами гордости, зависти, злобы, злословия, невоздержания и презорства ко Святей Церкви: прилепихомся всецело к суэтным благам, аки мняще во веки пребывати на земли: не помышляем о небе, о душе, о смерти, о Суде, о нескончаемой вечности. Сего ради воздвизаем на ся праведный гнев и осуждение Божие, купно же оскорбляем и преогорчаем твою отчулю любовь и попечение о нас: ты бо просветил еси нас Святым Крещением, во еже способствовати нам к получению небеснаго блаженства и земнаго благоденствия: мы же, неразумнii, злым произволением нашим сами себе подвергаем адовым мукам и времененным бедствиям! Но, о всеблагий отче и просветителю наш! Милостив буди к нашим немощем, долготерпелив ко грехам и неправдам нашим: умоли Премилосердаго Царя Небеснаго, да не прогневается на ны зело и не погубит нас со беззаконьми

нашими, но да помилует и спасет нас, имиже весть судьбами: да всадит в сердце наше спасительный страх Свой, да просветит Свою благодатию ум наш, во еже узрети нам бездну погибели, в нюже стремимся, оставити стези нечестия и заблуждений, обратитися же на путь спасения и истины, неуклонно исполняти заповеди Божии и уставы Святыя Церкви. Моли, благосерде, человеколюбца Бога, да явит нам великую милость Свою: да избавит нас от нашествия иноплеменников, от внутренних нестроений, мятежей и раздоров, от глада, смертоносных болезней и от всякаго зла: да подаст нам благородство воздуха и плодоносие земли: да сохранит и спасет Отечество наше от всех козней и наветов вражиих: да дарует нам победу над врагами, да исполнит вся благая желания наша: да оградит державу нашу мудрыми и верными деяниями, да сохранит в судящих и начальствующих правду и милость: да даст духовным пастырем непорочность жития и ревность о спасении пасомых, всем же людем усердие в исполнении своих обязанностей, взаимную любовь и единомыслие, стремление ко благу Отечества и Святыя Церкви: да распространит свет спасительная веры в царстве нашем во всех концах его: да обратит к правоверию неверующих: да упразднит вся ереси и расколы, да, тако поживше в мире на земли, сподобимся с тобою вечного блаженства, хваляще и превозносяще Бога во веки веков. Аминь.

## Святому великомученику Димитрию Солунскому

### Тропарь, глас 3-й:

Велика обрете в бедах тя поборника вселенныея, страстотерпче, языки побеждающа, якоже убо Лиеву низложил еси гордыню, на подвиг дерзновенна сотворив Нестора, тако, святе Димитрие, Христу Богу молися, даровати нам велию милость.

### Кондак, глас 2-й:

Кровей твоих струями, Димитрие, Церковь Бог обагри, давый тебе крепость непобедимую, и соблюдая град твой невредим; того бо еси утверждение.

### Молитва:

Святый и славный великомучениче Христов Димитрие, скорый помощниче и теплый заступниче с верою притекающих к тебе! Предстоя со дерзновением Небесному Царю, испроси у Него прощение согрешений наших, и еже избавитися нам от всегубительная язвы, труса, потопа, огня, меча и вечныя казни: моли благость Его, еже ущедрити град сей (*обитель сию*) и всякую страну христианскую, исходатайствуй у Царя царствующих на враги победу народу русскому и всей же державе нашей мир, тишину, твердость в вере и преспяние во благочестии; нам же, чтущим честную память твою, испроси благодатное укрепление на дела благая, да, благоугодное Владыце нашему Христу Богу зде творяще, сподобимся молитвами твоими наследовать Царствие Небесное и тамо прославляти Его со Отцем и Святым Духом во веки веков. Аминь.

## Пресвятой Богородице перед Ее иконой «Казанская»

### Тропарь, глас 4-й:

Заступнице усердная, Мати Господа Вышняго, за всех молиши Сына Твоего Христа Бога нашего, и всем твориши спастися, в державный Твой покров прибегающим. Всех нас заступи, о Гospоже Царице и Владычице, иже в напастех и в скорбех, и в болезнех, обременённых грехи многими, предстоящих и молящихся Тебе умиленою душею и сокрушенным сердцем, пред пречистым Твоим образом со слезами и невозвратно надежду имущих на Тя, избавления всех зол, всем полезная даруй и вся спаси, Богородице Дево: Ты бо еси Божественный Покров рабом Твоим.

### Кондак, глас 8-й:

Притецем, людие, к тихому сему и доброму пристанищу, скорой Помощнице, готовому и теплому спасению, покрову Девы; ускорим на молитву и потщимся на покаяние: источает бо нам неоскудныя милости Пречистая Богородица, предваряет на помошь и избавляет от великих бед и зол благонаравныя и богобоящияся рабы Своя.

### Молитва:

О пресвятая Гospоже, Владычице Богородице! Со страхом, верою и любовию пред честною и чудотворною иконою Твою, молим Тя: не отврати лица Твоего от прибегающих к Тебе, умоли, милосердная Мати, Сына Твоего и Бога нашего, Господа Иисуса Христа, да сохранит мирну страну нашу, Церковь же Свою святую непоколебиму да соблюдет, и от неверия, ересей и раскола да избавит. Не имамы бо иныя помощи, не имамы иныя надежды, разве Тебе, пречистая Дево: Ты еси всесильная христиан Помощница и Заступница: избави же и всех, с верою Тебе молящихся, от падений греховных, от навета злых человек, от всяких искушений, скорбей, болезней, бед и от внезапныя смерти: даруй нам дух сокрушения, смиление сердца, чистоту помышлений, исправление греховныя жизни и оставление прегрешений, да все, благодарне воспевающе величия и милости Твоя, являемыя над нами зде на земли, сподобимся и Небесного Царствия, и тамо со всеми святыми прославим пречестное и великолепное имя Отца и Сына и Святого Духа во веки веков.

## Святителю Алексию, митрополиту Московскому, всея Руси чудотворцу

### Тропарь, глас 8-й:

Яко Апостолом сопрестольна и врача предобра, и служителя благоприятна, к раце твоей честней притекающе, святителю Алексию, богомудре чудотворче, сошедшеся любовию в память твою, светло празднуем, в песнях и пениях радующеся и Христа славяще, таковую благодать тебе даровавшаго исцелений и граду твоему великое утверждение.

**Кондак, глас 8-й:**

Божественного и пречестного святителя Христова, нового чудотворца Алексия верно все поюще, людие, любовию да ублажим, яко пастыря великаго, служителя же и учителя премудра земли Российской: днес в память его притекше, радостно возопием песнь Богоносному, яко имея дерзновение к Богу, многообразных нас избави обстояний, да зовем ти: радуйся, утверждение граду нашему.

**Молитва:**

О, пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Алексию! Предстоя у Престола всех Царя и наслаждаясь света Еиносущныя Троицы и херувимски со ангелы возглашай песнь трисвятую, великое же и неизследованное дерзновение имея ко всемилостивому Владыце, молися паству Христовы спаси люди, единородный ти язык: благостояние святых церквей утверди; архиереи благолепием святительства украси; монашествующая к подвигом доброго течения укрепи; царствующий град сей (*и святую обитель сию*) и вся грады и страны добре сохрани, и веру святую непорочну соблюсти умоли; мир весь предстательством твоим умири, от глада и пагубы избави ны, и от нападения иноплеменных сохрани; старья утеши, юныя настави, безумныя умудри, вдовицы помилуй, сироты заступи, младенцы возрасти, плененныея возврати, немоществующая исцели и везде тепле призывающих тя и с верою притекающих к раце честных и многоцелебных мощей твоих, усердно припадающих и молящихся тебе; от всяких напастей и бед ходатайством твоим свободи, да зовем ти: богоизбранный пастырю, звездо всесветлая мысленныея тверди, тайного Сиона необоримый столпе, миродохновенный цвете райский, всезлатая уста слова, московская похвало, всея России украшение! Моли о нас Всесвятого и Человеколюбиваго Христа, Бога нашего, да в день страшного пришествия Его шуяго стояния избавит нас, и радости святых причастники сотворит со всеми святыми во веки. Аминь.

## Святому мученику и архидиакону Лаврентию Римскому

**Тропарь, глас 4-й:**

Мученик Твой, Господи, Лаврентий, во страдании своем венец прият нетленный от Тебе, Бога нашего: имея бо крепость Твою, мучителей низложи, сокруши и демонов немощных дерзости, Того молитвами спаси души наша.

**Кондак, глас 4-й:**

Огнем Божественным распалив сердце твое, огнь страстей до конца испепелил еси, страдальцев утверждение, богоносне мучениче Лаврентие, и в страданиях вопиял еси верно: ничтоже мя разлучит любве Христовы.

**Молитва:**

О, пресвятый и предивный стратотерпче Христов, архидиаконе Лаврентие! Восхваляюще веру и страдания твоя, почитаем победу и венценосное прохождение твое через горящее углие от тьмы века сего ко свету невечернему Престола

Величествия Божия, темже убо молим тя: яко же дрэвле притекавши с верою к покрову твоему чудесы твоими утвердили еси, тако да приимиши и нас под покров твой, и в болезни и печалех наших заступник нам да будеши: и яко же от слепоты телесных очес Кристокентиана преложением рук исцелил еси, тако да исцелиши предстательством твоим у Престола Божия и нашу душевную слепоту; призри на разслабление наше телесное и душевное, и укрепи нас бодренностю противу враг наших видимых и невидимых, удручающих нас напастьми. Да твою, помо-щию путь маловременная жизни сея прешедше, непобежден и от бед и скорбей и всякаго лютаго обстояния, достигнем неприступныя славы величествия Божия, идеже предстои, молишися со дерзновением за люди прибегающия с верою к тебе и воспевающая дивнаго во святых Бога Израилева во веки веков. Аминь.

---





## Зубная боль

**Священномученику Антипе, епископу Пергамскому**

**Тропарь, глас 4-й:**

И нравом причастник, и престолом наместник апостолом быв, деяние обрел  
еси, богодухновение, в видения восход: сего ради слово истины исправляя, веры  
ради пострадал еси даже до крове, священномучениче Антипо, моли Христа Бога  
спастися душам нашим.

**Кондак, глас 4-й:**

Апостолов сопрестольник и святителей украшение был еси, блаженне. Мучени-  
чески прославився, возсиял еси. Якоже солнце, всех просвещая, Антипо священне,  
разрушил еси безбожия нощь глубокую. Сего ради тя почитаем, яко Божественного  
суща священномученика и целеб подателя.

**Молитва:**

О, преславный священномучениче Антипо и скорый помощниче христианом  
в болезнях! Верую от всяя души и помышления, яко дадеся тебе от Господа дар  
боляция врачевати и разслабленныя укрепляти, сего ради к тебе, яко благодатному  
врачу болезней, аз немощный (или немощна) прибегаю и, твой досточтимый образ  
со благоговением лобызая (или лобызающи), молюся: твоим представительством у  
Царя Небеснаго испроси мне болящему (или болящей) исцеление от удручающимя мя  
зубныя болезни, аще бо и недостоин (или недостойна) есь тебе благостнейшаго  
отца и приснаго заступника моего: но ты, быв подражатель человеколюбия Божия,  
сотори мя достойна (или достойну) твоего заступления чрез мое обращение от  
злых дел к благому житию: уврачуй обильно дарованною тебе благодатию язвы и  
струпы души и тела моего, даруй ми здравие и спасение и во всем благое поспеше-  
ние, да тако тихое и безмолвное житие пожив (или поживши) во всяком благочестии  
и чистоте, сподоблюся со всеми святыми славити Всесвятое имя Отца и Сына и  
Святаго Духа. Аминь.





## Болезни сердца

### Святителю Иоасафу, епископу Белгородскому

#### Тропарь, глас 3-й:

Святителю Христу Богу возлюбленне, правило веры и образ милосердия людем был еси, бдением же, постом и молитвою яко светильник пресветлый просиял еси, и прославлен от Бога явился еси: телом убо в нетлении почивая, духом же Престолу Божию предстоя, чудеса преславная источаеши. Моли Христа Бога, да утвердит Отечество наше в Православии и благочестии и спасет души наша.

#### Кондак, глас 8-й:

Многоразличныя подвиги жития твоего кто исповесть? Многообразныя милости Божия тобою явленныя кто исчислит? Дерзновение же твое у Пречистыя Богородицы и Всещедраго Бога добре ведуще, во умилении сердечнем зовем ти: не лиши и нас твоей помощи и заступления, святителю Христов и чудотворец Иоасафе.

#### Молитва:

О, угодниче Божий святителю Иоасафе! Из глубины сердца взываем к тебе раби Божии (имена), огради нас от соблазна, ересей и расколов, научи горняя мудрствовать, рассеянный ум наш просвети и на путь истины направи, охладевшее сердце согрей любовию ко ближнему и ревностию ко исполнению велений Божиих, грехом и нерадением ослабленную волю нашу оживотвори благодатию Духа Всесвятого. Да твоему пастырскому гласу последующе, сохраним в чистоте и правде души наша, и тако Богу помогающу, Небесного Царствия достигнем, идже купно с тобою воспрославим пречестное и великолепное имя Отца и Сына и Святаго Духа во веки веков. Аминь.





# Немота

## Преподобному Иоанну Рыльскому

### Тропарь, глас 1-й:

Покаяния основание, прописание умиления, образ утешения, духовнаго совершенства, равноангельское житие твое бысть, преподобне. В молитвах убо и пощених и в слезах пребывавый, отче Иоанне, моли Христа Бога о душах наших.

### Кондак, глас 8-й:

Ангельскому житию поревновав, преподобне, вся земная оставил, ко Христу притекл еси, и Того заповедьми ограждаяся, явился еси столп непоколебим от вражиих нападений. Тем зовем ти: радуйся, отче Иоанне, светило пресветлое.

### Молитва:

О, преподобне и богоносне отче наш Иоанне, зрителю неизреченныя славы в Небеснем Царствии и помощниче благодатный всем к тебе притекающим, не остави места сего, на немже труды и подвиги о Христе подъял еси и землю слезами твоими оросил еси! Да пребудет обитель твоя, в нейже благоволи Бог святым твоим мощем почивати, незыблема от ухищрений врагов видимых и невидимых. Укрепи в доброделании чада твоя, ихже во обитель твою собрал еси, яко да познают звание свое и последуют стопам твоим. Страну нашу в мире соблюди. Православным людем во бранех на сопротивныя споборствуи. Посети с высоты небесныя всех, верно к тебе притекающих и просящих твоего крепкаго заступления; в мори плавающих управи, житеискаго моря волнение утиши, церковныя раздоры укроти, мир всему миру у Господа испроси, болящих уврачуй спасительным посещением, скорбных утеши благодатию, всем буди вся, якоже был еси в земнем житии твоем.

Створи о нас к Богу молитву, дана бо ти есть благодать молитися за ны, яко да сподобимся твоим ходатайством улучити вечное блаженство купно с тобою и всеми святыми во Христе Иисусе, Господе нашем, Ему же подобает всякая слава, честь и поклонение со Отцем и Святым Духом во веки веков. Аминь.





## Потеря слуха и болезни ушей

**Пресвятой Богородице перед Ее иконой «Нечаянная радость»**

**Тропарь, глас 4-й:**

Днесь вернии людие духовно торжествуем, прославляюще Заступницу усердную рода христианского и притекающе к Пречистому Ея образу, взвываем сице: о, Премилостивая Владычице Богородице, подаждь нам нечаянную радость, обремененным грехи и скорбями многими, и избави нас от всякаго зла, молящи Сына Твоего, Христа Бога нашего, спаси души наша.

**Кондак, глас 6-й:**

Не имамы иныя помози, не имамы иныя надежды, разве Тебе, Владычице, Ты нам помози, на Тебя надеемся и Тобою хвалимся, Твои бо есмы рабы, да не постыдимся.

**Молитва:**

О, Пресвятая Дево, Всеблагого Сына Мати Всеблагая, града сего покрове, всех сущих во грехах, скорбех, бедах и болезнях верная Предстательница и Заступница! Приими молебное пение сие от нас, недостойных рабов Твоих Тебе возносимое; и яко же древле грешника, на всяк день многажды пред честною иконою Твою молившагося, не презрела еси, но нечаянную радость покаяния тому даровала еси, и усердным к Сыну Твоему ходатайством Сего ко прощению грешника преклонила еси, тако и ныне не презри моления нас, недостойных раб Твоих, но умоли Сына Твоего и Бога нашего, да и всем нам, с верою и умилением пред цельбоносным образом Твоим покланяющимся, по коегождо потребе нечаянную радость дарует; да все на небеси и на земли видят Тя, яко твердую и непостыдную Предстательницу рода христианского, и сие ведуще славят Тя и Тобою Сына Твоего со Безначальным Его Отцем и Единосущным Его Духом, ныне и присно и во веки веков. Аминь.





## Болезни чревные, грыжа

### Великомученику Артемию

#### Тропарь, глас 4-й:

Истинною бо Христовою верою утверждься, страстотерпче, мучителя злочестива царя победил еси со идолъским того возношением. Тем от Царя Великаго, вечно царствующаго, пресветлым венцем победным одарен бысть, вся исцеляй болящия и призывающия тя, Артемие великий, моли Христа Бога спасти души наша.

#### Кондак, глас 2-й:

Благочестиваго и венценоснаго мученика, на враги победы вземшаго одоление, сошедшеся, достойно песньми восхвалим Артемия превеликаго в мученицах, чудес же дателя пребогатаго, молится бо Господу о всех нас.

#### Славник, глас 2-й:

Разумного светильника веры, Артемия почтим. Яко обличи царя мерзкого, и кровию мучения его Церковь Бог обагри. Тем и прият исцелений благодать независтную исцеляти недуго верно приходящих к раце мощей его.

#### Молитва:

Святый мучениче Артемие! Призри с небеснаго чертога на требующих твоя помощи и не отвергни прошений наших, но, яко присный благодетель и ходатай наш, моли Христа Бога, да, человеколюбив и многомилостив сый, сохранит нас от всякаго лютаго обстояния: от труса, потопа, огня, меча, нашествия иноплеменников и междуусобныя браны. Да не осудит нас грешных по беззаконием нашим, и да не во зло обратим благая, даруемая нам от Всещедраго Бога, но во славу святаго имени Его и в прославление крепкаго твоего заступления. Да молитвами твоими даст нам Господь мир помыслов, воздержание от пагубных страстей и от всякия скверны и да укрепит во всем мире Свою Едину Святую, Соборную и Апостольскую Церковь, юже стяжал есть честною Свою Кровию. Молися прилежно, святий мучениче, да благословит Христос Бог державу, да утвердит во святей Своей Православней Церкви живый дух правыя веры и благочестия, да вси члены ея, чистии от суемудрия и суеверия, духом и истину покланяются Ему и усердно пекутся о соблюдении Его заповедей, да мы вси в мире и благочестии поживем в настоящем веце и достигнем блаженныя вечныя жизни на небеси, благодатию Господа нашего Иисуса Христа, Ему же подобает всякая слава, честь и держава со Отцем и Святым Духом, ныне и присно и во веки веков. Аминь.

## Преподобному Серафиму Саровскому

### **Тропарь, глас 4-й:**

От юности Христа возлюбил еси, блаженне, и Тому Единому работати пламенне вожделев, непрестанною молитвою и трудом в пустыни подвизался еси, умиленным же сердцем любовь Христову стяжав, избранник возлюблен Божия Матери явился еси. Сего ради вопием ти: спасай нас молитвами твоими, Серафиме, преподобне отче наш.

### **Кондак, глас 2-й:**

Мира красоту и яже в нем тленная оставив, преподобне, в Саровскую обитель вселился еси; и тамо ангельски пожив, многим путь был еси ко спасению. Сего ради и Христос тебе, отче Серафиме, прослави, и даром исцелений и чудес обогати. Темже вопием ти: радуйся, Серафиме, преподобне отче наш.

### **Молитва:**

О, пречудный отче Серафиме, великий Саровский чудотворче, всем прибегающим к тебе скоропослушный помощниче! Во дни земнаго жития твоего никтоже от тебя тошь и неутешен отыде, но всем в сладость бысть видение лика твоего и благоуветливый глас словес твоих. К сим же и дар исцелений, дар прозрений, дар немощных душ врачевания обилен в тебе явися. Егда же призва тя Бог от земных трудов к небесному упокоению, николиже любовь твоя преста от нас, и невозможно есть исчислiti чудеса твоя, умножившаяся, яко звезды небесныя: се бо по всем концем земли наша людем Божиим являешися и даруши им исцеления. Темже и мы вопием ти: о, претихий и кроткий угодниче Божий, дерзновенный к Нему молитвенниче, николиже призывающия тя отреваяй! Вознеси о нас благомощную твою молитву ко Господу сил, да дарует нам вся благотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже безпреткновенно вnitи нам в Вечное Небесное Царство, идеже ты ныне в незаходимей сияешি славе, и тамо воспевати со всеми святыми Живоначальную Троицу во веки веков. Аминь.

## Преподобному Феодору Студиту

### **Тропарь, глас 8-й:**

Православия наставниче, благочестия учителю и чистоты, вселенныя светильниче, монашествующих богоухновенное удобрение, Феодоре премудре, ученьми твоими вся просветил еси. Цевница духовная, моли Христа Бога спастися душам нашим.

### **Кондак, глас 2-й:**

Постническое и равноангельское житие твое страдальческими уяснил еси подвиги и Ангелом совсельник, богоблаженне, явился еси, Феодоре. С ними Христу Богу моляся не престай о всех нас.

**Молитва:**

О, святый Феодоре, исповедник Православия, закона Божия ревнитель, наставник правой веры, помози нам и призри на нас, с верою и усердием прибегающих к тебе! От царей иконоборцев за почитание святых икон оковы, изгнание, заточение претерпел ты, преподобный, и множество тяжких ран и жестоких ударов, от которых и болезнь нестерпимую получил.

Великий и досточудный Феодоре, до конца в скорбех претерпевый, и нам, обуравляемым напастями и треволнениями житейскими, подай крепость душевную и телесную для борьбы с бедами и для одоления страстей и козней вражиих.

Моли о нас Милосердного Господа, верный раб Божий, Феодоре, да избавит Он нас от ожесточения и хладности сердечной, и дарует нам кротость, безгневие, незлобие, смирение и любовь. Видя помощь Твою, прославим мы Господа и Спаса нашего Иисуса Христа, и тебя, благодетеля нашего, возблагодарим, с благоговением почитая память твою.

О, всехвальне, преподобне Феодоре, учением и песнями своими Церковь Божию напоивший и обрадовавший, и нас, ослепленных умом от соблазнов и суеты мира сего, просвети познанием истины и избавь от заблуждений и сомнений, чтобы не сообразоваться нам веку сему.

О, угодниче Христов, Феодоре, получивший от Бога благодать исцеления недугующих, а наипаче страждущих желудком, уврачуй и нас, одержимых различными недугами и исцели болящих желудком и подай нам здравие, бодрость и мир душевный. Не отрини нас, притекающих к тебе, но заступи и помози нам. Предстательствуй за нас пред Спасителем нашим,vnemli мольбам нашим и исполни прошения наши, да тобою укрепляемы, в трудах и добрых делах совершим мы течение жизни нашей и сподобимся войти в Царствие Небесное, Да вместе с тобою восхвалим и прославим Господа и Спаса нашего Иисуса Христа, со Безначальным Его Отцем и с Пресвятым Духом, ныне, и присно, и во веки веков. Аминь.

**Праведному Артемию Веркольскому****Тропарь, глас 2-й:**

Вышняго повелением, тученосным облаком, небо помрачившим и молниям блестящим, грому же возшумевшему с прещением, испустил еси душу твою в руце Господеви, премудре Артемие, и ныне предстоиши Престолу Владыки всех, иже верою и любовию приходящим к тебе, подая исцеление всем неотложно и моляся Христу Богу спастися душам нашим.

**Кондак, глас 8-й:**

Возсия днесь пресветлая память премудраго Артемия; благоданная благодать, яко реки, изливает от целебных мощей его дивная исцеления, имиже от многоразличных недуг избавляемся, с верою приемлюще я и взывающе: радуйся, Артемие богомудре.

**Молитва:**

Святый угодниче Божий, праведный Артемие, присный хранителю святыя веры Православныя и близкий защитниче всего севернаго края Российския страны!

Призри милостивно на усердную молитву нас, грешных, и твоим благомощным представительством испроси нам у Господа прощение согрешений наших, преспение в вере и благочестии и ограждение от козней диавольских.

Моли Господа, да хранит во здравии и непременяемом благополучии верных людей своих, да подаст стране нашей мир и тишину, а нам нелицемерное послушание; да сподобит всех нас получити, по христианстей кончине, Небесное Царствие, идеже вси праведнии вместе с тобою, вечно славят Отца и Сына и Святаго Духа. Аминь.





## Болезни ног

### Святому праведному Симеону Верхотурскому

#### Тропарь, глас 4-й:

Мирского мятежа бегая, все желание обратил еси к Богу, да в видения восход обрящеши горе, отнюдже не уклонився в лукавствия сердца, но очистив душу и тело, приял еси благодать точить цельбы верным и неверным, притекающим к раце мощей твоих, праведный Симеоне! Темже, по данному ти дару, испроси у Христа Бога исцеление нам, болящим душевными страстьюми, и моли спасти души наша.

#### Кондак, глас 2-й:

Мира суетного отверглся еси, да блага вечныя жизни наследши, возлюбив незлобие и чистоту души и тела. Снискал еси, еже возлюбил, свидетельствуют бо о сем гроб и нетление мощей твоих, и благодать чудотворения наипаче. Точиши бо цельбы всем притекающим к тебе и непросвещенным, Симеоне блаженне, чудотворче предивный.

#### Молитва:

О, святый и праведный Симеоне, чистою душею твою в небесных обителех в лице святых водворяяйся, на земли же телом твоим нетленно почиваяй по данной ти благодати от Господа молитися о нас. Милостиво призри на нас многогрешных, аще и недостойне, обаче с верою и упованием ко святым и цельбоносным мощем твоим притекающих, и испроси нам от Бога прощение согрешений наших, в няже впадаем множище во вся дни жития нашего. И яко же прежде овым убо от очных зельных болезни ни мало зреши могущим исцеление очес, овым же близ смерти бывшим от лютых недугов врачевание, и иным иная многая преславная благодеяния даровал еси: сице избави и нас от недугов душевных и телесных и от всякия скорби и печали, и вся благая к настоящему житию нашему и к вечному спасению благопотребная нам от Господа испроси, да тако твоим представительством и молитвами стяжавше вся нам полезная, аще и недостойни, благодарне восхваляюще тя, прославим Бога, дивнаго во святых Своих, Отца и Сына и Святаго Духа, и ныне и присно и во веки веков. Аминь.





## Увесье и боль рук

### Преподобному Иоанну Дамаскину

#### Тропарь, глас 8-й:

В тебе, отче, известно спасеся еже по образу: приим бо Крест последовал еси Христу, и дея учил еси презирати убо плоть, преходит бо, прилежати же о души, вещи бессмертней. Темже и со ангелы срадуется, преподобне Иоанне, дух твой.

#### Тропарь иной , глас 8-й:

Православия наставниче, благочестия учителю и чистоты, вселенныя светильниче, монашествующих Богодухновенное удобрение, Иоанне премудре, учеными твоими вся просветил еси, цевница духовная, моли Христа Бога спастися душам нашим.

#### Кондак, глас 4-й:

Песнописца и честнаго Богоглагольника, Церкве наказателя и учителя и врагов сопротиворца Иоанна воспоим: оружие бо взем — Крест Господень, всю отрази ересей прелесть и яко теплый представель к Богу всем подает прегрешений прощение.

#### Молитва:

Преподобне отче Иоанне! Воззри на нас милостивно и к земли приверженных возведи к высоте небесней. Ты горе на небеси, мы на земли низу, удалены от тебе, не толико местом, елико грехми своими и беззаконии, но к тебе прибегаем и взыываем: настави нас ходити путем твоим, вразуми и руководствуй. Вся твоя святая жизнь бысть зерцалом всякия добродетели. Не престани, угодниче Божий, о нас вопия ко Господу. Испроси представльством своим у Всемилостиваго Бога нашего мир Церкви Его, под знамением креста воинствующей, согласие в вере и единомудрие, скумудрия же и расколов истребление, утверждение во благих делех, больным исцеление, печальным утешение, обиженным заступление, бедствующим помошь. Не посрами нас, к тебе с верою притекающих. Вси православни христиане, твоими чудесы исполненнии и милостями облагодетельствованнии, исповедуют тя быти своего покровителя и заступника. Яви древния милости твоя, и ихже отцем всепомоществовал еси, не отрини и нас, чад их, стопами их к тебе шествующих. Предстояще всечестней иконе твоей, яко тебе живу сущу, припадаем и молимся: приими моления наша и вознеси их на жертвенник благоутробия Божия, да приемем тобою благодать и благовременную в нуждех наших помошь. Укрепи наше малодущие и утверди нас в вере, да несомненно уповаляем получить вся благая от благосердия Владыки молитвами твоими. О, превеликий угодниче

Божий! Всем нам, с верою притекающим к тебе, помози представительством твоим ко Господу, и всех нас управи в мире и покаянии скончати живот наш и преселитися со упнованием в блаженныя недра Авраамова, идеже ты радостно во трудах и подвизех ныне почиваеши, прославляя со всеми святыми Бога, в Троице славимаго, Отца и Сына и Святаго Духа, ныне и присно и во веки веков. Аминь.

## Пресвятой Богородице в честь Ее иконы «Троеручица»

### Тропарь, глас 4-й:

Днесь всемирная радость возсия нам велия: даровася святей горе Афонстей цельбоносная Твоя, Владычице Богородице, икона, со изображением тричисленно и нераздельно пречистых рук Твоих, в прославление Святыя Троицы, созываеши бо верных и молящихся Тебе о сем познати, яко двема имаши Сына и Господа держиши, третию же яви на прибежище и покров чтущим Тя от всяких напастей и бед избавляти, да вси, притекающий к Тебе верою, приемлют неоскудно от всех зол спасение, от врагов защищение, сего ради и мы вкупе с Афоном вопием: радуйся, Благодатная, Господь с Тобою.

### Кондак, глас 8-й:

Днесь веселое наста ныне Твое торжество, Богомати Пречистая, вси вернии исполнишася радости и веселия, яко сподобльшеся изрядно воспевати предивное явление честнаго образа Твоего и рождшагося от Тебе Младенца, истинна же Бога, Егоже двема рукама объемлеши, и третиею от напастей и бед нас изымаеши и избавляеши от всех зол и обстояний.

### Молитва:

О, Пресвятая Госпоже Владычице Богородице, велие чудо святому Иоанну Дамаскину явившая, яко веру истинную — надежду несомненную показавшему! Услыши нас, грешных, пред чудотворною Твою иконою усердно молящихся и просящих Твою помоши: не отрини моления сего многих ради прегрешений наших, но, яко Мати милосердия и щедрот, избави нас от болезней, скорбей и печалей, прости содеянныя нами грехи, исполни радости и веселия всех, чтущих святую икону Твою, да радостно воспоешь и любовию прославим имя Твое, яко Ты еси от всех родов избранная и благословенная во веки веков. Аминь.





## Горячка, лихорадка, жар

**Первоверховному апостолу Петру**

**Тропарь, глас 4-й:**

Апостолов первопрестольницы, и вселенныя учителие, Владыку всех молите,  
мир вселенней даровати, и душам нашим велию милость.

**Кондак, глас 2-й:**

Твердыя и боговещанныя проповедатели, верх апостолов Твоих, Господи, принял  
еси в наслаждение благих Твоих и покой; болезни бо онех и смерть принял еси паже  
всякого бесплодия. Едине сведый сердечная.

**Молитва:**

О, святый Петре, великий апостоле, самовидче и сотайнниче Божий, всемощ-  
ною десницею Учителя твоего из вод волнующихся приятый и от конечнаго по-  
топления свободивыйся! Не забуди и нас убогих, в тине греховней погрязших и  
волнами житейского моря обуреваемых: подаждь нам твою руку крепкую, помози  
нам и удержи нас от потопления во страстех, похотех, лжах и клеветах. Створи  
и ты с нами милость, тебе от Господа явленную, да не в сомнении и маловерии  
изгибнем. Научи нас, учителю наш, проливати слезы покаяния, да плачем горько  
о деяниях наших в веце сем. И аще твоя слезы, в покаянии излиянныя, милостию  
Свою покры Господь и Учитель твой, испроси и нам, со дерзновением апостоль-  
ским, прощения во грехе ежечасного, от Христа отреченныя злыми помыслы и  
делы нашими. Да тихое и безмолвное житие поживем в веце сем до часа, в оньже  
имать призвати нас века Господь, наш Судия нелицеприятный. Ты же, о всехваль-  
ный апостоле, не отвержи вопля нашего и стенаний к тебе, но заступи нас пред  
Христом твоим Учителем, да непрестанно славим Его милосердие к нам, со Отцем  
и Святым Духом, во веки веков. Аминь.





## Женские немощи

### Священномученику Ипатию, епископу Гангрскому

#### Тропарь, глас 4-й:

Изволением Божественного разума вперив ум свой в Небесные обители и равно Ангелом житие пожив на земли, сего ради мучения красоты венец на своем версе утвердив, священномучениче Ипатие, моли Христа Бога спастися душам нашим.

#### Другой тропарь, глас 3-й:

В прекрасном Церкве Апостольской вертограде из юна возраста всесильною десницею Божией насадился еси, богоблажение отче Ипатие, и в ней, яко верен превосвященник, верно Богоначальное и Всетворяющее Троическое Единство проповедал еси во вселенском Собрании, Духа же святаго в добродетелех исполнен быв, велия чудеса сотворив, мучением за веру Христову скончався, пришел еси в Небесный град, идеже Трипостасного Бога зря, моли о чествующих тя, да в Горнем Иерусалиме со святыми жити сподобимся.

#### Кондак, глас 2-й:

Римскому отечеству светильник, богозорными лучами концы светя, ныне просвети твоё празднество поющия, Ипатие, прося свыше мира и грехов оставления, молитвами защиты ны, Ипатие многострадальне.

#### Другой кондак, глас 2-й:

Обитель Трипостасного Божества, достоблажение отче Ипатие, быв во вселенную Всетворца Бога восхлинул еси. Благодарственне же чудодействуя, вшел еси в Небесные обители, тамо моли Всесвятую Троицу, молим тя, исцели телеса и души наша в богосозданную нашу красоту.

#### Молитва:

Трисолнечного Света светозарная звезда, вводящая в мир Трисолнечный Свет апостольскими твоими, богоевангельского проповедания священоучении, священномучениче, иерарше Христов, Богоблажение Ипатие. Ты принял еси от Святые Троицы равноапостольную благодать, серафимскую в горечести к Богу любовь, яко же верховнейший апостолов Петр, и херувимскую многоочитую во учении премудрость, яко же второй Павел. Просветивый премудрым твоим благочестия учением тьмочисленныя народы, присноусердно подражая всемирного Учителя, Господа Бога и Спаса нашего Иисуса Христа. Его же ради всесмиленно молю бого-подражательное отеческое твое благоутробие: призри милостивно богосветлыми очима твоими на сущее недостоинство мое, яко всечадолюбивый по Бозе отец, и

присноусердный нашего спасения наставниче, и всех в Горних правонеизменный строитель, адамантная Православию стена и пресветлый столп, вводящий второноваго Израиля во всепросветлений Горний Сион. Потщися вскоре помочествовать на бранех воинству нашему. Проси же присно у Святыя Троицы всем православным христианом мира и тишины, душевного спасения и многолетняго в телеси здравия, воздуха благорастворения, земли благоплодия, неплодствующим благочадия, и в законе Господнем воспитания, и всех благих умножения. А после жития коемуждо жизни сея сподоби святыми твоими молитвами улучти христианскую кончину благу, непостыдну и мирну, со всепреподнейшим исповеданием и со причастием Святых Бессмертных Небесных и Животворящих Христовых Тайн, и с молитвомаслием беспрепятное воздушных мытарств проществие, наследие со святыми всерадостныя присносущныя жизни, в ней же купно со ангельскими чинами непрестанныя хвалы вознесем Отцу со Единородным Его Сыном и с Пресвятым, Благим и Животворящим Его Духом, и тебе, великое твое отеческое милостивое заступление, ныне, и присно, и во веки веков. Аминь.

---





## Проказа

### Преподобному Антонию Великому

#### Тропарь, глас 4-й:

Ревнителя Илию нравы подражая, Крестителю правыми стезями последуя, отче Антоние, пустыни был еси житель и вселенную утвердил еси молитвами твоими. Темже моли Христа Бога спастися душам нашим.

#### Кондак, глас 2-й:

Житейская молвы отринув, безмолвно житие скончал еси, Крестителя подражая всяkim образом, преподобнейший, с ним убо тя почитаем, отцев начальниче, Антоние.

#### Молитва:

О, великий угодниче Божий, преподобне отче Антоние! Яко имея дерзновение ко Владыце Христу и ко Пречистей Его Матери, буди о нас, недостойных, молитвенник теплый, заступая нас от всяких бед и напастей, да твоими молитвами невредимы от враг видимых и невидимых пребудем. Моли милосердие Божие, да спасет нас от прегрешений наших имиже веси судьбами. Моли благость Его, еже милостивно храму (дому) сему потребная даровати, жизнь нашу умиротвори и вся прихожаны храма сего помиловати и спасти души наша, да непрестанно славим, хвалим, поем и величаем Пречестное и Великолепное имя Отца и Сына и Святаго Духа, ныне и присно и во веки веков. Аминь.





## Бессоница

**Святым седми отрокам, иже во Ефесе: Максимилиану, Иамвлиху, Мартиниану, Иоанну, Дионисию, Ексакустодиану и Антонину**

**Тропарь, глас 8-й:**

Благочестия проповедники и воскресения умерших изобразители, Церкви столпы седмочисленныя, отроки всеблаженные песнями восхвалим: тии бо по многих летех нетления, аки от сна воставше, всем возвестиша яве мертвых востание.

**Кондак, глас 4-й:**

Прославивый на земли святыя Твоя, прежде втораго и страшнаго пришествия Твоего, Христе, преславным востанием отроков показал еси Воскресение неведящим е, нетленна одеяния и телеса явив, и царя уверил еси вопити: воистину есть мертвых востание.

**Молитва:**

О, пречуднiiи святии седмочисленнии отроцы, Ефеса града похвало и всея вселенныя упование! Воззрите с высоты небесныя славы на нас, любовию память вашу чтуших, наипаче же на младенцы христианския, вашему заступлению родителей своих препорученныя: низведите на ны благословение Христа Бога, рекшаго: «Оставите детей приходити ко Мне». Болящия убо в них исцелите, скорбящия утешите; сердца их в чистоте соблюдите, кротостию исполните я, и в земли сердец их зерно исповедания Божия насадите и укрепите, во еже от силы в силу им возрасти; и всех нас, святей иконе вашей предстоящих и тепле вам молящихся, сподобите Царствие Небесное улучти и немолчными гласы радования тамо прославляти Великолепое имя Пресвятыя Троицы, Отца и Сына и Святаго Духа, во веки веков. Аминь.

**Святому преподобному Иринарху, затворнику Ростовскому**

**Тропарь, глас 4-й:**

Яко мученика добропроизвольна и преподобных удобрение, звезду Ростовскую, в затворе, узах и веригах Господеви благоугодившаго и чудес благодать от Него приемшаго, Иринарха предивного песнями хвалебными почтим и, к нему припа-

дающе, умильно глаголем: отче преподобне, моли Христа Бога спастися душам нашим.

**Кондак, глас 2-й:**

Волнений множество жестоким житием преходя, изгнания, затвор и узы железныя претерпел еси мужески, Иринарше терпеливодушне, нам оставль образ злострадания и терпения твоего, озаряя чудес блистаньми с верою приходящих к честному гробу твоему, у негоже, яко почесть победную, вериги твоя тяжкия видим, от нихже подаеши исцеления недужным. Сего ради зовем ти: радуйся, Иринарше, отче предивный.

**Молитва:**

О, преподобне отче Иринарше! Се мы молим тя усердно: буди ходатай наш присный, испроси нам от Христа Бога мир, тишину, благоденствие, здравие и спасение, и от всех врагов видимых и невидимых ограждение, покрый же нас ходатайством твоим от нахождения всяких бед и скорбей, паче же от искушения врага темного, да вси мы с тобою прославляем всесвятое имя Отца и Сына и Святаго Духа, ныне и присно и во веки веков. Аминь.

---





## Паралич

**Преподобному Иакову, игумену Железноборовскому**

**Тропарь, глас 4-й:**

Небеснаго желая, земная возненавидел еси и, взем крест свой, последовал еси Христу и от Него прием дарования чудес, исцеляти недужныя; но яко имея дерзновение ко Святей Троице, испроси православным здравие и спасение, на враги же победу, и не забуди, посещая чад своих, припадающих к целебному гробу твоему, Иакове преподобие, отче наш.

**Кондак, глас 8-й:**

Сердечная очи, досточудне, ко Господу вперив и телесныя страсти исторгая, неболезненную жизнь в болезнях восприял еси, преподобне, болезням же лютым даёши исцеление просящим с верою у тебе, темже молим тя, досточудне, исцели наша болезни душевныя и телесныя, да зовем ти: радуйся, Иакове Богомудре, отче наш.

**Молитва:**

Преподобне и Богоносне отче наш Иакове! Приими ныне нас, тебе усердно молящихся и припадающих ко всечестному и многоцелебному твоему гробу, идеже святое и многотрудное покоится тело. Духом же на Небесех предстоя Святей Троице со ангелы и преподобных отцев лики, молися о нас, чадех твоих, отче, да избавимся от всяких скорбей, болезней, бед и обстояний, и благочестно поживем в настоящем житии, ходяще в заповедех и оправданиих Господних безпорочно, и да явимся последователи святому и равноангельскому житию твоему.

Ей, преподобне отче, молим тя, испроси намже и всем, с верою к тебе притекающим, грехов прощение, телесем здравие, исправление жития и вечное спасение, яко да твоим представительством спасеннии, славу возсылати сподобимся в Троице славимому Богу, Отцу и Сыну и Святому Духу, ныне и присно и во веки веков. Аминь.





## Болезни крови

### Мученику и чудотворцу Иоанну-воину

#### Тропарь, глас 8-й:

Блаженство Евангельское возлюбив, Богомудре Иоанне, чистоту сердца почтил еси. Темже суetu мира сего пренебрегл, устремился еси зреши Бога, Иже тя прослави чудесы во врачевании различне страждущих. Сего ради молим тя: проси нам у Христа Господа всяких скорбей избавления и получения Царства Небеснаго.

#### Кондак, глас 6-й:

Благочестиваго воина Христова, победившаго враги душевныя и телесныя богохумуренно, Иоанна мученика, достодолжно песньми восхвалим, чудодействуя бо, подает обильная исцеления страждущим людем, и молится Господу Богу от всяких бед спасти правоверныя.

#### Молитва:

О, великий Христов мучениче Иоанне, правоверных поборниче, врагов прогонителю и обидимых заступниче. Услыши нас, в бедах и скорбях молящихся тебе, яко дана тебе бысть благодать от Бога печальныя утешати, немощным помогати, неповинныя от напрасныя смерти избавляти и за всех зле страждущих молитися. Буди убо и нам поборник крепок на вся видимыя и невидимыя враги наша, яко да твою помошь и поборством по нас посрамятся вси являющии нам злая. Умоли Господа нашего, да сподобит ны грешныя и недостойныя рабы Своя получить от Него неизреченная благая, яже уготова любящим Его, в Троице Святей славимаго Бога, всегда, ныне и присно и во веки веков. Аминь.





## Нарывы

**Святым чудотворцам и бессребреникам, мученикам Кири и Иоанну**

**Тропарь, глас 5-й:**

Святии славнии Кири и Иоанне, бессребреницы, мученицы и чудотворцы, ми-лосердиею своим, яко стеною необоримою, нас оградите от всех бед и от врагов видимых и невидимых сохраните непрестанно вашею молитвою ко Господу.

**Кондак, глас 3-й:**

От Божественныея благодати дар чудес приемше, святии, чудодействуйте непре-стенно, вся наша страсти рукодейством секуще невидимым, Кири Богомудре со Иоанном славным: вы бо Божественнии врачеве есте.

**Молитва:**

О, святые чудотворцы и врачи безмездные Кири и Иоанне, прибегаем к вам, от болезней наших страдая лютно. Во дни жизни вашея проповедовали вы, яко недуг души тяжелее всех недугов тела и, егда душа грехами болезнует, часто и тело в болезнь впадает. Знаем мы, что болезнями от грехов очищаемся, умолите же, святые чудотворцы, Господа, да дарует Он прощение согрешений нам, слабым и беспомощным, в болезнях изможденным, да не погибнем, впавши в уныние. Ускорите на помощь нам и исцелите болезни наши, и мы в здравии, покаянии дни наши проведя, в мире окончим жизнь нашу и в день Судный с чистым сердцем предстанем перед очами Судии вселенной, Сердцеведца Бога. Егоже поем и славим во веки веков. Аминь.





## Кожные болезни и язвы

**Праведному Артемию Веркольскому, чудотворцу**

**Тропарь, глас 2-й:**

Вышняго повелением, тученосным облаком, небо помрачившим и молниям блистающим, грому же возшумевшему с прещением, испустил еси душу твою в руце Господеви, премудре Артемие, и ныне предстоиши Престолу Владыки всех, иже верою и любовию приходящим к тебе, подая исцеление всем неотложно и моляся Христу Богу спастися душам нашим.

**Кондак, глас 8-й:**

Возсия днесь пресветлая память премудраго Артемия; благоданная благодать, яко реки, изливает от целебных мощей его дивная исцеления, имиже от многоразличных недуг избавляемся, с верою приемлюще я и взывающе: радуйся, Артемие богомудре.

**Молитва:**

Святый угодниче Божий, праведный Артемие, присный хранителю святыя веры Православныя и близкий защитниче всего северного края Российскихя страны! Призри милостивно на усердную молитву нас, грешных, и твоим благомощным представительством испроси нам у Господа прощение согрешений наших, преспеяние в вере и благочестии и ограждение от козней диавольских.

Моли Господа, да хранит во здравии и непременяемом благополучии верных людей своих, да подаст стране нашей мир и тишину, а нам нелицемерное послушание; да сподобит всех нас получить, по христианстей кончине, Небесное Царствие, идеже вси праведнии вместе с тобою, вечно славят Отца и Сына и Святаго Духа. Аминь.





## Водянка

### Преподобному Ипатию, игумену Руфианскому

#### Тропарь, глас 8-й:

В тебе, отче, известно спасеся еже по образу: приим бо Крест последовал еси Христу, и дея учил еси презирати убо плоть, преходит бо, прилежати же о души, вещи бессмертней. Темже и со ангелы срадуется, преподобне Ипатие, дух твой.

#### Кондак, глас 2-й:

Чистотою душевною Божественне вооружився, и непрестанныя молитвы яко копие вручив крепко, пробол еси бесовская ополчения, преподобне Ипатие, отче наш, моли непрестанно о всех нас.

#### Молитва:

Прославляется Бог в совете правых, ибо возсиял пред людьми свет добродетелей святого Ипатия, прибегая к которому, из глубины сердца взыываем: инок совершенный был ты, Ипатий преподобный, многими трудами к вратам небесным очищавший себе путь; в необитаемую киновию Руфима придя с учениками, ты очистил ее и в прежнее благолепие привел. Там, власяницы делая, в подвигах великих ты пребыл. Дарование получил ты от Господа, Ипатий достохвальный, различные недуги исцелять, а более всего водянку. Призри же на страждущих тяжкою болезнью этой, святый Ипатий, и умилостиви твою благоприятною молитвою Господа, и престань немощным невидимою чудодейственною силою Божию, исцеляя их по великой милости Господней, и пусть, почувствовав облегчение в теле и бодрость духа, отвергнут они нерадение и ревностно пойдут по лестнице добродетелей, простираясь на преуспечение в богоугодных дела, и славя Отца и Сына, и Святаго Духа, ныне и присно, и во веки веков. Аминь.





# **Расслабление тела с бессонницей, потерей аппетита и лишением каких-либо членов**

**Преподобному Никите Столпнику, Переяславскому чудо-  
творцу**

**Тропарь, глас 4-й:**

Христову мученику тезоименит был еси, преподобне, многи подвиги и труды претерпел еси Христа ради, Егоже ради вериги носил еси, блаженне: Того ныне о нас моли, Никито преподобне, душевныя наша и телесныя страсти уврачевати, верою и любовию почитающих присно память твою.

**Кондак, глас 8-й:**

Христа ради от твоих рабов нуждную смерть претерпел еси и венец нетления от Него восприял еси, приходящим же с верою от честного твоего гроба подаёши цельбы, о Никито преподобне, молитвенниче о душах наших.

**Молитва:**

О, всечестная главо, преподобне отче, преблаженне Никито преподобномучениче! Не забуди нищих твоих до конца, но поминай нас всегда во святых своих и благоприятных молитвах к Богу и не забуди посещати чад своих. Моли за ны, отче благий и избранниче Христов, яко имея дерзновение к Небесному Царю, и не премолчи за ны ко Господу, и не презри нас, верою и любовию чтущих тя.

Поминай нас недостойных у Престола Вседержителя и не престай моляся за нас ко Христу Богу: тебе бо дана бысть благодать молитися за ны. Не мним бо тя мертва суща, аще бо и телом преставился еси от нас, но и по смерти убо жив пребываеш. Не отступай от нас духом, сохраняя и соблюдая нас от стрел вражиих и всякия прелести бесовския, заступниче и молитвенниче наш добрый.

Аще бо и мощей твоих рака пред очима нашими видима есть всегда: но святая твоя душа со ангельскими воинствы, со безплотными лики, с небесными силами у Престола Вседержителя Бога достойно веселится. Ведуще убо тя воистину и по смерти жива суща, тебе припадаем, и тебе молимся и мили ся ти деем, еже моли ти ся о нас Всесильному Богу о пользе душ наших, и испроси нам время на покаяние, и невозбранно приими от земли на Небо, и горьких мытарств, и воздушных князей, и вечные муки избавитися нам, и Небесному Царству наследником быти со всеми праведными, от века угодившими Ему, Господу нашему Иисусу Христу, Ему же

подобает всякая слава, честь и поклонение, со Безначальным Его Отцем и Святым Духом, ныне и присно и во веки веков. Аминь.





## Рак

### Пресвятой Богородице в честь Ее иконы «Всесарица» (Пантанасса)

#### Тропарь, глас 4-й:

Образом радосттворным честныя Всесарицы, желанием теплым взыскающих благодати Твоей, спаси, Владычице; избави от обстояний к Тебе прибегающих; от всякия напасти огради стадо Твое, к заступлению Твоему взывающее присно.

#### Кондак, глас 8-й:

Новоявленней Твоей иконе предстояще вернии умиленно, воспеваем Ти, Всесарице, раби Твои; низпосли цельбы к Тебе притекающим ныне рабом Твоим. Да вси радостно зовем Ти: Радуйся, Всесарице, недуги наша благодатию исцеляющая.

#### Молитва:

Всеблагая, досточудная Богородице, Пантанасса, Всесарице! Несмы достоин, да внидеши под кров мой! Но яко милостиваго Бога любоблагоутробная Мати, рцы слово, да исцелится душа моя и укрепится немоществующее тело мое. Имаши бо державу непобедимую, и не изнеможет у Тебе всяк глагол, о Всесарице! Ты за мя упроси! Ты за мя умоли. Да прославляю преславное имя Твое всегда, ныне и в бесконечныя веки. Аминь.

### Пресвятой Богородице в честь Ее иконы «Всесарица» (Пантанасса). Молитва вторая.

О Пречистая Богомати, Всесарице! Услыши многоболезненное вздохание наше пред чудотворною иконою Твою, из Афонского удела в Россию пренесенною, призри на чад Твоих, неисцельными недуги страждущих, ко святому образу Твоему с верою припадающих! Якоже птица крилома покрывает птенцы своя, тако и Ты ныне, присно жива суши, покрый нас многоцелебным Твоим омофором. Тамо, идеже надежда исчезает, несомненною Надеждою буди. Тамо, идеже лютыя скорби превозмогают, Терпением и Ослабою явися. Тамо, идеже мрак отчаяния в души вселился, да возсияет неизреченный свет Божества! Малодушныя утеши, немощныя укрепи, ожесточенным сердцам умягчение и просвещение даруй. Исцели болящия люди Твоя, о всемилостивая Царице! Ум и руки врачующих нас благослови; да послужат орудием Всемощного Врача Христа Спаса нашего. Яко живей Ти, сущей с нами, молимся пред иконою Твою, о Владычице! Простри руце Твои, исполненныея

исцеления и врачбы, Радосте скорбящих, в печалех Утешение, да чудотворною помошь скоро получив, прославляем Живоначальную и Нераздельную Троицу, Отца и Сына и Святаго Духа, во веки веков. Аминь.

## Пресвятой Богородице в честь Ее иконы «Скоропослушница»

### Тропарь, глас 4-й:

К Богородице притецем, сущии в бедах, и святей иконе Ея ныне припадем, с верою зовуще из глубины души: скоро наше услыши моление, Дево, яко Скоропослушница нарекшаяся. Тебе бо раби Твои в нуждах готовую помощницу имамы.

### Кондак, глас 8-й:

В море житейstem обуреваемии, треволнению подпадаем страстей и искушений. Подаждь убо нам, Госпоже, руку помощи, якоже Петрови Сын Твой, и ускори от бед избавити ны, да зовем Ти: радуйся, вселагая Скоропослушнице.

### Молитва:

Преблагословенная Владычице, Приснодево Богородице, Бога Слова паче всякаго слова на спасение наше рождшая и благодать Его преизобильно паче всех приявшая, море явльшаяся Божественных дарований и чудес приснотекущая река, изливающая благость всем, с верою к Тебе прибегающим! Чудотворному Твоему образу припадающе, молимся Тебе, всещедрей Матери Человеколюбиваго Владыки: удиви на нас пребогатыя милости Твоя и прошения наша, приносимая Тебе, Скоропослушнице, ускори исполнити все, еже на пользу, во утешение и спасение коемуждо устрояющи. Посети, Преблагая, рабы Твоя благодатию Твою и подаждь недугующим цельбу и совершенное здравие, обуреваемым тишину, плененным свободу и различными образы страждущих утеши. Избави, Всемилостивая Госпоже, всяк град и страну от глада, язвы, труса, потопа, огня, меча и иных казни временные и вечные, Матерним Твоим дерзновением отвращающи гнев Божий; и душевного разслабления, обуревания страстей и грехопадений свободи рабы Твоя, яко да непреткновенно во всяком благочестии поживше в сем веце, и в будущем вечных благ сподобимся благодатию и человеколюбием Сына Твоего и Бога, Ему же подобает всякая слава, честь и поклонение со Безначальным Его Отцем и Пресвятым Духом, ныне и присно, и во веки веков. Аминь.

## Святителю Нектарию Эгинскому

### Тропарь, глас 1-й:

Силиврии отрасль и эгины хранителя, в последняя лета явльшагося, добродетели друга искренняго, Нектария почтим вернии, яко божественного служителя Христова: точит бо цельбы многоразличныя благочестно вопиющим: слава Про-

славльшему тя Христу, слава Давшему ти чудес благодать, слава Действующему тобою всем исцеления.

**Кондак, глас 2-й:**

Божественный гром, труба духовная, веры насадителю и отсекателю ересей, Троицы угодниче, великий святителю Нектарие, со ангелы предстоя присно, моли непрестанно о всех нас.

**Молитва:**

О, Святителю Нектарие, отче Богомудрый! Приими, блюстителю веры православных, исповедание устен людей христоименитых, собранных днесь в храме благодатию Божиего, в тебе живущею. Весть бо достиже до предел Российских, яко ты, великий во святых угодниче Христов, во всех концах вселенных призывающим имя твое являющися и от раковья болезни исцеление даруеши.

Слышахом об иерее, тебе тезоименитом и храм во имя твое созидавшем, со скорбами велиими. Раковою убо язвою грудною поражен бе, крови на всяк день тощающейся, и страждаше люте; дела же своего святаго не оставляше.

Внезапу ты, Святителю многомилостиве, с небесе сшед, ему во храме предстал еси в видимом образе. Он же, непещя тя собрата, едина от смертных быти, прошаще молитв твоих и рече: «Боляй есмь вельми, обаче хощу святый олтарь наздати, да поне единожды святую литургию вкупе с прихожаны совершу; послежде и умрети готов есмь, смерть бо мя не страшит».

Ты же, отче, безплотен сый, слезами лице свое орошаше! и объем страдальца, лобызаше и, глаголя: «Не тужи, чадо мое, яко, болезнию испытан, здрав будеши. Вси убо о чудеси сем ведати имут». Он же, исцелен быв, асбие разуме, с кем беседоваше, тебе невидиму бывшу.

О, великий угодниче Христов Нектарие! Храм оный совершен есть ныне и чудеса твои, аки море преизливающееся, умножишася! Мы же познахом, яко молитве праведника должно поспешествуемой быти усердием нашим к службе Божией и решимостию за Христа умирati, да здрави обрящемся. Молят тя, отче праведный, болящая чада твоя: да свершается с нами воля Божия, благая, угодная и совершенная, не хотящи смерти грешнику, но еже обратитися и живу быти ему.

Ты же, провозвестниче воли Божией, исцели ны благодатным явлением своим, да велик будет Бог на небеси и на земли во веки веков! Аминь.





## Молитва первая об исцелении болящего

Владыко, Вседержителю, святый Царю, наказуяй и не умерщвляяй, утверждаяй низпадающая и возводяй низверженные, телесныя человеков скорби исправляй, молимся Тебе, Боже наш, раба Твоего (*имя рек*) немоществующа посети милостию Твою, прости ему всякое согрешение вольное и невольное. Ей, Господи, врачебную Твою силу с небесе низпосли, прикоснися телеси, угаси огневицу, укроти страсть и всякую немощь таящуюся, буди врач раба Твоего (*имя рек*), воздвигни его от одра болезненного и от ложа озлобления цела и всесовершенна, даруй его Церкви Твоей благоугождающа и творяща волю Твою. Твое бо есть, еже миловати и спасати ны, Боже наш, и Тебе славу возсыпаем, Отцу и Сыну и Святому Духу, ныне и присно и во веки веков. Аминь.






## Молитва вторая об исцелении болящего

О, Премилосердый Боже, Отче, Сыне и Святый Душа, в нераздельной Троице поклоняемый и славимый, призри благоутробно на раба Твоего (*имя*), болезнею одержимаго; отпусти ему вся согрешения его; подай ему исцеление от болезни; возрати ему здравие и силы телесныя; подай ему долгоденственное и благоденственное житие, мирные Твои и примирные благая, чтобы он вместе с нами приносил благодарные мольбы Тебе, Всесщедрому Богу и Создателю моему.

Пресвятая Богородица, всесильным заступлением Твоим помоги мне умолить Сына Твоего, Бога моего, об исцелении раба Божия (*имя*).

Все святые и ангелы Господни, молите Бога о больном рабе Его (*имя*). Аминь.





**МОЛИТВЫ ОБ ИСЦЕЛЕНИИ  
ДУШЕВНЫХ И ДУХОВНЫХ  
НЕДУГОВ**



## При обуревании души неверием

### Первоверховному апостолу Павлу

#### Тропарь, глас 4-й:

Апостолов первопрестольницы, и вселенныя учителие, Владыку всех молите;  
мир вселенней даровати, и душам нашим велию милость.

#### Кондак, глас 2-й:

Твердыя и боговещанныя проповедатели, верх апостолов Твоих, Господи, принял  
еси в наслаждение благих Твоих и покой; болезни бо онех и смерть принял еси паче  
всякаго всеплодия, Едине сведый сердечная.

#### Молитва:

О, святый верховный апостоле Павле, сосуде избранный Христов, небесных та-  
ин сказателю, всех языков учителю, церковная труба, пресловущий ветие, многия  
беды за имя Христово претерпевый, море измеривый и землю общедый и нас от  
лести идолъский обративый! Тя молю и к тебе вопиу: не гнушайся мене сквернаго,  
возстави падшаго греховною леностию, яко же в Листрех хромаго от чрева матер-  
ни возставил еси; и яко же Евтиха мертвя бывша оживил еси, воскреси и мене от  
мертвых дел; и яко же молитвою твою основание темницы некогда потрясл еси  
и узники разрешил еси, сице исторгни мя творити волю Божию. Вся бо можешি  
данною ти властию от Христа Бога, Ему же подобает всякая слава, честь и поклоне-  
ние, со Безначальным Его Отцем, и со Пресвятым и Благим и Животворящим Его  
Духом, ныне и присно и во веки веков. Аминь.

### Апостолу Фоме

#### Тропарь, глас 2-й:

Мученик Христов быв, Божественного собора апостольского сопричастник,  
неверствием бо Христово Воскресение известив и Того пречистую страсть ося-  
занием уверив, Фомо всехвальне, и ныне нам проси мира и велия милости.

#### Кондак, глас 4-й:

Премудрости благодати исполнен, Христов апостол и служитель истинный, в  
покаянии вопияше Тебе: Ты мой еси Бог же и Господь.

#### Молитва:

О, святый апостоле Фомо! Молим тя: сохрани и соблюди нас молитвами твоими  
от искушений диавольских и падений греховных, и испроси нам, рабам Божиим

(имена), свыше помошь во время неверия, да не преткнемся о камень соблазна, но неуклонно шествуем спасительным путем заповедей Христовых, дондеже достигнем оных блаженных обителей райских. Ей, апостоле Спасов! Не посрами нас, но буди нам помощник и покровитель во всем житии нашем и помози нам благочестно и богоугодно житие сие временное скончати, христианскую кончину получить и добраго ответа сподобитися на Страшном Суде Христове; да прославим великолепное имя Отца, и Сына, и Святаго Духа во веки веков. Аминь.

---





## В отчаянии

**Святителю Иоанну Златоустому, архиепископу Константинопольскому**

**Тропарь, глас 8-й:**

Уст твоих, якоже светлость огня возсиявши благодать, вселенную просвети: не сребролюбия мирови сокровища сниска, высоту нам смиренномудрия показа. Но твоими словесы наказуя, отче Иоанне Златоусте, моли Слова Христа Бога спастися душам нашим.

**Кондак, глас 6-й:**

От Небес приял еси Божественную благодать и твоими устнами вся учиши покланяться в Троице Единому Богу, Иоанне Златоусте, всеблаженне, преподобне, достойно хвалим тя: если бо наставник, яко Божественная являя.

**Молитва:**

О, святителю великий Иоанне Златоусте! Многая и различная дарования от Господа приял еси и, яко раб благий и верный, вся даннныя тебе таланты добре умножил еси: сего ради воистину вселенский учитель был еси, яко всяк возраст и всяко звание от тебе поучается. Се бо отроком послушания образ явился еси, юным — целомудрия светило, мужем — трудолюбия наставник, старым — незлобия учитель, иноком — воздержания правило, молящимся — вождь от Бога вдохновенный, мудрости ищущим — ума просветитель, витиям добролагаливым — слова живаго источник неисчерпаемый, благоворящим — милосердия звезда, начальствующим — правления мудраго образ, правды ревнителем — дерзновения вдохновитель, правды ради гонимым — терпения наставник: всем вся был еси, да всяко некия спасеши. Над всеми же сими стяжая еси любовь, яже есть соуз совершенства, и тою, яко силою Божественною, вся дарования во единем лице твоем во едино совокупил еси, и туюже любовь, разделенная примиряющую, в толковании словес апостольских всем верным проповедал еси. Мы же грешни, по единому кийждо свое дарование имуще, единения духа в союзе мира не имамы, бываем тщеславни, друг друга раздражают, друг другу завидяще; сего ради дарования наша разделенная не в мир и спасение, но во вражду и осуждение нам приложиша. Темже к тебе, святителю Божий, припадаем, раздором обуреваем, и в сокрушении сердца просим: молитвами твоими отжени от сердец наших всяку гордость и зависть, нас разделяющия, да во мнозех удах едино тело церковное невозбранно пребудем, да по словеси твоему молитвенному возлюбим друг друга

и единомыслием исповемы Отца и Сына и Святаго Духа, Троицу Единосущную и Нераздельную, ныне и присно и во веки веков. Аминь.





## В унынии

### Праведному царю Давиду, псалмопевцу

#### Тропарь, глас 2-й:

Благовестуй, Иосифе, Давиду чудеса Богоотцу: Деву видел еси рождшую, с пастыри славословил еси, с волхвы поклонился еси, Ангелом весть прием. Моли Христа Бога спасти души наша.

#### Тропарь, глас 2-й:

Пророка Твоего Давида, Господи, память празднующе, тем Тя молим: спаси души наша.

#### Кондак, глас 3-й:

Веселия днесь Давид исполняется Божественный, Иосиф же хваление со Иаковом приносит: венец бо сродством Христовым приемше, радуются, и неизреченно на земли Рождшагося воспевают, и вопиют: Щедре, спасай Тебе чтушия.

#### Кондак, глас 4-й:

Просветившееся Духом чистое твое сердце, пророчества бысть светлейшаго присталище: зриши бо яко настоящая далече сущая: сего ради тя почитаем, пророче блаженне, Давиде славне.

#### Молитва:

Помяни, Господи, царя Давида и всю кротость его.

#### Молитва:

О, прехвальный и пречудный пророче Божий Давиде! Услыши нас, грешных и непотребных, в час сей предстоящих пред святою твою иконою и усердно прибегающих к ходатайству твоему. Моли о нас Человеколюбца Бога, да подаст нам дух покаяния и сокрушения о грехах наших и всесильною Свою благодатию да поможет нам оставити пути нечестия, приспевати же во всяком деле блазе, да укрепит нас в борьбе со страстью и похотью нашими; да всадит в сердце наше дух смирения и кротости, дух братолюбия и незлобия, дух терпения и целомудрия, дух ревности к славе Божией и спасению ближних. Упраздни молитвами твоими, пророче, злые обычаи мира, паче же погибельный и тлетворный дух века сего, заражающий христианский род неуважением к Божественней Православней вере, к уставам святыя Церкви и к заповедем Господним, непочтением к родителем и властем предержащим, и низвергающий людей в бездну нечестия, разращения и погибели. Отврати от нас, пречудне пророче, предстательством твоим праведный гнев Божий, и избави вся грады и веси царства нашего от бездождия и глада, от

страшных бурь и землетрясений, от смертоносных язв и болезней, от нашествия врагов и междуусобных бран. Укрепи твоими молитвами православных людей, благопоспешствуй им во всех благих деяниях и начинаниях к возвращению мира и правды в державе их. Помоги Всероссийскому Христолюбивому воинству во бранах со врагами нашими. Испроси, пророче Божий, от Господа пастырем нашим святую ревность по Бозе, сердечное попечение о спасении пасомых, мудрость в учении и управлении, благочестие и крепость во искушениях, судиям испроси нелицеприятие и безкорыстие, правоту и сострадание к обидимым, всем начальствующим попечение о подчиненных, милость и правосудие, подчиненным же покорность и послушание ко властям и усердное исполнение своих обязанностей; да, тако в мире и благочестии поживше в сем вете, сподобимся причастия вечных благ в Царствии Господа и Спаса нашего Иисуса Христа, Ему же подобает честь и поклонение, со Безначальным Его Отцем и Пресвятым Духом, во веки веков. Аминь.

## Преподобному Ефрему Сирину

### Тропарь, глас 8-й:

В тебе, отче, известно спасеся еже по образу: приим бо Крест последовал еси Христу, и дяя учил еси презирати убо плоть, преходит бо, прилежати же о души, вещи бессмертней. Темже и со ангелы срадується, преподобне Ефреме, дух твой.

### Тропарь, глас 8-й:

Слез твоих теченьми пустыни бесплодное возделал еси, и иже из глубины вздоханьми во сто трудов упладоносил еси, и был еси светильник вселенней, сияя чудесы, Ефреме, отче наш, моли Христа Бога спастися душам нашим.

### Кондак, глас 2-й:

Час присно провида суда, рыдал еси горько, Ефреме, яко любобезмолвный, делателен же был еси в делах учитель, преподобне. Темже, отче всемирный, ленивыя воздвигаеши к покаянию.

### Молитва:

О угодниче Христов, отче наш Ефреме! Принеси молитву нашу к милостивому и всесильному Богу и испроси нам, рабам Божиим (имена), у благости Его вся яже на пользу душам и телесем нашим: веру праву, надежду несомненну, любовь нелицемерну, кротость и незлобие, во искушениях мужество, в злостраданиях терпение, во благочестии преспяне. Да не во зло обратим дары Всеблагого Бога. Не забуди, чудотворче святый, и святый храм (дом) сей и приход наш: сохрани и соблюди их молитвами твоими от всякого зла. Ей, святче Божий, сподоби нас кончину благую улучити и Царствие Небесное унаследити, да прославим дивного во святых Своих Бога, Ему же подобает всякая слава, честь и держава, во веки веков. Аминь.

## Святителю Тихону, епископу Воронежскому, Задонскому чудотворцу

### Тропарь, глас 8-й:

От юности возлюбил еси Христа, блаженне, образ был еси словом, житием, любовию, духом, верою, чистотою и смирением, темже и вселися в Небесныя обители, идеже предстоя Престолу Пресвятыя Троицы, моли, святителю Тихоне, спастися душам нашим.

### Кондак, глас 8-й:

Апостолов приемниче, святителей украшение, Православныя Церкве учителю, Владыце всех молися мир вселенней даровати и душам нашим велию милость.

### Молитва:

О, всехвальный святителю и угодниче Христов, отче наш Тихоне! Ангельски на земли пожив, ты яко ангел благий явился еси и в дивнем твоем прославлении. Веруем от всея души и помышления, яко ты, благосердный наш помощниче и молитвенниче, твоими неложными ходатайства и благодатию, от Господа обильно тебе дарованною, присно способствуеш нашему спасению. Приими убо, ублажаемый угодниче Христов, и в час сей наша недостойная моления: свободи ны твоим заступлением от облегающего нас суесловия и суемудрия, неправоверия и зловерия человеческаго. Потщися, скорый о нас предстателью, благоприятным твоим ходатайством умолити Господа, да пробавит Своя великия и богатыя милости на нас, грешных и недостойных рабех Своих, да уврачует Свою благодатию неисцельныя язвы и струпы растленных душ и телес наших, да растворит окаменелая сердца наша слезами умиления и сокрушения о премногих согрешениих наших, и да избавит ны от вечных мук и огня геенского: всем же верным людем Своим да дарует в нынешнем веце мир и тишину, здравие и спасение и во всем благое поспешение, да тако, тихое и безмолвное житие поживше во всяком благочестии и чистоте, сподобимся со ангелы и со всеми святыми славити и воспевати Всесвятое имя Отца и Сына и Святаго Духа во веки веков. Аминь.





## О даровании покаяния

Преподобной Марии Египетской



### Тропарь, глас 8-й:

В тебе, мати, известно спасеся еже по образу:  
приимши бо крест, последовала еси Христу, и  
деющи учила еси презирати убо плоть, преход-  
нит бо, прилежати же о души, вещи бессмерт-  
ней. Темже и со ангелы срадуется, преподобная  
Марие, дух твой.

### Кондак, глас 4-й:

Греха мглы избежавши, покаяния светом оза-  
ривши твое сердце, славная, пришла еси ко Хри-  
сту, Сего всенепорочную и святую Матерь, мо-  
литвенницу милостивную принесла еси. Отону-  
дуже и прегрешений обрела еси оставление, и  
со ангелы присно срадуешися.

### Молитва:

Услыши недостойную молитву нас, грешных  
(имена), избави нас, преподобная мати, от стра-  
стей, воюющих на души наша, от всякия печали

и находящия напасти, от внезапныя смерти и от всякого зла, в час же разлучения  
души и тела отжени, святая угодница, всякую лукавую мысль и лукавые бесы, яко  
да примет души наша с миром в место светло Христос Господь Бог наш, яко от  
него очищение грехов, и Той есть спасение душ наших, Ему же подобает всякая  
слава, честь; и поклонение со Отцем и Святым Духом во веки веков. Аминь.

**Пресвятой Богородице в честь Ее иконы «Споручница  
грешных»**

### Тропарь, глас 4-й:

Умолкает ныне всякое уныние и страх отчаяния исчезает, грешницы в скорби  
сердца обретают утешение и Небесною любовию озаряются светло: днесъ бо Матерь  
Божия прощает нам спасающую руку и от Пречистаго образа Своего вещает,  
глаголя: Аз Споручница грешных к Моему Сыну, Сей дал Мне за них руце слышати

Мя выну. Темже людие, обремененнии грехи многими, припадите к подножию Ея иконы со слезами вопиюще: Заступнице мира, грешным Споручнице, умоли Матерними молитвами Избавителя всех, да Божественным всепрощением покрыет грехи наша, и светлыя двери райскихия отверзет нам, Ты бо еси представительство и спасение рода христианского.

**Кондак, глас 1-й:**

Честное Жилище бывши неизреченного естества Божественного выше слова и паче ума и грешным еси Споручница, подаваеши благодать и исцеления, яко Мати всех Царствующего, моли Сына Твоего получить нам милость в День судный.

**Молитва:**

О, Владычице Преблагословенная, Заштитнице рода христианского, Прибежище и спасение притекающих к Тебе! Вем, воистину вем, яко зело согреших и прогневах, Премилостивая Госпоже, рожденного плотию от Тебе Сына Божия, но имам многия образы прежде мене прогневавших Его благоутробие: мытари, блудницы и прочия грешники, имже дадеся прощение грехов их, покаяния ради и исповедания. Тыя убо образы помилованных очесем грешных души моей представляя и на толикое Божие милосердие, онех приемшее, взирая, дерзнух и аз грешный прибегнути с покаянием ко Твоему благоутробию. О, Всемилостивая Владычице, да подаси ми руку помохи и испросиши у Сына Твоего и Бога матерними и святейшими Твоими молитвами тяжким моим грехом прощение. Верую и исповедую, яко Той, Егоже родила еси, Сын Твой, есть воистину Христос, Сын Бога Живаго, Судия живых и мертвых, воздаяй комуждо по делом его. Верую же паки и исповедую Тебе быти истинную Богородицу, милосердия источник, утешение плачущих, взыскание погибших, сильную и непрестающую к Богу Ходатаицу, зело любящую род христианский, и Споручницу покаяния. Воистину бо несть человеком иныя помохи и покрова, разве Тебе, Госпоже Премилостивая, и никотоже уповая на Тя постыдится когда, и Тобою умоляя Бога, никотоже оставлен бысть. Того ради молю Твою неисчислную благость: отверзи двери милосердия Твоего мене заблуждшему и падшему в тимение глубины, не возгнушайся мене, сквернаго, не презри грешного моления моего, не остави мене, окаяннаго, яко в погибель злобный враг похитити мя ищет, но умоли о мне Рожденного от Тебе милосердаго Сына Твоего и Бога, да простит великия моя грехи, и избавит мя от пагубы моей; яко да и аз со всеми получившими прощение воспою и прославлю безмерное милосердие Божие и Твое непостыдное о мне заступление в жизни сей и в нескончаемем веце. Аминь.

**Преподобному Ефрему Сирину****Тропарь, глас 8-й:**

В тебе, отче, известно спасеся еже по образу: приим бо Крест последовал еси Христу, и дея учил еси презирати убо плоть, преходит бо, прилежати же о души, вещи бессмертней. Темже и со ангелы срадується, преподобне Ефреме, дух твой.

**Тропарь, глас 8-й:**

Слез твоих теченьми пустыни безплодное возделал еси, и иже из глубины  
вздыханьми во сто трудов упладоносил еси, и был еси светильник вселенней,  
сияя чудесы, Ефреме, отче наш, моли Христа Бога спастися душам нашим.

**Кондак, глас 2-й:**

Час присно провида суда, рыдал еси горько, Ефреме, яко любобезмолвный, де-  
лательен же был еси в делах учитель, преподобне. Темже, отче всемирный, ленивыя  
воздвигаеши к покаянию.

**Молитва:**

О угодниче Христов, отче наш Ефреме! Принеси молитву нашу к милостивому  
и всесильному Богу и испроси нам, рабам Божиим (имена), у благости Его вся  
яже на пользу душам и телесем нашим: веру праву, надежду несомненну, любовь  
нелицемерну, кротость и незлобие, во искушениях мужество, в злостраданиях  
терпение, во благочестии преспяление. Да не во зло обратим дары Всеблагого Бога.  
Не забуди, чудотворче святый, и святый храм (дом) сей и приход наш: сохрани  
и соблюди их молитвами твоими от всякого зла. Ей, святче Божий, сподоби нас  
кончину благую улучити и Царствие Небесное унаследити, да прославим дивного  
во святых Своих Бога, Ему же подобает всякая слава, честь и держава, во веки веков.  
Аминь.

## Святителю Андрею, архиепископу Критскому

**Тропарь, глас 1-й:**

Христову Церковь цевницею языка твоего, песнословия умильно, возвеселил  
еси, богословием же Препетыя Троицы славу всем сказал еси ясно, тем тя, яко  
тайноглагольника, поем, Андрее, пастырю Критский, и величаем память твою,  
Христа славяще дивного во святых Своих.

**Кондак, глас 2-й:**

Вострубив ясно Божественная сладкопения, явился еси светильник мира свет-  
лейший, светом сияя Троицы, Андрее преподобне. Темже всеи вопием ти: не престай  
моляся о всех нас.

**Молитва:**

О, пречестная и священная главо и благодати Святаго Духа исполненная, Спасо-  
во со Отцем обиталище, великий архиерее, теплый наш заступниче, святителю  
Андрею! Предстоя у Престола всех Царя и наслаждаяся света Единосущныя Троицы  
и херувимски со ангелы возглашая песнь трисвятую, великое же и неизследованное  
дерзновение имея ко Всемилостивому Владыце, моли спастися паствы Христовы  
людем, благостояние святых церквей утверди, архиереи благолепием святитель-  
ства украси, монашествующия к подвигом доброго течения укрепи, град сей и  
вся грады страны добре сохрани и веру святую непорочну соблюсти умоли, мир  
весь предстательством твоим умири, от глада и пагубы избави ны, и от нападения

иноплеменных сохрани, старыя утеши, юныя настави, безумныя умудри, вдовицы помилуй, сироты заступи, младенцы возрасти, плененныея возврати, немоществующия исцели, и везде тепле призывающия тя и с верою припадающия и молящияся тебе от всяких напастей и бед ходатайством твоим свободию Моли о нас Всесредраго и Человеколюбиваго Христа Бога нашего, да и в день страшного пришествия Его от шуяго стояния избавит нас и радости святых причастники сотворит со всеми святыми во веки веков. Аминь.

**Когда заметишь за собой какой грех. Молитва св. Иоанна Кронштадтского.**

Господи! Грехи наши на кресте пригвоздивый, пригвозди ко кресту Твоему и настоящий мой грех и помилуй мя по велицей Твоей милости. (*И наложить на себя крестное знамение.*)

---





## От гордыни и самомнения

**Преподобному Алексию, человеку Божию**

**Тропарь, глас 4-й:**

Возвывись на добродетель и ум очистив, к желанному и крайнему достигл еси, безстрастием же украсив житие твое, и пощение изрядное восприим совестию чистою, в молитвах, яко безплотен, пребывая, возсиял еси, яко солнце, в мире, преблаженне Алексие.

**Кондак, глас 2-й:**

Дом родителей твоих яко чужд, имев, водворился еси в нем нищеобразно и, по представлении венец прием славы, дивен на земли явился еси, Алексие, человече Божий, ангелом и человеком радование.

**Молитва:**

О, великий Христов угодниче, святый человече Божий Алексие, душею на Небеси Престолу Господню предстояй, на земли же данною ти свыше благодатию различная совершаяй чудеса! Призри милостивно на предстоящия святей иконе твоей люди, умиленно молящаяся и просящая от тебе помочи и заступления. Простри молитвенно ко Господу Богу честнин руце твои, и испроси нам от Него оставление согрешений наших вольных и невольных, в недузех страждущим исцеление, напаствуемым заступление, скорбящим утешение, бедствующим скорую помощь, всем же чтущим тя мирную и христианскую живота кончину и добрый ответ на страшном суде Христове. Ей, угодниче Божий, не посрами упования нашего, еже на тя по Бозе и Богородице возлагаем, но буди нам помощник и покровитель во спасение, да, твоими молитвами получивше благодать и милость от Господа, прославим человеколюбие Отца и Сына и Святаго Духа, в Троице славимаго и покланяемаго Бога, и твое святое заступление, ныне и присно и во веки веков. Аминь.

**При тщеславных помыслах. Молитва св. Иоанна Кронштадтского.**

Господи, не дай мне возмечтать о себе как бы о лучшем кого-либо из людей, но думать как о худшем всех и никого не осуждать, а себя судить строго. Аминь.





## От сребролюбия

### Преподобномученикам Феодору и Василию Печерским

#### Тропарь, глас 1-й:

Союзом любве связавшеся, преподобнии, всяк союз козней вражиих попрасте, страдание же и смерть неповинне от сребролюбиваго князя претерпесте добле, тем молим вас, вкупе поживших и венцы мучения приемших: молитеся Господеви о нас, яко да во мнозей любви, вере и надежди добле поживше, всегда ублажаем вас, Феодоре и Василие добропобедни.

#### Кондак, глас 2-й:

Добр светильник явлься блаженному Феодору, Богомудре Василие, избавил еси того советом своим от прелести диаволи и ко свету Богоразумия наставль. С темже последе блаженную приял еси кончину, устрелен неправедно быв во утробу от сребролюбиваго князя. И ныне, предстоя Господеви, молися непрестанно о всех нас.

#### Молитва:

Преподобнии отцы Феодоре и Василие! Воззрите на нас милостивно и к земли приверженных возведите к высоте небесней. Вы горе на небеси, мы на земли низу, удалены от вас, не толико местом, елико грехми своими и беззаконии, но к вам прибегаем и вызываем: наставите нас ходити путем вашим, вразумите и руководствуйте. Вся ваша святая жизнь бысть зерцалом всякия добродетели. Не престаните, угодницы Божии, о нас вопия ко Господу. Испросите предстательством своим у Все-милостиваго Бога нашего мир Церкви Его, под знамением креста воинствующей, согласие в вере и единомудрие, суетудрия же и расколов истребление, утверждение во благих делех, больным исцеление, печальным утешение, обиженным заступление, бедствующим помощь. Не посрамите нас, к вам с верою притекающих. Вси православнии христиане, вашими чудесы исполненнии и милостями облагодетельствованнии, исповедуют вас быти своих покровителей и заступников. Явите древния милости ваша, и ихже отцем всепомоществовали есте, не отрините и нас, чад их, стопами их к вам шествующих. Предстояще всечестней иконе вашей, яко вам живым сущим, припадаем и молимся: примите моления наша и вознесите их на жертвенник благоутробия Божия, да приемем вами благодать и благовременную в нуждех наших помощь. Укрепите наше малодушие и утвердите нас в вере, да несомненно уповаем получить вся благая от благосердия Владыки молитвами вашими. О, превеликие угодницы Божии! Всем нам, с верою притекающим к вам, помозите предстательством вашим ко Господу, и всех нас управите в мире и

покаянии скончати живот наш и преселитися со упованiem в блаженныя недра Авраамова, идeже вы радостно во трудах и подвигах ныне почиваете, прославляя со всеми святыми Бога, в Троице славимаго, Отца и Сына и Святаго Духа, ныне и присно и во веки веков. Аминь.





## От недуга пьянства

### Святому мученику Вонифатию

#### Тропарь, глас 4-й:

К сословию послан мучеников, мученик был еси истинен пострадав за Христа крепчайше, всехвальне, мощми же возвратился еси верою пославшей тя, Вонифатие блаженне, моли Христа Бога прияти нам грехов прощение.

#### Кондак, глас 4-й:

Священие непорочное самовольно Тебе привел еси, Иже от Девы тебе ради родитися Хотящему, святе венченосче, премудре Вонифатие.

#### Молитва:

О, многострадальный и всехвальный мучениче Вонифатие! Ко твоему заступлению ныне прибегаем, молений нас, поющих тебе, не отвержи, но милостивно услыши нас. Виждь братию и сестры наша, тяжким недугом пианства одержимыя, виждь того ради от матери своея, Церкве Христовой, и вечнаго спасения отпадающия. О, святый мучениче Вонифатие, коснися сердцу их данною ти от Бога благодатию, скоро возстави от падений греховных и ко спасительному воздержанию приведи их. Умоли Господа Бога, Егоже ради страдал еси, да простив нам согрешения наша, не отвратит милости Своей от сынов Своих, но да укрепит в нас трезвение и целомудрие, да поможет Свою десницею трезвящимся спасительный обет свой до конца сохранити во дни и нощи, в Нем бодрствующе и о Нем добрый ответ на страшное судилище дати. Приими, угодниче Божий, молитвы матерей, о чадех своих слезы проливающих; жен честных, о мужех своих рыдающих, чад сирых и убогих, от пианиц оставленных, всех нас, к иконе твоей припадающих, и да приидет сей вопль наш молитвами ко Престолу Всевышняго даровать всем по молитвам их здравие и спасение душ и телес, наипаче же Царство Небесное. Покрый и соблюди нас от лукаваго ловления и всех козней вражиих, в страшный час исхода нашего помози прейти непреткновенно воздушныя мытарства и молитвами твоими избави вечнаго осуждения. Умоли же Господа даровать нам к отечеству нашему любовь нелицемерную и непоколебимую, пред врагами Церкве Святыя видимыми и невидимыми, да покроет нас милость Божия в нескончаемыя веки веков. Аминь.

## Молитва святого праведного Иоанна Кронштадского

Господи, призри милостиво на раба Твоего (*имя*), прельщенного лестью чрева и плотского веселья. Даруй ему (*имя*), познать сладость воздержания в посте и проистекающих от него плодов Духа. Аминь.

*Для избавления от страсти пьянства рекомендуется также читать ежедневно главу 15 Евангелия от Иоанна.*

## Молитва Пресвятой Богородице и Приснодеве Марии пред Ее иконой «Неупиваемая Чаша»

### Тропарь, глас 4-й:

Днесъ притецемъ верніи къ Божественному и пречудному образу Пресвятыя Богоматери, напаяющей верныхъ сердца небесною Неупиваемою Чашею Своего милосердия, и людемъ вернымъ чудеса показующей. Яже мы видяще и слышаще духовно празднуемъ и тепле вопиемъ: Владычице Премилостивая, исцели наша недуги и страсти, молящи Сына Твоего, Христа Бога нашего, спаси души наша.

### Кондак:

Избранное и дивное избавление намъ даровася — Твой образъ честный, Владычице Богородице, яко избавльшеся явлениемъ его отъ недуговъ душевныхъ и телесныхъ и скорбныхъ обстояній, благодарственная хваленія приносимъ Ти, Всемилостивая Заступнице. Ты же, Владычице, Неупиваемою Чашею нами именуемая, приклонися благоутробно къ нашимъ вздоханіямъ и воплемъ сердечнымъ, и избавление подаждъ страждущимъ недугомъ пианства, да съ верою воззовемъ Ти: Радуйся, Владычице, Неупиваемая Чаше, духовную жажду нашу утоляющая.

### Молитва:

О, Премилосердая Владычице! Къ Твоему заступлению ныне прибегаемъ, молений нашихъ не презри, но милостивно услыши насъ: женъ, детей, матерей и тяжкимъ недугомъ пианства одержимыхъ, и того ради отъ матеріи своєи — Церкви Христовой и спасения отпадающихъ, братьевъ и сестеръ, и сродникъ нашихъ исцели. О, Милостивая Мати Божия, коснися сердецъ ихъ и скоро возстави отъ падений греховныхъ, ко спасительному воздержанию приведи ихъ. Умоли Сына Своего, Христа Бога нашего, да проститъ намъ согрешения наша и не отвратитъ милости Своей отъ людей Своихъ, но да укрепитъ насъ въ трезвении и целомудрии. Приими, Пресвятая Богородице, молитвы матерей, о чадахъ своихъ слезы проливающихъ, женъ, о мужехъ своихъ рыдающихъ, чадъ, сирыхъ и убогихъ, заблудшими оставленныхъ, и всѣхъ насъ, къ иконе Твоей припадающихъ. И да приидетъ сей вопль нашъ, молитвами Твоими, ко Престолу Всевышняго. Покрый и соблюди насъ отъ лукаваго ловления и всѣхъ козней вражиихъ, въ страшный же часъ исхода нашего помоги пройти непреткновенно воздушныя мытарства, молитвами Твоими избави насъ вечнаго осуждения, да покроетъ насъ милость Божия въ нескончаемые веки вековъ. Аминь.

## Преподобному Моисею Мурину

### Тропарь, глас 8-й:

В тебе, отче, известно спасеся еже по образу: приим бо Крест последовал еси Христу, и дея учил еси презирати убо плоть, преходит бо, прилежати же о души, вещи бессмертней. Темже и со ангелы срадуется, преподобне Моисее, дух твой.

### Кондак, глас 4-й:

Мурины заушив, и лица демонов поплевав, мысленно просиял еси, якоже солнце светло, светом жития твоего и учением наставляя души наша.

### Молитва:

О, великая сила покаяния! О, неизмеримая глубина милосердия Божия! Ты, преподобне Моисей, был прежде разбойником, но потом ужаснулся своих грехов, возскорбел о них, и в раскаянии пришел в монастырь, и там в великом плаче о своих бывших беззакониях и в трудных подвигах проводил дни свои до кончины, и удостоился Христовой благодати прощения и дара чудотворения. О, преподобне, ты от тяжких грехов достиг пречудных добродетелей! Помози и молящимся тебе рабом Божиим (*имена*), влекомым в погибель от того, что предаются безмерному, вредному для души и тела употреблению вина. Склони на них свой милостивый взор и не презри их, но внемли им, прибегающим к тебе. Моли, святе Моисей, Владыку Христа, чтобы не отверг их Он, Милосердный, и да не возрадуется диавол их погибели, но да пощадит Господь этих безсильных и несчастных (*имена*), которыми овладела пагубная страсть пьянства, ведь мы все Божии создания и искуплены Пречистой Кровию Сына Его. Услышь же, преподобный Моисей, их молитву, отгони от них диавола, даруй им силу победить их страсть, помоги им, простри твою руку, выведи их на путь добра, освободи от рабства страстей и избавь от их от винопития, чтобы они, обновленные, в трезвении и светлом уме, возлюбили воздержание и благочестие, вечно прославляли Всеблагого Бога, всегда спасающего Свои создания. Аминь.

## Молитва от недуга пьянства

### Молитва:

Спаси, Господи, и помилуй рабов Твоих (*имярек*) словесами Божественного Евангелия Твоего, читаемыми о спасении рабов Твоих сих (*имярек*). Попали, Господи, терпие всех согрешений их, вольных и невольных, и да вселится в них благодать Твоя, просвещдающая, опаляющая, очищающая всего человека. Во имя Отца и Сына и Святаго Духа. Аминь.

## Святителю Вонифатию Милостивому

### Тропарь, глас 4-й:

Правило веры и образ кротости, воздержания учителя яви тя стаду твоему яже вещей истина: сего ради стяжал еси смирения высокая, нищетою богатая. Отче священноначальниче Вонифатие, моли Христа Бога спастися душам нашим.

### Кондак, глас 2-й:

Божественный гром, труба духовная, веры насадителю и отсекателю ересей, Троицы угодниче, великий святителю Вонифатие, со ангелы предстои присно, моли непрестанно о всех нас.

### Молитва:

О, всесвятый Вонифатие, милостивый раб Милосердаго Владыки! Услыши прибегающих к тебе, одержимых пагубным пристрастием к винопитию, и, как в своей земной жизни ты никогда не отказывал в помощи просящим тя, так и теперь избави этих несчастных (имена). Некогда, богоумудрый отец, град побил твой виноградник, ты же, воздав благодарение Богу, велел немногие сохранившиеся грозды положить в точиле и позвати нищих. Затем, взяв новое вино, ты разлил его по каплям во все сосуды, бывшие в епископии, и Бог, исполняющий молитву милостивых, совершил преславное чудо: вино в точиле умножилось, и нищие наполнили свои сосуды. О, святителю Божий! Как по твоей молитве умножилось вино для нужд церкви и для пользы убогих, так ты, блаженный, уменьши его теперь там, где оно приносит вред, избави от пристрастия к нему предающихся постыдной страсти винопития (имена), исцели их от тяжкого недуга, освободи от бесовского искушения, утверди их, слабых, дай им, немощным, крепость и силу благоу спешно перенести это искушение, возврати их к здоровой и трезвой жизни, направи их на путь труда, вложи в них стремление к трезвости и духовной бодрости. Помоги им, угодник Божий Вонифатие, когда жажда вина станет жечь их гортань, уничтожи их пагубное желание, освежи их уста небесною прохладою, просвети их очи, постави их ноги на скале веры и надежды, чтобы, оставив свое душевредное пристрастие, влекущее за собой отлучение от Небесного Царствия, они, утвердившиеся в благочестии, удостоились непостыдной мирной кончины и в вечном свете бесконечного Царства Славы достойно прославляли Господа нашего Иисуса Христа со Безначальным Его Отцем и с Пресвятым и Животворящим Его Духом во веки веков. Аминь.

## Молитва вторая Святому мученику Вонифатию

О, святый страстотерпче Христов, воине Царя Небесного, земная сладострастия презревший и к Горнему Иерусалиму страданием возшедший, мучениче Вонифатие! Услыши мя грешного, приносящаго от сердца молебная пения, и умоли Господа нашего Иисуса Христа простити вся моя согрешения, в ведении и в неведении мною содеянная. Ей, мучениче Христов, образ покаяния собою показавый грешным! Буди ми на злаго сопротивника диавола твоими молитвами к Богу помощник и

заступник: много бо поревахся избегнути сетей его лукавых, но удицею греховною уловлен и крепко влачимь от него, не могу избавитися, аще не ты предстанеши ми, во обстояниих горькая терпящему, и колико покушахся покаятися, но ложь пред Богом бых. Сего ради к тебе прибегаю и молюся: спаси мя, святче Божий, от всех зол твоим представительством, благодатию же Всесильного Бога, в Троице Святей славимаго и покланяемаго, Отца и Сына и Святаго Духа, ныне и присно и во веки веков. Аминь.

---





## При обуревании плотской страстию

**Святителю Евфимию, архиепископу Новгородскому, чудотворцу**

**Тропарь, глас 4-й:**

Избран быв Богови от юности, святителю Евфимие, и, сего ради архиерейства саном почтен быв, упасл еси люди, иже тебе Богом врученныя; темже и по представлении чудес дарования от Господа приял еси, исцеляти различныя недуги. Того моли о нас, совершающих честную память твою, да тебе всеи непрестанно ублажаем.

**Кондак, глас 8-й:**

Яко архиереем сопрестольник и святителем изрядный поборник был еси, святителю Евфимие, не престай сохраняя отечество твое, град же и люди, иже тебе верою почитающим и честным мощем твоим покланяющимся, да велегласно тебе всеи вопием: радуйся, святителю Богомудре!

**Молитва:**

Отче святителю Евфимие! Ты от юности твоей Христа возлюбил еси и благодатию Его укрепляешь, вся плотская мудрования умертвил еси, чистым житием и кротким нравом угодил еси Господеви, и по благодати Его на престоле святительства подвизался, явился еси пастве Христове Великаго Новаграда пастырь добрый, полагаяй душу твою о стаде твоем. Темже и по смерти твоей прослави тя Пастыреначальник Христос подаянием чудес, от тебе истекающих, образ добродетельного жития в Тебе нам показуя. Темже и аз грешный и унылый, к краце мощей Твоих припадая, молюся тебе усердно: даждь ми руку помощи, воздвигни мя молитвами твоими из глубины греховных, се бо волнами страстей плотских и уныния, и иными тьмочисленными житейскими треволнениями обуревающимися и погибаю. Буди убо мне, многогрешному, теплый ко Христу предстатель и молитвенник, да и аз, от потопления греховного избавлен, ко пристанищу непорочного жития благодатию Христовою достигну, и чистым житием прославлю Спасителя моего, кровию Свою мене искупившаго: и тако житие скончав, получу живот вечный во Царствии Небесном, идже славится пречестное и великолепное имя Отца и Сына и Святаго Духа, ныне и присно и во веки веков. Аминь.

## Преподобной Марии Египетской

### Тропарь, глас 8-й:

В тебе, мати, известно спасеся еже по образу: приими бо крест, последовала еси Христу, и деющи учила еси презирати убо плоть, преходит бо, прилежати же о души, вещи безсмертней. Темже и со ангелы срадуется, преподобная Марие, дух твой.

### Кондак, глас 4-й:

Греха мглы избежавши, покаяния светом озаривши твое сердце, славная, пришла еси ко Христу, Сего всенепорочную и святую Матерь, молитвеннице милостивую принесла еси. Отонудже и прегрешений обрела еси оставление, и со ангелы присно срадуешься.

### Молитва:

Услыши недостойную молитву нас, грешных (*имена*), избави нас, преподобная мати, от страстей, воюющих на души наша, от всякия печали и находящия напасти, от внезапныя смерти и от всякого зла, в час же разлучения души и тела отжени, святая угодница, всякую лукавую мысль и лукавые бесы, яко да приемет души наша с миром в место светло Христос Господь Бог наш, яко от него очищение грехов, и Той есть спасение душ наших, Ему же подобает всякая слава, честь; и поклонение со Отцем и Святым Духом во веки веков. Аминь.

## Мученице Фомаиде Египетской

### Тропарь, глас 4-й:

Агница Твоя, Иисусе, Фомаида, зовет велиим гласом: Тебе, Женише мой, люблю, и Тебе ищущи страдальчествую и сраспинаюсь, и спогребаюся Крещению Твоему, и стражду Тебе ради, яко да царствую в Тебе, и умираю за Тя, да и живу с Тобою; но яко жертву непорочную приими мя, с любовию пожершуюся Тебе. Тоя молитвами, яко Милостив, спаси души наша.

### Кондак, глас 2-й:

Храм твой всечестный яко цельбу душевную обретше, вси вернии велегласно во-пием ти: дево мученице, Фомаидо великоименитая, Христа Бога моли непрестанно о всех нас.

### Молитва:

О, всехвальная мученице Фомаидо! За чистоту супружества даже до крове под-визавшия и целомудрия ради душу свою положивши, достойна пред Господем обрелася еси, во еже в лице преподобных дев почтенней тебе быти. Услыши нас молящихся тебе, и якоже древле боримии от плоти целительницу тя имеяху, по дарованной тебе от Бога благодати, сице и ныне прибегающим ко представительству твоему подаждь отраду и свобождение от плотских браны, и целомудренное жи-тие и незазорное в супружестве и девстве пребывание твоими богоприятными молитвами всем исходатайствовать потщися, яко да телеса наша храм живущаго в

нас Святаго Духа будут. О, преизбранная в женах и верная рабо Христова! Помози нам, да не погибнем со страстью и похотьми нашими, но да управимся умом нашим и укрепимся сердцем нашим во всяком благочестии и чистоте, славяще твою помошь и представительство, благодать же и милость Триединачаго Бога, Отца и Сына и Святаго Духа, во веки веков. Аминь.





# В душевной болезни

## Святой праведной Иулиании Ольшанской

### Тропарь:

Яко непорочная невеста Нетленного Жениха Христа, праведная дева Иулиание, со светлою свещею добрых дел вошла еси в чертог Его Небесный и тамо со святыми блаженства вечного наслаждаешися. Тем же моли, Его же возлюбила еси и Ему же девство твое обручила еси, спастися душам нашим.

### Молитва:

О, святая праведная дева Иулиание, княжно Ольшанская, помощнице всем жаждущим спасения исцеления от болезней душ и телес! О, святая агнице Божие, яко имея дар мнози болезни целити и от всех козней врагов ограждати, исцели убо наша страсти душевныя и облегчи тяжкия болезни телесныя, отраду в скорбех даруй и избави нас от всяких бед и напастей. Призри на вся предстоящия честным твоим мощем (иконе) просящим твою помощи сердцем сокрушенным и духом смиренным, да принесем во всем житии нашем плоды духовныя: любовь, благость, милосердие, веру, кротость, воздержание, да сподобимся жизни вечных и да любовию твою ограждаеми, поем прославльшему тя Господу Иисусу Христу. Ему же подобает всякая слава и честь со Безначальным Его Отцем и Пресвятым Животворящим Его Духом, ныне и присно, и во веки веков. Аминь.





# Об укреплении в перенесении поста

**Великомученику Феодору Тирону**

**Тропарь, глас 2-й:**

Велия веры исправления, во источнице пламене, яко на воде упокоения, святый мученик Феодор радовашеся: огнем бо всесожегся, яко хлеб сладкий Троице принесеся. Того молитвами, Христе Боже, спаси души наша.

**Кондак, глас 8-й:**

Веру Христову, яко щит, внутрь приим в сердце твоем, противныя силы по-прал еси, многострадальче, и венцем Небесным венчался еси вечно, Феодоре, яко непобедимый.

**Стихира на стиховне, глас 2-й:**

Божественных даров тезоименита тя, треблаженне, почитаю, Феодоре: света бо Божественного незаходимое светило явлься, просветил еси страданьми твоими всю тварь, и огня крепчайший явився, пламень угасил еси, и льстиваго змия главу сокрушил еси. Темже во страданиях твоих Христос приклонився, венча Божественную главу твою, великомучениче страдальче. Яко имея дерзновение к Богу, прилежно молися о душах наших.

**Молитва:**

Святый великомучениче Феодоре! Призри с небеснаго чертога на требующих твоего помоши и не отвергни прошений наших, но, яко присный благодетель и ходатай наш, моли Христа Бога, да, человеколюбив и многомилостив сый, сохранит нас от всякаго лютаго обстояния: от труса, потопа, огня, меча, нашествия иноплеменников и междуусобныя браны. Да не осудит нас грешных по беззаконием нашим, и да не во зло обратим благая, даруемая нам от Всесредраго Бога, но во славу святаго имени Его и в прославление крепкаго твоего заступления. Да молитвами твоими даст нам Господь мир помыслов, воздержание от пагубных страстей и от всякия скверны и да укрепит во всем мире Свою Едину Святую, Соборную и Апостольскую Церковь, юже стяжал есть честною Свою Кровию. Молися прилежно, святий мучениче, да благословит Христос Бог державу, да утвердит во святей Своей Православней Церкви живый дух правыя веры и благочестия, да все члены ея, чистии от суемудрия и суеверия, духом и истину покланяются Ему и усердно пекутся о соблюдении Его заповедей, да мы все в мире и благочестии поживем в настоящем веце и достигнем блаженныя вечныя жизни на небеси, благодатию Господа нашего

Иисуса Христа, Ему же подобает всякая слава, честь и держава со Отцем и Святым Духом, ныне и присно и во веки веков. Аминь.





# Об избавлении от мыслей о самоубийстве

Пресвятой Богородице перед Ее иконой «Страстная»



## Тропарь, глас 4-й:

Днесъ возсия неизреченно царствующему граду нашему Москве икона Богоматере, и, яко светозарнымъ солнцемъ, пришествиемъ тоя озаряся весь миръ, Небесныя Силы и души праведныхъ мысленно торжествуютъ, радующеся, мы же, на ню взирающе, къ Богородице со слезами вопиемъ: о Всемилостивая Госпоже, Владычице Богородице, молися изъ Тебѣ въплоченному Христу, Богу нашему, да подастъ миръ и здравіе всемъ христианомъ по велицей и неизреченной Своей милости.

## Кондак, глас 3-й:

Благодать прияхомъ нетленния, еже даровала еси намъ, спасительного Твоего целенія чудотворнымъ Твоимъ честнымъ, Богородице Дево, темже вопиемъ Ти и съ радостью зовемъ, Госпоже

Царице, молимъ Ти ся умильно, грешніи, со слезами глаголюще: о Пресвятая Владычице, скорое намъ яви заступление и помошь, спаси ны отъ супостат нашихъ и отъ всякия скорби соблюди, землю нашу миромъ огради, и вся люди Твоя покрый, и соблюди на Тя уповающія, потщицся избавити, да не погибнемъ зле, раби Твои, но да зовемъ Ти: радуйся, Невесто Неневестная.

## Молитва:

О, Пресвятая Госпоже Владычице Богородице, высши еси всѣхъ Ангелъ и Архангелъ и всѣя твари честнейши. Помощница еси обидимыхъ, ненадеющихъся надѣніе, убогихъ Заступница, печальныхъ утешение, алчущихъ Кормительница, нагихъ одѣяніе, больныхъ исцеленіе, грешныхъ спасеніе, христианъ всѣхъ поможеніе и заступление.

О, Всемилостивая Госпоже, Дево Богородице, Владычице, милостию Твою спаси и помилуй раба Твоихъ, Великого Господина и отца нашего Святейшаго Патриарха (имя), и преосвященныя митрополиты, архиепископы и епископы, и весь священнический и иноческий чинъ, богохранимую страну нашу, военачальники, градонаачальники и христолюбивое воинство и доброхоты, и вся православныя

христианы ризою Твою честною защити, и умоли, Госпоже, из Тебе без Семене воплотившагося Христа Бога нашего, да препояшет нас силою Свою свыше на невидимыя и видимыя враги наша.

О, Всемилостивая Госпоже Владычице Богородице, воздвигни нас из глубины греховныя и избави нас от глада, губительства, от труса и потопа, от огня и меча, от нахождения иноплеменных и междуусобныя брани, и от напрасныя смерти, и от нападения вражия, и от тлетворных ветр, и от смертоносныя язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя, еже ко спасению, и сподоби ны, грешныя рабы Твоя, Царствия Сына Твоего, Христа Бога нашего, яко держава Его благословена и препрославлена, со Безначальным Его Отцем и с Пресвятым Благим и Животворящим Его Духом, ныне и присно и во веки веков. Аминь.

---





# **О возвращении Церкви отпавших от нее по навету диавольскому**

**Преподобному Симеону Столпнику**

**Тропарь, глас 1-й:**

Терпения столп был еси, ревновавый праотцем, преподобне, Иову во страстех, Иосифу во искушениих, и безплотных жительству, сый в телеси, Симеоне отче наш, моли Христа Бога спасися душам нашим.

**Кондак, глас 2-й:**

Вышних ищай, нижним совокупляйся, и колесницу огненную столп соделавый: тем собеседник ангелом был еси, преподобне, с ними Христу Богу моляся непрестанно о всех нас.

**Седален, глас 8-й:**

Крест Господень взем мудре, и Тому до конца последовав, умом не возвратился еси в мир, богомудре: воздержанием и труды страсти умертвив, и храм уготовил себе Господу Твоему. Темже и дарований возмездия приял еси, исцеляти недужныя, и духи отгоняти, Симеоне преподобнейший, моли Христа Бога грехов оставление подати празднующим любовию святую память твою.

**Молитва:**

Преподобне отче Симеоне! Воззри на нас милостиво и к земли приверженных возвели к высоте небесней. Ты горе на небеси, мы на земли низу, удалены от тебе, не толико местом, елико грехми своими и беззаконии, но к тебе прибегаем и взыываем: настави нас ходити путем твоим, вразуми и руководствуй. Вся твоя святая жизнь бысть зерцалом всякия добродетели. Не престани, угодниче Божий, о нас вопия ко Господу. Испроси представительством своим у Всемилостиваго Бога нашего мир Церкви Его, под знамением креста воинствующей, согласие в вере и единомудрие, суемудрия же и расколов истребление, утверждение во благих делех, больным исцеление, печальным утешение, обиженным заступление, бедствующим помощь. Не посрами нас, к тебе с верою притекающих. Вси православнии христиане, твоими чудесы исполненнии и милостями облагодетельствованнии, исповедуют тя быти своего покровителя и заступника. Яви древния милости твоя, и ихже отцем всепомоществовал еси, не отрини и нас, чад их, стопами их к тебе

шествующих. Предстояще всечестней иконе твоей, яко тебе живу сущу, припадаем и молимся: приеми моления наша и вознеси их на жертвенник благоутробия Божия, да примем тобою благодать и благовременную в нуждех наших помошь. Укрепи наше малодушие и утверди нас в вере, да несомненно уповаєм получити вся благая от благосердия Владыки молитвами твоими. О, превеликий угодниче Божий! Всем нам, с верою притекающим к тебе, помози представительством твоим ко Господу, и всех нас управи в мире и покаянии скончати живот наш и преселился со упнованием в блаженныя недра Авраамова, идеже ты радостно во трудех и подвизех ныне почиваеши, прославляя со всеми святыми Бога, в Троице славимаго, Отца и Сына и Святаго Духа, ныне и присно и во веки веков. Аминь.

---





## **Молитвы святым об исцелении от беснования**

### **Преподобному Савве Крыпецкому, чудотворцу**

#### **Тропарь, глас 8-й:**

В тебе, отче, известно спасеся еже по образу: приим бо Крест последовал еси Христу, и дея учил еси презирати убо плоть, преходит бо, прилежати же о души, вещи бессмертней. Темже и со ангелы срадуется, преподобне Савве, дух твой.

#### **Тропарь иной, глас 8-й:**

Пустыни явился еси добroe насаждение, преподобне, от юности бо и в мире изволил еси чистое житие; ревнуя же большему, и дом отеческий оставил еси, и, вся красная мири сего презрев, от чуждых стран пришел еси во обители Богоспасаемаго града Пскова, и послушанию преподобнаго Евфросина предался еси; также простирался умом еще к вящшему, вселился еси в пустыню, в нейже обитель пречестну воздвигл еси, и множество инок собрал еси, и их наставил еси на путь истинный. Темже и Христос, Ему же в жертву себе принесл еси, видев твоя благия труды, яко пресветла тя светильника, и по представлении чудесы обогати, Савво, отче наш. Молися убо присно Ему о стране нашей, еже дароватися ей на враги победам, стаду же твоему от враг ненаветну пребыти, и всем нам спастися.

#### **Кондак, глас 2-й:**

Чистотою душевною Божественне вооружився, и непрестанныя молитвы яко копие вручив крепко, пробол еси бесовская ополчения, Савве, отче наш, моли непрестанно о всех нас.

#### **Молитва:**

Преподобне отче Савво, пустынnyй подвижничe, в телеси ангеле, воине Христов доблественне, веры правило, церкве утверждение, благочестия образе, добродетелей светило, трудов, поста, воздержания, чистоты и целомудрия предводителю, помощничe всем нуждающимся, странствующим вождю, плавающим кормчию, обуреваемым пристанище, ослабевающим помоще, обидимым заступление, печальным утешение, вдовицам и сирым покрове, алчущим питание, нагим одеяние, плачущим утешение, болящим исцеление, ненадеющимся надеяние, христиан всех ходатайство и защищение; призри милостивно на ны, припадающая к святым мощем твоим, внемли молитвам нашим и подаждь коемуждо от нас благопотребная, просимая от тебе. Вемы, святче Божий, яко имаше дерзновение ко Владыце Христу Богу, и елика аще воспросиши у Него дастся нам. Аще же и недостойни есмы

благодати Его, обаче твоя молитва да сотворит ны ея достойны, много бо может прилежная молитва праведного якоже рече апостол. Сам убо ты воздвигни нас из глубины греховныя, неверныя просвети, еретики обрати, заблуждшия в нас от православия к познанию истинныя веры настави, всей же Церкви исходатайствуй мир и святыню, единомыслие в вере, умов благопостояние, соревнование в благочестии, единодушие в братолюбии, верность к Отечеству, родителем благопопечение о чадех, чадом же страх и послушание, девствующим чистоту и целомудрие, брачным же верность и непорочность ложа, всем же грешным покаяние, кающимся прощение, в злоключениях же терпение и упование, в надежде же спасение даруй. Избави же всех нас от глада, губительства, от труса и потопа, от огня и меча, от нахождения иноплеменных и междуусобных брань, и от нападения вражия, и от тлетворных ветр, и от смертоносных язв, и от напрасные смерти, и от всякаго зла, да тако вси тобою просвещаеми, наставляеми, утешаеми, утверждаеми и сохраняеми, славим прославившаго тя Бога, Отца и Сына и Святаго Духа и твоє предстательство, всегда, ныне и присно и во веки веков. Аминь.

## **Святителю Феодосию, архиепископу Углицкому и Черниговскому**

### **Тропарь, глас 4-й:**

Преудобрен во архиереях, святителю Феодосие, был еси светило своему стаду, также преставился еси в вечные обители. Умоли у Престола Царя славы избавитися нам от находящих на ны зол и спастися душам нашим, святе, молитвами твоими.

### **Кондак, глас 4-й:**

Пастыреи Начальнику Христу трудился еси, святителю Феодосие, на пажити духовней питая словесныя твоя овцы, и принял еси от Христа Спаса целебен дар целити от немощи душевныя и телесныя всякого с верою к тебе приходящаго к целебным твоим мощем. Моли, святе, о призывающих имя твое, от наветов вражиих спастися душам нашим.

### **Молитва:**

Пастырю добрый стада Христова, святителю отче наш Феодосие! Припадающе ко святым иконе твоей, молим тя с верою и любовию: буди нам помощник и покровитель в житии сем земном многоскорбнем и многомятежнем, руководствуя нас невидимо к верному исполнению заповедей Христовых и стяжанию добродетелей Евангельских, нужных ко спасению душевному нашему. Буди заступник и охранитель Отечеству нашему, граду твоему, в немже святыми мощами твоими почивати благоизволил еси, и всем нам к тебе усердно притекающим и тя на помощь призывающим, ограждая нас покровом молитв твоих от всяких бед и скорбей и болезней, и даря нам вся, яже на пользу душ и телес наших. Ей чудотворче святый и милостивый! Веруем несомненно, яко вся сия можеши нам испросити у великодаровитаго Бога нашего и яко можно есть предстательство твое пред лицем Его. Сего ради просим тя: умоли Его благость за ны грешныя и недостойныя, и подаждь нам твое

святое архипастырское благословление, да оным осеняеми, тихое и богоугодное житие поживем, благую христианскую кончину получить сподобимся и вкупе ц тобою Царствие Небесное наследуем, славяще великое милосердие Отца и Сына и Святаго Духа, в Троице славимаго и покланяемого Бога, и твоє святое заступление, во веки веков. Аминь.

## **Мученику Трифону**

### **Тропарь, глас 8-й:**

Мученик Твой, Господи, Трифон во страдании своем венец прият нетленный от Тебе, Бога нашего: имеай бо крепость Твою, мучителей низложи, сокруши и демонов немощныя дерзости. Того молитвами спаси души наша.

### **Кондак, глас 8-й:**

Троицескою твердостию многобожие разрушил еси от конец, всеславне, честен во Христе быв, и, победив мучители во Христе Спасителе, венец приял еси мученичества твоего и дарования Божественных исцелений, яко непобедим.

### **Молитва:**

О, святый мучениче Христов Трифоне, скорый помощниче всем, к тебе прибегающим, и молящимся пред святым твоим образом, скоропослушный представителю! Услыши убо ныне и на всякий час моление нас, недостойных рабов твоих, почитающих святую память твою, и представельствуй о нас пред Господем на всяком месте, ты бо, угодниче Христов, святый мучениче и чудотворче Трифоне, в великих чудесех возсиявый, прежде исхода твоего от жития сего тленного молился еси ко Господу и испросил у Него дар сей: аще кто в коеи-либо нужде, беде, печали и болезни душевней или телесней призывати начнет святое имя твое, той да избавлен будет от всякаго прилога злого, и яко же ты иногда дщерь цареву, во граде Риме от диавола мучиму, исцелил еси, сице и нас от лютых его козней сохрани во вся дни живота нашего, наипаче же в день страшный последняго нашего изздыхания представельствуй о нас, буди нам тогда помощник, и скорый прогонитель лукавых духов, и к Царствуию Небесному предводитель, идеже ты ныне предстоиши с лики святых у Престола Божия, моли Господа, да сподобит и нас причастниками быти присносущнаго веселия и радости, да с тобою купно удостоимся славити Отца и Сына и Святаго Утешителя Духа во веки веков. Аминь.

## **Преподобному Иринарху Ростовскому**

### **Тропарь, глас 4-й:**

Яко мученика добропроизвольна и преподобных удобрение, звезду Ростовскую, в затворе, узах и веригах Господеви благоугодившаго и чудес благодать от Него приемшаго, Иринарха предивнаго песнами хвалебными почтим и, к нему припа-

дающе, умильно глаголем: отче преподобне, моли Христа Бога спастися душам нашим.

**Кондак, глас 2-й:**

Волнений множество жестоким житием преходя, изгнания, затвор и узы железныя претерпел еси мужески, Иринарше терпеливодушне, нам оставль образ злострадания и терпения твоего, озаряя чудес блистаньми с верою приходящих к честному гробу твоему, у негоже, яко почесть победную, вериги твоя тяжкия видим, от нихже подаеши исцеления недужным. Сего ради зовем ти: радуйся, Иринарше, отче предивный.

**Молитва:**

Преподобный Иринарх, великий в подвигах! Много обид от иноков монастыря, в котором ты жил, и преломление руки ты претерпел. Часто будучи изгоняем, все это кротко и любовно переносил ты Бога ради. В затворе, приковав себя цепями и обложив веригами, много лет пребыл ты, досточудный, и трудом рук твоих заработанные деньги ты раздавал нищим. Христу сраспяввшись, изнуриял ты тело свое, дух же укрепил и очистил, и власть против бесов от Бога принял и дар врачевать бесноватых. Поэтому, припадая к тебе, с верою и надеждою молим тебя, святый угодник Божий: прогони духов зла из людей, наказуя бесов, дерзнувших войти в создания Божии. Умилосердись, Иринарх проподобный, над несчастными и безумными, и исцели их, чтобы выздоровев, в добродетели течение жизни своей совершили, прославляя дивного во святых Своих милостивого Бога, теперь и всегда, и во веки веков. Аминь.

## **Святителю Иоанну Новгородскому**

**Тропарь, глас 8-й:**

Днесь светло красуется славнейший великий Новаград, имея мощи твоя в себе, святителю Иоанне, яко солнечныя лучи испущающие, и подающие исцеления притекающим с верою к раце мощей твоих: молися Христу Богу, избавити град сей невредим от варварского пленения, и междуусобныя браны, и огненного запаления, святителю богомудре и чудоносче, небесный человече и земный ангеле: да сошедшися любвию в память твою, светло празднуем, в песнях и пениях радующиеся и Христа славяще, тебе таковую благодать даровавшаго исцелений, и Великому Новуграду заступление и утверждение.

**Кондак, глас 4-й:**

Возвеселися явленно Честная Церковь Христова, в память днесь приснословующаго святителя Иоанна, от великаго Новаграда возсиявшаго: и всю страну удивившаго преславными чудодеяниями, всеми добродетельми украсившагося. И по представлении бо честное тело его обретеся нетленно, источающее велия чудеса. Темже зовем ему: о, всеблаженне! Моли Христа Бога непрестанно о всех нас.

**Славник на стиховне, глас 6-й:**

Чистое житие твое похваляем, пречестнейший Иоанне блаженне: сосуд избранный Божий, муж желаний духовных, и Духа Святаго был еси обиталище: духи же нечистыя поправ, и сих без вести сотворил еси. И по представлении твоем к Богу, яко жив являяся, и о полезных наказуя. И ныне предстоя Святей Троице молися, мир миру даровати, и душам нашим велию милость.

**Молитва:**

О, пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Иоанне, предстоя у Престола всех Царя и наслаждаясь света Единосущныя Троицы и херувимски со ангелы возглашаша песнь трисвятую, великое же и неизследованное дерзновение имея ко Всемилостивому Владыце, моли спастися паствы Христовы людем, благостояние святых церквей утверди, архиереи благолепием святительства украси, монашествующия к подвигом доброго течения укрепи, царствующий град и вся грады страны добре сохрани и веру святую непорочну соблюсти умоляли, мир весь предстательством твоим умири, от глада и пагубы избави ны, и от нападения иноплеменных сохрани, старыя утеши, юныя настави, безумныя умудри, вдовицы помилуй, сироты заступи, младенцы возрасти, пленинныя возврати, немоществующия исцели, и везде тепле призывающия тя и с верою припадающия и молящияся тебе от всяких напастей и бед ходатайством твоим свободи, моли о нас Всесвятого и Человеколюбиваго Христа Бога нашего, да и в день страшного пришествия Его от шуяго стояния избавит нас и радости святых причастники сотворит со всеми святыми во веки веков. Аминь.

**Преподобному Макарию Великому, Египетскому****Тропарь, глас 1-й:**

Пустынный житель, и во плоти Ангел, и чудотворец явился еси, Богоносне отче наш Макарие: постом, бдением, молитвою Небесныя дарования приим, исцеляеши недужныя и души верою приходящих ти. Слава Давшему тебе крепость, слава Венчавшему тя, слава Действующему тобою всем исцеления.

**Кондак, глас 1-й:**

Блаженную жизнь скончав в житии с мученическими лики, в земли кротких достойно водворишися, богоносне Макарие, и пустыню, якоже град, населив, благодать принял еси от Бога чудес, темже тя почитаем.

**Молитва:**

О, преподобне отче Макарие! Молим тя мы, недостойные, испроси предстательством твоим у Всемилостиваго Бога нашего нам здравие душевное и телесное, тихое и богоугодное житие и добрый ответ на Страшнем Суде Христове. Угаси молитвами твоими разжжены стрелы диавольских, да не прекоснется нам злоба греховная, да благочестно скончавше временное житие, сподобимся наследовать

Царствие Небесное и купно с тобою славити Отца и Сына и Святаго Духа во веки веков. Аминь.






## При зависти ближнему

### При зависти ближнему и сетовании о своих неудачах

О Ты, преблагий, прещедрый, Господи Иисусе Христе! Всякое благо приходит от Тебя и чрез Тебя, из сокровища Твоего вечного непреходящего богатства; Ты уделяешь каждому свое по воле Твоей. Не допусти мне чрез вредоносную зависть сравняться с диаволом. Излей в сердце мое Твою благость, Твою любовь, Твою верность, чтобы я сердечно радовался дарам Твоим, которые Ты из щедрой благости разделяешь между нами, и Твоему милосердию над нами; чтобы мы не отягощали бы друг друга завистью, ложью, хулою и клеветою, но чтобы мы все, Тобою нам данное, употребляли к хвале, чести и славе Твоей, познавали Тебя в Твоих благодеяниях и хвалили, чтили и прославляли во всю вечность.





## **МОЛИТВЫ ПРИ НАПАДЕНИИ НЕЧИСТОЙ СИЛЫ ТВОРИМЫЕ**



# **О прогнании лукавых духов от людей и животных, против вреда со стороны экстрасенсов, магов и т.д. и злых людей**

**Преподобной Марии Египетской**

*(читаются только по благословению духовника)*

**Тропарь, глас 8-й:**

В тебе, мати, известно спасеся еже по образу: приемши бо Крест, последовала еси Христу, и деющи учила еси презирати убо плоть, преходит бо, прилежати же о души, вещи бессмертней. Темже и со ангелы срадуется, преподобная Марие, дух твой.

**Кондак, глас 4-й:**

Греха мглы избежавши, покаяния светом озаривши твое сердце, славная, пришла еси ко Христу, Сего Всенепорочную и святую Матерь, Молитвенницу милостивую принесла еси. Отонудже и прегрешений обрела еси оставление, и со ангелы присно срадуешися.

**Молитва:**

О великая Христова угодница, преподобная мати Марие! Услыши недостойную молитву нас, грешных (*имена*), избави нас, преподобная мати, от страстей, воюющих на души наша, от всякия печали и находящия напасти, от внезапныя смерти и от всякаго зла, в час же разлучения души от тела отжени, святая угодница, всякую лукавую мысль и лукавые бесы, яко да приемет души наша с миром в место светло Христос Господь Бог наш, яко от Него очищение грехов, и Той есть спасение душ наших, Ему же подобает всякая слава, честь и поклонение, со Отцем и Святым Духом, ныне и присно и во веки веков.

*Об исцелении бесноватых и страждущих от нечистых духов молятся перед иконами Божией Матери Свенско-Печерской, Владимира-Оранской, Коневской и «Избавительницей».*

*Также читают акафисты: святому мученику Трифону, святителю Тихону Воронежскому, святому Архангелу Михаилу.*

## **Священномученику Киприану**

*(читаются только по благословению духовника)*

### **Тропарь, глас 4-й:**

И нравом причастник, и престолом наместник апостолом быв, деяние обрел еси, Богодухновенне, в видения восход: сего ради слово истины исправляя, и веры ради пострадал еси даже до крове, священномучениче Киприане, моли Христа Бога спастися душам нашим.

### **Кондак, глас 1-й:**

От художества волшебного обратився, богомудре, к познанию Божественному, показался еси миру врачу мудрейший, исцеления даря чествующим тя, Киприане со Иустиною: с неюже молися Человеколюбцу Владыце спасти души наша.

### **Икос:**

Целений твоих, святе, дарования мне низпослав, и недугующее мое сердце гноем греховным молитвами твоими исцели, яко да слово пения от скверных устен моих ныне принесу ти и воспою болезни твоя, яже показал еси, священномучениче, покаянием добрым и блаженным и Богу приближающимся. Того бодержан рукою, направился еси, яко по лествице, к Небесным, непрестанно моляся спасти души наша.

### **Молитва:**

О, святый угодниче Божий, священномучениче Киприане, скорый помощниче и молитвенниче о всех к тебе прибегающих. Приими от нас недостойных хваление наше, и испроси нам у Господа Бога в немощех укрепление, в болезнях исцеление, в печалех утешение и всем вся полезная в жизни нашей. Вознеси ко Господу благомощную твою молитву, да оградит нас от падений греховных наших, да научит нас истинному покаянию, да избавит нас от пленения диавольского и всякаго действия духов нечистых и избавит от обидящих нас. Буди нам крепкий поборник на все враги видимыя и невидимыя. Во искушениях подаждь нам терпение и в час кончины нашея яви нам заступление от истязателей на воздушных мытарствах наших. Да водимыя тобою достигнем Горячаго Иерусалима и сподобимся в Небеснем Царствии со всеми святыми славити и воспевати Пресвятое имя Отца и Сына и Святаго Духа во веки веков. Аминь.

## **Святым угодникам: Иоанну Крестителю, Иоанну Богослову, Николаю Чудотворцу, священномученику Харлампию, вмч. Георгию Победоносцу и другим святым**

*(читаются только по благословению духовника)*

О, великие Христовы угодницы и чудотворцы: святый Предтече и Крестителю Христов Иоанне, святый всехвальный апостоле и наперстниче Христов Иоанне,

святителю отче Николае, священномучениче Харлампие, великомуучениче Георгие Победоносче, отче Феодоре, пророче Божий Илие, святителю Никите, мучениче Иоанне Воине, великомуученице Варваро, великомуученице Екатерино, преподобный отче Антоние! Услышите нас, вам молящихся, раб Божиих (*имена*). Вы весте наши скорби и недуги, слышите вздохания множества к вам притекающих. Сего ради к вам яко скорым помощникам и теплым молитвенникам нашим зовем: не оставляйте нас (*имена*) вашим у Бога ходатайством. Мы присно заблуждаем от пути спасения, руководите нас, милостивые наставницы. Мы немощны есмы в вере, утвердите нас, правоверия учители. Мы зело убози сотворихомся добрых дел, обогатите нас, благосердия сокровища. Мы присно наветуем от враг видимых и невидимых и озлобляеми, помозите нам, беспомощных заступницы. Гнев праведный, движимый на ны за беззакония наша, отвратите от нас вашим ходатайством у престола Судии Бога, Ему же вы предстоите на небеси, святые праведницы. Услышите, молим вас, велиции Христовы угодницы, вас с верою призывающие и испросите молитвами вашими у Отца Небеснаго всем нам прощение грехов наших и от бед избавление. Вы бо помощницы, заступницы и молитвенницы, и о вас славу возсылаем Отцу и Сыну и Святому Духу, ныне и присно и во веки веков. Аминь.

## Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Творяй милостыни Господь, и судьбу всем обидимым. Сказа пути Своя Моисеови, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боявшихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко той позна создание наше, помяну, яко перстъ есмы. Человек, яко трава дние его, яко цвет сельный, тако оцветет, яко дух пройде в нем, и не будет, и не познает кому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильни крепостию, творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя. Господа.

## **Святому праведному Иоанну, Русскому Исповеднику**

(читаются только по благословению духовника)

### **Тропарь, глас 4-й:**

От земли пленения твоего воззвавый тя к Небесным селением, Господь соблюдает невредимо и цельноносно тело твое, праведне Иоанне, ты бо, в России ятый и во Асию проданный, посреде, агарянского злочестия благочестно пожил еси во мнозе терпении и, сеяв зде слезами, жнеши тамо неизглагаланною радостию. Темже моли Христа Бога спастися душам нашим.

### **Тропарь исповедникам, глас 8-й:**

Православия наставниче, благочестия учителю и чистоты, вселенныя светильниче, архиереев богодуховенное удобрение, Иоанне премудре, учеными твоими вся просветил еси, цевнице духовная. Моли Христа Бога, спастися душам нашым.

### **Кондак, глас 2-й:**

Насладився, богоумдре, воздержания, и желания плотская ты успил еси, явився верою возвещаемъ, и яко животадрево райское процвел еси, Иоанне отче священый.

### **Молитва:**

О, святый новоявленный угодниче Божий, Иоанне Русский! Подвигом добрым подвизаяся на земли, восприял еси на небесех венец правды, еже уготовал есть Господь всем любящим Его. Темже взирающе на святый твой образ, радуемся о преславнем скончании жительства твоего и чтем святую память твою. Ты же, предстояй Престолу Божию, приими моления наша, раб Божиих (*имена*), и ко Всемилостивому Богу принеси, о еже простити нам всякое прегрешение и помоши нам стати противу козней диавольских, да избавльшеся от скорбей, болезней, бед и напастей и всякаго зла, благочестно и праведно поживем в нынешнем веце и сподобимся предстательством твоим, аще и недостойни есмы, видети благая на земли живых, славяще Единаго во святых Своих славимаго Бога, Отца и Сына и Святаго Духа, ныне и во веки веков.

## **Псалом 90**

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятечна, плещма Своима осенит тя, и под криле Его надеешися: оружием обыдет тя истина Его. Не убоишися от страха нощнаго, от стрелы летящия во дни, от вещи во тме преходящия, от сряща, и беса полуденного. Падет от страны твоей тысяча, и тма одесную тебе, к тебе же не приближится, обаче очима твоими смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приближится телеси твоему, яко Ангелом Своим заповесть о тебе, сохранити

тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереси льва и змия. Яко на Мя упова, и избавлю и: покрью и, яко позна имя Мое. Воззовет ко Мне, и услышу его: с ним есмь в скорби, изму его, и прославлю его, долготою дней исполню его, и явлю ему спасение Мое.

## Преподобномуученику Корнилию Псково-Печерскому

(читаются только по благословению духовника)

### Тропарь, глас 6-й:

Псково-Печерская обитель, издревле славная чудесы иконы Богоматерни, мно-  
гия иноки Богови воспита, тамо и преподобный Корнилий подвигом добрым под-  
визася, чудную Богоматерь славя, иноверныя просвещая, иноки и многия люди  
спасая, обитель же свою дивно украшая и ограждая. Тамо и мученичества венец по  
многих летех пастырства своего доблестно прият. Темже воспоим, людие, Христа  
Бога и Пречистую Его Матерь возблагодарим, яко дарова нам преподобномученика  
славна и молитвенника о душах наших достоблаженна.

### Тропарь общий преподобномученику, глас 8-й:

В тебе, отче, известно спасеся, еже по образу: приим бо крест последовал еси  
Христу, и дея учил еси презирати убо плоть, преходит бо, прилежати же о души,  
вещи безсмертней. Темже и со ангелы срадуяся, преподобне Корнилие, дух твой.

### Кондак, глас 2:

Яко постника благочестна и искусна, и страдальца произволением честна, и пу-  
стыни жителя сообразна, в песнях достойно восхвалим Корнилия, приснохвальногого:  
той бо змия попрал есть.

### Молитва:

О святый преподобномучениче Корнилие! Милостиво призри на скорби наша  
душевныя и телесныя, и избаву нам подаждь; помози нам, рабам Божиим (*имена*),  
святче Божий, избавитися от навета злых человек, от нихже и сам ты невинно  
на земли пострадал еси; защити нас от насилия диавола, люте на нас воюющаго.  
Умоли Господа Бога и Пречистую Его Матерь даровати нам тихое и безгрешное  
житие, братскую нелицемерную любовь и мирную христианскую кончину, да чи-  
стою совестию предстанем нелицеприятному страшному судилищу Христову, и в  
Царствии Его прославим Животворящую Троицу, Отца и Сына и Святаго Духа, во  
веки веков. Аминь.

## Псалом 67

Да воскреснет Бог, и расточатся врази Его, и да бежат от лица Его ненавидящии  
Его. Яко исчезает дым, да исчезнут, яко тает воск от лица огня, тако да погибнут

грешницы от лица Божия, а праведницы да возвеселятся, да возрадуются пред Богом, да насладятся в веселии. Воспойте Богу, пойте имени Его, путесотоворите возшедшему на запады. Господь имя Ему, и радуйтесь пред Ним. Да смятутся от лица Его, Отца сирых и Судии вдовиц: Бог в месте святем Своем. Бог вселяет единомысленныя в дом, изводя окованныя мужеством, такожде преогорчевающыя живущыя во гробех. Боже, внегда исходити Тебе пред людьми Твоими, внегда мимоходити Тебе в пустыни, земля потрясeseя, ибо небеса кануша от лица Бога Синаина, от лица Бога Израилева. Дождь волен отлучиши, Боже, достоянию Твоему и изнеможе, Ты же совершил еси е. Животная Твоя живут на ней, уготовал еси благостию Твою нищему, Боже. Господь даст глагол благовестующым силою многою. Царь сил возлюбленного, красотою дому разделити корысти. Аще поспите посреде предел, криле голубине посребрене, и междорамия ея в блещании злата. Внегда разнствит Небесный цари на ней, оснежатся в Селмоне. Гора Божия, гора тучная, гора усыренная, гора тучная. Вскую непшуете горы усыренныя? Гора, юже благоволи Бог жити в ней, ибо Господь вселится до конца. Колесница Божия тмами тем, тысяща гобзующих, Господь в них в Синаи во святем. Возшел еси на высоту, пленил еси плен, приял еси даяния в человечех, ибо не покаряющыяся, еже вселится. Господь Бог благословен, благословен Господь день дне, поспешит нам Бог спасений наших. Бог наш, Бог еже спасати, и Господня, Господня исходища смертная. Обаче Бог сокрушит главы врагов Своих, верх влас преходящих в прегрешениях своих. Рече Господь: от Васана обращу, обраща во глубинах морских. Яко да омочится нога твоя в крови, язык пес твоих, от враг от него. Видена быша шествия Твоя, Боже, шествия Бога моего Царя, иже во святем, предвариша князи близ поющих, посреде дев тимпанниц. В церквах благословите Бога, Господа от источник Израилевых. Тамо Вениамин юнейший во ужасе, книзи Иудовы владыки их, князи Завулони, князи Неффалимли. Заповежь, Боже, силою Твою, укрепи, Боже, сие, еже соделал еси в нас. От храма Твоего во Иерусалим Тебе принесут царие дары. Запрети зверемтростным, сонм юнец в юницах людских, еже затворити искушенныя сребром, расточи языки хотящия бранем. Приидут молитвенницы от Египта, Ефиопия предварит руку свою к Богу. Царства земная, пойте Богу, воспойте Господеви, возшедшему на Небо небесе на востоки, се даст гласу Своему глас силы. Дадите славу Богови, на Израили велелепота Его, и сила Его на облаzech. Дивен Бог во святых Своих, Бог Израилев: Той даст силу и державу людем Своим, благословен Бог.

## **Священномученику Киприану и мученице Иустине**

(читаются только по благословению духовника)

### **Молитва:**

О свяtie священномучениче Киприане и мученице Иустине! Внемлите смиренному молению нашему. Аще бо временное житие ваше мученически за Христа скончали есте, но духом от нас не отступаете есте, присно по заповедем Господним

шествовать нас научающе и крест свой терпеливо нести нам пособствующе. Се, дерзновением ко Христу Богу и Пречистей Его Матери стяжали есте. Темже и ныне будите молитвенницы и ходатаи о нас недостойных (*имена*). Будите нам заступницы крепции, да заступлением вашим сохраняеми невредимы, от бесов, волхвов и от человек злых пребудем, славяще Святую Троицу, Отца и Сына и Святаго Духа, ныне и присно и во веки веков. Аминь.

## **Псалом 126**

Аще не Господь созиждет дом, всуе трудящихся зиждущии. Аще не Господь сохранит град, всуе бде стрегий. Всуе вам есть утреневати, востанете по седении, ядущии хлеб болезни, егда даст возлюбленным Своим сон. Се достояние Господне сынове, мзда плода чревняго. Яко стрелы в руце сильного, тако сынове оттрясеных. Блажен, иже исполнит желание свое от них. Не постыдятся, егда глаголют врагом своим во вратех.

*Также рекомендуется читать вечернюю молитву «Да воскреснет Бог ...» и целиком 4-ю кафизму, поминая на каждой «Славе...» имя страждущего.*





## От мысленных бесовских искушений

### Кратчайший образ избавления от хульных мыслей

*Аще приидет хульный помысл на Бога, читай: Верую во единаго Бога... до конца: и будет ли мощно, сотвори метаний, или поклонов что-либо по силе.*

*Аще приидет ли хульный помысл на Пречистыя Тайны Христовы, читай: Верую, Господи, и исповедую, яко Ты воистину Христос...до конца и сотвори поклонение.*

*Аще приидет хульный помысл на Пречистую Богородицу, читай каковую-либо молитву к Пречистой Богородице; или: Под Твое благоутробие...или: Богородице Дево, радуйся...или какий-либо тропарь Богородичен, с поклонами, глаголя: Пресвятая Богородице, спаси мя грешнаго!*

*Аще кий приидет хульный помысл на коего святаго, читай сие: Моли Бога о мне грешном, святый (имя), яко аз по Бозе к тебе прибегаю, скорому помощнику и молитвеннику о душах наших. И сотвори поклонов по силе, глаголя: Святый (имя), моли Бога о мне грешном.*

*Аще приидет хульный помысл на какую икону, сотвори пред тою иконою поклонов 15, или колико можеши, молящися тому, иже на той иконе изображен, и тако хульныя мысли ни во чможе вмениши Божию помоштию. Аминь.*

*Примечание: Слова, выделенные курсивом не являются частью молитв.*

### Преподобному Серафиму Саровскому

*(читаются только по благословению духовника)*

#### **Тропарь, глас 4-й:**

От юности Христа возлюбил еси, блаженне, и Тому Единому работати пламенне вожделев, непрестанною молитвою и трудом в пустыни подвизался еси, умиленным же сердцем любовь Христову стяжав, избранник возлюблен Божия Матери явился еси. Сего ради вопием ти: спасай нас молитвами твоими, Серафиме, преподобне отче наш.

#### **Кондак, глас 2-й:**

Мира красоту и яже в нем тленная оставив, преподобне, в Саровскую обитель вселился еси; и тамо ангельски пожив, многим путь был еси ко спасению. Сего ради и Христос тебе, отче Серафиме, прослави, и даром исцелений и чудес обогати. Темже вопием ти: радуйся, Серафиме, преподобне отче наш.

**Молитва:**

О, великий угодниче Божий, преподобне и Богоносне отче наш Серафиме! Призри от Горния славы на нас, смиренных и немощных, обремененных грехами многими, твоема помощи и утешения просящих. Приникни к нам благосердием твоим и помози нам заповеди Господни непорочно сохраняти, веру Православную крепко содержати, покаяние во грехах наших усердно Богу приносити, во благочестии христианством благодатно преуспевати и достойны быти твоего о нас молитвенного к Богу представительства. Ей, святче Божий, услыши нас, молящихся тебе с верою и любовию и не презри нас, требующих твоего заступления: ныне и в час кончины нашей помози нам и заступи нас молитвами твоими от злобых наветов диавольских, да не обладает нами тех сила, но да сподобимся помощью твоей наследовать блаженство обители райская. На тя бо упование наше ныне возлагаем, отче благосердный: буди нам воистинну ко спасению путевожь и приведи нас к невечернему свету жизни вечной Богоприятным представительством твоим у Престола Пресвятая Троицы, да славим и поем со всеми святыми достопокланяемое имя Отца и Сына и Святаго Духа во веки веков. Аминь.

---





# Во время брани плотской

## Иная молитва

(читаются только по благословению духовника)

Предложение твое, враже, на главу твою, Мати Божия, помози ми. (И читать много раз «Богородице Дево, радуйся».)

## Молитва (старца Макария Оптинского)

(читаются только по благословению духовника)

О, Мати Господа моего Творца, Ты корень девства и неувядаемый цвет чистоты. О, Богородительнице! Ты ми помози, немощному плотскою страстью о болезненну сущу, едино бо Твое, и с Тобою Твоего Сына и Бога имею заступление. Аминь.

## Правило от осквернения

(читаются только по благословению духовника)

Когда случится кому искуситися во сне по действу диаволю, востав от одра, творит поклоны, глаголя:

Боже, милостив буди мне грешному.

Затем начало обычное:

Царю Небесный, Трисвятое, по Отче наш: Господи помилуй. (12 раз). Слава, и ныне. Приидите, поклонимся... (Трижды) Помилуй мя, Боже...

И тропари, глас 7-й:

Пастырю добрый, душу Твою положивый о нас, сведый сокровенная, содеянная мною, Едине Блаже, упаси мя разумом заблуждшаго, и исхити мя от волка, Агнче Божий, и помилуй мя.

Отягчен сном уныния, помрачаюся прелестию греховною: но даруй ми утро покаяния, просвещая очи мысленные, Христе Боже, просвещение души моей, и спаси мя.

Мглою греховною и сласти житейскими сплетаем ум окаянныя души моей, страсти различные раждает, и в помысл умиления не приходит. Но ущедри, Спасе, смирение мое, и даждь ми помысл умиления, да и аз спасаем прежде конца воззову благоутробию Твоему: Господи Христе Спасе мой, отчаянного спаси мя и недостойного.

Яко впадый в разбойники, и уязвен, тако и аз впадох во многии грехи, и уязвена ми есть душа. К кому прибегну повинный аз: токмо к Тебе, милосердому душ Врачу: излей на мя, Боже, великую Твою милость.

Слава: Яко блудный сын придох и аз, Щедре: приеми мя, Отче, возвращающаяся, яко единаго от наемник Твоих, Боже, и помилуй мя.

И ныне: Богородичен. Избави, Богородице, от обдергах нас грехов: яко иного упования вернии не имамы, разве Тебе, и от Тебе рождшагося Господа.

Господи, помилуй (40 раз).

Затем 8 поклонов с молитвой:

Боже, милостив ми буди, и прости мя блуднаго за имя Твое Святое.

### **Молитва 1, святого Василия Великого**

Паки запят бых окаянный умом и лукавым обычаев, работая греху. Паки князь тьмы и страстных сладостей родитель, пленена мя сотвори, и якоже раба смиреннаго, того хотением, и желанием плотским работати принуждает мя. И что сотворю, Господи мой, и Избавителю, и Заступниче уповающим на Тя, аще не к Тебе паки возвращуся и постеню, и милости испрошу о содеянных мною; но боюся и трепещу, да не како всегда исповедаяся, и отступити злых обещаваяся, и на кийждо час согрешая: и не воздав молитвы моей Тебе Богу моему, долготерпение Твое воздвигну к негодованию. И кто стерпит гнева Твоего, Господи; ведый убо множество щедрот Твоих, и пучину человеколюбия Твоего, паки возверзаю себе на милость Твою, и взываю Ти: еже согреших, прости. Помилуй мя падшаго, даждь ми руку помощи, в тине сластей погруженному. Не остави, Господи, создание Твое растлится беззаконьми моими и грехи моими: но обычным Твоим милосердием и благостию принуждаем, избави от кала и скверны телесныя и страстных помышлений, оскверняющих всегда душу мою окаянную: се бо, Господи, якоже зриши, несть в ней места чиста, но вся проказися, и все тело объяят язва. Сам убо, Человеколюбче, врачу душ и телес и милости источниче, очисти ту слез моих течением, сих изливая на мя обильно: излей на мя человеколюбие Твое, и даждь ми исцеление и очищение, и исцели сокрушение мое, и не отврати лица Твоего от мене, да не якоже вещь, пояст мя отчаяния огнь: но якоже рекл еси, неложный Боже, яко велия радость бывает на небеси о едином грешнице кающемся, сие сотвори и на мне грешнем, и не затвори ушию благоутробия Твоего, в молитве покаяния моего; но отверзи их, и яко кадило исправи ту пред Тобою: веси бо немощъ естества Создателю, и удобь пополнование юности, и тяжесть тела, и презираеш грехи, и покаяние приемлеши призывающих Тя истину. Яко благословися и прославися пречестное и великолепное имя Твое, Отца и Сына и Святаго Духа, ныне и присно и во веки веков. Аминь.

### **Молитва 2, его же**

Многомилостиве, нетленне, нескверне, безгрешне Господи, очисти мя, непотребнаго раба Твоего, от всякия скверны плотския и душевныя, и от невнимания и уныния моего прибывшую ми нечистоту, со инеми всеми беззаконии моими, и яви мя нескверна, Владыко, за благость Христа Твоего, и освяти мя нашествием Пресвятаго Твоего Духа: яко да возбнув от мглы нечистых привидений диавольских,

и всякия скверны, сподоблюся чистою совестию отверсти скверная моя и нечистая уста, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

**Молитва 3**

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя посли, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

**Молитва 4, святого Иоанна Златоуста**

(24 молитвы, по числу часов дня и ночи)

Господи, не лиши мене небесных Твоих благ.

Господи, избави мя вечных мук.

Господи, умом ли или помышлением, словом или делом согреших, прости мя.

Господи, избави мя всякаго неведения и забвения, и малодушия, и окамененданаго нечувствия.

Господи, избави мя от всякаго искушения.

Господи, просвети мое сердце, еже помрачи лукавое похотение.

Господи, аз яко человек согреших, Ты же яко Бог щедр, помилуй мя, видя немощь души моей.

Господи, посли благодать Твою в помощь мне, да прославлю имя Твое святое.

Господи Иисусе Христе, напиши мя раба Твоего в книзе животней и даруй ми конец благий.

Господи, Боже мой, аще и ничтоже благо сотворих пред Тобою, но дажъ ми по благодати Твоей положити начало благое.

Господи, окропи в сердце моем росу благодати Твоей.

Господи небесе и земли, помяни мя грешнаго раба Твоего, студнаго и нечистаго, во Царствии Твоем. Аминь.

Господи, в покаянии приими мя.

Господи, не остави мене.

Господи, не введи мене в напасть.

Господи, дажъ ми мысль благу.

Господи, дажъ ми слезы и память смертную, и умиление.

Господи, дажъ ми помысл исповедания грехов моих.

Господи, дажъ ми смирение, целомудрие и послушание.

Господи, дажъ ми терпение, великодушие и кротость.

Господи, всели в мя корень благих, страх Твой в сердце мое.

Господи, сподоби мя любити Тя от всея души моей и помышления и творити во всем волю Твою.

Господи, покрый мя от человек некоторых, и бесов, и страстей, и от всякия иныя неподобныя вещи.

Господи, веси, яко творши, якоже Ты волиши, да будет воля Твоя и во мне грешнем, яко благословен еси во веки. Аминь.

**Молитва 5, ко Пресвятой Богородице**

К Тебе Пречистей Божией Матери аз окаянный припадая молюся: вesi, Царице, яко безпрестани согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеща: не ужели Господь поразит мя, и по часе паки таяжде творю; ведущи сия, Владычице моя Госпоже Богородице, молю, да помилуешь, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуду яже ненавижду, та и люблю, а благая преступаю. Не попущай, Пречистая, воли моей совершившия, не угодна бо есть, но да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Ему же подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно и во веки веков. Аминь.

Затем Честнейшую Херувим...

Слава, и ныне. Господи, помилуй (*трижды*).

Господи, благослови.

**И отпуст**

Господи Иисусе Христе, Боже наш, молитв ради Пречистыя Твоей Матере и всех святых, спаси мя грешного.

**Молитва от осквернения.**

Господи Боже наш, Едине Благий и Человеколюбче, Едине Святый и на святых почиваяй, иже верховному Твоему апостолу Петру явивый видением, ничтоже скверно, или нечисто мнети, от Тебе сотворенных на пищу и в наслаждение человеком, и сосудом Твоим избранным, апостолом Павлом вся чиста чистым заповедавый: Ты Сам Владыко Пресвятый призыванием страшного и пречистаго Твоего Имене, и знамением страшного и Животворящаго Креста, благослови и очисти мя раба твоего (*имя*) осквернившагося от всякого непрязненного духа, от всякаго мечтания и гада ядовитаго, от всякаго беззакония и от всякаго лести, от всякого потвора, и всякия язи, и от всякаго противнаго злодейства диавольского. И ныне недостойнаго мене раба Твоего (*имя*): сподоби по Твоему милосердию служити пречистым Твоим Таинам. И прежде очисти ми душу и тело от всякия скверны, и остави всякое прегрешение, вольное и невольное, еже согреших во вся дни живота моего, делом, словом и помышлением, во дни и в нощи, и до нынешняго часа. Идажь ми, Господи служение сие страшное небесных Чинов, и причастие Пречистых Твоих Таин, не в суд, ни во осуждение, но в прощение грехов, и в Духа Святаго пришествие, и живот присносущная радости, егоже уготовал еси истинным Твоим служебником. Сохрани мя, Владыко Всесильне, от всякаго греха и злобы, соблюди нескверна и непорочна от всякаго проказы противнаго диавола: и дажь ми, Господи, служити Тебе в преподобии и правде до последняго дне и часа и скончания моего: Ты бо еси благословляй и освящаяй всяческая, Христе

Боже наш, и Тебе славу возсылаем, со Безначальным Твоим Отцем, и с Пресвятым и Благим и Животворящим Твоим Духом, ныне и присно и во веки веков, аминь.





## Молитва для защиты от нечистой силы

(читаются только по благословению духовника)

Господи Иисусе Христе, Сыне Божий, огради мя святыми Твоими ангелы и молитвами Всепречистыя Владычицы нашей Богородицы и Приснодевы Марии, Силою Честного и Животворящего Креста, святого архистратига Божия Михаила и прочих Небесных сил безплотных; святого Пророка и Предтечи Крестителя Господня Иоанна; святого Апостола и Евангелиста Иоанна Богослова; священномученика Киприана и мученицы Иустины; святителя Николая архиепископа Мир Ликийских, чудотворца; святителя Льва епископа Катанского; святителя Иоасафа Белгородского; святителя Митрофана Воронежского; преподобного Сергия игумена Радонежского; преподобного Серафима Саровского, чудотворца; святых мучениц Веры, Надежды, Любви и матери их Софии; святых и праведных Богоотец Иоакима и Анны и всех святых Твоих, помоги мне, недостойному рабу твоему (*имя молящегося*), избави мя от всех навет вражиих, от всякаго колдовства, волшебства, чародейства и от лукавых человек, да не возмогут они причинить мне некоего зла. Господи, светом Твоего сияния сохрани мя на утро, на день, на вечер, на сон грядущий, и силою Благодати Твоей отврати и удали всякия злые нечестия, действуемые по наущению диавола. Яко Твое есть Царство и Сила, и Слава, Отца, и Сына, и Святаго Духа. Аминь.





## Небесным Силам

(читаются только по благословению духовника)

**Тропарь, глас 4-й:**

Небесных воинств Архистратизи, молим вас присно мы недостойнии, да вашиими молитвами оградите нас кровом крил невещественныя вашея славы; сохраняюще ны припадающая прилежно и вопиющая: от бед избавите ны, яко чиноначальницы вышних сил.

**Кондак, глас-2-й:**

Архистратизи Божии, служители Божественныя славы, ангелов начальницы, и человеков наставницы, полезное нам просите и велию милость, яко Безплотных Архистратизи.





## Молитвы задержания

(читаются только по благословению духовника)

(Из сборника молитв старца Пансофия Афонского, 1848 г.)

*Сила сих молитв в утаении от слуха и взора людского, в тайнодействовании ея.*

Яко неплодную смоковницу, на посецы мене, Спасе, грешнаго, но на многая лета пождание ми даруй, напаяя душу мою слезами покаяния, да плод принесу Ти, Многомилостиве.\*

### Молитва задержания

Милосердный Господи, Ты некогда устами служителя Моисея, Иисуса Навина, задерживал целый день движение Солнца и Луны, доколе народ Израильский мстил врагам своим.

Молитвой Елисея пророка некогда поразил сириян, задерживая их, и вновь исцелил их.

Ты некогда вещал пророку Исаии: вот, Я возвращу назад на десять ступеней солнечную тень, которая прошла по ступеням Ахазовым, и возвратилось солнце на десять ступеней по ступеням, по которым оно сходило.<sup>1</sup>

Ты некогда устами пророка Иезекииля затворил бездны, останавливал реки, задерживал воды.<sup>2</sup>

И Ты некогда постом и молитвою пророка Твоего Даниила заграждал уста львов во рву.<sup>3</sup>

И ныне задержи и замедли до благовремения все замыслы вокруг стоящих мя о моем перемещении, увольнении, смещении, изгнании.

Так и ныне, разруши злые хотения и требования всех осуждающих мя, загради уста и сердца всех клевещущих, злобствующих и рыкающих на мя, и всех хулящих и унижающих мя.

Так и ныне, наведи духовную слепоту на глаза всех восстающих на мя и на врагов моих.

Не Ты ли вещал апостолу Павлу: говори и не умолкай, ибо Я с тобою, и никто не сделает тебе зла.<sup>4</sup>

\* В понедельник утра на стиховне стихира покаянная, глас 7-й

<sup>1</sup>Ис. 38, 8

<sup>2</sup>Иез. 31, 15

<sup>3</sup>Евр. 11, 33

<sup>4</sup>Деян. 18, 10

Смягчи сердца всех противоборствующих благу и достоинству Церкви Христовой. Поэтому да не умолкнут уста Мои для обличения нечестивых и прославления праведных и всех дивных дел Твоих. И да исполнятся вся благая начинания наши и желания.

К вам, праведницы и молитвенницы Божии, наши дерзновенные представители, некогда силою своих молитв сдерживающие нашествие иноплеменников, подход ненавидящих, разрушившие злые замыслы людей, заграждавшие уста львов, ныне обращаюсь я с молитвою моей, с моим прошением.

И Ты, преподобный великий Елий Египетский, некогда оградивший в круге крестным знамением место поселения ученика своего, повелел ему вооружиться именем Господним и не бояться отныне демонских искушений.<sup>5</sup> Огради дом мой, в коем я живу, в круге молитв твоих и сохрани его от огненного запаления, воровского нападения и всякого зла и страхования.

И ты, преподобный отче Поплие Сирийский, некогда своею непрестанною молитвою десять дней демона державший неподвижным и не могущим идти ни днем, ни ночью<sup>6</sup>; ныне окрест келии моей и дома (моего) сего удержи за оградою его вся сопротивные силы и всех хулящих имя Божие и презирающих мя.

И Ты, преподобная девственница Пиама, некогда силою молитвы остановившая движение шедших погубить жителей той деревни, где жила, ныне приостанови все замыслы врагов моих, хотяющих изгнать мя из града сего и погубить мя: не допускай им приближатися к дому сему, останови их силою молитвы своей: «Господи, Судия Вселенной, Ты, которому неугодна всякая неправда, когда приидет к Тебе молитва сия, пусть Святая Сила остановит их на том месте, где постигнет их».<sup>7</sup>

И Ты, блаженный Лаврентий Калужский, моли Бога о мне, как имеющий дерзновение пред Господом представительствовать о страждущих от козней диавольских. Моли Бога о мне, да оградит Он мя от козней сатанинских.

И Ты, преподобный Василий Печерский, соверши свои молитвы запрещения над нападающими на меня и отжени все козни диавольские от мене.<sup>8</sup>

И вы, все святыи земли Российской, развейте силою молитв своих обо мне все бесовские чары, все диавольские замыслы и козни — досадити мне и погубити мя и достояние мое.

И Ты, великий и грозный страже, архистратиже Михаиле, огненным мечом посекай все хотения врага рода человеческого и всех приспешников его, хотяющих погубити мя. Стой нерушимо на страже дома сего, всех живущих в нем и всего достояния его.

И Ты, Владычице, не напрасно именуемая «Нерушимой стеной», буди для всех враждующих против меня и замышляющих пакостная творити мне, воистинну

<sup>5</sup>Лавсаик

<sup>6</sup>Древний Патерик, стр. 238-240

<sup>7</sup>Лавсаик

<sup>8</sup>Киево-Печерский Патерик

некоей преградой и нерушимой стеной, ограждающей мя от всякого зла и тяжких обстояний.





# Правило об избавлении от злых помыслов

(читаются только по благословению духовника)

Начало обычное: Царю Небесный, Трисвятое, по Отче наш: Господи помилуй.  
(12 раз) Приидите, поклонимся... (Трижды)

## Псалом 3

Господи, что ся умножиша стужающих мя? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу воззвах, и услыша мя от горы святыя Своея. Аз уснух, и спах, востах, яко Господь заступит мя. Не убоюся от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующая ми всуе: зубы грешников сокрушил еси. Господне есть спасение, и на людех Твоих благословение Твое.

## Молитва 1

Владыко Господи Боже мой, Егоже в руках жребий мой, заступи мя по милости Твоей, и не остави мя погибнуть со беззаконии моими, ниже воли последовать похотствующия плоти на дух. Создание Твое есмь, не презри дело руку Твою, не отвратися, ущедри, но не уничижи; не презри мя, Господи, яко немощен есмь, яко к Тебе прибегох, Покровителю моему Богу, исцели душу мою, яко согреших Тебе. Спаси мя ради милости Твоей, яко к Тебе привержен есмь от юности моей: да посрамятся ищащий отринуты от Тебе, деяными нечистыми, помышленными нелепыми, воспоминальными неполезными. Отгони от мене всякую скверну, злобы излишество: яко Ты еси Един Свят, Един Крепкий, Един Безсмертный, во всех имеяй могущество безприкладное, и Тобою дается всем, яже на диавола и его воинства, крепость.

Яко подобает Тебе всякая слава, честь и поклонение, Отцу и Сыну, и Святому Духу, ныне и присно, и во веки веков. Аминь.

## Молитва 2

Да обратится болезнь твоя на главу твою, и на верх твой хула твоя да снидет, лукавый бесе и нечистный: аз бо Господу Богу моему кланяся, и Того никогдаже похулю. Како бо ми возможно Сему досадити, или Его похулити, Егоже по вся дни и нощи и часы славословлю, и покланяся от вся души моей, и крепости и мысли моей; но убо славословие мое есть, хула же твоя еси: ты узриши, о нихже нань клевещеши, и яко отступник на Бога глаголеши.

**Молитва 3 ко Пресвятой Богородице**

Пресвятая Владычице моя Богородице, святыми Твоими и всесильными мольбами отжени от мене, окаянного раба Твоего, уныние, забвение, неразумие, нерадение, и вся скверная, лукавая и хульная помышления, от окаянного ми сердца, от помраченного ума моего, и погаси пламень страстей моих, яко нищ и окаянен есмъ, и избави мя от многих лютых воспоминаний и предприятий, и от всех действ злых свободи мя, яко благословенна еси от всех родов, и славится Пречестное имя Твое во веки. Аминь.

Честнейшую Херувим: Господи, помилуй. (*Трижды*) Господи, благослови, и отпусти.






## Об умягчении злых сердец и при зашите от напастей злых человек

(читаются только по благословению духовника)

### Тропарь:

Умягчи наша злая сердца. Богородице, и напасти ненавидящих нас угаси, и всякую тесноту души нашея разреши. На Твой бо святый образ взирающе, Твоим страданием и милосердием о нас умилляемся и раны Твоя лобызаем, стрел же наших, Тя терзающих, ужасаемся. Не даждь нам, Мати Благосердая, в жестокосердии нашем и от жестокосердия ближних погибнуть, Ты бо еси воистину злых сердец умягчение.





**Молитвы ангелам на каждый  
день недели**



## Молитва 1 (понедельник)

### Молитва 1 (понедельник). Архангелу Михаилу

Великий архистратиже Божий, Михаиле, победитель демонов, победи и сокруши всех врагов моих видимых и невидимых. И умоли Господа Вседержителя, да спасет и сохранит меня Господь от всех скорбей и от всякой болезни, от смертоносной язвы и от напрасной смерти, о, великий архангеле Михаиле, ныне и присно и во веки веков. Аминь.

### Молитва Архистратигу Михаилу



О святый Михаиле Архангеле, помилуй нас, грешных, требующих твоего заступления, сохрани нас, раб Божьих (имена), от всех видимых и невидимых враг, паче же подкрепи от ужаса смертного и от смущения диавольского и сподоби нас непостыдно предстatiи Создателю нашему в час страшного и праведного Суда Его. О всесвятый, великий Михаиле Архистратиже! Не презри нас, грешных, молящихся тебе о помощи и заступлении твоем в веце сем и в будущем, но сподоби нас тамо купно с тобою славити Отца и Сына и Святаго Духа во веки веков.





## Молитва 2 (вторник)

### Молитва 2 (вторник). Архангелу Гавриилу

О, святый великий архангеле Гаврииле, Божию Престолу предстояй и озарением от Божественного света осиянный, ведением же непостижимых тайн о превечней премудрости Его просвещенный! Всеусердно молю тя, настави мя к покаянию от злых дел и ко утверждению в вере моей, укрепи и огради душу мою от искушений прельстительных, и умоли Создателя нашего о отпущении грехов моих. О, святый великий Гаврииле архангеле! Не презри мене грешного, молящегося тебе о помощи и заступлении твоем в веце сем и в будущем, но присно помощник мне явися, да непрестанно славлю Отца и Сына и Святого Духа державу и твое представительство во веки веков. Аминь.

### Молитва (иная) Архангелу Гавриилу

О, святый архангеле Гаврииле! Всеусердно молим тя, настави нас, раб Божиих (имена), к покаянию от злых дел и ко утверждению в вере нашей, укрепи и огради души наша от искушений прельстительных и умоли создателя нашего о отпущении грехов наших. О, святый великий Гаврииле архангеле! Не презри нас грешных, молящихся тебе, в веце сем и будущем, но присно помощник нам явися, да непрестанно славим Отца и Сына и святаго Духа во веки веков.





## Молитва 3 (среда)

### Молитва (среда). Архангелу Рафаилу

О, великий архистратиже Божий Рафаиле! Ты еси путеводитель, врач и исцелитель, руководствуй меня ко спасению и исцели все болезни мои душевые и телесные, и приведи меня к Престолу Божию, и умоли Его благоутробие за грешную душу мою, да простит меня Господь и сохранит от всех врагов моих и от злых человек отныне и до века. Аминь.





## Молитва 4 (четверг)

### Молитва 4 (четверг). Архангелу Уриилу

О, великий архистратиже Божий Урииле! Ты еси сияние огня Божественного и просветитель помраченных грехами: просвети ум мой, сердце мое, волю мою силою Святого Духа и настави мя на путь покаяния и умоли Господа Бога, да избавит мя от ада преисподнего и от всех врагов моих видимых и невидимых, всегда ныне и присно и во веки веков. Аминь.





## Молитва 5 (пятница)

### Молитва 5 (пятница). Архангелу Селафиилу

О, великий архистратиже Божий Селафииле! Ты молиши Бога за людей верующих, умоли Его благоутробие за меня, грешную, да избавит меня Господь от всех бед и болезней и от напрасныя смерти и да сподобит меня Господь Царствия Небеснаго со всеми святыми во веки веков. Аминь.





## Молитва 6 (суббота)

### Молитва 6 (суббота). Архангелу Иегудиилу

О, великий архистратиже Божий Иегудииле! Ты еси ревностный защитник славы Божией. Ты возбуждаешь прославлять Святую Троицу, пробуди и меня ленивого, славить Отца и Сына и Святого Духа и умоли Господа Вседержителя да созиждет во мне сердце чисто, и дух прав да обновит во утробе моей, и духом Владычним да утвердит меня покланяющимся Богу духом и истиной Отцу и Сыну и Святому Духу, ныне и присно и во веки веков. Аминь.






## Молитва 7 (Воскресение)

### Молитва 7 (Воскресение). Архангелу Варахиилу

О, великий архистратиже Божий архангеле Варахииле! Предстоя Престолу Божию и оттоле принося благословение Божие в домы верных рабов Божиих, испроси у Господа Бога милосердия и благословения на домы наша, да благословит Господь Бог и нас от Сиона и от Горы Святыя Своей и умножит изобилие плодов земных и подаст нам здравие и спасение и во всем благое поспешение, на врагов победу и одоление и сохранит нас на многия лета, да единодушно славим Бога Отца и Сына и Святого Духа, ныне и присно и во веки веков. Аминь.





**МОЛИТВЫ ПЕРЕД ИКОНАМИ  
ПРЕСВЯТОЙ БОГОРОДИЦЫ**



# Богородичное правило



Богородице Дево, радуйся, Благодатная Марие, Господь с Тобою; благословена Ты в женах и благословен Плод чрева Твоего, яко спаса родила еси душ наших. (Читается ежедневно 150 раз).

Если по непривычке трудно будет одолевать ежедневно 150 раз, следует читать поначалу 50 раз. После каждого десятка надо читать по одному разу «Отче наш» и «Милосердия двери».

Ниже приводится схема, в которую вкладывал свои молитвы Приснодеве Марии владыка Серафим (Звездинский). Исполняя Богородичное правило, он молился за весь мир и охватывал этим правилом всю жизнь Царицы Небесной. После каждого десятка читаются дополнительные молитвы, например те, которые указаны далее:

## Первый десяток.

*Вспоминаем Рождество Пресвятой Богородицы. Молимся о материах, отцах и детях.*

О, Пресвятая Владычице Богородице, спаси и сохрани рабов Твоих (имена родителей и сродников), а умерших со святыми упокой в вечной славе Твоей.

## Второй десяток.

*Вспоминаем Введение во храм Пресвятой Девы Богородицы. Молимся о заблудших и отпавших от Церкви.*

О, пресвятая Владычице Богородице, спаси и сохрани и соедини (или присоедини) к Святой Православной Церкви заблудших и отпавших рабов Твоих (имена).

## Третий десяток.

*Вспоминаем Благовещение Пресвятой Богородицы. Молимся об утолении скорбей и утешении скорбящих.*

О, Пресвятая Владычице Богородице, утоли наши скорби и пошли утешение скорбящим и болящим рабам Твоим (имена).

## Четвертый десяток.

*Вспоминаем Встречу Пресвятой Богородицы с праведной Елисаветою. Молимся о соединении разлученных, у кого близкие или дети в разлуке или пропали без вести.*

О, Пресвятая Владычице Богородице, соедини в разлуке находящихся рабов Твоих (имена).

**Пятый десяток.**

*Вспоминаем Рождество Христово, молимся о возрождении душ, о новой жизни во Христе.*

О, Пресвятая Владычице Богородице, даруй мне, во Христа крестившемуся, во Христа облещися.

**Шестой десяток.**

*Вспоминаем Сретение Господне, и пророченное святым Симеоном слово: «И Тебе Самой оружие пройдет душу». Молимся, чтобы Матерь Божия встретила душу в час кончины и сподобила при последнем изыхании причаститься Святых Таин и провела бы душу через страшные мытарства.*

О, Пресвятая Владычице Богородице, сподоби меня при последнем изыхании причаститься Святых Таин Христовых и Сама проведи душу через страшные мытарства.

**Седьмой десяток.**

*Вспоминаем бегство в Египет Божией Матери с Богомладенцем, молимся, чтобы Царица Небесная помогла бы избежать искушений в этой жизни и избавила бы от напастей.*

О, Пресвятая Владычице Богородице, не введи меня во искушение в сей жизни и избави меня от всяких напастей.

**Восьмой десяток.**

*Вспоминаем исчезновение двенадцатилетнего отрока Иисуса в Иерусалиме и скорбь Божией Матери по поводу этого. Молимся, испрашивая у Богоматери постоянную Иисусову молитву.*

О, Пресвятая Владычице Богородице, Пречистая Дево Марие, даруй мне непрестанную Иисусову молитву.

**Девятый десяток.**

*Вспоминаем чудо в Кане Галилейской, когда Господь претворил воду в вино по слову Божией Матери: «Вина нет у них». Просим у Божией Матери помочи в делах и избавлении от нужды.*

О, Пресвятая Владычице Богородице, помоги мне во всех делах и избави меня от всяких нужд и печали.

**Десятый десяток.**

*Вспоминаем стояние Божией Матери у Креста Господня, когда скорбь, как оружие, пронзила Ее душу. Молимся Божией Матери о подкреплении душевных сил и об отгнании уныния.*

О, Пресвятая Владычице Богородице, Преблагословенная Дево Марие, укрепи мои силы душевые и отжени от меня уныние.

**Однинадцатый десяток.**

*Вспоминаем Воскресение Христово и молитvenno просим Божию Матерь воскресить душу и подать новую бодрость к подвигу.*

О, Пресвятая Владычице Богородице, воскреси душу мою и даруй мне постоянную готовность к подвигу.

**Двенадцатый десяток.**

*Вспоминаем Вознесение Христово, при котором присутствовала Матерь Божия. Молимся и просим Царицу Небесную вознести душу от земных суетных забав и направить на стремление к горнему.*

О, Пресвятая Владычице Богородице, избави меня от помышлений суетных и даруй мне ум и сердце, стремящееся ко спасению души.

**Тринадцатый десяток.**

*Вспоминаем сионскую горницу и сошествие Святаго Духа на апостолов и Божию Матерь и молимся: «Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене».*

О, Пресвятая Владычице Богородице, ниспосли и укрепи благодать Святаго Духа в сердце моем.

**Четырнадцатый десяток.**

*Вспоминаем Успение Пресвятой Богородицы и просим мирной и безмятежной кончины.*

О, Пресвятая Владычице Богородице, даруй мне мирную и безмятежную кончину.

**Пятнадцатый десяток.**

*Вспоминаем славу Божией Матери, которой увенчивается Она от Господа после переселения Её от земли на Небо, и молим Царицу Небесную не оставлять верных, сущих на земле, но защищать их от всякого зла, покрывая их Честным Своим Омофором.*

О, Пресвятая Владычице Богородице, сохрани меня от всякого зла и покрый меня Честным Твоим Омофором.





## Пяточисленные молитвы



Пяточисленные молитвы

(Читаются по благословению духовника)

**Творение святителя Димитрия Ростовского**

Один старец от Богоносных Отцев, стоя на молитве и быв в восторзе, слышал глас Господа нашего Иисуса Христа, глаголющий с Пречистою и Пресвятою Богородицею, Материю Свою, рекши к Ней:

— Рцы Мне, Мати Моя, колико болезней наибольших, живущи на свете, претерпела еси Мене ради?

И рече Пресвятая:

— Сыне и Боже Мой! Наибольших пять болезней Тебе ради претерпела: первая — егда услышала от Симеона Пророка, еже имел еси убиен быти; вторая — еща, ищущи Тебе во Иерусалиме через три дня, Тя не видела есмь; третья — егда Тя поймана и связана от жидов услышала; четвертая — егда Тя на кресте между разбойниками Распятаго видела; пятая — егда Тя видела во гробе полагаема.

И рече к Ней Господь:

— Глаголю Тебе, Мати Моя: аще кто каждую болезнь Твою на кийждо день прочтет с молитвою Моею, сие есть “Отче наш” и Архангельское обрадование, сие есть “Богородице Дево, радуйся” — за первую болезнь дам ему познание грехов и жаление о них; за вторую — дам ему всех грехов прощение; за третию — возвращу ему добродетели его, через грехи изгибшия; за четвертую — напитаю его, при смерти его, Телом и Кровию Моею Божественною; за пятую — явлюся ему Сам при смерти его и прииму душу его в живот вечный. Аминь.”

По видению этого Богоносного старца, святителем Димитрием Ростовским было сложено далее следующее молитвословие.

**Начало к сим молитвам:**

Слава Тебе, Христу Богу моему, не погубившему мя грешнаго со беззаконьями моими, но даже доселе грехом моим потерпевшему. (Поклон)

Сподоби, Господи, в день сей без греха сохранится нам; даруй ми, Господи, да ни словом, ни делом, ни помышлением прогневаю Тя, Создателя моего, но вся дела моя, советы и помышления да будут во славу Пресвятаго имени Твоего. (Поклон)

Боже, милостив буди мне, грешному, во всей жизни моей: во исходе моем и по кончине моей не остави мене. (*Поклон*)

*Cue, падши ниц на земли, глаголи:*

Господи Иисусе Христе, Сыне Божий, приими умершаго мя душею и умом. Приими мя грешнаго, блудника, сквернаго душею и телом. Отыми неприязнь безстудную и не отврати лица Твоего от мене, не рцы, Владыко: не вем, кто еси, но вонми гласу моления моего; спаси мя, яко имеяй множество щедрот и не хощеш смерти грешника, не оставлю же Тя, Создателя моего, и не отступлю от Тебе, довдже послушаши мя и даси всем грехом моим прощение, молитв ради Пречистыя Матери Твоея, представительства честных Небесных Сил безплотных, святаго славнаго Ангела хранителя моего, пророка же и предтечи Твоего Крестителя Иоанна, богохваливых Апостол, святых и добродетельных мученик, Преподобных и Богоносных отец наших и всех Твоих святых, помилуй и спаси мя грешнаго. Аминь.

Царю Небесный... Трисвятое... Отче наш... Яко Твое есть Царство и Сила и Слава во веки. Аминь. Богородице Дево, радуйся...

**По сем:**

### **МОЛИТВА 1**

О, Мати Милосердая, Дево Марие, аз грешный и непотребный раб Твой, воспоминаючи Твоя болезни, егда Ты услышала от Симеона пророка о немилостивном убиении Сына Твоего, Господа нашего Иисуса Христа, приношу сию тебе молитву и Архангельское обрадование, приими в честь и память болезней Твоих и умоли Сына Твоего, — Господа нашего Иисуса Христа, да дарует ми познание грехов и жаление о них. (*Поклон*)

### **МОЛИТВА 2**

Отче наш... Яко Твое есть Царство... Богородице Дево, радуйся...

О, Богоблаженная и Пренепорочная Отроковище, Мати и Дево, приими от мене, грешнаго и непотребнаго раба Твоего, сию молитву и Архангельское обрадование в честь памяти болезни Твоея, егда позабыла Сына Твоего, Господа нашего Иисуса Христа, в церкви и через три дни Его не видела еси; умоли Его и испроси у Него всех грехов моих прощение и оставление, Едина Благословленная. (*Поклон*)

### **МОЛИТВА 3**

Отче наш... Яко Твое есть Царство... Богородице Дево, радуйся.. .

О, Мати света, Преблагословленная Дево Богородице, приими от мене, грешнаго и непотребнаго раба Твоего, сию молитву и Архангельское обрадование, в честь и память болезни Твоея, егда Сына Твоего, Господа нашего Иисуса Христа, поймана и связана слышала еси. Умоли Его, да возвратит мне добродетели, через грех изгибшия, да Тя, Пречистая, во веки величаю. (*Поклон*)

### **МОЛИТВА 4**

Отче наш... Яко Твое есть Царство... Богородице Дево, радуйся...

О, Милосердия Источнице, Дево Богородице, приими от мене, грешнаго и непотребнаго раба Твоего, сию молитву и Архангельское обрадование в честь и память

болезни Твоей, егда на кресте между разбойники видела еси Сына Твоего, Господа нашего Иисуса Христа, Егоже умоли, Владычице, да подаст ми дар милосердия Своего в час смерти моей и да напитает мя Телом и Кровию Свою Божественною, да Тя, Заступнице, славлю во веки.(Поклон)

### МОЛИТВА 5

Отче наш... Яко Твое есть Царство... Бородице Дево, радуйся...

О, Надеждо моя, Пречистая Дево Богородице, приими от мене, грешного и непотребного раба Твоего, сию молитву и Архангельское обрадование в честь и память болезни Твоей, егда видела еси Сына Твоего, Господа нашего Иисуса Христа, во гробе полагаема, Егоже умоли, Владычице, да явится мне в час смерти моей и да примет душу мою в живот вечный. Аминь.(Поклон)

О, Премилостивая Дево, Госпоже Богородице, чадолюбивая Горлице, небесе и земли Самодержавная Царице, любезная Приемнице всех, простирающих к Тебе свои мольбы, печальных Утешительнице, приими от мене, грешного и непотребного раба Твоего, пяточисленное сие моление, в нем же воспоминаю земные и небесныя Твоя радости, умильно вопиюща к Тебе сице:

(Земные радости) Радуйся, заченшая во чреве без семене Христа Бога нашего. Радуйся, во чреве без болезни носившая Того. Радуйся, порождшая чудным смотрением. Радуйся, восприимшая от волхвов-царей дары и поклонение. Радуйся, яко обрела еси посреди учителей Своего Сына и Бога. Радуйся, яко рождество Твое преславно из мертвых воста. Радуйся, видевшая возносящагося Своего Создателя, к Нему же сама душою и телом возшла еси.

(Небесные радости) Радуйся, девства ради Своего, паче ангел и всех святых Преславная. Радуйся, близ Пресвятая Троицы просияющая. Радуйся, Миротворице наша. Радуйся, Властительнице, обладающая всеми небесными силами. Радуйся, паче всех дерзновение к Сыну и Богу Своему имущая. Радуйся, милосердая Мати всем, к Тебе прибегающим. Радуйся, яко Твое веселье во веки не скончается!

И мне недостойному, по неложному обещанию Твоему, в день исхода моего милостища предстани, да Твоим руководством управлен буду к горнему Иерусалиму, в нем же прославленно царствуиши с Сыном Твоим и Богом нашим. Ему же подобает всякая слава, честь и поклонение со Отцем и с Пресвятым Духом в бесконечные веки веков. Аминь.

От скверных устен моих, от мерзкаго сердца, от нечистаго языка и от души оскверненной приими, Госпоже Царице, сие похваление, Радосте моя. Приими, якоже вдовий прияла сии две лепты, и даруй ми принести Твоей благости дар достоин. О, Владычице моя, Пречистая Дево, Небесная Царице, якоже хощеш и волиши, паче же научи мя, что ми подобает Тебе, Матери Божией, глаголати к Тебе единой грешных прибежищу и решению. Радуйся, Владычице, да и аз, многоогрешный раб Твой, радостно зову Тебе, воспетой Матери Христа Бога нашего. Аминь.

На Твой Пресвятый образ взирая, яко истинную самую Тя зрю Богородицу, верою сердечною от души припадаю и поклоняюся с Предвечным на руку Твою держимым Младенцем, Господом нашим Иисусом Христом, боголепно почитаю и

молю Тя со слезами, покрый мя покровом Твоим, от враг видимых и невидимых,  
Ты бо род человеческий ввела еси в Царство Небесное. Аминь.

**По сем:**

Достойно есть, яко воистину... Слава и Благодарение Господу за все!





## **Перед иконой «Скоропослушница»**

### **Тропарь, глас 4-й:**

К Богородице притецем сущии в бедах, и святей иконе Ея ныне припадем, с верою зовуще из глубины души: скоро наше услыши моление, Дево, яко Скоропослушница нарекшаяся, Тебе бо ради раби Твои в нужду готовую помощницу имамы.

### **Кондак, глас 8-й:**

В мори житейstem обуреваемии, треволнению подпадаем страстей и искушений. Подаждь убо нам, Госпоже, руку помощи, якоже Петрови Сын Твой, и ускори от бед избавити ны, да зовем Ти: радуйся, всеблагая Скоропослушнице.

### **Молитва:**

Преблагословенная Владычице, Приснодево Богородице, Бога Слова паче всякаго слова на спасение наше рождшая, и благодать Его преизобильно паче всех приявшая, море явльшаяся Божественных дарований и чудес приснотекущая река, изливающая благость всем, с верою к Тебе прибегающим! Чудотворному Твоему образу припадающе, молимся Тебе, всесщедрей Матери человеколюбиваго Владыки: удиви на нас пробогатыя милости Твоя и прошения наша, приносимая Тебе, Скоропослушнице, ускори исполнити все, еже на пользу во утешение и спасение коемуждо устрояющи. Посети, Преблагая, рабы Твоя благодатию Твоей, подаждь недугующим цельбу и совершенное здравие, обуреваемым тишину, плененным свободу, и различными образы страждущих утеши. Избави, Всемилостивая Госпоже, всяк град и страну от глада, язвы, труса, потопа, огня, меча и иныя казни временные и вечные, Матерним Твоим дерзновением отвращающи гнев Божий; и душевнаго разслабления, обуревания страстей и грехопадений свободы рабы Твоя, яко да непреткновенно во всяком благочестии поживше в сем веце, и в будущем вечных благ сподобимся благодатию и человеколюбием Сына Твоего и Бога, Ему же подобает всякая слава, честь и поклонение со Безначальным Его Отцем и Пресвятым Духом, ныне и присно и во веки веков. Аминь.





## Перед иконой «Всех скорбящих радость»

### Тропарь, глас 2-й:

Всех скорбящих радосте и обидимых заступнице, и алчущих питательнице, странных утешение, обуреваемых пристанище, больных посещение, немощных покрове и заступнице, жезле старости, Мати Бога Вышняго Ты еси, Пречистая: потщися, молимся, спастися рабом Твоим.

### Кондак, глас 6-й:

Не имамы иныя помощи, не имамы иные надежды, разве Тебе, Владычице. Ты нам помози, на Тебе надеемся и Тобою хвалимся, Твои бо есмы рабы, да не постыдимся.

### Молитва:


О, Пресвятая Владычице Богородице, Преблагословенная Мати Христа Бога Спасителя нашего, всех скорбящих Радосте, больных посещение, немощных покрове и заступнице, вдовиц и сирых покровительнице, матерей печальных всенадежная утешительнице, младенцев немощных крепосте, и всем беспомощным всегда готовая помоще и верное прибежище! Тебе, о, Всемилостивая, дадеся от Всеышняго благодать во еже всех заступати и избавляти от скорби и болезней, зане Сама лютия скорби и болезни претерпела еси, взирающи на вольное страдание Сына Твоего возлюбленного и Того на кресте распинаема зрящи, егда оружие Симеоном предреченное сердце Твое пройде. Темже убо, о Мати чадолюбивая, вонми гласу моления нашего, утеши нас в скорби сущих, яко верная радости Ходатаица: предстоящи престолу Пресвятыя Троицы, одесную Сына Твоего, Христа Бога нашего, можеши, аще восходиши, вся нам полезная испросити. Сего ради с верою сердечною и любовию от души припадаем к Тебе яко Царице и Владычице и псаломски вопити Тебе дерзаем: слыша, Дщи, и виждь, и приклони ухо Твое, услыши моление наше, и избави нас от обстоящих бед и скорбей; Ты бо прошения всех верных, яко скорбящих радость, исполняеши, и душам их мир и утешение подавши. Се зриши беду нашу и скорбь: яви нам милость Твою, посли утешение уязвленному печалию сердцу нашему, покажи и удиви на нас грешных богатство милосердия Твоего, подаждь нам слезы покаяния ко очищению грехов наших и утолению гнева Божия, да с чистым сердцем, совестию благою и надеждою несомненною прибегаем ко Твоему ходатайству и заступлению: приеми, всемилостивая наша Владычице Богородице, усердное моление наше Тебе приносимое, и не отрини нас, недостойных, от Твоего благосердия, но подаждь нам избавление от скорби и болезни, защити нас от вся-

каго навета вражия и клеветы человеческая, буди нам помощница неотступная во все дни жизни нашея, яко да под Твоим матерним покровом всегда пребудем цели и сохранена Твоим заступлением и молитвами к Сыну Твоему и Богу Спасителю нашему, Ему же подобает всякая слава, честь и поклонение, со безначальным Его Отцом и Святым Духом, ныне и присно и во веки веков. Аминь.





## Перед иконою «Живоносный источник» (В пяток Светлой седмицы)



О Пресвятая Госпоже Владычице Богородице! Вышши еси всех ангел и архангел, и всяя твари честнейши: помощнице еси обидимых, ненадеющихся надеяние, убогих заступнице, печальных утешение, алчущих кормильница, нагих одеяние, больных исцеление, грешных спасение, христиан всех поможение и заступление. О Всемилостивая Госпоже, Дево Богородице Владычице! Милостию Твою спаси и помилуй православный народ наш, Великаго Господина и Отца нашего Святейшаго Патриарха Кирилла, преосвященные митрополиты, архиепископы и епископы, и весь священнический и иноческий чин, власти и воинство и вся православныя христианы ризою Твою честною защити; и умоли, Госпоже, из Тебе без семене воплотившагося

Христа Бога нашего, да препояшет нас силою Свою свыше на невидимыя и видимыя враги наша. О Всемилостивая Госпоже Владычице Богородице! Воздвигни нас из глубины греховныя, и избави нас от глада, губительства, от труса и потопа, от огня и меча, от нахождения иноплеменных и междуусобныя браны, и от напрасныя смерти, и от нападения вражия, и от тлетворных ветр, и от смертоносныя язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум и очи сердечныя, еже ко спасению, и сподоби ны, грешныя рабы Твоя, Царствия Сына Твоего, Христа Бога нашего, яко держава Его благословенна и препрославленна, со Безначальным Его Отцем и с Пресвятым и Благим и Животворящим Его Духом, ныне и присно и во веки веков.





## **Пред иконою «Прозрение очес» (В пяток Светлыя седмицы)**

О Пресвятая Госпоже Владычице Богородице! Приими недостойную молитву нашу, и сохрани всех нас, с верою и любовию покланяющихся пречистому образу Твоему, от навета злых человек и от внезапных смерти и даруй нам прежде конца покаяния. На моление наше умилосердися и радость вместо печали даруй. Се бо, на твой образ взирающе, яко живущей Ти с нами, молим Тя усердно: избави нас, о Мати всех скорбящих и обремененных, от всяких беды и напасти, скорби, болезни и печали и от всякого зла. И сподоби ны, недостойные рабы Твоя, одесную стати Сына Твоего, Христа Бога нашего, во втором и славнем Его пришествии, и наследники быти Царствия Небесного и жизни вечной со всеми Святыми в бесконечные веки веков.





## Перед иконой «Спасительница Утопающих» (20 декабря / 2 января)

### **Молитва:**

Заступница усердная, Мати Господа Вышняго! Ты еси всем христианом помошь и заступление, паче же в бедах сущим. Призри ныне с высоты святыя Твоего и на ны, с верою покланяющимся пречистому образу Твоему, и яви, молим Тя, скорую помошь Твою по морю плавающим и от ветров бурных тяжкия скорби терпящим. Подвигни и вся православныя христианы на спасение в водах утопающих, и воздаждь подвизающимся о сем богатыя милости и щедроты Твоя. Се бо, на образ Твой взирающе, Тебе, яко милостивно сущей с нами, приносим смиренная моления наша. Не имамы бо ни иныя помощи, ни иного представительства, ни утешения, токмо Тебе, о, Мати всех скорбящих и напаствуемых. Ты по Бозе наша Надежда и Заступница, и на Тя уповающе, сами себе, и друг друга, и весь живот наш Тебе предаем во веки веков. Аминь.





## Перед иконой «Млекопитательница» (12 / 25 января)



### Тропарь, глас 3-й:

Без семене от Божественного Духа, волею же Отчею зачала еси Сына Божия, от Отца без матери прежде век суща, нас же ради из Тебе без отца бывша, плотию родила еси и Младенца млеком питала еси, темже не престай молити избавитися от бед душам нашим.

### Кондак, глас 5-й:

Душ наших чувствия очистиши, узрим на иконе таинство преславное, Творца вселенныя и Господа вышних сил, во объятиях держима и от сосцу Твоему яко Младенца питаема, и, со страхом и радостию покланяющеся Тебе и рожденному от Тебе Спасу нашему, воззовем: Радуйся, Владычице, жизни нашей Питательница.

### Молитва:

Приими, Госпоже Богородительнице, слезные моления рабов Твоих, к Тебе притекающих. Зрим Тя на святей иконе, на руках носящую и млеком питающую Сына Твоего и Бога нашего, Господа Иисуса Христа. Аще и безболезненно родила еси Его, а паче матерние скорби веси и немощи сынов и дщерей человеческих зриши. Темже тепле припадающее к цельбоносному образу Твоему и умиленно сей лобызающе, молим Тя, Всемилостивая Владычице: нас, грешных, осужденных в болезнях родити и в печалех питати чада наша, милостивно пощади и сострадательно заступи, младенцы же наша, такожде и родивши их, от тяжкаго недуга и горькия скорби избави. Даруй им здравие и благомощие, да и питаемии от силы в силу возрастати будут, и питающие их исполнятся радостию и утешением, яко да и ныне представительством Твоим из уст младенец и ссущих Господь совершил хвалу Свою. О, Мати Сына Божия! Умилосердися на матери сынов человеческих и на немощных людя Твоя: постигающая нас болезни скоро исцели, належащия на нас скорби и печали утоли, и не презри слез и вздоханий рабов Твоих. Услыши нас в день скорби пред иконою Твоему припадающих и в

день радости избавления приими благодарное хваление сердец наших. Вознеси мольбы наша ко престолу Сына Твоего и Бога нашего, да милостив будет ко грехом и немощем нашим и пробавит милость Свою ведущим Имя Его, яко да и мы, и чада наша, прославим Тя, милосердую Заступницу и верную надежду рода нашего, во веки веков. Аминь.





## **Молитва пред иконою «Утоли моя печали» (25 января / 7 февраля)**

### **Тропарь, глас 5-й:**

Утоли болезни многовоздыхающая души моей, Утолившая всяку слезу от лица земли: Ты бо человеком болезни отгониши и грешных скорби разрушаешь. Тебе бо всеми стяжахом надежду и утверждение, Пресвятая Мати Дево.

### **Кондак, глас 6-й:**

Не ввери мя человеческому представительству, Пресвятая Владычице, но приеми моление раба Твоего, скорбь бо обдергит мя, терпети не могу демонского стреляния, покрова не имам, ниже где прибегну, окаянный, всегда побеждаем, и утешения не имам, разве Тебе, Владычице мира, упование и представительство верных, не презри моление мое, полезно сотвори.

### **Молитва:**

Надеждо всех концов земли, Пречистая Дево, Госпоже Богородице, утешение мое! Не гнушайся нас грешных, на Твою бо милость уповаю, в нас пламень и покаянием ороси изсохшая сердца наша, очисти ум наш от греховных помыслов, приеми мольбы, от души и сердца со вздоханием Тебе приносимые. Буди о нас ходатаица к Сыну Твоему и Богу, и отврати гнев Его матерними Твоими молитвами, душевныя и телесныя язвы исцели, Госпоже Владычице, утоли болезнь души и тела, утиши бурю злых нападений вражеских, отьими бремя грехов наших, и не остави нас до конца погибнуть, и печалию сокрушенная сердца наша утеши, да славим Тя до последняго издыхания нашего. Аминь.





# Перед иконой Иверскою (13 / 26 Октября, 12 / 25 Февраля и Вторник Светлой Седмицы)



## Тропарь, глас 1-й:

От святыя иконы Твоей, о Владычице Бого-  
родице, исцеления и цельбы подаются обильно,  
с верою и любовию приходящим к ней: тако  
и мою немощь посети, и душу мою помилуй,  
Благая, и тело исцели благодатию Твоей, Пре-  
чистая.

## Кондак, глас 8-й:

Аше и в море ввержена бысть икона Твоя,  
Богородице, от вдовицы не могущия спасти ея  
от врагов: но явилася Хранительница Афона, и  
Вратарница обители Иверская, врагов устраша-  
ющая, и в православной Российской стране, чту-  
щих Тя от всех бед и напастей избавляющая.

## Величание:

Величаем Тя, Пресвятая Дево, Богоизбранная Отроковица, и чтим образ Твой  
святый, имже точиши исцеления всем с верою притекающим.


## Молитва:

О Пресвятая Дево, Мати Христа Бога нашего, Царице Небесе и земли! Вонми  
многоболезненному вздоханию душ наших, призри с высоты святыя Твоей на нас,  
с верою и любовию покланяющихся пречистому (и чудотворному) образу Твоему.  
Се бо, грехми погружаемии и скорбьми обуреваемии, взирающе на Твой образ,  
яко живей Тебе сущей с нами, приносим смиренная моления наша. Не имамы  
бо иных помощи, ни иного представительства, ни утешения, токмо Тебе, о Мати  
всех скорбящих и обремененных! Помози нам немощным, утоли скорби наша,  
настави на путь правый нас заблуждающих, уврачуй болезненная сердца наша и  
спаси безнадежных, даруй нам прочее время жития нашего в мире и покаяния  
проводити, подаждь христианскую кончину и на Страшнем Суде Сына Твоего  
явися нам милосердая представительница, да всегда поем, величаем и славим Тя, яко  
благую Заступницу рода христианского, со всеми угодившими Богу, во веки веков.





## Молитва пред иконою «Державная» (2/15 марта)



### Тропарь, глас 8-й:

Ангелов лица благоговейно Тебе служат и вся Небесные силы немолчными гласы Тя ублажают, Богородице Дево; усердно молим Тя, Владычице, да пребудет Божественная благодать на честней иконе Твоей Державной, и светозарный луч славы чудес Твоих да нисходит от нее на всех, с верою Тебе молящихся и вопиющих к Богу: Аллилуия.

### Кондак, глас 8-й:

Взбранной Воеводе Победительные песни приносим, яко даровася нам держава Твоя, иничесоже устрашимся, не от мира бо спасение наше, но превознесенныя Владычице милосердием ограждаемся и тому днесь радуемся, яко прииде Заступница на стражу земли Своей.


### Молитва:

О, мира Заступнице, Мати Всепетая! Со страхом, верою и любовию припадающе пред честною иконою Твою Державною, усердно молим Тя: не отврати лица Твоего от прибегающих к Тебе, умоли, милосердная Мати Света, Сына Твоего и Бога нашего, Сладчайшаго Господа Иисуса Христа, да сохранит в мире страну нашу, да утвердит державу нашу в благоденствии, и избавит нас от междуусобных бран, да укрепит Святую Церковь нашу Православную, и незыблему соблюдет ю от неверия, раскола и ересей. Не имамы иныя помощи, разве Тебе, Пречистая Дево. Ты еси всесильная христиан заступница пред Богом, праведный гнев Его умягчая. Избави всех с верою Тебе молящихся от падений греховных, от навета злых человек, от глада, скорбей и болезней, даруй нам дух сокрушения, смирение сердца, чистоту помышлений, исправление греховных жизни и оставление согрешений наших; да вси, благодарственне воспевающе величия Твоя, сподобимся Небесного Царствия, и тамо со всеми святыми прославим пречестное и великолепное имя в Троице славимаго Бога, Отца и Сына и Святаго Духа. Аминь.





## Молитва пред иконою «Споручница грешных» (7/20 марта)



спасение рода христианского.

### Тропарь, глас 4-й:

Умолкает ныне всякое уныние и страх отчаяния исчезает, грешницы в скорби сердца обретают утешение и небесною любовию озаряются светло: днесъ бо Матерь Божия простирает нам спасающую руку и от Пречистаго образа Своего вещает, глаголя: Аз Споручница грешных к Моему Сыну, Сей дал Мне за них руце слышати Мя выну. Темже людие, обремененнии грехи многими, припадите к подножию Ея иконы со слезами вопиюще: Заступнице мира, грешным Споручнице, умоли Матерними молитвами Избавителя всех, да Божественным всепрощением покрыет грехи наша, и светлые двери райского отверзет нам, Ты бо еси представительство и спасение рода христианского.

### Кондак, глас 1-й:

Честное Жилище бывши неизреченного естества Божественного выше слова и паче ума и грешным еси Споручница, подаваеши благодать и исцеления, яко Мати всех Царствующаго, моли Сына Твоего получити нам милость в день судный.

### Молитва:

О, Владычице Преблагословенная, защитнице рода христианского, прибежище и спасение притекающих к Тебе! Вем, воистину вем, яко зело согреших и прогневах, Премилостивая Госпоже, рожденного плотию от Тебе Сына Божия, но имам многия образы прежде мене прогневавших Его милосердие: мытари, блудницы и прочия грешники, имже дадеся прощение грехов их, покаяния ради и исповедания. Тыя убо образы помилованных очесем грешныя души моя представляя и на толикое Божие милосердие, оныя приемшее, взирая, дерзнух и аз грешный прибегнути с покаянием ко Твоему благоутробию. О, Всемилостивая Владычице! Подаждь ми руку помочи и испросиши у Сына Твоего и Бога, Матерними и святейшими Твоими молитвами, тяжким моим грехом прощение. Верую и исповедую,

яко Той, Егоже родила еси, Сын Твой есть воистинну Христос, Сын Бога Живаго, Судия живых и мертвых, воздаяй комуждо по делом его. Верую же паки и исповедую Тебе быти истинную Богородицу, милосердия источник, утешение плачущих, взыскание погибших, сильную и непрестающую к Богу Ходатаицу, зело любящую род христианский, и споручницу покаяния. Воистинну бо несть человеком иныя помощи и покрова, разве Тебе, Госпоже Премилостивая, и никто же уповая на Тя постыдится когда, и Тобою умоляя Бога, никто же оставлен бысть. Того ради Твою неисчислительную благость молю: отверзи двери милосердия Твоего мене заблуждшему и падшему в тимение глубины, не возгнушайся мене сквернаго, не презри грешного моления моего, не остави мене окаяннаго, яко в погибель злобный враг похитити мя ищет, но умоли о мне рожденного от Тебе милосердаго Сына Твоего и Бога, да простит великия моя грехи, и избавит мя от пагубы моей, яко да и аз со всеми получившими прощение воспою и прославлю безмерное милосердие Божие и Твое непостыдное о мне заступление в жизни сей и в нескончаемем вече. Аминь.

---



## Молитва пред иконою «Слове плоть бысть» (9/22 марта)

Богородице Дево, Пренепорочная Мати Христа Бога нашего, Заступнице рода христианского! Пред чудотворною иконою Твою предстояще, отцы наши молиша Тя, да явиши покров Твой и заступление стране Приамурстей. Темже и мы ныне молим Тя: град наш и страну сию от нахождения иноплеменных соблюди и от междоусобных брани сохрани. Даруй мирови мир, земли плодов изобилие, сохрани во святыни пастырей наших, во святых храмех труждающихся, осени вседержавным покровом Твоим строителей и благотворителей их. Утверди в правоверии и единомыслии братии наших; заблуждших же и отступивших от православных веры вразуми и соедини Святей Церкви Сына Твоего. Буди всем притекающим к чудотворней иконе Твоей покров, утешение и пристанище от всяких зол, бед и обстояний: Ты бо еси больных исцеление, скорбящих утешение, заблуждших исправление и вразумление. Приими моления наша и вознеси я ко Престолу Всеышнего, яко да Твоим представительством соблюдаеми и покровом Твоим осеняеми, прославим Отца и Сына и Святаго Духа, ныне и присно и во веки веков. Аминь.





## **Молитва пред иконою Феодоровскою (14 / 27 марта)**

### **Тропарь, глас 4-й:**

Пришествием честныя Твоя иконы, Богоотроковице, обрадованный днесь, богохранимый град Кострома, якоже древний Израиль к кивоту завета, притекает ко изображению лица Твоего и воплотившагося от Тебе Бога нашего, да Твоим Матерним к нему представительством присно ходатайствуши всем под сенью крова Твоего прибегающим мир и велию милость.

### **Кондак, глас 1-й:**

Взранней Воеводе, Пренепорочней Деве Богородице, Заступнице нашей и Представительству христиан непостыдному, явлением чудныя иконы Своя радование подавшей земле Российской и вся верные чада Церкви просветившей, благодарение усердно приносим Ти, Богородице, и припадающе пречудному образу Твоему, умильно глаголем. Спаси, Госпоже, и помилуй рабы Твоя, зовущия: Радуйся, Матерь Божия, Представительница и Заступница наша усердная.

### **Молитва:**

К кому воззову, Владычице, к кому прибегну в печали моей; к кому принесу слезы и вздохания моя, аще не к Тебе, Царице Небеси и земли: кто истогнет мя от тины грехов и беззаконий, аще не Ты, о Мати Живота, Заступнице и Прибежище рода человеческаго. Услыши стенание мое, утеши мя и помилуй в горести моей, защити в бедах и напастях, избави от озлоблений и скорбей, и всяких недугов, и болезней, от враг видимых и невидимых, умири вражду стужающих мне, да избавлен буду от клеветы и злобы человеческия; такожде от своея ми плоти гнусных обычаев свободи мя. Укрый мя под сению милости Твоей, да обрящу покой и радость и от грехов очищение. Твоему Матернему заступлению себе вручаю; буди мне Мати и надеждо, покров, и помощь, и заступление, радость и утешение, и скорая во всем Помощница. О, чудная Владычице! Всяк притекает к Тебе, без Твоей всесильныя помощи не отходит; сего ради и аз недостойный к Тебе прибегаю, да избавлен буду от внезапныя и лютыя смерти, скрежета зубнаго и вечнаго мучения. Небесное же Царствие получить сподоблюся и Тебе во умилении сердца реку: Радуйся, Мати Божия, Представительница и Заступница наша усердная, во веки веков. Аминь.





## **Молитва пред иконою Виленскою, именуемую «Одигитрия» (14 / 27 Апреля)**

О Всемилостивая Госпоже, Царице Богородице, от всех родов избранная и всеми роды небесными ублажаемая! Воззри милостиво на предстоящия перед святою иконою Твою людь сия, усердно молящаяся Тебе, и сотвори представительством Твоим и заступлением у Сына Твоего и Бога нашего, да никтоже отыдет от места сего тощ упования своего и посрамлен в надежде своей, но да приемет кийждо от Тебе вся по благому изволению сердца своего, по нужде и потребе своей, во спасение души и во здравие телу. Наипаче же осени и огради покровом Твоим, Милосердная Мати, Церковь Твою Святую, вышним Твоим благословением архиереи наши православные укрепи, миром огради, и Святей Твоей Церкви целых, здоровых, честных, долгоденствующих право правящих слово Своевы истины даруй, от всех же видимых и невидимых враг, со всеми православными христианами, милостиво избави, и во православии и твердей вере до конца веков непоступно и неизменно сохрани. Призирай благосердием, Всепетая, и признанием милостиваго Твоего заступления на всю страну нашу Российскую, грады наша и град сей и духовный вертоград зде сущий, и на сия богатыя Твоя милости неоскудно изливай. Ты бо еси всесильная Помощница и Заступница всех нас. Приклонися к молитвам и всех раб Твоих, притекающих зде ко святей иконе Твоей зде притекающих, услыши вздохания и гласы, имиже раби Твои молятся во святем месте сем. Аще же и иноверный, и иноплеменник, зде преходя, помолится, услыши, чадолюбивая Госпоже, и сего человеколюбне и милостивно соделай, яже к помощи ему и ко спасению. Ожесточенные же и разсейнныя сердцы своими во странах наших на путь истины настави: отпадшие от благочестивыя веры обрати и паки святей Православней Кафолической Церкви сопричи. В домех людей Твоих и во братии святых обители сея мир огради и соблюди, в юных братство и смиренномудрие утверди, старость поддержи, отроки настави, в возрасте совершеннем сущия умудри, сиряя и вдовицы заступи, утесненныя и в скорбех сущия утеши и охрани, младенцы воспитай, болеющие уврачуй, плененныя свободи, ограждающи ны присно от всякаго зла благостию Твою, и утеши милостивым Твоим посещением и вся благодеющая нам. Даруй же, Благая, земли плодоносие, воздуху благорастворение и вся, яже на пользу нашу, дары благовременныя и благопотребныя, всемощным

Твоим представительством пред Всесвятою Живоначальною Троицею, в Ея же храме предстоим еси, нам помогающи. Прежде отшедши отцы и матери, братию

и сестры наша, и вся от лет древних ко святей иконе Твоей сей припадавшия, упокой в селениих святых, в месте злачне, в месте покойне, идеже несть печаль и воздыхание. Егда же приспеет и наше от жития сего отшествие и к вечной жизни преселение, предстани нам, Преблагословенная Дево, и даруй христианскую кончину жития нашего, безболезненну, непостыдну, мирну и Святых Тайн причастну, да и в будущем веце сподобимся вси, купно со всеми святыми, бесконечныя блаженныя жизни во Царствии возлюбленнаго Сына Твоего, Господа и Бога нашего Иисуса Христа, Ему же подобает слава, честь и поклонение со Отцем и Святым Духом, во веки веков. Аминь.

---



## **Перед иконой «Нечаянная Радость» (9/22 декабря и 1/14 мая)**

### **Тропарь, глас 4-й:**

Днесь вернии людие духовно торжествуем, прославляюще Заступницу усердную рода христианского и притекающе к Пречистому Ея образу, взываем сице: о, Премилостивая Владычице Богородице, подаждь нам нечаянную радость, обремененным грехи и скорбями многими, и избави нас от всякого зла, молящи Сына Твоего, Христа Бога нашего, спаси души наша.

### **Кондак, глас 6-й:**

Не имамы иныя помощи, не имамы иныя надежды, разве Тебе, Владычице, Ты нам помози, на Тебя надеемся и Тобою хвалимся, Твои бо есмы рабы, да не постыдимся.

### **Молитва:**

О, Пресвятая Дево, Всеблагаго Сына Мати Всеблагая, града сего Покровительнице, всех сущих во грехах, скорбех, бедах и болезнях верная Предстательнице и Заступнице! Приими молебное пение сие от нас, недостойных рабов Твоих, Тебе возносимое: и яко же древле грешника, на всякий день многажды пред честною иконою Твою молившагося, не презрела еси, но нечаянную радость покаяния даровала еси, и усердным к Сыну Твоему ходатайством Сего ко прощению грешника преклонила еси тако и ныне не презри моления нас, недостойных раб Твоих, но умоли Сына Твоего и Бога нашего, да и всем нам, с верою и умилением пред цельбоносным образом Твоим покланяющимся, по коегождо потребе нечаянную радость дарует: да вси на небеси и на земли ведят Тя, яко твердую и непостыдную Предстательнице рода христианского, и сие ведуще, славят Тя и Тобою Сына Твоего со Безначальным Его Отцем и Единосущным Его Духом, ныне и присно и во веки веков. Аминь.





## **Молитва пред иконою «Неупиваемая Чаша» ( 5 / 18 Мая)**

### **Тропарь, глас 4-й:**

Днесь притецем вернии к Божественному и пречудному образу Пресвятыя Богоматери, напаяющей верных сердца небесною Неупиваемою Чашею Своего милосердия, и людем верным чудеса показующей. Яже мы видяще и слышаще духовно празднуем и тепле вопием: Владычице Премилостивая, исцели наша недуги и страсти, молящи Сына Твоего, Христа Бога нашего, спаси души наша.

### **Кондак:**

Избранное и дивное избавление нам даровася — Твой образ честный, Владычице Богородице, яко избавльшеся явлением его от недугов душевных и телесных и скорбных обстояний, благодарственная хваления приносим Ти, Всемилостивая Заступнице. Ты же, Владычице, Неупиваемою Чашею нами именуемая, приклонися благоутробно к нашим вздоханиям и воплем сердечным, и избавление подаждь страждущим недугом пианства, да с верою воззовем Ти: Радуйся, Владычице, Неупиваемая Чаше, духовную жажду нашу утоляющая.

### **Молитва:**

О, Премилосердая Владычице! К Твоему заступлению ныне прибегаем, молений наших не презри, но милостиво услыши нас: жен, детей, матерей и тяжким недугом пианства одержимых, и того ради от матере своея — Церкви Христовой и спасения отпадающих, братьев и сестер, и сродник наших исцели. О, Милостивая Мати Божия, коснися сердец их и скоро возстави от падений греховных, ко спасительному воздержанию приведи их. Умоли Сына Своего, Христа Бога нашего, да простит нам согрешения наша и не отвратит милости Своей от людей Своих, но да укрепит нас в трезвении и целомудрии. Приими, Пресвятая Богородице, молитвы матерей, о чадех своих слезы проливающих, жен, о мужех своих рыдающих, чад, сирых и убогих, заблудшими оставленных, и всех нас, к иконе Твоей припадающих. И да приидет сей вопль наш, молитвами Твоими, ко Престолу Всеизынного. Покрый и соблюди нас от лукаваго ловления и всех козней вражиих, в страшный же час исхода нашего помоги пройти непреткновенно воздушныя мытарства, молитвами Твоими избави нас вечнаго осуждения, да покрыет нас милость Божия в нескончаемые веки веков. Аминь.





# Молитва пред иконою «Владимирская» ( 21 Мая / 3 Июня, 23 Июня / 6 Июля и 26 Августа / 8 Сентября)



## Тропарь, глас 4-й:

Днесь светло красуется славнейший град Москва, яко зарю солнечную восприимши, Владычице, чудотворную Твою икону, к нейже ныне мы, притекающе и молящеся, Тебе взываем сице: о, пречудная Владычице Богородице, молися из Тебе воплощенному Христу Богу нашему, да избавит град сей и вся грады и страны христианския невредимы от всех навет вражиих и спасет души наша, яко Милосерд.

## Кондак, глас 8-й:

Взранной Воеводе победительная, яко избавльшеся от злых пришествием Твоего честнаго образа, Владычице Богородице, светло сотворяем празднество сретения Твоего и обычно зовем Ти: радуйся, Невесто Неневестная.

## Молитва:

К кому возопием, Владычице? К кому прибегнем в горести нашей, аще не к Тебе, Царице Небесная? Кто плач наш и вздохание примет, аще не Ты, Пренепорочная, надеждо христиан и прибежище нам грешным? Кто в паче Тебе, в милости? Приклони ухо Твое к нам, Владычице, Мати Бога нашего, и не презри требующих Твоего помоши: услыши стенание наше, подкрепи нас грешных, вразуми и научи, Царице Небесная, и не отступи от нас, раб Твоих, Владычице, за роптание наше, но буди нам Мати и Заступница, и вручи нас милостивому покрову Сына Твоего. Устрой о нас, како угодно будет святей Твоей воли, и приведи нас грешных к тихой и безмятежной жизни, да плачем о грехах наших, да возрадуемся же с Тобою всегда, ныне и присно и во веки веков. Аминь.





## **Молитва пред иконою «Недремлющее Око» ( 29 Мая / 11 Июня)**

О, Пресвятая и Преблагая Владычице Богородице, чистейшая Святаго Духа приемнице и непорочное Слова Божия святилище! Радуйся, яко Ты еси радость ангелом и человеком, Сладчайшего бо Иисуса Христа нашествием Духа Святаго родила еси плотию, и яко Младенца Того пеленами повила еси, яко возлюбленного Сына млеком питала еси и обнимающи лобзала еси. Молим тя, Великая Владычице: не отрини раб Твоих, сему чудотворному образу предстоящих и всю надежду свою по Бозе на Тя возложивших: Ты бо еси надежда и прибежище наше, жизнь и заступление наше, крепость наша и отрада. Умоли возлюбленного Сына Твоего, еже сохранитися отечеству нашему и всякой стране христианстей в мире и безмятежии и утвердитися державе Российской, соблюдатися же непоколебимой Святей Православней Церкви нашей, неверию искоренитися, ересем и расколом упразднитися, пастырем нашим в ревности укрепитися, еже право правити слово истины. Паки умоли, Госпоже, возлюбленного Сына Твоего, да избавит всех нас от всякия нужды, скорби и болезни, да ниспослет нам тихое и мирное житие, здравие телесное и душевное спасение, да умирит страждущая сердца наша и да исцелит сердечные скорби, да вразумит нас на добрая дела, да очистит умы от помыслов суетных и наставит к исполнению заповедей Своих, и от вечныя муки да избавит, да дарует нам Небесное Царствие, в нем же возвеличим Тя, Преславную Владычицу нашу, и прославим пречестное и великолепное Имя Великаго Бога, Отца и Сына и Святаго Духа, ныне и присно и в бесконечныя веки веков.





## Молитва пред иконою «Достойно есть» (11 / 24 Июня)



О, Пресвятая Дева Богородице, в скорбях наших едино утешение! Тобою, Дева Богородице, пение послушника афонского чудесне дополнился: восполнни убо и наша силы духовные, яко да возможем достойно пети Тя, воистину рожвшую Спасителя миру. Вознеси моление к Сыну Твоему о нас, да не оскудеет вера в нас грешных, юже диавол исхитити тщится в рабех твоих и во всем христианском роде. О сих сокрушенным сердцем помолимся. Помози нашему маловерию, еже в нас дела злонравныя посеявают, самолюбие же и гордыню, сребролюбие и сластолюбие, невоздержание и пианство, от нихже да избавимся предstatельством Твоим, Пречистая, и да сподобимся спасение получити благодатию

Господа нашего Иисуса Христа, Ему же подобает честь, благодарение и поклонение, со Безначальным Его Отцем и со Святым и Единосущным Ему Духом, во веки веков.





## **Молитва пред иконою Тихвинской (26 Июня / 9 Июля)**

### **Тропарь, глас 4-й:**

Днесь, яко солнце пресветлое, возсия нам на воздухе всечестная икона Твоя, Владычице, лучами милости мир просвещающи, юже великая Россия, яко некий дар Божественный, свыше благоговейно восприемши, прославляет Тя, Богомати, всех Владычицу, и от Тебе Рождшагося Христа Бога нашего величает радостно. Ему же молися, о, Госпоже Царице Богородице, да сохранит вся грады и страны христианские невредимы от всех навет вражиих, и спасет верою покланяющихся Его Божественному и Твоему Пречистому образу, Дево Неискусобличная.

### **Кондак, глас 8-й:**

Притецем, людие, к Деве Богородице Царице, благодаряще Христа Бога, и, к Той чудотворней иконе умильно взирающи, припадем и возопием Ей: о, Владычице Марие, присетивши страну сию Твоего честнаго образа явлением чудесно, спасай в мире и благовременстве отчество наше и вся христианы, наследники показующи Небесныя жизни, Тебе бо верно зовем: радуйся, Дево, мира спасение.

### **Молитва:**

Благодарим Тя, о Преблагая и Пречистая, Преблагословенная Дево, Владычице, Мати Христа Бога нашего, о всех благодеяниях Твоих, яже показала еси роду человеческому, наипаче же нам, христоименитым людем российским, о нихже ниже самый ангельский язык к похвалению доволен будет. Благодарим Тя, якоже и ныне удивила еси неизреченную Твою милость на нас, недостойных рабех Твоих, преестественным самопришествием Пречистыя Твоей иконы, ею же всю просветила еси Российскую страну. Темже и мы, грешни, со страхом и радостию покланяющеся, вопием Ти: о Пресвятая Дево, Царице и Богородице, спаси и помилуй люди Твоя, и подаждь им победы на вся враги их, и сохрани царствующия грады, и вся грады и страны христианские, и сей святый храм от всякаго навета вражия избави, и всем вся на пользу даруй, ныне пришедшем с верою и молящимся рабом Твоим, и поклоняющимся Пресвятому образу Твоему, яко благословенна еси с рождшимся от Тебе Сыном и Богом, ныне и присно и во веки веков. Аминь.





## **Молитва пред иконою «Троеручица» (28 Июня / 11 Июля)**

### **Тропарь, глас 4-й:**

Днесь всемирная радость возсия нам велия: даровася святей горе Афонстей цельбоносная Твоя, Владычице Богородице, икона, со изображением тричисленно и нераздельно пречистых рук Твоих, в прославление Святыя Троицы, созываеши бо верных и молящихся Тебе о сем познати, яко двема имаши Сына и Господа держиши, третию же яви на прибежище и покров чтущим Тя от всяких напастей и бед избавляти, да вси, притекающий к Тебе верою, приемлют неоскудно от всех зол свободжение, от врагов защищение, сего ради и мы вкупе с Афоном вопием: радуйся, Благодатная, Господь с Тобою.

### **Кондак, глас 8-й:**

Днесь веселое наста ныне Твое торжество, Богомати Пречистая, вси верни исполнящихся радости и веселия, яко сподобльшеся изрядно воспевати предивное явление честного образа Твоего и рождшагося от Тебе Младенца, истинна же Бога, Егоже двема руками объемлеши, и третиею от напастей и бед нас изымаеши и избавляеши от всех зол и обстояний.

### **Молитва:**

О, Пресвятая Госпоже Владычице Богородице, велие чудо святому Иоанну Дамаскину явившая, яко веру истинную — надежду несомненную показавшему! Услыши нас, грешных, пред чудотворною Твою иконою усердно молящихся и просящих Твоего помочи: не отрини моления сего многих ради прегрешений наших, но, яко Мати милосердия и щедрот, избави нас от болезней, скорбей и печалей, прости содеянныя нами грехи, исполни радости и веселия всех, чтущих святую икону Твою, да радостно воспоми и любовию прославим имя Твое, яко Ты еси от всех родов избранная и благословенная во веки веков. Аминь.

### **Молитва иная:**

О, Пресвятая и Преблагословенная Дево, Богородице Марие! Припадаем и по кланяемся Тебе перед святою иконою Твою, воспоминающе преславное чудо Твое, исцелением усеченныя десницы преподобного Иоанна Дамаскина, от иконы сей явленное, егоже знамение доныне видимо есть на ней, во образе третия руки, ко изображению Твоему приложенного. Молимся Ти и просим Тя, Всеблагую и Всещедрую рода нашего Заступницу: услыши нас, молящихся Тебе, и якоже блаженного Иоанна, в скорби и болезни к Тебе возопившаго, услышала еси, тако и нас не презри, скорбящих и болезнующих ранами страстей многоразличных, не презри, усердно

к Тебе от души сокрушенныя прибегающих. Ты зриши, Госпоже Всемилостивая, немощи наша, озлобление наше, нужду, во Твоей помощи потребу, яко отвсюду врази окружают нас, и несть помогающего, ниже заступающего, аще не Ты умилосердишися о нас, Владычице. Ей, молим Ти ся, вонми гласу болезненному нашему и помози нам святоотеческую Православную веру до конца дней наших непорочно сохранити, во всех заповедех Господних неуклонно ходити, покаяние истинное о грехах наших всегда Богу приносити и сподобитися мирных христианских кончены и доброго ответа на страшнем суде Сына Твоего и Бога нашего. Егоже умоли за нас матернею молитвою Твою, да не осудит нас по беззаконием нашим, но да помилует нас по велицей и неизреченной милости Своей. О, Всеблагая! Услыши нас и не лиши нас помощи Твоей державныя, да, Тобою спасение получивше, воспоем и прославим Тя на земли живых и Рождшагося от Тебе Искупителя нашего, Господа Иисуса Христа, Ему же подобает слава и держава, честь и поклонение, купно со Отцем и Святым Духом, всегда, ныне и присно и во веки веков. Аминь.

---



## Перед иконою Казанскою (22 Октября / 4 Ноября и 8/21 июля)



### Тропарь, глас 4-й:

Заступнице усердная, Мати Господа Вышняго! За всех молиши Сына Твоего, Христа Бога нашего, и всем твориши спасися, в державный Твой покров прибегающим. Всех нас застуши, о. Госпоже, Царице и Владычице, иже в напастех и в скорбех и в болезнях, обремененных грехи многими, предстоящих и молящихся Тебе умиленою душою и сокрушенным сердцем пред Пречистым Твоим образом со слезами, и невозвратно надежду имущих на Тя избавления всех зол. Всем полезная даруй и вся спаси, Богородице Дево: Ты бо еси Божественный покров рабом Твоим.

### Кондак, глас 8-й:

Притецем, людие, к тихому сему и доброму пристанищу, скорой Помощнице, готовому и теплому спасению, покрову Девы; ускорим на молитву и потщимся на покаяние: источает бо нам неоскудныя милости Пречистая Богородица, предваряет на помощь и избавляет от великих бед и зол благонравныя и богобоящияся рабы Своя.

### Молитва:

О Пречистая Владычице Богородице, Царице небеси и земли, вышшая ангел и архангел и всея твари честнейшая, чистая Дево Марие, миру благая помощнице и всем людем утверждение и во всяких нуждах избавление! Призри и ныне, Госпоже Всемилостивая, на рабы Твоя, Тебе умиленою душою и сокрушенным сердцем молящаяся, со слезами к Тебе припадающая пречистому и цельбоносному образу Твоему, и помохи и заступления Твоего просящая. О Всемилостивая и Премилосердая Дево Богородице чтимая! Воззри, Госпоже, на люди Твоя: мы бо, грешнии, не имамы иныя помохи, разве Тебе и от Тебя рождшагося Христа Бога нашего. Ты еси заступница и представительница наша, Ты еси обидимым защищение. Скорбящим радование, сирым прибежище, вдовам хранительница, девам слава, плачущим веселье, больным посещение, немощным исцеление, грешным спасение. Сего ради, о Богомати, к Тебе прибегаем и на Твой пречистый образ с превечным на

руку Твою держимым младенцем, Господем нашим Иисусом Христом взирающе, умиленное пение Тебе приносим и вопием: помилуй нас, Мати Божия, и прошение наше исполни, вся бо суть возможна ходатайству Твоему: яко Тебе слава подобает ныне и присно и во веки веков. Аминь.





## Молитва пред иконою «Почаевская» (23 июля / 5 августа)



### Тропарь, глас 5-й:

Пред святою Твою иконою, Владычице, молящимися исцелений сподобляются, веры истинные познание приемлют, и агарянская нашествия отражают. Темже и нам, к Тебе припадающим, грехов оставление испроси, помыслы благочестия сердца наша просвети, и к Сыну Твоему молитву вознеси о спасении душ наших.

### Кондак, глас 1-й:

Источник исцелений и веры Православных утверждение Почаевская Твоя икона, Богородице, явися: тем же и нас, к ней притекающих, от бед и искушений свободи, Лавру Твою невредиму сохрани, Православие во окрест стоящих странах утверди, и грехи разреши молитвенник Твоих: елика бо хощеши, можеши.

### Молитва:

К Тебе, о Богомати, молитвенно притекаем мы, грешни, чудеса Твоя во святей Лавре Почаевской явленная гюминающе и о своих сокрушающемся прегрешениих. Вемы, Владычице, вемы, яко не подобаше нам, грешным, чесого просити, токмо о еже праведному Судии беззакония наша оставити нам. Вся бо, нами в житии претерпенна, скорби же, и нужды, и болезни, яко плоды падений наших, просяюша нам, Богу сия на исправление наше попущающу. Темже вся сия истиною и судом Своим наведе Господь на грешныя рабы Своя, иже в печалех своих к заступлению Твоему, Пречистая, притекоша, и во умилении сердец к Тебе взывают сице: грехов и беззаконий наших, Благая, не помяни, но паче всечестныя руце Твоя воздвигши, к Сыну Твоему и Богу предстани, да люте содеянная нами отпустит нам, да, за премногия неисполненная обещания наша лица Своего от рабов Своих не отвратит, да благодати Своей, спасению нашему посоставящия, от душ наших не отьмет. Ей, Владычице, буди спасению нашему ходатаица и, малодушия нашего не возгнушавшия, призри на стенания наша, яже в бедах и скорбех наших пред чудотворным Твоим образом возносим. Просвети умиленными помыслы умы наша, веру нашу укрепи, надежду утверди, любве сладчайший дар сподоби

нас приятии. Сими убо, Пречистая, дарованьми, а не болезньми и скорбьми живот наш ко спасению да возводится, но от уныния и отчаяния души наша ограждающи, избави нас маломощных от находящих на ны бед, и нужд, и клеветы человеческия и болезней нестерпимых. Даруй мир и благоустройство жительству христианскому предстательством Твоим, Владычице, утверди православную веру в стране нашей, во всем в мире, Церковь Апостольскую и Соборную умалению не предаждь, уставы святых отец на веки непоколебимы сохрани, всех к Тебе притекающих от рова погибельного спаси. Еще же и ересию прельщенных братии наших или веру спасительную в греховных страстех погубивших паки ко истинней вере и покаянию приведи, да вкупе с нами Твоему чудотворному образу поклоняющиеся Твое предстательство исповедят. Сподоби убо нас, Пречистая Госпоже Богородице, еще в животе сем победу истины Твоим заступлением узрети, сподоби нас благодатную радость прежде кончины нашея восприятии, якоже древле наследники почаевстии Твоим явлением победители и просветители агарян показала еси, да вси мы благодарным сердцем вкупе со ангелы, и пророки, и апостолы, и со всеми святыми Твое милосердие прославляюще, воздадим славу, честь и поклонение в Троице певаемому Богу Отцу, и Сыну, и Святому Духу во веки веков. Аминь.

---



# Молитва пред иконою Смоленскою, именуемою «Одигитрия» (28 Июля / 10 Августа)



## Тропарь, глас 4-й:

К Богородице прилежно ныне притецем,  
грешнии и смиреннии, и припадем, в покаянии  
зовуще из глубины души: Владычице, помози,  
на ны милосердовавши, потщися, погибаем от  
множества прегрешений, не отврати Твоя рабы  
тщи, Тя бо и едину надежду имамы.

## Кондак, глас 6-й:

Не имамы иныя помощи, не имамы иныя  
надежды, разве Тебе, Владычице, Ты нам помо-  
зи, на Тебе надеемся и Тобою хвалимся: Твои  
бо есмы раби, да не постыдимся.

## Молитва:

О, Пречудная и Превышшая всех тварей Ца-  
рице Богородице, Небесного Царя Христа Бо-  
га нашего Мати, Пресвятая Одигитрие Марие!

Услыши ны грешныя и недостойныя, в час сей молящияся и к Тебе со вздохах-  
нием и слезами пред Пречистым образом Твоим припадающая, и сице умильно  
глаголующия: изведи нас от рова страстей, Одигитрие благая, избави нас от всякия  
скорби и печали, огради от всякия напасти и злых клевет и от неправедного навета  
вражия: можеши бо, о Благодатная Мати наша, не точию от всякаго зла сохрани-  
ти люди Твоя, но и всяким благодеянием снабдити и спаси. Разве бо Тебе иныя  
предстательницы в бедах и обстояниях и теплыя ходатаицы о нас грешных к Сыну  
Твоему, Христу Богу нашему, не имамы. Егоже умоли, Владычице, спаси нас и  
Царствия Небесного сподобити, да спасеннии Тобою славим Тя и в будущем веце,  
якоже спасения нашего виновницу, и превозносим Всесвятое и Великолепное имя  
Отца и Сына и Святаго Духа, в Троице славимаго и покланяемаго Бога, во веки  
веков. Аминь.





# **Молитва пред иконою Киево-Печерской, именуемою «Успение» (15 / 28 Августа)**

## **Тропарь, глас 4-й:**

В рождестве девство сохранила еси, во успении мира не оставила еси, Бого-родице, преставилася еси к животу, Мати сущи Живота, и молитвами Твоими избавляеши от смерти души наша.

## **Кондак, глас 2-й:**

В молитвах неусыпающую Богородицу и в представительствах непреложное упование, гроб и умерщвление не удержаста: якоже бо Живота Матерь, к животу престави, во утробу Вселивыйся приснодевственную.

## **Молитва:**

О Пресвятая Богородице Дево, Владычице, вышшая ангел и архангел и всея твари честнейшая, ангельское великое удивление, пророческая высокая проповедь, апостольская преславная похвало, святителей изрядное украшение, мучеников крепкое утверждение, иноков спасительное наставление, постников неизнемогающее воздержание, девствующих чистото и славо, матерей тихое веселье, младенцев мудрости и вразумление, вдовиц и сирых кормильницае, нагих одеяние, болящих здравие, пленников избавление, по морю плавающих тишино, обуреваемых небурное пристанище, блуждающих нетрудная наставница, путешествующих легкое прохождение, труждающихся благое покоище, в бедах сущих скорая заступницае, обидимых покрове и прибежище, ненадеющихся надеяние, требующих помощнице, печальных присное утешение, ненавидимых любовное смирение, грешников спасение и к Богу присвоение, правоверных всех твердое ограждение, непобедимое поможение и заступление! Тобою нам, Владычице, Невидимый видим бысть, и Тебе мольбу приносим, Госпоже, грешни раби Твои: О Премилостивая и Пречудная Света умнаго Царице, рождшая Царя Христа, Бога нашего, Живодавца всех, от небесных славимая и от земных хвалимая, ангельский уме, светозарная звездо, святых пресвятейшая, Царице цариц, Владычице всех тварей, боголепная Девица, нескверная Невесто, палато Духа Пресвятаго, огненный престоле невидимаго Царя, небесный кивоте, носило Слова Божия, огнеобразная колеснице, покоище Живаго Бога, неизреченное составление плоти Христовы, гнездо Орла Небеснаго, горлице богогласная, голубице кроткая, тихая и незлобивая, Мати чадолюбивая, милостей бездно, развергающая тучу гнева Божия, неизмеримая глубино, неиз-

реченная тайно, несведомое чудо, не рукотворенная Церковь Единаго Царя всех век, благоуханное кадило, честная багрянице, боготканная порфиро, душевный раю, живоноснаго сада отрасле, цвете прекрасный, процветший нам небесное веселье, грозде спасения нашего, чаше Царя Небеснаго, в нейже растворися от Духа Святаго вино неисчерпаемая благодати, ходатаице закона, зачало истинныя веры Христовы непоколебимый столпе, еретиков пагубо, мечу ярости Божия на богопротивных, бесов устрашение, во бранех побеждение, христиан всех неложная хранительнице и мира всего известное спасение! О Всемилостивая Госпоже, Дево Владычице Богородице, услыши нас, молящихся Тебе, и яви милость Твою на людей Твоих: моли Сына Своего избавитися нам от всякаго зла и сохрани обитель нашу, и всяку обитель, и град, и страну верных, и люди благочестно прибегающия и призывающия Имя Твое святое, от всякия напасти, губительства, глада, труса, потопа, огня, меча, нашествия иноплеменников и междуусобныя брани, от всякаго болезни и всякаго обстояния: да ни ранами, ни прещением, ни мором, ни всяким праведным гневом Божиим умалятся раби Твои, но соблюдай и спасай милостию Твою, Госпоже, за ны молящися, и полезное воздуха благорастворение ко времени плоднаго приношения нам даруй; облегчи, возстави и помилуй, Премилостивая Владычице, Богородице препетая, во всякой беде и нужде сущия. Помяни рабы Твоя, и не презри слез и вздохания с нашего, и обнови нас благостию Твою ми-лости, да со благодарением утешаемся, обретше Тя Помощницу. Умилосердися, Госпоже Пречистая, на немощныя люди Твоя, Надеждо наша: разсеянныя собе-ри, заблудшия на путь правый настави, отпадшия от благочестивыя отеческия веры паки возврати, старость поддержи, юныя вразуми, младенцы воспитай и прослави славящия Тя; изряднее же — Церковь Сына Твоего соблюди и сохрани в долготу дний. О Милостивая и Премилостивая Царице Небесе и земли, Богородице Приснодево! Ходатайством Твоим помилуй вся православныя христианы, сохраня-ющи их под кровом милости Твоей, ризою Твою честною защити; и моли из Тебе воплошагося без семене Христа Бога нашего, да препояшет ны свыше силою на вся видимыя и невидимыя враги наша, на иноплеменники и единоплеменники, воюющая на нас и на веру нашу православную. Спаси же и помилуй, Госпоже, Ве-ликаго Господина и Отца нашего Святейшего Патриарха Алексия, преосвященные митрополиты, архиепископы и епископы православныя, иереи же и диаконы, и весь причет церковный, и весь монашеский чин, и вся правоверныя люди, поклоня-ющияся и молящияся пред честною Твою иконою. Призри на всех нас призрением милостивнаго Твоего заступления, воздвигни нас из глубины греховныя и просве-ти очи сердечныя ко зрению спасения: милостища нам буди зде, и на Страшнем Суде Сына Твоего о нас умоли; преставльшияся во благочестии от жития сего рабы Твоя в вечней жизни со ангелы и архангелы и со всеми святыми причти, да одес-ную Сына Твоего Бога представнат, и молитвою Твою сподоби вся православныя христианы со Христом жити и радости ангельския в небесных селениих наслажда-тися. Ты бо еси, Госпоже, слава Небесных и упование земных, Ты наша надеждо и заступнице всех притекающих к Тебе и Твоему святыя помоши просящих, Ты молеб-ница наша теплая к Сыну Твоему и Богу нашему; Твоя Матерня молитва много

может на умоление Владыки, и Твоим представительством ко престолу благодати Пресвятых и Животворящих Его Таин приступати дерзаем, аще и недостойнии. Темже всечестный образ Твой и рукою Твою держимаго Вседержителя видяще на иконе, радуемся грешни, со умилением припадающе, и любовию сей целуем, чающе, Госпоже, Твоими святыми Богоприятными молитвами дойти Небесныя безконечныя жизни и непостыдно стати в день судный одесную Сына Твоего и Бога нашего, яко да славим Его, купно со Безначальным Отцем и Пресвятым, Благим, Животворящим и Единосущным Духом, во веки веков. Аминь.

---



## Перед иконой «Неопалимая Купина» ( 4 / 27 Сентября)



О, Пресвятая и Преблагословенная Мати Сладчайшаго Господа нашего Иисуса Христа! Припадаем и поклоняемся Тебе пред святою и пречестною иконою Твою, еюже дивны и преславны чудеса содеваши, от огненного запаления и молниеноснаго громе жилища наша спасавши, недужных исцеляющи и всякое благое прошение наше во благо исполняющи. Смиренно молим Тя, всесильная рода нашего Заступнице, сподоби ны немощных и грешных Твоего Матеря участия и благопопечения. Спаси и сохрани, Владычице, под кровом милости Твоей Церковь Святую, обитель сию, всю страну нашу православную, и вся ны припадающая к Тебе с верою и любовию, и умиленно просящия со слезами Твоего заступления. Ей, Госпоже Все-милостивая, умилосердися на нас, обуреваемых грехами многими и не имущих дерзновения ко Христу Господу, просити Его о помиловании и прощении, но Тебе предлагаем к Нему на умоление Мать Его по плоти: Ты же, Всеблагая, простри к Нему Богоприимнин руце Твои и представительствуй за нас пред Благостию Его, просяще нам прощения прегрешений наших, благочестного мирного жития, благия христианских кончин, и доброго ответа на страшном Суде Его. В час же грозного посещения Божия, егда огнем возгорятся дома наша, или молниеносным громом устрашаем будем, яви нам милостивное Твоё заступление и державное вспоможение: да спасаем всесильными Твоими ко Господу молитвами времененного наказания Божия зде избегнем и вечное блаженство райское тамо унаследуем: и со всеми святыми воспоеем Пречестное и Великолепное Имя поклоняемые Троицы, Отца и Сына и Святаго Духа, и Твоё велие к нам милосердие, во веки веков. Аминь.



## **Перед иконой «В скорбех и печалех утешение» (19 ноября / 2 декабря)**

Царице моя преблагая, надеждо моя Богородице, приятелище сирых и странных представительнице, скорбящих радосте, обидимых покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам иныя помощи разве Тебе, ни иныя представительницы, ни благия утешительницы, токмо Тебе, о Богомати, яко да сохраниши мя и покрыши во веки веков. Аминь.





## **Перед иконой «Знамение», еже в велицем Новеграде (27 ноября / 10 декабря)**

### **Тропарь, глас 4-й:**

Яко необоримую стену и источник чудес, стяжавше Тя раби Твои, Богородице Пречистая, сопротивных ополчения низлагаем. Темже молим Тя, мир граду Твоему даруй и душам нашим велию милость.


### **Кондак, глас 4-й:**

Честного образа Твоего знамение празднующе людие Твои, Богородительнице, имже дивную победу на сопротивных граду Твоему даровала еси, темже Тебе верою взвываем: радуйся, Дево, христиан похвало.

### **Молитва:**

О, Пресвятая и Преблагословенная Мати Сладчайшаго Господа нашего Иисуса Христа! Припадаем и покланяемся Тебе пред святою чудотворною иконою Твою, воспоминающе дивное знамение Твоего заступления, великому Новуграду от нея явленное во дни ратного на сей град нашествия. Смиренно молим Тя, Всесильная рода нашего Заступнице: якоже древле отцем нашим на помощь тогда ускорила еси, тако и ныне нас немощных и грешных Твоего Матеряго заступления и благопопечения сподоби: спаси и сохрани, Вадычице, под кровом милости Твоей люди Твоя, Церковь святую утверди, град Твой (весь Твою) и всю страну нашу православную и всех нас, припадающих к Тебе с верою и любовию и умиленно просящих со слезами Твоего заступления, помилуй и сохрани. Ей, Госпоже всемилостивая! Умилосердися на ны, обуреваемыя грехми многими, простри ко Христу Богу богоприимней руце Твои и представительствуй за нас пред благостию Его, просящи нам прощения прегрешений наших, благочестного, мирного жития, благия христианская кончины и доброго ответа на страшнем суде Его: да спасаеми всесильными Твоими к Нему молитвами, блаженство райское унаследуем, и со всеми святыми воспоеем Пречестное и Великолепное имя достопокланяемая Троицы, Отца и Сына и Святаго Духа, и Твое велие к нам милосердие во веки веков. Аминь.





## **МОЛИТВЫ ЗА ОТЕЧЕСТВО**



## **Молитва покаянная, читаемая в день убиения царской семьи 4 / 17 июля**

Благословен еси Господи Боже Отец наших, и хвально и прославлено имя Твое во веки, яко праведен еси о всех, яже сотворил еси нам, и вся дела Твоя истинна и правы путье Твои, и вей Суды Твои истинни, и судьбы истинни сотворил еси по всем, яже навел еси на ны, яко согрешихом и беззаконновахом отступивше от Тебе, и прегрешихом во всех, и заповедей Твоих не послушахом, ниже соблюдохом, ниже сотворихом, якоже заповедал еси нам, да благо нам будет, и предал еси нас в руки врагов беззаконных, мерзких — отступников, человеком неправедным и лукавнейшим паче всея земли.

И ныне несть нам отверсти уст, спуд и поношение быхом рабом Твоим и чущим Тя. Не предаждь же нас до конца имени Твоего ради и не разори завета Твоего, и не остави милости Твоей от нас, яко, Владыко, умалихомся паче всех язык и есмы смирени по всей земли днесъ, грех ради наших и несть во время сие начальгника, пророка и вождя. И ныне возследуем всем сердцем и боимся Тебе и ищем лица Твоего, не посрами нас, но сотвори с нами по кротости Твоей, и по множеству милости Твоей, и молитв ради Пречистыя Матери Твоей и всех святых Твоих, изми нас по чудесем Твоим, и дажь славу имени Твоему, Господи, и да посрамятся вей являющий рабом Твоим злая, и да постыдятся от всякия силы и крепость их да сокрушится, и да разумеют вси, яко Ты еси Бог наш, един и славен по всей вселенной. Аминь.





## **Молитва покаянная , читаемая в церквях России во дни смуты**

Господи, Боже, Вседержителю, призри на нас, грешных и недостойных чад Твоих, согрешивших пред Тобою, прогневавших благость Твою, навлекших гнев Твой праведный на ны, падших во глубину греховную. Ты зриши, Господи, немощь нашу и скорбь душевную, веси растление умов и сердец наших, оскудение веры, отступление от заповедей Твоих, умножение нестроений семейных, разъединения и раздоры церковный, Ты зриши печали и скорби наша, от болезней, гладов, потопления, запаления и междуусобныя браны происходящыя. Но, Премилостивый и Человеколюбивый Господи, вразуми, настави и помилуй нас, недостойных. Исправи жизнь нашу греховную, утоли раздоры и нестроения, собери расточенныея, соедини разсеянныя, подаждь мир стране нашей и благоденствие, избави ю от тяжких бед и несчастий. Всесвятый Владыко, просвети разум наш светом учения Евангельского, возгрей сердца наша теплотою благодати Твоей и направи я к деланию заповедей Твоих, да прославится в нас всесвятое и преславное имя Твое, Отца и Сына и Свягаго Духа, ныне и во веки веков. Аминь.





## Молитва за русский народ

Всемогущий Боже, Ты — Кто сотворил небо и землю со всяким дыханием, — умилосердись над бедным Русским народом и дай ему познать, на что Ты его сотворил!

Спаситель мира, Иисусе Христе, Ты отверз очи слепорожденному — открой глаза и нашему Русскому народу, дабы он познал Волю Твою святую, отрекся от всего дурного и стал народом богобоязненным, разумным, трезвым, трудолюбивым и честным!

Душе Святый, Утешителю, Ты — что в пятидесятый день сошел на Апостолов — приди и вселися в нас! Согрей святою ревностью сердца духовных паstryрей наших и всего народа, дабы свет Божественного учения разлился по Земле Русской, а с ним низошли на нее все блага земные и небесные! Аминь.





## Молитва о спасении России

Господи Иисусе Христе, Боже наш! Прими от нас, недостойных раб Твоих, усердное моление сие и, простив нам вся согрешения наша, помяни всех врагов наших, ненавидящих и обидающих нас, и не воздаждь им по делам их, но по велицей Твоей милости обрати их неверных ко правоверию и благочестию, верных же во еже уклонившихся от зла и творит благое. Нас же всех и Церковь Твою Святую всесильною Твою крепостию от всякаго злого обстояния милостивне избави. Отечество наше от любых безбожник и власти их свободи, верных же раб Твоих, в скорби и печали день и ночь вопиющих к Тебе, многоболезненный вопль услыши, многомилостиве Боже наш, и изведи из истления живот их. Подаждь же мир и тишину, любовь и утверждение и скорое примирение людям Твоим, их же Честною Твою Кровию искупил еси. Но и отступившим от Тебе и Тебе не ищущим явлен буди, воеже ни единому от них погибнути, но всем им спастися и в разум истины прийти, да вей в согласном единомыслии и в непрестанной любви прославят пречестное имя Твое, терпеливодушне, незлобиве Господи, во веки веков. Аминь.






# Молитва о спасении державы Российской и утолении в ней раздоров и нестроений

*(Святителя Тихона, Патриарха Московского и всея Руси)*

Господи Боже, Спасителю наш! К Тебе припадаем сокрушенным сердцем и исповедуем грехи и беззакония наша, ими же раздражихом Твоё благоутробие и затворихом щедроты Твоя. Отступихом бо от Тебе, Владыко, и заповедей Твоих не соблюдохом, ниже сотворихом, яко же заповедал еси нам. Сего ради нестроением поразил еси нас, и дал еси нас на попрание врагом нашим, и ума лихомся паче всех язык, и быхом в притчу и поношение соседом нашим. Боже великий и дивный, каяйся о злобах человеческих, возводяй низверженныя и утверждай низпадающия! Небесную Твою силу с небесе низпосли, уврачуй язвы душ наших и воздвигни нас от одра болезни, яко наполнишася разслабления чресла наша, яко болим неправдою и рождаем беззаконие. Утоли шатания и раздоры в земли нашей, отжени от нас зависти и рвения, убийства и пианства, разжения и соблазны, попали в сердцах наших всяку нечистоту, вражду и злобу, да паки возлюбим друг друга и едино пребудем в Тебе, Господе и Владыце нашем, яко же повелел еси и за поведал еси нам. Помилуй нас, Господи, помилуй нас, яко исполнихомся уничижения и несмы достойни возвести очеса наша на небо. Помяни милости, яже показал еси отцем нашим, преложи гнев Твой на милосердие и даждъ нам помощь от скорби. Молит Тя Твоя Церковь, представляющи Тебе ходатайство другое Твоих: преподобных и богоносных отцев наших Сергия Радонежского и Серафима Саровского, Петра, Алексия, Ионы, Иова, Филиппа, святителей Московских, священномученика Ермогена, страстотерпца Царя Николая, страстотерпицы Царицы Александры, Царевича Алексия, великих княжен Ольги, Татианы, Марии, Анастасии, и верных слуг их, наипаче святителя Тихона, Патриарха Московского, исповедника, преподобномученицы великой княгини Елизаветы, ...и всех святых в земли нашей просиявших, изряднее же Пресвятыя Богородицы и Приснодевы Марии, от лет древних покрывавшия и заступавшия страну нашу. Вразуми всех, иже во власти суть, и возлаголи в них благая о Церкви Твоей и о всех людех Твоих. Силою Креста Твоего укрепи воинство наше и избави их от всякаго навета вражия. Воздвигни нам мужей силы и разума, и даждъ всем нам Духа премудрости и страха Божия, Духа крепости и благочестия.

Господи, к Тебе прибегаем, научи нас творити волю Твою, яко Ты еси Бог наш, яко у Тебе источник живота, во свете Твоем узрим свет. Пробави милость Твою ведущим Тя во веки веков. Аминь.





## МОЛИТВЫ ЗА ВОИНОВ



# Во время бедствия и нашествия врагов, иноплеменников и иноверных

**Святому благоверному князю Александру Невскому**

## **Молитва:**

Скорый помощниче всех, усердно к тебе прибегающих, и теплый наш пред Господем представителю, святый благоверный, великий княже Александре!

Призри милостивно на ны недостойныя, многими беззаконии непотребны себе сотворшия, к раце мощей твоих (или ко святей иконе твоей) ныне притекающая и из глубины сердца к тебе взывающая. Ты в житии твоем ревнитель и защитник Православная веры был еси: и нас в ней теплыми твоими к Богу молитвами непоколебимы утверди. Ты великое возложенное на тя служение тщательно проходил еси: и нас твою помошь пребывать коегождо, в неже призван есть, настави.

Ты, победив полки супостатов, от пределов Российских отгнал еси: и на нас ополчающихся всех видимых и невидимых врагов низложи. Ты, оставил тленный венец царства земного, избрал еси безмолвное житие, и ныне праведно венцем нетленным увенчанный на Небесех царствуешь: исходатайствуй и нам, смиренно молим тя, житие тихое и безмятежное, и к Вечному Царствуию шествие неуклонное твоим представительством устрой нам.


Предстоя же со всеми святыми Престолу Божию, молися о всех православных христианех, да сохранит их Господь Бог Свою благодатию в мире, здравии, долголетии и всякому благополучии в должностях лета, да присно славим и благословим Бога в Троице Святей славимаго, Отца и Сына и Святаго Духа, ныне и присно и во веки веков. Аминь.

## **Молитва против супостатов**

Господи Боже наш, послушавый Моисея, простерша к Тебе руце, и люди Израилевы укрепивый на Амалика, ополчивый Иисуса Навина на брань и повелевый солнцу стати: Ты и ныне, Владыко Господи, услыши нас, молящихся Тебе. Посли, Господи, невидимо десницу Твою, рабы Твоя заступающую во всех, а имже судил еси положити на брани души своя за веру, царя и Отечество, тем прости согрешения их, и в день праведнаго воздания Твоего воздай венцы нетления: яко Твоя

Держава, Царство и Сила, от Тебе помошь вси приемлем, на Тя уповаем, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

## Преподобному Иову, игумену и чудотворцу Почаевскому



### Тропарь, глас 4-й:

Возложь на ся иго Христово от юности, преподобне отче Иове, многолетне свято подвизался еси на поприще благочестия во обители Угорницкой и на острове Дубенстем; и пришед к горе Почаевской, знаменанной цельбоносною стопою Пресвятыя Богородицы, в тесной пещере каменней богомыслия ради и молитвы многократно заключался еси: и благодатию Божиєю укрепляяся, мужественно потрудился еси на пользу обители твоєя, купно же и противу врагов православия и благочестия христианского. И наставив сицевому ополчению иночествующих, победители тех представил еси Владыце своему и Богу: Того моли спастися душам нашим.


### Молитва:

О преподобне отче Иове, иноков трудолюбнаго жития богомудрый наставниче, кротости и воздержания, чистоты и целомудрия, братолюбия и нищелюбия, терпения и бдения от ранней юности до поздней старости неутомимый подвижниче, веры православныя великий ревнителю и непреоборимый поборниче, земли Волынския и Галицкия светило благосветлое и святыя Почаевских обители непобедимый защитниче! Призри оком благоутробия твоего на нас недостойных чад твоих, к тебе усердно по вся дни прибегающих и на боголюбивыя люди сия, пред твоими духоносными и многоцелебными мощами собравшияся и благоговейно к тем припадающия, и испроси представительством твоим ко Всевышнему Владыце им и нам вся, яже к животу и благочестию, полезная и благопотребная: болящия исцели, малодушныя ободри, скорбящия утеши, обидимыя заступи, немощныя подкрепи и поверженные долу возстави, всем вся, благодатию от Бога данною, даруй, по коегождо нужде и потребе, во спасение души и во здравие телу. Вознеси угодниче Божий всемощную молитву твою о Российской державе, да будет выну мир и тишина, благочестие и благоденствие, в судах правда и милость, в советах мудрость и благое преспяление, да утверждается же во благих человечех верность, в злых же страх и боязнь, во еже престати им от зла и творити добрая, да тако в державе Российстей царство Христово растет и множится и да прославится в нем Бог, дивный во святых своих: Ему же единому подобает всякая

слава, честь и поклонение Отцу и Сыну, и Святому Духу, ныне и присно, и во веки веков. Аминь.

*В перечисленных обстоятельствах молятся также перед иконами Божией Матери: Владимирская, Казанская, «Знамение», Тихвинская.*

## Молитва перед сражением



Спаситель мой! Ты положил за нас душу Свою, дабы спасти нас; Ты заповедал и нам по-лагать души свои за други наша и за ближних наших. Радостно иду я исполнити святую волю Твою и положити жизнь свою за Царя и Отечество. Вооружи мя крепостию и мужеством на одоление врагов наших, и даруй ми умрети с твердою верою и надеждою вечной блаженной жизни во Царствии Твоем.

### Молитва Кресту Господню

Да воскреснет Бог, и расточатся врази Его, и да бежат от лица Его ненавидящии Его. Яко исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знамением, и в веселии глаголющих: радуйся, Пречестный

и Животворящий Кресте Господень, прогоняй бесы силою на тебе пропятаго Господа нашего Иисуса Христа, во ад сшедшаго и поправшаго силу диаволю, и даровавшаго нам тебе Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Девою Богородицею и со всеми святыми во веки. Аминь.





# Об охранении жизни воинов на поле брани

**Святителю Никите, епископу Новгородскому**

**Тропарь, глас 4-й:**

Насладився, Богомудре, воздержания и желание плоти твоей обуздав, на престоле святительства сел еси, и яко звезда многосветлая, просвещая верных сердца зарями чудес твоих, отче наш, святителю Никито, и ныне моли Христа Бога, да спасет души наша.


**Кондак, глас 6-й:**

Архиерейства саном почтився, и чисте чистейшему предстои, прилежно моление за люди твоя приносил еси; яко и дождь молитвою свел еси, овогда же и града запаления угасил еси. И ныне, святителю Никито, моли Христа Бога, спаси люди твоя молящиеся, да вси вопием ти: радуйся святителю, отче предивный.

**Молитва:**

О, архиерею Божий, святителю Никито! Услыши нас грешных, днесъ во священный храм сей стекшихся, и честному образу твоему поклоняющихся, и ко священней твоей раце припадающих, и умиленно вопиющих: яко же сидя на престоле святительства в Великом Новеграде сем, и единою належаще бездождию, дождь молитвою свел еси, и паки граду сему огненным пламенем обдержиму, молитвою избаву подал еси, тако и ныне молим тя, о святителю Христов Никито: молися ко Господу, еже избавити царствующий грады, Великий Новград сей и вся грады и страны христианские от труса, потопа, глада, огня, града, меча и от всех врагов видимых к невидимых, яко да изрядных ради молитв твоих спасеши, славим Пресвятую Троицу, Отца и Сына и Святаго Духа, и твое милостивное представительство, ныне и присно, и во веки веков. Аминь.

## Преподобному Сергию, игумену Радонежскому



### Тропарь, глас 4-й:

И же добродетелей подвижник, яко истинный воин Христа Бога, на страсти вельми подвигался еси в жизни временней, в пениях, бдених же и пощених образ быв твоим учеником: темже и вселился в тя Пресвятый Дух, Егоже действием светло украшен еси: но яко имея дерзновение ко Святей Троице, поминай стадо, еже собрал еси, мудре, и не забуди, якоже обещался еси, посещая чад твоих, Сергие Преподобне отче наш.


### Кондак, глас 8-й:

Христовою любовию уязвився, Преподобне, и тому невозвратным желанием последовав, всякое наслаждение плотское возненавидел еси, и яко солнце отечеству твоему возсиял еси, тем и Христос даром чудес обогати тя. Поминай нас, чтуших пресветлую память Твою, да зовем ти: Радуйся, Сергие Богомудре.

### Молитва:

О, священная главо, преподобне и Богоносне отче наш Сергие, молитвою твою, и верою и любовию, яже к Богу, и чистотою сердца, еще на земли во обитель Пресвятыя Троицы душу твою устроивый, и Ангельского общения и Пресвятыя Богородицы посещения сподобивыйся, и дар чудодейственный благодати приемый, по отшествии же твоем от земных наипаче к Богу приближивыйся, и небесныя силы приобщивыйся; но и от нас духом любве своея не отступивый, и честныя твоя моши, яко сосуд благодати полный и преизливающийся, нас оставивый! Велие имея дерзновение ко Всемилостивому Владыце, моли спасти Рабы Его, сущей в тебе благодати Его верующия и к тебе с любовию прибегающим. Испроси нам от великодаровитаго Бога нашего всякий дар, всем и коемуждо благопотребен, веры непорочны соблюдение, градов наших утверждение, мира умирение, от глада и пагубы избавление, от нашествия иноплеменных сохранение, скорбящим утешение, недугующим исцеление, падшим возставление, заблуждающимся на путь истины и спасения возвращение, подвизающимся укрепление, благоделающим в делах благих преуспеяние и благословение, младенцам воспитание, юным наставление, неведущим вразумление, сиротам и вдовицам заступление, отходящим от сего временного жития к вечному благое уготование и напутствие, отшедшим блаженное упокоение, и вся ны споспешствующими твоими молитвами сподоби в день страшного суда шуя части избавитися, десныя же страны общники быти, и блаженный онъи глас Владыки Христа услышати: «Приидите, благословеннии Отца Моего, наследуйте уготованное вам Царствие от сложения мира». Аминь.

## **Великомученику Георгию Победоносцу**



### **Тропарь, глас 4-й:**

Яко пленных свободитель, и нищих защититель, немощтвующих врач, царей поборниче, победоносче великомучениче Георгие, моли Христа Бога, спастися душам нашим.

### **Кондак, глас 4-й:**

Возделан от Бога, показался еси благочестия делатель честнейший, добродетелей рукояти собрав себе: сея в слезах, веселием жнеши: страдальчествовав же кровию, Христа принял еси: и молитвами, святыми, всем подаеши прегрешений прощение.

### **Величание:**

Величаем тя, страстотерпче святый великомучениче и победоносче Георгие, и чтим страдания твоя, яже за Христа претерпел еси.

### **Молитва:**

Святый, славный и всехвальный великомучениче Георгие! Собранныи в храме твоем и пред иконою твою святою поклоняющийся людие, молим тя, известный желания нашего ходатаю, моли с нами и о нас умоляемаго от своего благоутробия Бога, да милостивно услышит нас, просящих Его благостию, и не оставит вся наша ко спасению и житию нуждная прошения, и дарует стране нашей победу на сопротивныя; и паки, припадающе, молим тя, святый победоносче: укрепи данною тебе благодатию во бранех православное воинство, разруши силы встающих врагов, да постыдятся и посрамятся, и дерзость их да сокрушится, и да уведят, яко мы имеем Божественную помощь, и всем, в скорби и обстоянии сущим, многомощное яви свое заступление. Умоли Господа Бога, всяя твари Создателя, избавити нас от вечного мучения, да прославляем Отца, и Сына, и Святаго Духа и твое исповедуем представительство ныне, и присно, и во веки веков. Аминь.

## **Молитва о возвращении мирных времен преподобного Ефрема Сиринга**

Куда бегу от Тебя, Господи наш? В какой стране скроюсь от лица Твоего? Небо — престол Твой, земля — подножие Твое, в море путь Твой, в преисподней владычество Твое. Если близок уже конец мира, то не без щедрот Твоих будет кончина.

Знаешь Ты, Господи, что неправды наши велики; и мы знаем, что велики щедроты Твои. Если не умилостивят Тебя щедроты Твои, погибли мы за беззакония

наши. Не оставь нас, Господи, Господи; потому что вкушали мы Плоть и Кровь Твою.

Когда дела каждого подвергнутся испытанию пред Тобою, Господи всяческих, — в это последнее время не отврати, Господи, лица Твоего от исповедавших святое Имя Твое. Отче, Сыне и Душе Святый, Утешителю, спаси нас и сохрани души наши!

Умоляем благость Твою, Господи, отпусти нам вины наши, презри беззакония наши; отверзи нам дверь щедрот Твоих, Господи, да приидут к нам времена мирные, и по щедротам Твоим милостиво приеми молитву нашу, потому что кающимся, Господи, Ты отверзаешь дверь.






## Молитва родителей о детях, находящихся на службе в армии

Господи Иисусе Христе, Сыне Божий, молитв ради Пречистыя Твоей Матери услыши мя, недостойную рабу [или раба](имя). Господи, в милостивой власти Твоей чада моя [или чадо мое], рабы Твоя(имена), помилуй и спаси их, Имени Твоего ради. Господи, прости им все согрешения вольные и невольные, совершенные ими пред Тобою. Господи, настави их на истинный путь Твоих заповедей, и разум просвети светом Христовым во спасение души и исцеление тела. Господи, благослови их службу в армии, на суще, воздухе и в море, в пути, летании и плавании и на каждом месте Твоего владычества. Господи, сохрани их силою Честного и Животворящего Креста Твоего под кровом Твоим святым от летящей пули, стрелы, меча, огня, от смертоносной раны, водного потопления и напрасной смерти. Господи, огради их от всяких видимых и невидимых врагов, от всякой беды, зол, несчастий, предательства и плена. Господи, исцели их от всякой болезни и раны, от всякия скверны и облегчи их душевные страдания. Господи, даруй им благодать Духа Твоего Святаго на многие годы жизни, здоровья и целомудрия во всяком благочестии и любви в мире и единодушии с окружающими их начальствующими, близкими и дальними людьми. Господи, умножь и укрепи им умственные способности и телесные силы, здоровы и благополучны возврати их в родительский дом.

Всеблагий Господи, даруй мне, недостойной и грешной рабе Твоей (имя), родительское благословение на чад моих (имена) в настоящее время утра, дня, ночи, ибо Царствие Твоеечно, всесильно и всемогущественно. Аминь.





## **МОЛИТВЫ О ЗАКЛЮЧЕННЫХ**



## Молитва заключенного к святому Иоанну Предтече

Предтече и Крестителю Христов Иоанне, проповедниче покаяния! Ты непо-  
винне всажден был еси в темницу: аз же, вверженный в злоключение сие, достой-  
ное по делом моим приемлю, яко преступник правды и закона. Всели в мое сердце  
чувство покаяния о грехах моих! Несть бо ни единого злобы ни беззакония, их-  
же аз, окаянный, не содеях; престрашни грехи мои. Учителю правды! научи мя  
право глаголати о мне самом пред судиями. Не преставай и в темнице обличати  
беззаконного Ирода, даруй ми, да наипаче где обличает мене совесть моя, да от  
обличении ея не возмогу на долзе времени утаити мое преступление. Аще же  
осужден буду понести наказание, даруй ми быти терпеливу, якоже ты сам терпе-  
ливо несл еси усекновение главы твоей, желанное от Иродиады. Ей, Крестителю  
Христов! Простри ми, рабу твоему, руку, крестившую Христа Спасителя моего, да  
мя излечеши из глубины погибели. Ты еси больший всех в рожденных женами, ты  
еси первый по Богородице, праведник между человеки. Сего ради прибегаю к тебе  
аз, имея потребу в велицем ходатае, яко велик есмь грешник. Убо и да осенит  
мене, недостойнаго, благодать твоя, Предтече Господень.





## Преподобному Петру Афонскому



### Тропарь:

Мир оставил еси, Петре, Господа ради своего и крест восприим на рамо свое, на гору достигл еси Афонскую, якоже древле фесвитянин Илия. И в ней пребыв пощением, и молитвами, и бдением, Бога милостива творя, и Пречистую Богородицу Молебнищу предлагая, сего ради вопием ти: моли Христа Бога, да спасет души наша.

### Кондак:

Удалив себе человеческаго сожительства в пещерах каменных и расселинах пожил еси желанием Божественным и любовию, Петре, Господа твоего, от Негоже венец приял еси. Моли непрестано спастися нам.

---



## Молитва великомученице Анастасии, именуемой «Узорешительница»



О многострадальная и премудрая великомученице Христова Анастасие! Ты душею на небеси у Престола Господня предстоиши, на земли же, данною тебе благодатию, различная совершаеши исцеления: призри убо милостивно на предстояния люди и молящиеся пред мощами твоими, просящия твоей помощи: прости ко Господу святыя молитвы твоя о нас, и испроси нам оставление согрешений наших, недужным исцеление, скорбящим и бедствующим скорую помошь: умоли Господа, да поастаст всем нам христианскую кончину и добный ответ на Страшнем Суде Своем, да сподобимся и мы купно с тобою славити Отца и Сына и Святаго Духа во веки веков. Аминь.





## Молитва заключенного к Ангелу хранителю

Ангеле Божий, предстояй ми от купели святаго крещения! Колико аз, преогоречавах тебе злыми помыслы, скверными словесы и постыдными деяниями в житии моем! Ктому же, не памятоах, яко имам тя даннаго ми от Бога хранителя. Егда аз упивахся вином, или безстудно плясах, или в блуде, хищениях и злоприобретениях иждивах житие мое: и в сии дни ты не отлучался еси от мене, но токмо, яко чистый дух, печален был еси о мне, непотребнем рабе. Коль множицею аз бых близ самыя смерти, творяй преступныя дела и отнюдь не помышляй предстати внезапу Богу-Судии! Смерть же не постиже мене тогда: и вем, яко ты отвратил еси ю от мене. Тако выну охраняеш мя, и не един аз есмъ, внегда един жительствую во узилищи сем, но с тобою, хранителю мой. Аще и не вижду тебе телесными очима, ты еси присно спребываю окаянной моей душе и телу. Якоже солнце, преходя скверныя места, не оскверняется, сице и ты, светоносный Ангеле Божий, не возгнушайся моей смрадности, но николиже отлучайся от мене и в сей темнице. Сохрани мя здрава ношию и неприступна во сне диавольскому искушению. Отжени от мене безсоние. Сопутствуй ми, во дни, на кийждо час, во всех входех и исходех моих. Даруй ми крепость телесных сил, еже понести горькия работы, в наказание мне налагаемыя, горькия же паче по вине их. Заступи мя от злобы бесов, люте нападающих на мою душу: ибо от единаго мановения десницы твоей бежат беси. Паче же всего отжени от мене смятение душевное и ропот вредный: сый бо смущен сердцем, не хощу ни на кого и ни на что благоприятно взирати и присно зде огорчеваюся. Даруй очам моим слезы о грехах, устам же тихое глаголание. Не ступи от мене, святый Ангеле, и егда душа моя начнет разлучатися от тела, но представи ми у смертного моего одра тих и радостен; ибо имам тогда видети тебе близ суща. Не остави и послежде мою душу, яже ти от Бога предана бысть непорочне, но яже по смерти моей имать судитися, яко оскверненная многими грехами. О, хранителю мой! Призови тогда помолитися о мне и прочия безплотныя силы, да твоим заступлением помилован буду, грешный раб (имя), во веки веков, аминь!



## Молитва заключенного к Божией Матери



О, Пресвятая Дева, Мати Господа и Спасителя моего! Вси человецы притекают к Тебе и никто притекаяй отходит от Тебе всуе, аще о дobre просит. Молят Тя архиерее и священцы, яко Матерь еси Архиерея Великаго, прошедшаго небеса. Молят Тя иноки и инокини, яко Сама еси Пречистая Дева. Молят Тя отцы и матери, иже соболезнуют о своих детях, в немощех лежащих или далече живущих, яко Ты Сама болезнующи искала Сына своего, егда Он, дванадесятилетний отрок, оста во Иерусалиме. Молят Тя обидими, яко претерпела еси гонение от Ирода с Божественным Младенцем. Возносят к Тебе последнюю свою молитву умираущии, яко Ты предстояла еси у Креста умирающаго Сына Твоего. Молят Тя праведнии и вси хотящии благочестно жити: и никтоже от них достиже праведности, не имеяй Тебе молитвенницу. Тако вси имут Тя заступницу усердну и всем подаеш скору помощь.

Един ли аз, грешник, в темнице седяй, забвен буду от Тебе? Мене ли единаго молитву не услышиши? Мене ли, прибегающаго к Тебе, не приемиши под кров Твой? О, никакоже помышляю сему быти. Понеже Матерь еси Спасителя погибающих грешников. Понеже яко несть иного Бога разве Иисуса Христа, Сына Твоего, со Отцем и Святым Духом во Едином Божестве покланяемаго. Тако несть иного у Престола Божия ближайшаго ходатая, якоже Ты, Мати Божия! Матернее моление много может ко благосердию Владыки. Пред Ним Тебе вся возможна суть. Сего ради на Тя по Бозе все упование мое возлагаю. Сего ради храню аз пречистый образ Твой во узилищи моем, памятуяй близость Твою ко всем скорбящим и заключенным.

Обаче Ты, Матерь Божия, и являла еси доныне ко мне многая милости по моим прошением к Тебе! Чимже аз явихся пред Тобою? Увы мне злонравному! Аз же непамятлив бых Твоих благодеяний. Но, о милосердая Царице Богородице, прости моя измены и неразумие, не отвергни мене, паки возвращающагося к Тебе, яви ко мне древняя Твоя милости и приими мя на Свои мощныи руки, аки боляща, аки еле жива суща от язв греховных. Приведи мою душу грешную к покаянию. Беззаконаия бо моя превзыдоша главу мою. Колико доселе прогневах аз Бога моего лжами,

хищениями, пиянством, крамолами, жестокосердием, безсовестием. Безпрестанни согрешаю и в сей темнице леностию, мечтаниями, обманами, непокорством, досаждениями соузникам моим и развращением их, татьбами и роптанием на мою участь. Ктому не быть у мене доныне ни слез, ни умиления, или же аз плаках токмо от досады моей.

Примири убо мене, Благодатная, с Богом, Сыном Твоим. Сподоби мя получить разрешение во всех грехах моих в тайне покаяния, и аbie причаститися Святаго Тела и Крове Сына Твоего. Помози ми отныне возненавидети злых моих страсти и крепко воинствовать противу греха; зане аще в чесом и покаяся, по малом часе таяжде творю, и сице лжив пред Богом обретаюся. Испроси ми, Владычице Богородице, благодать прочее время живота моего в твердом покаянии скончати. Милующая грешники, не презри мене первого из них. Зриши моя беды, зриши мою горьку жизнь в сей темнице. Помози ми претерпети до конца позор мой, тесноту и прочия темничныя лишения, да не впаду в отчаяние, да не дерзну возносити хулы на Промысл Божий, но токмо скорблю и плачу о грехах моих, токмо от печали моей о чадах моих и сродниках, от нихже разлучен есмъ, обращаюся ко утешению в молитве. Несть у меня терпения и кийждо день мню, яко наста конец моему терпению. О, печальных недоведомое утешение! Утеши моего отца и матери со сродники, иже скорбят о мне, для нихже аз содеяхся яко мертв. Наипаче же, о чадолюбивая Мати! не лиши Твоего покровительства жену и чада моя, ихже оставих аз, яко преступный отец, зане они неповинни суть во грехах моих. Препитай их и сохрани Твою молитвою здравы и богообразненны. Даруй ми, напоследок, видети свободу и со слезами радости облобызати моих домашних. Из глубины души моей вопию к Тебе, Царице Небесная, от одного образа Твоего с предвечным Младенцем на руку Твою держимым чувствуяй в сердце моем отраду: не отрини мене, буди ми покровительница во всяких моих нуждах, во всяком моем страхе и унынии, днем и нощю, во здравии и болезни. Облегчи моя душевныя и телесныя скорби, яко Ты еси всех скорбящих радость. Милостива буди ми не зде токмо, но и тамо, в стране вечней. Не остави мене без Твоего заступления в день Страшного Второго Пришествия Господа моего. Ей, Пресвятая Богородице! Не забуди тогда моей веры, яже к Тебе, и недостойных моих молитв пред Тобою. Да тако, быв на вечные времена помилован Тобою, в бесконечныя же веки буду благодарити Тебе и славословити Отца и Сына и Святаго Духа, аминь.





## Молитва узника в темнице заключенного

*(Творение святителя Филарета Московского)*

Господи Боже, Создателю и Спасителю мой! Благословенно да будет имя Твое Святое. Благодарение и слава Тебе, Господи, о всех благих, яже прият от Тебе в житии сем. Ныне же скорбь и болезнь обретох, и Имя Твое призываю. Поношения нападоша на мя. Положиша мя в рове преисподнем, в темных и сени смертней. Скорблю о сем; и по сей скорби разумеваю, яко согреших пред Тобою, и по грехом моим приидоша на мя беды; ибо праведники Твои не унывающе и в темницах пояху Тебе, и во страданиях радовахуся. И аще беззакония назриши, Господи, Господи, кто постоит? Яко несть человек, иже не согреши. Но Ты, Господи, грехи всего мира носиши, и покаянием очищаеш. Верую, яко и мене грешнаго не отвержеши от лица Твоего. За весь мир Единородный Сын Твой излия Свою Божественную Кровь. Верую, яко и мене от грехов моих омыти может и хощет. Сего ради с Давидом глаголю: исповем на мя беззаконие мое. Ты же, яко Благ, остави нечестие сердца моего. Страшуся суда и осуждения человеческого: но наипаче да будет мне в сердце страх Твой неумытный суд и вечное осуждение. Аще неправда возстанет на мя, дерзаю словом Давидовым молитися Тебе, услыши, Господи, правду мою и вонми суду моему, и правдою Твою избави мя. Аще же неправду сотворих: милосердием Твоим неправду мою уврачуй. Не попусти уклонитися сердцу моему во словеса лукавства, к сокрытию истины, и к ложному оправданию. Помози мне и уразумети, и возненавидeti неправду мою: возлюбити же правду, и во истине обрести облегчение души моей. Облегчи бремя бедствия моего. А еже понести мне суждено, да понесу с терпением, ради очищения грехов моих, и ради умилостивления Твоего правосудия. Аще и стыд покрыт мене пред некими человеками: да потерплю со смирением, да умилостивлю Тебе, Господи, да не постыжен буду пред лицем сего мира на Страшном Суде Твоем.

Прихожду к Тебе скорбный и печальный: не лиши мене духовного утешения.

Прихожду к Тебе омраченный: яви свет упования спасения.

Припадаю к Тебе изнемогший: возстави и утверди мене благодатию Твою.

Паче всего даруй мне желание, и помози мне, Господи, творити во всем Твою волю, да в мире совести прославлю Имя Твое Святое, Отца и Сына и Святаго Духа. Аминь.






## Молитва о в узах сущих

Господи Иисусе Христе Боже наш, святаго апостола Твоего Петра от уз и темницы без всякаго вреда свободивый, приими, смиленно молим Ти ся, жертву сию милостивно во оставление грехов рабов Твоих (раба Твоего/рабы Твоей) (*имярек*) в темницу всажденных (всажденнаго), и молитвами их (его), яко Человеколюбец, всесильною Твою Десницею от всякаго злого обстояния избави и на свободу изведи.





**НАПУТСТВИЕ ХРИСТИАНИНА  
ПЕРЕД СМЕРТЬЮ И  
ЗАУПОКОЙНЫЕ МОЛИТВЫ**



## Кончина человека

*Если положение больного безнадежно, то при явных признаках приближающейся смерти священник читает отходную молитву — «Канон молебный при разлучении души от тела» или более полно он называется «Канон молебный ко Господу нашему Иисусу Христу и Пречистой Богородице Матери Господни при разлучении души от тела всякого правоверного». Родственники сами могут прочитать этот канон, если невозможно пригласить священника, кроме чтения «молитвы, от иероя глаголемой на исход души», которая находится в конце канона. Этот канон читается «от лица человека с душою разлучающимся и не могущаго глаголати» и имеется в православных молитвословах. Чтение канона мирскими людьми начинается возгласом: «Молитвами святых отец наших Господи Иисусе Христе Боже наш, помилуй нас», затем следуют предназначательные молитвы: «Трисвятое», «Пресвятая Троица», «Отче наш» и далее по молитвослову.*

*При чтении канона возжигается свеча и лампадка перед домашней святой иконой. Если дома иконы нет, то нужно обязательно приобрести в храме иконы Спасителя и Божией Матери. Для умирающих младенцев (детей до семи лет) из-за отсутствия грехов, перечисляемых в каноне, которые не свойственны им по малолетству, канон не читается.*

*Кроме канона при разлучении души от тела еще существует «Чин, бываемый на разлучение души от тела, когда человек долго страждет». Этот чин читается над человеком, который испытывает тяжкие предсмертные мучения и никак не может умереть (как правило, читается священником).*

*После смерти человека над ним немедленно читается Последование по исходе души от тела.*





## Приготовление усопшего к погребению

Умерших мы именуем усопшими, то есть уснувшими. Называем их мы так по нашей христианской вере, что души после смерти не уничтожаются, не исчезают в небытии, а отлучаются от тела и переходят из этой жизни в другую — загробную. Там пребывают они после частного суда по делам земным в приличествующем им месте до Страшного суда Божия, когда по слову Господа души всех умерших людей воссоединяются с телами и воскреснут. И тогда окончательно определится участь каждого: праведные наследуют Царство Небесное, блаженную вечность с Богом, а грешные — вечное наказание.

Историческое обоснование погребения усопших дано в образе погребения Иисуса Христа. По примеру благочестивой древности и в настоящее время погребение предваряется совершением различных многозначительных символических действий.

Тело усопшего омывают теплой водой, чтобы предстал он перед Богом по воскресении в чистоте и непорочности. При омовении читают «Трисвятое»: «Святый Боже, Святый Крепкий, Святый Бессмертный, помилуй нас» или «Господи, помилуй». Возжигается лампадка или свеча и горит до тех пор, пока в доме находится покойник. После омовения тело христианина одевают в чистые и, по возможности, новые одежды — по званию и служению его, на усопшем обязательно должен быть нательный крестик. Омовение обычно совершают люди старшего возраста, а если таковых нет, то омыть тело усопшего может любой из родственников, за исключением женщин, находящихся в данный момент в естественной нечистоте. Обычай указывает, что в омовении тела женщины участвуют только женщины. Если известно, что почивший был монахом (монахиней) или священнослужителем, то надо о его кончине сообщить в храм. Тело покойного полагают на стол, покрывают белым покрывалом — саваном. Затем умершего покрывают особым освященным покровом (погребальным покрывалом), на котором изображены крест, лики святых и молитвенные надписи. Все это означает, что умерший оставался верным Богу и теперь остается под покровом Божиим. Глаза должны быть закрыты, уста сомкнуты, руки сложены крестообразно, правая поверх левой. Руки и ноги усопшего связывают, чтобы развязать перед последним прощанием. В руки покойного полагают погребальный крест, на грудь кладут святую икону, для мужчин — образ Спасителя, для женщин — образ Божией Матери. На лоб умершего возлагают венчик — полоску бумаги с изображением Спасителя, Божией Матери и Иоанна Предтечи. Изображения эти обрамлены надписью «Трисвятого». Венчик, символизирующий

соблюдение веры усопшим христианином и совершение им христианского жизненного подвига, возлагается в надежде, что почивший в вере получит по воскресении от Бога небесную награду и нетленный венец. Как правило, венчик отпечатан на одном листке с разрешительной молитвой. После приобретения молитвы-венчика в храме венчик отрезается ножницами (после отпевания листок с молитвой будет вложен в руку почившего). Перед положением усопшего во гроб тело его и гроб окропляют святой водой, причем гроб окропляют извне и изнутри. В гроб покойного полагают лицом вверх, под голову кладут подушку, набитую соломой или опилками. Гроб обыкновенно ставят посреди комнаты перед домашними иконами, головой к образам. Вокруг гроба возжигают четыре свечи: у головы, в ногах и по обеим сторонам на уровне скрещенных рук. Возженные свечи вместе изображают крест и символизируют переход умершего в Царство Истинного Света.

К православным традициям не относятся бытующие во многих семьях различные суеверия, связанные с покойником, такие, как занавешивание зеркал, отказ пользоваться вилками во время поминальной трапезы, обычай оставлять часть блюд или стакан с водой (а еще хуже с водкой) перед портретом усопшего и т. п.

Все эти суеверия никакого отношения к православию не имеют. Занавешивание зеркал в доме, где лежит тело покойного, оправдано лишь в том случае, когда мы, думая об усопшем, уходим от внешней суэты и отдаём свой последний молитвенный вздох об упокоении преставльшейся души.

---



## **17-я кафизма (поминальная), что мая в дни особого поминования усопших**

(Читается ежедневно в течение 40 дней по смерти)

Молитвами святых отец наших, Господи Иисусе Христе, Боже наш, помилуй нас. Аминь.

Царю Небесный... Трисвятое. Пресвятая Троице... Отче наш...

Тропарь: Помилуй нас, Господи, помилуй нас; всякаго бо ответа недоумеюще, сию Ти молитву яко Владыце грешнii приносим: помилуй нас.

Слава Отцу и Сыну и Святому Духу. Честное пророка Твоего, Господи, торжество, небо Церковь показа, с человеки ликуют ангели: того молитвами, Христе Боже, в мире управи живот наш, да поем Ти: Аллилуия.

И ныне и присно и во веки веков, аминь. Многая множества моих, Богородице, пргрешений, к Тебе прибегох, Чистая, спасения требуя: посети немощствующую мою душу, и моли Сына Твоего и Бога нашего дать ми оставление, яже содеях лютых, Едина Благословенная.

Господи, помилуй. (Сорок раз)

И поклоны по силе.

Приидите, поклонимся... (Трижды)

И псалмы:

### **Псалом 118**

Блажени непорочнии в путь, ходящий в законе Господни. Блажени испытываущи свидения Его, всем сердцем взыщут Его, не делающий бо беззакония, в путех Его ходиша. Ты заповедал еси заповеди Твоя сохранити зело. Дабы исправилися путие мои, сохранити оправдания Твоя. Тогда не постыжуся, внегда призрети ми на вся заповеди Твоя. Исповемся Тебе в правости сердца, внегда научитимся судьбам правды Твоей. Оправдания Твоя сохраню: не остави мене до зела. В чесом исправит юнейший путь свой? Внегда сохранити словеса Твоя. Всем сердцем моим взысках Тебе, не отрини мене от заповедей Твоих. В сердце моем скрых словеса Твоя, яко да не согрешу Тебе. Благословен еси. Господи, научи мя оправданием Твоим. Устнама моима возвестих вся судьбы уст Твоих. На пути свидений Твоих насладихся, яко о всяком богатстве. В заповедех Твоих поглумлюся, и уразумею пути Твоя. Во оправданиях Твоих поучуся, не забуду словес Твоих. Воздаждь рабу Твоему: живи мя, и сохраню словеса Твоя. Открый очи мои, и уразумею чудеса

от закона Твоего. Пришлец аз есмь на земли: не скрый от мене заповеди Твоя. Возлюби душа моя возжелати судьбы Твоя на всякое время. Запретил еси гордым: проклятии уклоняющимся от заповедей Твоих. Отыми от мене понос и унижение, яко свидений Твоих взысках. Ибо седоша князи, и на мя клеветаху, раб же Твой глумляшеся во оправданиях Твоих. Ибо свидения Твоя поучение мое есть, и совети мои оправдания Твоя. Прильпе земли душа моя, живи мя по словеси Твоему. Пути моя возвестих, и услышал мя еси: научи мя оправданием Твоим. Путь оправданий Твоих вразуми ми, и поглумлюся в чудесех Твоих. Воздрема душа моя от уныния, утверди мя в словесех Твоих. Путь неправды отстави от мене, и законом Твоим помилуй мя. Путь истины изволиши, и судьбы Твоя не забых. Прилепихся свидением Твоим, Господи, не посрами мене. Путь заповедей Твоих текох, егда разширил еси сердце мое. Законоположи мне, Господи, путь оправданий Твоих, и взыщу и выну. Вразуми мя, и испытаю закон Твой, и сохраню и всем сердцем моим. Настави мя на стезю заповедей Твоих, яко тую восхотех. Приклони сердце мое во свидения Твоя, а не в лихоимство. Отврати очи мои, еже не видети суеты, в пути Твоем живи мя. Постави рабу Твоему слово Твое в страх Твой. Отими поношение мое, еже непещевах, яко судьбы Твоя благи. Се, возжелах заповеди Твоя, в правде Твоей живи мя. И да приидет на мя милость Твоя, Господи, спасение Твое по словеси Твоему, и отвещаю поношающим ми слово, яко уповах на словеса Твоя. И не отыми от уст моих словесе истинна до зела, яко на судьбы Твоя уповах. И сохраню закон Твой выну, в век и в век века. И хождах в широте, яко заповеди Твоя взысках, и глаголах о свидениях Твоих пред цари, и не стыдяхся. И поучахся в заповедех Твоих, яже возлюбих зело: и воздвигох руце мои к заповедем Твоим, яже возлюбих, и глумляхся во оправданиях Твоих. Помяни слова Твоя рабу Твоему, ихже упование дал mi еси. То мя утеши во смирении моем, яко слово Твое живи мя. Гордии законопреступоваху до зела, от закона же Твоего не уклонихся. Помянух судьбы Твоя от века, Господи, и утешихся. Печаль прият мя от грешник, оставляющих закон Твой. Пета бяжу мне оправдания Твоя на месте пришельства моего. Помянух в нощи имя Твое, Господи, и сохраних закон Твой. Сей бысть мне, яко оправданий Твоих взысках. Часть моя еси, Господи: рех сохранити закон Твой. Помолихся лицу Твоему всем сердцем моим: помилуй мя по словеси Твоему. Помыслих пути Твоя, и возвратих нозе мои во свидения Твоя. Уготовихся и не смутихся сохранити заповеди Твоя. Ужя грешник обязашася мне, и закона Твоего не забых. Полunoщи востах исповедатися Тебе о судьбах правды Твоей. Причастник аз есмь всем боящимся Тебе и хранящим заповеди Твоя. Милости Твоей, Господи, исполнъ земля, оправданием Твоим научи мя. Благость сотворил еси с рабом Твоим, Господи, по словеси Твоему. Благости и наказанию и разуму научи мя, яко заповедем Твоим веровах. Прежде даже не смиритися, аз прегреших, сего ради слово Твое сохраних. Благ еси Ты, Господи, и благостию Твою научи мя оправданием Твоим. Умножися на мя неправда гордых, аз же всем сердцем моим испытаю заповеди Твоя. Усырися яко млеко сердце их, аз же закону Твоему научихся. Благо мне, яко смирил мя еси, яко да научуся оправданием Твоим. Благ мне закон уст Твоих, паче тысячи злата и сребра.

Слава:

Кафизма разбита на 3 «Славы», на каждой «Славе» читать:

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже (Трижды).

Господи, помилуй (Трижды).

Молитвенное прошение за усопшею. (См. в конце кафизмы)

Слава Отцу и Сыну и Святому Духу, и ныне и присно и во веки веков. Аминь.

Руце Твои сотвористе мя и создасте мя, вразуми мя, и научуся заповедем Твоим. Боящиися Тебе узрят мя и возвеселятся, яко на словеса Твоя уповах. Разумех, Господи, яко правда судьбы Твоя, и войстинну смирил мя еси. Буди же милость Твоя, да утешит мя по словеси Твоему рабу Твоему. Да приидут мне щедроты Твоя, и жив буду, яко закон Твой Поучение мое есть. Да постыдятся гордии, яко неправедно беззаконноваша на мя, аз же поглумлюся в заповедех Твоих.

Да обратят мя боящиися Тебе и водящии свидения Твоя. Буди сердце мое непорочно во оправданиях Твоих, яко да не постыжуся. Исчезает во спасение Твое душа моя, на словеса Твоя уповах. Исчезоша очи мои в слово Твое, глаголюще: когда утешиши мя? Зане бых яко мех на слане, оправданий Твоих не забых. Колико есть дний раба Твоего? Когда сотвориши ми от гонящих мя суд? Поведаша мне законопреступницы глумления, но не яко закон Твой, Господи. Вся заповеди Твоя истина; неправедно погнаша мя, помози ми. В мале не скончаша мене на земли, аз же не оставил заповедей Твоих. По милости Твоей живи мя, и сохраню сведения уст Твоих. Во век, Господи, слово Твое пребывает на Небеси. В род и род истина Твоя. Основал еси землю, и пребывает. Учинением Твоим пребывает день: яко всяческая работна Тебе. Яко аще бы не закон Твой поучение мое был, тогда убо погибл бых во смирении моем. Во век не забуду оправданий Твоих, яко в них оживил мя еси.

Слава:

Твой есмь аз, спаси мя: яко оправданий Твоих взысках. Мене ждаша грешницы погубити мя, свидения Твоя разумех. Всякия кончины видех конец, широка заповедь Твоя зело. Коль возлюбих закон Твой, Господи, весь день поучение мое есть. Паче враг моих умудрил мя еси заповедию Твою, яко в век моя есть. Паче всех учащих мя разумех, яко свидения Твоя поучение мое есть. Паче старец разумех, яко заповеди Твоя взысках. От всякаго пути лукава возбраних ногам моим, яко да сохраню словеса Твоя. От судеб Твоих не уклонихся, яко Ты законоположил мя еси. Коль сладка гортани моему словеса Твоя: паче меда устом моим. От заповедей Твоих разумех: сего ради возненавидех всяк путь неправды. Светильник ногам моима закон Твой, я свет стезям моим. Кляхся, и поставих сохранити судьбы правды Твоей. Смирихся до зела, Господи, живи мя по словеси Твоему. Вольная уст моих благоволи же, Господи, и судьбам Твоим научи мя. Душа моя в руку Твою выну, и закона Твоего не забых. Положиша грешницы сеть мне, и от заповедей Твоих не заблудих. Наследовах свидения Твоя во век, яко радование сердца моего суть. Приклоних сердце мое, сотворити оправдания Твоя в век за воздаяние. Законопреступныя возненавидех, закон же Твой возлюбих. Помощник мой и Заступник мой еси Ты, на словеса Твоя уповах. Уклонитесь от мене лукавнующии, и испытаю заповеди Бога моего. Заступи мя по словеси Твоему, и жив буду, и не

посрами мене от чаяния моего. Помози ми, и спасуся, и поучуся во оправданиях Твоих выну. Уничижил еси вся отступающая от оправданий Твоих, яко неправедно помышление их. Преступающая непещевах вся грешныя земли, сего ради возлюбих свидения Твоя. Пригвозди страху Твоему плоти мои: от судеб бо Твоих убояхся. Створих суд и правду, не предаждь мене обидящим мя. Восприими раба Твоего во благо, да не оклеветают мене гордии. Очи мои исчезосте во спасение Твое и в слово правды Твоей: сотвори с рабом Твоим по милости Твой, и оправданием Твоим научи мя. Раб Твой есмь аз: вразуми мя, и увем свидения Твоя. Время сотворити Господеви: разориша закон Твой. Сего ради возлюбих заповеди Твоя паче злата и топазия. Сего ради ко всем заповедем Твоим направляхся, всяк путь неправды возненавидех. Дивна свидения Твоя: сего ради испыта я душа моя. Явление словес Твоих просвещает и вразумляет младенцы. Уста моя отверзох, и привлекох дух, яко заповедай Твоих желах.

Слава:

Приэри на мя и помилуй мя, по суду любящих имя Твое. Стопы мои направи по словеси Твоему, и да не обладает мною всякое беззаконие. Избави мя от клеветы человеческия, и сохраню заповеди Твоя. Лице Твое просвети на раба Твоего, и научи мя оправданием Твоим. Исходища водная изведосте очи мои: понеже не сохраних закона Твоего.. Праведен еси, Господа, и прави суди Твои. Заповедал еси правду свидения Твоя, и истину зело. Истаяла мя есть ревность Твоя: яко забыша словеса Твоя врази мои. Разжжено слово Твое зело, и раб Твой возлюби е. Юнейший аз есмь и унижен: оправданий Твоих не забых. Правда Твоя правда во век, и закон Твой истина. Скорби и нужды обретоша мя: заповеди Твоя поучение мое. Правда свидения Твоя в век: вразуми мя, и жив буду. Воззвах всем сердцем моим, услыши мя, Господи, оправдания Твоя взыщу. Воззвах Ти, спаси мя, и сохраню свидения Твоя. Предварих в безгодии и воззвах, на словеса Твоя уповах. Предваристе очи мои ко утру, поучитися словесем Твоим. Глас мой услыши, Господи, по милости Твой: по судьбе Твой живи мя. Приближишася гонящий мя беззаконием: от закона же Твоего удалишася. Близ еси Ты, Господи, и вси путие Твои истина. Исперва познах от свидений Твоих, яко в век основал я еси. Виждь смирение мое, и изми мя, яко закона Твоего не забых. Суди суд мой, и избави мя: словесе ради Твоего живи мя. Далече от грешник спасение, яко оправданий Твоих не взыскали. Щедроты Твоя многи, Господи, по судьбе Твой живи мя. Мнози изгоняши мя и стужающие ми: от свидений Твоих не уклонихся. Видех неразумевающыя и истаях: яко словес Твоих не сохранила. Виждь, яко заповеди Твоя возлюбих: Господи, по милости Твой живи мя. Начало словес Твоих истина, и во век вся судьбы правды Твоей. Князи погнаша мя туне: и от словес Твоих убоялся сердце мое. Возрадуюся аз о словесех Твоих, яко обретаяй корысть многу. Неправду возненавидех и омерзих: закон же Твой возлюбих. Седмерицею днем хвалих Тя о судьбах правды Твоей. Мир мног любящим закон Твой, и несть им соблазна. Чаях спасения Твоего, Господи, и заповеди Твоя возлюбих. Сохрани душа моя свидения Твоя, и возлюби я зело. Сохраних заповеди Твоя и свидения Твоя, яко вси путие мои пред Тобою, Господи. Да приближится моление мое пред Тя, Господи: по словеси Твоему вразуми

мя. Да внидет прошение мое пред Тя, Господи, по словеси Твоему избави мя. Отрыгнут устне мои пение, егда научиши мя оправданием Твоим. Провещает язык мой словеса Твоя, яко вся заповеди Твоя правда. Да будет рука Твоя еже спаси мя, яко заповеди Твоя изволих. Возжелах спасение Твое, Господи, и закон Твой поучение мое есть. Жива будет душа моя, и восхвалит Тя: и судьбы Твоя помогут мне. Заблудих, яко овча погибшее: взыщи раба Твоего, яко заповедей Твоих не забых.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Господи помилуй (Трижды)

### **Молитвенное прошение за усопшего**

Помяни, Господи, Боже наш, в вере и надежди живота вечнаго преставльшагося раба Твоего, брата нашего (имярек), и яко Благ и Человеколюбец отпущаяй грехи и потребляй неправды, ослаби, остави и прости вся вольная его согрешения и невольная, избави его вечная муки и огня геенского и даруй ему причастие и наслаждение вечных Твоих благих, уготованных любящим Тя: аще бо И согреши, но не отступи от Тебе, и несомненно во Отца и Сына и Святаго Духа, Бога Тя в Троице славимаго верова, и Единицу в Троице и Троицу во Единстве, православно даже до последняго своего издыхания исповеда. Темже милостив тому буди, и веру, яже в Тя вместо дел вмени, и со святыми Твоими, яко Щедр, упокой: несть бо человека, иже поживет и не согрешил. Но Ты Един еси кроме всякаго греха, и правда Твоя, правда во веки, и Ты еси Един Бог милостей и щедрот, и человеколюбия, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

### **По 17-й кафизме**

Трисвятое, по Отче наш...

### **И тропари, глас 2-й**

Согреших к Тебе, Спасе, яко блудный сын: приими мя, Отче, кающагося, и помилуй мя, Боже.

Слава: Зову к Тебе, Христе Спасе, мытаревым гласом: очисти мя якоже онаго, и помилуй мя, Боже.

И ныне: Богородице, не презри мя требующа заступления Твоего: на Тя бо упова душа моя, и помилуй мя.

Господи, помилуй. (40 раз)

### **Молитва**

Владыко Господи Вседержителю и Творче всех, щедрот Отец, и милости Бог, от земли создавый человека, и показавый его по образу Твоему и по подобию, да и тем прославится великолепое имя Твое на земли, и исторгнена убо преступлением Твоих заповедей, паки на лучшее возсоздавый его во Христе Твоем и возведый на Небеса: благодарю Тя, яко умножил еси на мне величие Твое, и не предал мя еси врагом моим в конец, исторгнути мя ищущым в пропасть адovу, ниже оставил мя еси погибнути со беззаконии моими. Ныне убо, Многомилостиве и Любоблаже Господи, не хотяй смерти грешнаго, но обращения ожидай и приемляй: Иже

низверженныя исправляй, сокрушенныя исцеляй, обрати и мене к покаянию, и низвержанного исправи, и сокрушенного исцели: помяни Твоя щедроты, и яже от века Твою непостижимую благость и моя безмерная забуди беззакония, яже делом, и словом, и мыслию соверших: разреши ослепление сердца моего, и дажь ми слезы умиления на очищение скверны мысли моей. Услыши, Господи, вонми, Человеколюбче, очисти, Благоутробне, и от мучительства во мне царствующих страстей окаянную мою душу свободи. И нектому да содержит мя грех: ниже да возможет на мя боритель демон, ниже к своему хотению да ведет мя, но державною Твою рукою, его владычества исхитивый мя, Ты царствуй во мне, Благий и Человеколюбивый Господи, и всего Твоего быти, и жити мне прочее по Твоей благоволи воли. И подаждь ми неизреченою благостию сердца очищение, уст хранение, правоту деяний, мудрование смиренное, мир помыслов, тишину душевных моих сил, радость духовную, любовь истинную, долготерпение, благость, кротость, веру нелицемерну, воздержание обдергательное, и всех мя благих плодов исполни дарованием Святаго Твоего Духа. И не возведи мене в преполовение дний моих, ниже неисправлену и неготову душу мою восхитиши: но соверши мя Твоим совершенством, и тако мя настоящаго жития изведи, яко да невозбранно прошед начала и власти тьмы, Твою благодатию узрю и аз неприступныя Твоей славы доброту неизреченную, со всеми святыми Твоими, в нихже освятился и прославился всечестное и великолепное имя Твое, Отца и Сына и Святаго Духа, ныне и присно и во веки веков. Аминь.

---



## Значение 17-й кафизмы

*В течение всех сорока дней по смерти человека его родные и близкие должны читать Псалтирь. Сколько кафизм в день — зависит от времени и сил читающих, но непременно чтение должно быть ежедневным. Когда прочитана вся Псалтирь, она читается сначала. Только не следует забывать, что после каждой «Славы...» надо читать молитвенное прошение о поминовении усопшего (из «Последования по исходе души от тела»). Многие родные и близкие умершего, ссылаясь на то, что нет времени или не имеют Псалтири, или не умеют читать по-церковнославянски, доверяют это чтение другим (чтецам) за плату или иное вознаграждение. Но молитва будет сильнее, искреннее, чище, если родной или близкий умершему человек будет сам просить Бога о помиловании усопшего.*

*В третий, девятый, сороковой дни следует читать по усопшему 17-ю кафизму.*

*В этой кафизме изображается блаженство ходивших в законе Господнем, т. е. блаженство праведных людей, старавшихся жить по заповедям Божиим.*

*Смысл и значение 118 псалма раскрываются в 19-м стихе: «Пришелец (странник) аз есмь на земли: не скрыт от мене заповеди Твоя». Толковая Библия под ред. А.П. Лопухина дает этому стиху следующее объяснение: «Жизнь на земле есть странствование, путешествие, совершающееся человеком для достижения своего отечества и постоянного, вечного местопребывания. Очевидно, последнее — не на земле, а за гробом. Если же так, то земная жизнь должна быть подготовленном к загробной и к ней может привести только безошибочно избранный на земле путь. Как и где найти последний? Этот путь указан в заповедях Закона. Кто не следует им, тот заблуждается и не достигнет загробной обители, т. е. загробного упокоения, как награды за понесенные труды к его достижению. Здесь — довольно ясное учение о цели земного существования, бессмертии человеческой души и загробном мздовоздаянии».*





## Последование панихиды

*После обычного начала и 90-го псалма: «Живый в помощи Вышняго...» Великая ектения «Миром Господу помолимся» с заупокойными прошениями, затем «Аллилуиа» со стихами, потом:*

### **Тропарь, глас 8-й:**

Глубиною мудрости человеколюбно вся строяй, и полезное всем подавай, Едине Содетелю, упокой, Господи, души раб Твоих: на Тя бо упование возложиша, Творца и Зиждителя и Бога нашего.

Слава:, и ныне: Тебе и стену и пристанище имамы, и Молитвеннищу благоприятну к Богу, Егоже родила еси, Богородице Безневестная, верных спасение.

### **Тропари за упокой, глас 5-й**

*Запев:* Благословен еси, Господи, научи мя оправданием Твоим.

Святых лик обрете источник жизни и дверь райскую, да обрящу и аз путь покаянием, погибшее овча аз есмь, воззови мя, Спасе, и спаси мя.

*Запев:* Благословен еси, Господи, научи мя оправданием Твоим.

Агнца Божия проповедавше и заклани бывше якоже агнцы, и к жизни нестареемей, святии; и присносущней преставльшеся: Того прилежно, мученицы, молите долгов разрешение нам даровати.

*Запев:* Благословен еси, Господи, научи мя оправданием Твоим.

В путь узкий хождши прискорбный, вси в житии крест яко ярем вземши и Мне последовавший верою, приидите насладитесь, ихже уготовах вам почестей и венцев небесных.

*Запев:* Благословен еси, Господи, научи мя оправданием Твоим.

Образ есмь неизреченный Твоего славы, аще и язвы ношу пргрешений, ущедри Твое создание, Владыко, и очисти Твоим благоутробием, и возжеленное Отечество подаждь ми, рая паки жителя мя сотворяя.

*Запев:* Благословен еси, Господи, научи мя оправданием Твоим.

Древле убо от не сущих создавый мя и образом Твоим Божественным почтый, преступлением же заповеди, паки мя возвративый в землю, от неяже взят бых, но еже по подобию возведи древнею доброю возобразитися.

*Запев:* Благословен еси, Господи, научи мя оправданием Твоим.

Упокой, Боже, рабы Твоя и учини я в раи, идеже лица святых, Господи, и праведницы сияют яко светила; усопшия рабы Твоя упокой, презирая их вся согрешения.

Слава Отцу и Сыну и Святому Духу.

Трисиятельное Единаго Божества, благочестно поем вопиюще: Свят еси, Отче Безначальный, Собезначальный Сыне, и Божественный Душа; просвети нас, верою Тебе служащих, и вечнаго огня исхити.

И ныне и присно и во веки веков. Аминь.

Радуйся, Чистая, Бога плотию рождшая во спасение всех, Еюже род человеческий обрете спасение, Тобою да обрящем рай, Богородице Чистая, Благословенная!

Аллилуиа, аллилуиа, аллилуиа, слава Тебе, Боже. (*Трижды*)

*Посем ектения:* Паки и паки...

Еще молимся о упокоении душ усопших рабов Божиих (*имярек*), и о еже простится им всякому прегрешению, вольному же и невольному.

*Хор:* Яко да Господь Бог учинит души их, идеже праведни упокояются.

*Хор:* Господи, помилуй.

Милости Божия, Царства Небеснаго, и оставления грехов их, у Христа Безсмертнаго Царя и Бога нашего просим.

*Хор:* Подай, Господи.

### Молитва

Боже духов и всякия плоти, смерть поправый и диавола упразднивый, и живот миру Твоему даровавый! Сам Господи, упокой души усопших рабов Твоих (*имярек*), в месте светле, в месте злачне, в месте покойне, отнюдуже отбеже болезнь, печаль и вздохание. Всякое согрешение, содеянное ими, словом, или делом, или помышлением, яко Благий Человеколюбец Бог прости, яко несть человек, иже жив будет и не согрешит, Ты бо един, кроме греха, правда Твоя правда во веки, и слово Твое истина.

*Возглас:* Яко Ты еси Воскресение, и Живот, и покой усопших рабов Твоих...

### Седален, глас 5-й:

Покой, Спасе наш, с праведными рабы Твоя, и сия всели во дворы Твоя, якоже есть писано, презирая яко Благ, прегрешения их, вольная и невольная, и вся яже в ведении и не в ведении, Человеколюбче.

Слава:, и ныне: От Девы возсиявый миру, Христе Боже, сыны света Тою показавый, помилуй нас.

### Ирмосы канона, глас 8:

**Песнь 1:** Яко по суху пешествовав Израиль, по бездне стопами, гонителя фараона видя потопляема, Богу победную песнь поим вопияше.

**Катавасия:** Воду прошед яко сушу, и египетского зла избежав, израильтянин вопияше:

Избавителю и Богу нашему поим.

Запевы: Покой, Господи, души усопших раб Твоих.

Слава Отцу и Сыну и Святому Духу.

И ныне и присно и во веки веков. Аминь.

**Песнь 3:** Несть свят, якоже Ты, Господи Боже мой, вознесый рог верных Твоих, Блаже, и утвердиый нас на камени исповедания Твоего.

**Катавасия:** Небеснаго круга Верхотворче, Господи, и Церкве Зиждителю, Ты мене утверди в любви Твоей, желаний kraю, верных утверждение, Едине Человеколюбче.

**Песнь 6:** Житейское море, воздвигаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

**Катавасия:** Молитву пролио ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

**Кондак, глас 8-й:** Со святыми упокой, Христе, души раб Твоих, идеже несть болезнь, ни печаль, ни вздохание, но жизнь безконечная.

**Икос:** Сам Един еси Безсмертный, сотворивый и создавый человека: земний убо от земли создахомся, и в землю туюже пойдем, якоже повелел еси, Создавый мя и рекий ми: яко земля еси и в землю отыдеши, аможе вси человецы пойдем, надгробное рыйдание творяще песнь: аллилуиа, аллилуиа, аллилуиа.

*Иерей:* Богородицу и Матерь Света в песнях возвеличим.

*Хор:* Дуси и души праведных восхвалят Тя, Господи.

**Песнь 9:** Бога человеком невозможно видети, на Него же не смеют чини ангельстии взирати: Тобою бо, Всечистая, явися человеком Слово воплощенно, Егоже величающе, с небесными вой Тя ублажаем.

**Катавасия:** Ужасеся о сем небо, и земли удивишася концы, яко Бог явися человеком плотски, и чрево Твое бысть пространнейшее небес. Тем Тя, Богородицу, ангелов и человек чиноначалия величают.

Трисвятое, по Отче наш.

**Тропари, глас 4-й:** Со духи праведных скончавшихся души раб Твоих, Спасе, упокой, сохраняя их во блаженней жизни, яже у Тебе, Человеколюбче.

В покоящи Твоем, Господи, идеже вси святии Твои упокоеваются, упокой и души раб Твоих, яко Един еси Человеколюбец.

**Слава:** Ты еси Бог, сошедый во ад и узы окованных разрешивый, Сам и души раб Твоих упокой.

**И ныне:** Едина Чистая и Непорочная Дево, Бога без семене рождшая, моли спастися душам их.

Посем ектения: Помилуй нас, Боже...

Отпуст и возглашение иерея или диакона:

Во блаженном успении вечный покой подаждь, Господи, усопшим рабом Твоим (имярек) и сотвори им вечную память.

*Хор:* Вечная память. (*Трижды*)





## **Чин литии, совершаемой мирянином дома и на кладбище**

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй,  
Сокровище благих и жизни Подателю, прииди и вселися в ны, и очисти ны от  
всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. (Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости  
беззакония наша; Святый, посети и исцели немощи наша, имене Твоего ради.

Господи, помилуй. (Трижды) Слава:, и ныне:

Отче наш, Иже еси на небесех! Да святится имя Твое, да приидет Царствие Твое,  
да будет воля Твоя, яко на небеси и на земли. Хлеб наш насущный даждь нам днесь;  
и остави нам долги наша, якоже и мы оставляем должником нашим; и не введи  
нас во искушение, но избави нас от лукаваго.

Господи, помилуй. (12 раз)

Слава и ныне: Приидите, поклонимся Цареви нашему Богу.

Приидите, поклонимся и припадем Христу, Цареви нашему Богу.

Приидите, поклонимся и припадем Самому Христу, Цареви и Богу нашему.

### **Псалом 90**

Живый в помощи Вышняго, в крови Бога Небесного водворится. Речет Господеви:  
Заступник мой еси, и Прибежище мое, Бог мой, и уповаю на Него. Яко Той избавит  
тя от сети ловчи и от словесе мятежна, плещма Своима осенит тя, и под криле Его  
надешися: оружием обыдет тя истина Его. Не убоишся от страха нощного, от  
стрелы летящия во дни, от вещи во тьме преходящия, от сряща и беса полуденного.  
Падет от страны твоей тысяча, и тма одесную тебе, к тебе же не приближится:  
обаче очима твоими смотриши, и воздаяние грешников узриши. Яко Ты, Господи,  
упование мое, Вышняго положил еси прибежище твое. Не приидет к тебе зло, и рана  
не приближится телеси твоему. Яко ангелом Своим заповесть о тебе, сохранити тя  
во всех путех твоих. На руках возмут тя, да не когда преткнеши о камень ногу твою.  
На аспида и василиска наступиши, и попереши льва и змия. Яко на Мя упова, и  
избавлю и; покрою и, яко позна имѧ Мое. Возвозет ко Мне, и услышу его; с ним  
есмъ в скорби, изму его, и прославлю его; долготою дний исполню его, и явлю ему  
спасение Мое.

Слава Отцу и Сыну и Святому Духу, и ныне и присно и во веки веков. Аминь.  
Аллилуиа, аллилуиа, аллилуиа, слава Тебе, Боже. (Трижды)

**Тропарь, глас 4-й:**

Со духи праведных скончавшихся, душу раба Твоего, Спасе, упокой, сохраняя  
ю во блаженной жизни, яже у Тебе, Человеколюбче.

В покоищи Твоем, Господи, идеже вси святии Твои упокоеваются, упокой и  
душу раба Твоего, яко Един еси Человеколюбец.

Слава: Ты еси Бог, сошедый во ад, и узы окованных разрешимый, Сам и душу  
раба Твоего упокой.

И ныне: Едина Чистая и непорочная Дево, Бога без семени рождшая, моли  
спастися душе его.

**Седален, глас 5-й:**

Покой, Спасе наш, с праведными раба Твоего, и сего всели во дворы Твоя, якоже  
есть писано, презирая, яко Благ, прегрешения его вольная и невольная, и вся яже в  
ведении и не в ведении, Человеколюбче.

Кондак, глас 8-й: Со святыми упокой, Христе, душу раба Твоего, идеже несть  
болезнь, ни печаль, ни вздохание, но жизнь безконечная.

**Икос:**

Сам Един еси Безсмертный, сотворивый и создавый человека, земнии убо от  
земли создахомся, и в землю туюже пойдем, якоже повелел еси, Создавый мя  
и рекий ми: яко земля еси, и в землю отъидешি, аможе вси человецы пойдем,  
надгробное рыдание творяще песнь: аллилуиа, аллилуиа, аллилуиа.

Честнейшую Херувим...

Слава Отцу и Сыну и Святому Духу, и ныне и присно и во веки веков. Аминь.  
Господи, помилуй (Трижды), благослови.

Молитвами святых отец наших...

Во блаженном успении вечный покой подаждь, Господи, усопшему рабу Твоему  
(имя), и сотвори ему вечную память.

Вечная память. (Трижды)

Душа его во благих водворится, и память его в род и род.

***Разрешительная молитва, читаемая при смерти, когда нет православного священника***

*(из рукописей иером. Долмата Гефсиманского скита)*

Господи Боже наш, Иисусе Христе! Благодатию и щедротами Твоего человеколюбия, прости ми вся согрешения моя, и понеже имам ныне служителя Твоего, приемлющего моего покаяния, невидимая благодать Твоя да разрешит мя от всех грехов во имя Отца и Сына и Святаго Духа. Аминь.





# Акафист за единоумершего

*Читается ежедневно в течение 40 дней по смерти и столько же перед годовщиной смерти.*

## Кондак 1

Избранный Ходатаю и Первосвященниче, о спасении мира грешного душу Свою положивый, давый нам власть чадами Божиими быти и обитати в невечернем дни Царствия Твоего! Даруй прощение и вечную радость усопшему, о немже с мольбою взвыаем Ти: Иисусе, Судие Всемилостивый, рая сладости сподоби раба Твоего.

## Икос 1

Господом данный Ангеле хранителю святый, прииди помолиться о рабе твоем, егоже на всех путех жизни сопровождал, хранил и наставлял еси, воззови с нами ко Спасу Всещедрому.

Иисусе, истреби рукописание грехов раба Твоего (*имярек*).

Иисусе, уврачуй его язвы душевые.

Иисусе, да не будет на земли горьких воспоминаний о нем.

Иисусе, сего ради помилуй огорчавших его и обиженных им.

Иисусе покрый его несовершенства светоносною ризою Твоего искупления.

Иисусе, возвесели его милосердием Твоим.

Иисусе неизреченный, великий и чудный, явися ему Сам.

Иисусе, Судие Всемилостивый, рая сладости сподоби раба Твоего.

## Кондак 2

Яко безутешная горлица носится душа над юдолию земною, созерцая с высоты божественного разумения грехи и соблазны минувшаго пути, горько скорбя о каждом невозвратном дне, ушедшем без пользы, но помилуй раба Твоего, Владыко, да внедит он в покой Твой, взыавая: Аллилуя.

## Икос 2

Если Ты страдал о всем мире, если Ты проливал слезы и кровавый пот о живых и мертвых, то кто нас удержит от молитвы за усопшаго. Подражая Тебе, сошедшему даже до ада, молимся о спасении раба Твоего.

Иисусе, жизни Подателю, озари его светом Твоим.

Иисусе, да будет он едино с Тобою и Отцем.

Иисусе, всех призываю в виноградник Твой, не забуди озарити его светом Твоим.

Иисусе, щедрый Раздаятелю вечных наград, яви его светом чертога Твоего.

Иисусе, верни душе его благодатные силы первозданныя чистоты.

Иисусе, да умножатся во имя его добрыя дела.

Иисусе, согрей осиротевших Твою таинственною отрадою.  
Иисусе, Судие Всемилостивый, рая сладости сподоби раба Твоего.

### Кондак 3

Связанный узами плоти раб Твой падал греховно, но дух его томился по Твоей вечной правде и святыни, ныне же, когда немощь плотская скована могильным тлением, да вознесется душа его превыше солнца к Тебе Всесвятому и воспоец песнь избавления: Аллилуия.

### Икос 3

Верховный апостол Твой в холодную ночь у костра трижды отрекся от Тебе и Ты спасл еси его. Единый ведый человеческого естества немощь, прости и рабу Твоему (имярек) многовидная отпадения от воли Твоей.

Иисусе, всели его там, где нет заблуждений.  
Иисусе, избави его от тягостных терзаний совести.  
Иисусе, да сгинет навеки память грехов.  
Иисусе, соблазнов юности его не помяни.  
Иисусе, от тайных беззаконий очисти его.  
Иисусе, осени его тихим светом спасения.  
Иисусе, Судие Всемилостивый, рая сладости сподоби раба Твоего.

### Кондак 4

Бури жизни миновали, страдания земные окончены, бессильны враги с их злобою, но сильна любовь, избавляющая от вечного мрака и спасающая всех, о ком возносится Тебе дерзновенная песнь: Аллилуия.

### Икос 4

Ты без числа милосерд к нам. Ты единий Избавитель, что мы прибавим к подвигу спасающей любви Твоей, но Симон Киринейский помогал нести Крест Тебе Всесильному, так и ныне благости Твоей угодно спасение близких совершать с участием нашим.

Иисусе, Ты заповедал друг друга тяготы носити.  
Иисусе, союз любви положивый между мертвыми и живыми.  
Иисусе, да послужат подвиги любящих во спасение рабу Твоему (имярек).  
Иисусе, услыши его вопль сердечный, возносимый нашими устами.  
Иисусе, в наших слезах приеми его покаяние.  
Иисусе, Судие Всемилостивый, рая сладости сподоби раба Твоего.

### Кондак 5

Боже, да будет принят Тобою его предсмертный вздох сокрушения, якоже мольба благоразумного разбойника. Он угас на жизненном кресте, дай наследовать ему Твоя обетования, якоже тому: «Аминь, глаголю тебе, со Мною будеши в раю», где сонмы раскаявшихся грешников радостно поют: Аллилуия.

**Икос 5**

За нас Распятый, за нас измученный, простри руку с Твоего Креста, каплями крови Твоей безследно смой излитыя согрешения его, благообразною Твою наготою согрей обнаженную осиротевшую душу.

Иисусе, Ты знал его жизнь до рождения и возлюбил его.

Иисусе, Ты видел его из далече с высоты Креста Твоего.

Иисусе, Ты простирали ему в даль грядущему изъязвленные объятия Твои.

Иисусе, Ты Взвывал о прощении его на кровавой Голгофе.

Иисусе, Ты кротко умирал за него в тяжких муках.

Иисусе, претерпевший во гробе положение, освяти его могильный покой.

Иисусе воскресший, вознеси ко Отцу озлобленную миром и Тобою спасенную душу.

Иисусе, Судие Всемилостивый, рая сладости сподоби раба Твоего.

**Кондак 6**

Спит он вечным сном могилы, но душа его не дремлет, чает Тебя Господи, жаждет Тебя вечного Жениха. Да исполнятся на умершем слова Твои: «Ядый Мою Плоть и пияй Мою Кровь, имать живот вечный». Дай ему ясти от манны сокровенныя и пети у Престола Твоего: Аллилуиа.

**Икос 6**

Смерть разлучила со всеми близкими, стала дальше душа, знаемии сокрушаются, и токмо Ты Един остался близок. Разрушились препяды плоти и Ты открылся в неприступном величии Божества с ожиданием ответа.

Иисусе, Любовь превыше всякого разумения, помилуй раба Твоего.

Иисусе, удаляясь от Тебя, он тяжко страдал.

Иисусе, прости неверность его сердца. Иисусе, обманутые надежды рождали тоску по Тебе.

Иисусе, вспомни те часы, когда душа его трепетала восторгом Твоим.

Иисусе, дай скончавшемуся неземную радость и покой.

Иисусе, единый верный, неизменный, приими его.

Иисусе, Судие Всемилостивый, рая сладости сподоби раба Твоего.

**Кондак 7**

Веруем, что недолгой будет разлука наша. Мы хороним тебя, как на ниве зерно, ты произрастешь в иной стране. Да погибнут в могиле плевель грехов твоих, а дела добрые там просияют, где семена добра приносят нетленные плоды, где души святые поют: Аллилуиа.

**Икос 7**

Когда уделом умершего станет забвение, когда образ его поблекнет в сердцах и время изгладит место с могилою и ревность молитвы о нем, тогда Ты не остави его, дай отраду одинокой душе.

Иисусе, Твоя любовь не охладевает.

Иисусе, неистощимо Твое благоволение.

Иисусе, в неумолкаемых мольбах Церкви да омоются грехи его приношением Жертвы Безкровной.

Иисусе, предстательством всех святых даруй ему благодать молитвы о живых.

Иисусе, во дни испытаний наших приими его ходатайство о нас.

Иисусе, Судие Всемилостивый, рая сладости сподоби раба Твоего.

### Кондак 8

Будем молиться со слезами, когда память об усопшем мучительно свежа, будем поминать имя его в нощи и во дни, раздавая милостыню, питая гладных, из глубины души взывая: Аллилуя.

### Икос 8

Тайнозритель Иоанн Богослов созерцал у Престола Агнца Божия великое множество людей, облеченных в белые ризы: это те, кто пришел от великой скорби. Они радостно служат Богу день и ночь, и Бог обитает с ними, и не коснется их мука.

Иисусе, причти к ним и раба Твоего (*имярек*).

Иисусе, он много страдал и томился.

Иисусе, известны Тебе все горькие часы и тягостные минуты его.

Иисусе, на земли он имел печали и скорби, дай на небе отраду.

Иисусе, услади его от источников живыя воды.

Иисусе, отыми всяку слезу от очей его.

Иисусе, всели его, где не опаляет, но живит солнце правды Твоей.

Иисусе, Судие Всемилостивый, рая сладости сподоби раба Твоего.

### Кондак 9

Кончено странствование земное, какой благодатный переход в мир Духа, какое созерцание новых неведомых миру земному вещей и небесных красот, душаозвращается в отчество свое, где светлое солнце, правда Божия просвещает поющих: Аллилуя.

### Икос 9

Если отблеск и след Твой полагает сияние на лице смертных, то каков же Ты Сам. Если плоды Твоих рук так прекрасны, и земля, отражающая только тень Твою, полна невыразимым величием, то каков же невидимый лик Твой. Открой славу Твою усопшему рабу Твоему (*имярек*).

Иисусе, обостри его слух к восприятию Твоего Божества.

Иисусе, обостри его слух к разумению небесных.

Иисусе, да будет его радость преисполненная.

Иисусе, подкрепи его надеждою встречи в обителях блаженных.

Иисусе, дай нам почувствовать благодатную силу заупокойной молитвы.

Иисусе, Судие Всемилостивый, рая сладости сподоби раба Твоего.

### Кондак 10

Отче наш, скончавшагося в Царствие Твое приими, где нет греха и зла, где нерушима Святая воля, где в сонмах чистейших душ и непорочных ангелов святится Твое благодатное имя и благоухает хвала: Аллилуя.

**Икос 10**

В тот день ангелы поставят Престол Твой, Судие, и Ты возсияши во славе Отца Твоего, неся воздаяние всякому человеку. О, воззри тогда милостиво на смиренного раба Твоего (имярек), рцы ему: «Прииди одесную Мене».

Иисусе, яко Бог власть имаши оставляти грехи.

Иисусе, прости его согрешения забытыя или стыдом утаенные.

Иисусе, отпусти беззакония немощи и неведения.

Иисусе, избави его от несвятимых глубин адского отчаяния.

Иисусе, да унаследует он Твои животворящия обетования.

Иисусе, сопричи его благословенным Отца Твоего.

Иисусе, дай ему во веки нескончаемое блаженство.

Иисусе, Судие Всемилостивый, рая сладости сподоби раба Твоего.

**Кондак 11**

Владыко Всеблагий, да отверзятся усопшему солнцевидные врата райские, да встретят его с ликованием соборы праведных и святых, сонмы близких и любящих его, да возрадуются о нем светоносные ангелы Твои, да узрит он и Присноблаженную Матерь Твою там, где победно звучит: Аллилуия.

**Икос 11**

Под дыханием Твоим ожидают цветы, воскресает природа, пробуждаются сонмы мельчайших тварей, Твой взор светлее весенних небес, Твоя любовь, Иисусе, теплее лучей солнечных. Ты из праха земного воскресил бренную плоть человеческую к расцвету вечной нетленной жизни весны, тогда озари и раба Твоего (имярек) светом милостей Твоих.

Иисусе, в Твоей деснице благоволение и жизнь.

Иисусе, во взоре Твоем свет и любовь.

Иисусе, избави усопшего от вечная смерти духовныя.

Иисусе, он уснул с надеждою, подобно Нилу-реке пред холодной зимой.

Иисусе, пробуди его, когда терния земли облекутся цветом вечности.

Иисусе, да не омрачит ничто земное его последнего сна.

Иисусе, Счастье Неизменное и цель нашего бытия.

Иисусе, Судие Всемилостивый, рая сладости сподоби раба Твоего.

**Кондак 12**

Христе! Ты — Царство Небесное, Ты — земля кротких, Ты — обитель многих, Ты — питие совершенно новое, Ты — одеяние и венец преподобных, Ты — ложе упокоения святых, Ты — Сладчайший Иисусе! Тебе подобает хвала: Аллилуия.

**Икос 12**

Под образом тихих садов неземной красоты, и светлых как солнце обителей и в великолепии небесных песнопений Ты открыл нам блаженство любящих Тя.

Иисусе, да внидет раб Твой в радость Твою.

Иисусе, облеки его сиянием славы Отца.

Иисусе, просвяти его озарением Духа Святаго.

Иисусе, да будет он восходить от славы в славу.

Иисусе, да узрит он Тебя лицем к лицу.

Иисусе, Судие Всемилостивый, рая сладости сподоби раба Твоего.

**Кондак 13**

О, Женише Безсмертный, в полночь греха и неверия грядый с небес со ангелами судити миру всему. Отверзи двери славного чертога Твоего рабу Твоему (имярек), да в безчисленных сонмах святых во веки поет: Аллилуиа, Аллилуиа, Аллилуиа.

*Этот кондак читается трижды, затем 1-й икос «Господом данный Ангеле...» и 1-й кондак «Избранный Ходатаю».*





## Молитва родителей за детей

Господи Иисусе Христе, Боже наш, Владыко живота и смерти. Утешителю скорбящих! С сокрушенным и умиленным сердцем прибегаю к Тебе и молюся Ти: помяни, Господи, во Царствии Твоем усопшего раба Твоего (-ую рабу Твою), чадо мое (имя-рек), и сотвори ему (ей) вечную память. Ты, Владыко живота и смерти, даровал еси мне чадо сие. Твоей же благой и премудрой воле изволися и отъяти е у мене. Буди благословенно Имя Твое, Господи. Молю Тя, Судие неба и земли, безконечною любовию Твою к нам, грешным, прости усопшему чаду моему вся согрешения его, вольная и невольная, яже словом, яже делом, яже ведением и неведением. Прости, Милостиве, и наша родительская согрешения, да не пребудут они на чадах наших: вем, яко множицею согрешихом пред Тобою, множицею не соблюдохом, не сотворихом, якоже заповедал еси нам. Аще же усопшее чадо наше, нашая или своея ради вины, бяше в житии сем, работая миру и плоти своея и не паче Тебе, Господу и Богу своему: аще возлюби прелести мира сего, а не паче Слово Твое и Заповеди Твоя, аще предавшеся сластем житейским, а не паче сокрушению о грехах своих, и в невоздержании бдение, пост и молитву забвению предавше, — молю Тя усердно, прости преблагий Отче, чаду моему вся таковыя прегрешения его, прости и ослаби, аще и ино злое сотвори в житии сем, Христе Иисусе! Ты воскресил еси дщерь Иайра по вере и молитве отца ея. Ты исцелил еси дщерь жены-хананеянки по вере и прощению матери ея: услыши убо и молитву мою, не презри и моления моего о чаде моем. Прости, Господи, прости, вся согрешения его и, простив и очистив душу его, изми муки вечныя и всели ю со всеми святыми Твоими, от века благоугодившими Тебе, идже несть болезнь, ни печаль, ни вздохание, но жизнь безконечная: яко несть человек, иже жив будет и не согрешит. Ты Един кроме греха: да егда имаши судити мирови, услышит чадо мое превожденный глас Твой: приидите, благословении Отца Моего, и наследуйте уготованное вам Царствие от сложения мира. Яко Ты еси Отец милостей и щедрот, Ты живот и воскрешение наше, и Тебе славу возсылаем со Отцем и Святым Духом, ныне и присно и во веки веков. Аминь.



## Молитва вдовца за супругу

Христе Иисусе, Господи и Вседержителю! В сокрушении и умилении сердца моего молюся Тебе: упокой, Господи, душу усопшя рабы Твоей (*имярек*), в Небесном Царствии Твоем. Владыко Вседержителю! Ты благоволил еси супружеский союз мужа и жены, егда рекл еси: не добро быти человеку единому, сотворим ему помощника по нему. Ты освятил еси союз сей во образ духовнаго союза Христа с Церковью. Верую, Господи, и исповедую, яко Ты благословил еси сочетати и мене сим святым союзом с единою из рабынь Твоих. Твоей же благой и премудрой воле изволися отъяти у мене сию рабу Твою, юже дал еси мне, яко помощницу и сопутницу жизни моей. Преклоняюся пред сею Твою волею, и молюся Ти от всего сердца моего, приими моление мое сие о рабе Твоей (*имярек*), и прости ей, аще согреши словом, делом, помышлением, ведением и неведением; аще земное возлюби паче небеснаго; аще о одежде и украшении тела своего печеся паче, неже о просвещении одеяния души своея; или аще небреже о чадех своих; аще преогорчи кого словом или делом; аще проропта в сердце своем на ближняго своего или осуди кого или ино что от таковых злых содела. Вся сия прости ей, яко благий и человеколюбивый: яко несть человек, иже жив будет и не согрешит. Не вниди в суд с рабою Твою, яко созданием Твоим, не осуди ю по грехом ея на вечныя муки, но пощади и помилуй по велицей милости Твоей. Молю и прошу Тя, Господи Сил, даруй ми по вся дни жизни моей не преставати молитися о усопшай рабе Твоей, и даже до кончины живота моего просити ей у Тебе, Судии всего мира, оставления согрешений ея. Да якоже Ты, Боже, положил еси на главу ея венец от камене честна, венчая ю зде на земли; тако увенчай ю вечною Твою славою в Небесном Царствии Твоем, со всеми святыми, тамо ликующими, да вкупе с ними вечно воспевает Всесвятое Имя Твое с Отцем и Святым Духом. Аминь.





## Молитва вдовицы за супруга

Христе Иисусе, Господи и Вседержителю! Ты — плачущих утешение, сирых и вдовиц заступление. Ты рекл еси: призови Мя в день скорби твоей, и изму тя. Во дни скорби своея прибегаю к Тебе аз и молюся Ти: не отврати лица Твоего от мене и услыши моление мое, приносимое Тебе со слезами. Ты, Господи Владыко всяческих, благословил еси сочетати мя со единем из рабов Твоих, во еже быти нам едино тело и един дух; Ты дал еси мне сего раба, яко сожителя и защитника. Твоей же благой и премудрой воле изволися отъяти от мене сего раба Твоего и оставилити мя едину. Преклоняйся пред сею Твою волею и к Тебе прибегаю во дни скорби моея: утоли печаль мою о разлучении с рабом Твоим, другом моим. Аще отъял еси его от меня, не отыми от меня Твоя милости. Якоже некогда приял вдовицы две лепты, тако приими и сие моление мое. Помяни, Господи, душу усопшаго раба Твоего (имярек), прости ему вся согрешения его, вольная и невольная, аще словом, аще делом, аще ведением и неведением, не погуби его со беззаконьми его и не предаждь вечной муки, но по велицей милости Твоей и по множеству щедрот Твоих ослаби и прости вся согрешения его и вчини его со святыми Твоими, идеже несть болезнь, ни печаль, ни вздохание, но жизнь безконечная. Молю и прошу Тя, Господи, даруй ми во вся дни жизни моей не преставати молитися о усопшем рабе Твоем, и даже до исхода моего просити у Тебе, Судии всего мира, оставления всех согрешений его и вселения его в небесныя обители, яже еси уготовал любящим Тя. Яко аще бо и согреши, но не отступи от Тебе, и несомненно Отца и Сына и Святаго Духа православно даже до последняго своего издыхания исповеда; тем же веру его, яже в Тя, вместо дел ему вмени: яко несть человек, иже жив будет и не согрешит, Ты Един кроме греха, и правда Твоя — правда во веки. Верую Господи, и исповедую, яко Ты услышиши моление мое и не отвратиши лица Твоего от мене. Видя вдовицу, зельне плачущу, умилосердився, сына ея, на погребение несома, воскресил еси: тако, умилосердився, утиши и скорбь мою. Яко же отверзл еси рабу Твоему Феофилу, отшедшему к Тебе, двери милосердия Твоего и простил еси ему прегрешения его по молитвам святыя Церкви Твоей внемля молитвам и милостыням супруги его: сице и аз молю Тя, приими и мое моление о рабе Твоем, и введи его в жизнь вечную. Яко Ты еси упование наше, Ты еси Бог, еже миловати и спасати, и Тебе славу возсылаем со Отцем и Святым Духом, ныне и присно и во веки веков. Аминь!



## О мертворожденных младенцах

Господи, помилуй чад моих, умерших во утробе моей. За веру и слезы мои, ради милосердия Твоего, Господи, не лиши их света Твоего Божественного!





## Молитва детей за родителей

Господи, Иисусе Христе, Боже наш! Ты сирых хранитель, скорбящих прибежище и плачущих утешитель. Прибегаю к Тебе аз, сирый, стена и плача, и молюся Тебе: услыши моление мое и не отврати лица Твоего от воздыханий сердца моего и от слез очей моих. Молюся Тебе, милосердный Господи, утоли скорбь мою о разлучении с родителем (материю) моим (-ею) (имярек), душу же его (ея), яко отшедшею (-ия) к Тебе с истинною верою в Тя и твердою надеждою на Твое человеколюбие и милость, приеми в Царство Твое Небесное. Преклоняюсь пред Твою святою волею, еюже отъят (-а) бысть у мене, и прошу Тя, не отыми точию от него (нея или них) милости и благосердия Твоего. Вен, Господи, яко Ты, Судия мира сего, грехи и нечестия отцев наказуешь в детях, внуках и правнуках даже до третьяго и четвертаго рода: но и милуешь отцев за молитвы и добродетели чад их, внуков и правнуков. С сокрушением и умилением сердца молю Тя, милостивый Судие, не наказуй вечным наказанием усопшаго (-ую) незабвеннаго (-ую) для мене раба (-у) Твоего (ю), родителя (матерь) моего (-ю) (имярек), но отпусти ему (ей) вся согрешения его (ея) вольная и невольная, словом и делом, ведением и неведением сотворенная им (ею) в житии его (ея) зде на земли, и по милосердию и человеколюбию Твоему, молитв ради Пречистая Богородицы и всех святых, помилуй его (ю) и вечныя муки избави. Ты, милосердный Отче отцев и чад! Даруй мне, во вся дни жизни моей, до последняго издыхания моего, не преставати памятовати о усопшем родителе (матери) моем (ей) в молитвах своих, и умоляти Тя, праведнаго Судию, да вчиниши его (ю) в месте светле, в месте прохладно и в месте покойне, со всеми святыми, отнюдуже отбеже всяка болезнь, печаль и воздыхание. Милостиве Господи! Приими днесь о рабе Твоем (Твоей) (имярек) теплую молитву мою сию и воздай ему (ей) воздаянием Твоим за труды и попечения воспитания моего в вере и христианском благочестии, яко научившему (-ей) мя первее всего ведети Тя, своего Господа, в благоговении молитися Тебе, на Тебе Единого уповати в бедах, скорбех и болезнех и хранити Заповеди Твоя; за благопопечение его-(ея) о моем духовном преуспянии, за тепле приносимыя им (ею) о мне моления пред Тобою и за все дары, им (ею) испрошенные мне от Тебе, воздай ему (ей) Свою милостию, Своими небесными благами и радостями в вечном Царствии Твоем. Ты бо еси Бог милостей и щедрот и человеколюбия. Ты покой и радость верных рабов Твоих, и Тебе славу возсылаем со Отцем и Святым Духом, и ныне и присно и во веки веков. Аминь.



## Молитва за усопших внезапною (скоропостижною) смертию

Неисповедимы судьбы Твои, Господи! Неизследимы пути Твои! Даяй дыхание всякой твари и вся от не сущих в бытие приведый, Ты овому посылаеш Ангела смерти в День, егоже не весть, и в час, егоже не чает; оваго же исхищаеш из руки смерти, даруешь живот при последнем издыхании; овому долготерпиши и даешь время на покаяние; оваго же, яко злак, сечеш мечем смерти во едином часе, во мгновении ока; оваго поражаешь громом и молниею, оваго сожигаешь пламенем, оваго же предаешь в снедь зверем дубравниум; овых повелеваешь поглотити волнам и безднам морским и пропастям земным; овых похищаешь язвою губительною, идже смерть яко жнец пожинает и разлучает отца или матерь от чад их, брата от брата, супруга от супруги, младенца отторгает от лона материяго, бездыханными повергает сильных земли, богатых и убогих. Что убо сие есть? Дивное и недоумеваемое нами смотрение Твое, Боже! Но Господи, Господи! Ты токмо Един, ведый вся, веси, чесо ради бывает сия и чесо ради быть, яко раб Твоей (раба Твоя) (имя) во едино мгновение ока пожерт(-та) бысть зиянием смерти. Аще наказуешь за многая, тяжкия прегрешения его(ея), молим Тя, Многомилостиве и Всемилостиве Господи, да не яростию Твою обличиши его (ю) и накажешь вконец, но, по благости Твоей и по безприкладному Твоему милосердию, яви ему (ей) велию милость Твою в прощении и оставлении грехов. Аще ли же усопший (-шая) раб Твой (раба Твоя), в житии сем помышляя День Судный, позна свое окаянство и возжела принести Тебе плоды достойные покаяния, но не достиже сего, зане позван(-на) бысть Тобою в день, егоже не веда, и в час, егоже не жда, того убо ради паче молим Тя, Преблагий и Премилосердый Господи, несоделанное покаяние, еже видесте очи Твои, и неоконченное дело спасения его(ея) исправи, устрой, соверши Твою неизреченною благостию и человеколюбием; едину бо надежду имамы на Твое безконечное милосердие: у Тебе бо суд и наказание, у Тебе правда и неистощимая милость; Ты наказуешь, вкупе же и милуешь; биеши, вкупе же и приемлеши; прилежно молим Тя, Господи Боже наш, не накажи внезапу позванного(-ую) к Тебе Страшным Судом Твоим, но пощади, пощади его (ю) и не отрини от лица Твоего. О, страшно внезапу впасти в руце Твои, Господи, и предстать на суд Твой нелицеприятный! Страшно отъти к Тебе без благодатного напутствия, без Покаяния и причащения Святых Твоих страшных и животворящих Тайн, Господи! Аще внезапу усопший(-шая) приснопоминаемый(-мая) нами раб Твой (раба Твоя) толико многогрешен(-на), толико повинен(-на) есть осуждению на Твоем праведном суде, молим Тя, умилосердися над ним (нею), не осуди его (ю) на вечное мучение, на

вечную смерть; потерпи нам еще, даждь нам долготу дний наших, еже молитися Ти по вся дни о усопшем(-шей) рабе Твоем(ей), дондеже услышиши нас и приимиши милостию Твою внезапу отшедшаго(-ую) к Тебе; и даждь нам, Владыко, омыти грехи его (ея) слезами сокрушения и вздоханиями нашими пред Тобою, да не низведен(-на) будет по грехом своим на место мучения раб Твой (раба Твоя) (имя), но да вселится в место упокоения. Ты Сам, Господи, повелеваши ударяти в двери милосердия Твоего, молим Тя убо, Прещедрый Царю, и не престанем умоляти Твое милосердие и взывать с кающимся Давидом: помилуй, помилуй раба Твоего (рабу Твою), Боже, по велицей Твоей милости. Аще же недовольно Ти словес наших, сего малаго моления нашего, умоляем Тя, Господи, верою в спасительныя заслуги Твои, упованием на искупительную и чудодейственную силу Твою жертвы, принесенныя Тобою за грехи всего мира; молим Тя, о Сладчайший Иисусе! Ты еси Агнец Божий, вземляй грехи мира, распnyйся ради нашего спасения! Молим Тя, яко Спасителя и Искупителя нашего, спаси и помилуй и вечныя муки избави душу приснопоминаемаго(-ыя) нами внезапу усопшаго(-шага) раба Твоего (рабы Твою) (имя), не остави его (ю) погибнути во веки, но сподоби достигнути тихаго пристанища Твоего и упокой тамо, идеже вси святии Твои упокоеваются. Вкупе же молим Тя, господи Иисусе Христе Боже наш, приими милостию Твою и всех внезапу преставльшихся к Тебе рабов Твоих (имена), ихже вода покры, трус объяят, убийцы убиша, огнь попали, град, снег, мраз, голоть и дух бурен умертвиша, гром и молния попали, губительная язва порази, или иною коею виною умреша, по Твоему изволению и попущению, молим Тя, приими их под Твое благоутробие и воскреси их в жизнь вечную, святую и блаженную. Аминь.

---





## Об ослаблении вечных мук умерших некрещеными

**Мученику Уару**

**Тропарь, глас 4-й:**

Воинством святых страстотерпец страждущие законне, зря онех, показал еси мужески крепость свою. И устремився на страсть волею, и умрети вожделе за Христа, Иже приял еси почесть победы твоего страдания, Уаре, моли спастися душам нашим.

**Кондак, глас 4:**

Христу последуя, мучениче Уаре, Того испив чашу, и венцем мучения увязеся, и со Ангелы ликовствуеши, моли непрестанно за души наша

**Молитва:**

О, святым мучениче Уаре досточудный, ревностию по Владыце Христу разжига-  
емъ, Небеснаго Царя пред мучителем исповедал еси, и о Нем усердно пострадал еси,  
и ныне предстоиши Ему со ангелы, и в вышних ликуеши, и зриши ясно Святую Трои-  
цу, и светом Безначального Сияния наслаждаячися, воспомяни и наших сродников  
томление, умерших в нечестии, приими наше прошение, и якоже Клеопатрин род  
неверный молитвами твоими от вечных мук свободил еси, тако воспомяни елицы  
противобожне погребенныя, умерша некрещеными, потщися испросити оным  
от вечная тьмы избавление, да вси едиными усты и единем сердцем восхвалим  
Премилосерднаго Творца во веки веков. Аминь





# Об ослаблении вечных мук умерших без покаяния

**Преподобному Паисию Великому**

**Тропарь, глас 2-й**

Божественною любовию от юности распаляемь, преподобнє, вся красная яже в мире возненавиде, Христа единаго возлюбил еси. Сего ради в пустыню вселися, идеже сподобися Божественного посещения, Егоже неудобъ зretи и ангельскими очима, паде поклонися. Великий же Дародатель, яко Человеколюбец, рече к тебе: не ужасайся, возлюбленный Мой, дела твой угодна Мне. Се, даю тебе дар: о коем либо грешнике помолишися, отпустятся ему грехи. Ты же в чистоте сердца твоего возгореся, прием воду и прикоснуся Неприкосновенному, умы нозе Его. И воду пив, даром чудес обогатися, грешники от муки молитвою своею избавляти, болящия исцеляти, о, преподобие отче Паисие, и бесов от человек отгоняти, ибо от сих грешников первый есмь аз. Молю тя, да умолиши Иже тебе обетова, да даст ми время покаяния, и простит мое согрешение, яко Благий и Человеколюбец, да со всеми и аз воспою Ему: аллилуйя.

**Кондак, глас 2-й:**

Житейских моль оставль, безмолвное житие возлюбил еси, Крестителю подобяся всеми образы, с нимже тя почитаем, отче отцев Паисие.

**Молитва:**

Страстей победителя, душам помощника, о всех молебника, всем спасения ходатая и наставника, из глубины сердца воздыхая, усердно и пламенно молим тя, Паисие Преподобнє! Внемли и помози нам, не отринь и не презри нас, но аbie услыши в смирении сердца притекающих к тебе. Ты, преподобнє, к спасению близких прилежно стремился и многих грешников к свету спасения привел еси. Подвиги чрезмерные успокоением считал по себе, пречудне, и, любовью ко Господу всегда горя, явления Христа Спаса сподобился еси, и Ему, за людей Умершему, любовию подражая, и об отрекшихся от Христа молился еси. Услыши нас, Паисие прехвальне, ибо недостойны есмы молитися о даровании нам великой милости Господней, понеже грешны есмы, и уста оскверненныя и сердца отягощенныя имеем, и под бременем прегрешений страждем, и не достигает молитва наша до Господа. Сего ради помолися за нас мольбою твою крепкою и богоприятною, святый Паисие, да избавлены будут скончавшиеся без покаяния сродники, близкие и знаемые наши от муки вечныя, и молитву твою во благоволении примет Спас наш и милосердие Свое вместо добрых дел их даст им, свободит их, веруем, от

страданий и вселит в селениях праведных, и нас в покаянии скончатися удостоит, да прославим вкупе Всесвятое и великолепное имя Отца и Сына и Святаго Духа, во веки веков. Аминь.





# КАНОН о самовольне живот свой скончавших

(для келейного чтения)\* \* Печатается по изданию Свято-Успенского Псково-Печерского монастыря, 1993

В 1925 году на Сергиевском Подворье в Париже — Рю де Крим, 93 — покончил с собой выстрелом один солдат. Он, несомненно, был нездоров умом...

У нас его отпевали...

Но, смущенный смертью его на нашей земле, я обратился через одно лицо к преподобному о. Нектарию Оптинскому с вопросом: что нам делать? Он ответил, чтобы я нашел еще двух человек, которые бы согласились в течение 40 дней читать за него заупокойный канон, а затем предать его в волю Божию.

Разумеется, канон читать нужно было дома, а не за богослужением в храме. Так мы трое тогда и сделали...

После ко мне обращались и другие по этому вопросу; а недавно просили даже отпевать самоубийцу женщину. Я отказывался, — согласно канонам — правило Тимофея Александрийского — и по внутреннему противлению души моей; но помня наставление о. Нектария, а также и указание митрополита Новгородского и Петроградского Григория, что можно молиться о самоубийцах в домашней молитве, но и тогда — с предварительной молитвой о помиловании нас молящихся, да не прогневаем Господа, — я обратился в каноник — «можно и во всякую субботу в Октоихе найти заупокойные каноны»; но написанный там канон совершенно непригоден был для молитвы о самоубийцах, ибо там говорилось о скончавшихся «благочестно», «в вере», «в упокоении» и прочее, — все это не подходило к вольным, «не в сумасшествии», самоубийцам. Поэтому нужно было целиком почти переделать все тропари.

Может, кому-либо пригодится...

А меня да помилует Господь за дерзновение такое...

Многогрешный митрополит Вениамин (Федченков)

**КАНОН, ГЛАС 2-й** (читается келейно и с благословения духовника)

**ПЕСНЬ 1**

**ИРМОС:**

Во глубине постла иногда фараонитское всевоинство преоруженная сила; во-площееся же Слово всезлобный грех потребило есть: препрославленный Господь, славно бо прославися.

**Упокой, Господи, душу усопшаго раба Твоего.**

Всемилостивый Господи, помилуй мя по милости Твоей, пети Тебе начинаяща и молитися о убившемся дерзко, да не в суд ми сие будет, ни в осуждение, Судие Праведнейший.

**Упокой, Господи, душу усопшаго раба Твоего.**

Да не будет молитва моя во грех, яко кроткий Давид глаголет: ниже во отягочение души самовольней смерти предавшемуся; но мученик мольбами оставление прегрешений наших даруй нам.

**Слава Отцу и Сыну и Святому Духу.**

Богатую милость присно всем источая, Всеблагий Христе Боже, и ныне рабу Твоему (имя), нами Тебе молящемуся, помилование даруй и с преставльшимися во благочестии причти, аще и нечестиво скончался в неразумии.

**И ныне и присно и во веки веков. Аминь.**

Утвердивши колеблемый ум мой, Мати Божия, укрепи мя Божественными повеленьми Рождшагося из Твоего освященного чрева и упразднившего, Владычице, адово мрачное царство, со дерновением неосужденно молитися об усопшем (имя).

**ПЕСНЬ 3**

**ИРМОС:**

На камени мя веры утвердив, разширил еси уста моя на враги мои: возвесели бо ся дух мой, внегда пети: несть свят, яко же Бог наш, и несть праведен паче Тебе, Господи.

**Упокой, Господи, душу усопшаго раба Твоего.**

Твою красоты сиянием озаритися усопшему благоволи, в вере с почившими, богатый в милости; Ты бо еси Бог наш Единый безгрешный и многомилостивый.

**Упокой, Господи, душу усопшаго раба Твоего.**

На месте прохладжения в вечнем покоище сподоби прияти и раба Твоего, малодущие жизнь свою пресекшаго: Ты бо еси Един Сильный и немощи наша на Ся восприявый, Господи Боже наш.

**Слава Отцу и Сыну и Святому Духу.**

В чертозе небеснем водворитися, Владыко, приими раба Твоего (имя рек), да не услышит он праведного Твоего гласа: «не вем тя», аще и воистину повинен есть сему.

**И ныне и присно и во веки веков. Аминь.**

Умерщвленных нас воздвигла еси, Богородице, жизни нетленней Жизнодавца рождши; и раба Твоего (имя) возведи из ада преисподнейшаго, Сына Твоего о милости умоляющи.

**ПЕСНЬ 4**

**ИРМОС:**

Пою Тя, слухом бо. Господа услыхаш и ужасохся: до мене бо идеши, мене ища заблуждшаго. Тем многое Твое снизхождение, еже на мя, прославляю, Многомилостиве.

**Упокой, Господи, душу усопшаго раба Твоего.**

Во упованиях на Тя, Боже, изнемогшего, и насилием вражииим одоленнаго, раба Твоего пощади, Спасе презирая, яко Благ, прегрешения его вольная и невольная.

**Упокой, Господи, душу усопшаго раба Твоего.**

Милосердия имый неизследимую бездну, Господи, бездну греховную раба Твоего покрый, Человеколюбче, — омыв Кровию Свою грех неведения и маловерия его.

**Слава Отцу и Сыну и Святому Духу.**

Живыми господствуя и мертвими владычествуя, помилуй и раба Твоего (*имя*), власть бо имаши всякую на небеси и на земли, Христе Боже, Отцу соседый и Духом вся очищай.

**И ныне и присно и во веки веков. Аминь.**

Исцелила еси, Богородительнице, Евино поползвновение окаянное; Зиждителя бо родила еси, исправити могущаго тварь погибающую: Того моли и сего раба (*имя*) неключимаго, заповедь Божию преступившего, спаси по единой милости.

## ПЕСНЬ 5

**ИРМОС:**

Света подателю и веков Творче, Господи, во свете Твоих повелений настави нас: разве бо Тебе иного Бога не знаем.

**Упокой, Господи, душу усопшаго раба Твоего.**

Умертвишася и во дно адово поползнувшагося возведи, Боже, преступление того заглаждая; на Кресте бо грехи наша пришел еси омыти честною Кровию Свою, Христе, Искупителю всяческих.

**Упокой, Господи, душу усопшаго раба Твоего.**

Спасти нас пришедый, Христе Боже, приими ныне и наша недостойная моления о рабе Твоем (*имя*), да муки вечныя избавиши, помилован будет с нами, Спасителю Преблагий.

**Слава Отцу и Сыну и Святому Духу.**

Молим Тя, Слове Божий, аще и дерзновенно сие, прогнева бо Тя раб Твой (*имя*), обаче благодатию Твою умоляем, не возгнушайся молить наших и помилуй нас, вкупе вси бо повинны есмы пред Тобою, Всесвятый Владыко.

**И ныне и присно и во веки веков. Аминь.**

Под кровом Твоим, Мати Божия, спасаются все надеющийся на Тя: Твоим заступлением защити и нас, и сподоби со дерзновением неосужденно молити Сына Твоего о живот свой скончавших безнадежно (*имя*).

## ПЕСНЬ 6

**ИРМОС:**

В бездне греховней валяся, неизследную милосердия Твоего призываю бездну: от тли, Боже, мя возведи.

**Упокой, Господи, душу усопшаго раба Твоего.**

Из земли создавши человека, Боже, и в землю ныне возвратишася, пощади, Господи, в неразумии сокрушившаго скудельный сосуд свой: можеши бо, Владыко Творче, и паки возставити его от истления.

**Упокой, Господи, душу усопшаго раба Твоего.**

Неизреченный и непостижимый, Господи, щедротами несказанного Человеколюбия Твоего помилуй живот свой скончавшаго, презирая согрешения его, яже в ведении и неведении содеянная.

**Слава Отцу и Сыну и Святому Духу.**

Озаритися милостию Твою сподоби, Владыко, вольне оставльшаго (*имя*) житие свое и к свету Твоему возвели, из тьмы несветимыя изымая, милосердия ради.

**И ныне и присно и во веки веков. Аминь.**

Избавительнице, усердно призывающим Тя, Пречистая Владычице, Сына Твоего умоли скончавшагося (*имя*) ущедрити: живота и смерти Владыку родила еси.

**ПЕСНЬ 7**

**ИРМОС:**

Богопротивное веление беззаконнующаго мучителя высок пламень вознесло есть; Христос же простре благочестивым отроком росу духовную: Сый благословен и препрославлен.

**Упокой, Господи, душу усопшаго раба Твоего.**

Во ад с душею, яко Бог, сошедый, и в рай разбойника с Собою введый, помяни и ныне раба Твоего (*имя*), преступлением многим Тя прогневавша, ныне же Тебе нами молящаяся бедне.

**Упокой, Господи, душу усопшаго раба Твоего.**

Един безгрешный, в мертвых волею вменился еси, да умерщвленных силою человекаубийцы воскресивши с Собою, от державы того исхити и раба Твоего, Всесильне.

**Слава Отцу и Сыну и Святому Духу.**

Радость присносущную даровати нам Воскресением Своим изволивый, от мрачнаго горькаго царства изми раба Твоего (*имя*), да от муки вечныя свободившися, узрит себе одесную Тебе, Судие Многомилостивый.

**И ныне и присно и во веки веков. Аминь.**

Сияние славы Отчей, плотию от Тебе явившегося умоли, Пресвятая, из адовы мглы свободити непотребнаго раба Твоего (*имя*), той бо яко Матерь, Тебе нами просит.

**ПЕСНЬ 8**

**ИРМОС:**

Пещь иногда огненная в Вавилоне действия разделяше, Божиим велением халдеи опаляющая, верныя же орошающая, поющия: Благословите, вся дела Господня, Господа.

**Упокой, Господи, душу усопшаго раба Твоего.**

Смертное царство Свою смертию разоривый, Божественною же силою вход в вечный живот отверзый, не затвори благоутробия Твоего и рабу Твоему, аще и прегрешившему, обаче из ада ныне горце взывающа.

**Упокой, Господи, душу усопшаго раба Твоего.**

Красоты Твою насладитися сподоби, стуж греха безобразнаго очищая умершаго смертию поносной: Един бо еси, Владыко, греха свободен, крестною смертию за нас умертвился еси.

**Слава Отцу и Сыну и Святому Духу.**

Исправити хотя падших в персть смертную, Сам смерти причастен явился еси, Безсмертный, от смертных удолий силою Твою возвели раба Твоего (*имя*), лютою смертию поползнувшагося.

**И ныне и присно и во веки веков. Аминь.**

Велия воистину есть Рождества Твоего тайна, Богомати: Бога воплотившагося родила еси; Его же моли, яко Сына Твоего, спаси бедне скончавшагося (*имя*): имаши бо дерзновение к Рождшемуся от Тебя Благоутробному Спасу мира.

**ПЕСНЬ 9****ИРМОС:**

Яже прежде солнца Светильника Бога возсиявшаго, плотски к нам пришедшаго, из боку девичу неизреченно воплотившая, Благословенная, Всечистая, Тя, Богородице, величаем.

**Упокой, Господи, душу усопшаго раба Твоего.**

Имеяй власть живых и мертвых, пощади, Спасе, раба Твоего (*имя*), смертию горькою скончавшагося: Тебе бо от Отца Твоего дадеся живити и миловати, ихже хощеши, Сыне Божий.

**Упокой, Господи, душу усопшаго раба Твоего.**

Преславное множество святых Твоих, Христе, непрестанно молит Тя за грешныя рабы Твоя, да помилуеши ихже волиши милосердием Твоим и геенны вечныя избавиши.

**Слава Отцу и Сыну и Святому Духу.**

Благости воистину пучина неизследимая, благодатию Твою помилуй прогневавшаго Тя раба Твоего (*имя*), и нас молящихся.

**И ныне и присно и во веки веков. Аминь.**

Достойно Тя, Богородице, ублажающе, к Тебе, яко Матери нашей, притекаем надежно; сами себе и брата нашего (*имя*), малодушие скончавшагося, Тебе Заступнице и с Тобою Христу Богу предаем смиренно.





## Молитва за благодетелей, особенно руководивших к добродетели

Господи Иисусе Христе Боже наш! Ты заповедал еси нам воздавати всем должное, егда рекл еси: «Яко же хощете да творят вам человецы, и вы творите им такожде». Что убо сотворю, Господи, что воздам ныне, во мнозе благотворившему(-шей) мне, но уже отшедшему (-шей) от земли живых рабу Твоему (рабе Твой!)! У Тебе, Господи, у Тебе, богатый в милостех Боже наш, всякое воздаяние есть. Сего ради молю Тя, Подателю благих, приими от мене сие малое моление мое, вкупе же и благодарение за все благодеяния Твои, дарованныя мне в приснопоминаемом(-мой) усопшем(-шей) рабе Твоем (Твой!). Молю Тя, Боже, Спасителю мой призри с высоты Святаго жилища Твоего на молитву мою и помяни милостию Твою отшедшаго(-ую) к Тебе раба Твоего (рабу Твою) (имя), толико благодеявшаго(-ую) ми; яви ему (ей) силу благости Твой и неизреченное Твое милосердие в прощении и оставлении грехов и покрый его (ю) оправданием Твоим; подаждь ему, Господи, Царство Небесное и вечный покой, яко помогавшему(-шей) ми и ближним моим в нуждех и лишениях, в скорбех и болезнех и подававшему (-шей) ми благая от избытков даров Твоих. Молюся убо Тебе, Благость вечная, воздай ему (ей) за благотворения его (ея) сторицею — за земныя блага небесными, за временныя вечными, и подаждь ему (ей) вечный покой; и яко научавшему(-шей) мя делам милосердия, кротости, смиренномудрию, терпению, воздержанию, вселявшему (-шей) в мя дух мира и любви христианской, подававшему (-шей) ми благие советы и благие образы христианского жития, даруй, Премилосердый Господи, достойно узрети невечерний свет Твоего Царствия и насыти его (ю) от небесныя трапезы Твоей, яко во имя Твое препитавшаго(-ую) жаждущую и алчущую мою душу. Помяни, Господи, и всех отшедших к Тебе, в вере и добродетельном житии подвизавшихся во славу Пресвятаго Имени Твоего, добро творивших сирым, нищим и убогим; упокой в лоне Авраама, Исаака, Иакова, посещавших недугующих, страждущих и в темнице заключенных; приими в чертог Твой принимавших в дому своем странна и пришельца. Помяни, Господи, во Царствии Твоем усопших рабов Твоих, выну предстоявших и молившихся Тебе теплою молитвою о нашем душевном спасении и благоденствии, о сохранении и благостоянии святых Твоих церквей, о мире и спасении всего мира; упокой со святыми Твоими рабов Твоих, молившихся о обращении к Тебе заблудших и отпадших от веры и о спасении погибающих во грехах. Молю Тя, Христе Боже наш, молю Тя, яко Судию, имущаго судити мирови, воздай

им по человеколюбию Твоему, и сподоби их услышати вожделенный оный глас: «Приидите, благословеннии Отца Моего, и наследуйте уготованное вам Царствие от сложения мира», и да внидут в онь, хваля и прославляя Твое великолепное имя в бесконечные веки. Аминь.





## Молитва за скончавшихся вне своего Отечества, за безродных и убогих

Господи Иисусе Христе Боже наш, сирых Защитниче, странных Наставниче, пла-вающих Кормчий, обуреваемых пристанище, с путешествующими путешествую-щим, утешение плачущих, нищих кормителю! Молим Тя, Многомилостиве Господи, помяни во Царствии Твоем души усопших раб Твоих (имена), в вере представль-шихся к Тебе, но отшедших в земли чуждей, без материяго Святыя Твоя Церкви напутствия и благословения. Приими, Владыко, под Твое благоутробие рабов пре-ставльшихся тамо в скорби и печали о своих присных и близких, имже никтоже бе утешаяй в страшный час смерти, идеже никтоже бе возносяй Тебе теплое моление о благотишином прохождении их от сея привременныя жизни в мир горний. Темже убо молим Тя, Преблагий, молим Тя, вездесущий и присносущный Господи, воззри на сих рабов Твоих благосердием Твоим, прости им всякое согрешение вольное и невольное, словом и делом содеянное и вся, яже в ведении и неведении. Умоляем Тя молитвами и представительством Матере Твоей, Пресвятая Владычицы нашея Богородицы, и всех святых, не погуби отшедших к Тебе со беззаконием их, но сотвори им велию милость Твою, яви им Твое человеколюбие и щедроты Твоя, приведи их к тихому Твоему пристанищу и водвори их в Дому Твоем.

Еще молимся о упокоении душ усопших раб Твоих (души усопшаго (-шия) раба Твоего (рабы Твоей) (имена), отшедших к Тебе безродными и никогоже от присных своих о себе молитвенников имущими, разве Святыя Твоя Церкви; сего убо ради молим Тя, Господи, приими и о сих наше моление: прости им вся согрешения и помилуй их по велицей Твоей милости; всели их во Святом жилище Твоем, да обрящут в Тебе покой, яко в Спасителе и Искупителе рода человескаго.

Господи! Господи! Аще усопший раби Твои, иже быша в нищете и убожестве, за чашу студеные воды, за укрух хлеба, за едину лепту, поданныя им во имя Твое, приносили быша Тебе моления о нас, прошения и благодарения; аще сирые благо-словляли быша благотворящую им руку, моляся о ниспослании нам благ Твоих, того убо ради молим Тя ныне, Христе Боже наш, и мы о них: помяни убо во Царствии Твоем сих, яко меньших, по реченному Тобою, братий Твоих; прости им всякое прегрешение вольное и невольное, покрый их Твоим благоутробием и всели их во Святый чертог Твой; и яко получавших зде на земли пропитание чрез призывание святаго Твоего имени, препитай тамо на небеси от туха дома Твоего и да утешатся, и да насладятся нескончаемою радостию вси истинно плакавшие к Тебе; водвори

их со святыми Твоими, да вси купно у Тебе, Судие живых и мертвых, составят сонмы избранных Твоих, и тако да славят, хвалят и превозносят безпределное Твое милосердие в безпределные веки. Аминь.





## Молитва за всякого усопшего

Помяни, Господи Боже наш, в вере и надежди живота вечнаго преставльшагося раба Твоего, брата нашего (имя), яко Благ и Человеколюбец, отпущаяй грехи и потребляй неправды, ослаби, остави и прости вся вольная его согрешения и невольная, избави его вечныя муки и огня геенскаго, и даруй ему причастие и наслаждение вечных Твоих благих, уготованных любящым Тя: аще бо и согреши, но не отступи от Тебе, и несомненно во Отца и Сына и Святаго Духа, Бога Тя в Троице славимаго, верова, и Единицу в Троицу и Троицу в Единстве православно даже до последняго своего издыхания исповеда. Темже милостив тому буди, и веру яже в Тя вместо дел вмени, и со святыми Твоими яко Щедр упокой: несть бо человека, иже поживет и не согрешит. Но Ты Един еси кроме всякаго греха, и правда Твоя правда во веки, и Ты еси Един Бог милостей и щедрот, и человеколюбия, и Тебе славу возсылаем, Отцу и Сыну и Святому Духу, ныне и присно и во веки веков. Аминь.





## Молитва за обидевших и ненавидевших нас

Владыко Человеколюбче Господи, Иисусе Христе, Сыне Божий! Ты, по неизреченной любви Своей к нам, грешным и недостойным рабам Твоим, сияющи солнце Свое на злые и благая, дождиши на праведныя и неправедныя; Ты, Преблагий, заповедуем нам любити врагов наших, добро творити ненавидевшим и обидевшим нас, благославляти клянущих нас и молитися за творящих нам напасть и изгоняющих нас. Ты, Спасителю наш, вися на крестном древе, и Сам прощал еси врагов Своих, хульно ругавшихся Тебе, и молился за мучителей Твоих; Ты дал еси образ нам, да последуем стопам Твоим. Ты, о дражайший Искупителю наш, научивый нас прощати врагов, повелел еси вкупе и молитися за них; молюся убо Тебе, Иисусе Прещедрый, Сыне и Агнче Божий, вземляй грехи мира, прости отшедшаго (-ую) к Тебе раба твоего (рабу Твою) (имя) и приими его (ю) не яко врага моего, соделавшаго ми злая, но яко согрешившаго (-ую) пред Тобою, Молю Тя, безпределный в милостех, Господи Боже наш, приими с миром, пресельшагося (-уюся) к Тебе от мира сего без примирения со мною; спаси и помилуй его (ю), Боже, Твою великою и богатою милостию. Господи, Господи! Да не яростию Твою, ниже гневом Твоим накажеши раба Твоего (рабу Твою), творившаго ми напасть, оскорбление, поношение и злохуление; молю Тя, не помяни сих прегрешений его (ея), но отпусти и прости ему (ей) вся сия по человеколюбию Твоему, и помилуй по велицей Твоей милости. Молю Тя, о Преблагий и Прещедрый Иисусе, яко уз адовых Решителя, смерти Победителя, грешных Спасителя, разреши рабу Твоему (рабе Твоей) сии согрешения, имиже, яко пленицами ада, связася усопший (-шая). Ты бо, Господи, рекл еси: «аще не отпускаете человеком согрешения их, ни Отец ваш Небесный отпустит вам согрешений ваших»; о, да не будет сего! Со умилением и сокрушением сердца умоляю Тя, Спасителю Премилостивый, разреши ему (ей) сии узы злых наваждений и козней диавольских, не погуби усопшаго (-ую) гневом Твоим, но отверзи ему (ей), Жизнодавче, двери милосердия Твоего, да ввидет во святый Твой град, хваля всесвятое и великолепное Имя Твое и воспевая неизреченную любовь Духа Твоего Святаго к погибающим грешникам. И якоже Ты, Благость вечная, помянул еси на кресте благоразумного разбойника, с Тобою распята, путесловив ему вход в рай, сице, молю Тя, Всесредрый, помяни во Царствии Твоем и отшедшаго (-ую) к Тебе раба Твоего (рабу Твою) (имя) не затвори, но отверзи и ему (ей) двери милосердия Твоего, Твое бо есть, еже миловати и спасти ны, Боже

наш, и Тебе славу возсылаем со Безначальным Твоим Отцем, Пресвятым и Благим и Животворящим Твоим Духом, ныне и присно и во веки веков. Аминь.





## Молитва за умирающего

Господи, Иисусе Христе Сыне Божий, заступи, спаси, помилуй и сохрани Боже, Твою благодатию душу раба Твоего (*имя*), и грехи юности и неведения его не помяни, и даруй ему кончину христианскую, непостыдную и мирную, и да не узрит душа его мрачного взора лукавых демонов, да примут его Ангели Твои светлые и пресветлые, и на Страшном Суде Твоем милостив ему буди, ибо Твое есть единого Господа, еже миловати и спасати нас.





## **Моление о упокоении православных воинов, за веру и Отечество на брани убиенных**

Непобедимый, непостижимый и крепкий во бранех Господи Боже наш! Ты, по неисповедимым судьбам Твоим, овому посылаеши Ангела смерти под кровом его, овому на селе, овому на мори, овому же на поле брани от оружий бранных, изрыгающих страшныя и смертоносныя силы, разрушающая телеса, расторгающая члены и сокрушающая кости ратующих; веруем, яко по Твоему, Господи, премудрому смотрению, такову приемлют смерть защитники веры и Отечества.

Молим Тя, Преблагий Господи, помяни во Царствии Твоем православных воинов, на брани убиенных, и приими их в небесный чертог Твой, яко мучеников изъязвленных, обагренных своею кровию, яко пострадавших за Святую Церковь Твою и за Отечество, еже благословил еси, яко достояние Твое. Молим Тя, приими убо отшедших к Тебе воинов в сонмы воев Небесных Сил, приими их милостию Твою, яко павших во брани за независимость земли Руссия от ига неверных, яко защищавших от врагов веру православную, защищавших Отечество в тяжкие годы от иноплеменных полчищ; помяни, Господи, и всех, добрым подвигом подвизавшихся за древнехранимое Апостольское Православие, за освященную и в язык свят избранную Тобою землю Русскую, в нюже враги Креста и Православия приношау и огнь, и меч. Приими с миром души раб Твоих (*имена*), воинствовавших за благоденствие наше, за мир и покой наш, и подаждь им вечное упокоение, яко спасавшим грады и веси и ограждавшим собою Отечество, и помилуй павших на брани православных воинов Твоим милосердием, прости им вся согрешения, в житии сем содеянная словом, делом, ведением и неведением. Призри благосердием Твоим, о Премилосердый Господи, на раны их, мучения, стенания и страдания, и вмени им вся сия в подвиг добрый и Тебе благоугодный; приими их милостию Твою, зане лютыя скорби и тяготу зде прияша, в нуждех, тесноте, в трудех и бдениях быша, глад и жажду, изнурение и изнеможение претерпеша, вменяеми быша яко овцы заколения. Молим Тя, Господи, да будут раны их врачеством и елеем, возлиянным на греховныя язвы их. Призри с небесе, Боже, и виждь слезы сирых, лишившихся отцев своих, и приими умиленныя о них мольбы сынов и дщерей их; услыши молитvenные вздохания отцев и матерей, лишившихся чад своих; услыши, благоутробне Господи, неутешных вдовиц, лишившихся супругов своих; братий и сестер, плачущих о своих присных, — и помяни мужей, убиенных в крепости сил и во цвете лет, старцев, в силе духа и мужества; воззри на сердечныя

скорби наша, виждь сетование наше и умилосердися, Преблагай, к молящимся Тебе, Господи! Ты отъял еси от нас присных наших, но не лиши нас Твоей милости: услыши молитву нашу и приими милостивно отшедших к Тебе приснопоминаемых нами рабов Твоих (*имена*); воззови их в чертог Твой, яко доблих воинов, положивших живот свой за веру и Отечество на полях сражений; приими их в сонмы избранных Твоих, яко послуживших Тебе верою и правдою, и упокой их во Царствии Твоем, яко мучеников, отшедших к Тебе израненными, изъязвленными и в страшных мучениях предававшими дух свой; всели во святый Твой град всех приснопоминаемых нами рабов Твоих (*имена*), яко воинов доблих, мужественно подвизавшихся в страшных приснопамятных нам бранех; облецы их тамо в виссон светел и чист, яко зде убеливших ризы своя в крови своей, и венцев мученических сподоби; сотвори их купно участниками в торжестве и славе победителей, ратоборствовавших под знаменем Креста Твоего с миром, плотию и диаволом; водвори их в сонме славных страстотерпцев, добропобедных мучеников, праведных и всех святых Твоих. Аминь.

---



## Молитва за наставников и воспитателей

Боже разума, Боже чудес, живый, приснотекущий Источниче премудрости! Молю Тя, помяни во Царствии Твоем души усопших раб Твоих, наставников моих (имена), яко просвещавших мой ум и вселявших в сердце мое дух премудрости и разума, дух совета и крепости, дух ведения и правды, истины и добродетели. Молю Тя, Владыко, милостив буди о грешех их; ослаби, прости и отпусти им вся согрешения, елика сотворили в житии сем, словом, делом, помышлением, ведением и неведением. Воздаждь им, света Подателю, милостию Твою, щедротами Твоими за вся попечения их о нашем духовном преуспении; яви им милость благоутробия Твоего за благая их поучения, за благопотребные их советы и вразумления, яже посеяваху и насаждаху во умах и сердцах наших, яко благия семена; воздаждь им за вся благая небесными и вечными Твоими благами, да узрят в Тебе, Боже, лицем к лицу вечную Истину и да озаряются и наслаждаются трисиятельным Светом Ея в безконечные веки во Царствии Твоем. Аминь.





## Молитва четвертая за всех в вере скончавшихся православных христиан

Господи, Господи! коль неизбежен, коль страшен нeliцеприятный и неизменимо-вечный Суд Твой! В великом и притрепетном смущении дух наш мятется, сердце содрогается и истаивает, яко воск, от единаго возвещения Твоего непреложного глагола о последнем Суде; немотствует язык от единаго ожидания гласа последней трубы Архангела, имущей возбудити от мертвых и возврати от живых на Страшный Суд Твой от востока и запада, от севера и юга. О, воистину страшен день той, в онъже приидеши, Боже, на землю во славе со Ангелами и всеми святыми! Горни и дольни все предстанут тогда со страхом и трепетом и полчища преисподних вострепещут пред Тобою, Судие мира сего; небо и землю призовеши на Суд, судити вселенней в правде и истине! Страшен день той, в онъже престоли поставятся, книги разгнутся, и явная и тайная наша деяния, словеса и помышления обличатся пред Тобою, пред Ангелами и человеками, вкупе же и осудятся: ничтоже бо, Господи, у Тебе сокровенно, еже тогда не открывается, и тайно, еже не уведано будет. Кто возможет, Судие мира сего, устояти тогда пред лицем Твоим и целым миром горним и дольним! Аще праведник едва спасется, нечестивый и грешный како постоит? И кто убо заступит за ны, аще не Твое милосердие, Господи? Камо убежим от праведнаго Суда Твоего? О, пощади, пощади тогда нас и отшедшаго (-ую) к Тебе приснопоминаемаго (-ую) нами раба Твоего (рабу Твою) (имя) и не осуди его (ю) тогда на вечное мучение по грехом его (ея). Благоволи убо, Премилосердый Господи, прияти в небесный и мысленный Твой жертвенник наши жертвы за него (ню) — молитвы наши и милостыни, яко кадило благовонное, вкупе с молитвами и безкровным священнодействием пастырей Святая Твоя Церкви, да не постыдится пред Тобою, пред Ангелами и целым миром усопший (-шая) раб Твой (раба Твоя). Услыши ны, Боже наш, и не отрини до конца; виждь коленопреклоненных, повергшихся долу пред Тобою, Господи; услыши просящих Твою милости и Царства Небеснаго усопшему (-шей) рабу Твоему (рабе Твой). Молим Тя, о Премилосердый и Прещедрый Иисусе, егда приидеши со Ангелы Святыми Твоими судити мирови, пощади, пощади тогда. Спасе, создание Твое: образ бо есть неизреченные Твои славы. С сокрушенным сердцем молим, просим Тя, Спасителю и Искупителю наш, не осуди раба Твоего (рабу Твою) (имя) праведным судом Твоим на вечное мучение, аще достоин (-на) есть всякаго осуждения и муки; не отлучи его (ю) от стада избранных Твоих, но,

по неизреченному милосердию Твоему, долготерпению и любви к нам грешным и недостойным рабам Твоим, ради Твоих дражайших заслуг сподоби его (ю), Владыко, Царствия Твоего, еже уготовал еси любящим Тя от сложения мира, и да внидет в место упокоения, хваля всесвятое и великолепное Имя Твое, славя неизреченное милосердие Твое, величая человеколюбие и щедроты Твоя, яко Ты еси Бог милости и щедрот, и Тебе славу возсылаем, со безначальным Твоим Отцем, Пресвятым и Благим и Животворящим Твоим Духом, ныне и присно и во веки веков. Аминь.





## **Молитва о упокоении скончавшихся после тяжкой и продолжительной болезни**

Господи, Господи! Праведен еси Ты, и суд Твой праведен: Ты, в предвечной Своей Премудрости, положил еси предел жизни наша, егоже никто же прейдет. Премудры Твои законы, неизследимы путие Твои! Ты повелеваеш ангелу смерти изъяти от тела душу у младенца и старца, у мужа и юноши, у здраваго и больнаго по несказанным и недоведомым нам судьбам Твоим; но веруем, яко на сие есть Твоя святая воля, зане, по суду правды Твоей, Ты, Преблагий Господи, яко премудрый и всемогущий и всеведущий Врач душ и телес наших, болезни и недуги, беды и злоключения посылаеш человеку, яко врачевство духовное. Ты поражаеш его и исцеляеш, умерщвляеш в нем мертвенное и оживотворяеш бесмертное, и, яко чадолюбивый Отец, наказуеш, егоже приемлеши: молим Тя, Человеколюбче Господи, приими преставльшагося к Тебе раба Твоего (рабу Твою) (имя), егоже (юже) взыскал еси человеколюбием Своим, наказавый тяжкою болезню телесною, во еже спасти душу от болезни смертныя; и аще вся сия приял(-ла) есть от Тебе со смиренномудрием, терпением и любовию к Тебе, яко вседетельному Врачу душ и телес наших, яви убо ему (ей) днесь богатую милость Твою, яко претерпевшему(-ей) вся сия грех своих ради. Вмени ему (ей), Господи, сию привременную тяжкую болезнь в некое наказание за прегрешения, содеянныя в сей юдоли плача, и исцели душу его (ея) от недугов греховных. Помилуй, Господи, помилуй взысканного(-ую) Тобою, и, наказанного(-ую) временно, молю Тя, не накажи лишением вечных Твоих небесных благ, но сподоби его (ю) наслаждатися ими во Царствии Твоем. Аще же усопший(-шая) раб Твой (раба Твоя), не разсуждая в себе, чесо ради бысть сие прикосновение целительныя и промыслительныя Десницы Твоей, стропотно что рече в себе, или, по неразумию своему, возропта в сердце своем, яко бремя сие возмни себе неудобносимым, или, по немощи естества своего, стужаше долгою болезню и горчился злоключением, молим Тя, Долготерпеливе и Многомилостиве Господи, прости ему (ей) сия согрешения по безпределной Твоей милости и безприкладному Твоему милосердию к нам грешным и недостойным рабам Твоим, прости ради любви Твоей к роду человеческому; аще ли же беззакония его (ея) превзыдоша главу его (ея), болезнь же и недуги не подвигоша его (ю) к полному и искреннему покаянию, умоляем Тя, Начальниче жизни нашей, умоляем Твоими искупительными заслугами, помилуй и спаси, Спасе, раба Твоего (рабу Твою) от вечных смерти. Господи Боже, Спасителю наш! Ты, по вере в Тя,

даровал еси прощение и отпущение грехов, даровав помилование и исцеление тридесетиосмилетнему разслабленному, егда рекл еси: «Отпускаются тебе греси твои»; с сею же верою и упованием на Твою благость, прибегаем к Твоему, о Иисусе Прещедрый, неизреченному милосердию и во умилении сердца нашего молим Тя, Господи: рцы убо и днесь тако слово помилования, слово отпущения грехов усопшему(-шей), приснопоминаемому(-мой) нами рабу Твоему (рабе Твоей) (имя), да исцелеет духовне, и да вселится в месте светле, в месте покойне, идеже несть болезнь, ни печаль, ни вздохание, и да пременятся тамо болезни и недуги его (ея), слезы страданий и скорбей в источник радости о Дусе Святе. Аминь.

---



## Молитва за пастыреи Православной Церкви

Господи Иисусе Христе Боже наш, давый нам овы апостолы, овы же пророки, овы же благовестники, овы же пастыри и учители к совершению Святых, в дело служения, в созидение Тела Твоего! Молим Тя, Владыко Многомилостивый, услыши молитвенный глас наш и помяни во Царствии Твоем преставльшихся из дольняго мира сего в мир горний рабов Твоих: православных Патриархов, митрополитов (имена), архиепископов и епископов (имена), архимандритов, игуменов, иеромонахов, иереев (имена), иеродиаконов и диаконов (имена); водвори их, Господи, в небесные кровы вечного покоя. Яко послуживших ко славе Пресвятаго имени Твоего и во славу Святая Соборныя и Апостольская Церкви Твоей, к назиданию и спасению чад Ея; помяни и всех в монашеском чине и причте церковном Тебе послуживших. Молим Тя, Господи Иисусе Христе Боже наш, молим яко Пастыреначальника, приими милостию Твою души усопших раб Твоих, яко избранных слуг и строителей Тайн Твоих, предстоявших страшному престолу Твоему, совершивших безкровное священнодействие и подававших нам Святые и Животворящие Дары Твои — Честное Твое Тело и Честную Кровь Твою, во оставление грехов и в жизнь вечную; того ради молим Тя, Боже наш, соделай и их причастниками благодатных даров Духа Твоего Святаго во Царствии Твоем. Господи! Ты дал еси им власть во имя Твое прощати и отпушати нам грехи, вязати и решити, прилежно молим Тя: прости, отпусти и им согрешения их и не помяни грехопадений их; спаси и помилуй их по велицей Твоей милости; призри на них благосердием Твоим и приими их, Христе, под Твое благоутробие, яко учивших ны блести вся, елика заповедал еси нам; со святыми упокой в дому Твоем, яко домостроителей, смиренно подвизавшихся в насаждении и укреплении Православная Веры и благочестия в сердцах наших; сподоби их неосужденно предстати пред Тобою на судищи Твоем, яко перед Пастыреначальником, и всели их в небесный Твой вертоград, яко насаждения масличная. Приведи их, Светодавче Господи, к невечернему свету Царствия Твоего, яко просвещавших ны светом Евангельским, всели их во Святый Твой град, яко вселявших в нас дух премудрости и разума, дух совета и крепости, дух ведения и благочестия, дух страха Твоего, — и дажь им наслаждатися от тука дома Твоего, яко питавших и наслаждавших души наша от божественныя Трапезы Твоей. Молим Тя, Царю, молитвами апостолов и пророков, святителей и учителей и всех святых, прослави их, яко служителей словесе во Святой Церкви Твоей, воинствующей на земли, прослави в Церкви, торжествующей на Небеси, и сопричи их к лику святых

Твоих апостолов, святителей и учителей Церкви, послуживших и благоугодивших  
Тебе словом и делом. Аминь.





## Молитва о скончавшихся в состоянии душевного заболевания

Дивна дела Твоя, Господи, и величию Твоего разума несть конца! Коль многообразными и неизследимыми стезями преводиши Ты люди Своя в веце сем от дольняго мира к горнему! Разоряеши бо премудрость премудрых, отвергаеши разум разумных, высокия и гордяя расточаеши и смиряеши, сильныя и добродыя низлагаяши и посрамляеши; буия же и смиренныя, уничиженныя, немощныя и худородныя избираеши, возвышаеши, укрепляеши и прославляеши, открывая премудрые и благие советы всепромыслительного смотрения Твоего младенцам и утаевая их от тех, иже о себе мнятся быти совершени умы своими. Кто доволен есть уразумети вся судьбы Твоя, Боже, имиже, по богатству благости Своей и долготерпения, вразумляеши, научаеши и спасаеши нас грешных и недостойных рабов Твоих? Овому прилагаеши смысление и даруеши здравое разсуждение, оваго же обуяеши, у оваго исторгаеши сердце каменно и влагаяши плотяно; овому ниспосылаеши крепость и бодрость телесну, вкупе же и мужество душевно; овому же болети душою и телом попускаеши; оваго радуеши, овому же печаловатися хощеши; оваго живиши, оваго же мертвши. О, великий и неисповедимый в тайнах Своего смотрения о нас, Господи Боже наш! Вем и от всего сердца исповедую пред Тобою, яко и со усопшим (-шею) приснопоминаемым (-мою) мною рабом Твоим (рабою Твою) (имя), не без премудраго и благаго изволения и смотрения Твоего бысть сокрушительный недуг душевный, егоже истинная вина и вся сила Тебе Единому точию ведома суть: темже благоговейно повергаясь пред Твоими, Господи, неизреченными, но выну спасительными судьбами, со умилением вопиу Ти: приклони ухо Твое к молению моему и человеколюбие вонми ми, и скоро услыши молитву мою о сем рабе Твоем (Твоей). Недоумеваю бо и зело скорблю о необычайных судьбах его (ея), зане, не якоже инии человечцы смысленнии, самосознательни и тверди в памяти, отъиде к Тебе от нас, но яко лишен (-на) сый ума, извращен в смысле, болезненно опечалован (-на) сердцем, не имея самообладательныя силы своего изволения, неистово и свирепо являющиися в деяниях своих. Господи! Господи! Что сие есть неудоборазумевающее некое в душевней жизни человечестей явление? Како созданный по образу и по подобию Твоему впадает в крайнее неразумие, безумствует, неистовствует и содеивает неподобная? Что убо сие есть с дыханием жизни Твоей, Боже Вседержителю? Воистинну, по Твоим, Господи, неизследимым путям и неизреченным советам вся сия премудро и благим намерением Тобою устроются: наводиши бо,

яко привременное наказание, и попускаеши толикая нестроения и превращения в чудном составе существа нашего, да сокровенными у Тебе тако путями устроиши, возставиши и исправиши вся стропотная и развращенная, яже неразсудным, злым и лукавым обычаем учинена суть, и тако видимая злая у человек, у Тебе, Всеблагий Владыко, приснотекущий Источниче Премудрости и разума, у Тебе обращаются во благая. Того ради смиренно припадая к неистощимым щедротам Твоим, Человеколюбче Спасе наш, молю Тя, Подателю благих, приими усопшаго (-ую) раба Твоего (рабу Твою) (имя), яко тако люте болезновавшаго (-ую) и страдавшаго (-ую) в житии сем, приими милостию Твою, да не пробавиши, Блаже, и тамо, во стране отшедших от нас братий наших, стужения и страдания его (ея), яже суть безмерно лютейша неже зде земная; но отврати от него (нея) прещение гнева Твоего и воззри на него (на ню) пресветлым оком милосердия Твоего; но не предаждь люте погибнути во веки, зане и Сам, Премилосердый Спасе, не хощеши смерти грешника, не хощеши, да кто погибнет, Сладчайший Иисусе Христе, Сыне Божий, исцеляй неисцельно-недугующих телом, прокаженных очищаяй и бесных творяй смысящими! Молю Тя, Господи, исцели душу усопшаго (-шия) раба Твоего (рабы Твоей) (имя), очисти его (ю) от всех вольных и невольных, ведомых и неведомых прегрешений и грехопадений его (ея), Сам, Спасе, очисти, якоже не возмогшаго разумно и в здравой памяти исповедатися Тебе в них, того ради умилосердися о нем (о ней), Господи, и возьми от него (от нея) все тяжкое бремя грехов. Вземляй грехи мира! Покрый и оправдай его (ю) Свою благодатию, и, имиже веси судьбами. Спаси раба (-бу) Твоего (-ю) от избранных Твоих, но сподоби общником (-цею) быти и небесных ликостояний, яко убогаго (-ую) раба Твоего (рабу Твою), иже (яже) зде на земли отлученна (-у) и отчужденна (-у) себе имяше от сродников своих, других и близких, и не лиши его Небеснаго Твоего Царствия, яко лишенна (-ну) зде на земли видети благая Твоя и оставлена (-ну) влачити дни свои исполнении горькоплачевых деяний: того ради, молю Тя, Господи, упокой его (ю) со святыми Твоими в Дому Отца Твоего, с Нимже Тебе, Избавителю и Жизнодавцу нашему, купно со Пресвятым Твоим Духом славу возсылаем всегда, ныне и присно и во веки веков. Аминь





## Молитва по исходе души из тела

Боже Духов и всякия плоти! Ты твориши ангелы Своя духи, и слуги Своя пламень огненный. Пред Тобою трепещут Херувимы и Серафимы и тьмы тем и тысяча тысячи со страхом и трепетом выну предстоят Престолу Твоему. Ты за хотящих улучити спасение посылаеш на служение святых Твоих Ангелов; Ты и нам грешным коемуждо даешь святаго Ангела Твоего, яко пеструна, еже хранили ны во всех путех наших от всякаго зла и таинственно наставляти и вразумляти ны даже до последняго издыхания нашего. Господи! Ты повеле еси изъяти душу от приснопоминаемаго(-мой) нами раба Твоего (рабы Твоей) (имя), воля Твоя — воля святая; молим Тя, Жизнодавче Господи, не отними точию ныне от души его (ея) сего пеструна и хранителя ея, не остави ю едину, яко в путь шествующую; повели ему, яко хранителю, не удалятися помощью в сем страшном прохождении ея в мир горний невидимый; молим Тя, да будет убо ей заступником и защитником от злого сопротивника в прохождении мытарств, дондеже преведет ю к Тебе, яко к Судии неба и земли. О, страшно прохождение сие для души, грядущей на суд Твой непримиримый, и имущей в прохождении сем истязатися духами злобы поднебесными! Темже убо молим Тя, Преблагий Господи, благоволи и еще послали святых Твоих Ангелов душе представльшагося(-шейся) к Тебе раба Твоего (рабы Твоей) (имя), да защитят, оградят и сохранят ю от нападения и истязания страшных и злых оных духов, яко истязателей и мытарей воздушных, служителей князя тьмы; молим Тя, свободи ю сего злого обстояния, да не срящет ю злых демонов полчище; сподоби ю безбоязненно, благотишно и невозбранно преяти от земли страшный сей путь со Ангелы Твоими, да вознесут ю поклонитися





## **Моление о том, чтобы Бог даровал нам усердие к молитве за усопших и принял бы её**

Многомилостиве и Всемилостиве Господи, Владыко и Судие живых и мертвых, дивный и неисповедимый в судьбах Своих Боже наш! Ты зриши печали, скорби и болезни, обдергашия ны зело, и воздыхания наша слышиши, и гласу нашему внемлеши. Како убо во многих скорбех наших обрящем утешение и покой душам нашим, аще не Твоим благопоспешеством, Всесильне Спасе наш? Ты бо еси Бог наш, и разве Тебе иного не знаем. Приими, Человеколюбче Господи, молитву нашу, юже приносим Тебе от всего сердца нашего и от всяя души нашея. Веси, Господи, яко не довольны есмы достойную принести Тебе молитву; но Сам, Всеблагая, научи нас, како подобает молитися Ти. Согрей сердца наша теплотою Духа Твоего Святаго, да не тща будет молитва наша за души от нас преставльшихся раб Твоих, и дажъ убо нам со дерзновением и неосужденно смети призывасти Тебе, Небеснаго Бога Отца, яко Ты еси упование наше и прибежище; припадаем пред Тобою, в Троице покланяемый и прославляемый Боже наш, и Тебе единому приносим молитву нашу в скорбех и болезнях наших, в радости и печали, яко ты еси утешение наше, радование наше, сокровище наше и жизни нашея Податель: от Тебе бо исходит всяко деяние благо и всяк дар совершен. Сего ради дерзаем взывала к Тебе нашими бренными устнами: услыши нас, Боже, услыши нас грешных, молящихся Тебе; приклони ухо Твое к молению нашему и вопль наш к Тебе да приидет. Приими, Преблагий Господи, молитву нашу за души усопших раб Твоих, яко благовонное кадило. Тебе приносимое. Отжени от нас весь помысл лукавый; созижди в нас, Боже, сердце чисто и дух сокрушен; всели в нас, Боже, корень благих — страх Твой в сердца наши; виждь слезы наши, виждь сетование наше; зри скорби наша, зри горько плачущих о преставльшемся (-шейся) к Тебе рабе Твоем (Твоей) (имя) и упокой его (ю) во Царствии Твоем, яко Ты еси Живот, Воскресение и Покой усопших раб Твоих, и Тебе славу возсылаем, яко Безначальному Отцу со Единородным Твоим Сыном и Всесвятым и Благим и Животворящим Твоим Духом всегда, ныне и присно и во веки веков. Аминь.





# **Молитва за всех в вере скончавшихся православных христиан**

## **Молитва первая**

Владыко Многомилостиве и Всемилостиве Господи Иисусе Христе Боже наш! Милосерд ты к нам грешным и милосердию Твоему несть конца: не хощеши бо нашей вечной погибели, зане рекл еси: «Не хощу смерти грешника, но еже обратитися и живу быти ему». Слава милосердию Твоему! Слава смотрению Твоему! Слава долготерпению Твоему, Господи! От всего сердца нашего, от всея души нашея благодарим Тя, Боже наш, яко сподобил еси усопшаго(ую) раба Твоего (рабу Твою) (имя) на одре болезни исповедатися Тебе во грехах своих. Ты же, Господи, Един ведый вся, веси, коль тяжки грехи его (ея), но обаче молим Тя, приими раба Твоего (рабу Твою), отшедшаго(ую) к Тебе аще и грешником(-цею), но не нераскаянным(-ою), и воздаждь ему (ей) по раскаянному сердцу его (ея). И якоже Ты приемлеши и единое слово, и единый вздох, и единую каплю слезную от исповедающагося Тебе с чистым и сокрушенным сердцем, темже убо молим Тя, Сердцеведче Святый, приими ныне от нас нашу молитву за усопшаго(-ую), вонми молений наших гласу, и услыши ны; со умиленною душою и сокрушенным сердцем молим Тя, Господи, воззри всемилостивым оком Своим на покаявшагося (-шуюся) Тебе усопшаго(-ую) раба Твоего (рабу Твою) (имя) и попали невещественным огнем Духа Твоего Святаго вся терния грехов его (ея), неисповеданных пред лицем Твоим. Аще же усопший(-шая) раб Твой (раба Твоя) при покаянии забвению что предаде по немоющи естества, или тяжкой болезни, или страха ради часа смертного не возможе в сокрушении и умилении сердца покаятися пред Тобою, Господи, ниже возможе принести Тебе плодов достойных покаяния, со умилением просим, молим Тя, Спасителю наш, восполнни его (ея) покаяние молитвами Святыя Твоия Церкви и всех святых Твоих, от века благоугодивших Тебе, наипаче же восполнни сию духовную скудость Твою благостию, Твоими дражайшими искупительными и спасительными заслугами; и якоже мытаря оправдал еси, и разбойника, на кресте молившагося Ти, помиловал еси, сице молим Тя: помилуй преставльшагося(-уюся) к Тебе с верою и упованиею и прости ему (ей) всякое согрешение вольное и невольное, словом, делом, ведением и неведением содеянное, и такода неосужденно явится перед лицем Твоим в день великаго и Страшного Суда Твоего. Молим Тя, дражайший Искупителю наш, сподоби усопшаго(ую) раба Твоего (рабу Твою) (имя) внути в Царствие Твое, яко сподобившагося(-уюся), по Твоей благости, причаститися святых Твоих страшных

и животворящих Тайн во оставление грехов и в жизнь вечную. Ты бо, Господи, пречистыми устами рекл еси: «Ядый Мою Плоть и пияй Мою Кровь имать живот вечный». Ты, Господи, Сам сподобил еси усопшаго(-ую) раба Твоего (рабу Твою) причаститися пречистаго Твоего Тела и пречистыя Твоей Крови, яко залога вечного блаженства; сего ради паки молим Тя: да будут ему (ей) святыя и животворящия Тайны Твоя, яко угль, попаляющ вся согрешения его (ея), вся беззакония и неправды его (ея), да будут во очищение, во освящение, оправдание и оставление грехов, и в залог жизни и блаженства вечного. Аминь

---





## **Молитва вторая за всех в вере скончавшихся православных христиан**

Боже щедрот и всякия благодати! Призри с высоты Святаго жилища Твоего на нас грешных и недостойных рабов Твоих, молящихся Тебе и просящих дати долгов разрешение усопшему (-ей) рабу Твоему (рабе Твоей). Молим Тя, Благость вечная, не вниди в суд с рабом (-ою) Твоим (-ею), яко созданием Твоей Премудрости, но обаче милости сподоби его (ю); яви ему (ей) благоутробие Твое, Всеблагий Владыко, и не отвержи его (ю) от лица Твоего, Человеколюбче Господи: спаси от вечныя смерти, яже есть смерть вторая, душу его (ея), да тако усопший (-шая) не престанет славословити Твою безконечную благость и превозносити имя Твое во веки. Тебе, Сердцеведче, ведомы дела, намерения и помышления усопшаго (-шия) раба Твоего (рабы Твоей) и вся содеянная им (ею) благая же и злая пред Тобою нага и объявлена суть. Но что убо пред Тобою, Святый, вся благая наша? Яко капля в мори, тако суть пред Тобою и пред Твою правдою и Святостию вся благая наша, содеваемая в веце сем. Безмерны согрешения наши; велико и тяжко бремя грехов наших, но неизреченно велики и беспредельны заслуги Единородного Сына Твоего, Господа нашего Иисуса Христа, Егоже по беспредельной любви Твоей дал еси нам грешным, да всяк веруяй в Онь, не погибнет, но иметь живот вечный. Зело грешны есмы пред Тобою и недостойны Твоей милости, но Твое человеколюбие соделывает нас достойными; велики беззакония наша, но неистощимо Твое милосердие: безмерныя заслуги Возлюбленного Твоего Сына, принесшаго Себя в жертву за грехи наши, побеждают всяк грех, всяко беззаконие; того ради со умилением и со дерзновением молим Тя, Источниче жизни нашея, со дерзновением упования молим, да усвоятся усопшему (-ей) рабу Твоему (рабе Твоей) (имя) сии драгоценныя для нас искупительныя и спасительныя заслуги Единородного Сына Твоего; умоляем Твое милосердие слезами сокрушения, покрыт грехи усопшаго (-шия) раба Твоего (рабы Твоей) величием сих дражайших заслуг Искупителя нашего; прости все согрешения его (ея) и не погуби его (ю) со беззаконми его (ея) в геенне огненней. Пощади, пощади, Владыко, отшедшаго (-ую) к Тебе раба Твоего (рабу Твою) (имя) и вечных мучений избави, избави ради безмерных и неизлаголанных душевных скорбей и болезней Единородного Сына Твоего, понесенных Им пред испытием горькой чаши страданий Своих; пощади его (ю) и спаси от вечныя смерти ради поношения и биения Спасителя нашего, ради заущения и заплевания; помилуй ради дражайшаго Крове Его из пречистых ребр Его пролиянныя. Молим Тя, Отче

щедрот и всякаго милосердия, пречистыми и животворящими Его ранами, Его святою Кровию уврачуй смертоносныя и греховныя язвы усопшаго (-шия) раба Твоего (рабы Твоей), и тако да исцелеет духовне и да сподобится в неприступном свете Твоем, Светодавче Господи, славословит и прославляти Пресвятое имя Твое во веки. Аминь.

---





## Молитва ко Пресвятой Богородице

Пресвятая Владычице Богородице! К Тебе прибегаем, Заступнице наша: Ты бо скорая еси помощница, наша ходатаица у Бога неусыпающая! Наипаче же молим Тя в час сей: помози новопреставленному(-ной) рабу Твоему (рабе Твоей) (*имя*) прейти страшный и неведомый оный путь; молим Тя, Владычице мира, силою Твою отжени от движимой страхом души его (ея) страшные силы темных духов, да смятутся и посрамятся пред Тобою; свободи ю от истязания воздушных мытарей, разори советы их и низложи их, яко зломыслящих врагов. Буди ей, о Всемилостивая Госпоже Богородице, заступницею и защитницею от воздушного князя тьмы, мучителя и страшных путей стоятеля; молим Тя, Пресвятая Богородице, ризою Твою честною Защити ю, да тако безбоязненно и невозбранно прейдет от земли на небо. Молим Тя, Заступнице наша, заступи за раба Твоего (рабу Твою) Матерним Твоим у Господа дерзновением; молим Тя, Помоще наша, помози ему (ей), имущему (-щей) судитися еще прежде онаго Страшного судилища, помози убо оправдатися перед Богом, яко Творцем неба и земли, и умоли Единородного Сына Твоего, Господа Бога и Спаса нашего Иисуса Христа, да упокоит усопшаго(-ую) в недрах Авраама с праведными и всеми святыми. Аминь.





## Молитва Ангелу хранителю

Святый Ангеле хранителю, данный усопшему (-шей) рабу Божию (рабе Божией) (имя)! Не преставай охраняти душу его (ея) от злых страшных оных бесов; буди ей пестуном и утешителем и тамо, в оном невидимом мире духов; приими ю под криле своя и преведи ю невозбранно чрез врата воздушных истязателей; представи ходатаем и молитвенником за ню у Бога, — моли Его Преблагаго, да не низведена будет в место мрака, но да вчинит ю, идеже пребывает Свет невечерний.





# Канон молебный от лица человека с душою разлучающегося и не могущаго глаголати, глас 6-й

## Песнь 1

*Ирмос:* Яко по суху пешествовав Израиль, по бездне стопами, гонителя фараона видя потопляема, Богу победную песнь поим, вопияше.

*Препев:* Пресвятая Богородице, спаси нас.

Каплям подобно дождевым, злии и малии дние мои, летним обхождением оскудевающе, помалу исчезают уже, Владычице, спаси мя.

*Препев:* Пресвятая Богородице, спаси нас.

Твоим благоутробием и многими щедротами Твоими, Владычице, преклоняема естественно, в час сей ужасный предстани ми, Помощнице Непоборимая.

*Препев:* Пресвятая Богородице, спаси нас.

Содержит ныне душу мою страх велик, трепет неисповедим и болезнен есть, внегда изыти ей от телесе, Пречистая, юже утеши.

Слава: Грешным и смиренным известное прибежище, о мне извести Твою милость, Чистая, и бесовския избави руки, якоже бо пси мнози обступиша мя.

И ныне: Се время помощи, се время Твоего заступления, се, Владычице, время, о немже день и нощь припадах тепле и моляхся Тебе.

## Песнь 3

*Ирмос:* Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Издалеча сего дне, Владычице, провидя, и того яко пришедша помышляй присно, слезами теплыми моляхся не забыти мене.

Обыдоша мя мысленнии рыкающе скимны, и ищут восхитити и растерзати мя горце, ихже зубы, Чистая, и челюсти сокруши и спаси мя.

Угасшу убо отнюд органу словесному, и связавшуся языку, и затворившуся гласу, в сокрушении сердца молю Тя, Спасительнице моя, спаси мя.

Слава: Приклони ухо Твое ко мне, Христа Бога моего Мати, от высоты многия славы Твоей, Благая, и услыши стенание конечное, и руку ми подаждь.

И ныне: Не отврати от мене многия щедроты Твоя, не затвори утробу Твою человеколюбную, Чистая; но предстани ми ныне, и в час судный помяни мя.

#### **Песнь 4**

*Ирмос:* Христос моя сила, Бог и Господь, честная Церковь боголепно поет, взывающи, от смысла чиста о Господе празднующи.

Умовение согрешением, ток слезный ныне положи, Благая, сердца моего сокрушение приемлющи: о Тебе утверждающу упование, Благая, егда како страшного мя избавиши огненного мучения, яко Сама благодати еси источник, Богородительница.

Непостыдное и непогрешительное всем, иже в нуждах, прибежище, Владычице Пренепорочная, Ты ми буди Заступница в час испытания.

Простерши пречистей Твои и всечестней руце, яко священнии голубине криле, под кровом и сению тех покрый мя, Владычице.

Слава: Воздушного князя насильника, мучителя, страшных путей стоятеля и напрасного сих словоиспытателя, сподоби мя прейти невозбранно отходяща от земли.

И ныне: Се мя, Владычице, страх усрете, егоже и бояхся: се подвиг велик объят мя, в немже буди ми Помощница, Надежде спасения моего.

#### **Песнь 5**

*Ирмос:* Божиим светом Твоим, Блаже, утренюющих Ти души любовию озари, молюся, Тя ведети, Слове Божий, Истинного Бога, от мрака греховного взывающа.

Не забуди мя, Благая, ниже отврати от мене, Твоего отрока, лице Твое, но услыши мя, яко скорблю, и вонми души моей, и сию избави.

Иже по плоти сродницы мои, и иже по духу братие, и друзья, и обычни знаеми, плачите, воздыхните, сетуйте, се бо от вас ныне разлучаюся.

Ныне избавляй никако и помогай воистину никтоже; Ты помози ми, Владычице, да не яко человек безпомощен, в руках враг моих затворен буду.

Слава: Вшедше, святии мои Ангели, представните судищу Христову, колене свои мыслении преклоньше, плачевне возопийте Ему: помилуй, Творче всех, дело рук Твоих, Блаже, и не отрини его.

И ныне: Поклоньшеся Владычице и Пречистей Матери Бога моего помолитесь, яко да преклонит колена с вами, и преклонит Его на милость: Мати бо суши и Питательница услышана будет.

#### **Песнь 6**

*Ирмос:* Житейское море, воздвизаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Устне мои молчат, и язык не глаголет, но сердце вещает: огнь бо сокрушения сие снедая внутрь возгорается, и гласы неизглаголанными Тебе, Дево, призывает.

Призри на мя свыше, Мати Божия, и милостивно вонми ныне на мое посещение снити, яко да видев Тя, от телесе изыду радуяся.

Растерзаеми соузы, раздираеми закони естественного сгущения, и составления всего телеснаго, нужду нестерпимую и тесноту сотворяют ми.

Слава: Святых Ангел священным и честным рукам преложи мя, Владычице, яко да тех крилы покрывся, не вижу безчестнаго и смраднаго и мрачнаго бесов образа.

И ныне: Чертоже Божий Всечестне, небесному разумному чертогу сподоби мя, мою угасшую и несияющую свещу вжегши, святым елеем милости Твоей.

#### **Кондак, глас 6**

Душе моя, душе моя, востани, что спиши, конец приближается, и нужда ти молвити: воспряни убо, да пощадит тя Христос Бог, Иже везде сый, и вся исполняй.

#### **Икос**

Христово врачевство видя отверсто, и от сего Адаму источающе здравие, пострадав уязвися диавол, яко беды приемля рыдаше, и своим другом возопи: что сотворю Сыну Мариину? Убивает мя Вифлеемлянин, Иже везде сый и вся исполняй.

#### **Песнь 7**

*Ирмос:* Росодательну убо пещь содела Ангел, преподобным отроком, халдеи же опаляющее веление Божие, мучителя увеша вопити: благословен еси, Боже отец наших.

Ноць смертная мя постиже неготова, мрачна же и безлунна, препущающи неприготовлена к долгому оному пути страшному: да спутешествует ми Твоя милость, Владычице.

Се вси дни мои исчезоша воистину в суете, якоже пишется, и лета моя сощанием, сети же смертныя воистину и горькия предвариша мою душу, яже мя обдергат.

Множество грехов моих да не возможет победити Твоего многаго благоутробия, Владычице; но да обыдет мя Твоя милость и вся да покрыет беззакония мя.

Слава: Отводящий мя отсюду находят, содержаще мя всюду: душа же моя отлагает и страшится, многа исполнена мятежа, юже утеши, Чистая, явлением Твоим.

И ныне: Спешающим ниедина в скорби моей, ниже утешающаго обретох, Владычице, ибо друзья мои и знаемии вкупе оставиша мя ныне; но, Надежде моя, никакоже да не оставиши мя.

#### **Песнь 8**

*Ирмос:* Из пламене преподобным росу источил еси, и праведнаго жертву водою попалил еси, вся бо твориши, Христе, токмо еже хотети. Тя превозносим во вся веки.

Яко Бога Человеколюбца Мати Человеколюбивая, тихим и милостивым вонми оком, егда от тела душа моя отлучается, да Тя во вся веки славлю, Святая Богородице.

Убегнути ми варвар безплотных полки и воздушныя безздны возникнути, и к Небеси взыти мя сподоби, да Тя во веки славлю, Святая Богородице.

Рождшая Господа Вседержителя, горьких мытарств начальника миродержца отжени далече от мене, внегда скончатися хощу, да Тя во веки славлю, Святая Богородице.

Слава: Великой последней гласящей трубе, в страшное и грозное воскрешение суда, воскресающим всем, помяни мя тогда, Святая Богородице.

И ныне: Высокая Владыки Христа палато, Твою благодать свыше пославши, предвари мя ныне в день озлобления, да Тя славлю во веки вся, Святая Богородице.

### **Песнь 9**

Бога человеком невозможно видети, на Негоже не смеют чини ангельстии взирати. Тобою же, Всечистая, явися человеком Слово Воплощенно. Егоже величающе, с небесными вои Тя ублажаем.

О, како узрю Невидимаго; како ужасное оно претерплю видение? Како дерзну отверсти очи? Како моего Владыку смею видети, Егоже не престаях от юности огорчевая присно?

Святая Отроковице, Богородительнице, на мое смиление милосердно призри, умиленное мое и последнее моление сие приемши, и мучащаго вечнующаго огня потщиця избавити мя.

Храмы святыя осквернившая, скверный и телесный храм оставивши, Тебе, Божий Всечестный Храме, молит, Отроковице Дево Мати, душа моя тьмы кромешния убежати и лютаго геенского жжения.

Слава: Зря конец близу жития моего, и помышляя безместных мыслей, деяний же, Всечистая, душу мою делательницу, люте уязвляюся стрелами совести, но преклоньшия милостивно, буди ми Предстательница.

И ныне: Сын дастся нам за милость, Сын Божий, и Ангельский Царь, Превечный от чистых кровей Твоих Человек прошед. Егоже умилостиви, Отроковице, страстней моей душе, исторгаемей люте от окаянного моего телесе.

Также: Достойно есть яко воистинну блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истлении Бога Слова рождшую, сущую Богородицу Тя величаем.

### **Молитва, от иерея глаголемая на исход души:**

Владыко Господи Вседержителю, Отче Господа нашего Иисуса Христа, Иже всем человеком хотяй спастися и в разум истины приити, не хотяй смерти грешному, но обращения и живота; молимся и мили ся Ти деем, душу раба Твоего (имярек) от всякия узы разреши и от всякия клятвы свободи, остави прегрешения ему, яже от юности, ведомая и неведомая, в деле и слове, и чисто исповеданная, или забвением, или студом утаеная. Ты бо Един еси разрешаий связанныя и исправляй сокрушенныя, надежда неначаемым, могий оставляти грехи всякому человеку, на Тя упование имущему. Ей, человеколюбивый Господи, повели, да отпустится от уз плотских и греховных, и приеми в мир душу раба Твоего сего (имярек), и покой ю в вечных обителех со святыми Твоими, благодатию Единороднаго Сына Твоего, Господа Бога и Спаса нашего Иисуса Христа, с Нимже благословен еси, с Пресвятым и Благим, и Животворящим Твоим Духом, ныне и присно, и во веки веков. Аминь.





# Канон молебный ко Господу Иисусу Христу и Пречистой Богородице Матери Господни при разлучении души от тела всякого правоверного

*Приходит игумен, к мирскому же отец его духовный, и вопрошаает, аще есть кое слово, или дело забвения ради, или студа, или коя злоба к коему брату неисповедана, или непрощена есть, вся должен есть изыскивати и вопрошати по единому умирающаго.*

*Посем начинает иерей: Благословен Бог наш... (аще ли мирский: Молитвами святых отец наших, Господи Иисусе Христе Боже наш, помилуй нас).*

Святый Боже, Святый Крепкий, Святый Безсмертный, помилуй нас.

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй (12 раз)

Приидите, поклонимся Цареви нашему Богу. (Поклон)

Приидите, поклонимся и припадем Христу, Цареви нашему Богу. (Поклон)


Приидите, поклонимся и припадем Самому Христу, Цареви и Богу нашему.  
(Поклон)

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего и от греха моего очисти мя; яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих; яко да оправдишися во словесех Твоих и победиши, всегда судити Ти. Се бо, в беззакониих зачат есмь, и во грехах роди мя мати моя. Се бо, истину возлюбил еси; безвестная и тайная премудрости Твоей явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселье; возрадуются кости смиренныя. Отврати лицо Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и

Духом Владычним утверди мя. Научу беззаконныя путем Твоим, и нечестивии к Тебе обратятся.

Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиленно Бог не уничижит. Ублажи, Господи, благоволением Твоим Сиона, и да созиждутся стены Иерусалимских. Тогда благоволиши жертву правды, возношение и всесожгаемая; тогда возложат на олтарь Твой тельцы.





**КАНОН ПРЕПОДОБНОМУ  
ПАИСИЮ ВЕЛИКОМУ ОБ  
ИЗБАВЛЕНИИ ОТ МУК УМЕРШИХ  
БЕЗ ПОКАЯНИЯ**

Преподобный Паисий Великий родился в Египте. С детства полюбил иноческую жизнь. Отрекшись от своей воли, он жил под духовным руководством святого Павмы, во всем исполняя его повеления. Святой подвижник прилежно читал духовные книги и особенно прославился подвигом поста и молитвы. Главный завет преподобного Паисия был один: ничего не делать по своей воле, а во всем исполнять волю своих наставников. Тяготясь нарушением безмолвия, преподобный удалился в более отдаленную пещеру. Однажды он был восхищен в райские обители и удостоился там причаститься невещественной Божественной пищи. Преподобный Паисий отличался великим смирением, совершая подвиги поста и молитвы, но, по возможности, скрывал их от посторонних. На вопрос иноков, какая добродетель выше всех, преподобный ответил: «Та, которая совершается в тайне и о которой никто не знает». Преподобный Паисий имеет от Бога благодать избавлять от вечной муки умерших без покаяния. Память преподобному Паисию Великому 19 июня (2 июля по гражданскому стилю). Канон взят из старинного канонника, на него ссылается как на поемый за избавление от муки без покаяния умерших в своей книге «О поминовении усопших по уставу Православной Церкви» авторитетный знаток уставного богослужения епископ Афанасий (Сахаров).

Божественною любовию от юности распалием преподобне, вся красная яже в мире возненавиде, Христа единаго возлюбил еси. Сего ради в пустыню вселися, идеже сподобися Божественного посещения, Егоже неудобъ зрети и ангельскими очима, паде поклонися. Великий же Дародатель, яко Человеколюбец, рече к тебе: не ужасайся возлюбленный Мой, дела твоя угодна Мне. Се, даю тебе дар: о коем либо грешнике помолишися, отпустятся ему грехи. Ты же в чистоте сердца твоего возгореся, прием воду и прикоснуся Неприкосновенному, умы нозе Его. И воду пив, даром чудес обогатися, грешники от муки молитвою своею избавляти, болеящия исцеляти, о, преподобие отче Паисие, и бесов от человек отгоняти ибо от сих грешников первый есмь аз. Молю тя, да умолиши Иже тебе обетова, да даст ми время покаяния, и простит мое согрешение, яко Благий и Человеколюбец, да со всеми и аз воспою Ему: аллилуиа. (Дважды)

**Слава Отцу и Сыну и Святому Духу. И ныне и присно и во веки веков.  
Аминь.**

**Богородичен.** Вся паче смысла, вся преславная Твоя, Богородице, таинства, чистотою запечатленна, и девством хранима, Мати разумеся неложна, Бога рождши истиннаго, Того моли спастися душам нашим.

**Ирмос.** Помощник и Покровитель бысть мне во спасение, Сей ми есть Бог, и прославлю Его. Бог отца моего и вознесу Его, славно бо прославися.

**Преподобне отче Паисие Великий, моли Бога о нас.**

Иже вся умудряющему Богу молися, преподобне о рабе своем, да отверзет ми устне недостоинии, и двигнет ми язык недоуменный. Тесноту же и худогласие, отче, разверзи благодатию, иже в тебе Святаго Духа, к пению чудес твоих.

**Преподобне отче Паисие Великий, моли Бога о нас.**

Начну убо достохвальное и душеполезное житие твое от младенства. Иже древле Египет великаго во пророцах произнесе Моисея, иже к Богу присвоением и

великими чудесы прославися. Тако и ныне вторицею прославлен показася Египет, тебе ради, отче Паисие, честным именем твоим и многими добродетельми обогатися, еже дарова тебе Господь, Егоже моли, да спасет душа наша.

**Слава Отцу и Сыну и Святому Духу.**

В Царство Небесное вшед узким путем и прискорбным по заповеди Владыки своего Христа, преподобне отче Паисие, широкий и пространный путь возненавидев, распространышийся мрак ума моего отжени, да возмогу малое сие моление принести в пречестную память твою.

**И ныне и присно и во веки веков. Аминь.**

*Богородичен.* Дух сокрушен подаждь ми, Благая, смиренно сердце, уму же чистоту и житию исправление и прегрешением оставление.

*Катавасия:* Избави от муки вечная усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

*Или сия катавасия:* Избави от бед рабы своя, преподобне отче Паисие, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

**Песнь 3**

*Ирмос.* Утверди, Господи, на камени заповедей Ти подвигшееся сердце мое, яко Един Свят еси и Господь.

**Преподобне отче Паисие Великий, моли Бога о нас.**

Каменю веры Петру апостолу уподобился еси, распялся мирови во всей жизни своей, преподобне Паисие, и нозе свои невозвратно к небесному шествию управил еси, и горячо Иерусалима достигл, со святыми предстоя Святей Троице, моли о мне единаго Благаго Человеколюбца.

**Преподобне отче Паисие Великий, моли Бога о нас.**

Благочестиваго корени пресветлая отрасль, тебе избра Господь, ангел рече матери твоей, сей Богу угоден. Ты же от младенства крест свой взем, невозвратным путем Тому последова, и возрасташе леты и разумом купно и благодатию Божию. Моли дати ми отпущение грехов.

**Слава Отцу и Сыну и Святому Духу.**

О, Владыко Господи Иисусе Христе, кто не удивится Твоему человеколюбию, егда прииде желание преподобному иноческо житие получить к деланию заповедий Твоих, Твою благодатию яко агнец непорочен изведеся в пустыню, и достигл словесных овец, и введен был к пастырю блаженному Памве, и облечеся во иноческий образ, в немже утверди и мене Господи, молитвами преподобнаго Паисия, к деланию заповедий Твоих.

**И ныне и присно и во веки веков. Аминь.**

*Богородичен.* Лютих мя мук, и тмы кромешныя и геенны, Твоими молитвами свободи, Дево, имаши бо волю и силу, Господа рождшая единаго Преблагаго.

*Катавасия:* Избави от муки вечная усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

**Седален, глас 2-й**

Душу связав любовию Христовою, земная возненавидев вся мудре, водворился еси, отче преподобне, в пустынях и горах, разумнаго древа вкуш славне, ангельски просиял еси. Темже и мрак прощед плоти своея, тму отгнал еси бесов Паисие, ино-кующым первый, моли Христа Бога, грехов оставление подати, чущым любовию святую память твою.

**Слава Отцу и Сыну и Святому Духу. И ныне и присно и во веки веков.  
Аминь.**

**Богородичен.** Скорый покров и помощь и милость покажи на рабе Своем, Чистая, и волны укроти суетных помышлений, и падшую ми душу возстави, Богородице, вем бо, вем яко можеши, елико хощеши.

**Песнь 4**

**Ирмос.** Услыша пророк пришествие Твое, Господи, и убояся, яко хощеши от Девы родитися и человеком явитися, и глаголаше: услыхаш слух Твой и убояхся, слава силе Твоей, Господи!

**Преподобне отче Паисие Великий, моли Бога о нас.**

Законострадальческое житие от мягких ногтей восприим богоумдре Паисие, даже до конца пребыл еси, яко божествен доблестенник венец принял еси победы от всех Царствующаго, молитвами своими избавляти от муки грешники, от них же первый есмь аз, не забуди мене.

**Преподобне отче Паисие Великий, моли Бога о нас.**

Имуще молитвенника крепка блаженне Паисие, и обещника печальным, предстателя и поборника и ходатая благочестна, от всяких спасаемся бед, напастей и обстояний.

**Слава Отцу и Сыну и Святому Духу.**

Велию судеб бездну имеяй, Той тебе рече: се, бо даю ти дар, да все еже просиши от Отца Моего во имя Мое, дастся тебе, о коем либо грешнике помолишися, остаются грехи того: сего ради припадаю ти, отче Паисие, имея бездну согрешений, да отпустит твоими молитвами Иже тебе обетова, яко Благ и Человеколюбец.

**И ныне и присно и во веки веков. Аминь.**

**Богородичен.** Глагол провещай, егда право имам судитися, Богородительнице, к Своему Сыну, Пренепорочная, да обрящу Тя тогда прибежище и заступление державнейшее, и мук всех избавляющи.

**Катавасия:** Избави от муки вечныя усопшаго раба своего (назови имя), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (поклон). Господи, помилуй (трижды с поклонами).

**Песнь 5**

**Ирмос.** Из нощи утреннююща, Человеколюбче, просвети, молюся, и настави мя на повеления Твоя, и научи мя, Спасе, творити волю Твою.<

**Преподобне отче Паисие Великий, моли Бога о нас.**

Постом удручая тело свое отче Паисие, иногда по причащении Тела и Крови Христовы, яко ангел седмъдесят дней без пищи телесныя пребывая, божествен-

ную державу неизреченную имущи, и возмогши в себе животную содержати силу благодатию Твою, паче пищного укрепления, слава державе Твоей, Господи.

**Преподобне отче Паисие Великий, моли Бога о нас.**

Яко Иоанн Креститель узким и прискорбным путем ходити произволил еси. Но той на Иордане узрев Зиждителя своего, устрашился и вопияше: не смею приступити сено огню. Ты же, отче Паисие, в пустыни иногда явльшагося Господа, не могий пречистаго лица Его зretи, пад трепетом одержим. Он же ти рече: не устрашайся, сию пустыню наполню постниками тебе. С нимиже молим, отче, не забуди нас, молитвенник твоих, помилованных быти.

**Слава Отцу и Сыну и Святому Духу.**

Аз бо в начале моя пред Тобою зрю согрешения, и о моих беззакониих молю Твое милосердие, да простиши и покрыши благоутробием Твоим множество грехов моих, и даждь ми прочее жизни сея время безгрешно проводити. Да удобь на спасения стезю потек, безпреткновенно к добруму концу достигну Твою помошю, кроме бо Твоя помоши и наставления ничтоже благо совершити, и милость у Тебе получити кто может.

**И ныне и присно и во веки веков. Аминь.**

Богородичен. Рабское приношу Ти моление неразумный аз, и к Твоему прибегаю благоутробному милосердию, не отврати мене, Чистая, посрамлена.

*Катавасия:* Избави от муки вечныя усопшаго раба своего (назови имя), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (поклон.). Господи, помилуй (трижды с поклонами).

**Песнь 6**

*Ирмос.* Возопих всем сердцем моим к щедрому Богу, и услыша мя от ада преисподняго, и возведе от тли живот мой.

**Преподобне отче Паисие Великий, моли Бога о нас.**

Бездушная тварь Иордан своего Творца устыдеся, вопияше: не могу Безгрешнаго омыти. Святый же виде Господа, приим воду, прикоснуся Неприкосновенному, умы нозе Его. И пив воду, и прия дар целити недуги и прогонити от человек бесы. Сего ради и мы припадаем ти, отче, молитвами твоими помилуй нас от всяких бесовских наведений.

**Преподобне отче Паисие Великий, моли Бога о нас.**

По славе Господа нашего Иисуса Христа, обретохом тя, отче Паисие, великое прибежище, и заступника и тепла молитвенника о гресех наших. Яко же первее инока преставльшася, и христианства отчуждившася и во глубину адovу пагубным безверием низведеся, и егда ощутився притече к тебе, да умолиши Всемилостиваго. Щедрый же Господь явися тебе и глагола: о, угодниче Мой, добро есть Моеj любви подобяся, печешися о грешных, изволяй муки прияти за их избавление.

**Преподобне отче Паисие Великий, моли Бога о нас.**

Принесеся молитва твоя и слезы к Богу, яко благовонный фимиам, и жертва непорочна и благоприятна, и мене не забуди ходатайством твоим ко Пресвятей Богородице, слезы умиления даси ми, омый грехов моих бездну, избави мя от

смертныя глубины. И не надеющимся подаждь велию милость, и прости им согрешения.

**Слава Отцу и Сыну и Святому Духу.**

Весь недоумением одержим есмь, егда приimu во уме той час страшный испытания Судии и Бога, и плачуся и сетую и рыдаю, поминая бездну зол моих. Темже спаси, Человеколюбче, молитвами Твоего угодника преподобнаго Паисия, и избави мя муки, яко Благоутробен.

**И ныне и присно и во веки веков. Аминь.**

*Богородичен.* От сердца стенания приношаю Ти, Пренепорочная, Твое прося благопреображенное заступление. Помилуй всестрастную ми душу, умилосердися, Мати многомилостиваго Бога, избавити мя Суда и езера огненного.

*Катавасия:* Избави от муки вечная усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

**Слава Отцу и Сыну и Святому Духу. И ныне и присно и во веки веков. Аминь.**

**Кондак, глас 2-й.**

Житейских молв оставль, безмолвное житие возлюбил еси, Крестителю подобяся всеми образы, с nimже тя почитаем, отче отцев Паисие.

**Икос**

Христов глас услышав, шествовал еси во след Того заповедий, наг жития быв, отверг попечения и вся стяжания и имения, и братий своих и любве матере, богоносне Паисие, един в пустынях Богови беседуя разумом, дарования приял еси, еже ми посли в песнях поющему, отцев начальниче Паисие.

**Песнь 7**

*Ирмос.* Согрехиом, беззаконновахом, неправдовахом пред Тобою, ниже со-блудохом, ниже сотворихом, якоже заповеда нам, но не предаждь нас до конца, отцев Боже.

**Преподобне отче Паисие Великий, моли Бога о нас.**

Многих грехов исполнен аз, и твоя молитва яко кадило благовонно исправися отче. Бездну грехов моих потреби, и буяющее море злого жития иссуши, и напоение гневное отжени, и целомудренный ум молитвами своими утверди, отче Паисие.

**Преподобне отче Паисие Великий, моли Бога о нас.**

Наставника тя и молитвенника тепла имущи, и скораго помощника, яко стену тверду и забрало недвижимо и воеводу крепка и непобедима молим тя, не забуди молитвенник твоих, избавляя от веяния печали и навет вражиих.

**Преподобне отче Паисие Великий, моли Бога о нас.**

О, чудо велие, во един от дний седящу ти, отче Паисие, в пещере, бысть ти глас глаголяй: мир тебе, возлюбленному Моему угоднику, ты же возстав со страхом, и трепетом одержимъ, паде поклонися и рече: се, раб Твой, Господи. Сего ради молим тя, моли Человеколюбца, да спасет души наша.

**Слава Отцу и Сыну и Святому Духу.**

Даждь ми Христе разум и терпение, еже не осуждати согрешающих с кичением фарисейским, но яко мытарево покаяние приими, и яко блудного сына, Боже, вечери Твоей достойна мя яви, молитвами преподобнаго Паисия, и грехов прощение ми даруй.

**И ныне и присно и во веки веков. Аминь.**

*Богородичен.* Возникни, о, страстная душа, возстани окаянная, бий из глубины в перси, и испусти слез источники, да тя помилует, окаянную, милосердая Мати Христа Бога.

*Катавасия:* Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

**Песнь 8**

*Ирмос.* Егоже вои Небеснии славят и трепещут Херувими и Серафими, всяко дыхание и тварь, пойте, благословите и превозносите Его во веки.

**Преподобне отче Паисие Великий, моли Бога о нас.**

Благодарно приносимое тебе пение сие не презри, отче Паисие, но паче приими и радости духовныя исполни, да без закоснения поклоняся твоему образу, идеже есть написан, исцеления всем подавающ.

**Преподобне отче Паисие Великий, моли Бога о нас.**

Все преподобному житию поревновав богоугодных отец, иже от века поживших, отче Паисие, во смирении и постничестве Христа ради всю жизнь свою мученически скончал еси, и от бесов нападения много претерпел еси, и сих победил. Сего ради молю тя, отче, буйство, ярость и небрежение молитвами твоими отрини от мене.

**Преподобне отче Паисие Великий, моли Бога о нас.**

Владыко Христе Боже Вседрый, имиже веси судьбами даждь ми ненавидети деяния лукаваго, Ты бо еси Бог наш рекий: просите и приимете. Даждь любовь от всея души моей, молитвами преподобнаго отца Паисия, творити волю Твою спасительную.

**Слава Отцу и Сыну и Святому Духу.**

Молютися, на мне грешнем долготерпи Владыко, и не посецы мене яко неплодное древо посечением смертным во огнь отсылая, но плодоносна мя сотвори молитвами преподобнаго умолен бывая, время покаяния ми даждь, яко Человеколюбец.

**И ныне и присно и во веки веков. Аминь.**

*Богородичен.* Струи низпосли слез и стенания от души, сотвори ми, Чистая, всегда припадати к Твоему покрову, яко да обрящу разрешение грехов моих, Твою молитвою.

*Катавасия:* Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

**Песнь 9**

*Ирмос.* Приимшая радость от Ангела, и рождшая Создателя Своего, Дево, спаси Тебе величающая.

**Преподобне отче Паисие Великий, моли Бога о нас.**

Скорый помощник был еси преподобне, еще в жизни сей, иногда у преподобного старца ученику в преслушании умершу, и ведену во ад, он же припадаше прося, да умолиши Всесвятого о ученице его, ты же яко скорый послушник и любви хранитель, надежду возложи ко Всесвятому Богу простресь на молитву, и Той многомилостив и во обетех неложный, волю к боящимся Его сотвори, и молитву твою услыша, изведе душу от ада. Того ради и аз недостойный, припадая молю тя, отче Паисие, молитвами твоими избави мя муки и огня негасимаго.

**Преподобне отче Паисие Великий, моли Бога о нас.**

Бывша мя бесом смех, человеком унижение, праведным рыданье, Ангелом плач, осквернение воздуху и земли и водам. Тело окалях и ум оскверних, паче слова деяньми. Аз враг Богу бых. Увы мне, согреших, молитвами преподобного Паисия прости мя.

**Слава Отцу и Сыну и Святому Духу.**

Яко впадый в разбойники и уязвен, тако и аз впадох от многих грехов и уязвена ми есть душа. К кому прибегну повинный аз? Токмо к Тебе, милосердному душам Врачу, приими молебника тепла преподобного Паисия, и молитвами его излей на мя великую Твою милость.

**И ныне и присно и во веки веков. Аминь.**

**Богородичен.** Прегрешении мои умножиша, прощению и суду достоин, Чистая, припадая зову Ти: прежде конца подаждь ми очищение и умиление, и нравом исправление.

**Катавасия:** Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).


**Молитва:**

Страстей победителя, душам помощника, о всех молебника, всем спасения ходатая и наставника, из глубины сердца воздыхая, усердно и пламенно молим тя, Паисие Преподобне! Внемли и помози нам, не отринь и не презри нас, но абие услыши в смирении сердца притекающих к тебе. Ты, преподобне, к спасению близких прилежно стремился и многих грешников к свету спасения привел еси. Подвиги чрезмерные успокоением считал по себе, пречудне, и, любовью ко Господу всегда горя, явления Христа Спаса сподобился еси, и Ему, за людей Умершему, любовию подражая, и об отрекшихся от Христа молился еси. Услыши нас, Паисие прехвальне, ибо недостойны есмы молитися о даровании нам великой милости Господней, понеже грешны есмы, и уста оскверненныя и сердца отягощенныя имеем, и под бременем прегрешений страждем, и не достигает молитва наша до Господа. Сего ради помолися за нас мольбою твою крепкою и богоприятною, святый Паисие, да избавлены будут скончавшиеся без покаяния сродники, близкие и знаемые наши от муки вечныя, и молитву твою во благоволении примет Спас наш и милосердие Свое вместо добрых дел их даст им, свободит их, веруем, от страданий и вселит в селениях праведных, и нас в покаянии скончатся удостоит,

да прославим вкупе Всесвятое и великолепное имя Отца и Сына и Святаго Духа, во веки веков. Аминь.

**Отпуст:** Господи Иисусе Христе, Сыне Божий, молитв ради Пречистыя Твоей Матере, и преподобного отца нашего Паисия Великаго, и всех ради святых, помилуй и спаси нас, яко Благ и Человеколюбец. Аминь.

Господи, помилуй (*трижды*).



**В ПОМОЩЬ КАЮЩЕМУСЯ**



## Семь Таинств Церкви

1. Крещение
  2. Миропомазание
  3. Евхаристия
  4. Покаяние
  5. Священство
  6. Брак
  7. Елеосвящение (Соборование)
-



## Десять заповедей

1. Аз есмь Господь Бог твой; да не будут тебе бози инии, разве Мене(*кроме Меня*).

2. Не сотвори себе кумира и всякаго подобия, елика на небеси горе, и елика на земли низу, и елика (*что*) в водах под землею: да не поклонишися им, ни послужиши им.

3. Не приемли (*не произноси*) имене Господа Бога твоего всуе(*напрасно*).

4. Помни день субботний, еже святити (*чтобы святить*) его: шесть дней делай, и сотвориши в них вся дела твоя, в день же седьмый — суббота Господу Богу твоему.

5. Чти отца твоего и матерь твою, да благо ти будет, и да долголет будеши на земли.

6. Не убий.

7. Не прелюбы сотвори.

8. Не укради.

9. Не послушствуй на друга твоего свидетельства ложна (*не произноси ложного свидетельства на ближнего своего*).

10. Не пожелай жены искренняго твоего, не пожелай дому ближняго твоего, ни села его, ни раба его, ни рабыни его, ни вола его, ни осла его, ни всякаго скота его, ни всего, елика суть бляжняго твоего.

Суть этих заповедей Господь Иисус Христос изложил так: «Возлюби Господа Бога твоего всем сердцем твоим, и всею душою твою, и всем разумением твоим. Сия есть первая и наибольшая заповедь. Вторая же, подобная ей: возлюби ближнего твоего, как самого себя».

(Мф. 22 , 37 – 39.)





## Блаженства Евангельские

(Евангелие от Матфея. Глава 5, стихи 3-12)

Блажени нищии духом, яко тех есть Царство Небесное.  
Блажени плачущии, яко тии утешатся.  
Блажени кротцыи, яко тии наследят землю.  
Блажени алчущии и жаждущии правды, яко тии насытятся.  
Блажени милостивии, яко тии помилованы будут.  
Блажени чистии сердцем, яко тии Бога узрят.  
Блажени миротворцы, яко тии сынове Божии нарекутся.  
Блажени изгнани правды ради, яко тех есть Царство Небесное.  
Блажени есте, егда поносят вам, и ижденут, и рекут всяк зол глагол на вы лжуще  
Мене ради.  
Радуйтесь и веселитесь, яко мзда ваша многа на небесех.





## **Определение грехов по десяти заповедям**

### ***По первой заповеди:***

1. Имеешь ли постоянную память о Боге и страх Божий в сердце?
2. Не колеблется ли вера твоя в Бога маловерием, сомнениями?
3. Не сомневался ли в святых догматах Веры Православной?
4. Молишь ли Господа Бога укрепить твою веру?
5. Не терял ли надежду на Божие милосердие и помощь?
6. Молишься ли ты каждый день, утром, вечером Богу? Усердна ли твоя молитва?
7. Всегда ли, когда можно посещаешь церковные богослужения? Не опускаешь ли их без важных причин?
8. Любишь ли читать религиозно-нравственные книги и читаешь ли их? Не читал ли из грешного любопытства книг безбожных и еретических?
9. Жертвуюшь ли охотно, по призыву Церкви, на благотворительные цели и на св. храм?
10. Не прибегал ли к гаданиям? Не участвовал ли в сеансах общения с нечистой силой?
11. Не забываешь ли о главном, о жизни по Закону Божию, о подготовлении к вечности и ответу перед Богом, предаваясь суете, лени, удовольствиям, беспечности?

### ***По второй заповеди***

1. На первом ли месте у тебя Бог? Может быть, не Бог у тебя на первом месте, а что-либо иное, например: собирание денег, приобретение имущества, удовольствия, развлечения, пища, напитки, одежда, украшения, стремление обращать на себя внимание, играть первую роль, получать похвалы, проводить время в разсении, в чтении пустых книг и т. д.?
2. Не отвлекает ли тебя от Господа Бога увлечение телевидением, кино, театром, картами?
3. Может быть, из-за забот о себе, о своей семье забываешь Бога и не живешь по Его заповедям и не исполняешь правила нашей Матери-Церкви?
4. Если так, то, значит, служишь ты своему «кумиру», своему идолу, он у тебя на первом месте, а не Господь Бог и Его учение.
5. Может быть, искусство, спорт, наука занимают у тебя первое место? Может быть, какая-либо страсть (сребролюбие, чревоугодие, плотская любовь и др.) завладела твоим сердцем.

6. Не делаешь ли из себя самого «кумира» по гордости, по эгоизму? Проверь себя.

***По третьей заповеди***

1. Не божился ли в обычновенных, житейских разговорах, не употреблял ли легкомысленно, без благоговения имя Божие или, что еще хуже, святыню не обращал ли в шутку? Или, не дай Бог, в припадке ожесточения, злобы, отчаяния не позволил ли себе дерзко роптать на Бога или даже хулить Бога?

2. Или дав какую-либо клятву или присягу, потом нарушил ее?

3. Не предавался ли унынию?

4. Не бывает ли разсиянною, невнимательной твоя молитва Богу?

***По четвёртой заповеди***

1. Не нарушаешь ли святости воскресных дней и великих праздников, установленных св. Церковью?

2. Не работаешь ли в эти дни ради выгоды, прибыли?

3. Вместо праздничных богослужений не проводил ли время на каком-либо увеселении, на балу, в театре, кино или на каком бы то ни было собрании, где нет речи о Боге, где нет молитвы, коей надлежит встречать праздничный день? Не устраивал ли сам такия увеселения и собрания, отвлекая таким образом людей от посещения церкви?

4. Посещаешь ли аккуратно церковные богослужения? Не приходишь ли в церковь с большим опозданием, к середине или концу богослужения?

5. Посещаешь ли в воскресенье и праздничные дни больных? Помогаешь ли бедным, нуждающимся?

6. Не нарушал ли св. постов?

7. Не упивался ли спиртными напитками?

***По пятой заповеди***

1. Не было ли случаев непочтительного отношения к родителям, невнимательного отношения к их заботе и их советам? Заботился ли о них в болезнях их, в старости?

2. Если умерли родители твои, часто-ли молишься об упокоении их душ в церкви и в домашней молитве?

3. Не было ли случаев непочтительного отношения к пастырям Церкви?

4. Не осуждал ли их? Не озлоблялся ли на них, когда они напоминали о вечности, о приготовлении к ней, о спасении души, о грехах? Когда они призывают к следованию Церкви и ея учению?

5. Не оскорбил ли кого старше себя и особенно благодетелей?

***По шестой заповеди***

1. Ты никого не убил физически в прямом и буквальном смысле, но, может быть, был причиной смерти кого-либо косвенным образом: мог помочь бедному или больному и не сделал этого, алчущаго не накормил, жаждущаго не напоил, странника не принял, нагого не одел, больного и находящагося в темнице не посетил (Матфея 25:34-36)?

2. Не совершил ли ты духовного убийства, то есть, не совратил ли кого с доброго пути жизни, не увлек ли в ересь или в раскол церковный, не соблазнил ли на грех?
3. Не убил ли кого греховно проявлением злобы и ненависти к нему?
4. Прощаешь ли обижающих тебя? Не таишь ли долго злобу в сердце и обиду?
5. Винишь ли во всем себя или только других?
6. Не прибегала ли к недозволенным операциям, что тоже есть убийство, грех и жены, и мужа?

***По седьмой заповеди***

1. Не сожительствовал ли с лицом другого пола, находясь с ним в плотских отношениях, без церковного брака или довольствуясь только гражданским браком? Не упорствуешь ли в этом, уклоняясь от церковного брака?
2. Не позволяешь ли себе легкомысленно обращаться с лицами другого пола?
3. Не оскверняешься ли, допуская себе предаваться нечистым и развратным мыслям и вожделениям? Чтению нечистых книг, разматриванию нечистых картин?
4. Вспомни грешные песни, страшные танцы, шутки, сквернословия, нескромные зрелища, наряды, пьянство и подобные грехи.
5. Помни, христианин, что до тех пор, пока ты не исповедуешься в грехе незаконного сожительства или будешь довольствоваться только гражданским браком, без церковного, пока ты не прекратишь этого греха разлучением или вступлением в церковный брак, ты вообще не смеешь приступать к причащению Св. Христовых Таин, как и не имеешь никакого голоса в церковных делах.
6. Наиболее гибнет людей из-за нарушения 7-ой заповеди, так как люди стыдятся исповедывать свои грехи против этой заповеди, как это видно из слов Ангела преподобной Феодоре, при прохождении ею мытарств. После прохождения преподобною Феодорою 16, 17, 18 мытарств, ангел сказал Феодоре: Ты видела страшных, отвратительных блудных мытарств, знай, что редкая душа минует их свободно, весь мир погружен во зле соблазнов и скверн, все люди сластолюбивы. Большая часть, дошедши сюда, гибнет: лютые истязатели блудных грехов похищают души блудников и низводят их в ад.
7. Будь же мужествен, христианин, и покайся, пока жив, пока еще не поздно.

***По восьмой заповеди***

1. Не присваивал ли себе чужой собственности прямым или косвенным образом? Обманом, разными хитростями, комбинациями? Может, не исполнял, как должно того, что обязан был исполнять за полученное тобою вознаграждение?
2. Не пристращался ли чрезмерно к земным благам, не желая делиться ими с другими, нуждающимися в них?
3. Не овладевает ли твою душою склонность?
4. Не принимал ли краденого? По совести ли распоряжался чужим добром, если оно тебе было доверено?

***По девятой заповеди***

1. Не клеветал ли на ближнего твоего? Не осуждал ли часто других, злословил, поносил их, за действительные ли их грехи и пороки или только за кажущиеся?

2. Не любишь ли слушать о ком-либо дурную молву, а потом охотно разносишь ее, увлекаясь всякими сплетнями, пересудами, празднословием?

3. Не прибегаешь ли иногда ко лжи, неправде? Стараешься ли быть всегда правдивым?

***По десятой заповеди***

1. Не завидуешь ли другим? Если ты завидуешь тому, что есть хорошего или ценнаго у других людей, то это чувство может довести тебя до какого-либо тяжкаго преступления самым делом. Помни, что злобная зависть книжников и фарисеев возвела на крест Самого Сына Божия, пришедшаго на землю спасти людей.

2. Зависть всегда приводит к злобе и ненависти и способна бывать довести до самых безумных поступков, вплоть до убийства.





## Молитва перед исповедью

(Преподобного Симеона Нового Богослова)

Боже и Господи всех! Всякаго дыхания и души имый власть, Един исцелити мя могий, услыши моление мя, окаяннаго, и гнездящагося во мне змия наитием Всесвятаго и Животворящаго Духа умертвив потреби: и мене нища и нага всякия добродетели суща, к ногам святаго моего отца (духовнаго) со слезами припасти сподоби, и святую его душу к милосердию, еже миловати мя, привлецы. И дажь, Господи, в сердце моем смирение и помыслы благи, подобающия грешнику, соглашившемуся Тебе каятися, и да не вконец оставиши душу едину, сочетавшуюся Тебе и исповедавшую Тя, и вместо всего мира избравшую и предпочтшую Тя: веси бо, Господи, яко хощу спастися, аще и лукавый мой обычай препятствием бывает: но возможна Тебе, Владыко, суть вся, елика невозможно суть от человека. Аминь.





## Молитва вторая перед исповедью

Господи, помоги мне чистосердечно покаяться.





## Исповедь

Исповедаю аз многогрешный (имя) Господу Богу и Спасу нашему Иисусу Христу и тебе, честный отче, вся согрешения моя и вся злая моя дела, яже содеял во все дни жизни моей, яже помыслил даже до сего дня.

Согрешил: Обеты Св. Крещения не соблюл, иноческого обещания не сохранил, но во всем согнал и непотребна себе пред Лицем Божиим сотворил.

Прости нас, Милосердный Господи (*для народа*).

Прости мя, честный отче (*для одиноких*).

Согрешил: пред Господом маловерием и замедлением в помыслах, от врага всеваемых против веры и св. Церкви; неблагодарностью за все Его великия и непрестанные благодеяния, призыванием Имени Божия без нужды — всуе.

Прости мя, честный отче.

Согрешил: неимением ко Господу любви ниже страха, неисполнением св. воли Его и св. Заповедей, небрежным изображением на себе крестного знамения, неблагоговейным почитанием св. икон; не носил креста, стыдился крестить и исповедывать Господа.

Прости мя, честный отче.

Согрешил: любви к ближнему не сохранил, не питал алчущих и жаждущих, не одевал нагих, не посещал больных и в темницах заключенных; Закону Божию и св. отцов преданиям от ленности и небрежения не поучался.

Прости мя, честный отче.

Согрешил: церковного и келейного правила неисполнением, хождением в храм Божий без усердия, с леностию и небрежением; оставлением утренних, вечерних и других молитв; во время церковной службы — согрешил празднословием, смехом, дреманием, невниманием к чтению и пению, рассеянностию ума, исхождением из храма во время службы и нехождением в храм Божий по лености и нерадению.

Прости мя, честный отче.

Согрешил: дерзая в нечистотеходить в храм Божий и всякия святыни прикастися.

Прости мя, честный отче.

Согрешил: непочтанием праздников Божиих; нарушением св. постов и нехранением постных дней — среды и пятницы; невоздержанием в пище и питии, многоядением, тайноядением, разноядением, пьянством, недовольством пищей и питием, одеждой, тунеядством; своея воли и разума исполнением, самонравием, самочинием и самооправданием; не должным почитанием родителей, не воспитанием детей в православной вере, проклинанием детей своих и близких.

Прости мя, честный отче.

Согрешил: неверием, суеверием, сомнением, отчаянием, унынием, кощунством, божбою ложною, плясанием, курением, игрой в карты, гаданием, колдовством, чародейством, сплетнями, поминал живых за упокой, ел кровь животных.

Прости мя, честный отче.

Согрешил: гордостию, самомнением, высокоумием, самолюбием, честолюбием, завистию, превозношением, подозрительностию, раздражительностию.

Прости мя, честный отче.

Согрешил: осуждением всех людей — живых и мертвых, злословием и гневом, памятозлобием, ненавистиу, зло за зло воздаянием, оклеветанием, укорением, лукавством, леностию, обманом, лицемерием, пересудами, спорами, упрямством, нежеланием уступить и услужить ближнему; согрешил злорадством, зложелательством, злосетованием, оскорблением, надсмеханием, поношением и человекоугодием.

Прости мя, честный отче.

Согрешил: невоздержанием душевных и телесных чувств; нечистотою душевною и телесною, услаждением и медлением в нечистых помыслах, пристрастием, сладострастием, нескромным воззрением на жен и юношей; во сне блудным ночным; осквернением, невоздержанием в супружеской жизни.

Прости мя, честный отче.

Согрешил: нетерпением болезней и скорбей, люблением удобств жизни сей, пленением ума и окаменением сердца, непонуждением себя на всякое добре дело.

Прости мя, честный отче.

Согрешил: невниманием к внушениям совести своей, нерадением, леностию к чтению Слова Божия и нерадением к стяжанию Иисусовой молитвы. Согрешил любостяжанием, сребролюбием, неправедным приобретением, хищением, воровством, скопостью, привязанностию к разного рода вещам и людям.

Прости мя, честный отче.

Согрешил: осуждением и ослушанием отцов духовных, ропотом и обидой на них и неисповеданием пред ними грехов своих по забвению, нерадению и по ложному стыду.

Прости мя, честный отче.

Согрешил: немилосердием, презрением и осуждением нищих; хождением в храм Божий без страха и благоговения, уклоняясь в ересь и сектантское учение.

Прости мя, честный отче.

Согрешил: леностию, расслаблением негою, люблением телеснаго покоя, многоспанием, сладострастными мечтаниями, пристрастными воззрениями, бесстыдными телодвижениями, прикосновениями, блудом, прелюбодеянием, растлением, рукоблудием, невенчанными браками, тяжко согрешили те, кто делали аборты себе или другим или склоняли кого-нибудь к этому великому греху — детоубийству. Проводил время в пустых и праздных занятиях, в пустых разговорах, шутках, смехе и других постыдных грехах.

Прости мя, честный отче.

Согрешил: унынием, малодушием, нетерпением, ропотом, отчаянием в спасении, неимением надежды на милосердие Божие, бесчувствием, невежеством, наглостию, бесстыдством.

Прости мя, честный отче.

Согрешил: клеветою на ближнего, гневом, оскорблением, раздражением и осмеянием, непримирением, враждой и ненавистию, прекословием, подсматриванием чужих грехов и подслушиванием чужих разговоров.

Прости мя, честный отче.

Согрешил: холодностию и бесчувственностию на исповеди, умалением грехов, обвинением близких, а не себя осуждением.

Прости мя, честный отче.

Согрешил: против Животворящих и Св. Тайн Христовых, приступая к ним без должного приготовления, без сокрушения и страха Божия.

Прости мя, честный отче.

Согрешил: словом, помышлением и всеми моими чувствами: зрением, слухом, обонянием, вкусом, осязанием — волею или неволею, ведением или неведением, в разуме и неразумии, и не перечислить всех грехов моих по множеству их. Но во всех сих, так и в неизреченных по забвению, раскаиваюсь и жалею, и впредь с помощью Божией обещаюсь блести.

Ты же, честный отче, прости мя и разреши от всех сих и помолись о мне грешном, а в оный судный день засвидетельствуй пред Богом об исповеданных мною грехах. Аминь.

/>\* Данный текст читается священником перед исповедью и приводится здесь, как один из образцов исповеди, в целях лучшей подготовки верующего к этому таинству, а также лучшего осознания своей греховности и возбуждения покаянных чувств при домашней молитве.





## **Молитва после исповедания грехов**

Как слабому и вовсе безсильному самому по себе на дела благия, смиренно со слезами молю Тебя, Господи, Спасителю мой, помози мне утвердиться в моем намерении: жить проче время жизни для Тебя, возлюбленного Бога моего, богоугодно, а прошедшия согрешения моя прости милосердием Своим и разреши от всех моих, сказанных пред Тобою, грехов, яко благий Человеколюбец. Также смиренно молю Тебя, Пресвятая Богородице, и вас, небесные силы и все угодники Божии, помогите мне исправить мою жизнь.






## Молитва о прощении забытых грехов

*(Преподобного Варсонофия Великого)*

Владыко Господи, поскольку и забыть свои прегрешения есть грех, то я во всем согрешил Тебе, Единому Сердцеведу; Ты и прости мне все по Твоему человеколюбию; тем-то и проявляется великолепие славы Твоей, когда Ты не воздаешь грешникам по делам их, ибо Ты препрославлен во веки. Аминь.





# ЕДИНОВЕРЧЕСКИЕ МОЛИТВЫ



# Молитвенное правило

## Молитвы утренние и вечерние

*Утром, вставши от сна, еще на постели, перекрестись с молитвою:  
Господи, Иисусе Христе, Сыне Божии, помилуй мя грешного.*

*Вставши с постели и умыв лицо свое, а вечером, отходя ко сну, встань с благоговением пред святыми иконами и, взирая на них, мысль свою устремляя к невидимому Богу и его святым, истово, не спеша, ограждая себя крестным знамением и кланяясь, произноси с умилением молитву мытаря:*

Боже, милостив буди мне грешному (*поклон*). Создавши мя, Господи, и помилуй мя (*поклон*). Без числа согреших, Господи, помилуй и прости мя, грешного (*поклон*).

Достойно есть, яко воистину блажити Тя Богородице, присно блаженную и пренепорочную, и Матерь Бога нашего. Честнейшую херувим и славнейшую воистину серафим, без истления Бога Слова рождьшую, сущую Богородицу, Тя величаем (*поклон всегда земной*).

Слава Отцу и Сыну и Святому Духу (*поклон*). И ныне и присно и во веки веком, аминь (*поклон*).

Господи помилуй, Господи помилуй, Господи благослови (*поклон*).

Господи, Иисусе Христе, Сыне Божии, молитв ради Пречистыя Твоей Матере, силою Честнаго и Животворящаго Креста, и святаго Ангела моего хранителя, и всех ради святых, помилуй и спаси мя грешного, яко Благ и Человеколюбец. Аминь. (*поклон земной, без крестного знамения*).

*Эти молитвы называются «началом» или «приходными и исходными поклонами» потому, что они совершаются в начале и после всякого молитвенного правила.*

После этого повтори молитву мытаря с поклонами:

Боже, милостив буди мне грешному (*поклон*). Создавши мя, Господи, и помилуй мя (*поклон*). Без числа согреших, Господи, помилуй и прости мя грешного (*поклон*).

*И с благоговением начинай утренние молитвы.*

За молитв святых отец наших, Господи Иисусе Христе, Сыне Божии, помилуй нас. Аминь (*поклон всегда поясной*). *Перекрестись и говори трижды:*

Слава Тебе, Боже наш, слава Тебе всяческих ради.

*Далее:* Боже, очисти мя грешного, яко николиже благо сотворих пред Тобою (*поклон*), но избави мя от лукаваго, и да будет во мне воля Твоя (*поклон*), да неосужденно отверзу уста моя недостойная и восхвалю имя Твое святое: Отца и Сына и Святаго Духа, ныне и присно и во веки веком. Аминь (*поклон*).

*Обведенные чертой молитвы вечером не читаются.*

*Далее перекрестись и читай:*

Царю небесныи, Утешителю, Душе истинныи, Иже везде съи и вся исполняя,  
Сокровище благих и жизни Подателю, прииди и вселися в ны, и очисти ны от  
всякия скверны, и спаси, Блаже, душа наша.

Святыи Боже, Святыи Крепкии, Святыи Безсмертныи, помилуй нас (*трижды с поклонами*). Слава Отцу и Сыну и Святому Духу, и ныне и присно и во веки веком. Аминь. Пресвятая Троице, помилуй нас. Господи, очисти грехи наша. Владыко, прости беззакония наша. Святыи, посети и исцели немощи наша, Имене Твоего ради. Господи помилуй (*трижды*). Слава Отцу и Сыну и Святому Духу, и ныне и присно и во веки веком. Аминь. Отче наш, Иже еси на небесех, да святится имя Твое, да приидет царствие Твое, да будет воля Твоя, яко на небеси и на земли. Хлеб наш насущныи даждь нам днесь. И остави нам долги наша, яко же и мы оставляем должником нашим. И не введи нас во искушение, но избави нас от лукаваго. Господи Иисусе Христе Сыне Божии, помилуй нас. Аминь. Господи помилуй (*12 раз*).

*Если утро — читается:*

От сна востав, благодарю Тя, Всесвятая Троице, яко многия ради благости и долготерпения не прогневася на мя грешного и лениваго раба Твоего, и не погубил еси мене со беззаконии моими, но человеколюбствова. И в нечаянии лежаща, воздвиже мя утреневати и славословити державу Твою непобедимую. И ныне, Владыко, Боже Пресвятыи, просвети очи сердца моего и отверзи ми устне поучатися словесем Твоим, и разумети заповеди Твоя, и творити волю Твою, и пети Тя во исповедании сердечнем. Воспевати же и славити пречестное и великолепное имя Твое: Отца и Сына и Святаго Духа, ныне и присно и во веки веком. Аминь.

*Если вечер:*

Слава Отцу и Сыну и Святому Духу. И ныне, и присно, и во веки веком. Аминь.

*Далее, как утром, так и вечером, читай:*

Приидите, поклонимся Цареви нашему Богу (*поклон*). Приидите, поклонимся Христу, Цареви и Богу нашему (*поклон*). Приидите, поклонимся и припадем к самому Господу Иисусу Христу, Цареви и Богу нашему (*поклон*).

### **ПСАЛОМ 50 (покаянный)**

Помилуй мя, Боже, по велицей милости Твоей. И по множеству щедрот Твоих очисти беззаконие мое. Наипаче омыи мя от беззакония моего и от греха моего очисти мя. Яко беззаконие мое аз знаю и грех мой предо мною есть выну. Тебе единому согреших и лукавое пред Тобою сотворих. Яко да оправдишися в словесех Своих и победиши всегда судити. Се бо в беззакониях зачат есмь и во гресех роди мя мати моя. Се бо истину возлюбил еси; безвестная и тайная премудрости Твоей явил ми еси. Окропиши мя иссопом и очищуся. Омыеши мя и паче снега убелюся. Слуху моему даси радость и веселье: возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отверзи мене от Лица Твоего, и Духа

Твоего Святаго не отыми от мене. Воздаждь ми радость спасения Твоего и духом владычным утверди мя. Научу беззаконныя путем Твоим и нечестивии к Тебе обратятся. Избави мя от кровий, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел жертвы, дал бых убо; всесожжения не благоволиши. Жертва Богу — дух сокрушен: сердце сокрушенно и смиленно Бог не уничтожит. Ублажки, Господи, благоволением Твоим Сиона; и да созиждутся стены Иеросалимских. Тогда благоволиши жертву правды, возношение и всесожигаемая. Тогда возложат на олтарь Твой тельца.

*Ограждая себя благоговейно крестным знамением, произносим СИМВОЛ ВЕРЫ — слова святых отец Первого и Второго Вселенского собора (крестное знамение без поклона):*

Верую во единаго Бога Отца Вседержителя, Творца небу и земли, видимым же всем и невидимым. И во единаго Господа, Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, а не сотворена, единосущна Отцу, Им же вся быша. Нас ради человек, и нашего ради спасения الشدّا (сшедшаго с небес, и воплотившагося от Духа Свята и Марии Девы вочеловечшася). Распятаго за ны при Понтийском Пилате, страдавша и погребенна. И воскресшаго в третии день по писаниях. И возшедшаго на небеса, и седяща одесную Отца. И паки грядущаго со славою судити живым и мертвым, Его же царствию несть конца. И в Духа Святаго, Господа истиннаго и Животворящаго, Иже от Отца исходящаго, иже со Отцем и Сыном споклоняема и сславима, глаголавшаго пророки. И во едину святую соборную и апостольскую Церковь. Исповедую едино Крещение во оставление грехов. Чаю воскресения мертвым. И жизни будущаго века. Аминь.

*Далее:*

Богородице Дево, радуися, обрадованная Марие, Господь с Тобою, благословенна Ты в женах и благословен Плод чрева Твоего, яко родила еси Христа Спаса, Избавителя душам нашим (*с поклонами трижды*).

О! Всепетая Мати, рождьшая всех святых святейшее Слово, нынешнее приношение приемши, от всякия напасти избави всех, и грядущия изми муки, вопиющая Ти: Аллилуия (*трижды, с поклонами земными*).

Непобедимая и божественная сила честнаго и животворящаго Креста Господня, не остави мя грешнаго, уповающаго на Тя (*поклон*). Пресвятая Владычице моя Богородице, помилуй мя, и спаси мя, и помози ми ныне, в жизни сей, и во исход души моей, и в будущем веце (*поклон*). Вся небесныя силы, святии ангели и архангели, херувими и серафими, помилуйте мя, и помолитесь о мне грешнем ко Господу Богу, и помозите ми ныне, в жизни сей, и во исход души моей, и в будущем веце (*поклон*). Ангеле Христов, хранителю мой святыи, помилуй мя и помолися о мне грешнем ко Господу Богу, и помози ми ныне, в жизни сей, и во исход души моей, и в будущем веце (*поклон*). Святый великии Иоанне, пророче и Предотече Господень, помилуй мя, и помолися о мне грешнем ко Господу Богу, и помози ми ныне, в жизни сей, и

во исход души моей, и в будущем веце (*поклон*). Святыи славни апостоли, пророцы и мученицы, святительие, преподобнии и праведнии и вси святыи, помилуйте мя, и помолитесь о мне грешнем ко Господу Богу, и помозите ми ныне, в жизни сей, и во исход души моей, и в будущем веце (*поклон*).

*После сего молись по три раза с поклонами следующие молитвы.*

Пресвятая Троице Боже наш, слава Тебе.Господи Иисусе Христе, Сыне Божий, помилуй мя грешного. Слава, Господи, Кресту Твоему Честному. Пресвятая Госпоже Богородице, спаси мя грешного раба Твоего.Ангеле Христов, хранителю мой святыи, спаси мя грешного раба Твоего. Святыи архангели и ангели, молите Бога о мне грешнем.Святыи великии Иоанне, пророче и Предотече, Крестителю Господень, моли Бога о мне грешнем.Святыи славныи пророче Илие, моли Бога о мне грешнем.Святыи праотцы, молите Бога о мне грешнем.Святыи пророцы, молите Бога о мне грешнем. Святыи апостоли, молите Бога о мне грешнем.Святыи славни апостоли и евангелисти: Матфее, Марко, Луко и Иоанне Богослове, молите Бога о мне грешнем. Святыи славни верховнии апостоли Петре и Павле, молите Бога о мне грешнем.Святыи велиции трие святительие: Василие Великии, Григорие Богослове и Иоанне Златоусте, молите Бога о мне грешнем. Святителю Христов Николае, моли Бога о мне грешнем.Преподобный отче Серргие, моли Бога о мне грешнем. Святыи священномучениче и исповедниче Аввакуме, моли Бога о мне грешнем. Святителю Христов и исповедниче Амвросие, моли Бога о мне грешнем. Преподобнии и богоноснии отцы наши, пастырие и учителie вселенней, молите Бога о мне грешнем.Святыи вси, молите Бога о мне грешнем.

*После этого помолись святому, имя которого носишь, и святому, празднуемому этого числа, также и другим святым, кому хочешь. Не забудь помолиться и епитимию, какие поклоны имеешь от духовного отца.*

Потом молись о здравии правящего епископа, духовного отца, родителей, родственников и близких, по три раза произнося с поклонами о здравии и о спасении:

Милостиве Господи, спаси и помилуй раб Своих (*поклон*) (*называй имена, за кого молишься*). Избави их от всякия скорби, гнева и нужды (*поклон*). От всякия болезни душевныя и телесныя (*поклон*). И прости им всякое согрешение, вольное и невольное (*поклон*). И душам нашим полезная сотвори (*поклон*).

*Потом помолись за упокой духовных отцов, родителей и близких, и за кого имеешь усердие, по три раза произнося с поклонами:*

Покой, Господи, душа усопших раб Твоих (*поклон*) (*называй имена, за кого молишься*). И елика в житии сем яко человецы согрешиша, Ты же, яко Человеколюбец Бог, прости их и помилуй (*поклон*). Вечныя муки избави (*поклон*). Небесному царству причастники учини (*поклон*). И душам нашим полезная сотвори (*поклон*).

*Заканчивая молитвы, говори:*

Господи, или словом, или делом, или помышлением согреших во всей жизни моей, помилуй мя и прости мя, милости Твоей ради (*поклон земной*). Все упование мое к Тебе возлагаю, Мати Божия, сохрани мя во Своем си крове (*поклон земной*).

Упование ми Бог, и прибежище мое Христос, и покровитель ми есть Дух Святыи  
(поклон земной).

Достойно есть, яко воистину блажити Тя Богородице, присно блаженную и пре-  
непорочную, и Матерь Бога нашего. Честнейшую херувим и славнейшую воистину  
серафим, без истления Бога Слова рождьшую, сущую Богородицу, Тя величаем  
(поклон всегда земной).

Слава Отцу и Сыну и Святому Духу (поклон). И ныне и присно и во веки веком,  
аминь (поклон). Господи помилуй, Господи помилуй, Господи благослови (поклон).

**И отпуст:**

Господи, Иисусе Христе, Сыне Божии, молитв ради Пречистыя Твоей Матере  
и преподобных и богоносных отец наших и всех святых, помилуй и спаси мя  
грешного, яко Благ и Человеколюбец. Аминь.

*И, наклонившись до земли, без осенения себя крестным знамением, читай прощ-  
ение:*

Ослаби, остави, отпусти, Боже, согрешения мои, вольная и невольная, яже в  
слове и в деле, и яже в ведении и не в ведении, яже во уме и в помышлении, яже  
во дни и в нощи, вся ми прости, яко Благ и Человеколюбец. Аминь.

**Вставши, читай молитву сию с поклонами:**

Ненавидящих и обидящих нас прости, Господи Человеколюбче. Благотворящим  
благо сотвори, братиям и всем сродником нашим, иже и уединившимся, даруй  
им вся, яже ко спасению прощения и живот вечныи (поклон). В болезнях сущия  
посети и исцели, в темницах сущих свободи, по водам плавающим Правитель  
буди и иже в путех шествующим, исправи и поспеши (поклон). Помяни, Господи, и  
плененные братию нашу, единоверных православныя веры, и избави их всякаго  
злого обстояния (поклон). Помилуй, Господи, давших нам милостыню и заповедав-  
ших нам, недостойным, молитися о них, прости их и помилуй (поклон). Помилуй,  
Господи, труждающихся и служащих нам, милующих и питающих нас, и даруй  
им вся, яже ко спасению, прощения и живот вечныи (поклон). Помяни, Господи,  
прежде отшедшия отцы и братию нашу и всеми их, идеже присещает свет лица  
Твоего (поклон). Помяни, Господи, и нашу худость и убожество, и просвети наш ум  
светом разума святаго Евангелия Твоего, и настави нас на стезю заповедей Твоих,  
молитвами Пречистыя Твоей Матере и всех святых Твоих, аминь (поклон).

*Оканчиваются сии молитвы обычным семипоклонным началом (смотри «приход-  
ные и исходные поклоны» в начале).*

По окончании молитв, как утром, так и вечером, ограждаясь своим натель-  
ным крестом, говори: Господи, Иисусе Христе, Сыне Божии, благослови и освяти, и  
сохрани мя силою Живоноснаго Креста Твоего.

*После этого целуй крест.*

*И читай молитву Кресту, перекрестясь:*

Да воскреснет Бог, и разыдутся врази Его, и да бежат от лица Его ненавидящии  
Его, яко исчезает дым, да исчезнут. Яко тает воск от лица огня, тако да погибнут

беси от лица любящих Бога, и знаменающих крестным знамением, и да возвеселимся рекуще: радуися, Кресте Господень, прогоняя бесы силою на Тебе пропятаго Господа нашего Иисуса Христа, во ад сшедшаго, и поправшаго силу диаволю, и давшаго нам Крест Свой Честныи на прогнание всякаго супостата.

О! Пречестныи и Животворящии Кресте Господень, помогай ми, с Пресвятою Госпожею Богородицею, и со всеми святыми небесными силами, всегда и ныне и присно и во веки веком. Аминь.

## Чин чтения 12-ти псалмов

Чин, како подобает пети дванадесять псалмов особь, ихже пояху преподобнии отцы пустыннии во дни и в нощи, о нихже вспоминается в книгах отеческих и в житиях и мучениих святых многих.

Сей же чин принесе от святыя горы преподобный Досифей архимандрит Киево-Печерский.

*По обычнем начале глаголем:*

За молитв святых отец наших, Господи, Иисусе Христе, Сыне Божии, помилуй нас, аминь. [поклон]

*Ограждая лице свое, читаем:*

Царю небесныи, Утешителю, Душе истинныи, Иже везде съи и вся исполняя, сокровище благих и жизни Подателю, прииди и вселися в ны, и очисти ны от всякия скверны, и спаси Блаже, душа наша.

Святыи Боже, Святыи Крепкии, Святыи Безсмертныи, помилуй нас. (трижды с поклонами).

Слава Отцу и Сыну и Святому Духу, и ныне и присно и во веки веком, аминь.

Пресвятая Троице, помилуй нас. Господи, очисти грехи наша; Владыко, прости беззакония наша; Святыи, посети и исцели немощи наша; имене Твоего ради.

Господи помилуй (трижды)

Слава Отцу и Сыну и Святому Духу, и ныне и присно и во веки веком, аминь.

Отче наш, Иже еси на небесех; да святится имя Твое; да приидет царствие Твое; да будет воля Твоя, яко на небеси и на земли; хлеб наш насущныи даждь нам днесь; и остави нам долги наша, яко же и мы оставляем должником нашим; и не введи нас во искушение; но избави нас от лукаваго.

Господи Иисусе Христе, Сыне Божии, помилуй нас.

Аминь.

Господи, помилуй, 12.

Слава Отцу и Сыну и Святому Духу, и ныне и присно и во веки веком, аминь.

Приидите, поклонимся Цареви нашему Богу (поклон).

Приидите, поклонимся Христу, Цареви и Богу нашему (поклон).

Приидите, поклонимся и припадем к Самому Господу Иисусу Христу, Цареви и Богу нашему (поклон).

**Псалом 26.**

Господь просвещение мое и Спаситель мой, когося убою? Господь Защититель животу моему, от когося устрашу? Внегда приближатися на мя злобующе, снести плотии моих, оскорбляюши мя, и врази мои, тии изнемогоша и падоша. Аще ополчится на мя полк, не убоится сердце мое, аще востанет на мя брань, на Нань аз уповаю. Едино просих от Господа, то взыщу: еже жити ми в дому Господни вся дни живота моего, зretи ми красоту Господню и посещати церковь святую Его. Яко скры мя в крове Своем в день зла моего, покры мя в тайне крова Своего. На камень вознесе мя, и ныне се вознесе главу мою на враги моя, обыдох и пожрох в крови Еgo жертву хваления и воскликновения, пою и воспою Господеви. Услыши, Господи, глас мой, им же воззвах, помилуй мя и услыши мя. Тебе рече сердце мое: Господа взыщу. Взыска Тебе лицо мое, лица Твоего, Господи, взыщу. Не отврати лица Твоего от мене и не уклонися гневом от раба Твоего, помощник ми буди, не отрини мене, и не остави мене, Боже Спасителю мой. Яко отец мой и мати моя оставилиста мя, Господь же восприят мя. Законоположи ми, Господи, в пути Твоем и настави мя на путь правыи, враг моих ради. Не предаждь мене в душах стужающим ми, яко восташа на мя свидетели неправеднии, и солга неправда себе. Верую видети благая Господня на земли живых. Потерпи Господа, мужайся, и да крепится сердце твое, и потерпи Господа.

**Псалом 31.**

Блажени, им же отпустишася беззакония, и им же прикрышася грехи. Блажен муж, ему же не вменит Господь греха, ниже есть во устех его лесть. Яко умолчах, обеташа кости моя, зовущу ми весь день. Яко день и нощь отяготе на мне рука Твоя, возвратихся на страсть, егда унзе ми терн. Беззаконие мое познах и греха моего не покрых, рех: исповем на мя беззаконие мое Господеви, и Ты отпустил еси нечестие сердца моего. За то помолится к Тебе всяк преподобныи во времяя благопотребно, обаче в потопе вод мног, к нему не приближатся. Ты еси прибежище мое, от скорби одержаша мя, радосте моя, избави мя от обышедших мя. Вразумлю тя и наставлю тя на путь сей, вонь же пойдешি, утвржу на тя очи Мои. Не будите яко конь имск, имже несть разума, броздами и уздою челюсти их востягнеши, неприближающимся к тебе. Многи раны грешному, уповающимо же на Господа милость обыдет. Веселитесь о Господе, и радуйтесь, праведнии, и хвалитесь, вси правии сердцем.

**Псалом 56.**

Помилуй мя, Боже, помилуй мя: яко на Тя упова душа моя. И на сень крилу Твою надеюсь, дондеже прейдет беззаконие. Воззову к Богу Вышнему, Богу, бла-годеявшему мне. Посла с Небесе и спасе мя, даде в поношение попирающыя мя. Посла Бог милость Свою и истину Свою, и изъят душу мою от среды скимен, поспах смущен. Сынове человечествии, зубы их оружия и стрелы, и язык их меч остр. Вознесися на Небеса, Боже, и по всей земли слава Твоя. Сеть уготоваша ногам моим, и смириша душу мою. Ископаша пред лицем моим яму и впадоша в ню. Готово сердце мое, Боже, готово сердце мое, пою и воспою во славе моей. Востани слава моя, востани псалтыри и гусли, востану рано. Исповемся Тебе в людех, Господи,

пою Тебе во языцах. Яко возвеличиша до Небес милость Твоя, и даже до облак истина Твоя. Вознесися на Небеса, Боже, и по всей земли слава Твоя.

Также, Трисвятое, и по Отче наш:

**Тропари, глас 1.**

Объятия Отча отверсти ми потщися, блудно изжих мое житие, но на богатство неизживущее взираю щедрот Твоих, Спасе: ныне обнищавшее мое сердце не презри. Тебе бо, Господи, умилением зову: согреших, Отче, на небо и пред Тобою.

Слава: Егда приидешি, Боже, судити на землю со славою, и вострепещут всяческая, река же огненная пред судищем потечет, книги разгнутся, и тайная обличатся, тогда избави мя огня негасимаго, и сподоби мя одесную Тебе стати, Судие праведныи.

И ныне: Матерь Тя Божию молим вси Дево; в щедроты Твои прибегаем любовию и в благодать Твою; Тебе бо имамы грешни спасение, и Тебе стяжахом в напастех Едину всенепорочную.

Посем: Господи, помилуй, 30.

Слава Отцу и Сыну и Святому Духу, и ныне и присно и во веки веком, аминь.

Честнейшую херувим, и славнейшую воистину серафим, без истления Бога, Слова рождьшую, сущую Богородицу Тя величаем.

И поклон.

Именем Господним благослови, отче.

За молитв святых отец наших, Господи, Иисусе Христе, Сыне Божии, помилуй нас. Аминь.

*В Великий пост (кроме суббот и воскресений), а также и в другие посты (и на масленнице в среду и пятницу):*

Господи помилуй, 40, Слава, и ныне. (И 17 поклонов с молитвою св. Ефрема Сирина). 1. Честнейшую херувим... (поклон земной великий). Именем Господним... За молитв святых отец наших...

*И молитва св. Ефрема:*

2. Господи и Владыко животу моему, дух уныния, небрежения, сребролюбия и празднословия отжени от мене (земной великий поклон).

3. Дух же целомудрия, смирения, терпения и любве даруй ми, рабу Твоему (земной великий поклон).

4. Ей, Господи Царю, дажь ми зretи моя согрешения и еже не осуждати брата моего, яко благословен еси во веки, аминь (земной великий поклон).

5 — 6. Господи Иисусе Христе, Сыне Божии, помилуй мя грешного (дважды с поклонами).

7. Боже, милостив буди мне грешному (поклон).

8. Боже, очисти грехи моя и помилуй мя (поклон).

9. Создавши мя Господи, помилуй. (поклон).

10. Без числа согреших Господи, прости мя (поклон).

11-16. Повторяем молитвы 5-10 с земными поклонами.

17. Затем еще раз читаем всю молитву св. Ефрема Сирина и земной великий поклон.

Приидите, поклонимся, трижды.

**Псалом 33.**

Благословлю Господа на всяко время, выну хвала Его во устех моих. О Господе похвалится душа моя, да услышат кротцы и возвеселятся. Возвеличите Господа со мною, и вознесем имя Его вкупе. Взысках Господа и услыша мя, и от всех скорбий моих избави мя. Приступите к Нему и просветитесь, и лица ваша не постыдятся. Сей нищий возва, и Господь услыша и, и от всех скорбий его спасе и. Ополчится Ангел Господень окрест боящихся Его, и избавит их. Вкусите и видите, яко благ Господъ, блажен муж, иже уповаает Нань. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающие же Господа не лишатся всякаго блага. Приидете, чада, послушайте мене, страху Господню научу вас. Кто есть человек хотяи живот, любяи дни видети благи? Удержи язык свой от зла, и устне свои, еже не глаголати льсти. Уклонися от зла и сотвори благо, взыщи мир, и пожени и. Очи Господни на праведныя, и уши Его в молитву их. Лице же Господне, на творящия злая, еже потребити от земли память их. Возваша праведнии, и Господь услыша их, и от всех печалей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни единна от них сокрушится. Смерть грешников лята, и ненавидящии праведнаго прегрешат. Избавит Господь душа раб Своих, и не прегрешат вси, уповающие Нань.

**Псалом 38.**

Рех: сохранию пути мои, еже не согрешати языком моим: положих устом моим хранило, внегда востати грешному предо мною. Онемех и смирихся, и умолчах от благ, и болезнь моя обновися. Согреяся сердце мое во мне, и в поучении моем разгорится огнь. Глаголах языком моим: скажи ми, Господи, кончину мою и число дний моих, кое есть, да разумею, чесо лишаюся аз? Се пядиу измерены положил еси дни моя, и состав мой яко нивочто же пред Тобою; обаче всяческая суeta всяк человек живыи. Иде убо образом ходит человек, обаче всуе мятется: сокровищует, и невесть, кому собирает я. И ныне кто терпение мое, не Господь ли? и состав мой от Тебе есть. От всех беззаконии моих избави мя, поношение безумному дал мя еси. Онемех и не отверзох уст моих, яко Ты сотвори. Отстави от мене раны Твоя, от крепости бо руки Твои аз исчезох. Во обличении о беззаконии показал еси человека, и истаял еси, яко паучину, душу его; обаче всуе всяк человек. Услыши молитву мою Господи, и моление мое внуши; слез моих не премолчиши, яко пресельник аз от Тебе и пришлец, якоже вси отцы мои. Ослаби ми, да почию, прежде даже не отъиду, и к тому не буду.

**Псалом 40.**

Блажен разумеваяи на нища и убога, в день лют избавит и Господь. Господь сохранит и, и живит и, и ублажит и на земли, и не предаст его в руки врагов его. Господь поможет ему на одре болезни его; все ложе его обратил еси в болезнь его. Аз рех: Господи, помилуй мя, исцели душу мою, яко согреших Ти. Врази мои реше мне злая: когда умрет и погибнет имя его? И вхождаше видети; всуе глаголаше:

сердце его собра беззаконие ему; исходжаще вон, и глаголаше вкупе. На мя шептаху вси врази мои, на мя помышляху злая мне. Слово законопреступное возложиша на мя, еда спяи не приложит воскреснути. Ибо человек мира моего, нань же уповах, яды хлебы мои, возвеличи на мя пяту. Ты же, Господи, помилуй мя и воздвигни мя и воздам им. О сем познах, яко восхоте мя; яко не возрадуется враг мой о мне. Мене же за незлобие прият, и утвердил мя еси пред Собою в век. Благословен Господь Бог Израилев от века и до века, будет, будет.

Также Трисвятое, и по Отче наш:

**Тропари, глас 4:**

Смиренную душу мою посети Господи, иже во грехах житие все изжившу. Но яко блудницу приими мене и спаси мя.

Слава: Все житие мое блудно изжих Господи, со блудницами окаянныи; яко же блудный умилением зову: Отче Небесныи, согреших, очисти, и приими мя, и не отрини мене от Себе, от Тебе удалившагося, и неплодными делы ныне обнищавша.

И ныне: К Богородице прилежно ныне притецем грехнини, со смирением припадающе и покаянием, вопиюще из глубины душевныя: Владычице, помози, мси-лосердовавши на ны, потщися, яко изгибаем от множества грехов, не отврати раб Своих тощь, Тебе бо едину помощницу имамы.

Посем: Господи, помилуй, 30. И далее, якоже преписахом.

Также, Приидите, поклонимся, трижды.

**Псалом 69.**

Боже, в помощь мою воини, Господи, помощи ми потщися. Да постыдятся и посрамятся ищаущи душу мою. Да возвратятся вспять и постыдятся, хотяши ми злая. Да возвратятся абие стыдящеся глаголующии ми: благо же, благо же. Да возрадуются и возвеселятся о Тебе, вси ищаущи Тебе Боже, и да глаголют выну: да возвеличится Господь, любящий спасение Твое. Аз же нищ есмь и убог, Боже, помози ми. Помощник мой и Избавитель мой еси Ты, Господи, не закосни.

**Псалом 70.**

На Тя, Господи, уповах, да не постыжуся в век. Правдою Твою изми мя и избави мя. Приклони ко мне ухо Твое и спаси мя. Буди ми в Бог Защититель и в место крепко спаси мя, яко утверждение мое и прибежище мое еси Ты. Боже мой, изми мя из руки грешнаго, из руки законопреступнаго и обидящаго. Яко Ты еси терпение мое, Господи, Господи упование мое от юности моей. В Тебе утвердишся от утробы, от чрева матере моей Ты еси мой Покровитель. О Тебе пение мое выну, яко чудо бых многим, и Ты помощник мой крепок. Да исполнятся уста моя похвалы, яко да воспою славу Твою, весь день великолепие Твое. Не отверзи мене во время старости, внегда исчезати крепости моей, не остави мене. Яко реша врази мои мне, и стрегущии душу мою совещаша вкупе. Глаголюще: Бог оставил есть его, поженете и имете его, яко несть избавляни. Боже мой, не удалися от мене, Боже мой, в помощь мою воини. Да постыдятся и исчезнут оклеветающие душу мою, да облекутся в студ и срам ищаущи злая мне. Аз же всегда уповаю на Тя и приложу на всяку похвалу Твою. Уста моя возвестят правду Твою, весь день спасение Твое. Яко

не познах книжна, вниду в силе Господни, Господи, помяну правду Твою Единаго. Боже мой, яже научил мя еси от юности моей, и до ныне возвещу чудеса Твоя. И даже до старости и маторства, Боже мой, не остави мене, дондеже возвещу мышцу Твою роду всему грядущему. Силу Твою и правду Твою, Боже, даже до вышних, яже сотворил ми еси величия. Боже, кто подобен Тебе? Елики явил ми еси скорби многи и злы, и обращь оживил мя еси, и от безздн земли возведе мя. Умножил еси на мне величество Твое, и обращь утешил мя еси, и от безздн земли паки возведе мя. Ибо аз исповемся Тебе в людех, Господи, в сосудех псаломских истину Твою, Боже, пою Тебе в гуслех, Святый Израилев. Возрадуетесь устне мои, егда пою Тебе, и душа моя, юже еси избавил. Еще же и язык мой весь день поучится правде Твоей, егда постыдятся и посрамятся ищащии злая мне.

**Псалом 76.**

Гласом моим ко Господу воззвах, гласом моим к Богу, и внят ми. В день печали моего Бога взысках, руками моими ношию пред Ним, и не прельщен бых. Отвержеся утешитися душа моя, помянух Бога и возвеселихся, возскорбех и пренеможе дух мой. Предваристе стражбы очи мои, смутихся и не глаголах. Помыслих дни первыя, и лета вечная помянух, и поучихся. Ношию сердцем моим глумляхся, и тужаше дух мой. Еда во веки отринет Господь, и не приложит благоволити паки? Или до конца милость Свою отсечет, сконча глагол от рода в род? Еда забудет ущедрити Бог? Или удержит во гневе Своем щедроты Своя? И рех: ныне начах, си измена десница Вышняго. Помянух дела Господня, яко помяну от зачала чудес Твоих. И поучуся во всех делах Твоих, и в зачинаниях Твоих поглумлюся. Боже, во святем путь Твой; кто Бог велии яко Бог наш? Ты еси Бог творяи чудеса. Познал еси в людех силу Твою, избавил еси мышцею Твою люди Твоя, сыны Иаковля и Иосифовы. Видеша Тя воды, Боже, видеша Тя воды, и убоявшись; смутившись безздны множеством шума вод. Глас даша облацы, ибо стрелы Твоя преходят, глас грома Твоего в колеси. Осветиша молния Твоя вселенную, подвижася и трепетна бысть земля. В мори путие Твои, и стези Твоя в водах многих, и стопы Твоя не познаются. Наставил еси яко овца люди Твоя, рукою Моисеовою и Ааронею.

Также, Трисвятое, и по Отче наш.

Молитва Иисусова.

**Тропари, глас 6:**

Помышляю день страшныи и плачуся деянии моих лукавых; како отвещаю Безсмертному Царю? Коим ли дерзновением воззрю на Судию блудныи аз? Благоутробныи Отче, Сыне Единородныи, Душе Святыи, помилуй нас.

Слава. Во юдоли плачевне на месте идеже положи, егда сядеши Милостиве, сотворити праведныи суд, не обличи моя сокровенная, ниже посрами мене пред ангелы, но пощади мя, Боже, и помилуй мя.

И ныне: Милосердия двери отверзи нам, Благословенная Богородице Дево, надеющиися на Тя не погибнем, но да избавимся Тобою от бед, Ты бо еси спасение роду християнскому.

Посем: Господи, помилуй, 30, и далее якоже преднаписася.

Также, Приидите, поклонимся, трижды.

**Псалом 101.**

Господи, услыши молитву мою, и воль мый к Тебе да приидет. Не отврати лица Твоего от мене, в онь же день аще скорблю. Приклони ко мне ухо Твое, в онь же день аще призову Тя, скоро услыши мя. Яко исчезоша яко дым дни мои, и кости мои яко сушило сосхощася. Уязвен бых яко трава, и изсше сердце мое, яко забых снести хлеб мой. От гласа воздыхания моего прильпе кость моя плоти моей. Уподобихся неясыти пустынному, бых яко нощныи вран на нырищи. Забдех и бых яко птица особящаяся на зде. Весь день поношау ми врази мои, и хвалящии мя мною кленяхуся. Зане пепел яко хлеб ядях, и питие мое с плачем растворяях. От лица гнева Твоего и ярости Твоей: яко вознес низверже мя. Дни мои яко сень уклонишаася, и аз яко сено изсхох. Ты же Господи, во веки пребываеши, и память Твоя в род и род. Ты воскрес ущедриши Сиона, яко время ущедрити его, яко прииде время. Яко благоволиша раби Твои камение его, и персть его ущедрят. И убоятся языцы имени Господня, и вси царие земстии славы Твоей. Яко созиждет Господь Сиона, и явится в славе Своей. Призре на молитву убогих, и не уничижи моления их. Да напишется сие в род ин, и людие зиждемии восхвалят Господа. Яко призре с высоты святыя Своя, Господь с Небесе на землю призре. Услышати воздыхания окованых, разрешити сыны умерщвленных. Возвестити в Сионе имя Господне, и хвалу Его во Иеросалиме. Внегда собратися людем вкупе, и царие работати Господеви. Отвеща ему на пути крепости его, умаление дний моих взвести ми. Не возведи мене в преполовение дний моих, в род и род лета Твоя. В началех Ты Господи, землю основа, и дела рук Твоих суть небеса. Та погибнут, Ты же пребываеши; и вся, яко риза обетшают, и яко одежду свиши их, и изменятся. Ты же тожде еси, и лета твоя не оскудеют. Сынове раб Твоих вселятся, и семя их во век исправится.

**Молитва Манассии, царя Иудейска.**

Господи Вседержителю, Боже отец наших, Авраамов и Исааков и Иаковль, и семене их праведнаго. Створивши небо и землю со всею лепотою их, и сопныи море словом повеления Твоего. Затворивши бездну, и запечатлев ю страшным и славным именем Твоим, Его же вся боятся, и трепещут от лица славы Твоей. Яко непостоянна велелепота славы Твоей, и нестерпим гнев еже на грешники прещения Твоего. Безчислена же и неизследованна милость обещания Твоего. Ты бо еси Господь вышний, милосерд, долготерпелив и многомилостив, и каяся о злобах человеческих. Но Ты Господи, по множеству благости Твоей, обеща покаяние и оставление согрешшим к Тебе, и множеством щедрот Твоих нарече покаяние грешником во спасение. Ты убо Господи Боже праведных, неси положил покаяние праведным Твоим, Аврааму и Исааку и Иакову, не согрешившим пред Тобою, но положил еси покаяние мне грешному, зане согреших Ти паче числа песка морскаго. Умножишаася беззакония моя Господи, умножишаася, и несмы достоин воззрети и видети высоту небесную, от множества неправд моих связан есмь многими юзами железными. Яко не взвести ми главы моя, и несть ми восклонения. Зане прогневах ярость Твою, и лукавое пред Тобою сотворих. И не сотворих воли Твоей, не сохраних повелений Твоих. И ныне поклоняю колена сердца моего, и молю яже от Тебе благость. Согреших Господи, согреших, и беззакония моя аз свем. Но прошу

и молюся Тебе: отради ми Господи, отради ми, и не погуби мене со беззаконьми моими. Ниже в век враждовав соблюдеши зол моих, и не осуди мене в преисподних земли. Зане Ты еси Боже, Бог кающихся, да и на мне явиши всю благость Твою, яко недостойна суща спасеши мя, по мнозей милости Твоей. И восхвалю Тя всегда, во вся дни живота моего. Яко Тебе поют вся силы небесныя, и Твоя есть слава во веки, аминь.

Слава в вышних Богу, и на земли мир, в человечех благоволение. Хвалим Тя, благословим Тя (поклон), кланяемтися, славословим Тя (поклон), благодарим Тя, великия ради славы Твоєя (поклон). Господи, Царю небесныи. Боже Отче Вседержителю, и Господи Сыне Единородныи, Исусе Христе, и Святый Душа. Господи Боже Агньче Божии, Сыне Отечъ, вземляи грех міра, помилуй нас, Вземляи грехи міра, приеми молитвы наша; седя одесную Отца, помилуй нас. Яко Ты еси Един Свят, Ты еси Един Господь, Исус Христос, в славу Богу Отцу, аминь.

На всяк день благословим Тя, и восхвалим имя Твое во веки и в век века.

Господи, прибежище бысть нам в род и род. Аз рех: Господи, помилуй мя, и исцели душу мою, яко согреших Тебе. Господи, к Тебе прибегох, научи мя творити волю Твою, яко Ты еси Бог мой. Яко от Тебе есть источник живота, во свете Твоем узрим свет. Пробави милость Твою ведущим Тя.

Сподоби, Господи, в день сей без греха сохранитися нам. Благословен еси, Господи, Боже отец наших, и хвально, и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи нас оправданием Твоим. Благословен еси, Владыко, вразуми нас оправданием Твоим. Благословен еси, Святыи, просвети нас оправданием Твоими.

Господи, милость Твоя во веки, и дела руку Твою не презри. Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне и присно и во веки веком, аминь.

Молитва великаго Евстратия.

Величая величаю Тя Господи, яко призрел еси на смирение мое, и неси мене затворил в руках вражиих, но спасл еси от бед душу мою. И ныне Владыко, да покрыет мя рука Твоя, и да приидет на мя милость Твоя, яко смятесь душа моя, и болезненна есть во исхождении своем, от окаяннаго ми и смраднаго телесе сего. Да некогда лукавыи супостата совет срящет, и препнет ю во тьме, за неведомыя и ведомыя в житии сем бывшия ми грехи. Милостив ми буди, Владыко, и да не узрит душа моя темнаго взора лукавых бесов, но да приимут ю ангели Твои светлии и пресветлии. Даждь славу имени Твоему святому, и Твою силою возведи мя на божественный Твой суд. Внегда судитимися, да не приимет мене рука князя міра сего, истортнути мя грешника во глубину адovу. Но предстани ми, и буди мой Спаситель и Заступник. Телесныя бо сия муки, веселье суть рабом Твоим. Помилуй, Господи, осквернившуюся страстью жития сего душу мою, и чисту ю ради покаяния и исповедания приеми. Яко благословен еси во веки веком, аминь.

Таже, Трисвятое, и по Отче наш.

Молитва Иисусова.

**Тропари, глас 8.**

Оком милосердым Господи, виждь мое смирение. Яко по малу жизнь моя скончевается, и от дел несть спасения. Сего ради молюся: оком благоутробным Ти Господи, виждь смирение мое и спаси мя.

Слава: Век мой скончавается, и страшный Твой престол готовится, житие мое мимо ходит, суд мене ждет, претя мне огненною муковою, и пламенем негасимым. Слезам тучу подаждь ми и угаси его силу, хотяи спастися всем человеком.

И ныне: Иже нас ради рождеися от Девы, и распятие претерпев, Благии, испровергии смертию смерть, и воскресение явлеи, яко Бог. Не презри их же созда рукою Свою. Яви человеколюбие Свое, Милостиве. Приими Рождьшую Тя Богородицу молящуюся за ны, и спаси Спасе наш, люди согрешшия.

Также, Господи помилуй, 30.

Честнейшую херувим, и славнейшую воистину серафим, без истления Бога, Слова рождьшую, сущую Богородицу Тя величаем. (поклон).

Слава Отцу и Сыну и Святому Духу (поклон), и ныне и присно и во веки веком, аминь (поклон).

Господи помилуй, Господи помилуй, Господи благослови (поклон).

И отпуст: Господи Иисусе Христе, Сыне Божии, молитв ради Пречистыя Твоей Матере, и преподобных и богоносных отец наших, и всех ради святых, помилуй и спаси мя грешного, яко Благ и Человеколюбец. Аминь.

Затем — прощение.

Аще ли пост, творим поклоны по преждеписанному.

По 17 поклонех Слава, и ныне. Господи помилуй (дважды), Господи благослови (без поклонов). И отпуст псалтырный: Господи Иисусе Христе, Сыне Божии, молитв ради Пречистыя Твоей Матере, Силою Честнаго и Животворящаго Креста, и святых небесных сил безплотных, и преподобных и богоносных отец наших, и святаго пророка Давыда (и святаго, его же есть день) и всех святых, помилуй и спаси мя грешного, яко Благ и Человеколюбец. Аминь.

И прощение. Наклонившись до земли, не крестясь, читай:

Ослаби, остави, отпусти Боже, согрешения моя, вольная и невольная, яже в слове и в деле, и яже в ведении и не в ведении, яже во уме и в помышлении, яже во дни и в нощи, вся ми прости, яко Благ и Человеколюбец, аминь.

Вставши, читай молитву сию с поклонами:

Ненавидящих и обидящих нас прости, Господи Человеколюбче. Благотворящим благо сотвори, братиям и всем сродником нашим, иже и уединившимся, даруй им вся, яже ко спасению прошения и живот вечный (поклон).

В болезнях сущия посети и исцели, в темницах сущих свободи, по водам плавающим Правитель буди и иже в путех шествующим исправи и поспеши (поклон).

Помяни Господи, и плененные братию нашу, единоверных православных веры, и избави их всякаго злого обстояния (поклон).

Помилуй Господи, давших нам милостыню и заповедавших нам, недостойным, молитися о них, прости их и помилуй (поклон).

Помилуй Господи, труждающихся и служащих нам, милующих и питающих нас, и даруй им вся, яже ко спасению, прошения и живот вечный (поклон).

Помяни Господи, прежде отшедшия отцы и братию нашу и всели их, идеже присещает свет лица Твоего (поклон).

Помяни Господи, и нашу худость и убожество, и просвети наш ум светом разума святаго Евангелия Твоего, и настави нас на стезю заповедей Твоих, молитвами Пречистыя Твоей Матере и всех святых Твоих, аминь (поклон).

Господи помилуй (трижды).

И обычные исходные поклоны.

## Келейное правило

Начало правилу келейному

Подобает ведати, како начати правило свое в келии. Став убо на обычном своем месте, сотвори со смирением сердца и сокрушенным помыслом поклоны до земли, глаголя сице:

1 Боже, очисти мя, грешнаго, и помилуй мя (поклон).

2 Создавши мя, Господи, помилуй мя (поклон).

3 Без числа согреших, Господи, прости мя (поклон).

4 Боже, милости буди мне, грешному (поклон).

5 Боже, прости беззакония моя и согрешения (поклон).

6 Пресвятая Владычице моя Богородице, помилуй мя и спаси мя, и помози ми ныне в жизни сей, и во исход души моей, и в будущем веце (поклон).

7 Непобедимая и божественная сила, честного и животворящего Креста Господня, не остави мя, грешнаго, уповающаго на тя (поклон).

8 Вся небесныя силы, святыи ангели и архангели, херувими и серафими, помилуйте мя и помолитесь о мне, грешнем, ко Господу Богу, и помозите ми ныне, в жизни сей, и во исход души моей, и в будущем веце (поклон).

9 Ангеле Христов, хранителю мой святыи, помилуй мя и помолися о мне грешнем ко Господу Богу, и помози ми ныне, в жизни сей, и во исход души моей, и в будущем веце (поклон).

10 Святыи великии Иоанне, пророче и Предотече Господень, помилуй мя и помолися о мне грешнем ко Господу Богу, и помози ми ныне, в жизни сей, и во исход души моей, и в будущем веце (поклон).

11 Святыи славнии апостоли, пророцы и мученицы, святительие, преподобнии и праведнии и вси святыи, помилуйте мя и помолитесь о мне грешнем ко Господу Богу, и помозите ми ныне, в жизни сей, и во исход души моей, и в будущем веце (поклон).

12 Господи, или словом, или делом, или помышлением, согреших во всей жизни моей, помилуй мя и прости мя милости Твоей ради (поклон).

Посем, молитва святаго Макария, 1-я

Боже, очисти мя, грешнаго, яко николиже благо сотворих пред Тобою, но избави мя от лукаваго, и да будет во мне воля Твоя, да неосужденно отверзу уста моя

недостойная, и восхвалю имя Твое святое, Отца и Сына и Святаго Духа, ныне и присно и во веки веком. Аминь.

Молитва 2-я, святаго Исаака Сиринянина

Господи Иисусе Христе Боже мой, посещая тварь Свою, Тебе явлены страсти моя, и немощь естества моего, и крепость супостата моего. Ты Сам, Владыко, покрый мя от злобы его, занеже сила его крепка и еество мое страстно, и сила немощна. Ты убо Благии, ведыи немощь мою, иже нося неудобство безсилия моего, сохрани мя от помысла смущена, и потопа страостей, и достойна мя сотвори, сея службы святыя, да не како в страстех моих растлю сладость ея, и обрящуся безстуден пред Тобою и дерзостив. Но милостию Си помилуй мя, яко благословен еси во веки. Аминь.

Молитва 3-я, святаго Стефана Фивейского.

Владыко Господи Иисусе Христе, Боже мой, Ты Помощник ми буди, в руку Твою аз, да не оставиши мене согрешати, яко прельщен есмъ, да не оставиши мене последовати хотению моему лукавому, да не оставиши мене погибнути во грехах моих, уshedри создание Свое, не отверзи мене от лица Твоего грех ради моих, яко к Тебе прибегох, исцели душу мою, яко согреших Ти, пред Тобою суть вси оскорбляющие мя, и ищащие душу мою изъяти ю, и несть ми прибежища иного, токмо к Тебе Господи, Господи, спаси мя милости Твоей ради, яко Ты еси Господи, сильныи во всяческих. Яко Твое есть Царство и сила и слава, Отца и Сына и Святаго Духа, ныне и присно и во веки веком. Аминь.

Молитва 4-я, святаго Иоанна Златоустаго

Господи, аще хощу, аще не хощу, спаси мя, понеже бо аз яко кал любовещныи, греховную скверну желаю, но Ты яко Благ и Всесилен, можеш ми возбранити. Аще бо праведнаго помилууши, ничтоже велие, ащи чистаго спасеши, ничтоже дивно, достойни бо суть милости Твоей. Но на мне паче Владыко, окаяннем и грешнем и сквернем удиви милость Свою, покажи благоутробие Свое, Тебе бо оставлен есмъ нищии, обнищав всеми благими дely. Господи, спаси мя милости Твоей ради, яко благословен еси во веки. Аминь.

Молитва 5-я

Владыко, помилуй мя благости Твоей ради, и не остави мене заблудити от Твоей воли. И не отверзи убогия молитвы моей от Твоего лица, но услыши Господи, глас молитвы моей, егда молюся Тебе во дни и в нощи, и приими яко избранно кадило, и не возбрани грехов моих ради благости Твоей, но спаси мя имене Твоего ради святаго. Твое бо есть единаго, еже миловати и спасати нас, и Тебе славу возсылаем, Отцу и Сыну и Святому Духу, ныне и присно, и во веки веком. Аминь.

Также, помолився, и предочистив себя, целуй крест свой, иже носиши на персех своих, и знаменаяся им, глаголи:

Господи Иисусе Христе, Сыне Божии, благослови и освяти и сохрани мя, силою Креста живоноснаго Ти.

Посем:

Слава Тебе, Боже наш, слава Тебе всяческих ради. (трижды).

За молитв святых отец наших, Господи Иисусе Христе, Сыне Божии, помилуй нас. Аминь. Также:

Царю Небесныи.

Трисвятое. По Отче наш:

Господи помилуй, 12. Слава, и ныне.

Приидите поклонимся, трижды.

Псалом 50: Помилуй мя, Боже:

Символ Веры: Верую во единаго Бога:

Также, или каноны глаголи, или молитвы Иисусовы, или поклоны.

По завершении канонов глаголи:

Достойно есть. Трисвятое. По Отче наш: тропари канонов.

Господи помилуй, 40.

Также Честнейшую херувим.

Слава, и ныне, Господи помилуй, дважды, Господи, благослови (с поклонами).

И отпуст, по обычаю.

Неции же глаголют последи, Господи помилуй, 40. Молитвы канонов. И исповедание.

Также: Честнейшую. И отпуст.





## Суточный круг

### Шестой час

Приидите, поклонимся (трижды, и поклоны три).

#### Псалом 53.

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя, и крепцыи взыскаша душу мою, и не предложиша Бога пред собою. Се бо Бог помогает ми, и Господь заступник души моей. Отвратит злая врагом моим, истину Твою потреби их. Волею пожру Тебе, исповемся имени Твоему, Господи, яко благо. Яко от всякия печали избави мя, и на враги моя воззре око мое.

#### Псалом 54.

Внущи Боже, молитву мою, и не презри моления моего. Вонми ми, и услыши мя. Возскорбех печалию мою, и смутихся от гласа вражия, и от стужения грешница. Яко уклониша на мя беззаконие, и во гневе враждоваху ми. Сердце мое смутился во мне, и страх смерти нападе на мя. Боязнь и трепет прииде на мя, и покры мя тма. И рех: кто даст ми криле, яко голуби, и полещу и почию. Се удалихся бегая, и водворихся в пустыни. Чаях Бога спасающего мя, от малодушия и бури. Потопи Господи, и раздели языки их. Яко видех беззаконие и пререкание во граде. День и ночь обыдет и по стенам его, беззаконие и труд посреде его и неправда. И не оскуде от пути его лихва и лесть. Яко аще бы враг поносил ми, претерпел бых убо. И аще бы ненавидя мя на мя велеречевал, укрылбыхся от него. Ты же человече равнодушне, владыко мой и знаемый мой, иже купно насладил мя еси брашна, во храме Божии ходихове единомышлением. Да приидет же смерть на мя, и снайдут во ад живи, яко лукавство в жилищах их, посреде их. Аз к Богу возвах, и Господь услыша мя. Вечер и заутра и полудне, повем и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит их, Сыи прежде век. Несть бо им изменения, яко не убоявшись Бога. Прострет руку свою на воздаяние, оскверниша завет его. Разделившася от гнева лица его, и приближишася сердца их, умякнуша словеса их паче елея, и та суть стрелы. Возверзи на Господа печаль твою, и Той тя препитает, не даст в век молвы праведнику. Ты же Боже, низведеши их в студенец истления. Мужие крове и льсти не преполовят дней своих, аз же Господи, уповаю на Тя.

#### Псалом 90.

Живыи в помощи Вышняго, в крови Бога небеснаго водворится. Речет Господеви: Заступник мой еси, и прибежище мое, Бог мой и уповаю Нань. Яко той избавит

тя от сети ловчи, и от словесе мятежна. Плещьма Своима осенит тя, и под крыле Его надешися. Оружие обыдет тя истина Его, не убоишися от страха нощнаго, от стрелы летящия во дне. От вещи во тме преходящия, от сряща и беса полуденного. Падет от страны твоей тысяча, и тма одесную тебе, к тебе же не приблизится. Обаче очима своима смотриши, и воздаяние грешником узриши. Яко Ты Господи, упование мое; Вышняго положил еси прибежище твое. Не приидет к тебе зло, и рана не приблизится к телеси твоему. Яко ангелом Своим заповесть о тебе, сохранити тя во всех путех твоих. На руках возмут тя, да некогда преткнеши о камень ноги твои. На аспида и василиска наступиши, и попереши льва и змия. Яко на Мя упова, и избавлю и, покрыю и, яко позна имя мое. Возвзовет ко Мне, и услышу и, с ним есмь в скорби, изму и, и прославлю его. Долготу дней исполню и, и явлю ему спасение Мое.

Слава, и ныне. Аллилуия (трижды).

*Тропарь по уставу.*

Аще ли же пост, глаголем сии тропарь трижды: Иже в шестыи день же и час, на Кресте пригвождеи, Иже в раи дерзновенныи от Адама грех, и согрешении наших рукописание раздери, Христе Боже, и спаси нас.

*Стих:* Аз к Богу возвах, и Господь услыша мя.

*Стих:* Вечер и заутра и полудне, повем и возвещу, и услышит глас мой.

Слава, и ныне, богородичен: Яко не имамы дерзновения, за премногия грехи наша, но Ты, иже от Тебе рождъшагося, моли Богородице Дево, много бо может молитва Матеря, на умоление Владыки. Не презри грешных мольбы Всечистая, яко милостив есть, и спаси магии, Иже страдати нас ради изволивши.

Аще ли пост, чтется паремия, и в лествице. Таже, Скоро да предварят ны щедроты Твоя Господи, яко обнищахом зело, помози нам, Боже Спасителю наш; славы ради имени Твоего Господи, избави нас, очисти грехи наша, имени Твоего ради. Трсвятое, и по Отче наш, кондак, по уставу.

*Аще ли же пост, глаголем тропари сия, глас 2:* Спасение содея посреде земли, Христе Боже, на Кресте пречистеи руце Свои простер, собирая вся языки вопиющия: Господи, слава Тебе.

Слава. Пречистому Ти образу покланяемся Благии, просяще прощения прегрешением нашим, Христе Боже, волею бо благоизволил еси взыти на Крест, да избавиши их же созда от работы вражия. Тем благодаряще вопием Ти: радости вся исполнивши, Спасе наш, пришедши спаси мир (поклон великий).

И ныне. Милосердия суши источник, милости сподоби нас, Богородице, призри на люди согрешившия, яви яко присно силу Твою, на Тя бо уповающе: радуися, вопием Ти, якоже иногда Гавриил, безплотным архистратиг.

Господи помилуй (40). Иже на всяко время... Господи помилуй (трижды). Слава, и ныне. Честнейшую херувим... Именем Господним благослови, отче. За молитв святых отец наших... И сотворяем три великия поклоны, глаголюще молитву: Господи и Владыко животу моему... И поклон един. Таже, Владыко Боже, Отче Вседержите лю...

*Аще ли кроме поста, глаголем молитву сию: Боже и Господи силам, и всея твари Содетелю, Иже за милосердие неизреченные милости Твоей, единородного Сына Твоего, Господа нашего Иисуса Христа, низпослав на спасение роду нашему, и честным Его Крестом, рукописание грех наших растерзав, и обличив тем начала и власти тмы. Сам, Владыко Человеколюбче, приими от нас грешных, благодарныя сия молитвы, и избави нас от всякаго всегубительного и мрачнаго грехопадения, и всех иже озлобити нас ищущих, видимых и невидимых враг. Пригвозди страсе Твоем плоти наша, и не уклони сердец наших в словеса и помышления лукавства, но любовию Твою уязви душа наша, да к Тебе всегда взирающе, и еже от Тебе светом наставляеми, Тебе неприкосновенного и присносущнаго зряще Света, непрестанное Тебе исповедание, и благодарение возсылаем, безначальному Отцу, со единородным Ти Сыном, и с Пресвятым и Благим и Животворящим Ти Духом, ныне и присно и во веки веком, аминь.*

## Третий час

Приходные поклоны

За молитв святых отец наших, Господи Иисусе Христе Сыне Божии, помилуй нас.  
Аминь

Царю небесныи. Трисвятое. И по Отче наш. Молитва Иисусова. Аминь. Господи помилуй (12). Слава, и ныне.

Приидите поклонимся Цареви нашему Богу (поклон).

Приидите поклонимся Христу, Цареви и Богу нашему (поклон).

Приидите поклонимся и припадем к Самому Господу Иисусу Христу, Цареви и Богу нашему (поклон).

### Псалом 16.

Услыши Господи правду мою, вонми моление мое. Внуши молитву мою, не во устнах льстивых. От лица Твоего судьба моя изыдет, очи мои да видите правоты. Искусил еси сердце мое, посетил еси нощию, искусил мя еси, и не обретеся во мне неправда. Яко да не возлаголют уста моя дел человеческих за словеса устен Твоих. Аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услыша мя Боже, приклони ухо Твое ко мне, и услыши глаголы мои. Удиви милости Твоя, спасаяи уповающих на Тя. От противящихся деснице Твоей, сохрани мя Господи, яко зеницу ока. В крове крилу Твою покрыеш мя, от лица нечестивых острастъших мя. Врази мои душу мою удержанаша. Тук свой затвориша, уста их глаголаша гордыню. Изгоняши мя ныне обыдоша мя, очи свои возложиша уклонити на землю. Объяша мя яко лев готов на лов, и яко скимен обитая в сокровищах. Воскресни Господи, предвари я, и запни им; изми душу мою от нечестивых оружия Твоя, от рук враг Твоих. Господи, отмаль от земли раздели я в животе их, и сокровенных Твоих исполнися утроба их. Насытишася сынов, и оставил останки младенцем своим. Аз же праводю явлюся лицу Твоему, насыщуся внегда явитмися слава Твоя.

**Псалом 24.**

К Тебе Господи, воздвигох душу мою. Боже мой, на Тя уповах, да не постыжуся во веки. Ни посмеютмися врази мои, ибо вси терпящии Тя не постыдятся. Да постыдятся беззаконнующии всуе. Пути Твоя Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя Господи, и милости Твоя, яко от века суть. Грех юности моей и невежествия моего не помяни. По милости Твоей помяни мя Ты, ради благости Твоей, Господи. Благ и прав Господь, сего ради закон положит согрешающим на пути. Наставит кроткия на суд, и научит кроткия путем своим. Вси путье Господни, милость и истина, взыскающим завета Его и свидения Его. Ради имени Твоего Господи, очисти грех мой, мног бо есть. Кто есть человек боялся Господа? Закон положит ему на пути, иже изволи. Душа его во благих водворится, и семя его наследит землю. Держава Господь боящимся Его, и завет Его явит им. Очи мои выну ко Господу, яко Той исторгнет от сети нозе мои. Призри на мя и помилуй мя, яко единород и ницъ есмь аз. Скорби сердца моего умножишася, и от бед моих изведи мя. Виждь смиление мое, и труд мой, и отпусти вся грехи моя. Виждь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся яко уповах на Тя. Незлобивии и правии прилепляхуся мне, яко потерпех Тя, Господи. Избави Боже, Израиля от всех скорбей его.

**Псалом 50.**

Помилуй мя Боже, по велицей милости Твоей. И по множеству щедрот Твоих очисти беззаконие мое. Наипаче омы мя от беззакония моего и от греха моего очисти мя. Яко беззаконие мое аз знаю и грех мой предо мною есть выну. Тебе единому согреших и лукавое пред Тобою сотворих. Яко да оправдишися в словесех Своих и победиши всегда судити. Себо в беззакониих зачат есмь и во гресех роди мя мати моя. Се бо истину возлюбил еси, безвестная и тайная премудрости Твоей явил ми еси. Окропиши мя иссопом и очищуся. Омыши мя и паче снега убелюся. Слуху моему даси радость и веселье: возрадуются кости смиренныя. Отврати лицо Твое от грех моих и вся беззакония моя очисти. Сердце чисто созижди во мне Боже, и дух прав обнови во утробе моей. Не отверзи мене от лица Твоего, и Духа Твоего Святаго не отыми от мене. Воздаждь ми радость спасения Твоего и духом владычным утверди мя. Научу беззакония путем Твоим и нечестивии к Тебе обратятся. Избави мя от кровий Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел жертвы, дал бых убо; всесожжения не благоволиши. Жертва Богу — дух сокрушен: сердце сокрушенно и смилено Бог не уничожит. Ублажи Господи, благоволением Твоим Сиона; и да созиждутся стены Иеросалимских. Тогда благоволиши жертву правде, возношение и всесожигаемая. Тогда возложат на олтарь Твой тельца.

Слава, ныне. Аллилуия (трижды). Господи помилуй (трижды): Слава, тропарь дню, или святому. И ныне: Богородице, Ты еси лоза истинная...

*Аще ли есть пост, глаголи сие, на глас 6, трижды: Господи Иже Пресвятыи Свой Дух, в третии час апостолом Своим пославши, того Благии не отими от нас, но обнови нас молящихся.*

Стих: Сердце чисто созижди во мне Боже, и Дух прав обнови во утробе моей.

Стих: Не отверзи мене от лица Твоего, и Духа Твоего Святаго не отыми от мене. И по коемждо стисе: Господи, Иже Пресвятыи Свой Дух... весь до конца. И поклоны три. Посем, Слава, и ныне.

Богородице, Ты еси лоза истинная, возрастившая нам плод животный, Тебе молимся молися Владычице, со святыми апостолы, помиловатися душам нашим.

*Аще ли великий пост, бывает чтение в лествице. По скончании же чтения, псаломщик глаголет: аминь. Господь Бог благословен, благословен Господь день дне. Поспешит нам Бог спасении наших, Бог наш, Бог спасати. Трисвятое. И по Отче наш, кондак дню, или святому, или празднику.*

*Аще ли же пост, глаголем тропари сия, глас 8. Благословен еси, Христе Боже наш, Иже премудры ловцы явлеи, низпослав им Дух Святыи, и теми уловлеи вселенную. Человеколюбче, слава Тебе.*

Слава. Егда сшед языки размеси, разделяше племена Вышний. Егда же огненныя языки раздая, в совокупление вся призыва, единогласно славити Всесвятыи Дух.

И ныне. Надеже и заступнице, и прибежище христианом, и необоримая стено, изнемогающим и труждающимся в пучине, пристанище тихое Ты еси, Пречистая Богородице. Но яко мир избавляеши непрестанною Си молитвою, помяни нас, Дево Всепетая. Господи помилуй (40).

*Посем молитва святаго Великаго Василия: Иже на всяко время, и на всяк час, на небеси и на земли, покланяемыи и славимыи, Боже Благии, долготерпеливе и многомилостиве; Иже праведники любя и грешных милуя; Иже всех зовыи ко спасению, обещания ради будущих благ; сам Господи, приими молитвы наша в час сий, и в благости исправи живот наш, к заповедем Твоим. Душа наша освяти, и телеса очисти, помышления исправи, и мысли очисти, разум уцеломудри и истрезви, и избави нас от всякия скорби, зол и болезней, и душевных страстей, и огради нас святыми ангелы Твоими, яко да ополчением их соблюдаеми и наставляеми, до-стигнем во единство веры, и в разум неприкосновенныя Ти славы, яко благословен еси во веки, аминь.*

Также, Господи помилуй (трижды). Слава, и ныне. Честнейшую херувим, и славнейшую воистину серафим, без истления Бога Слова рождьшую, сущую Богородицу Тя величаем (поклон). Именем Господним благослови, отче. За молитв святых отец наших, Господи Иисусе Христе, Сыне Божии, помилуй нас. Аминь.

Аще есть пост, или кроме поста, егда поем Аллилуя, и творим три поклоны великия, глаголюще молитву святаго Ефрема: Господи и Владыко животу моему.... И прочих поклонов, 12.

*И паки: Господи и Владыко животу моему..., с поклоном.*

И по сем молитва святаго Великаго Василия. Владыко Боже, Отче Вседержителю, и Господи Сыне Единородныи Иисусе Христе, и Святыи Душе. Едино Божество и

едина сила, помилуй мя грешного, и ими же веши судьбами, спаси мя недостойного раба Твоего, яко благословен еси во веки, аминь.

## Первый час

*Начало Первого часа*

*Глаголет псаломщик: Аминь.*

Приидите, поклонимся (трижды, и поклоны три).

### Псалом 5.

Глаголы мои внуши Господи, разумей звание мое. Воньми глас молитвы моей. Царю мой и Боже мой. Яко к Тебе помолюся Господи, заутра услыши глас мой. Заутра предстану Ти, и узриши мя, яко Бог не хотя беззаконие Ты еси. Не приидет к Тебе лукавнуди, не пребудут же законопреступницы пред очима Твоими. Возненавидел еси вся творящия беззаконие, погубиши вся глаголующия лжу. Мужа крови и льстива гнушается Господь. Аз же множеством милости Твоей, вниду в дом Твой. Поклонюся к церкви святей Твоей, во страсе Твоем. Господи, настави мя правдою Твою, враг моих ради, исправи пред Собою путь мой. Яко несть во устех их истины, сердце их суетно. Гроб отверст гортань их, языки своими лъщаху: суди им Боже. Да отпадут от мыслей своих, по множеству нечестия их изрини я, яко прогневаша Тя, Господи. И возвеселятся вси уповающие на Тя, во веки возрадуются и вселившись в них. И похвалятся о Тебе любящии имя Твое, яко Ты благословиши праведника. Господи, яко оружием благоволения венчал еси нас.

### Псалом 89.

Господи, прибежище бысть нам в род и род. Прежде даже горам не быти, и создатися земли и вселенней, от века и до века Ты еси. Не возврати человека во смирение и рекл еси: обратитесь сынове человечествии. Яко тысяща лет пред очима Твоими Господи, яко день вчерашний, иже мимо иде, и стража нощная. Уничиженія их еще будут. Утро яко трава мимо идет, утро процветет и прейдет, на вечер отпадет, ожестеет и исхнет. Яко исчезохом гневом Твоим, и яростю Твою смутихомся. Положил еси беззакония наша перед Собою, век наш в просвещение лица Твоего. Яко вси дни наши оскудеша, и гневом Твоим исчезохом. Лета наша яко паучина паучахуся, дни лет наших, в них же седьмъдесят лет. Аще ли же в силах, осмъдесят лет; и множае их труд и болезнь. Яко прииде кротость на ны, и накажемся. Кто свесть державу гнева Твоего, и от страха Твоего ярость Твою исчести; Десницу Твою тако скажи ми, и окованыя сердцем в мудрости. Обрати Господи, доколе; и умолен буди на рабы Своя. Исполнихомся заутра милости Твоей Господи, и возрадовахомся и возвеселихомся. Во вся дни наша возвеселихомся, задни в няже смирил ны еси; и лета в няже видехом злая. И призри на рабы Своя, и на дела Твоя и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

**Псалом 100.**

Милость и суд воспою Тебе, Господи. Пою и разумею в пути непорочне, когда приидеш ко мне? Прехождах в незлобии сердца моего, посреде дому моего. Не предлагах пред очима моима вещь законопреступну, творящая преступление возненавидех. Не прильпе мне сердце лукаво, уклоняющагося от мене лукаваго не познах. Оклеветающаго тай искреняго своего, сего изгонях. Гордым оком и несытым сердцем, с сим не ядях. Очи мои на верныя земли, посаждати их с со-бою. Ходяи по пути непорочну, сей ми служаше; не живяше посреде дому моего, творяи гордыню. Глаголия неправедная, не исправляше пред очима моими. Во утрия избивах вся грешныя земли, потребити от града Господня вся делающая беззаконие.

Слава, и ныне. Аллилуия (трижды). Господи помилуй (трижды). Слава, тропарь дню или святому. И ныне, богоугодичен: Что Тя наречем...

*Аще ли же пост, поем на глас 6:* Заутра услыши глас мой, Царю мой и Боже мой (трижды), и поклоны три.

Стих. яко к Тебе помолюсь, Господи.

Стих. Глаголы моя внуши Господи, разумей звание мое.

Слава, и ныне, богоугодичен: Что Тя наречем, О! Обрадованная? Небо, яко воси-яла еси Солнце правде. Рай, яко возрастила еси Цвет нетления. Деву, яко пребыла еси нетленна, Чистая; Матерь, яко имела еси на руку Сына всех Бога. Того моли спастися душам нашим.

*Аще ли пост, сия два тропари поем по трижды:* Стопы моя направи по словеси Твоему, и да не одолеет ми всяко беззаконие, избави мя от клеветы человеческия, и сохраню заповеди Твоя. Лице Твое просвети на раба Твоего, и научи мя оправданием Твоим.

Да исполнятся уста моя похвалы, яко да воспою славу Твою, весь день велелепоту Твою.

Тривятое. И по Отче наш, кондак святому, или дневи. Господи помилуй (40).

*Также, молитва Великаго Василия:* Иже на всяко время, и на всяк час, на небеси и на земли, покланяемыи и славимыи, Боже Благии, долготерпеливе и много-милостиве; Иже праведники любя и грешных милуя; Иже всех зовыи ко спасению, обещания ради будущих благ; сам Господи, приими молитвы наша в час сий, и в благости исправи живот наш, к заповедем Твоим. Душа наша освяти, и телеса очисти, помышления исправи, и мысли очисти, разум уцеломудри и истрезви, и избави нас от всякия скорби, зол и болезней, и душевных страстей, и огради нас святыми ангелы Твоими, яко да ополчением их соблюдаеми и наставляеми, достигнем во единство веры, и в разум неприкосновенныя Ти славы, яко благословен еси во веки, аминь.

Также, Господи помилуй (трижды). Слава, и ныне. Честнейшую херувим, и славнейшую воинстину серафим, без истления Бога Слова рождьшую, сущую Богородицу Тя величаем (поклон). Именем Господним благослови, отче. За молитв святых отец наших, Господи Иисусе Христе, Сыне Божии, помилуй нас. Аминь.

*Иерей глаголет:* За молитв святых отец наших... И мы глаголем: Аминь. Также молитва: Христе, Свете истинный... И конечный отпуст.

*Аще ли пост, по Отче наш, глаголются тропари сия, глас 4.* Скоро предвари, даже не поработимся, врази бо хулят Тя, и претят нам, Христе Боже. Но порази Крестом Своим борющихся с нами, да разумеют, колико может православных вера, молитвами Богородицы, едине Человеколюбче.

Слава. Премудрости наставниче, и смыслу давче, немудрым наказателю, и нищим защитителю, утверди и вразуми сердце мое, Владыко. Ты даждь ми слово, еже отчее единородное Слово: се бо устнама моима не возбаню, еже звати Ти: Милостиве, помилуй мя падшаго.

И ныне. Преславную Христову Матерь, и святых ангел святейшу, немолчно воспоех сердцем и устнами, Богородицу Тя исповедающе, яко воистину рожьшую нам Бога воплощена, и молящуюся непрестанно о душах наших.

Господи помилуй (40). Иже на всяко время... Господи помилуй (трижды). Слава, и ныне. Честнейшую херувим... (поклон великий). Именем Господним благослови, отче. За молитв святых отец наших... Аминь. И творим великия поклоны, с молитвою святаго Ефрема. И прочих 12 метаний. И паки вышеписаную молитву: Господи и Владыко животу моему... всю до конца. И поклон един. Посем, Трисвятое. И по Отче наш, Господи помилуй (12).

*Имолитва:* Христе Свете истинныи, иже просвещая и освещая всякаго человека грядущаго в мир, да знаменается на нас свет лица Твоего Господи, яко да в нем ходяще, узрим свет неприкосновенный Ти славы, исправи стопы наша, к деланию заповедей Твоих, молитвами Пречистыя Ти Матере, и всех святых Твоих, яко благословен еси во веки, аминь. Таке, обычный отпуст дня того, и настоящаго святаго.

## Чин обедницы

*По начале Божественных службы, и по первом возгласе, псаломщик глаголет псалом:*

Благослови душе моя Господа.

*Егда же во уставе укажет на литургии антифоны празднику, и тогда часы глаголются все вкупе.*

### Псалом 102.

Благослови, душе моя, Господа, и вся внутреняя моя имя святое Его. Благослови, душе моя, Господа, и не забывай всех воздаянни Его. Очищающаго вся беззакония твоя, исцеляющаго вся недуги твоя. Избавляющаго от истления живот твой, венчающаго тя милостию и щедротами. Исполняющаго во благих желание твое, обновится яко орлу юность твоя. Творяи милостыню Господь, и судьбу всем обидимым. Сказа пути Своя Моисееви, сыновом израилевым хотения Своя. Щедр и милостив Господь, долготерпелив, и многомилостив. Не до конца прогневается, ни в век враждует. Не по беззаконием нашим сотворил есть нам, ни по грехом

нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Яко же щедрит отец сыны, ущедрит Господь боящихся Его. Яко Той позна создание наше, помяну яко персть есмы. Человек, яко трава, дние его, яко цвет сельныи, тако оцветет. Яко дух пройдет в нем и не будет, и не познает к тому места своего. Милость же Господня от века и до века, на боящихся Его. И правда Его на сынех сынов, хранящих завет Его, и помнящих заповеди Его творити я. Господь на небеси уготова престол Свой, и царство Его всеми обладает. Благословите Господа вси ангели Его, сильнии крепостию творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя Господа.

*Аище ли Литургия, глаголем по 2-м возгласе, псалом 145.*

Хвали, душе моя, Господа, восхвалю Господа в животе моем, пою Богу моему дондеже есмь. Не надейтеся на князи на сыны человеческия, в них же несть спасения. Изыдет дух его, и возвратится в землю свою, в той день погибнут вся помышления его. Блажен ему же Бог Ияковль помощник его, упование его на Господа Бога своего. Створшаго небо и землю, море и вся яже в них. Хранящаго истину в век, творящаго суд обидимым, дающаго пищу алчущим. Господь решит окованных, Господь умудряет слепца, Господь возводит низверженныя, Господь любит праведники. Господь хранит пришельца, сира и вдову приемлет, и путь грешных погубит. Воцарится Господь во веки. Бог Твой Сионе в род и род.

Слава, и ныне.

*Клирицы поют:* Единородный Сыне, и Слово Божие, бессмертне сыи, изволивши спасения нашего ради воплотитися от святыя Богородицы и присно Девы Марии непреложно вочеловечивши; распятся, Христе Боже, и смертию на смерть наступивши, Едine сыи Святыя Троицы, спрославляемыи Отцу и Святому Духу, спаси нас.

*По скончании пения глаголет канархист блаженны, по уставу.*

Во царствии Си егда приидеши, помяни нас, Господи. Блажени нищии духом, яко тех есть царство небесное. Блажени плачущии, яко тии утешатся. Блажени кротцыи, яко тии наследят землю. Блажени алчущии и жаждущии правды, яко тии насытятся. Блажени милостивии, яко тии помилованы будут. Блажени чистии сердцем, яко тии Бога узрят. Блажени миротворцы, яко тии сынове Божии нарекутся. Блажени изгнани правды ради, яко тех есть царство небесное. Блажени есте егда поносят вам, и изженут вы, и рекут всяк зол глагол на вы лжуще Мене ради. Радуйтесь и веселитесь, яко мзда ваша многа на небесех. Слава, и ныне.

*Аище ли кроме Божественных литургии, посем чтем: Апостол, и Евангелие.*

*Таже, глаголем:* Помяни нас Господи, егда приидеши во царствии Си (поклон).

Помяни нас Владыко, егда приидеши во царствии Си (поклон).

Помяни нас Святыи, егда приидеши во царствии Си (поклон).

*Лик небесныи поет Тя и глаголет:* свят, свят, свят Господь Саваоф, исполнь небо и землю славы Твоей. Приступите к Нему и просветитесь, и лица ваша не постыдятся.

Лик небесныи поет Тя и глаголет: свят, свят, свят Господь Саваоф, исполнь небо и землю славы Твоей.

Слава. Собор святых ангел и архангел, со всеми небесными силами поет Тя и глаголет: свят, свят, свят Господь Саваоф, исполнь небо и землю славы Твоей.

И ныне. Исповедание православныя веры, Перваго собора.

Верую во единаго Бога Отца, Вседержителя, Творца небу и земли, видимым же всем и невидимым.

И во единаго Господа Иисуса Христа Сына Божия, Единороднаго, иже от Отца рожденного прежде всех век. Света от Света, Бога истинна от Бога истинна, рождена, а не сотворена, единосущна Отцу, Им же вся быша.

Нас ради человек, и нашего ради спасения сшедшаго с небес и воплотившагося от Духа Свята и Марии Девы вочеловечшася.

Распятаго за ны при понтийstem Пилате, страдавша и погребена.

И воскресшаго в третии день по писаниих.

И возшедшаго на небеса, и седяща одесную Отца.

И паки грядущаго со славою судити живым и мертвым, Его же царствию несть конца.

Втораго Собора:

И в Духа Святаго, Господа истиннаго и Животворящаго, иже от Отца исходящаго, иже со Отцем и Сыном спокланяема и сславима, глаголавшаго пророки.

И во едину святую соборную и апостольскую Церковь.

Исповедую едино Крещение во оставление грехов.

Чаю воскресение мертвым.

И жизни будущаго века. Аминь.

*В литургии сие не глаголем:* Ослаби, остави, отпусти Боже, согрешения наша, вольная и невольная, яже в слове и в деле, и яже в ведении и не в ведении, яже во уме и в помышлении, яже во дни в нощи, вся ми прости, яко Благ и Человеколюбец.

*Таже, Отче наш. И по возгласе или молитве Иисусовой глаголются кондаки, прежде храму, и потом дню: таже, святому.*

Слава. Со святыми покой, Христе, душа раб Своих, идеже несть болезни, ни печали, ни вздохания, но жизнь вечная.

И ныне, богородичен: Заступнице христианом непостыдная, Ходатаице ко Творцу непреложная, не презри грешных моления гласы, но предвари яко Блага на помощь нашу, верно вопиющих Ти: ускори на молитву, и потщися на умоление, заступающи присно Богородице чтуящих Тя.

Господи помилуй (12). Таже Всесвятая Троице.

*Аще ли пост великии, глаголется:* Господи помилуй (40). Слава, и ныне. Честнейшую херувим (поклон великий). Именем Господним благослови, отче. За молитв святых отец наших... Аминь. И сотворяем три великия поклоны с молитвою: Господи и Владыко животу моему. И прочих метаний (12). Посем, Трисвятое.

*И по Отче наш:* Господи помилуй (12).

*Таже, сию молитву:* Всесвятая Троице единосущная, неодержимая держава, и неразделимое царство, яже всем благим виновна, благоволи в настоящии сей час о

мне грешнем, и вся ми омый скверны, и просвети ми смысл, яко да всегда воспеваю Тя, и славословлю и глаголю: един Свят, един Господь Иисус Христос, в славу Богу Отцу, аминь.

Буди имя Господне благословено от ныне и до века (трижды с поклонами).

Слава, и ныне.

**Также, псалом 33.**

Благословлю Господа на всяко время, выну хвала Его во устех моих. О Господе похвалится душа моя, да услышат кротцы и возвеселятся. Возвеличите Господа со мною, и вознесем имя Его вкупе. Взысках Господа и услыша мя, и от всех скорбий моих избави мя. Приступите к Нему и просветитесь и лица ваша не постыдятся. Се нищии возва, и Господь услыша и, и от всех скорбий его спасе и. Ополчится ангел Господень окрест боящихся Его, и избавит их. Вкусите и видите, яко благ Господь, блажен муж, иже уповаєт Нань. Бойтесь Господа вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся от всякаго блага. Приидите чада послушайте мене, страху Господню научу вас. Кто есть человек хотяи живот, любяи дни видети благи; Удержи язык свой от зла, и устне свои еже не глаголати лъсти. Уклонися от зла, и сотвори благо, взыщи мир, и пожени и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Возваша праведнии, и Господь услыша их, и от всех печалей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, и не едина от них сокрушится. Смерть грешником люта, и ненавидящии праведнаго прегрешат. Избавит Господь душа раб Своих, и не прегрешат вси уповающие Нань.

Достойно есть, яко воистину блажити Тя, Богородице, присноблаженную и пре-непорочную, и Матерь Бога нашего. Честнейшую херувим, и славнейшую воистину серафим, без истления Бога Слова рождьшую, сущую Богородицу, Тя величаем. И поклон до земли вси равно. Слава, и ныне. Господи помилуй (дважды). Господи благослови. И три поклона.

*Также, отпусте же клирицы поют: Аминь. Многолетны соблюди Господи, и помилуй державу Российскую, спаси Господи, и помилуй господина нашего Преосвященнейшего Митрополита (имя рек) и отец наших духовных, и вся христианы Господи, спаси.*

Господи помилуй (трижды).

*И обычные исходные поклоны.*

## Утреня

*По обычнем начале глаголем:*

За молитв святых отец наших, Господи Иисусе Христе, Сыне Божии, помилуй нас. Аминь. Трисвятое. И по Отче наш. Молитва Иисусова. Аминь. Господи помилуй, (12). Слава и ныне. Приидите, поклонимся (трижды с поклонами).

**Псалом 19.**

Услышит тя Господь в день печали, защитит тя имя Бога Иаковля. Послет ти помощь от Святаго, и от Сиона заступит тя. Помянет всяку жертву твою, и вся сожжения твоя тучна буди. Дасть ти Господь по сердцу твоему, и весь совет твой исполнит. Возрадуемся о спасении нашем, и во имя Господа Бога нашего возвеличимся. Исполнит Господь вся прошения твоя, ныне познах, яко спасл есть Господь христа Своего. Услышит его с Небесе святаго Своего, в силах спасение десница Его. Сии на колесницах и сии на конех, мы же во имя Господа Бога нашего призовем. Тии спяти быша и падоша, мы же востахом и исправихомся. Господи, спаси царя и услыши ны, вонь же день аще призовем Тя.

**Псалом 20.**

Господи, силою Твою возвеселится царь, и о спасении Твоем возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дний, в век века. Велия слава его спасением Твоим, славу и велелепие возложиши на нань. Яко даси ему благословение в век века, возвеселиши его радостию с лицем Твоим. Яко царь уповаает на Господа, и милостию Вышняго не подвижится. Обрящется рука Твоя всем врагом Твоим, десница Твоя обрящет вся ненавидящия Тебе. Яко положиши их яко пещь огненную во время лица Твоего, Господь гневом Своим смутит я, и снести их огнь. Плод их от земли погубиши, и семя их от сынов человеческих. Яко уклониша на Тя злая, помыслиша советы, их же не возможоша составити. Яко положиши я хребет во избытцах Своих, уготоваши лице их. Вознесися, Господи, силою Твою, воспоешь и поем силы Твоя.

Слава, и ныне. Трисвятое. И по Отче наш. Тропари сия, глас 1. Спаси Господи, люди Своя и благослови достояние Свое, победы державе Российской на сопротивныя даруй, и Своя сохраняя Крестом люди.

Слава. Вознесыся на Крест волею, тезоименитому ныне граду Твоему, щедроты Твоя даруй, Христе Боже. Возвесели силою Свою державу Российскую, победы дая ей на сопостаты, пособие имущу Твое оружие, миру непобедимую победу.

И ныне. Предстательнице страшная и непостыдная, не презри Благая молитв наших. Всепетая Богородице, утверди православных житие и спаси державу Российскую, подай же ей небесную победу Богом, Его же родила еси, едина Благословленная. Господи помилуй (12). Слава Отцу и Сыну и Святому Духу, и ныне, и присно, и во веки веком. Аминь.

Слава в выших Богу, и на земли мир, в человеках благоволение (трижды без поклонов).

Таже: Господи, устне мои отверзеши и уста моя возвестят хвалу Твою (дважды).

И глаголет екса псалмы, легко, с тихостию и со всяkim вниманием и страхом Божиим, яко к самому Богу беседуя невидимо, и о своих грехах умоляя Его. Братия же стоят руце имуще согбени к персем, главы же мало преклонены.

**Псалом 3.**

Господи, чтося умножиша стужающии ми, мнози востают на мя. Мнози глаголют души моей: несть спасения ему о Бозе его. Ты же Господи, заступник мой еси, слава моя, и вознося главу мою. Гласом моим ко Господу возвах, и услыша мя от горы святыя Своея, Аз уснух и спах; востах, яко Господъ заступит мя. Не убоюся от тем людей, окрест нападающих на мя. Воскресни Господи, спаси мя, Боже мой. Яко Ты порази вся враждующия ми всуе, зубы грешником сокрушил еси. Господне есть спасение, и на людех Твоих благословение Твое. Аз уснух и спах; востах, яко Господъ заступит мя.

**Псалом 37.**

Господи, не яростию Твою обличи мене, ни гневом Твоим покажи мене. Яко стрелы Твоя унзонаша ми, и утвердил еси на мне руку Твою. Несть исцеления в плоти моей, от лица гнева Твоего; несть мира в костех моих, от лица грех моих. Яко беззакония моя превзыдоша главу мою, яко бремя тяжко отяготеша на мне, возсмердеша и согнишася раны моя, от лица безумия моего. Пострадах и смирихся до конца, весь день сетую хождах. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от вздохания сердца моего. Господи, пред Тобою все желание мое, и вздохание мое от Тебе не утаится. Сердце мое смутился, остави мя сила моя, и свет очию моему, и той несть со мною. Друзи мои, и искрении мои, прямо мне приближишася, и сташа. И ближний мои отдалече мене сташа, и нуждахуся, ищущии душу мою, и ищущии злая мне: глаголаху суэтная и льстивная, весь день поучахуся. Аз же яко глух: не слыхах; и яко нем: не отверзая уст своих. И бых яко человек не слыша, и не имыи во устех своих обличения. Яко на Тя Господи, уповах, Ты услышиши, Господи Боже мой. Яко рех: да некогда порадуютмися врази мои, и внегда подвижатися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу, и попекуся о грехе моем. Врази же мои живут, и укрепишаясь паче мене, и умножишаясь ненавидящии мя без правды. Воздающие ми зла возлагая, оболгаху мя: зане гонях благостыню. Не остави мене Господи Боже мой, не отступи от мене. Воньми в помощь мою, Господи спасения моего. Не остави мене, Господи Боже мои, не отступи от мене. Воньми в помощь мою, Господи спасения моего.

Не остави мене, Господи Боже мои, не отступи от мене. Воньми в помощь мою, Господи спасения моего.

**Псалом 62.**

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пусте и непроходне и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похвалите Тя. Тако благословлю Тя в животе моем, о имени Твоем воздежу руце мои. Яко от туха и масти исполниша душа моя, и устне радости восхвалят Тя уста моя. аще поминах Тя на постели моей, на утрених поучахся в Тя. Яко бысть Помощник мой, и в крове крилу Твою возврадуюся. Прильпе душа моя по Тебе, мене же прият десница Твоя. Тии же всуе искаша душу мою, внидут в преисподняя

земли. Предадятся в руки оружию, части лисовом будут. Царь же возвеселится о Бозе, похвалится всяк кленыиця Им. Яко заградишиася уста глаголющих неправду.

На утрених поучахся в Тя. Яко бысть Помощник мой, и в крове крилу Твою возрадуюся. Прильпе душа моя по Тебе, мене же прият десница Твоя.

Слава, и ныне. Аллилуия, Аллилуия, слава Тебе, Боже (трижды, без поклонов). Господи помилуй (трижды). Слава, и ныне.

### Псалом 87.

Господи Боже спасения моего, во дни возвах и в нощи пред Тобою. Да внидет пред Тя молитва моя, приклони ухо Твое к молению моему. Яко исполнился зол душа моя, и живот мой аду приближися. Привменен бых с низходящими в ров, бых яко человек без помощи в мертвых свободъ. Яко язвени спящий во гробех, их же не помянул еси к тому и тии от руки Твоей отриновени быша. Положиша мя в рове преисподнем, в темных и сени смертней. На мне утвердиася ярость Твоя, и вся волны Твоя наведе на мя. Удалил еси знаемых моих от мене, положиша мя мерзость себе, предан бых и не исхождах. Очи мои изнемогосте от нищеты. Возвах к Тебе Господи, весь день, воздух к Тебе руце мои. Еда мертвыми твориши чудеса? ли врачеве воскресят и исповедятся Тебе? Еда повесть кто во гробе милость Твою, и истину Твою в погибели? Еда познана будут во тме чудеса Твоя, и правда Твоя в земли забвенней? Аз к Тебе Господи, возвах и утро молитва моя предварит Тя. Вскую Господи, отреши душу мою? отвращающи лицо Свое от мене. Нищъ есмъ аз, и в трудех от юности моей, вознес же смирихся и изнемогох. На мне преидоша гневи Твои, устрашения Твоя возмутиша мя. Обыдоша мя яко вода, весь день одержаша мя вкупе. Удалил еси от мене друга и искреняго, и знаемых моих от страстей.

Господи Боже спасения моего, во дни возвах и в нощи пред Тобою. Да внидет пред Тя молитва моя, приклони ухо Твое к молению моему.

### Псалом 102.

Благослови, душе моя, Господа, и вся внутреняя моя имя святое Его. Благослови, душе моя, Господа, и не забывай всех воздаяніи Его. Очищающаго вся беззаконія твоя, исцеляющаго вся недуги твоя. Избавляющаго от истления живот твой, венчающаго тя милостию и щедротами. Исполняющаго во благих желание твое, обновится яко орлу юность твоя. Творяи милостыню Господь, и судьбу всем обидимым. Сказа пути Своя Моисеови, сыновом израилевым хотения Своя. Щедр и милостив Господь, долготерпелив, и многомилостив. Не до конца прогневается, ни в век враждует. Не по беззаконіем нашим сотворил есть нам, ни по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззаконія наша. Яко же щедрит отец сыны, ущедрит Господь боящихся Его. Яко Той позна создание наше, помяну яко перстъ есмы. Человек, яко трава, дние его, яко цвет сельныи, тако оцветет. Яко дух пройдет в нем и не будет, и не познает к тому места своего. Милость же Господня от века и до века, на боящихся Его. И правда Его на сынех сынов, хранящих завет Его, и помнящих заповеди Его творити

я. Господь на небеси уготова престол Свой, и царство Его всеми обладает. Благословите Господа все ангели Его, сильни крепостию творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя Господа.

На всяком месте владычествия Его, благослови душе моя Господа.

### Псалом 142.

Господи, услыши молитву мою, внуши моление мое воистине Твоей, услыши мя в правде Твоей. И не вниди в суд с рабом Твоим, яко не оправдится пред Тобою всяк живый. Яко погна враг душу мою, и смирил есть в земли живот мой. Посадил мя есть в темных, яко мертвяя веку и уны во мне дух мой, во Мне смутился сердце мое. Помянух дни древния, поучихся во всех делах Твоих, и в делах руку Твою поучахся, воздех к Тебе руце мои, душа моя, яко земля безводная Тебе. Скоро услыши мя Господи, исчезе дух мой. Не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне Господи, путь, воньже пойду, яко к Тебе взях душу мою. Изми мя от враг моих, Господи, к Тебе прибегох. Научи мя творити волю Твою, яко Ты еси Бог мой. Дух Твой благии наставит мя на землю праву. Имене Твоего ради Господи, живиши мя, правою Твою изведеши от печали душу мою. И милостию Твою потребиши враги моя, и погубиши вся стужающая души моей, яко аз раб Твой есмь.

Услыши мя в правде Твоей Господи, услыши, и не вниди в суд с рабом Твоим. Дух Твой Благии наставит мя на землю праву.

Слава, и ныне. Аллилуия, Аллилуия, слава Тебе, Боже (трижды, с поклонами). Господи помилуй (12). Слава, и ныне.

Также, Бог Господь и явися нам, благословен грядыи во имя Господне.

Стих 1. Исповедайтесь Господеви, яко благ, яко в век милость Его.

Стих 2.

Обыщедше обыдоша мя, и именем Господним противляхся им.

Стих 3.

Не умру, но жив буду, и повем дела Господня.

Стих 4.

Камень, Его же небрегоша зиждущии, Сей бысть во главу углу, от Господа бысть Сей, и есть дивна во очию нашею.

Также тропарь дню, или святому, или празднику.

Аще ли пост, поется Аллилуия, на глас октая. Стихи же глаголем:

Стих 1.

От нощи утренюет дух мой к Тебе, Боже.

Стих 2.

Правде научитесь живущии на земли.

Стих 3.

Господи Боже наш, мир даждь нам, вся бо воздал еси нам.

Стих 4.

Тако быхом возлюбленному Твоему.

Также троичны во октаи, и обычна стихология, и седальны, и прочая по уставу.

**Также, псалом 50.**

Помилуй мя Боже...

*Посем песни пророческия и каноны. На 9 песни канона поем песнь Пресвятей Богородице (от Луки, начало 4): Величит душа моя Господа, и возрадовася дух мой о Бозе Спасе моем (правый лик). И по коемждо стисе припеваем: Честнейшую херувим, и славнейшую воистину серафим, без истления Бога Слова рождьшую, сущую Богородицу Тя величаем. И поклон до земли. Аще ли неделя, или празднество, поклоны творим малыя, токмо последний поклон земный.*

Яко призре на смиление Рабы Своея, се бо от ныне блажат Мя вси роди (левый лик). Яко сотвори мне величие Сильныи, и свято имя Его, и милость Его в род и род на боящихся Его (правый лик).

Сотвори державу мышцею Свою, расточи гордия мысли сердца их (левый лик). Низложи сильныя со престол и вознесе смиренныя, алчущия исполни благ, и богатящаяся отпусти тща (правый лик).

Восприят Израиля отрока Своего, помянути милости, якоже глагола ко отцем нашим, Аврааму и семени его до века (левый лик).

*Также, песнь 9-я канонов. По 9-й песни оба лика совокупльшеся поем: Достойно есть, и творим поклон вси вкупе до земли. Также, ектения малая. Аще ли неделя; поем на глас октая: Свят Господь Бог наш (трижды), также светилен.*

**Посем, псалом 148.**

Хвалите Господа с небес, хвалите Его в вышних. Хвалите Его вси ангели Его. Хвалите Его вся силы Его. Хвалите Его солнце и луна, хвалите Его вся звезды и свет. Хвалите Его небеса небес и вода яже превыше небес, да восхвалят имя Господне. Яко Той рече, и быша; Той повеле, и создашася. Постави я в век и в век века. Повеление положи, и не мимо идет. Хвалите Господа от земли, змиеve и вся бездны. Огнь, град, снег, голоть, дух бурен, творящая слово Его. Горы и вси холми, древа плодоносна и вси кедри. Зверие и вси скоти, гади и птицы пернаты. Царие земстии и вси людие, князи и вси судии земстии. Юноши и девы, старцы с юнотами, да восхвалят имя Господне. Яко вознесеся имя Того единаго. Исповедание Его на земли и на небеси, и вознесет рог людей Своих. Песнь всем преподобным Его, сыновом израилевом, людем приближающимся Ему.

**Псалом 149.**

Воспойте Господеви песнь нову, хваления Его в церкви преподобных. Да веселится Израиль о сотворшем Его, и сынове Сиона возрадуются о Цари своем. Да восхвалят имя Его в лице, в тимпане и псалтыри да поют Ему. Яко благоволит Господь в людех Своих, и вознесет кроткия во спасение. Восхвалятся преподобнии во славе, и возрадуются на ложах своих. Возношения Божия в гортани их, и мечи обоюду остры в руках их. Створити отмщение во языщех, обличение в людех. Связати царя их путы, и славныя их ручными оковы железными. Створити в них суд написан, слава си есть всем преподобным Его.

**Псалом 150.**

Хвалите Бога во святых Его, хвалите Его во утвержении сил Его. Хвалите Его на силах Его, хвалите Его по премногому величествию Его. Хвалите Его во гласе трубнем, хвалите Его во псалтыри и гуслях. Хвалите Его в тимпане и лице, хвалите Его во струнах и органах. Хвалите Его в кимвалех доброгласных, хвалите Его в кимвалех восклицания. Всяко дыхание да хвалит Господа.

*Таже, стихеры хвалитныя, и Слава, и И ныне по уставу. Посем глаголем:* Слава показавшему нам свет, и прочая. Аще ли на хвалитех стихер нет и мы глаголем: Тебе слава подобает, Господи Боже наш, и Тебе славу возсылаем, Отцу и Сыну и Святому Духу, и ныне и присно и во веки веком, аминь. Слава показавшему нам свет.

Слава в вышних Богу, и на земли мир, в человецех благоволение. Хвалим Тя, благословим Тя (поклон), кланяемтися, славословим Тя (поклон), благодарим Тя великия ради славы Твоей (поклон). Господи Царю небесныи, Боже Отче Вседержителю, и Господи Сыне Единородныи Иисусе Христе, и Святыи Душе: Господи Боже, Агньче Божии, Сыне Отечъ, вземляи грехи мира, помилуй нас. Вземляи грехи мира, приеми молитвы наша. Седяи одесную Отца, помилуй нас. Яко Ты един свят, Ты един Господь Иисус Христос, в славу Богу Отцу, аминь. На всяку нощь благословлю Тя, и восхвалю имя Твое во веки, и в век века. Господи, Прибежище бысть нам, в род и род. Аз рех: Господи, помилу мя и исцели душу мою, яко согреших Тебе. Господи, к Тебе прибегох, научи мя творити волю Твою, яко Ты еси Бог мой, яко от Тебе есть источник живота, во свете Твоем узрим свет. Пробави милость Твою ведущим Тя. Сподоби Господи, в нощь сию без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь. Буди Господи, милость Твоя на нас, якоже уповахом на Тя. Благословен еси Господи, научи нас оправданием Твоим. Благословен еси Владыко, вразуми нас оправданием Твоим. Благословен еси Святыи, просвети нас оправданием Твоим. Господи, милость Твоя во веки, и дела руку Твою не презри. Тебе подобает хвала, Тебе подобает пение. Тебе слава подобает: Отцу и Сыну и Святому Духу, ныне и присно и во веки веком, аминь.

*Посем ектения.* Исполним заутрения. Таже, на стиховне стихеры. Посем: Слава, и ныне, Богородичен.

*Таже:* Благо есть исповедатися Господеви, и пети имени Твоему, Вышний, возвещати заутра милость Твою, и истину Твою на всякую нощь. Аще есть пост, глаголем дважды. Таже, Трисвятое. И по Отче наш, тропарь дню, или святому по уставу, и ектения и по возгласе глаголет псаломщик: Аминь. Приидите, поклонимся, трижды. И псалмы Перваго часа. И прочее. И отпуст.

*Аще ли пост, то глаголем по Отче наш тропари сии:* В церкви стояще славы Твоей, на небеси стояти мнимся, Богородице дверь небесная, отверзи нам двери милости Твоей. Господи помилуй (40). Господи благослови. Господи Иисусе Христе Сыне Божии, помилуй нас. Глаголем: Аминь. Небесныи Царю, державу нашу укрепи, веру утверди, языки укроти, мир умири, и святыи храм сей добре сохрани, и прежде отшедшия отцы и братию нашу в кровех с праведными учини и нас в православней

вере и в покаянии, Господи, приими и помилуй, яко Благ и Человеколюбец. Также, Господи помилуй (трижды). Слава, и ныне. Честнейшую херувим, и славнейшую воистину серафим, без истления Бога Слова рождьшую, сущую Богородицу Тя величаем (поклон великий). Именем Господним благослови, отче.

*И творим великия поклоны, с молитвою святаго Ефрема, якоже предуказася на вседневней полунощнице.*

*И аbie начинаем первый час.*

## Девятый час

Приидите, поклонимся (трижды, и поклоны три)

### Псалом 83.

Коль возлюблена села Твоя, Господи сил, желает и скончевается душа моя во дворы Господня. Сердце мое и плоть моя возрадовастася о Бозе живе. Ибо птица обрете себе храмину, и горлица гнездо себе, идеже положи птенцы своя. Олтари Твоя, Господи Боже сил, Царю мой и Боже мой. Блажени живущии в дому Твоем, в век века восхвалят Тя. Блажен муж ему же есть заступление его от Тебе. Восхождения в сердцы своем положи, во юдоли плачевне, в месте идеже положи. Ибо благословение даст закон даяи. Пойдут от силы в силу, явится Бог богом в Сионе. Господи Боже сил, услыши молитву мою, внуши Боже Иаковль. Защитниче наш, виждь Боже, и призри на лице Христа Твоего. Яко лучше день един во дворех Твоих, паче тысячи. Изволих приметатися в дому Бога моего паче, неже жити ми в селех грешничих. Яко милость и истину любит Господь. Бог благодать и славу даст. Господь не лишит блага, ходящих незлобием. Господи Боже сил, блажен человек уповаяи на Тя.

### Псалом 84.

Благоволил еси Господи, землю Твою, возвратил еси плен Иаковль Оставил еси беззакония людем Твоим, покрыл еси вся грехи их. Укротил еси весь гнев Твой, возвратил еси от гнева ярости Твоей. Возврати нас, Боже спасении наших, и возврати ярость Твою от нас. Еда во веки прогневаешися на ны, или простреши гнев свой от рода в род. Боже, Ты обращъ живиши ны, и людие Твои возвеселятся о Тебе. Яви нам Господи, милость Твою, и спасение Твое дажь нам. Услышу, что речет о мне Господь Бог; яко речет мир на люди Своя и на преподобныя Своя, и на обращающаяся сердца к Нему. Обаче близ боящихся Его, спасение Его, вселити славу в землю нашу. Милость и истина сретостеся, правда и мир облобызастася. Истина от земли восия, и правда с небесе приниче. Ибо Господь даст благость, и земля наша даст плод свой. Правда пред Ним предъидет, и положит в путь стопы своя.

### Псалом 85.

Приклони Господи, ухо Твое и услыши мя, яко нищ и убог есмь аз. Сохрани душу мою, яко преподобен есмь, спаси раба Твоего, Боже мой, уповающаго на Тя. Помилуй мя Господи, яко к Тебе воззову весь день. Возвесели душу раба Твоего,

яко к Тебе взях душу мою. Яко Ты Господи, благ, и долготерпелив, и многомилостив всем призывающим Тя. Внуши Господи, молитву мою, и воными гласу моления моего. В день печали моей возвах к Тебе, яко услыша мя. Несть подобен Тебе в бозех Господи, и несть по делом Твоим. Вси языцы елико сотвори приидут, и поклонятся пред Тобою Господи, и прославят имя Твое. Яко велии еси Ты, и творяи чудеса, Ты еси Бог един. Настави мя Господи, на путь Твой, и пойду во истине Твоей: да возвеселится сердце мое, боятися имене Твоего. Исповемся Тебе, Господи Боже мой, всем сердцем моим, и прославлю имя Твое в век. Яко милость Твоя велия на мне, и избави душу мою от ада преисподняго. Боже, законопреступницы восташа на мя, и сонм державных взыскаша душу мою, и не предложиша Тебе пред собою. И Ты Господи Боже мой, щедр и милостив, долготерпелив и многомилостив и истинен. Призри на мя и помилуй мя, дажь державу Твою отроку Твоему, и спаси сына рабы Твоей. Сотвори со мною знамение во благо, и да видят ненавидящии мя и постыдятся; яко Ты Господи, поможе ми, и утешил мя еси.

Слава, и ныне. Аллилуия (трижды). Господи помилуй (трижды). Тропарь по уставу.

*Аще ли же пост, глаголем сий тропарь, глас 8:* Иже в девятый час, нас ради плотию смерть вкусивши, умертии плоти наша мудрование, Христе Боже, спаси нас.

*Стих 1:*

Да приближится молитва моя пред Тя Господи, по словеси Твоему вразуми мя.

*Стих 2:*

Да внидет прошение мое перед Тя Господи, по словеси Твоему избави мя.

Слава, и ныне. Иже нас ради рождеиша от Девы, и распятие претерпев Благии, испровергии смертию смерть, и воскресение явль яко Бог, не презри их же созда рукою Свою, яви человеколюбие Свое Милостише, приими рождьшую Тя Богородицу, молящуся заны, и спаси, Спасе наш, люди согрешьшия.

*Аще ли пост, бывает чтение. Также:* Не предаждь нас до конца, имене Твоего ради, и не разори завета Твоего, и не отстави милости Твоей от нас, Авраама ради возлюбленного от Тебе, и за Исаака раба Твоего, и Израиля святаго Твоего. Также, Трисвятое. И по Отче наш, кондак дню, или святыму.

*Аще ли же пост, глаголем тропари сия, глас 8:* Видя разбойника Начальника жизни на Кресте висяща, и глаголаше: аще небы Бог был воплощъся, Иже с нами распнылся, небы солнце лучи свои потаило, ниже земля трепещуща тряслася, но Иже за вся терпяи, помяни мя Спасе, егда приидеши во царствии Си.

Слава. Посреди двою разбойнику мерило праведное обретеся Крест Твой: овому убо низходящу во ад тяготою хуления, другому же легчащуся от грех к разуму богословия. Христе Боже, слава Тебе.

И ныне. Агнца и пастыря и Спаса миру, на Кресте зрящи рождьшная Тя, глаголаше слезящии: мир убо радуется, приемля Тобою избавление, утроба же Моя горит, зрящи Твое распятие, еже за всех терпиши, Сыне и Боже мой.

*Также, Господи помилуй (40).* Иже на всяко время... Господи помилуй (трижды). Слава, и ныне. Честнейшую херувим... Именем Господним благослови, отче. За

молитв святых отец наших... Аминь. И сотворяем три великия поклоны, со обычною молитвою: Господи и Владыко животу моему... И прочих метаний (12). Посем молитва. Владыко Боже, Отче Вседержителю...

*Аще ли великий пост, и мы по поклонех молитвы:* Владыко Боже, Отче... не глаголем, но поем на оба лика: Во царствии Си...

*Аще ли кроме поста, глаголем молитву сию:* Владыко, Господи Иисусе Христе, Боже наш, долготерпеливе о наших согрешениих, даже и до нынешняго часа приведыи нас, воньже на животворящем древе вися, благоразумному разбойнику, Иже в рай путь сотворил еси вход, и смертию смерть разрушил еси, очисти нас грешных, и недостойных раб Твоих. Согрешихом бо и беззаконновахом, и несмы достойни взвести очию нашею, и возрети на высоту небесную, зане же оставихом путь правды Твоей, и ходиход в волях сердец наших, но молим Твою благость: пощади нас Господи, по множеству милости Твоей, и спаси нас имене Твоего ради святаго, яко исчезоша в суете дние наши. Изми нас из руки сопротивнаго, и остави нам прегрешения наша, и умертви плотьское наше мудрование, да ветхаго отложивше человека, и в новаго облещемся, и Тебе поживем, нашему Владыце и Благодателю, и тако Твоим повелением последующе, в вечныи покой достигнем, идеже есть всем веселящимся жилище. Ты бо еси воистину истинное веселье, и радость любящим Тя, Христе Боже наш, и Тебе славу возсылаем, со безначальным Ти Отцем, и с Пресвятым и Благим и Животворящим Ти Духом, ныне и присно и во веки веком, аминь.

## Павечерница великая

Начало Великия павечерницы.

Певаема бывает в Великии пост, и в пост святых Апостол, и в пост Святыя Богородицы, и в пост Рожества Христова, егда есть Аллилуия, с поклоны.

По обычнем начале глаголем:

За молитв святых отец наших, Господи Иисусе Христе, Сыне Божии, помилуй нас.

Аминь.

Царю Небесныи. Трисвятое. И по Отче наш.

Молитва Иисусова.

Господи помилуй (12).

Слава, и ныне.

Приидите, поклонимся (трижды).

*Аще ли есть первая неделя Великаго поста, глаголем, псалом 69:*

Боже, в помощь мою воньми. Господи, помоши ми потущися. Да постыдятся и посрамятся ищащии душу мою. Да возвратятся вспять и постыдятся, мыслящии ми злая. Да возвратятся аbie стыдящиеся, глаголущии ми: благо же, благо же. Да возврадуются и возвеселятся о Тебе, вси ищащии Тебе Боже, и глаголют выну: да

возвеличится Господь, любящий спасение Твое. Аз же нищъ есмъ и убог, Боже помози ми. Помощник мой и Избавитель мой еси Ты. Господи, не закосни.

Посем канон святаго Андрея Критскаго.

По каноне же глаголем псалом, 4-й Внегда возвах.

Аще ли кроме первыя недели святаго поста по изглаголании: Приидите, поклонимся, глаголем сия псалмы.

Внегда возвах, услыша мя Боже правды моей, в скорби распространил мя еси. Ущедри мя, и услыши молитву мою. Сынове человечестии, доколе тяжкосердии; вскую любите суетная, и ищете лжи; И уведите, яко удиви Господь преподобного Своего, Господь услышит мя внегда взову к Нему. Гневайтесь и не согрешайте, яже глаголете в сердцах ваших, на ложах ваших умилитеся. Пожрите жертву правды, и уповайте на Господа, мнози глаголют: кто явит нам благая? Знаменася на нас свет лица Твоего Господи, дал еси веселье в сердцы моем. От плода пшеницы, вина и елея своего умножиша. В мире вкупе усну и почию, яко Ты Господи, единаго на упование вселил мя еси.

### Псалом 6.

Господи, да не яростю Твою обличиши мене, ниже гневом Твоим покажеши мене. Помилуй мя Господи, яко немощен есмъ, исцели мя Господи, яко смущаешься кости моя. И душа моя смущаётся зело, и Ты Господи, доколе? Обрати Господи, изми душу мою, спаси мя ради милости Твоей. Яко несть в смерти поминания Тебе, во аде же кто исповестътися? Утрудихся воздыханием моим, измыю на всяку нощь ложе мое, слезами моими постелю мою омочу. Смущаётся от ярости око мое, обеташ во всех вразех моих. Отступите от мене вси творящии беззаконие, яко услыша Господь глас плача моего. Услыша Господь моление мое, Господь молитву мою прият. Да постыдятся и смятутся вси врази мои, возвратятся и устыдятся зело вскоре.

### Псалом 12.

Доколе Господи, забудеши мя до конца? Доколе отвращаешь лицо Свое от мене? Доколе положу советы в души моей, болезни в сердцы моем день и нощь? Доколе вознесется враг мой на мя? Призри и услыши мя, Господи Боже мой. Просвети очи мои да некогда усну в смерть, да некогда речет враг мой: укрепихся нань. Стужающии ми возрадуются, аще ся подвижу, аз же на милость Твою уповаш. Возрадуется сердце мое о спасении Твоем, воспою Господеви благодеявшему мне, и пою имени Господню Вышнему.

Слава, и ныне.

Аллилуия, Аллилуия, слава Тебе, Боже (трижды и поклоны три).

Господи помилуй (трижды). Слава, и ныне.

### Псалом 24.

К Тебе Господи, воздвигох душу мою, Боже мой, на Тя уповах, да не постыжуся во веки. Ни посмеютмися врази мои, ибо вси терпящии Тя не постыдятся. Да постыдятся беззаконнующии все. Пути Твоя Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя Господи, и милости Твоя, яко от века суть.

Грех юности моей, и невежествия моего не помяни, по милости Твоей помяни мя Ты, ради благости Твоей, Господи. Благ и прав Господь, сего ради закон положит согрешающим на пути. Наставит кроткия на суд, и научит кроткия путем Своим. Вси путье Господни милость и истина, взыскающим завета Его и свидения Его. Ради имени Твоего Господи, и очисти грех мой, мног бо есть. Кто есть человек боялся Господа; закон положит ему на пути иже изволи. Душа его во благих водворится, и семя его наследит землю. Держава Господь боящимся Его, и завет Его явит им. Очи мои выну ко Господу, яко Той исторгнет от сети нозе мои. Призри на мя и помилуй мя, яко единород и нищъ есмъ аз. Скорби сердца моего умножиша, и от бед моих изведи мя. Виждь смирение мое и труд мой, и отпусти вся грехи моя. Виждь враги мои, яко умножиша, и ненавидением неправедным возненавидеша мя. Сохрани душу мою и избави мя, да не постыжуся, яко уповах на Тя. Незлобивии и правии прилепляхуся мне, яко потерпех Тя, Господи. Избави Боже, Израиля от всех скорбий его.

### Псалом 30.

На Тя Господи, уповах, да не постыжуся во веки, правою Твою избави мя, и изми мя. Приклони ко мне ухо Твое, ускори изъяти мя. Буди ми в Бог защититель, и в дом прибежища спаси мя. Яко держава моя и прибежище мое еси Ты, и имене Твоего ради наставиши мя, и препитаеш мя. Исторгнеш мя от сети сея, юже скрыша ми, яко Ты еси Защититель мой, Господи. В руце Твои предаю дух мой, избавил мя еси, Господи Боже истине. Возненавидел еси хранящия суетная затщее, аз же на Господа уповах. Возрадуюся и возвеслюся о милости Твоей, яко призрел еси на смирение мое, спасл еси от бед душу мою. И неси мене затворил в руках вражиих, поставил еси на пространне нозе мои. Помилуй мя Господи, яко скорблю, смутился от ярости око мое, душа моя и утроба моя. Яко исчезе в болезни живот мой, и лета моя в вздоханиях, изнеможе нищетою крепость моя, и кости моя смущащася. От всех враг моих бых поношение, и соседом моим зело, и страх знаемым моим. Видящий мя вон бежаша от мене, забвен бых яко мертв от сердца. Бых яко сосуд погублен, яко слышах гаждение многих живущих окрест, внегда собратися им вкупе на мя, прияти душу мою совещаша. Аз же на Тя Господи, уповах, рек: Ты еси Бог мой, в руку Твою жребии мои. Избави мя из руки враг моих, и от гонящих мя. Просвети лицо Твое на раба Твоего, спаси мя милостию Твою Господи, да не постыжуся, яко призывах Тя. Да постыдятся нечестивии, и снайдут во ад. Немы да будут устны льстивыя, глаголующия на праведного беззаконие, гордынею и уничижением. Коль много множество благости Твоей Господи, юже скрыл еси боящимся Тебе, соделал еси уповающим на Тя, пред сыны человеческими. Скрыши их в тайне лица Твоего, от мятежа человеческа, покрыши их в крове от пререкания язык. Благословен Господь, яко удиви милость Свою во граде обстояния. Аз же рех во изступлении моем: отвержен есмъ от лица очию Твоему; сего ради услыша глас молитвы моей, внегда возвах к Тебе. Возлюбите Господа все преподобнии Его, яко истины взыскает Господь, и воздает излиха творящим гордыню. Мужайтесь и да крепится сердце ваше, все уповающие на Господа.

**Псалом 90.**

Живыи в помощи Вышняго, в крове Бога небеснаго водворится. Речет Господеви: Заступник мой еси, и прибежище мое, Бог мой, и уповаю Нань. Яко Той избавит тя от сети ловчи, и от словесе мятеjна. Плещьма Своима осенит тя, и под криле Его надеешися. Оружие обыдет тя истина Его, не убоишися от страха нощнаго, от стрелы летящия во дни. От вещи во тме преходящия, от сряща и беса полуденного. Падет от страны твоей тысяча, и тма одесную тебе, к тебе же не приближится. Обаче очима своима смотриши, и воздаяние грешиком узриши. Яко Ты Господи, упование мое; Вышняго положил еси прибежище твое. Не приидет к тебе зло, и рана не приближится телеси твоему. Яко ангелом Своим заповесть о тебе, сохранити тя во всех путех твоих. На руках возмут тя, да некогда преткнеши о камень ноги твоей. На аспида и василиска наступиши, и попереши льва и змия. Яко на Мя упова, и избавлю и, покрью и, яко позна имя Мое. Воззовет ко Мне, и услышу и, с ним есмь в скорби, изму и, и прославлю его. Долготу дний исполню и, и явлю ему спасение Мое.

Посем: Слава, и ныне.

Аллилуия, Аллилуия, слава Тебе, Боже (трижды и поклоны три).

Господи помилуй (трижды). Слава, и ныне.

Также, песнь святаго пророка Исаии.

С нами Бог, разумейте языцы и покаряйтесь, яко с нами Бог.

Услышите и до последних земли, яко с нами Бог. Могущии покаряйтесь, яко с нами Бог. Аще бо паки возможете, и паки побеждени будете, яко с нами Бог. И иже аще совет совещаваете, и разорит и Господь, яко с нами Бог. И слово еже аще возглашаете, не имать пребывати в вас, яко с нами Бог. Страха же вашего не имам убоятися, ниже соблазнитися, яко с нами Бог. Господа же Бога нашего святите, и Той будет вам в боязнь, яко с нами Бог. И иже аще Нань надеешися, и Той будет ти во освящение, яко с нами Бог. И уповающе будем Нань, и спасемся Его ради, яко с нами Бог. Се аз и дети, яже ми дал Бог, яко с нами Бог. Людие ходящии во тме, видеша свет велии, яко с нами Бог. Живущии во стране и сени смертней, свет восияет на вы, яко с нами Бог. Яко Отроча родися нам, Сын и дастся нам, яко с нами Бог. Ему же власть бысть на раме Его, яко с нами Бог. И миру Его несть предела, яко с нами Бог. И нарицается имя Его велика совета Ангел, яко с нами Бог. Чуден Советник, яко с нами Бог. Бог крепок, Владыка, Князь смирения, яко с нами Бог. Отец будущаго века, яко с нами Бог.

Слава: Яко с нами Бог.

И ныне: Яко с нами Бог.

Также, сей стих глаголем трижды: С нами Бог, разумейте языцы и покаряйтесь, яко с нами Бог.

Также: День пребыв благодарю Тя Господи, вечер молюся с нощию, безнаветие подаждь ми Спасе, и спаси мя.

Слава. День изshed славословлю Тя Владыко, вечер молюся с нощию, безсознательство подаждь ми Спасе, и спаси мя.

И ныне. День прешед песнословя Тя Святыи, вечер молюся с нощию, без греха сохрани мя Спасе, и спаси мя.

Безплотное естество херувимское, немолчными песнями Тя славословят, шестокрыльная и животная серафим, непрестанными гласы Тя превозносят, ангельская же вся воинства, трисвятыми песнями Тя восхваляют. Прежде бо всех еси сыи Отец, и собезначальна имаши Своего Сына, и равночестен нося Дух жизни, Троицу являеши нераздельну.

Пресвятая Дево, Мати Божия, и иже Слову самовидцы и слуги, пророк же и мученик, и вси ликове, яко бессмертну имуще жизнь, о всех молитеся прилежно, яко вси есмы в бедах, да льсти избавльшеся лукаваго, ангельскую вопием песнь: Святыи, Святыи, Святыи, Трисвятыи Господи, помилуй и спаси нас.

Также, исповедание православныя веры, первого Собора:

Верую во единаго Бога Отца, Вседержителя, Творца небу и земли, видимым же всем и невидимым. И во единаго Господа Иисуса Христа, Сына Божия, Единородного, Иже от Отца рожденного прежде всех век. Света от света, Бога истинна от Бога истинна, рожденна, а не сотворена, единосущна Отцу, Им же вся быша. Нас ради человек, и нашего ради спасения, сшедшаго с небес, и воплотившагося от Духа Свята, и Марии Девы вочеловечьшася. Распятаго за ни при понтийstem Пилате, страдавша и погребена, и воскресшаго в третий день по писаниях. И возшедшаго на небеса, и седяща одесную Отца. И паки грядущаго со славою, судити живым и мертвым, Его же царствуию несть конца.

Втораго Собора: И в Духа Святаго, Господа истиннаго и животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. И во едину святую соборную и апостольскую Церковь. Исповедую едино Крещение, во оставление грехов. Чаю воскресения мертвым. И жизни будущаго века, аминь.

Посем глаголет, начиная лик:

О! Пресвятая Госпоже Владычице Богородице Всемилостивая, моли Бога о нас грешных.

И творим метание на кирилло стих. И другии лик той же стих глаголет. Наченыи же глаголет:

Вся небесныя силы, святии ангели и архангели, молите Бога о нас грешных.

Святыи великии Иоанне пророче и Предотече, Крестителю Господень, моли Бога о нас грешных.

Святии славнии апостоли, пророцы и мученицы, и вси святии, молите Бога о нас грешных.

Преподобнии и богоноснии отцы наши, пастырие и учителие вселенней, молите Бога о нас грешных.

Зде рцы святаго, его же есть храм.

Непобедимая и божественная сила, честнаго и животворящаго Креста Господня, не остави нас грешных, уповающих на Тя.

Боже, милостив буди нам грешным.

Егда же достигнем сего стиха: Боже, очисти грехи наша, и помилуй нас, глаголем его трижды.

Посем, Трисвятое, и поклоны обычныя (3).

По Отче наш. Молитва Иисусова.

*В понедельник и среду вечер, тропари сия глас 2.*

Просвети очи мои Христе Боже, да некогда усну в смерть, да некогда речет враг мой: укрепихся нань.

Стих. Призри и услыши мя, Господи Боже мой.

Паки той же тропарь: Просвети очи мои Христе Боже, да некогда усну в смерть, да некогда речет враг мой: укрепихся нань.

Слава. Заступник души моей буди Боже, яко посреде хожду сетей многих. Избави мя от них, и спаси мя Блаже, яко Человеколюбец.

И ныне, Богородичен. Яко не имамы дерзновения, за премногия грехи наша, но Ты, Иже от Тебе рождъшагося, моли Богородице Дево. Много бо может молитва Матеря, на умоление Владыки. Не презри грешных мольбы Всечистая, яко милостив есть, и спаси могии, Иже страдати нас ради изволивши.

*Ины тропари, во вторник и в четверток вечер, глас 8.*

Сия обой тропари пременяти чрез день.

Невидимых враг моих неусыпание свеси Господи, и окаянныя плоти моей неможение веси, Создавши мя. Тем же в руце Твои предаю дух мой, покрый мя крилома Твоего благости, да некогда усну в смерть. И умнии мои очи просвети, наслаждением божественных словес Твоих, и воздвигни мя во время благопотребно, к Твоему славословию, яко един Благ и Человеколюбец.

Стих. Призри и услыши мя, Господи Боже мой.

Яко страшен суд Твой Господи, ангелом предстоящим, человеком вводимым, книгам разгибаемым, делом испытаемым, помыслом истязуемым. Кий суд будет мне, зачатому во грехах? кто ми пламень угасит? кто ми тму просветит? аще не Ты Господи, помилуеми мя Блаже, яко Человеколюбец.

Слава. Слезы ми дажъ Боже, якоже древле жене грешнице. И сподоби мя омочити нозе Твои, яже мя от пути льстиваго свободившая и муро благоухания Тебе приносити, житие чисто, покаянием ми стяжанно. Да услышу и аз благого Твоего гласа: вера твоя спасе тя, иди в мир.

И ныне, Богородичен. Непостыдную, Богородице, надежду Твою имея спасуся, и заступление Твое стяжав Пречистая, не убоюся, но пожену враги мои, и побежду я, во едино оболкся, яко во броня, в кров Твой, и всемогущую Твою помошь. И моляся вопию Ти: Владычице, спаси мя мольбами Си, и воздвигни мя от мрачнаго сна, ко Твоему славословию, силою из Тебе воплотившагося Христа Бога.

Господи помилуй (40).

Слава, и ныне.

Честнейшую херувим (поклон един).

Именем Господним благослови, отче.

За молитв святых отец наших.

Аминь.

**Также, молитва Великаго Василия.**

Господи, Господи, избави нас от всякия стрелы летящия во дни. И избави нас от всякия вещи во тме приходящия, приими жертву вечернюю рук наших воздеяние. Сподоби же нас и нощное поприще без порока преити, неискусныи от злых, и избави нас от всякаго смущения и страха, иже от диявола нам прибывающаго. Даруй душам нашим умиление, и помыслом нашим попечение, еже на страшнем и праведнем Твоем суде испытания. Пригвозди страсе Твоем плоти наша, и умертви уды наша сущия на земли. Яко да и сонным безмолвием, просветимся зрением судеб Твоих. Отими от нас всяко мечтанье неподобно, и похоть вредну. Востави же нас во время молитвы, утвержены в вере, и преспевающих в заповедех Твоих, благоволением и благостию, единороднаго Сына Твоего, с Ним же благословен еси, и с пресвятым и животворящим Ти Духом, ныне и присно и во веки веком, аминь.

Приидите, поклонимся (трижды, и поклоны три).

**Псалом 50.**

Помилуй мя Боже, по велицей милости Твоей. И по множеству щедрот Твоих очисти беззаконие мое. Наипаче омы мя от беззакония моего и от греха моего очисти мя. Яко беззаконие мое аз знаю и грех мой предо мною есть выну. Тебе единому согреших и лукавое пред Тобою сотворих. Яко да оправдишися в словесех Своих и победиши всегда судити. Се бо в беззакониих зачат есмь и во гресех роди мя мати моя. Се бо истину возлюбил еси, безвестная и тайная премудрости Твоей явил ми еси. Окропиши мя иссопом и очищуся. Омыеши мя и паче снега убелюся. Слуху моему даси радость и веселье: возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне Боже, и дух прав обнови во утробе моей. Не отверзи мене от лица Твоего, и Духа Твоего Святаго не отыми от мене. Воздаждь ми радость спасения Твоего и Духом Владычным утверди мя. Научу беззакония путем Твоим и нечестивии к Тебе обратятся. Избави мя от кровий Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел жертвы, дал бых убо; всесожжения не благоволиши. Жертва Богу — дух сокрушен: сердце сокрушенно и смиленно Бог не уничижит. Ублажи Господи, благоволением Твоим Сиона; и да созиждутся стены Иеросалимския. Тогда благоволиши жертву правде, возношение и всесожигаемая. Тогда возложат на олтарь Твой тельца.

**Псалом 101.**

Господи, услыши молитву мою, и вопль мой к Тебе да придет. Не отврати лица Твоего от мене, вонь же день аще скорблю, приклони ко мне ухо Твое, вонь же день, аще призову Тя, скоро услыши мя. Яко исчезоша, яко дым дни мои, и кости моя, яко сушило сошоша. Уязвен бых, яко трава, и изсше сердце мое, яко забых снести хлеб мой. От гласа вздохания моего, прильпе кость моя плоти моей. Уподобихся неясыти пустынному, бых яко нощныи вран на нырищи. Забdex, и бых яко птица особящаяся назде. Весь день поношаху ми врази мои, и хвалящии мя мною кленяхуся. Зане пепел, яко хлеб ядях, и питие мое с плачем растворяях. От лица гнева Твоего, и ярости Твоей, яко вознес низверже мя. Дни мои, яко сень уклонишася,

и аз яко сено изсхох. Ты же Господи, во веки пребываеши, и память Твоя в род и род. Ты воскрес ущедриши Сиона, яко время ушедрити его, яко прииде время. Яко благоволиша раби Твои камение его, и перстъ его ущедрят. И убоятся языцы имене Господня, и вси царие земстии славы Твоей. Яко созиждёт Господь Сиона, и явится в славе Своей. Призре на молитву убогих, и не уничижи моления их. Да напишутся сии в род их, и люди зиждемии восхвалят Господа. Яко призре с высоты святыя Своей, Господь с небесе на землю призре. Услышати вздохание окованных, разрешити сыны умерщвенных. Возвестити в Сионе имя Господне, и хвалу Его во Иеросалиме. Внегда собратися людем вкупе, и царие работати Господеви. Отвеша ему на пути крепости его, умаление дни моих взвести ми. Не возведи мене в преполовение дни моих, в род и род лета Твоя. В началех Ты Господи, землю основа, и дела рук Твоих суть небеса. Та погибнут, Ты же пребываеши, и вся яко риза обетшают, и яко одежду свиеши их, и изменятся. Ты же тожде еси, и лета Твоя не оскудеют. Сынове раб Твоих вселятся, и семя их в век исправится

Также молитва Манасии, царя иудейска: Господи Вседержителю, Боже отец наших, Авраамов и Исааков и Иаковль, и семене их праведнаго. Створивши небо и землю со всею лепотою их, и сопны море словом повеления Твоего. Затворивши бездну, и запечатлев ю, страшным и славным именем Твоим. Его же вся боятся, и трепещут от лица славы Твоей. Яко непостоянна велелепота славы Твоей, и не стерпим гнев еже на грешники прещения Твоего. Безчислена же и неизследованна милость обещания Твоего. Ты бо еси Господь вышний, милосерд, долготерпелив и много-милостив, и каяся о злобах человеческих. Но Ты Господи, по множеству благости Твоей, обеща покаяние и оставление согрешшим к Тебе, и множеством щедрот Твоих нарече покаяние грешником во спасение. Ты убо Господи Боже праведных, неси положил покаяние праведным Твоим, Аврааму и Исааку и Иакову, несогрешившим пред Тобою, но положил еси покаяние мне грешному, зане согреших Ти паче числа песка морскаго. Умножишаася беззакония моя Господи, умножишаася, и несмы достоин воззрети и видети высоту небесную, от множества неправд моих связан есмь многими юзами железными. Яко не взвести ми главы моей, и несть ми восклонения. Зане прогневах ярость Твою, и лукавое пред Тобою сотворих. И не сотворих воли Твоей, ни сохраних повелении Твоих. И ныне поклоняю колена сердца моего, и молю яже от Тебе благость. Согреших Господи, согреших, и беззакония моя аз свем. Но прошу и молюся Тебе: отради ми Господи, отради ми, и не погуби мене со беззаконьми моими. Ниже в век враждовав соблюдеши зол моих, и не осуди мене в преисподних земли. Зане Ты еси Боже, Бог кающихся, да и на мне явиши всю благость Твою, яко недостойна суща спасеши мя, по мнозей милости Твоей. И восхвалю Тя всегда, во вся дни живота моего. Яко Тебе поют вся силы небесныя, и Твоя есть слава во веки, аминь.

Также: Трисвятое.

По Отче наш. Молитва Иисусова.

Аминь.

Глаголем тропари сия, глас 6:

Помилуй нас Господи, помилуй нас, всякаго бо ответа недоумеюще, сию Ти молитву, яко Владыце, грешнii раби Твои приносим. Помилуй нас Господи, помилуй нас.

Слава. Господи, помилуй нас, на Тя бо уповахом. Не прогневайся на ны зело, ниже помяни беззаконии наших. Но призри на ны, яко Милосерд, и избави нас от враг наших. Ты бо еси Бог наш, и мы людие Твои, и вси дела руку Твою, и имя Твое призываєм.

И ныне, Богочестив. Милосердия двери отверзи нам, благословеная Богородице Дево, надеющиця на Тя не погибнем, но да избавимся Тобою от бед. Ты бо еси спасение роду христианскому.

Господи помилуй (40), Слава, и ныне.

Честнейшую херувим (поклон великий).

Именем Господним благослови, отче.

За молитв святых отец наших.

Аминь.

*Также молитва Великаго Василия.*

Владыко Боже Отче Вседержителю, и Господи Сыне Единородныи Иисусе Христе, и Святыи Душе, едино Божество, и едина сила, помилуй мя грешнаго и ими же веси судьбами, спаси мя недостойнаго раба Твоего, яко благословен еси во веки, аминь.

Приидите, поклонимся (трижды, и поклоны три).

*Аще первая неделя Великаго поста, глаголем псалом 142:*

Господи, услыши молитву мою.

*В прочая же недели глаголем псалом 69.*

Боже, в помощь мою вонми. Господи, помощи ми потщися. Да постыдятся и посрамятся ищащии душу мою. Да возвратятся вспять и постыдятся мыслящии ми злая. Да возвратятся аbie стыдящеся, глаголущии ми: благо же, благо же. Да возрадуются и возвеселятся о Тебе, вси ищащии Тебе Боже, и глаголют выну: да возвеличится Господь, любящии спасение Твое. Аз же нищъ есь и убог, Боже помози ми. Помощник мой и Избавитель мой еси Ты, Господи, не закосни.

### Псалом 142.

Господи, услыши молитву мою, внуши моление мое во истине Твоей, услыши мя в правде Твоей. И не вниди в суд с рабом Твоим, яко не оправдится пред Тобою всяк живыи. Яко погна враг душу мою, и смирил есть в земли живот мой. Посадил мя есть в темных, яко мертвяя веку, и уны во мне дух мой, во мне смутился сердце мое. Помянух дни древния, поучихся во всех делех Твоих, и в делех руку Твою поучахся. Воздех к Тебе руце мои, душа моя яко земля безводная Тебе. Скоро услыши мя Господи, исчезе дух мой. Не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне Господи, путь, воньже поиду, яко к Тебе взях душу мою. Изми мя от враг моих Господи, к Тебе прибегох. Научи мя творити волю Твою, яко Ты еси Бог мой. Дух Твой Благии наставит мя на землю праву. Имене Твоего ради Господи,

живиши мя, правою Твою изведеши от печали душу мою. И милостию Твою потребиши враги мои и погубиши вся стужающая души моей, яко аз раб Твой есмь.

Слава в выших Богу, и на земли мир, в человечех благоволение. Хвалим Тя, благословим Тя (поклон), кланяемтися, славословим Тя (поклон), благодарим Тя великия ради славы Твоей (поклон). Господи Царю Небесныи, Боже Отче Вседержителю, и Господи Сыне Единородныи Иисусе Христе, и Святыи Душе. Господи Боже Агньче Божии, Сыне Отечъ. Вземляи грехи міра, помилуй нас. Вземляи грехи міра, приеми молитвы наша. Седяи одесную Отца, помилуй нас. Яко Ты един свят, Ты един Господь Иисус Христос, в славу Богу Отцу, аминъ.

На всяку ношь благословим Тя, и восхвалим имя Твое во веки, и в век века. Господи, прибежище бысть нам, в род и род. Аз рех: Господи, помилуй мя, и исцели душу мою, яко согреших Тебе. Господи, к Тебе прибегох, научи мя творити волю Твою, яко Ты еси Бог мой. Яко от Тебе есть источник живота. Во свете Твоем узрим свет, пробави милость Твою ведущим Тя. Сподоби Господи, в ношь сию, без греха сохранитися нам. Благословен еси Господи Боже отец наших, и хвально и прославлено имя Твое во веки, аминъ. Буди Господи, милость Твоя на нас, яко же уповахом на Тя. Благословен еси Господи, научи нас оправданием Твоим. Благословен еси Владыко, вразуми нас оправданием Твоим. Благословен еси Святыи, просвети нас оправданием Твоим. Господи, милость Твоя во веки, и дела руку Твою не презри. Тебе подобает хвала. Тебе подобает пение. Тебе слава подобает, Отцу и Сыну и Святому Духу, ныне и присно и во веки веком, аминъ.

Аще ли первая неделя святаго поста глаголем:

Трисвятое.

По Отче наш. Молитва Иисусова.

Аминъ.

И поем тропари: Господи сил с нами.

В прочая же недели и посты, чтем канон Пресвятей Богородице. Также, поем: Достойно есть. И поклон до земли. Трисвятое, и по Отче наш.

*Аще есть пост Великии, начинает первый лик тропарь, глас 6:*

Господи сил с нами буди, иного бо разве Тебе помощника в скорбех не имамы, Господи сил помилуй нас.

И другии лик поет той же стих: Господи сил с нами.

*Посем первый лик поет: Хвалите Бога во святых Его, хвалите Его во утвержении сил Его.*

*И аbie вторыи лик поет тропарь: Господи сил с нами.*

*Тако и прочая стихи правыи лик поет. А тропарь поет левыи лик.*

*Стих 2.*

Хвалите Его на силах Его, хвалите Его по премногому величествию Его. Господи сил.

*Стих 3.*

Хвалите Его во гласе трубнем, хвалите Его во псалтыри и гуслех. Господи сил.

*Стих 4.*

Хвалите Его в тимпане и лице, хвалите Его во струнах и органех. Господи сил.

*Стих 5.*

Хвалите Его в кимвах добrogласных, хвалите Его в кимвах восклицания. Всяко дыхание да хвалит Господа. Господи сил.

*Также, оба лика совокупльшеся вкупе, сий стих поют:* Хвалите Бога во святых Его, хвалите Его во утвержении сил Его. Господи сил.

*Слава, глас 6.*

Господи, аще не быхом святыя Твоя имели молитвеники, и благостыню Твою милующую нас, како смели быхом Спасе, пети Тя, Его же славословят безпрестани ангели. Сердцеведче, пощади душа наша.

И ныне. Многая премножества моих Богородице, согрешении, к Тебе прибегох Пречистая, спасения требуя. Посети болезнющую мою душу, и моли Сына Своего и Бога нашего, подати ми оставление, их же содеях зле, едина Благословеная.

Всесвятая Богородице, во время живота моего не остави мене, и человечестей помохи не ввери мене, но Сама мя заступи и помилуй мя.

Все упование мое к Тебе возлагаю, Мати Божия, сохрани мя во Своем си крове.

Господи помилуй (40). Посем молитва Великаго Василия:

Иже на всяко время, и на всяк час, на небеси и на земли, покланяемыи и славимыи, Боже Благии, долготерпеливе и многомилостиве. Иже праведники любя и грешных милуя, Иже всех зовыи ко спасению, обещания ради будущих благ; сам Господи, приими молитвы наша в час сей, и в благости исправи живот наш к заповедем Твоим. Душа наша освяти и телеса очисти, помышления исправи и мысли очисти. Разум уцеломудри и истрезви, и избави нас от всякия скорби, зол и болезней, и душевных страстей. И огради нас святыми ангелы Твоими, яко да ополчением их соблюдаеми и наставляеми, достигнем во единство веры, и в разум неприкосионенныя Ти славы, яко благословен еси во веки, аминь.

Господи помилуй (трижды).

Слава, и ныне.

Честнейшую херувим, и славнейшую воистину серафим, без истления Бога Слова рождьшую, сущую Богородицу, Тя величаем (поклон великий).

Именем Господним благослови, отче.

За молитв святых отец наших. Аминь.

И творим великия поклоны с молитвою святаго Ефрема, якоже явлено в Вечерни.

*По сих, молитва Пресвятей Богородице, Великаго Василия:*

Нескверная, Неблазная, Нетленная, Пречистая Богоневесто Владычице, яже Бога Слова человеком преславным Си Рожеством соединивши, и падшее естество рода нашего Небесным совокупльши, яже ненадежным единиа Надежда, и побеждаемым Помощница; готовое Заступление к Тебе прибегающим, и всем християнам Прибежище; не гнушайся мене грешного и сквернаго, иже скверными помыслы и словесы, и делы и деяньми, всего себе непотребна сотворша, и сластем уныния, и лености нравом раба бывша. Но яко человеколюбиваго Бога Мати, человеколюбне умилосердися о мне грешнем и блуднем, и приими мое еже от скверных устен приносимое Тебе моление, и Своего Сына и нашего Владыку и Господа, Матерним Си

дерзновением объемши умоли, яко да отверзет и мне человеколюбное милосердие Своего благости, и презрев моя безчисленая прегрешения, обратит мя на покаяние, и Своим заповедем делателя искусна явит мя; предстани ми присно милостивая и милосердая и человеколюбивая в настоящей сей жизни, теплая Предстательнице и Помощнице, сопротивных полки отгоняющи и ко спасению наставляющи мя, и во время исхода моего окаянную ми душу соблюдающи, и темныя образы лукавых бесов далече от нея отревающи. В страшныи же день праведнаго суда вечныя мя избавляющи муки, и неизреченней славе Твоего Сына и Бога нашего наследника мя показающи. Ея же да улучу, Владычице моя Пресвятая Богородице, Твоего ради ходатайства и заступления, благодатию и человеколюбием, единороднаго Сына Твоего, Господа Бога и Спаса нашего Иисуса Христа, Ему же подобает всяка слава, честь и покланяние, со безначальным Его Отцем, и с Пресвятым и Благим и Животворящим Духом, ныне и присно и во веки веком, аминь.

*Аще ли есть Великии пост, глаголем:* Трисвятое. По Отче наш, возгласа несть. Господи помилуй (12).

*Таже, молитва святаго Антиоха мниха:* Даждь нам Владыко, на сон грядущим, покой души и телу, и сохрани нас от мрачнаго сна греховнаго, и всякаго темнаго и нощнаго сладострастия. Утиши стремление страстем и угаси телесное разжжение и стрелы лукаваго, яже на ны лукавно движимыя. И востания плоти нашея утоли и всяко земное и вещное мудрование успи, и даруй нам Боже, бодр ум и целомудр помысл, сердце трезвящееся, сон легок, и всякаго сатанина мечтания неискусен. Востави же нас во время молитвы утвержены в заповедех Твоих, и память судеб Твоих в себе выну имуща, и всенощное славословие нам даруй, пети и благословити и славити пречестное и великолепное имя Твое, Отца и Сына и Святаго Духа, и ныне и присно и во веки веком, аминь.

Преславная и присно Дево Богородице Марие, Мати Христа Бога нашего, приеми молитвы наша, и принеси я Сыну Своему и Богу нашему, да спасет и просветит Тебе ради душа наша.

Упование нам Бог и прибежище наше Христос, и Покровитель нам есть Дух Святый.

Слава, и ныне.

Господи помилуй, Господи помилуй, Господи благослови.

И отпуст седмичный, иже в субботу.

Таже, прощение: Ослаби, остави.

И молитва: Ненавидящих и обидающих нас прости, Господи Человеколюбче.

Господи помилуй (трижды).

И исходные поклоны.

## Павечерница малая

*По обычнем начале глаголем:*

За молитв святых отец наших, Господи Иисусе Христе, Сыне Божий, помилуй нас. Аминь.

Царю небесныи, Утешителю, Душе истинныи. Иже везде съи, и вся исполняя, сокровище благих, и жизни Подателю, прииди и вселися в ны, и очисти ны от всякия скверны, и спаси Блаже, душа наша.

Святыи Боже. Святыи Крепкии, Святыи безсмертныи, помилуй нас (трижды, и поклоны три).

Слава Отцу и Сыну и Святому Духу, ныне и присно и во веки веком, аминь.

Пресвятая Троице, помилуй нас. Господи, очисти грехи наша: Владыко, прости беззакония наша: Святыи, посети и исцели немощи наша, имене твоего ради.

Господи помилуй (трижды). Слава, и ныне.

Отче наш, Иже еси на небесах. да святится имя Твое. да приидет царствие Твое. да будет воля Твоя, яко на небеси и на земли. хлеб наш насущныи даждь нам днесь. и остави нам долги наша, якоже и мы оставляем должником нашим. и не введи нас во искушение. но избави нас от лукаваго.

Господи Исусе Христе, Сыне Божии, помилуй нас.

Аминь.

Господи помилуй (12). Слава, и ныне.

Приидите, поклонимся Цареви нашему Богу (поклон).

Приидите, поклонимся Христу, Цареви и Богу нашему (поклон).

Приидите, поклонимся и припадем к Самому Господу Исусу Христу, Цареви и Богу нашему (поклон).

### Псалом 50.

Помилуй мя Боже, по велицей милости Твоей, И по множеству щедрот Твоих, очисти беззаконие мое. Наипаче омы мя от беззакония моего, и от греха моего очисти мя. Яко беззаконие мое аз знаю, и грех мой предо мною есть выну. Тебе единому согреших, и лукавое пред Тобою сотворих. Яко да оправдишися в словесех Своих, и победиши всегда судити. Се бо в беззакониях зачат есмь, и во грехах роди мя мати моя. Се бо истину возлюбил еси, бывестная и тайная премудрости Твоей явил ми еси. Окропиши мя иссопом и очищуся, омыши мя и паче снега убелюся. Слуху моему даси радость и веселье, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне Боже, и дух прав обнови во утробе моей. Не отверзи мене от лица Твоего и Духа Твоего Святаго не отыми от мене. Воздаждь ми радость спасения Твоего, и Духом Владычным утверди мя. Научу беззакония путем Твоим, и нечестивии к Тебе обратятся. Избави мя от кровий Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел жертвы, дал быхubo: всесожжения не благоволиши. Жертва Богу дух сокрушен: сердце сокрушено и смилено Бог не уничижит. Ублажи, Господи, благоволением Твоим Сиона, и да созиждутся стены иеросалимских. Тогда благоволиши жертву правды, возношение и всесожгаемая. Тогда возложат на олтарь Твой тельца.

### Псалом 69.

Боже, в помощь мою воными. Господи, помочи ми потщися. Да постыдятся и посрамятся ищащии душу мою. Да возвратятся вспять и постыдятся мыслящии

ми злая. Да возвратятся аbie стыдящиеся глаголующи ми: благо же, благо же. Да возрадуются и возвеселятся о Тебе, вси ищущии Тебе, Боже, и глаголют выну: да возвеличится Господь, любящии спасение Твое. Аз же нищъ есмь и убог, Боже помози ми. Помощник мой, и Избавитель мой еси Ты Господи, не закосни.

### Псалом 142.

Господи, услыши молитву мою, внуши моление мое воистине Твоей, услыши мя в правде Твоей. И не вниди в суд с рабом Твоим, яко не оправдится пред Тобою всяк живыи. Яко погна враг душу мою, и смирил есть в земли живот мой. Посадил мя есть в темных, яко мертвяя веку и уны во мне дух мой, во Мне смутился сердце мое. Помянух дни древния, поучихся во всех делах Твоих. и в делах руку Твою поучахся, воздех к Тебе руце мои, душа моя, яко земля безводная Тебе. Скоро услыши мя Господи, исчезе дух мой. Не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне Господи, путь, воньже пойду, яко к Тебе взях душу мою. Изми мя от враг моих, Господи, к Тебе прибегох. Научи мя творити волю Твою, яко Ты еси Бог мой. Дух Твой Благии наставит мя на землю праву. Имене Твоего ради Господи, живиши мя, правою Твою изведеши от печали душу мою. И милостию Твою потребиши враги моя, и погубиши вся стужающая души моей, яко аз раб Твой есмь.

Слава в выших Богу, и на земли мир, в человечех благоволение. Хвалим Тя, благословим Тя (поклон), кланяемтися, славословим Тя (поклон), благодарим Тя великия ради славы Твоей (поклон). Господи Царю небесныи, Боже Отче Вседержителю, и Господи Сыне Единородныи Иисусе Христе, и Святыи Душе: Господи Боже, Агньче Божии, Сыне Отечъ, вземляи грехи міра, помилуй нас. Вземляи грехи міра. приеми молитвы наша. Седяи одесную Отца, помилуй нас. Яко Ты един свят, Ты един Господь Иисус Христос, в славу Богу Отцу, аминь. На всяку нощь благословлю Тя, и восхвалю имя Твое во веки, и в век века. Господи, Прибежище бысть нам, в род и род. Аз рех: Господи, помилуи мя и исцели душу мою, яко согреших Тебе. Господи, к Тебе прибегох, научи мя творити волю Твою, яко Ты еси Бог мой, яко от Тебе есть источник живота, во свете Твоем узрим свет. Пробави милость Твою ведущим Тя. Сподоби Господи, в нощь сию без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь. Буди Господи, милость Твоя на нас, якоже уповахом на Тя. Благословен еси Господи, научи нас оправданием Твоим. Благословен еси Владыко, вразуми нас оправданием Твоим. Благословен еси Святыи, просвети нас оправданием Твоим. Господи, милость Твоя во веки, и дела руку Твою не презри. Тебе подобает хвала, Тебе подобает пение. Тебе слава подобает: Отцу и Сыну и Святому Духу, ныне и присно и во веки веком, аминь.

Исповедание православныя веры, первого Собора (перекрестись без поклона):

Верую во единаго Бога Отца, Вседержителя, Творца небу и земли, видимым же всем и невидимым.

И во единаго Господа Иисуса Христа, Сына Божия, Единороднаго, Иже от Отца рожденного прежде всех век. Света от Света, Бога истинна от Бога истинна, рождена, а не сотворена, единосущна Отцу, Им же вся быша.

Нас ради человек, и нашего ради спасения сшедшаго с небес, и воплотившагося от Духа Свята и Марии Девы вочеловечьшася.

Распятаго за ны при понтийstem Пилате, страдавша и погребена.

И воскресшаго в третии день по писаниих.

И возшедшаго на небеса, и седяща одесную Отца.

И паки грядущаго со славою судити живым и мертвым, Его же царствию несть конца.

Втораго собора:

И в Духа Святаго, Господа истиннаго и Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки.

И во едину святую соборную и апостольскую Церковь.

Исповедую едино Крещение во оставление грехов.

Чаю воскресения мертвым.

И жизни будущаго века. Аминь.

Посем, канон Пресвятей Богородице, во октаи гласу или ин, по уставу. В келиях глаголем канон Пресвятей Богородице, творение Феофаново, глас8.

### Песнь 1, ирмос.

Воду прошед, яко по суху, из египетска зла избежав. Израильянин вопияше: Избавителю Богу нашему поем.

Запев: Пресвятая Госпоже Богородице, спаси нас (поклон).

Многими содержим напастьюми, к Тебе прибегаю, спасении искии, О! Мати Слову и Дево, от лютых и нужных мя спаси.

Запев.

Страстей мя смущают прилози, и многия печали исполняют ми душу; умири Отроковице, тишиною Сына и Бога Твоего, Всенепорочная.

Слава: Спаса рождшую Тя и Бога, молю Девице избавити мя от лют. К Тебе бо ныне прибегаю, простирая душу и помышление.

И ныне. В скорби мя суща и в тuze, посещения божественаго промышления, еже от Тебе сподоби, едина Богомати, яко блага, Благому же Родительнице.

### Песнь 3, ирмос.

Небесному кругу, Верхоторче Господи, и церкви Зиждителю, Ты мене утверди в любви Своей, желанием съи край, и верным утвержение, едине Человеколюбче.

Запев.

Заступление и покров жизни моей положих Тя, Богородительнице Дево, Ты мене окорми к пристанищу Своему, благим виновна, и верным утвержение, едина всепетая.

Запев.

Молю Девице, душевное смущение, и печали бурю разорити ми. Ты бо, Богоневестная, Начальника тишине Христа родила еси, едина Пречистая.

Слава.

Благодетеля рожьши добрым виновнаго, благодеяния богатство всем источи.  
Вся бо можеши яко сильна в крепости, Христа рожьши, Богоблаженная.

И ныне. Лютыми недуги, и болезненными страстью истязаему, Дево, Ты ми  
помози, исцелением бо неоскудно Тя знаю сокровище, некрадомо и неиздаемо.

Господи помилуй (трижды).

Слава, и ныне:

#### **Седален, глас 8.**

Яко Всенепорочная Невесто Творцу, яко Неискусомужная Мати Избавителя,  
приятище яко сущи Утешителя всепетая, беззаконию мя суща скверно жилище  
и бесом игралище в разуме бывша, потущися сих злодействия мя избавити, светло  
жилище добродетельми соделавши, светодательная и нетленная, разжени

#### **Песнь 4, ирмос.**

Услыхах Господи, смотрения Твоего таинство, разумех дела Твоя, и прославих  
Твое Божество.

Запев. Страстей моих смущение, яже кормчию рожьши Господа, бурю утиши  
моих пргрешении, Богоневестная.

Запев. Милосердия бездну призывающу Твою подаждь ми, яже благосердаго  
рожьши, и Спаса всем поющим Тя.

Слава. Надежу и утверждение, и спасения стену недвижиму, стяжавше Тя Всене-  
порочная, злолютых всех избавляемся.

И ныне. На одре болезни моей греховне слежаща мя, яко человеколюбива, по-  
мози ми Богородице, Мати присно Дево.

#### **Песнь 5, ирмос.**

Просвети нас повелением Си Господи, и мышцею высокою Твоего мира подаждь  
нам, Едине Человеколюбче.

Запев. Исполни Чистая, веселия живота нашего, Твою нетленную дающи ра-  
дость, веселия рожьши сущаго Вину.

Запев. Избави нас от бед, Богородице Чистая, вечное рожьши избавление, и  
мира всяк ум преимущаго.

Слава. Разреши мглу пргрешении моих, Богоневесто, светом Твоема светлости,  
яже Свет рожьшая Божественныи и Превечныи.

И ныне. Исцели Чистая, души моя неможение посещением Си убеждьшися, и  
здравие мольбами Си подаждь ми.

#### **Песнь 6 , ирмос.**

Молитву пролиу ко Господу, и Тому возвещу печаль мою, яко зол душа моя  
наполнися, и живот мой аду приближися. Но молюся яко Иона: от тли, Боже мой,  
возведи мя.

Запев. Смерти и тли яко спасл есть, Сам ся издав на смерть, тлением и смертию  
мое естество ято бывшее, Дево, моли Господа и Сына Своего, врагов злодействия  
мя избавити.

Запев. Заступнице Тя животу свем, и хранительнице тверду Девице, напастей решашу молвы, и налоги бесом отгоняющу. И молюся всегда, страстей мя избавити, Всенепорочная.

Слава. Яко стену и прибежище стяжахом, и душам Тя совершеное спасение, и пространство в скорбех Отроковице, и светом Ти присно радуемся, О! Владычице, ныне нас от страстей и бед спаси.

И ныне. На одре ныне немощию низлежу, и несть исцеления плоти моей. Но яже Бога и Спаса міру, и Избавителя недугом рожьшася, Тебе молюся благой: от истления болезней востави мя.

Господи помилуй (трижды).

Слава, и ныне.

### Кондак, глас 6.

Заступнице христианом непостыдная, Ходатаице ко Творцу непреложная, не презри грешных моления гласы. Но предвари яко блага на помошь нашу, верно вопиющих Ти: Ускори на молитву, и потщиша на умоление, заступающи присно, Богородице, чтуших Тя.

Икос. Простири длани Свои, имаже всех Владыку, яко Младенца прият, за множество благости, не остави нас всегда надеющихся на Тя. Бодреную Си молитвою, и неисчетною простищею ущедри нас, и подаждь душам нашим милосердие Свое во веки источающи. Тебе бо имамы грешнини заступнице, от находящих на ны бед и зол. Но яко имущи милосердия щедроты, ускори на молитву, и потщиша на умоление, заступающи присно Богородице чтуших Тя.

### Песнь 7, ирмос.

Иже от Иудеи дошедшее отроцы в Вавилон древле, верою утвержении, пламень пещныи попраша глаголюще: отец наших Боже, благословен еси.

Запев. Наше спасение якоже восхотел, Спасе, устроити, во чрево Девыя вселися, юже міру Заступнице показа. Отец наших Боже, благословен еси.

Запев. Волителя милости, Егоже роди Мати, ныне умоли, избавити мя от прегрешении и душевныя скверны, Сыну Твоему зовуща: отец наших Боже, благословен еси.

Слава. Сокровище спасения, и источник нетления, Тебе рожьшую, столп утвержения, и дверь покаяния, вопиющим показа: отец наших Боже, благословен еси.

И ныне. Телесныя недуги, и душевныя грехи, Богородительнице, любовию приступающим к крову Твоему Девице, испелити сподоби, яже Спаса Христа нам рожьшася.

### Песнь 8, ирмос.

Царя Небесного, Его же поют вои ангельстии, хвалите, и превозносите Его во веки.

Запев. Помохи яже от Тебе требующия, не презри Дево, поющия и превозносящия Христа во веки.

Запев. Неможение души моей исцеляеши и телесныя болезни Дево, яко да Тя поем, и превозносим Чистую во веки.

Слава. Исцелением богатство изливаеши, верно поющим Тя Девице, и превозносящим Христа во веки.

И ныне. Напастныя Ты прилоги отгоняеши, и страстныя находы Дево, яко да Тя поем и превозносим Чистую во веки.

### Песнь 9, ирмос.

Воистину Богородицу Тя исповедающе, спасении Тобою, Девице Чистая, с небесными воя Тя величаем.

Запев (поклон) Тока слез моих не отвратися, яже от всякаго лица вся слезы отъемшаго, Девице, Христа рожьшая.

Запев. Радости мое сердце исполни Дево, яже радости приемши исполнение, греховную печаль потребляющи.

Слава. Света Твоего зарями просвети Дево, мрак неведения отгонящи, благоверно Богородицу Тя исповедающих.

И ныне. В место озлобления, немоющи низлежащаго, Дево исцели, из нездравия во здравие претворяющи.

По каноне же, Достойно есть. Трисвятое. И по Отче наш. Молитва Иисусова. Тропарь дню и святому, его же есть храм. Аще ли храм Христов, или Богородицы, глаголи прежде храму.

*Таже:* Боже отец наших, творяи присно с нами по Твоему смотрению, не отстави милости Твоей от нас, но тех молитвами, во смирении устрои живот наш.

*Ин тропарь, глас той же:* Иже во всем міре мученик Твоих Господи, яко багряницею и виссом кровьми их, Церкви Твоя украсившия, теми вопиет Ти, Христе Боже: людем Твоим щедроты Твоя низпосли, и мир граду Твоему даруй, и душам нашим велию милость.

Слава. Со святыми покой, Христе, душа раб Своих, идеже несть болезни, ни печали, ни вздохания, но жизнь вечная.

И ныне. Молитвами Господи, всех святых и Богородицы, Твой мир дажь нам, и помилуй нас, яко един Щедр.

*Аще в пяток вечер, глаголются тропари сия:* Апостоли, пророцы и мученицы, святители, преподобнии и праведнии, иже добре подвиг скончавше, и веру событые, дерзновение имуще ко Спасу, молим, вы, о нас Того молите яко Блага, спасти душа наша.

Также тропарь, его же церковь.

Слава. Со святыми покой.

*И ныне, кондак, глас 8.* Яко начатки естества Содетелю твари, вселенная приносит Ти Господи, богоносныя мученики. Тех молитвами, во смирении глубоце церковь Свою, и град Свой, Богородицы ради соблюди, едине Многомилостиве.

*Аще ли господъскии праздник, или нарочитаго святаго, глаголем кондак его.* Господи помилуй, 40.

*Таже, молитва Великаго Василия:* Иже на всяко время, и на всякий час, на небеси и на земли, покланяемыи и славимыи, Боже Благии, долготерпеливе и многомилостиве, Иже праведники любя, и грешных милуя, Иже всех зовыи ко спасению, обещания ради будущих благ; сам Господи, приими молитвы наша в час сей, и

в благости исправи живот наш, к заповедем Твоим. Душа наша освяти, и телеса очисти, помышления исправи, и мысли очисти, разум уцеломудри, и истрезви, и избави нас от всякия скорби, зол и болезней, и душевных страстей. И огради нас святыми ангелы Твоими, яко да ополчением их соблюдаеми и наставляеми, достигнем во единство веры, и в разум неприкосновенныя Ти славы, яко благословен еси во веки, аминь.

Господи помилуй (трижды). Слава, и ныне. Честнейшую херувим.

Именем Господним благослови, отче.

За молитв святых отец наших, Господи Иисусе Христе, Сыне Божии, помилуй нас. Аминь.

*Молитва Пресвятей Богородице, святаго Великаго Василия: Нескверная, Неблазная, Нетленная, Пречистая, Богоневесто Владычице, яже Бога Слова человеком, преславным Си Рожеством соединивши. И падшее естество рода нашего, небесным совокупльши. Яже ненадежным едина надежда, и побеждаемым Помощница. Готовое заступление к Тебе прибегающим, и всем христианом прибежище, не гнушайся мене грешного и сквернаго. Иже скверными помыслы и словесы, и делы и деяньми, всего себе непотребна сотворша, и сластем уныния, и лености нравом раба бывша. Но яко человеколюбиваго Бога Мати, человеколюбне умилосердися о мне грешнем и блуднем, и приими мое еже от скверных устен, приносимое Тебе моление. И Своего Сына и нашего Владыку и Господа, матерним Си дерзновением объемши умоли, яко да отверзет и мне человеколюбное милосердие Своево благости. И презрев, моя безчисленая прегрешения, обратит мя на покаяние. И Своим заповедем делателя искусна явит мя. Предстани ми присно милостивая, и милосердая и человеколюбивая в настоящей сей жизни, теплая Предстательнице и Помощнице, сопротивных полки отгоняющи, и ко спасению наставляющи мя, и во время исхода моего, окаянную ми душу соблюдающи, и темныя образы лукавых бесов, далече от нея отревающи. В страшныи же день праведнаго суда, вечныя мя избавляющи муки. И неизреченней славе Твоего Сына и Бога нашего, наследника мя показающи. Ея же да улучу, Владычице моя Пресвятая Богородице, Твоего ради ходатайства и заступления, благодатию и человеколюбием, единороднаго Сына Твоего, Господа Бога и Спаса нашего Иисуса Христа. Ему же подобает всяка слава, честь и покланяние, со Безначальным Его Отцем, и с Пресвятым и Благим, и Животворящим Духом, ныне и присно и во веки веком, аминь.*

Молитва святаго Антиоха мниха: Даждь нам Владыко, на сон грядущим, покой души и телу, и сохрани нас от мрачнаго сна греховнаго, и всякаго темнаго и нощнаго сладострастия. Утиши стремление страстем, и угаси телесное разжжение, и стрелы лукаваго, яже на ны лукавно движимыя, и востания плоти нашея утоли, и всяко земное и вещное мудрование успи. И даруй нам Боже, бодр ум и целомудр помысл, сердце трезвящеся, сон легок, и всякаго сатанина мечтания неискусен. Востави же нас во время молитвы, утвержены в заповедех Твоих. И память судеб Твоих в себе выну имуща. И всенощное славословие нам даруй, пети и благословити и славити, пречестное и великолепное имя Твое, Отца и Сына и Святаго Духа, ныне и присно и во веки веком, аминь.

Преславная и присно Дево Богородице Марие, Мати Христа Бога нашего, приеми молитвы наша, и принеси я Сыну Своему и Богу нашему, да спасет и просветит Тебе ради душа наша.

Упование нам Бог, и прибежище наше Христос, и покровитель нам есть Дух Святый.

Слава, и ныне. Господи помилуй (дважды), Господи благослови.

*И отпуст:* Господи Иисусе Христе, Сыне Божий, молитв ради Пречистыя Ти Матере, и преподобных и богоносных отец наших, и всех святых, помилуй и спаси мя грешного, яко Благ и Человеколюбец. Аминь.

Также прошение: Ослаби, остави, отпусти Боже, согрешения моя, вольная и невольная, яже в слове и в деле, и яже в ведении и не в ведении, яже во уме и в помышлении, яже во дни и в нощи, вся ми прости, яко Благ и Человеколюбец, аминь.

Посем вместо ектении глаголем молитву сию: Ненавидящих и обидающих нас прости, Господи Человеколюбче. Благотворящим благо сотвори, братиям и всем сродником нашим, иже и уединившимся, даруй им вся, яже ко спасению прошения и живот вечный (поклон).

В болезнях сущия посети и исцели, в темницах сущих свободи, по водам плавающим Правитель буди и иже в путех шествующим исправи и поспеши (поклон).

Помяни Господи, и плененные братию нашу, единоверных православных веры, и избави их всякаго злого обстояния (поклон).

Помилуй Господи, давших нам милостыню и заповедавших нам, недостойным, молитися о них, прости их и помилуй (поклон).

Помилуй Господи, труждающихся и служащих нам, милующих и питающих нас, и даруй им вся, яже ко спасению, прошения и живот вечный (поклон).

Помяни Господи, прежде отшедшая отцы и братию нашу и всeli их, идеже присещает свет лица Твоего (поклон).

Помяни Господи, и нашу худость и убожество, и просвети наш ум светом разума святаго Евангелия Твоего, и настави нас на стезю заповедей Твоих, молитвами Пречистыя Твоей Матере и всех святых Твоих, аминь (поклон).

Господи помилуй (трижды). И обычные исходные поклоны.

## Вечерня

*По обычнем начале глаголем:*

За молитв святых отец наших, Господи Иисусе Христе, Сыне Божий, помилуй нас.

Псаломщик глаголет кротким и равным гласом с тишинтию, и со всяким вниманием и со страхом Божиим во услышание всем: Аминь.

Царю Небесныи, Утешителю, Душе Истинныи, Иже везде съи, и вся исполняя, сокровище благих, и жизни Подателю, прииди и вселися в ны, и очисти ны от всякия скверны, и спаси Блаже, душа наша.

Святыи Боже, Святыи Крепкии, Святыи Безсмертныи, помилуй нас (трижды, и поклоны три).

Слава Отцу и Сыну и Святому Духу, и ныне и присно и во веки веком, аминь.

Пресвятая Троице, помилуй нас. Господи, очисти грехи наша. Владыко, прости беззакония наша. Святыи, посети и исцели немощи наша, имене Твоего ради.

Господи, помилуй (трижды).

Слава Отцу и Сыну и Святому Духу, ныне и присно и во веки веком, аминь.

Отче наш, Иже еси на небесех, да святится имя Твоеда приидет царствие Твое, да будет воля Твоя, яко на небеси и на земли, хлеб наш насущныи даждь Нам днесь, и остави нам долги наша, яко же и мы оставляем должником нашим, и не введи нас во искушение, но избави нас от лукаваго.

Господи Исусе Христе, Сыне Божии, помилуй нас. Аминь.

Господи помилуй, 12. Слава, и ныне.

Приидите, поклонимся Цареви нашему Богу (поклон).

Приидите, поклонимся Христу, Цареви и Богу нашему (поклон).

Приидите, поклонимся и припадем к самому Господу Исусу Христу, Цареви и Богу нашему (поклон).

### Таже, псалом 103.

Благослови душе моя Господа. Господи Боже мой возвеличился еси зело. Во исповедание и в велелепотуся облече. Одеялся светом яко ризою, пропиняи небо яко кожу. Покрываяи водами превыспреняя Своя, полагаяи облаки на восхождение Свое. Ходяи на крылу ветреню. Творяи ангелы Своя духи, и слуги Своя огнь палящъ. Основаяи землю на тверди Своей, не преклонится в век века. Бездна яко риза одеяние ея. На горах станут воды. От запрещения Твоего побегнут, от гласа грома Твоего устрашатся. Восходят горы, и низходят поля, в место еже основал еси им. Предел положи, его же не прейдут, ниже обратятся покрыти землю. Посылая источники в дебрех, посреде гор пройдут воды. Напаяют вся звери сельныя. Ждут онагри в жажду свою. На ты птицы небесныя привитают, от среды камения дадят глас. Напаяя горы от превыспрених Своих, от плода дел Твоих насытится земля. Прозябая пажити скотом, и траву на службу человеком. Извести хлеб от земли, и вино веселит сердце человеку, умастити лице елеом. И хлеб сердце человеку укрепит. Насытятся древа польская, кедри ливаньстии их же еси насадил. Ту птицы вогнездятся, еродиево жилище обладает ими. Горы высокия еленем, камень прибежище заяцем. Сотворил еси луну во времена, солнце позна запад свой. Положи тму и бысть ношь, в ней же пройдут вси зверие дубравни. Скимни рыкающе восхитити, и испросити от Бога пищу себе. Восия солнце, и собрашася, и в ложах своих лягут. Изыдет человек на дело свое, и на делание свое до вечера. Яко возвеличишася дела Твоя Господи, вся премудростию сотворил еси. Исполнися земля твари Твои. Се море велико и пространно, ту гади, им же несть числа, животна малая с великими. Ту корабли преплавают, змий сей, его же созда ругатися ему. Вся к Тебе чают, дати пищу им во благо время. Давшу Тебе им, соберут. Отверзшу Тебе руку, всяческая исполняться благости. Отвращьшу же Тебе лицо, возмятутся. Отимеши духи их, и исчезнут, и в перстъ свою возвратятся. Послеши дух Свой и

созиждутся, и обновиши лице земли. Буди слава Господня во веки, возвеселится Господь о делах Своих. Призираи на землю, и творя ю трястися. Прикасаясь горах и воздымятся. Воспою Господеви в животе моем, пою Богу моему дондеже есмь. Да насладится ему беседа моя, аз же возвеселася о Господе. Скончаются грешницы от земли, и беззаконницы, яко не быти им. Благослови душе моя Господа.

По конце псалма рцы стих: Яко возвеличишася дела Твоя Господи, вся премудростию сотворил еси.

Также, Слава, и ныне.

Аллилуия, Аллилуия, слава Тебе, Боже (три и поклоны три).

Господи помилуй (12), Слава, и ныне. Кафисма рядовая.

Егда же бывает малая вечерня, и по псалме глаголем: Слава, и ныне. Аллилуия, Аллилуия, слава Тебе, Боже (трижды). Господи помилуй (трижды). Слава, и ныне.

#### Также псалом 140.

Господи возвах к Тебе, услыши мя. Воньми глас молитвы моей, егда воззову к Тебе. Да ся исправит молитва моя, яко кадило пред Тобою, воздеяние руку мою: жертва вечерняя. Положи Господи, хранение устом моим, и дверь ограждения о устнах моих. Не уклони сердце мое в словеса лукавства, непщевати вины о грехах. С человеки творящими беззаконие, и не считаюся со избранными их. Покажет мя праведник милостию, и обличит мя. Елей же грешнаго, да не намастит главы моей. Яко еще и молитва моя во благоволениих их. Пожерты быша при камени судии их. Услышатся глаголи мои, яко возмогоша, яко толща земли проседеся на земли, разсыпашася кости их при аде. Яко к Тебе Господи, Господи очи мои, на Тя уповах, не отъими душу мою. Сохрани мя от сети юже составиша ми, и от соблазн делающих беззаконие. Впадутся во мрежу свою грешницы, един есмь аз дондеже преиду.

#### Псалом 141.

Гласом моим ко Господу возвах, гласом моим ко Господу помолюсь. Пролию пред Ним молитву мою, и печаль мою пред ним возвещу. Внегда исчезает дух мой, и Ты позна стези мои. На пути сем, по нему же хождах, скрыша сеть мне. Смотрях одесную и взглядах, и небе знай мене. Погибе бегство от мене, и несть взыскания душу мою. Возвах к Тебе Господи, рек: Ты еси упование мое, часть моя еси на земли живых. Воньми молитву мою, яко смирихся зело. Избави мя от гонящих мя, яко укрепиша паче мене. Изведи из темницы душу мою, исповедатися имени Твоему. Мене ждут праведницы, дондеже воздаси мне.

#### Псалом 129.

Из глубины возвах к Тебе Господи, Господи, услыши глас мой. Будете уши Твои, внимлюще глас молитвы моей. Аще беззакония назриши Господи, Господи, кто постоит, яко от Тебе очищение есть. Имене ради Твоего потерпех Тя Господи, потерпе душа моя в слово Твое, упова душа моя на Господа. От стражи утрения до нощи, от стражи утрения, да уповаает Израиль на Господа. Яко от Господа милость, и много от Него избавление: и Той избавит Израиля от всех беззаконий его.

**Псалом 116.**

Хвалите Господа вси языцы, похвалите Его вси людие. Яко утвердиша милость Его на нас, и истина Господня пребывает во веки.

Также, стихеры настоящего дня по уставу. Посем, сей стих, творение святаго священномученика Анфиногена.

Свете тихии, святыя славы, бессмертнаго Отца небеснаго, святаго блаженнааго, Иисуса Христа, Сына Божия, пришедшаго на запад солнцу, видевше свет вечернии, поем Отца и Сына и Святаго Духа, Бога. Достоин еси во вся времена, пет быти гласы преподобными, Сыне Божии, живот даяи всему миру: его же ради весь мир славит Ты.

Также, прокимны дневныя. В субботу вечер прокимен: Господь воцарися, в лепотуся облече.

Стих первыи. Облечеся Господь в силу, и препоясася.

Стих вторыи. Ибо утверди вселенную, яже не подвижится.

Стих третии. Дому Твоему подобает, святыни Господи в долготу дни.

*В неделю вечер:* Се ныне благословите Господа вси раби Господни.

Стих. Стоящий в храме Господни, во дворех дому Бога нашего.

*В понедельник вечер:* Господь услышит мя, егда взову к Нему.

Стих. Внегда возвах, услыша мя Боже правды моей.

Во вторник вечер: Милость Твоя Господи, поженет мя, во вся дни живота моего.

Стих. Господь пасет мя, и ничто же мя лишит.

*В среду вечер:* Боже, во имя Твое спаси мя, и в силе Твоей суди ми.

Стих. Боже, услыши молитву мою, внуши глаголы уст моих.

*В четверток вечер:* Помощь моя от Господа, сотворшаго небо и землю.

Стих. Возведох очи мои в горы, отнюду же приидет помощь моя.

*В пяток вечер:* Боже, заступник мой еси Ты, и милость Твоя предварит мя.

Стих. Изми мя от враг моих Боже, и от востающих на мя избави мя.

***Егда же несть тропаря святому, тогда поем Аллилую, на глас 6. Стихи же глаголем сия:***

*В понедельник вечер:* Господи, не яростию Твоею обличи мене, ни гневом Твоим покажеши мене.

*Во вторник и в четверток вечер:* Возносите Господа Бога нашего, и кланяйтесь подножию ногу Его, яко свято есть.

*В среду вечер:* Во всю землю изыде вещание их, и в концы вселенные глаголы их.

*Аще ли суббота за упокой, поем:* Аллилуйя, Аллилуйя, Аллилуйя, на глас 8.

Стих. Блажени яже избра и прият я Господь.

Стих. Память их от рода в род.

Стих. Душа их во благих водворятся.

И еще стих. Аллилуйя, Аллилуйя, Аллилуйя.

*По прокимне, или по ектении, или по аллилуии псаломщик глаголет:* Сподоби Господи, в вечер сей, без греха сохранитися нам (поклон). Благословен еси Господи Боже отец наших (поклон), и хвально и прославлено имя Твое во веки, аминь

(поклон). Буди Господи, милость Твоя на нас, якоже уповахом на Тя. Благословен еси Господи, научи нас оправданием Твоим; благословен еси Владыко, вразуми нас оправданием Твоим; благословен еси Святыи, просвети нас оправданием Твоим. Господи, милость Твои во веки, и дела руку Твою не презри. Тебе подобает хвала, Тебе подобает пение. Тебе слава подобает, Отцу и Сыну и Святому Духу, ныне и присно и во веки веком, аминь.

*Также ектения. И на стиховне стихеры, по уставу.*

*Также, молитва святаго Симеона Богоприимца:* Ныне отпущаеши раба Твоего Владыко, по глаголу Твоему с миром, яко видеста очи мои спасение Твое, еже еси уготовал пред лицем всех людей, свет во откровение языком, и славу людий Твоих Израиля.

*Также. Трисвятое, и по Отче наш.*

Исусова молитва.

Аминь.

*Тропарь по уставу. Посем ектения. И отпуст.*

*Аще ли есть пост, или егда поем Аллилуиа, глаголем тропари сия, глас 4.*

Богородице Дево, радуяся, обрадованная Марие, Господь с Тобою, благословена Ты в женах, и благословен плод чрева Твоего, яко родила еси Христа Спаса, Избавителя душам нашим (поклон земной).

Слава. Крестителю Христов, тебе молимся: всех нас помяни, да избавимся от беззаконии наших. Тебе бо дана бысть благодать, молитися за мы (поклон земной).

И ныне. Молите за ны святии апостоли, пророцы, и мученицы, и вси святии, да избавимся от бед и скорбей, вас бо теплыя представители ко Спасу вси стяжахом (поклон земной).

Также, богородичен. Под Твою милость прибегаем, Богородице Дево, молитв наших не презри в скорбех. Но от бед избави нас, едина Чистая и Благословеная (без поклона).

Господи помилуй (40), кротким и тихим гласом. Господи благослови.

Исусова молитва. Аминь.

Небесныи Царю, державу нашу укрепи, веру утверди, языки укроти, мір умири, и святыи храм сей добре сохрани, и прежде отшедшия, отцы и братию нашу, в кровех с праведными учини. И нас в православней вере и в покаянии Господи, приеми и помилуй, яко Благ и Человеколюбец.

Также, Господи помилуй, трижды.

Слава, и ныне.

Честнейшую херувим, и славнейшую воистину серафим, без истления Бога Слова рождьшую, сущую Богородицу Тя величаем (поклон земной).

Именем Господним благослови, отче.

За молитв святых отец наших, Господи Иисусе Христе, Сыне Божии, помилуй нас. Аминь.

И глаголем молитву святаго Ефрема Сирину, творя поклоны земные.

Господи и Владыко животу моему, дух уныния, небрежения, сребролюбия и празднословия, отжени от мене (поклон великий).

Дух же целомудрия, смирения, терпения и любве, даруй ми рабу Твоему (поклон великий).

Ей, Господи Царю, даждь ми зреши моя согрешения, и еже не осуждати брата моего, яко благословен еси во веки, аминь (поклон великий).

И прочих поклонов (12), глаголюще в себе: Господи Иисусе Христе, Сыне Божии, помилуй мя грешнаго (дважды с поклоны); Боже, милостив буди мне грешному (поклон). Боже, очисти грехи мои и помилуй мя (поклон). Создавши мя Господи, помилуй (поклон). Без числа согреших Господи, прости мя (поклон). И паки, скончав поклоны, глаголем молитву всю выше писаную: Господи и Владыко животу моему (поклон великий един).

И по сем, Трисвятое, и по Отче наш. Господи помилуй (12). Слава, и ныне. Господи помилуй (дважды), Господи благослови. *И отпуст седмичный.*

Господи помилуй (трижды). исходные поклоны.

## Полунощница повседневная

*По обычнем начале глаголем со умилением и сокрушением сердца:* За молитв святых отец наших, Господи Иисусе Христе Сыне Божии, помилуй нас. (поклон). Аминь.

Слава Тебе Боже наш, слава Тебе Всияческих ради. (трижды). Боже очисти мя грешнаго, яко николиже благо сотворих пред Тобою (поклон). Но избави мя от лукаваго, и да будет во мне воля Твоя (поклон). Да не осужденно отверзу уста моя недостойная, и восхвалю имя Твое святое, Отца и Сына, и Святаго Духа, ныне и присно, и во веки веком, аминь (поклон).

Царю небесныи, Утешителю, Душе истинныи, иже везде съи, и вся исполняя, сокровище благих, и жизни Подателю, прииди и вселися в ны, и очисти ны от всякия скверны, и спаси Блаже душа наша.

Святыи Боже, Святыи Крепкии, Святыи Безсмертныи, помилуй нас (трижды, и поклоны три). Слава Отцу и Сыну и Святому Духу, и ныне и присно, и во веки веком, аминь.

Пресвятая Троице помилуй нас. Господи очисти грехи наша. Владыко прости беззакония наша. Святыи посети, и исцели немощи наша имене Твоего ради.

Господи помилуй (трижды).

Слава Отцу и Сыну и Святому Духу, и ныне и присно, и во веки веком, аминь.

Отче наш, иже еси на небесех. Да святится имя Твое. Да приидет царствие Твое. Да будет воля твоя, яко на небеси и на земли. Хлеб наш насущныи, даждь нам днесъ. И остави нам долги наша, якоже и мы оставляем должником нашим. И не введи нас во искушение. Но избави нас от лукаваго.

Господи Иисусе Христе, Сыне Божии, помилуй нас. Аминь.

Господи помилуй (12).

*Посих, молитва:* От сна восстав, благодарю тя Всесвятая Троице, яко многия ради благости и долготерпения, не прогневаясь на мя грешнаго, и лениваго раба твоего, и не погубил еси мене со беззаконии моими, но человеколюбства. И в

нечаянии лежаща воздвиже мя, утреневати и славословити державу Твою непобедимую. И ныне Владыко Боже пресвятыи, просвети очи сердца моего. И отверзи ми устне поучатися словесем Твоим, и разумети заповеди Твоя, и творити волю Твою, и пети Тя во исповедании сердечнем. Воспевати же и славити пречестное и великолепное имя Твое, Отца и Сына и Святаго Духа, ныне и присно и во веки веком, аминь.

Приидите поклонимся Цареви нашему Богу (поклон).

Приидите поклонимся Христу, Цареви и Богу нашему (поклон).

Приидите поклонимся и припадем к Самому Господу Иисусу Христу, Цареви и Богу нашему (поклон). *Таже, Псалом 50. Помилуй мя Боже. Таже, кафисма 17.*

**Аллилуия, псалом 118.**

Блажени непорочнии в путь, ходящии в законе Господни. Блажени испытывающие свидения Его, всем сердцем взыщут Его. Неделающии бо беззакония в путех Его ходиша. Ты заповеда заповеди Твоя сохранити зело. Еда исправилися быша путь мои, сохранити оправдания Твоя. Тогда не постыжуся, егда призрю на вся заповеди Твоя. Исповемся Тебе в правости сердца, внегда научитимся судам правды Твоей. Оправдания Твоя сохраню, не остави мене до зела. В чесом исправит юныи путь свой, внегда сохранити словеса Твоя. Всем сердцем моим взысках Тебе, не отрини мене от заповедей Твоих. В сердцы моем скрых словеса Твоя, да не согрешу Тебе. Благословен еси Господи, научи мя оправданием Твоим. Устнама моима возвестих вся судьбы уст Твоих. На пути свидении Твоих насладихся, яко о всяком богатстве. В заповедех Твоих поглумлюся, и разумею пути Твоя. Во оправданиях Твоих поучуся, не забуду словес Твоих. Воздаждь рабу Твоему, живи мя, и сохраню словеса Твоя. Открый очи мои, и разумею чудеса от закона Твоего. Пришлец аз есмъ на земли, не скрый от мене заповеди Твоя. Возлюби душа моя вожделети судьбы Твоя на всяко время. Запретил еси гордым, прокляти уклоняющимся от заповедей Твоих. Отъими от мене понос и унижение, яко свидении Твоих взысках. Ибо седоша князи, и на мя клеветаху, раб же Твой глумляшеся во оправданиях Твоих. Ибо свидения Твоя поучение мое есть, и совети мои оправдания Твоя. Прильпе земли душа моя, живи мя по словеси Твоему. Пути моя исповедах, и услыша мя, научи мя оправданием Твоим. Пути оправданий Твоих вразуми мя, и поглумлюся в чудесех Твоих. Воздрема душа моя от уныния, утверди мя в словесех Твоих. Путь неправды отстави от мене, и законом Твоим помилуй мя. Путь истинныи изволих, и судьбы Твоя не забых. Прилепихся свидении Твоих, Господи не посрами мене. Путь заповедей Твоих текох, егда разширил еси сердце мое. Законоположи мне Господи, путь оправданий Твоих, и взыщу и выну. Вразуми мя, и испытав закон Твой, и сохраню и всем сердцем моим. Настави мя на путь заповедей Твоих, яко той восхотех. Приклони сердце мое во свидения Твоя, а не в лихоимство. Отврати очи мои не видети суеты, в пути Твоем живи мя. Постави рабу Твоему слово Твое в страх Твой. Отъими поношение мое, еже непщевах, яко будьбы Твоя благи. Се вожделех заповеди Твоя, в правде Твоей живи мя. И да придет на мя милость Твоя Господи, спасение Твое по словеси Твоему. И отвешаю поношающим ми слово, яко уповах на словеса Твоя. И не отъими от уст моих словесе истинна до зела, яко

на судьбы Твоя уповах. И сохраню закон Твой всегда: в век и в век века. И хождах в широте, яко заповеди Твоя взысках. И глаголах о свидениих Твоих пред цари и не стыдяхся. И поучахся в заповедех Твоих, их же возлюбих зело. И воздвигох руце мои к заповедем Твоим их же возлюбих, и глумляхся во оправданиях Твоих. Помяни словес Твоих рабу Твоему, их же упование дал ми еси. То мя утеши во смирении моем, яко слово Твое живи мя. Гордии законопреступноваху зело, от закона же Твоего не уклонихся. Помянух судьбы Твоя от века Господи, и утешихся. Печаль прият мя от грешник, оставляющих закон Твой. Пета бяху мне оправдания Твоя, на месте пришельства моего. Помянух в нощи имя Твое Господи, и сохраних закон Твой. Си бысть мне, яко оправдании Твоих взысках. Часть моя еси Господи, рех: сохранити закон Твой. Помолихся лицу Твоему всем сердцем моим, помилуй мя по словеси Твоему. Помыслих пути Твоя, и возвратих нозе мои, во свидения Твоя. Уготовихся и не смутихся сохранити заповеди Твоя. Южа грешник обязашася мне, и закона Твоего не забых. Полunoщи востах, исповедатися Тебе на судьбы правды Твоей. Прчастник аз есмь всем боящимся Тебе, и хранящим заповеди Твоя. Милости Твоей Господи, исполнь земля, оправданием Твоим научи мя. Благость сотворил еси с рабом Твоим Господи, по словеси Твоему. Благости и наказанию и разуму научи мя, яко заповедем Твоим веровах. Прежде даже не смирихся, аз пргреших, сего ради слово Твое сохраних. Благ еси Ты Господи, и благостию Твою научи мя оправданием Твоим. Умножися на мя неправда гордых, аз же всем сердцем моим испытаю заповеди Твоя. Усырися яко млеко сердце их, аз же закону Твоему поучихся. Благо мне, яко смирил мя еси, да научуся оправданием Твоим. Благ мне закон уст Твоих, паче тысячи злата и сребра.

Слава, и ныне. Аллилуия, Аллилуия, слава Тебе Боже (трижды). Господи помилуй (трижды). Слава, и ныне.

Руце Твои сотвористе мя, и создасте мя, вразуми мя, и испытаю заповеди Твоя. Боящийся Тебе узрят мя и возвеселятся, яко на словеса Твоя уповах. Разумех Господи, яко правда повеления Твоя, и воистину смирил мя еси. Буди же милость Твоя, да утешит мя по словеси Твоему раба Твоего. Да приидут мне щедроты Твоя и жив буду, яко закон Твой поучение мое есть. Да постыдятся гордии, яко без правды беззаконноваша на мя, аз же поучуся в заповедех Твоих. Да обратят мя боящиися Тебе, и ведящии свидения Твоя. Буди сердце мое непорочно во оправданиях Твоих, яко да ся не постыжу. Исчезает во спасение Твое душа моя, в слово Твое уповах. Исчезоша очи мои в слово Твое глаголюще, когда утешиши мя; Яко бых яко мех на слане, оправданием Твоих не забых. Колико есть дний раба Твоего, когда сотвориши от гонящих мя суд; Поведаша мне законопреступницы глумления, но не яко закон Твой, Господи. Вся заповеди Твоя истина, без правды погнаша мя помози ми. Мала нескончаша мене на земли, аз же не оставил заповеди Твоя. По милости Твоей живи мя, и сохраню свидения уст Твоих. Во веки Господи, слово Твое пребывает на небеси. В род и род истина Твоя. Основал еси землю и пребывает. Учинением Твоим пребывает день, яко всяческая работна Тебе. Яко аще не закон Твой поучение мое есть, тогда убо погибл бых во смирении моем. Во веки не забуду оправданием Твоих, яко в них живил мя еси.

Твой есмь аз спаси мя, яко оправдании Твоих взысках. Мене ждаша грешницы, погубити мя. Свидения Твоя разумех. Всякия кончины видех конец, широка заповедь Твоя зело. Коль возлюбих закон Твой Господи, весь день поучение мое есть. Паче враг моих умудрил мя еси заповедию Твоему, яко в век моя есть. Паче всех учащих мя разумех, яко свидения Твоя поучение мое есть. Паче старец разумех, яко заповеди Твоя взысках. От всякаго пути лукава, возбраних ногам моим, яко да сохраню словеса Твоя. От судеб Твоих не удалихся, яко Ты законоположил ми еси. Коль сладка гортани моему словеса Твоя; паче меда устом моим. От заповедей Твоих разумех, сего ради возненавидех всяк путь неправды. Светильник ногам моим закон Твой, и свет стезям моим. Кляхся и поставих, сохранити судьбы правды Твоей. Смирихся до зела Господи, живи мя по словеси Твоему. Вольная уст моих благоволи же Господи, и судьбам Твоим научи мя. Душа моя в руку Твою выну, и закона Твоего не забых. Положиша грешницы сеть мне, и от заповедей Твоих не заблудих. Наследовах свидения Твоя в век, яко радование сердца моего суть. Обратих сердце мое сотворити оправдания Твоя, в век за воздаяние. Законопреступныя возненавидех, закон же Твой возлюбих. Помощник мой и заступник мой еси Ты, на словеса Твоя уповах. Уклонитеся от мене лукавнующии, и испытаю заповеди Бога моего. Заступи мя по словеси Твоему, и жив буду, и не посрами мене от чаяния моего. Помози ми и спасуся, и поучуся во оправданиях Твоих выну. Уничижил еси вся отступающие от оправданий Твоих, яко неправедно помышление их. Преступающие непещевах вся грешныя земли, сего ради возлюбих свидения Твоя. Пригвозди от страха Твоего плоти моя, от судеб бо Твоих убояхся. Створих суд и правду, не предаждь мене обидящим мя. Восприими раба Твоего во благо, да не оклеветают мене гордии. Очи мои исчезосте во спасение Твое, и в слово правды Твоей. Створи с рабом Твоим по милости Твой, и судьбам Твоим научи мя. Раб Твой есмь аз, вразуми мя, и научуся свидением Твоим. Время сотворити Господеви, разориша закон Твой. Сего ради возлюбих заповеди Твоя, паче злата и топазия. Сего ради ко всем заповедем Твоим направляхся, всяк путь неправды возненавидех. Дивна свидения Твоя, сего ради испытает я душа моя. Явление словес Твоих просвещает и вразумляет младенца. Уста моя отверзох и превлекох дух, яко заповеди Твоя желах.

Слава, и ныне. Аллилуия, Аллилуия, слава Тебе Боже (трижды). Господи помилуй (трижды). Слава, и ныне.

Призри на мя и помилуй мя, по суду любящих имя Твое. Стопы моя направи по словеси Твоему, и да не одолеет ми всяко беззаконие. Избави мя от клеветы человеческия, и сохраню заповеди Твоя. Лице Твое просвети на раба Твоего, и научи мя оправданием Твоим. Исходища водная изведосте очи мои, понеже не сохраних закон Твой. Праведен еси Господи, и прави суди Твои. Заповеда правду свидения Твоя, и истину зело. Истаяла мя есть жалость Твоя, яко забыша словеса Твоя врази мои. Разжжено слово Твое зело, и раб Твой возлюби е. Юноша аз есмь и уничижен, оправданий Твоих не забых. Правда Твоя правда в век, и закон Твой истина. Скорби и нужды обретоша мя, заповеди Твоя поучение мое. Правда свидения Твоя в век, вразуми мя и жив буду. Возвах всем сердцем моим, услыши

мя Господи, оправдании Твоих взыщу. Возвах Ти, спаси мя и сохраню свидения Твоя. Предварих в безгодии и возвах, на словеса Твоя уповах. Предваристе очи мои ко утру, поучитися словесем Твоим. Глас мой услыши Господи, по милости Твой и по судбе Твой живи мя. Приближиша гонящии мя беззаконие, от закона же Твоего удалишася. Близ еси Ты Господи, и вси путье Твои истина. Исперва познах от свидении Твоих, яко в век основал я еси. Виждь смиление мое, и изми мя, яко закона Твоего не забых. Суди суд мой, и избави мя, по словеси Твоему живи мя. Далече от грешник спасение, яко оправдании Твоих не взыскаша. Щедроты Твоя многи Господи, по судбе Твой живи мя. Мнози изгоняущии мя и стужающие ми, от свидении Твоих не уклонихся. Видех неразумевающая, и истаях, яко словес Твоих не сохраниша. Виждь, яко заповеди Твоя возлюбих Господи, по милости Твой живи мя. Начало словес Твоих истина, и в век вся судьбы правды Твоей. Князи погнаша мя туне, и от словес Твоих устрашился сердце мое. Возрадуюся аз о словесех Твоих, яко обретаяи корысть многу. Неправду возненавидех, и омерзе ми, закон же Твой возлюбих. Седмицею днем хвалих Тя, о судьбах правды Твоей. Мир мног любящим закон Твой, и несть им соблазны. Чаях спасение Твое Господи, и заповеди Твоя возлюбих. Сохрани душа моя свидения Твоя, и возлюби я зело. Сохраних заповеди Твоя, и свидения Твоя, яко вси путье мои пред Тобою, Господи. Да приближится молитва моя пред Тя Господи, по словеси Твоему вразуми мя. Да внидет прощение мое перед Тя Господи, по словеси Твоему избави мя. Отрыгнут устне мои пение, егда научиши мя оправданием Твоим. Провещает язык мой словеса Твоя, яко вся заповеди Твоя правда. Буди рука Твоя спаси мя, яко заповеди Твоя изволих. Вожделех спасение Твое Господи, и закон Твой поучение мое есть. Жива будет душа моя и восхвалит Тя, и судьбы Твоя помогут мне. Заблудих, яко овча погибшее, взыщи раба Твоего, яко заповеди Твоя не забых.

Слава, и ныне, без Аллилуйи.

Также, исповедание православных веры. Верую во единаго Бога. Трисвятое. И по Отче наш.

#### Тропари сия, глас 8:

Се Жених грядет в полуночи, и блажен раб, его же обрящет бдяща. Недостоин же паки, его же обрящет ленящаяся. Блюди убо душе моя, да не сном отяготишися и да не смерти предана будеши, и царствия вне затворишися, но воспряни зовущи: свят, свят, свят еси, Боже, Богородицы ради, помилуй нас.

Слава. День он страшныи помышляющи, душе моя побди, вжигающи свещу свою, и маслом просвещашающи, не веси бо когда приидет к тебе глас глаголующий: се Жених. Блюди убо, душе моя, да не воздремлеши, и пребудеши вне толкущи, яко пять дев; но бодрено побди, яко да усрещеши Христа милостива, и даст ти чертог божественныя славы Своей.

И ныне. Тебе необоримую стену имуще вернии, и спасения утвержение, Богородице Дево молим: сопротивных советы разори и людей Своих печаль на радость преложи. Мир Свой умири и православных утверди, и о смирении мира молися, яко Ты еси Богородице, упование наше. Господи помилуй (40).

*Также молитва Великаго Василия:* Иже на всяко время, и на всяк час, на небеси и на земли, покланяемыи и славимыи, Боже Благии, долготерпеливе и много-милостиве; Иже праведники любя и грешных милуя; Иже всех зовыи ко спасению, обещания ради будущих благ; сам Господи, приими молитвы наша в час сий, и в благости исправи живот наш, к заповедем Твоим. Душа наша освяти, и телеса очисти, помышления исправи, и мысли очисти, разум уцеломудри и истрезви, и избави нас от всякия скорби, зол и болезней, и душевных страстей, и огради нас святыми ангелы Твоими, яко да ополчением их соблюдаеми и наставляеми, достигнем во единство веры, и в разум неприкосновенныя Ти славы, яко благословен еси во веки, аминь.

Также, Господи помилуй (трижды). Слава, и ныне.

Честнейшую херувим, и славнейшую воистину серафим, без истлении Бога Слова рождьшую, сущую Богородицу Тя величаем (поклон). Именем Господним благослови, отче. За молитв святых отец наших, Господи Иисусе Христе, Сыне Божии, помилуй нас. Аминь.

*Аще есть пост, или кроме поста, егда поем Аллилуия, и творим три поклоны великия, глаголюще молитву святаго Ефрема.* Господи и Владыко животу моему, дух уныния, небрежения, сребролюбия и празднословия, отжени от мене (поклон). Дух же целомудрия, смирения, терпения и любве, даруй ми рабу Твоему (поклон). Ей, Господи Царю, дажь ми зреши моя согрешения, и еже не осуждати брата моего, яко благословен еси во веки, аминь (поклон).

*И прочих поклонов 12, глаголюще в себе:* Господи Иисусе Христе, Сыне Божии, помилуй мя грешнаго (дважды с поклонами).

Боже, милостив буди мне грешному (поклон).

Боже, очисти грехи мои и помилуй мя (поклон).

Создавши мя Господи, помилуй (поклон).

Без числа согреших Господи, прости мя (поклон).

*И паки скончав поклоны, глаголем молитву всю выше писаную:* Господи, и Владыко животу моему... И поклон един.

И по изглаголании молитвы, или по Честнейшую херувим, глаголем сию молитву Великаго Василия: Владыко Боже, Отче Вседержителю, и Господи Сыне Единородныи Иисусе Христе, и Святыи Душе, едино Божество, и едина сила, помилуй мя грешнаго, и ими же веси судьбами, спаси мя недостойнаго раба Твоего, яко благословен еси во веки, аминь.

Также, Приидите, поклонимся (трижды). И поклоны три.

### Псалом 120.

Возведох очи мои в горы, отнюдуже приидет помощь моя. Помощь моя от Господа, сотворшаго небо и землю. Не дажь во смятение ноги твои, ниже воздримлет храняи тя. Се не воздремлет, ни уснет храняи Израиля. Господь сохранит тя, Господь покров Твой на руку десную твою. Во дни солнце не ожжет тебе, ни луна нощию, Господь сохранит тя от всякаго зла, сохранит душу твою Господь. Господь сохранит вхождение твое, и исходжение твое от ныне и до века.

**Псалом 133.**

Се ныне благословите Господа все раби Господни, стоящии в храме Господни, во дворех дому Бога нашего. В нощех воздежите руки ваша во святая, и благословите Господа. Благословит тя Господь от Сиона, сотворивши небо и землю.

Слава, и ныне. Трисвятое, и поклоны три. По Отче наш, тропари сия: Помяни Господи, яко благ, рабы Своя, и елика в житии сем согрешиша, прости. Никтоже бо без греха, токмо Ты могии преставленым дати покой. Иже глубинами мудрости, человеколюбие вся строя, и еже на пользу всем подавая, едине Содетелю, покой Господи, душа усопших раб Своих, на Тя бо упование возложиша, Творца и Зиждителя и Бога нашего.

Слава. Со святыми покой, Христе, душа раб Своих, идеже несть болезни, ни печали, ни вздохания, но жизнь вечная.

И ныне, богородичен: Блажим, Тя вси роди, Богородице Дево, в Тя бо невместимыи Христос Бог наш, вместитися изволи, блажени есмы и мы помощницу Тя имуще, день бо и нощь молишися о нас, и державы царствия Твоими молитвами утверждаются. Тем благодаряще вопием Ти: радуйся, Обрадованная, Господь с Тобою.

**Господи помилуй (12).**

Также, молитву сию: Помяни Господи, иже в надежи воскресения, и жизни вечные, усопшия отцы и братию нашу, и всех иже во благочестивей вере скончавшихся, и прости им всяко согрешение, вольное же и невольное, словом и делом, и помышлением согрешенное ими и всели их в места светла, в места прохладна, в места покойна, отнюдуже отбеже всяка болезнь, и печаль и вздохание, идеже присещает свет лица Твоего, и веселит вся иже от века святыя Твоя. И даруй им царствие Твое, и причастие неизреченных и вечных Твоих благ, и Твоего безконечныя, и блаженныя жизни наслаждение. Ты бо еси воскресение и живот и покой усопшим рабом Твоим, Христе Боже наш, и Тебе славу возсылаем, со безначальным Ти Отцем, и с Пресвятым и Благим и Животворящим Ти Духом, ныне и присно и во веки веком, аминь.

Также, Слава, и ныне. Господи помилуй (дважды). Господи благослови.

И отпуст: Господи Иисусе Христе, Сыне Божии, молитв ради Пречистыя Твоей Матере, преподобных и богоносных отец наших и всех ради святых, помилуй и спаси нас, яко Благ и Человеколюбец, аминь.

И прощение: Ослаби, остави, отпусти Боже, согрешения наша, вольная и невольная, яже в слове и в деле, и яже в ведении и не в ведении, яже во уме и в помышлении, яже во дни в нощи, вся ми прости, яко Благ и Человеколюбец, аминь.

И молитва с поклонами: Ненавидящих и обидающих нас прости, Господи Человеколюбче. Благоворяющим благо сотвори, братиям и всем сродником нашим, иже и уединившимся, даруй им вся, яже ко спасению прощения и живот вечный (поклон).

В болезнях сущия посети и исцели, в темницах сущия свободи, по водам плавающим Правитель буди и иже в путех шествующим исправи и поспеши (поклон).

Помяни Господи, и плененные братию нашу, единоверных православных веры, и избави их всякаго злого обстояния (поклон).

Помилуй Господи, давших нам милостыню и заповедавших нам, недостойным, молитися о них, прости их и помилуй (поклон).

Помяни Господи, прежде отшедшия отцы и братию нашу и всели их, идеже присещает свет лица Твоего (поклон).

Помяни Господи, и нашу худость и убожество, и просвети наш ум светом разума святаго Евангелия Твоего, и настави нас на стезю заповедей Твоих, молитвами Пречистыя Твоей Матере и всех святых Твоих, аминь (поклон).

Господи помилуй (трижды),  
и обычные исходные поклоны.

---

